

Holy Bible

Aionian Edition®

भटियाली नोआ नियम
Bhattiyali Bible

Holy Bible Aionian Edition ®

भट्टियाली नोआ नियम
Bhattiyali Bible

CC Attribution ShareAlike 4.0, 2018-2024

Source text: eBible.org

Source version: 7/12/2024

Source copyright: CC Attribution ShareAlike 4.0
The Love Fellowship, 2022

Formatted by Speedata Publisher 4.19.18 (Pro) on 7/19/2024

100% Free to Copy and Print

TOR Anonymously

AionianBible.org

Published by Nainoia Inc

<https://Nainoia-Inc.signedon.net>

We pray for a modern public domain translation in every language
Report content and format concerns to Nainoia Inc
Volunteer help is welcome and appreciated!

Celebrate Jesus Christ's victory of grace!

Preface

भटियाली at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by-nd/4.0, allowing 100% freedom to copy and print, if respecting source copyrights. Check the Reader's Guide and read online at AionianBible.org, with Android, and TOR network. Why purple? King Jesus' Word is royal... and purple is the color of royalty!

History

भटियाली at AionianBible.org/History

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.

Table of Contents

NEW TESTAMENT

मती	1
मरकुस	27
लूका	46
यूहन्ना	74
प्रेरितां दे कम्म	95
रोमियो	123
1 कुरिन्थियो	136
2 कुरिन्थियो	150
गलातियो	158
इफिसियो	163
फिलिप्पियो	168
कुलुस्सियो	171
1 थिस्सलुनीकियो	174
2 थिस्सलुनीकियो	177
1 तीमुथियुस	179
2 तीमुथियुस	183
तीतुस	186
फिलेमोन	188
इब्रानिया	189
याकूब	199
1 पतरस	202
2 पतरस	207
1 यूहन्ना	210
2 यूहन्ना	214
3 यूहन्ना	215
यहूदा	216
प्रकाशितवाक्य	218

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



तालू यीशुऐ बोलया, “हे पिता, इना जो माफ कर, क्योकि ऐ जाणदे नी न की ऐ क्या करा दे न?”
कने उना पर्चियां पाई करी उदे कपडे बंडी ले।
लूका 23:34

मती

1 ऐ यीशु मसीह दे पूर्वजां दे ना दी सूची है, सै राजा दाऊद दा बंशज था, जड़ा अब्राहम दा बंशज था। 2 अब्राहम ला इसहाक पैदा होया, इसहाक ला याकूब पैदा होया, कने याकूब ला यहूदा कने उदे भाई पैदा होये। 3 यहूदा कने तामार ला पेरस कने जेरह पैदा होया, कने पेरस ला हिस्त्रोने पैदा होया, कने हिस्त्रोने ला एराम पैदा होया। 4 एराम ला अम्मीनादाब पैदा होया, कने अम्मीनादाब ला नहशोन, कने नहशोन ला सलमोन पैदा होया। 5 सलमोन कने राहब ला बोअज पैदा होया, कने बोअज कने स्त ला ओबेद पैदा होया, कने ओबेद ला यिशै पैदा होया। 6 कने यिशै ला दाऊद राजा पैदा होया। कने दाऊदे ला सुलैमान, सै उसा जनानिया ला पैदा होया जडी पेहले ऊरिय्याह दी घरे बाली थी। 7 सुलैमान ला रहबाम पैदा होया, कने रहबाम ला अबिय्याह पैदा होया, कने अबिय्याह ला आसा पैदा होया। 8 आसा ला यहोशाफात पैदा होया, कने यहोशाफात ला योराम पैदा होया, कने योराम ला उज्जियाह पैदा होया। 9 उज्जियाह ला योताम पैदा होया, योताम ला आहाज पैदा होया, कने आहाज ला हिजकिय्याह पैदा होया। 10 हिजकिय्याह ला मनश्शे पैदा होया, मनश्शे ला आमोन पैदा होया, कने आमोने ला योशिय्याह पैदा होया। 11 योशिय्याह ला यकुन्याह, कने उदे भाई पैदा होये। यकुन्याह कने उदे भाई इस्राएलियां जो कैदी बणाई करी बाबेल देशे जो लेई जाणे ला पेहले पैदा होये थे। 12 कैदी होईकरी बाबेल पुजाणे बाद यकुन्याहे ला शालतियल पैदा होया, कने शालतियल ला जरूबाबेल पैदा होया। 13 जरूबाबेल ला अबीहद पैदा होया, अबीहद ला एलयाकीम पैदा होया, एलयाकीम ला अजोर पैदा होया। 14 अजोर ला सादोक पैदा होया, सादोके ला अखीम पैदा होया, कने अखीम ला एलीहद पैदा होया। 15 एलीहद ला एलीआजार पैदा होया, एलीआजार ला मतान पैदा होया, कने मताने ला याकूब पैदा होया। 16 याकूब ला यूसुफ पैदा होया, जड़ा मरियम दा घरेबाला था, कने मरियम ला यीशु पैदा होया जिसयो मसीह बोलंदे ना। 17 अब्राहम ला लेईकरी दाऊदे दीकर सारियां चौदा पीढियां होईयां, राजा दाऊदे ला बेबीलोन जो कैदी बणाई करी पुजाणे दीकर चौदा पीढियां, कने कैदी बणी करी बाबेल पुजाणे दे बकते ला लेईकरी मसीह दीकर चौदा पीढियां होईयां। 18 यीशु मसीह दा जन्म होणे ला पेहले इयां होया, कि जालू उदी माता मरियम दी मंगणी यूसुफे सोगी होई गई, तां उना दा बियाह होणे ला पेहले ही सै पबित्र आत्मा दिया शक्तिया ला गर्भबती होई गई। 19 उसा दा होणेबाला घरेबाला यूसुफ बड़ा ही धर्मी था, कने उसा जो बदनाम नी करणा चांदा था, इस तांई उनी उसा जो डोल करी छडी देणे दे बारे च मने च सोचया। 20 जालू सै इना गल्लां दे बारे च सोचा दा था, तालू प्रभु दे स्वर्गदूते उदे सुपने च आई करी बोलया, “हे यूसुफ! राजा दाऊदे दे बंशज, तू मरियम जो अपणी घरे बाली बणाणे ला मत डर क्योकि जड़ा उसा दे पेटे च है, सै पबित्र आत्मा दिया शक्तिया ने है। 21 कने उना इक जागत जमणा है, कने तू उदा ना यीशु रखयां, क्योकि उनी अपने लोकां जो उना दे पापां ला छुटकारा

देणा है।” 22 ऐ सारा कुछ इस तांई होया कि जड़ा बचन परमेश्वरे दा संदेश देणेबाले यशायाह बोलया था, सै पूरा होऐ, 23 “दिख, इकी कुआरिया गर्भबती होणा कने उना इक जागत जमणा है, कने उदा ना इमानुएल रखणा है,” जिसदा मतलब ऐ है, की परमेश्वर साडे सोगी है। 24 तालू यूसुफ निद्रा ला उठया, कने जियां स्वर्गदूते उसयो बोलया था, उनी मरियम ने बियाह किता, कने उसा जो अपने घरे लेई आया। 25 जालू दीकर उना पुत्र नी जमया तालू दीकर उनी उसा ने कोई वैवाहिक संबंध नी रखया: कने यूसुफे उदा ना यीशु रखया।

2 जालू राजा हेरोदेस यहूदिया प्रदेश च शासन करा दा था, तालू यीशु दा जन्म उस प्रदेश दे बैतलहम शेहरे च होया। तालू तारयां दा ज्ञान रखणेबाले केई ज्योतिषी पूर्व दिशा ला यरूशलेम शेहरे च आई करी पछणा लग्गे, 2 “कि सै बच्चा कुथु है? जड़ा यहूदियां दा राजा बणने तांई पैदा होया है। क्योकि असां पूर्व दिशा च उदे जन्म दे बारे च दसणे बाला तारा दिखया है, कने उसयो नमस्ते करणा आयो ना।” 3 हेरोदेस राजा यहूदियां दे राजे दे जन्म दे बारे च सुणीकरी डरी गया। कने मते सारे यरूशलेम शेहरे दे बासी भी डरी गे। 4 कने तालू उनी लोकां दे सारे बड़े याजकां कने व्यवस्था जो सिखाणे बालयां जो सदया कने उना ला पुछया, कि मसीह दा जन्म कुथु होणा है? 5 उना राजा हेरोदेस जो बोलया, कि मसीह दा जन्म यहूदिया प्रदेश दे बैतलहम शेहरे च होणा है। क्योकि परमेश्वरे दा संदेश देणेबालयां इयां ही लिखया है: 6 “हे यहूदिया प्रदेश दे बैतलहम शेहरे दे लोको, तू कुसी भी तरीके ला यहूदा दे अधिकारियां चे सबते छोटा नी है; क्योकि तिजो चे इक माणू निकलना है, जिनी मेरी प्रजा इस्राएले दी रखबाली करणी है।” 7 तालू राजा हेरोदेसे ज्योतिषियां जो डोल करी सदीकरी उना ला पुछया, कि तारा कुस बेले दिखया था, क्योकि राजा उस बच्चे दी उम्र जाणना चांदा था। 8 कने उनी उना जो ऐ बोली करी बैतलहम शेहरे च भेजया, “जा” कने उस बच्चे दे बारे च ठीक ढंगे ने पता करा, कने जालू सै मिली जांगा तां मिंजो खबर भेजयो ताकि मै भी उसयो नमस्ते करे। 9 सै राजे दी गल्ल सुणीकरी चली गे, कने जड़ा तारा उना पूर्व दिशा च दिखया था, सै तारा उना दे अग्गे-अग्गे चलया, कने उस घरे उपर स्की गया, जिथू सै बच्चा था। 10 कने सै उस तारे जो दिखीकरी बड़े खुश होये। 11 कने उस घरे जाई करी उस बच्चे जो कने उदिया माता मरियम जो सोगी दिखया, कने झुकी करी बच्चे जो नमस्ते किता, कने अपना-अपणा शैला खोली करी उसयो सोना, कने लोबान, कने गंधरस दी भेंट चढाई। 12 कने उना जो सुपने च परमेश्वरे ला चेतावनी मिल्ली कि राजा हेरोदेस बाल मुडी करी मत जांदे, कने ज्योतिषियां हेरोदेस जो खबर नी दिती कने होर रस्ते ला होईकरी अपने देशे जो चली गे। 13 उना दे जाणे बाद दिखा, प्रभु दे इकी स्वर्गदूते यूसुफे दे सुपने च आई करी बोलया, “उठ! कने उस बच्चे जो कने उदिया माता जो लेईकरी मिस्र देशे जो चली जा; कने जालू दीकर मै तिजो नी बोलगा तालू दीकर ओथु ही रियां, क्योकि राजा हेरोदेस इस बच्चे जो तोपा दा है, ताकि उसयो मारी दे।” 14 कने सै तालू ही राती उठी करी बच्चे जो कने उदिया माता जो लेईकरी मिस्र देशे जो चली

गिया। 15 कने राजा हेरोदेस दे मरणे दीकर सै ओथु ही रिया। इस ताई कि सै बचन पूरा हो जडा परमेश्वरे दा संदेश देणेबाले होशे बडा पहले बोलया था: “कि मै अपने पुजे जो मिस्र देश ला सदया।” 16 जालू हेरोदेस जो पता लग्गा कि ज्योतिषियां मिंजो धोखा दिता है। तालू उसयो बडा गुस्सा आया, कने उनी सिपाईयां जो भेजी करी ज्योतिषियां दे ठीक-ठीक दसयो बकते दे मुताविक बैतलहम शेहरे च कने उस दे अखे-बखे दे सारे बचयां जो जडे दो सालां दे या उसला भी लोके थे, सै सारे मारवाई दिते। 17 तालू जडा बचन परमेश्वरे दा संदेश देणेबाले यिर्मयाह दे जरिये बोलया गिया था, सै पूरा होई गिया 18 “रामाह शेहर च लोकां जो कुसकी दी बडे जोरे ला रोणे दी अबाज सुणोया दी थी, राहेल अपने बचयां ताई रोआ दी थी; कने चुप नी होणा चांहदी थी, क्योकि सै हुण मरी गियो थे।” 19 यूसुफ मरियम कने बच्चा यीशु हल्ले दीकर मिस्र देशे च ही थे। राजा हेरोदेस दे मरणे बाद तां प्रभु दे स्वर्गदूते यूसुफे दे सुपने च आई करी बोलया, 20 “उठ, कने बच्चे कने उदिया माता मरियम जो लेईकरी इस्त्राएल देशे जो चली जा, क्योकि राजा हेरोदेस कने सै लोक जडे बच्चे जो मारणा चांदे थे, सै सब मरी गियो न।” 21 सै उठया, कने बच्चे कने उदिया माता जो लेईकरी मिस्र देशे ला इस्त्राएल देशे जो बापिस आई गिया। 22 पर जालू यूसुफे ऐ सुणया कि अरखिलास अपने पिता राजा हेरोदेस दिया जगा पर यहदिया प्रदेश च राज करा दा है, तां सै ओथु जाणे ला डरया, कने उसयो परमेश्वरे सुपने च चेतावनी दिती, कने सै गलील प्रदेशे जो चली गिया। 23 कने यूसुफ नासरत नाए दे इक गांए च जाई बसया, ताकि सै बचन पूरा हो, जडा परमेश्वरे दा संदेश देणेबालयां यीशु दे बारे च बोलया था: “कि यीशु मसीह जडा नासरत ला है कने इसी नाए ने जाणया जाणा।”

3 उना दिना च यूहन्ना बपतिस्मा देणेबाला यहदिया प्रदेश दी इक सुनसान जगा च आई करी ये प्रचार करदा था कि: 2 अपने पापां जो मनी लिया कने गलत कम्मा जो छडी दिया, क्योकि स्वर्ग दा राज्य नेडे ओआ दा है। 3 ऐ सै ही है, जिदी चर्चा परमेश्वरे दा संदेश देणेबाले यशायाह किती थी, “सुनसान जगा ला इक हक्का पांणे बाले दी अबाज सुणाआ दी है, परमेश्वरे ओणे ताई, अपने आपे जो तैयार करा, कने अपने मने दी सोच समझा जो खरा रखा, उनी ओणा है।” 4 यूहन्ना ऊंटे दे बालां दे बणयो कपडे पांदा था, कने अपने लके च चमड़े दा पटा बनदा था, कने टिट्टे कने मखिर खांदा था। 5 तालू यरूशलेम शहरे दे कने सारे यहदिया प्रदेशे दे, कने यरदन खड्डा दे अखे-बखे दे सारे इलाके दे लोक उदे बाल आये। 6 कने उना लोकां अपने पापां जो मनया, कने यूहन्ना उना सारयां जो यरदन खड्डा च बपतिस्मा दिता। 7 कने जालू उनी मते फरीसियां कने सद्दूकियां जो बपतिस्मा लेणे ताई अपने बाल ओंदा दिखया, तां उनी उना जो बोलया, तुसां लोक जहरीले सांपा सांई बुरे न, तुहाडा ऐ सोचणा गलत है, कि सिर्फ तुसां बपतिस्मा लेणे ने अपने पापां दी सजा ला बची जाणा जडी परमेश्वरे तुसां जो देणी है। 8 इस ताई अपने पापां जो मनी करी बुरे कम्मा जो छडी करी अपने पञ्चाताप जो साबित करा। 9 कने अपने-अपने मना च ऐ मत सोचा, कि साडा पिता

अब्राहम है; क्योकि मै तुहांजो बोला दा है, कि परमेश्वर इना पथरां ला भी अब्राहमे ताई ओलाद पैदा करी सकदा है। 10 कने हुण कुहाडी सखां दिया जडा च रखियो है, इस ताई की जडा-जडा सख खरा फल नी दिगा, सै बढी करी अग्गी च फुकी देणा है। 11 “तुसां पापां दा पञ्चाताप करिके मन बदला, इस ताई मै तुहांजो पाणियो ने बपतिस्मा दिन्दा है, पर जडा मेरे बाद ओणे बाला है, सै मिंजो ला भी शक्तिशाली है; मै तां उदे जुते चुकणे जोगा भी नी है, उनी तुहांजो पबित्र आत्मा कने अग्गी ने बपतिस्मा देणा है। 12 उदा सूप उदे हथे च है, कने उनी अपणी कणक गांणे बाली जगा ढंगे ने साफ करणी, कने कणक पेडुआं च गटेरी रखणी, पर भूऐ जो उसा अग्गी च फुकणा जडी कदी बुझदी ही नी।” 13 उस बेले यीशु गलील प्रदेशे दिया यरदन खड्डा कंडे पर यूहन्ना बाल उसला बपतिस्मा लेणे ताई आया। 14 पर यूहन्ना उसयो ऐ बोली करी रोकणा लग्गा, कि मिंजो तां तेरे हथे ला बपतिस्मा लेणे दी जरूरत है, कने तू मेरे बाल आया है? 15 यीशुऐ उसयो ऐ जबाब दिता, “हुण तां इयां ही होणा दे, क्योकि सांजो इस तरीके ने सै सब कुछ करणा चाईदा जडा परमेश्वर चांदा है।” तां यूहन्ना उदी गल्ल मनी लेई। 16 कने यीशु बपतिस्मा लेईकरी झट पाणिए ला बाहर आया, कने दिखया, उदे ताई अम्बर खुली गिया, कने उनी परमेश्वरे दिया आत्मा जो कबूतरे सांई उतरदे कने अपने उपर ओंदे दिखया। 17 कने दिखा, स्वर्ग ला ऐ अबाज सुणोई की, “ऐ मेरा प्यारा पुत्र है, कने तिजो ला मै खुश है।”

4 तालू पबित्र आत्मा यीशुऐ जो सुनसान जगा च लेई गेई ताकि शैतान उसयो लालच देई सके। 2 यीशु चाली दिन, कने चाली रात, बिना कुछ खादयो ओथु रिया, कने जालू उसयो भूख लग्गी। 3 तालू शैताने उदे बखे आई करी उसयो बोलया, “अगर तू परमेश्वरे दा पुत्र है, तां बोल, कि ऐ पथर रोटियां बणी जान, ताकि तू इना जो खाई सके।” 4 यीशुऐ जबाब दिता, “कि पबित्र शास्त्र च लिखया है, कि माणू सिर्फ रोटियां ला ही नी, पर परमेश्वरे दे बोलयो बचना जो मनी करी जिन्दा रेंदा है।” 5 तालू शैतान यीशुऐ जो पबित्र यरूशलेम शेहर च लेई गिया कने परमेश्वरे दे मंदरे दिया चुडिया पर खरेडी दिता। 6 कने उसयो बोलया, अगर तू परमेश्वरे दा पुत्र है, तां ऐथू ला छाल मारी करी दस कने तिजो कुथी भी चोट नी लगणी है; क्योकि पबित्र शास्त्र च लिखया है, कि उनी स्वर्गदूतां जो हुकम देणा; कने उना तिजो हथो हथ सभाली लेणा है; कुथी इयां ना होए कि तेरे पैरां च पथरे ला चोट लग्गी जा। 7 यीशुऐ उसयो बोलया, “कि पबित्र शास्त्र च ऐ भी लिखया है, कि लोकां जो अपने प्रभु परमेश्वरे जो नी परखणा चाईदा।” 8 फिरी शैतान उसयो इक बडे उच्चे पहाडे पर लेई गिया, कने सारे संसारे दे राज्य कने उना दी धन दौलत दस्सी करी, 9 उनी बोलया, कि अगर तू मेरे पैरां पेईकरी मिंजो नमस्ते करगा, तां मै ऐ सब कुछ तिजो देई दिगा। 10 तालू यीशुऐ उसयो बोलया, शैतान दूर होई जा, क्योकि पबित्र शास्त्र च लिखया है: “तू सिर्फ अपने प्रभु परमेश्वरे जो नमस्ते कने सिर्फ उदी ही भक्ति कर।” 11 तालू शैतान उदे बखे ला चली गिया, कने स्वर्गदूत आई करी यीशुऐ दी सेवा करणा लग्गे। 12 जालू उनी ऐ सुणया कि यूहन्ना जो

पकड़ी करी जेला च बन्द करी लिया है, तां सै यहदिया प्रदेश जो दे मन साफ न, क्योंकि उना परमेश्वरे जो दिखणा। 9 धन्य न सै छडी करी गलील प्रदेशे जो चली गया। 13 कने सै नासरते जो लोक, जडे इकी दुज्जे दा मेल कराणे बाले न, क्योंकि उना जो छडी करी कफरनहम शेहरे च जडा गलील झिला दे कंडे था, जिथ् परमेश्वरे दा पुत्र बोलया जाणा। 10 धन्य न सै लोक, जडे धर्म दे जबूलन कने नमाली दे गोत्र रेंदे थे, ओथु जाई करी रेणा लग्गा। 14 कम्म करणे दिया बजा ने सताए जांदे न, क्योंकि स्वर्ग दा राज्य उना ताकि जडा परमेश्वरे दा संदेश देणेबाले यशायाह बोलया था, सै पूरा दा ही है। 11 धन्य न तुसां, जालू माणुए मेरिया बजा ने तुहाडी निन्दा हो। 15 “तुसां लोक जडे जबूलन कने नमाली गोत्र दे इलाके च रेंदे करणी कने तुसां जो सताणा क्योंकि तुसां मेरे चले न कने झूठ बोली-न, ऐ इलाके उस रस्ते पर न जडे गलील दरियाये दे बखे कने यरदन बोली करी तुहाडे खिलाफ हर तरां दियां बुरियां गल्लां बोलगे। खड्डा दे पूर्वी कंडे पर है, ऐ गलील प्रदेशे दे ऐसे इलाके न जिथ् होर 12 तालू तुसां खुश कने मगन होनयो क्योंकि तुहाडे तांई स्वर्ग च जातियां दे लोक रेंदे न।” 16 परमेश्वरे जो जाणयो बिना नेहरे च बडा इनाम है। इस तांई कि जडे बडे बकते पहले परमेश्वरे दा संदेश देणेबाले थे उना जो भी इयां ही सताया था। 13 तुसां धरतिया पर लोकां तांई लूँणे सांई न; पर अगर लूँणे दा स्वाद बिगडी जा, तां फिरी ज़िंदे न कने हमेशा दिया मौता दे रस्ते पर चलयो न। 17 उस बेले ला यीशुए प्रचार करणा कने ऐ बोलणा शुरू किता, “कि मन बदला क्योंकि स्वर्ग दा राज्य बखे आई रिया है।” 18 एक दिन जालू यीशु इसी तांई कि इसयो बार सुटी दिया ताकि माणुआं दे पैरा हेठ ओए। 14 तुसां पुरे संसारे तांई ज्योति न। जडा शेहर पाहडे पर बस्या है, सै कदी छुपी नी सकदा। 15 कने लोक दिया बाली करी टोकसे हेठ नी रखदे न, पर उसयो उपर धारिया पर रखदे न, ताकि घरे दे सारे लोकां जो लौ होए। 16 तियां ही तुहाडी लौ भी माणुआं सामणे चमके तां सै तुहाडे भले कम्मा जो दिखीकरी तुहाडे पिता दी बडाई करन, जडा स्वर्ग च है। 17 ऐ मत समझा कि, मैं मूसा दी व्यवस्था या छडया कने उदे पिच्छे चली पे। 18 उना झट जाल परमेश्वरे दा संदेश देणेबालयां दिया गल्लां जो खत्म करणा आया है, उनी होर दो भाईयां जो दिखया जिना दे ना याकब कने यहन्ना थे, मैं उना जो खत्म करणा नी, पर उना जो पूरा करणा आया है। 18 कने सै जव्दी दे पुत्र थे, सै किस्तिया पर जाले जो ठीक करा दे थे, क्योंकि मैं तुसां ने सच्च बोलदा है, कि अम्बर कने धरती खत्म होई कने यीशुए उना जो भी सदया। 22 सै झट किस्तिया कने अपने पिता जांगे, पर परमेश्वरे दिया व्यवस्था ला कुछ भी, ऐथु दीकर इक बिंदु जो छडी करी उदे पीच्छे चली पे। 19 यीशुए उना जो बोलया, “ओआ कने मेरे चले बणा; मैं तुहाजो सिखांगा कि लोकां जो मेरे या मात्रा भी पूरा होयो बिना नी टलनी है। व्यवस्था दियां सारियां बाल क्रियां लोणा कने क्रियां मेरे चले बणा है।” 20 उना झट जाल भविष्यवाणियां पुरियां होणियां न। 19 इस तांई जडा कोई छोटे ला छुटे हुकम चे कुसकी इकी जो भी नी मनगा, कने तियां ही लोकां जो सिखांगा, तां उसयो स्वर्ग दे राज्य च सारयां ला छोटा बोलणा, पर जडा कोई उना दा पालन करणा कने उना जो सिखांगा, सिर्फ उसयो ही स्वर्ग च महान बोलणा है। 20 मैं तुसां ने बोलदा है, कि अगर तुसां चे कोई स्वर्ग दे राज्य च जाणा चांदा है, तां तुसां जो व्यवस्था जो सिखाणे बाले कने फरीसियां ला बदीकरी परमेश्वरे दी व्यवस्था दा पालन करणा चांईदा। 21 तुसां सुणया होंणा, व्यवस्था जो सिखाणे बालयां साडे पूर्वजां जो दसया कि ‘हत्या मत करदे’, कने जडा कोई हत्या करणा उसयो यहदी सभा च सजा मिलणी है।

5 यीशु भिडा जो दिखीकरी, पाहडे पर थोडा उपर चली गया, कने उना जो शिक्षा देणे तांई ओथु बेई गया तां उदे चले उदे बाल आये। 2 कने उना जो शिक्षा देणी शुरू किती: 3 “धन्य न सै लोक, जडे मने दे दीन न जिना जो परमेश्वर दी जस्तरां दा ऐहसास है, क्योंकि स्वर्ग दा राज्य उना दा ही है। 4 धन्य न सै लोक, जडे शोक करदे न, क्योंकि परमेश्वरे उना जो शांती देणी। 5 धन्य न सै लोक, जडे नम्र न, क्योंकि धरती उना दी होणी है। 6 धन्य न सै लोक, जडे धार्मिकता ने जिन्दगी जिणे दी सच्ची भूख प्यास रखदे न, क्योंकि परमेश्वरे उना जो रजाणा है। 7 धन्य न सै लोक जडे दयालू न, क्योंकि परमेश्वरे उना पर दया करणी। 8 धन्य न सै लोक, जिना

22 पर मैं तुसां जो ऐ बोलदा है, कि जडा कोई अपने भाईए पर गुस्सा करणा, उसयो यहदी सभा च सजा मिलणी: कने जडा कोई अपने भाईए जो नकम्मा बोलणा उसयो महासभा च परमेश्वरे सजा देणी; जडा कोई अपने भाईए जो निकम्मा कने मुख बोले; उसयो नरके दी अग्नी दी सजा मिलणी। (Geenna g1067) 23 इस तांई अगर तू अपनी भेंट चढाणे तांई मंदरे जो लोए, कने ओथु तिजो याद ओए, कि मेरे भाईए दे मने च मेरे तांई कोई शिकायत है, 24 तां अपनी भेंट ओथु ही मंदरे दे सामणे छडी दे, कने पहले जाई करी अपने भाईये ने मेल मिलाप कर, तां फिरी आई करी अपनी भेंट चढा। 25 कचेरी जांदे बकते रस्ते च ही तू अपने बिरोधी ने राजीनामा करी ले, ताकि

तेरा बिरोधी तिजो न्याय करणे बाले दे हथे ना देई दे, कने न्याय करणे बाला तिजो जेला च पाई दे। 26 मैं तुसां ने सच्च बोलदा है जालू दीकर तू इक-इक पैसा नी भरी दिगा तालू दीकर तू जेलखाने ला नी छुटी सकदा है।” 27 तुसां सुणी बैठयो न कि परमेख्वरे हुकम दितया था, कि व्यभिचार मत करदे। 28 पर मैं तुसां ने ऐ बोलदा है, जडा कोई कुसा जनानिया जो बुरिया नजरा ने दिखे तां सै अपने मने च उसा ने व्यभिचार करी बैठा है। 29 अगर तेरी सजी हख तैरे पाप दी बजा बणे, तां उसा जो कडी करी सटी दे; क्योंकि तैरे तांई ऐ ही खरा है कि तैरे अंगा चे इकी दा नाश होई जाऐ ताकि तेरा बाकी शरीर नरक जाणे ला बची जा। (Geenna g1067) 30 कने अगर तेरा सज्जा हथ तैरे पाप करणे दी बजा बणे, तां तू उसयो बडी करी सुटी दे, क्योंकि तैरे तांई ऐ ही खरा है कि तैरे अंगा चे इक हिंसा नाश होई जा, ताकि तेरा बाकी शरीर नरक जाणे ला बची जा। (Geenna g1067) 31 मूसा दिया व्यवस्था च ऐ भी बोलया था, कि जडा कोई अपणिया घरे बालिया जो तलाक देणा चांदा है, तां उसा जो तलाकनामा दे। 32 पर मैं तुसां जो ऐ बोलदा है, कि जडा कोई अपणिया घरे बालिया जो व्यभिचार दे सिवा कुसी होरसी बजा ने छडी दे, तां सै उसा ला व्यभिचार करवांदा है; कने जडा उसा छडिया ने बियाह करे, सै व्यभिचार करदा है। 33 फिरी तुसां सुणी बैठयो न, कि व्यवस्था जो सिखाणे बालयां साडे पूर्वजां बोलया था, झुठियां कसमां मत खांदे, पर परमेख्वरे दे सामणे खादियां अपणियां कसमां जो पुरियां करनयो। 34 पर मैं तुसां ने ऐ बोलदा है, कि कदी कसम मत खांदे; ना ही स्वर्ग दी, क्योंकि स्वर्ग परमेख्वरे दा सिंहासन है। 35 ना ही धरतिया दी, क्योंकि सै उदे पैरां दी चौकी है; कने ना ही यस्शलेम शहर दी क्योंकि सै महान राजा परमेख्वरे दा शहर है। 36 कने अपने सरे दी भी कसम मत खांदा क्योंकि तू अपने इक बाले जो भी ना चिट्टा, कने ना काला करी सकदा है। 37 पर तुहाडी गल्ल हां दी हां, कने ना दी ना हो; क्योंकि जडा कुछ इसला जादा होंदा है, सै शैतान ला होंदा है। 38 फिरी तुसां सुणी बैठयो न कि मूसा दिया व्यवस्था च लिखया है, कि अगर कोई तेरी हखी जो फोडी दे तां तुमी उदे बदले च उदी हख फोडी दे, कने इयां ही दंद दे बदले दंद तोडी दिया। 39 पर मैं तुसां ने ऐ बोलदा है, कि तुसां बदला मत लेंदे; पर जडा तेरिया सजिया खाडिया पर थपड मारे, तां उदे सामणे दुई खाडी भी करी दिया। 40 कने अगर कोई तिजो पर मुकद्दमा करी के जबरदस्ती तेरा कुरता लेणा चांदा है, तां उसयो अपणिया धोतिया भी लेणा दिया। 41 कने कोई रोमी सिपाई तिजो जबरदस्ती ही इक मील भर लेई जांदा है, तां उदे सोगी दो मील चली जा। 42 कने जडा कोई तिजो ला कुछ मंगे, तां उसयो देई दे; कने जडा तिजो ला उधार लेणा चांदा है, उसयो मना मत करदे। 43 तुसां सुणी बैठयो न कि व्यवस्था च लिखया है; कि अपने पड़ोसियां ने प्यार रखा, कने दुश्मणा ने दुश्मणी रखा। 44 पर मैं तुसां ने ऐ बोलदा है, कि अपने दुश्मणा ने प्यार रखा, कने जडा तुसां जो सतादां है उस तांई प्राथना करा। 45 जिसने तुसां अपने स्वर्गीय पिता दी ओलाद बणना है, क्योंकि सै खरे लोकां कने बुरे लोकां दोना

उपर अपना सूरज निकालदा है, कने धर्मियां कने अधर्मियां दोनो पर बरखा बरसांदा है। 46 क्योंकि अगर तुसां अपने चाहणे बालयां ने ही प्यार रखन, तां परमेख्वरे तुसां जो फल नी देणा, क्योंकि चुंगी लेणे बाले भी इयां ही करदे न? 47 कने अगर तुसां सिर्फ अपने मसीह भाईयां जो ही नमस्ते करदे न, तां तुसां दुज्जे लोकां दे बदले कोई बडा कम्म नी करदे न। क्योंकि होर जातियां जडियां परमेख्वरे दे हुकमा दा पालन नी करदियां न, सै भी तां इयां ही करदे न? 48 इस तांई तुहांजो उना जो प्यार करणा चाईदा जडे तुहांजो प्यार नी करदे इस तरीके ने तुसां सिद्ध बणा, जियां तुहाडा स्वर्गीय पिता सिद्ध है।

6 ध्यान रखा तुसां माणुआं जो दसणे तांई अपने भले कम्म मत करा, नी तां तुहांजो अपने स्वर्गीय पिता परमेख्वरे ला कोई इनाम नी मिलणा। 2 इस तांई जालू तू दान करे, तां इदा दिखवा मत करदा, जियां डोंगी लोक यहूदी जंज घरे च कने गलियां च करदे न, ताकि लोक उना दी बडाई करन, मैं तुसां ने सच्च बोलदा है, कि उना जो लोकां ला अपना इनाम मिली गया है। 3 पर जालू तू दान करे, तां तेरा दान गुप्त हो जडा लोकां च कुसी जो भी पता ना चले। 4 ताकि तेरा दान गुप्त रे, कने तालू तेरा पिता परमेख्वरे जडा गुप्त च दिखदा है, उनी तिजो उदा इनाम देणा। 5 जालू तू प्रार्थना करे, तां कपटियां सांई मत करदा क्योंकि सै लोकां जो दसणे तांई यहूदी जंज घरे च कने सडकां दे मोडा पर खडोई करी प्राथना करदे न, सै इस तांई करदे न ताकि लोक उना जो दीखन कने प्रशंसा करन। मैं तुसां ने सच्च बोलदा है, कि उना जो अपना इनाम मिली गया है। 6 पर जालू तू प्राथना करणा, तां अपने कमरे अंदर जा, कने दरबाजा बंद करिके अपने पिता परमेख्वरे ने प्राथना कर जिसयो कुनी नी दिखया है, तालू तैरे पिता परमेख्वरे जडा गुप्त च दिखदा है, उनी तिजो इदा इनाम देणा। 7 पर प्राथना करदे बेले होर जातियां सांई बेकार च बडबडा मत करा, क्योंकि सै समझदे न कि उना दे बडबडणे ने परमेख्वरे उना दी सुणी लेणी है। 8 इस तांई तुसां उना सांई मत बणा, क्योंकि तुहाडा पिता परमेख्वरे तुहाडे मंगणे ला पैहले ही जाणदा है, कि तुहाडियां क्या-क्या जरूरतां न। 9 इस तांई तुसां जो इस तरीके ने प्राथना करणा चाईदी की: है साडे पिता परमेख्वर, जडा तू स्वर्ग च है; तुहाडा ना पबित्र मनया जाये। 10 सारे माणुआं पर तू राज्य करे। जियां तेरी इच्छा स्वर्ग च पुरी होंदी है, तियां ही धरतिया च भी पुरी होऐ। 11 सांझो हर रोज सै खाणा दे जडा सांझो उस दिने तांई चाईदा है। 12 कने जियां असां अपने गुनागारां जो माफ कितया है, तियां ही तू भी साडे पापां जो माफ कर। 13 कने साडी परख ना ले, पर सांझो शैताने ला बचा। क्योंकि राज्य कने पराक्रम कने महिमा सदा तेरी है। आमीन। 14 इस तांई अगर तुसां माणुआं दे गुनहां जो माफ करणे जडे उना तुहाडे खिलाफ कितयो, तां तुहाडे स्वर्गीय पिता परमेख्वरे भी तुहाडे गुनहां माफ करणे। 15 कने अगर तुसां माणुआं दे गुनहां जो माफ नी करणे, तां तुहाडे पिता परमेख्वरे तुहाडे गुनहां भी माफ नी करणे। 16 जालू तुसां बरत रखन, तां कपटियां सांई तुहाडे मुऐ पर उदासी नी होणा चाईदी क्योंकि सै अपना मु उदास बणाई रखदे

न, ताकि लोकां जो पता लगये कि उना बरत रख्या है। मैं तुसां ने सचच बोलदा है, कि उना जो अपना इनाम मिली गया है। 17 पर जालू तू बरत रखे तां अपने सिरे पर तेल मल कने मुये जो धोई ले। 18 ताकि लोकां जो नी, पर तेरे पिता परमेश्वरे जो पता लगये जिसयो कुनी नी दिखया है, उनी तिजो इदा इनाम देणा। 19 अपने ताई धरतिया च धन दौलत मत गठेरा, जिथू कीडा कने भूथी खराब करदी है, कने जिथू चोर नजर रखदे न कने ताले तोडी करी चोरी लेई जादे न। 20 पर भलाई करी के अपने ताई स्वर्गे च धन दौलत गठेरा, जिथू ना तां कीडा लगदा है, ना भूथी खराब करदी है, कने जिथू ना कोई नजर रखदा कने ना कोई चोरदा है। 21 क्योंकि तेरा मन हमेशा ओथू लगणी रेणा जिथू तेरी धन दौलत है। 22 हखी शरिरी ताई इक दिव्ये साई न, इस ताई अगर तेरियां हखी साफ न, तां तेरे सारे शरिरी च भी लौ होंगी। 23 पर अगर तेरियां हखी बुरियां न, तां तेरा सारा शरिरी भी नेहे च होणा; इसा बजा ने जडी लौ तिजो च है, अगर सै नेहरा होए तां सै नेहरा कितणा जादा होणा! 24 कोई माणू इक ही बकते दो मालकां दी सेबा नी करी सकदा, क्योंकि उनी इकी ने दुश्मनी कने दुऐ ने प्यार रखणा, या इकी ने मिली के रेणा कने दुऐ जो घटिया समझणा। तुसां परमेश्वर कने धन दौलत दोनो दी सेबा नी करी सकदे। 25 इस ताई मैं तुसां ने बोलदा है, कि अपनी रोजे दी जिन्दगी जिणे ताई ऐ चिंता मत करदे असां क्या खाणा, कने क्या पिणा, कने ना अपने शरिरी ताई कि क्या पेनणा, क्या अपने प्राण खाणे ला कने शरिरी कपडे ला बदीकरी नी है? 26 अम्बरे दे पंछियां जो दिख। सै ना कुछ रांदे न, ना बडदे न, ना खेतरां च बटोलदे न, तमी तुहाडा स्वर्गीय पिता परमेश्वर उना जो खुआंदा है। तुसां क्या इना पंछियां ला जादा कीमती नी न? 27 तुसां चे ऐसा कुण है, जडा चिंता करणे ने अपणिया जिन्दगीया च इक घडी भी बधाई सकदा है? 28 कने कपडयां ताई कजो चिंता करदे न? जंगली फुलां पासे ध्यान दिया, कि सै कियां बडुदें न, सै ना तां मेहनत करदे न, कने ना ही कपडे बणादे न। 29 तमी मैं तुसां ने बोलदा है, कि जालू राजा सुलेमान बाल बडा भरी धन दौलत थी, तालू भी उनी उना चे कुसी साई भी कपडे नी पायो थे। 30 इस ताई अगर परमेश्वर बणे दे घाए जो, जडा अज है, कने कल अग्गी च फुकया जाणा, तमी परमेश्वर घाए जो इतणी सुन्दरता दिन्दा है, तां हे अल्पविश्वासियों, तां उनी पक्का तुसां दी देखभाल करणी है, पर परमेश्वरे पर तुहाडा भरोसा इतणा घट कजो है? 31 इस ताई तुसां चिंता करिके ऐ मत बोलदे, कि असां क्या खांगे, या क्या पींगे, या क्या पेनंगे? 32 क्योंकि होर जातियां इना सारियां चीजा दियां तोपा च रेंदियां न, कने तुहाडा स्वर्गीय पिता परमेश्वर जाणदा है, कि तुसां जो ऐ सारियां चीजा चाईदियां न, इना दी चिंता मत करा। 33 इस ताई पेहले तुसां परमेश्वरे दे राज्य कने धार्मिकता दी जिन्दगी जिणे दी कोशिश करा, तां तुसां जो ऐ सारियां चीजा मिली जाणियां। 34 इस ताई कल्ले ताई चिंता मत करा, क्योंकि कल दा दिन अपनी चिंता अपु करी लेंदा है; अज्जे ताई अज्जे दा दुख ही बतेहरा है।

7 दुजयां पर दोष मत ला, ताकि परमेश्वर तुहांजो पर भी कोई दोष ना लाये। 2 क्योंकि जियां तुसां कुसी पर दोष लांदे न, तियां ही परमेश्वरे तुहांजो पर भी दोष लगाणा; कने जियां तुसां दुजयां ने व्यवहार करदे न, तियां ही परमेश्वरे तुहाडे सोगी करणा। 3 तू कजो अपने विश्वासी भाईऐ दियां छोटियां-छोटियां गलतियां जो दिखदा है, जडियां उदिया हखी च पियो छोटे दे कखे साई न, अगर तेरिया जिन्दगीया च मते पाप न, जडा तेरिया अपनी हखी च इक लठे साई है, तां सै तिजो कनी नी मिलदा? 4 जालू तेरे अंदर ही मते पाप न, तां तू खुद ला घट पाप बाले कुसी भाईये दी मदद कियां करी सकदा है। 5 कपटियां, पेहले तां अपने आपे दे पापां जो सुधारी ले, तां तू अपने भाईये दिया हखी दे कखे जो ढंगे ने दिखीकरी कडी सकदा है, कने तां दुजयां जो उना दे छोटे पापां जो सुधारणे च मदद करी सकणा। 6 उना लोकां जो परमेश्वरे दा संदेश मत सुणा जडे बचना जो सुणना नी चांदे। अगर तुसां ऐसा करदे न, तां ऐ ऐसा होणा जियां पबित्र चिजां जो कुतयां अग्रे फेंकी देणा, या जियां सुअरां दे अग्रे हीर मोती फेंकणा, उना तां सै पैरां हेठ गेचणे कने फिरी करी तुसां पर ही हमला करणा। 7 तुसां जो जडा चाईदा सै परमेश्वरे ला मंगा कने उनी तुसां जो देणा; अगर तुसां तोपगे, तां तुसां जो मिलणा; अगर खटखटांगे, तां तुहाडे ताई खुलणा। 8 क्योंकि जडा कोई मंगदा है, उसयो मिलदा है; जडा तोपदा है, उसयो मिलदा है; कने जडा दरबाजा खटखटांदा है, उदे ताई खोलया जाणा। 9 तुसां चे कोई भी ऐसा माणू नी है, जडा अपने पुजे दे रोटी मंगणे पर उसयो पथर दिन्दा है। 10 इयां ही अगर तुहाडा जागत तुसां ला खांगे जो मछी मंगे तां क्या तुसां उसयो जरिला सप्प दिन्दे न? 11 जालू तुसां बुरे होईकरी, अपने बचयां जो खरियां चिजा देणा जाणदे न, तां तुहाडे स्वर्गीय पिता परमेश्वरे अपने मंगणे बालयां जो खरियां चिजा कनी दिगा? 12 इसा बजा ने जडा कुछ तुसां चांदे न, कि माणू तुहाडे सोगी करे, तां तुसां तियां ही उना सोगी करा; क्योंकि मूसा दी व्यवस्था कने परमेश्वरे दा संदेश देणेबाले दी शिक्षा दा मतलब ऐई है। 13 तुसां सिर्फ सुंगडे फाटके ला परमेश्वरे दे राज्य अंदर जा, क्योंकि जडा फाटक चौडा कने असान रस्ता है, सै बरबादिया पासे लेई जांदा है; कने मते भरी लोक न जडे इस रस्ते ला जांदे न। 14 क्योंकि सुंगडा सै फाटक है, कने औखा है सै रस्ता जडा अनन्त जिन्दगी बाल पुजांदा है, सै लोक थोडे ही न जिना जो ऐ रस्ता मिलदा है। 15 असां परमेश्वरे दे संदेश देणेबाले लोक न, ऐसा अपने आपे जो बोलणे बाले झूठे लोकां ला चौकने रिया। सै उना भेडियां साई न जिना अपने आपे जो भेडां दियां खल्ले नी ढक्या है, लोकां जो यकीन दिलाणे ताई कि सै सचची च भेडां न, पर सै असल च भेडिये न जडे लोकां पर हमले करदे न। 16 उना दे कम्मा ने तुसां उना जो पछेणी लेणा है। लोक क्या झिल्लां ला अंगूर, या कंडे बाले झिल्लां ला अंजीर तोडदे न? 17 इयां ही इक खरा खरा फल दिन्दा है, कने बेकार खरा बुरा फल दिन्दा है। 18 खरा खरा फल नी देई सकदा, कने ना बेकार खरा खरा फल देई सकदा है। 19 जडा-जडा खरा खरा फल नी दिन्दा है, सै बडी देणा है, असां परमेश्वरे दे संदेश

देणेवाले लोक न ऐसा अपने आपे जो बोलणे वाले झूठे लोकां जो ऐंई सजा मिलणी है। 20 तुसां उना दे कम्मा ने जडे सै करदे न उना जो पछेणी लेणा है। 21 जडा मिंजो ने, हे प्रभु, हे प्रभु बोलदा है, उना सारयां ही स्वर्गे दे राज्य च प्रवेश नी करणा है, सिर्फ उना ही जडे मेरे स्वर्गीया पिता परमेश्वरे दिया मरजिया पर चलदे न। 22 न्याये दे रोजे मतयां लोकां मिंजो ने बोलणा; प्रभु जी, प्रभु जी, क्या असां तेरे नाए दी भविष्यवाणी नी किती, कने तेरे नाए ने बुरियां आत्मा जो नी कडया, कने तेरे नाए ने कितणे ही चमत्कारी कम्म नी किते? 23 तालू मैं उना ने खुली करी बोली देणा है, कि मैं तां तुसां जो जाणदा ही नी, बुरे कम्म करणे वाले लोको, ऐथू ला चली जा। 24 इस तांई जडा कोई मेरियां गल्लां सुणीकरी उना जो मनदा है, सै उस अकला बाले माणुए सांई है, जिनी अपना घर चटान पर बणाया है। 25 कने अम्बर बरया कने बाढ आई, कने तूफान चलया, कने सै उस घरे ने टकराया, पर सै घर नी डेथा, क्योंकि उस दी नीव चटाना पर बणईयो थी। 26 पर जडा कोई मेरियां इना गल्लां जो सुणदा है, कने उना पर नी चलदा है, सै उस सुर्ख माणुए सांई है जिनी अपना घर रेटा पर बणाया है। 27 कने अम्बर बरया, कने बाढ आई, तूफान चले, कने उस घरे ने टकराए कने सै घर डेई करी सारा भजी टूटी गिया। 28 जालू यीशु ऐ गल्लां बोली बैठा, तां इयां होया कि सारी भीड उस दे उपदेशे ने हेरान होई। 29 क्योंकि सै उना जो व्यवस्था जो सिखाणे बालयां सांई नी, पर अधिकारियां सांई उना जो उपदेश दिन्दा था।

8 जालू यीशु उस पाहडे ला थल्ले उतरया, तां इक बडी बडी भीड उदे पिच्छे चली पेई। 2 इकी कोदिये यीशुए बाल आई करी उसयो नमस्ते किते कने बोलया, “कि प्रभु जी अगर तू चाआं, तां मिंजो ठीक करी सकदा है।” 3 यीशुए हथ अगो करी के उसयो छुता, कने बोलया, “मैं चांदा है कि तू ठीक होई जा” कने तालू ही उस कोदिये दा कोढ ठीक होई गिया। 4 यीशुए उसयो बोलया, “दिख, कुसी ने कुछ मत बोलदा, पर जाई करी अपने आपे जो याजकां ने दस, कि तू खरा होईया कने परमेश्वरे जो भेंट चढा जिदे बारे च मूसा व्यवस्था च लिखया है, ताकि लोक जाणी सकन कि तू खरा होई गिया।” 5 यीशु जालू कफरनहम शहर च आया तां इकी रोमी सुबेदारे उस बाल आई करी बिनती किती, 6 “प्रभु जी, मेरे नोकरे जो लकवे दी बिमारी होई गियो है, कने सै हिली-जुली नी सकदा है, कने बडा दुखी है।” 7 यीशुए उसयो बोलया, “मैं आई करी उसयो ठीक करगा।” 8 सुबेदारे जबाब दिता, कि प्रभु जी, मैं इस लाइक नी है कि, कि तू मेरे घरे ओए, पर तू सिर्फ हुकम करी दे, तां ही मेरे नोकरे ठीक होई जाणा। 9 मैं ऐ समझदा है क्योंकि मैं भी अधिकारियां दे थल्ले कम्म करणे बाला माणु है। कने मेरे अधीन सपाई कम्म करदे न, कने जालू इकी सपाईए जो बोलदा है कि, तू जा, तां सै चली जांदा है; कने दुए जो बोलदा है कि, तू ऐथू आ, तां सै आई जांदा है; कने जालू मैं अपने नोकरे जो बोलदा, कि ऐ कर, तां सै करी दिन्दा है। 10 ऐ सुणीकरी यीशुए हेरानी होई, कने जडे उदे पिच्छे ओआ दे थे उना ने बोलया, “मैं तुसां ने सच्च बोलदा है,

कि मैं इस्त्राएल देशे च इक भी ऐसा माणु नी दिखया, जडा इस गैर-यहूदी माणुए सांई मिंजो पर भरोसा करदा है। 11 कने मैं तुसां ने बोलदा है, कि मतयां होर जाति दे लोकां पूर्व कने पशचमें ला आई करी अब्राहम कने इसहाक कने याकूबे सोगीं स्वर्ग राज्य दे भोज च शामिल होणा है। 12 पर इस्त्राएलियां जो बाहर नेहरे च पाई देणा है, ओथु उना रोणा कने दद पीणे न।” 13 कने यीशुए सुबेदारे जो बोलया, “घरे जा, जदेया तेरा भरोसा है, तदेया ही तेरे तांई हो। कने उदा सेवक तालू ही ठीक होई गिया।” 14 कने यीशु जालू पतरसे दे घरे पुज्जा, तां उनी उदिया ससु जो बिस्तरे च पिया दिखया कने उसा जो बुखार चढया था। 15 कने उनी उसा दा हथ छुता कने उसा दा बुखार उतरी गिया, कने सै उठी करी उदी सेवा करणा लगी पेई। 16 कने जालू संज होई तालू सै यीशुए बाल मते सारे लोकां जो लेईकरी आये जिना च बुरियां आत्मा थियां, कने उनी उना आत्मा जो अपने बचने ने कडी दिता, कने सारे मरिजां जो ठीक करी दिता। 17 ताकि जडा बचन यशायाह परमेश्वरे दा संदेश देणेवाले बोलया था, सै पूरा हो: उनी अपु साडियां कमजोरियां लेई लियां, कने साडियां बिमारियां जो हटाई दिता। 18 यीशुए जालू अपने चारो पासे मती भरी भीड दिखीकरी, यीशुए अपने चेलयां जो बोलया, तां “ओआ असां गलील झीला दे पारले पासे चलदे।” 19 कने जियां ही सै जाणे जो तैयार होए, तां इकी व्यवस्था जो सिखाणे बाले उस बखे आई करी बोलया, “गुरू जी, मैं तुहाडा चेला बणने तांई जिथू कुथी तू जांगा, मैं भी तेरे पिच्छे-पिच्छे चली पोणा है।” 20 यीशुए उसयो बोलया, “लोमाडियां जो रेहणे तांई कुडी न, कने अम्बरे दे पछियां दे आले होंदे न; पर मिंजो, माणुए दे पुत्रे बाल इक भी घर नहीं है, जिथू मैं सोई सकें।” 21 इक होर चले उसने बोलया, “प्रभु जी, मिंजो पेहले घर बापस जाणा दे। मेरे पिता दे मरणे बाद, मैं उसयो दफनाणा, कने तां फिरी मैं आई करी तेरा चेला बणागा।” 22 यीशुए उसयो बोलया, “मेरा चेला बणने तांई मेरे पिच्छे आई जा; कने जडे लोक आत्मिक स्पे ने मरयो न, उना जो सुर्दयां जो दफनाणा दे।” 23 जालू सै किस्तिया पर चढया, तां उदे चेले उदे पिच्छे चली आए। 24 कने इकदम झीला च तूफान चलणा लगी पिया कने किस्ति लैहरां ने डूबणा लगी पेई, कने यीशु सुतया था। 25 तालू चेलयां बखे आई करी उसयो जगाया, कने बोलया, “प्रभु जी, सांझो बचाई ले, असां डूबी करी मरणे वाले न।” 26 यीशुए उना जो बोलया, “हे अल्पविश्वासियां, कजो डरा दे न?” तालू उनी उठी करी पाणिए कने तुफाने जो झिडकया, कने सब कुछ शान्त होई गिया। 27 कने सै सारे हेरान होए कने बोलणा लग्गे, “कि ऐ कदिया माणु है? ऐथू दीकर कि तूफान कने लैहरां भी इदा हुकम मदे न।” 28 जालू सै उस पार गदरेनियों जगा च पुज्जे, तां उसयो दो माणु मिल्ले जिना च बुरियां आत्मा थियां, सै कब्रिस्तान ला निकलदे बेले यीशुए मिल्ले, सै आत्मा बडियां खतरनाख थियां, कि कोई भी उस रस्ते ला नी जाई सकदा था। 29 कने दिखा, उना जोरे ने बोलया, “परमेश्वरे दे पुत्र, साडा तिजो ने क्या कम्म है? तू क्या बकते ला पेहले ही सांझो दुख देणा आया है?” 30 उना ला थोडी दूर इक सूरंदा दा झण्ड चुग्गा दा

था। 31 बुरियां आत्मा उसने ऐ बोली करी बिनती किती, अगर तू सांझो कडणा है, तां इना सुअरां बिच भेजी दे। 32 यीशुऐ उना जो बोलया, “जा!” सै निकली करी सुअरां च चली गियां, कने सारे सुअर भेठी ला रीडकी करी पाणिएे च जाई पे कने डूबी करी मरी गे। 33 उना दे रखबाले नठी करी शेर च ऐ खबर सुणाई, कने जीना च बुरियां आत्मा थियां उना दे बारे च भी दसया। 34 तालू जडे लोक दिखणा आयो थे, सै यीशुऐ ने बिनती करिके बोलणा लग्गे, कि साडे इलाके ला चली जा।

9 फिरी सै किस्तिया पर चडी करी पारले पासे गिया, कने अपणे शेर कफरनहम जो आया। 2 कने कुछ लोक इकी धरंगे दे मरीजे जो मंझे पर रखीकरी उस दे बाल लेई आये। यीशुऐ उना दा भरोसा दिखीकरी, उस लकवे दे मरिजे ने बोलया, “हे पुत्र, हौंसला रख; तैरे पाप माफ होइ गे।” 3 कने, इसा गल्ला पर केई व्यवस्था जो सिखाणे बालयां ऐ सोचया, कि ऐ तां परमेश्वरे दी निदा करा दा है। 4 यीशुऐ उना दे मने दी गल्ल जाणी करी बोलया, “तुसां अपणे-अपणे मने च बुरा बिचार कजो करा दे न?” 5 असान क्या है, ऐ बोलणा कि, तैरे पाप माफ होये, या ऐ बोलणा कि उठ कने चल फिर। 6 पर इस तांई कि तुसां जाणी सकन कि मिंजो माणुऐ दे पुत्रे जो धरतिया पर पाप माफ करणे दा हक है। तालू उनी धरंगे दे मरीजे जो बोलया: उठ, कने अपणे मंझे जो चुक, कने अपणे घरे जो चली जा। 7 कने सै उठी करी अपणे घरे जो चली गिया। 8 लोक ऐ दिखीकरी हेरान होई गे कने परमेश्वरे दी महिमा करणा लग्गे, जिनी आदमियां जो ऐदिया हक दितया है। 9 ओथु ला अग्गे जाई करी यीशुऐ मन्ती नापे दे इक माणुऐ जो कर लेणे दिया चौकिया पर बैठयो दिखया, कने उसयो बोलया, “भरे चले बणा।” सै उठी करी उस दे पिच्छे चली पिया। 10 कने जालू यीशु घरे रोटीयां खाणा बैठा, तां मते चुंगी लेणेबाले कने पापी आई करी उस दे चेलयां सोगी रोटी खाणा बैठे। 11 ऐ दिखीकरी फरीसियां उदे चेलयां ने बोलया, “तुहाडा गुरू चुंगी लेणे बाले कने पापियां सोगी कजो खांदा है?” 12 जालू यीशुऐ ऐ सुणया तां उना जो बोलया, “जडे लोक खरे न उना जो वैघे दी जरस्त नी हौंटी है, पर जडे बिमार न उना जो है। 13 इस तांई तुसां जाई करी इदा मतलब सीखी लिया, कि मै बलिदान नी पर दया चांदा है; क्योंकि मै धर्मियां जो नी पर पापियां जो सदणा आया है।” 14 तालू यहून्ना दे चेलयां उस बाल आई करी बोलया, “क्या बजा है कि असां कने फरीसी बरत रखदे न, पर तैरे चले तां बरत नी रखदे?” 15 यीशुऐ उना ने बोलया, “क्या बराती, जालू दीकर लाडा उना सोगी है, दुखी होई सकदे न? पर सै दिन ओणे न जालू लाडे उना ला बख कितया जाणा, उस बेले उना बरत रखणा। 16 लोक नोऐ कपडे दा रफु पराणे कपडयां च कोई नी लांदा है, नी तां उनी रफुये धोणे ने सुकडी जाणा, कने पुराणा कपडा होर जादा फटी जाणा। 17 नोऐ अंगरा दे रसे जो पराणिणा खलडिया च कोई नी भरदा है नी तां नोआ अंगर रस खलडिया जो फाडी दिन्दा है, कने अंगरा दा रस निकली जांदा ऐ, तांई तां नोआ अंगर रस नोईयां खलडिया च भरदे न।” 18 सै उना ने ऐ गल्लां बोला दा ही था,

इकी यहूदी जंज घर दे सरदारो आई करी उसयो नमस्ते किते कने बोलया, “मेरी कुडी हणी मरी है, पर ओथु आई करी उसा पर हथ रख, तां उना जिंदिया होई जाणा।” 19 यीशु उठी करी अपणे चेलयां समेत उदे पिच्छे चली पिया। 20 कने इक जनानी थी जिसा जो बाहरां सालां ला खून निकलने दी बिमारी थी, उना पिच्छे ला आई करी यीशुऐ दे कपडयां जो छुई लिया। 21 क्योंकि सै अपणे मने च बोला दी थी कि, अगर मै उस दे कपडे जो छुई लेगी तां मै ठीक होई जांणा। 22 यीशुऐ फिरी करी उसा जो दिखया कने बोलया, “पुत्री हौंसला रख; तेरा भरोसा जडा मिजों पर था उनी भरोसे तिजो खरा कितया है।” कने सै जनानी उसी बेले ठीक होई गई। 23 यीशु जालू उस सरदारो दे घरे पुज्जा, कने बंसरी बजाणे बाले कने भिडा जो रोंदे दिखया, 24 तालू बोलया, “हटी जा, कुडी मरियो नी है, पर सुतियो है”, इसा गल्ला पर सारे हंसणा लग्गे। 25 पर जालू भीड कडी दिती, तां उनी अंदर जाई करी कुडिया दा हथ पकडया, कने सै जिन्दी होई पेई। 26 कने इसा गल्ला दी चर्चा सारे देशे च फेली गई। 27 जालू यीशु ओथु ला थोडा अग्गे गिया, तां दो अन्ने उदे पिच्छे ऐ बोलदे आये, कि हे दाऊदे दे बंशज, सांझो पर दया कर। 28 जालू सै घरे च पुज्जा, तां सै अन्ने उस बाल आये, कने यीशुऐ उना जो बोलया, “क्या तुहांजो भरोसा है कि मै ऐ करी सकदा है?” उना उसने बोलया, “हां प्रभु।” 29 तालू यीशुऐ उना दियां हखी जो छुई करी बोलया, “तुहाडे भरोसे दे अनुसार तुहाडे तांई होई जा।” 30 कने उना जो मिलणा लग्गी पिया, कने यीशुऐ उना जो समझाई करी बोलया, “ध्यान रे, तुसां कुस्यो भी मत दसदे, कि मै तुहाडे तांई क्या कितया है।” 31 पर उना निकली करी सारे देशे च उदी खबर फैलाई दिता। 32 जालू सै दो अन्ने माणु बाहर जा दे थे, तां कुछ लोक इकी माणुये जो यीशुऐ बाल लेई आये कने सै बोली नी सकदा था, क्योंकि उदे च बुरी आत्मा थी। 33 जालू यीशुऐ बुरिया आत्मा जो उस माणुये ला कडी दिता, तां सै बोलणा लग्गी पिया। कने भीड हेरान होई गई कने बोलणा लग्गी, कि इस्राएल देशे च ऐसा कदी नी दिखया। 34 पर फरीसियां बोलया, बुरियां आत्मा दा सरदार उसयो शक्ति दिन्दा है कने बुरियां आत्मा जो कडदा है। 35 यीशु कने उदे चले गलील प्रदेश दे केई शेरहां कने गां च होईकरी गे, कने यीशु यहूदी जंज घरां च उपदेश दिन्दा, कने परमेश्वरे दे राज्य दा श्भसमाचार प्रचार करदा, कने हर तरा दियां बिमारियां कने कमजोरियां जो ठीक करदा गिया। 36 यीशु किस्तिया ला उतरया कने उनी मती भरी भीड दिखी, कने उसयो उना पर तरस आया, क्योंकि उना दा कोई अगुवा नी था जडा उना दी रखबाली करी सके, जियां भेडां बिना ग्वाले होंदियां न, सै बेचेन कने भटकयो होयो थे। 37 तालू उनी अपणे चेलयां ने बोलया, “जियां खेतरां च मती फसल हौंटी है, तियां ही मते भरी लोक न जडे परमेश्वरे दा संदेश सुणने तांई तैयार न, पर परमेश्वरे दे राज्य दे बारे च दसणे तांई लोक घट न। 38 इस तांई फसला दे मालिके ने प्राथना करा कि सै फसला तांई होर मजदूर भेजे।”

10 फिरी उनी अपने बाहरां चेलयां जो अपने बाल सदया, कने भरोसा करते न। पिता अपने बचयां सोगी इयां ही करणा है कने उना जो बुरियां आत्मा पर हक दिता, कि उना जो कडन बचयां माता-पिता दे खिलाफ होईकरी उना जो मारी देणा है। 22 कने हर तरा दियां बिमारियाँ कने, हर तरा दियां कमजोरियाँ जो दूर क्योकि तसां मेरे चले न उदिया बजा ने सारे लोकां तसां ने बैर करणा करन। 2 इना बाहरां प्रेरितां दे ना ऐ न: पेहला शमौन, जिसयो पतरस है, पर जडा आखरी दीकर सबर रखगा उदा ही उद्धार होणा। 23 बोलदे न, कने उदा भाई अन्द्रियास; जब्दी दा पुत्र याकूब, कने उदा जालू सै तहांजो इकी शेहरे च तंग करगे, तां तसां दुऐ शेहरे जो चली भाई यहन्सा; 3 फिलिपुस कने बरतुन्मै, थोमा, कने चुंगी लेणे बाला जानयो। मै तसां ने सच्च बोलदा है, तुहाडी इस्त्राएले देशे दे इकी मती, हलफई दा पुत्र याकूब कने तैं। 4 शमौन कनानी, कने यहदा शेहरे ला दुज्जे शेहरे दी यात्रा पूरी भी नी होणी है, कने मै, माणुऐ दे इस्करियोती, जिनी यीशुऐ जो पकडाई भी दिता। 5 इना बाहरां पुत्रे आई जाणा है। 24 चेला अपने गुरुरे ला, कने नौकर अपने चेलयां जो यीशुऐ ऐ हुकम देईकरी भेजया, “कि होर जातियां बाल मालिके ला बडा नी होंदा है। 25 काफ़ी है कि चेले दा गुरुरे दे मत जांदे, कने सामरियां दे कुसी भी शेहरे दे अंदर मत जांदे। 6 बराबर, कने नौकरे दा मालिके दे बराबर होणा; अगर सै मिंजो घरे दे इस्त्राएले दे लोकां बाल जा, जडे परमेश्वरे ला दूर होई गियो न, जियां मालिके जो शैतान बोलदे न, तां उना मेरे घरे दे लोकां जो कितणे बुरे भेडां गवाची करी अपने रखबाले ला दूर चली जांदियां न। 7 कने ना ने बोलणा है। 26 पर उना लोकां ला मत डरदे जडे तसां जो चलदे-चलदे ऐ प्रचार करा कि, स्वर्गें दा राज्य नेडे आई रिया है। धमकांदे न, क्योकि सै बकत ओणे बाला है जालू जडा कुछ भी 8 बिमारां जो ठीक करा: मरयां जो जिन्दा करा, कने कोढियां जो ढक्या है, सै खोलया जाणा है; कने सै सारा कुछ जडा छुपया है, सै शूद्र करा: बुरियां आत्मा जो निकाला: तसां लोकां दी मदद करणे लोकां दे सामणे ओणा है। 27 जडा कुछ मै तसां ने नेहरे च बोलदा दा कुछ भी मत लेंदे, क्योकि परमेश्वर भी तुहाडी मदद करणे दा है, उसयो चेले सारे सामणे बिना कुसी डरे दे बोली सकदे न, कने जडा तसां बल्ले-बल्ले सुणदे न, उसयो छती पर चढी करी प्रचार करा। 28 सै जडे शरीर जो मारी सकदे न, पर सै आत्मा जो नी मारी सकदे न, उना ला डरदे मत, पर परमेश्वर ला डरा, जडा आत्मा कने शरीर दोनो जो नरके च मारी सकदा है। (Geenna g1067) 29 क्या बडी घट कीमता च दो चिडियाँ नी बिकदियां? तमी तुहाडे पिता परमेश्वरे दिया मरजिया बिना उना चे इक भी मरी करी धरतिया पर नी पेई सकदी। 30 परमेश्वर तुहाडी जिन्दगिया दी हर गल्ला दी परवाह करदा है। सै ऐ भी जाणदा है कि तुहाडे सिरे पर कितणे बाल न। 31 इस तांई डरा मत, क्योकि तसां चिडियाँ ला भी जादा किमती न। 32 जडा कोई लोकां दे सामणे मिंजो परमेश्वर मन्नी लेंगा, उसयो मै भी अपने स्वर्गीय पिता दे सामणे अपने चेले मन्नी लेंगा। 33 पर अगर सै दूजयां दे सामणे ऐ बोलणे ला डरदे न, कि असां यीशुऐ दे चेले न, तां मै अपने पिता परमेश्वरे जो जडा स्वर्गें च, दर्सी देणा कि, सै मेरे चेले न। 34 ऐ मत सोचा कि मै धरतिया पर लोकां बिच शांती लोणे तांई आया है; मै तां लोकां च लडाई करवाणा आया है।” 35 मै तां इस तांई आया है, ताकि माणुऐ जो उस दे पिता परमेश्वरे ला, कने कुडिया जो उसा दिया माता ला, कने नुंआ जो उसा दिया ससु दे खिलाफ भडकाणा है। 36 माणुऐ दे दुश्मन उस दे घरे दे ही लोक होणे न। 37 जडा अपने माता पिता जो मिंजो ला जादा प्यार करदा है, सै मेरा चेला बणने दे लायक नी है, कने जडा कुडिया या जागते जो मिंजो ला जादा प्यारा करदा है, सै भी मेरा चेला बणने लायक नी। 38 जडा मेरिया बजा ने दुख सेहन कने मरणे तांई तैयार नी है, सै मेरा चेला बणने दे लायक नी है। 39 कोई माणु ऐसा नी करगा कने अपने प्राणा जो बचाणा चांहागा, उनी परमेश्वरे सोगी आत्मिक जिन्दगी जिणे दा मोका गबाई देणा है। पर जडा माणु मिजों पर भरोसा करणा कने मेरे शुभसमाचार दिया बजा ने मरगा उस माणुऐ जो परमेश्वरे सोगी सदा तांई दी जिन्दगी मिलणी। 40 जडा तहांजो अपनांदा है, सै मिंजो भी अपनांदा है; कने

जडा मिजो अपनांदा है, सै मेरे भेजणे बालयां जो अपनांदा है। 41 जडा परमेवरे दा संदेश देणेबालयां जो परमेवरे दा संदेश देणेबाला समझीकरी अपनाए, उसयो परमेवरे दा संदेश देणेबालयां सांई इनाम मिलणा; कने जडा धर्मी माणुए जो धर्मी माणु समझीकरी अपनाए, उसयो धर्मिये सांई इनाम मिलणा है। 42 जडा कोई इना लोकयां चे इकी जो भी मेरा चेला समझीकरी सिर्फ इक कटोरा ठंडे पाणिए दा पिया, उसयो पक्का ही इनाम मिलणा है।

11 जालू यीशु अपने बाहरां चेलयां जो हुकम देई बेठा, तां सै उना दे गलील जिले दे नगरां च उपदेश कने प्रचार करणे तांई ओथु ला चली गया। 2 यहून्ने जेला च मसीह दे कम्मा दी खबर सुणीकरी, अपने चेलयां जो उसला ऐ पछणे जो भेजया। 3 “क्या तू ही मसीह है जिसयो भेजणे दा बायदा परमेवरे कितया था, या असां कुसी दुजे दी नियाल रखन?” 4 यीशुए जबाब दिता, “जडा कुछ तुसां दिखदे कने सुणदे न, सै सारा कुछ जाई करी यहून्ना ने बोली दिया। 5 कि अनन्यां जो मिलदा है, कने लंगडे चलदे न, कोढियां दा कोढ ठीक होआ दा, कने टोंणे सुणदे न, मुर्दे जिंदि किते जांदि न, कने गरीबां जो शुभसमाचार सुणाया जांदा है। 6 कने धन्य न सै, जडे मिंजे पर शक नी करदे।” 7 यहून्ना दे चेले जालू ओथु ला चली गे, तां यीशु यहून्ना दे बारे च लोकां जो बोलणा लग्गा, “तुसां सुनसान जगा च क्या दिखणा गियो थे? क्या होआ ने हिलदे होऐ सरकंडे जो? इदा मतलब ऐ है कि जडा बडी असांनी ने अपने बिचार बदली दे, सै ऐसा माणु है जडा डरदा है कि दुज्जे लोक उदे बारे च क्या सोचगे कने बोलगे। 8 तां फिरी तुसां क्या दिखणा गियो थे? क्या इक माणुये जो जिनी बडे मेंगे कपडे पायो थे? दिखा जडे लोक मेंगे कपडे पांदि न सै मेहलां च रेंदे न। 9 तां फिरी कजो गियो थे? कि क्या कुसी परमेवरे दा संदेश देणेबाले जो दिखणे तांई? हॉं, मैं तुसां ने बोलदा है, कि परमेवरे ला भी बड्डे जो? 10 यहून्ना सेई माणु है जिदे बारे च पबित्र शास्त्र च दसया, कि दिख, मैं अपने संदेश देणेबाले दूते जो तैरे अग्रे भेजदा है, जिनी तैरे ओणे तांई लोकां जो तैयार करणा है। 11 मैं तुसां ने सच्च बोलदा है, कि जडे लोक जनानिया ला पैदा होयो न, उना चे यहून्ना बपतिस्मा देणेबाले ला बडा कोई नी होया; पर स्वर्ग दे राज्य च जडा सारयां ला छोट्टा है, सै उसला बडा है। 12 जालू ला यहून्ना बपतिस्मा देणेबाले प्रचार करणा शुरू कितया है, उस बकते ला लेईकरी हुणे दीकर स्वर्ग दा राज्य जबरदस्ती ने अग्रे बदा दा है, कने हिसक लोक उस हमला करा दे न। 13 क्योंकि सारे परमेवरे दा संदेश देणेबालयां दियां कताबां च कने मूसा दिया व्यवस्था च यहून्ना बपतिस्मा देणेबाले दे ओणे दीकर परमेवरे दे राज्य दे बारे च लिखया है। 14 कने तुसां मेरी गल्ल मनणा चांदि न, कि एलिय्याह जिदे ओणे दी भविष्यवाणी कितियो थी, सै एलिय्याह ही है। 15 जिस बाल सुणने दा मन हो, सै ध्यान देईकरी इना गल्लां जो सुणे, कने समझी ले।” 16 मैं इस युगे दे लोकां दी तुलना कुसने दे? सै उना जागतां सांई न, जडे बजारां च बेईकरी इकी दुजे जो पुकारी करी बोलदे न। 17 “कि असां तुहाडे तांई खुशिया दे गाणे गाए, कने तुसां नचे नी; असां शोक दे गीत भी गाए, फिरी भी तुसां रोए नी।” 18

क्योंकि यहून्ना बार-बार बरत रखदा कने ना शराब पिन्दा था, कने सै बोलदे न कि उदे च बुरी आत्मा है। 19 पर मैं माणुए दा पुत्र खांदा पिंदा है, कने सै बोलदे न, “कि पेट कने शराबी माणु है, कने चुंगी लेणे बाले कने पापियां दा मित्र है। पर इक माणुए दे कम्मा ऐ साबित करणा कि अकला बाला कुण है।” 20 तालू यीशुए उना शेहरां च रेणेबाले लोकां जो फटकार लगाई, जिथू उनी बडे भरी चमत्कार दे कम्म कितयो थे; क्योंकि उना अपने पापां दा पञ्चाताप नी कितया था। 21 हाय, खुराजीन शेहर दे कने बैतसैदा शेहर दे लोको! जडे चमत्कारी कम्म तुहाडे शेहर च कितयो न, अगर सै कम्म सूर कने सैदा च कितयो होंदे, तां ओथु दे लोक बडे पेहेले टाट ओढी लेंदे, कने धुड अपने उपर छिडकी लेंदे ऐ दसणे तांई कि उना अपने पापां ला पञ्चाताप करी लिया है। 22 पर मैं तुसां ने बोलदा है, कि न्याय दे रोज जडी सजा सूर कने सैदा जो देणी है, सै सजा तुहाडिया सजा ला बडी घट होणी है। 23 हे कफरनहम शेहरे दे लोको, तुसां क्या स्वर्ग दीकर उच्चे करणे न? तुसां तां पताले दीकर थले करणे न; जडे अनोखे कम्म तुहाडे च कितयो न, अगर सै सदोम शेहर च होंदे, तां उनी अजे दीकर बणी रेणा था। (Hadēs g86) 24 पर मैं तुसां ने बोलदा है; कि न्याय दे रोज जडी सजा सदोम शेहरे दे लोकां जो देणी है, सै सजा तुहाडिया सजा ला बडी घट होणी है। 25 तिस्सी बेले यीशुए बोलया, “हे पिता, स्वर्ग कने धरतिया दे प्रभु, मैं तेरा धन्याबाद करादा है, तू इना गल्लां जो ज्ञानियां कने समझदारां लोकां ला लुकाई रखया, कने लोक बचयां सांई न उना पर प्रगत किता है। 26 हॉं, पिता जी, क्योंकि तिजो ऐ ही ठीक लग्गा।” 27 मेरे पिते मिंजो सब कुछ दितया है, कने पिता दे बिना कोई पुत्रे जो नी जाणदा है, कने ना ही कोई पिता जो जाणदा है सिर्फ पुत्र ही है जडा पिता जो जाणदा है। कने जिना लोकां जो पुत्र चुणदा है उना लोकां ही पिता जो जाणना है। 28 “सारे मेहनत करणे बालयो कने भोज हेठ दब्यो लोको, मेरे बाल ओआ; मैं तुहांजो अराम देणा। 29 मेरा जुआ अपने उपर चुकी लिया; कने मिंजो ला सिखा; क्योंकि मैं मेने ला नरम कने दयालु है; कने तुसां जो अपने मने च अराम मिलणा। 30 क्योंकि जडा करणे दा हुकम मैं तुहांजो दिन्दा है, सै करणा मुशकिल नी है।”

12 उस बेले यीशु सन्ते दे रोजे खेतरां चे होईकरी चलया था, कने उस दे चेलयां जो भूख लग्गी, कने सै बेलां तोडी-तोडी करी खाणां लग्गी पे। 2 फरीसियां ऐ दिखीकरी उसयो बोलया, “दिख, तैरे चेले सै कम्म करा दे न, जडा सन्ते दे रोज करणा ठीक नी।” 3 यीशुए उना जो बोलया, “क्या तुसां परमेवरे दे बचन च कदी नी पढया, कि राजा दाऊदे तालू क्या किता, जालू उसयो कने उस दे मित्रां जो भूख लग्गी थी? 4 सै कियां परमेवरे दे घरे च गिया, कने परमेवरे जो चढाईयां रोटियां खादियां, जिना जो खाणां ना उस तांई कने ना उदे मित्रां तांई व्यवस्था दे अनुसार ठीक था, पर सिर्फ याजकां तांई ठीक था? 5 या क्या तुसां मूसा दी व्यवस्था च नी पडया है, कि याजक सन्ते दे रोज मंदरे च सन्ते दे रोजे दिया विधिया जो तोडने पर भी निर्दोष होंदे न?” 6 पर मैं तुसां जो बोलदा है, इदा

मतलब है, कि मैं तुहाड़े बाल आया है कने मैं मंदरे ला भी जादा बहुमूल्य है। 7 अगर तुसां जाणदे न कि पबित्र शत्रु च इना अखरां दा मतलब क्या है, मेरे तांई बलियां चढाणे दी बजाए, तुसां दुजयां तांई दयालु बना कने मेरे इना निर्दोष चेलयां दी निंदा नी करदे। 8 “मैं माणुए दा पुत्र ऐ बोलणे दा हक रखदा है, कि लोकां जो सब्ते बाले रोजे जो क्या करणे दी अनुमति है।” 9 ओथु ला चलीकरी करी सै यहदी जंज घर च आया। 10 ओथु इक माणु था जिदा इक हथ सुक्की कने बेकार होई गया था, कने फरीसियां यीशुए पर दोष लांणे तांई उसला पुछ्या, कि क्या सब्ते दे रोज चंगा करणा ठीक गल्ल है? 11 यीशुए उना जो बोलया, “मन्नी लिया कि तुसां चे कुसकी दी इक ही भेड है। कने सै सब्ते दे रोजे खड़े च पेई जा, कने सै उसा जो पकड़ी करी खड़े ला नी कडे? 12 भला, माणुए दी कीमत भेडां ला कितणी जादा बदीकरी है। इस तांई सब्ते दे रोजे लोकां जो खरा करणा ठीक गल्ल।” 13 कने यीशुए उस माणुए जो बोलया, “अपणा हथ कर र्सां।” उनी अपणा हथ किता, कने उदा हथ दूरे हथे सांई ठीक होई गया। 14 तालु फरीसी झट बाहर आई करी कुछ लोकां कने मिलिकरी यीशुए दे खिलाफ सलाह करणा लागे, कि उसयो क्रियां मारणा है। 15 ऐ जांणी करी यीशु ओथु ला चली गया। कने मते सारे लोक उदे पिच्छे चली पै, कने उनी सारयां जो ठीक किता। 16 कने यीशुए चेतवनी देईकरी उना जो हुकम दिता, “कि मेरे बारे च कुसी ने भी मत दसदे कि मैं परमेश्वर दा पुत्र हूँ।” 17 ताकि जडा बचन यशायाह परमेश्वरे दा संदेश देणेबाले बोलया था सै पूरा हो: 18 “दिखा, ऐ मेरा सेवक है, जिसयो मैं चूणया है, मेरा प्यारा, जिसते मेरा मन खुश है, मैं अपणी आत्मा उस पर पांणी है, कने उनी होरनी जातियां जो न्याय दा संदेश देणा। 19 ना उनी कोई लडाई करणी, कने ना उनी कोई हल्ला पाणा, कने ना ही सै लोकां बिच घमंडी सांई ज़ोरे ने कोई भाषण नी देणा। 20 उनी कुसदा भी नुकसान नी करणा जडा भजयो टुटयो सरकंडे सांई कमजोर न, कने जिसयो भी कोई समस्या है सै सुलगती बतिया सांई न, उनी इसा जो कोई नुकसान नी करणा, पर उनी पक्का करणा कि न्याय किता जाए। 21 कने होरनी जातियां उदे नाए पर आस रखणी है।” 22 तालु लोक इक अन्ने कने गुरे जो जिदे च बुरी आत्मा थी, उसयो उदे बाल लेई आये, कने उनी उसयो ठीक किता कने सै गूंगा बोलणा कने उसयो मिलणा लगी पिया। 23 इसा गल्ला पर सारे लोक हेरान होए, कने बोलणा लागे, “क्या ऐ माणु मसीहा होई सकदा है, जडा राजा दाऊदे दे बंशे ला है, जिसयो असां नियाला दे न।” 24 पर फरीसियां ऐ गल्ल सुणीकरी बोलया, ऐ तां बुरियां आत्मा दे सरदार शैताने दिया सहायता लेईकरी बुरियां आत्मा जो कडदा है। 25 उनी उना दे मने दी गल्ल सुणीकरी उना ने बोलया, “अगर कुसी राज्य च लोक अपु च ही लडदे रेंगे तां सै राज्य बडे बकते तक नी टिकी सकदा है। कने अगर कुसी घरे दे माणु अपु च ही लडी पोगे तां सै घर नी बणी सकदा।” 26 अगर शैतान ही शैताने जो कड़े, तां उनी अपणा ही बेरी होई जाणा, तां उनी अपणा ही नाश करी लेणा है, तां फिरि उस दा राज्य कियां बदी सकदा है, 27 अगर मैं शैताने दिया मददा ने बुरियां

आत्मा जो कडदा है, तां तुहाड़े चले कुसदिया मददा ने बुरियां आत्मा जो कडदे न? इस तांई उना ही तुहाडा न्याय करणा है। 28 पर अगर मैं परमेश्वरे दिया आत्मा दिया सहायता ने बुरियां आत्मा जो कडदा है, तां परमेश्वरे दा राज्य तुहाड़े बाल आई पुज्जा है। 29 जालु दीकर तुसां ज़ोरे बाले माणुए जो नी बनगे, तां तुसां उदे घरे च नी बडी सकदे कने उदियां चीजां जो नी चोरी सकदे न। 30 “जडा मेरे सोगी नी है, सै मेरे खिलाफ है, कने जडा मेरे सोगी नी बटोलदा है, सै खलारदा है। 31 इस तांई तां मैं तुसां ने बोलदा है, कि माणुए दी ओलादी दे सारे पाप कने निंदा जडा सै परमेश्वर या कुसी दे खिलाफ करदे न, परमेश्वरे उना दे पाप माफ करी देणे न, पर जडा कोई पबित्र आत्मा दे खिलाफ निंदा करणा, तां सै परमेश्वरे कदी भी माफ नी करणा है। 32 पर जडा कोई माणुए दे पुत्रे दे बारे च कोई बुरी गल्ल बोलणा, उदा ऐ अपराध माफ होई जाणा, पर जडा कोई पबित्र आत्मा दे बारे च बुरा बोलणा, उदी ऐ गलती ना तां इस लोक च ना ही ओणे बाले युग च माफ होणी।” (aiōn g165) 33 “अगर सख खरा है, तां उदे फले जो भी खरा होणा, अगर सख बेकार है, तां उदे फल भी बेकार होणे न, क्योंकि सख फले ने ही पछेणया जांदा है।” 34 “तुसां जहरीले सपां दे बचयां सांई न, तुसां बुरे होईकरी क्रियां खरियां गल्लां बोली सकदे न? क्योंकि जडा मने च भरया है सै ही मुए च ओंदा है। 35 इक भला माणु मने दे भले भंडारे ला भलियां गल्लां कडदा है, कने इक बुरा माणु मने दे बुरे भंडारे ला बुरियां गल्लां कडदा है। 36 कने मैं तुसां ने बोलदा है, कि जडियां-जडियां बेकार गल्लां माणुए बोलणियां न, उना सारियां गल्लां दा लेखा न्याय दे रोजे देणा है। 37 क्योंकि परमेश्वरे न्याय करणा है कने हर इक माणुए जो उदियां बोलियां गल्लां दिया बजा ने दोषी या निर्दोषी ठहराया जाणा है।” 38 इसा गल्ला पर मते व्यवस्था जो सिखाणे बालयां कने फरीसियां उसयो बोलया, “गुरु जी, असां तिजो ला इक स्वर्ग दा कोई चमत्कार दिखणा चांदे न, जिसने पता लागे कि तिजो परमेश्वरे भेजया है।” 39 पर यीशुए उना जो जबाब दिता, तुसां चमत्कार इस तांई मंगदे न क्योंकि तुसां बुरे लोक न कने भरोसा नी करदे न, पर परमेश्वरे दा संदेश देणेबाले योना ने जडा होया उस जो छडी करी होर कोई तुसां जो चमत्कार नी मिलणा है। 40 योना तिन्न रात दिन पाणिणे दे इकी बडी बडिया मच्छिया दे पेटे च रिया, तियां ही, मैं माणुए दे पुत्रे भी तिन्न रात दिन धरतिया दे अंदर रेणा। 41 नीनवे शहरे दे लोकां न्याय दे रोजे इस युगे दे लोका सोगी उठी करी उना जो दोषी ठहराणा, क्योंकि उना योना दा प्रचार सुणीकरी मन बदलया, पर तुसां तां पच्चाताप करणे मना करदे न; कने दिखा, ऐथू तां सै है जडा योना ला भी बडा है। 42 दक्षिणे दिया राणिया न्याय दे रोजे इस युगे दे लोकां सोगी उठी करी उना जो दोषी ठहराणा, क्योंकि सै सुलैमान दा ज्ञान सुणने तांई बडी दूरे ला आयियो थी; कने दिखा, ऐथू सै है जडा सुलेमाने ला भी बडा है, पर तुसां पच्चाताप करणे मना करदे न। 43 “जालु बुरी आत्मा माणुए ला निकली जांदी है, तां सै सुक्रियां जगा च अराम तोपदी फिरदी है, पर उसा जो अराम नी मिलदा है। 44 तां सै अपने आपे ने बोलदी है, कि जिस माणुए ला

मैं आई है उसी माणुए दे अंदर चली जां कने बापस आई करी उस माणुए जो उस खाली घरे सांई पांटी है, जिसयो छेल करी साफ कने सजाया हो।” 45 ताल बुरी आत्मा जाई करी अपने ला होर बुरियाँ सत आत्मा जो अपने सोगी लेई ओदी है, कने सै उस माणुए दे अंदर जाई करी रेणा लगदी है, कने उस माणुए दी हालत पहले ला भी बुरी होई जांदी है। इस युगे दे बुरे लोकां ने भी इयां ही होणा है। 46 जालू सै भिडा ने गल्लां करा दा ही था, तां उस दी माता कने भाई बाहर खडुतयो थे, कने उसने गल्लां करणा चांदे थे। 47 कुनकी उसने बोलया, “दिख, तेरी माता कने तेरे भाई बाहर खडुतयो न, कने तिजो ने गल्लां करणा चांदे न।” 48 ए सुणीकरी उनी बोलणे बाले जो जबाब दिता, “कुण है मेरी माता? कने कुण न मेरे भाई?” 49 कने अपने चेलयां पासे हथ करिके बोलया, दिखा, “मेरी मां कने मेरे भाई ए न। 50 क्योंकि जडा कोई मेरे स्वर्गीय पिता दिया मरजिया पर चले, सै ही मेरा भाई, कने बेहन, कने माता है।”

13 तिस्सी रोजे यीशु घरे ला निकली करी दरियाये दे बखे जाई बैठा। 2 कने उस बाल मती भरी भीड गिठी होई गेई, कने सै किस्तिया पर चढ़ी गिया, कने सारी भीड दरियाये दे बखे खडोई रेई। 3 कने उनी उना ने कहाणियां च मतियां सारियां गल्लां बोलियां, “दिखा, इक बी राणे बाला बी राणा निकलया। 4 रांदे बेले थोडे बी रस्ते दे बखे पेई गे कने सै तां पछियां आई करी चुगी ले। 5 कने थोडे बी पथरलिया जमिना पर पे जिथू उसयो जादा मिटी नी मिली, कने जादा मिटी नी होणे दिया बजा ला तौली लूंगी पे। 6 कने जालू खडी धुप पेई, तां सै फकुई गे, क्योंकि उना दिया जडा डुगियां नी थियां तां सै सुकी गे। 7 कने थोडे बी झिल्लां च पे, कने जालू झिल्ल बडुए तां उना से बी डकी ले। 8 पर थोडे बी खरिया जमिना पर पे, कने सै बी लूगे, कने मते सारे फल देणेबाले होए; केईयां सौ गुणा, केईयां सठ गुणा, केईयां ती गुणा।” 9 जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले। 10 कने चेलयां यीशुए बखे आई करी पुछया, “तू उना ने कहाणिया च कजो गल्लां करदा है?” 11 उनी जबाब दिता, “तुहांजो स्वर्गे दे राज्य दे भेदां जो समझणे दी समझ दितियो है, पर उना जो नी। 12 जिस कुसी बाल सै समझणे दी इच्छा है, जडा परमेस्वर सिखांदा है, उसयो होर देणा, पर जडा समझणे दी इच्छा नी रखदा, कि मैं क्या सिखांदा, तां सै जडा समझया है, परमेस्वरे से भी उसला लेई लेणा।” 13 मैं उना ने कहाणिया च गल्लां इस तांई करदा है, कि सै दिखदे होए भी, नी दिखदे; कने सुणदे होए भी, नी सुणदे न; कने ना समझदे न। 14 कने उना दे बारे च यशायाह दी ऐ भविष्यवाणी पूरी हौंदी है: “तुसां कन्ना ला सुणना तां है, पर समझणा नी है; कने हखी ला दिखणा ता है, पर कुछ मिलणा नी है।” 15 “क्योंकि इना लोकां दा मन कठोर होई गिया है, कने सै कन्ना ला उच्चा सुणदे न, कने उना अपणिया हखी बंद करी लियां न; कुथी इयां ना हो कि सै हखी ला दिखन, कने कना ला सुणन कने मने ला समझन, कने अपने पापां दा पन्नाताप करगे, कने मैं उना जो ठीक करे।” 16 “पर धन्य न तुहाडियां हखी, क्योंकि सै दिखदियां न; कने तुहाडे कन्न, कि सै

सुणदे न। 17 क्योंकि मैं तुसां ने सच्च बोलदा है, कि मते परमेस्वरे दा संदेश देणेबाले कने धर्मी चांदे थे कि जडियां गल्लां तुसां दिखदे न, दिखन, पर दिखियां नी; कने जडियां गल्लां तुसां सुणदे न, सुणन, पर सुणियां नी।” 18 हण तुसां बी राणे बाले दी कहाणिया दा मतलब सुणा: 19 “जडा कोई राज्य दा बचन सुणीकरी नी समझदा, उदे मने च जडा कुछ राया था, उसयो शैतान झट पट जादां कने उना दे मने ला बचन कडी दिन्दा है जडा उना सुणया था; ए सै ही बी है, जडा रस्ते दे बखे राया था। 20 कने जडा पथरलिया जमिना च राया था, ए सै माणु न, जडे बचना जो सुणीकरी उना जो झट खुशिया ने ग्रहण करी लेंदे न। 21 पर परमेस्वर दे बचना जो मने दिया गहराईया च बदणा नी दिन्दे, उदे बाद जालू बचने दिया बजा ने उना पर कला क्लेश या परेशानी हौंदी है, तां सै बचना ला पिच्छे हठी जांदे न। 22 जडे बी झिल्लां च पियो न, ए सै माणु न जिना बचन सुणया, पर सै संसारे दिया चिंता जो लेईकरी दुखी, कने संसारिक चिंजा दा लालच उना दे मने च रेंदा है, ए सब परमेस्वर दे बचन च स्कावट पांदा है। कने सै बचन उना तांई फायदेमंद नी हौंदा। (aiōn g165) 23 कने जडे बी खरिया जमिना पर रायो थे, ए सै माणु न, जडे बचन सुणीकरी ग्रहण करदे न, कने फल दिन्दे न, कोई सौ गुणा, कोई सठ गुणा, कने कोई ती गुणा।” 24 यीशुए उना जो इक होर कहाणी सुणाई, “स्वर्गे दा राज्य उस माणुए सांई है जिनी अपने खेते च खरा भी राया। 25 पर जालू लोक सोआ दे थे तां उना दे दुशमण आई करी कणका बिच जंगली भी राई करी चली गे। 26 जालू लूंगा निकलियाँ कने बेलां लगियां, तां जंगली दांणया दियां लूंगा भी मिलणा लगियां।” 27 इस गल्ला पर घरे दे नौकरां आई करी उसला बोलया, हे मालिक, तू क्या अपने खेतरां च खरा भी नी लाया था? फिरी खेते च जंगली दाणे दे बूटे कुथु ला आए? 28 उनी उना जो बोलया, ए कुसी दुशमणे दा कम्म है। नौकरां उसला बोलया, तेरी क्या मज्जी है, कि असां जाई करी जंगली बूटयां जो जडा ला पुटी देन? 29 उनी बोलया, नी, ऐसा मत करा इयां ना होए कि जंगली दाणे दे बूटयां जो जडा ला पुटदे बेले उना सोगी कणका दे बूटे भी पुटई जान। 30 बडणे दीकर दोनो जो बडूणा दिया, कने बडणे दे बेले मैं बडणे बालयां ने बोलणा है, कि पहले जंगली दाणे दे बूटयां जो बटोली करी फूंकणे तांई गढियां बन्नी लियां, कने कणका जो मेरे खेते च गठेरा। 31 उनी उना जो इक होर कहाणी सुणाई, “स्वर्गे दा राज्य इक राई दे दाणे सांई है, जिसयो कुनी माणुए लेईकरी अपने खेतरां च राई दिता। 32 सै सारे बियां ला छोटा हौंदा है, पर जालू सै बडा हौई जांदा है तालू सै सारे साग पतयां ला भी बडा हौंदा है; कने ऐसा रख बणी जांदा है, कि अम्बरे दे पंछी आई करी उदिया डालियाँ पर घोंसले बणादे न।” 33 उनी इक होर कहाणी उना जो सुणाई, “स्वर्गे दा राज्य खमिरे (तराक) सांई है, जिसयो कुनी जनानिया लेईकरी तीन पसेरी आटे च मलाई दिता कने हौंदे-हौंदे सै सारा खमिरे बणी गिया।” 34 ए सारियां गल्लां यीशुए कहाणिया दे जरिये लोकां ने बोलियां, कने जडा कुछ सै सिखांदा, सै कहाणिया ने ही सिखांदा था। 35 कि जडा बचन परमेस्वरे दा संदेश देणेबाले बोलया था, सै पूरा होए: “मैं कहाणी बोलणे तांई अपना मु

खोलणा है: मैं उना गल्लां जो जडियां संसारे दे शुरू होणें ला गुप्त न उना जो सामणे लोंगा।” 36 तालू यीशु भिडा जो छडी करी घरे च आया, कने उदे चेलयां उदे बाल आई करी बोलया, “खतरे दे जंगली दांणे दी कहाणी समझाई दे।” 37 उनी उना जो जबाब दिता, “खरे भी रांणे बाला मैं माणुदे दा पुत्र है।” 38 खतर संसारे दे लोक न, खरा बी राज्य दे लोक न, कने जंगली भी शैताने दे लोक न। 39 जिनी दुशमणे उना जो राया सै शैतान है; बडणा संसारे दा खात्मा हे: कने बडणे बाला स्वर्गदूत है। (aiōn g165) 40 जियां जंगली दांणे दे बीए दे बूटे फुकणे तांई गटेरदे न, तियां ही संसारे दे खात्मे च होणा है। (aiōn g165) 41 मैं माणुदे दे पुत्रे अपने स्वर्गदूते जो भेजणा, कने उना उदे राज्य च सारियां पाप दियां बजां जो, कने बुरे कम्म करणे बालयां जो उखाडी देणा है। 42 कने स्वर्गदूतां उना जो अग्नी दे कुण्डे च पांणा, कने उना ओथु रोंणा कने दंद पीणे न। 43 उस बेले धर्मियां अपने पिता दे राज्य च सूरजे सांई चमकणा है। जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले। 44 “स्वर्गे दा राज्य खतरे च लुकयो खजाने सांई है, जडा कुसी माणुदे जो मिलया है, कने उनी लुकाई रखया, खुशिया दे मारयो जाई करी उनी अपना सारा कुछ बेची करी, कने उस खेतरे जो खरदी लिया।” 45 “फिरी स्वर्गे दा राज्य इक व्यापारिये सांई है, जडा खरे मोतियाँ दिया तोपा च था। 46 जालू उसयो इक बडा भरी मेहंगा मोती मिला, तां उनी अपना सारा कुछ बेची दिता, कने सै मोती खरीदी लिया।” 47 “फिरी स्वर्गे दा राज्य उस मच्छियां पकडने बाले बड्डे जाल्ले सांई है, जिसयो समुद्रे च पाया, कने सै हर तरा दियां मच्छियां जो बटोली लेई आया। 48 कने जालू जाल्ल भस्ई गिया, तां मछवारे जाल्ले जो खिंज्जी करी किनारे जो लेई आये, कने बेईकरी खरियाँ-खरियाँ मच्छियां जो भांडयां च पाया कने बेकार-बेकार सटी दितियां। 49 संसारे दे अंत च इयां ही होणा है; स्वर्गदूते आई करी बुरे लोकां कने धर्मियां जो लग करणा, (aiōn g165) 50 कने बुरे लोकां जो अग्नी दे कुण्डे च पांणा। ओथु उना रोंणा कने दंद पीणे न।” 51 “तुसां क्या ऐ सारियां गल्लां समझीं गे?” उना उसला बोलया, “हाँ।” 52 उनी उना ने बोलया, “तांई तां हर इक व्यवस्था जो सिखाणे बाला जडा स्वर्गे दे राज्य दा चेला बणया है, उस ग्रहस्थ दे सांई है जडा अपना पराणियां कने नोइयां चिजां जो अपने भंडारे ला कडदा है जिथु सै दुजयां दिया मदद करणे तांई उना जो गटेरदा।” 53 जालू यीशु सारी कहाणी बोली बैठा, तां ओथु ला चली गिया। 54 कने अपने देशे च आई करी उना दे यहदी जंज घर च उना जो ऐसा उपदेश देणा लगा; कने सै हेरान होईकरी बोलणा लगे, “कि इसयो ऐ अकल कने चमत्कारी कम्म करणे दी शक्ति कुथु ला मिली? 55 क्या ऐ तरखाणे दा जागत नी है? कने क्या इदिया माता दा ना मरियम कने इदे भाईयां दे ना याकूब कने यूसुफ कने शमौन कने यहदा नी न? 56 कने क्या इदियां सारियां बेहणा साडे बिच नी रँदिया न? फिरी इनी ऐ सारा कुछ कुथु ला सिखाया?” 57 इयां उना उदिया बजा ला ठोकर खादी, पर यीशुऐ उना जो बोलया, “परमेश्वरे दा संदेश देणेबालयां दा अपने ग्रां कने घरे छडी करी, उसयो हर कुथी

इज्जत मिलदी है।” 58 कने उनी ओथु उना दे भरोसा नी करणे दिया बजा ला जादा अनोखे कम्म नी किते।

14 कने हुण राजा हेरोदेसे यीशुऐ दे कम्मा दी चर्चा सुणी जडे यीशु करा दा था। 2 कने अपने सेवकां ने बोलया, “ऐ सेई यहन्ना बपतिस्मा देणेबाला यहन्ना है! सै मरयां च जिन्दा होई गिया है, ये ही बजा है कि उदे बाल इना चमत्कारां जो करणे तांई परमेश्वर दी शक्ति है!” 3 क्योंकि हेरोदेसे अपने भाई फिलिप्पुस दी घरे बाली हेरोदियास दिया बजा ला, यहन्ना जो पकडी करी बन्या, कने जेला च पाई दिता था। 4 क्योंकि यहन्ने उसयो बोलया था, कि इसा जो रखणा तिजो तांई ठीक नी है। 5 कने सै उसयो मारी देणा चांदा था, पर सै लोकां ला डरदा था, क्योंकि सै उसयो परमेश्वरे दा संदेश देणेबाला मंदे थे। 6 पर जालू हेरोदेस दा जन्म दिन आया, तां हेरोदियास दिया कुडिया त्योहारे च नची करी हेरोदेसे जो खुश किते। 7 इसा गल्ला पर उनी कसम खाई करी बचन दिता, कि जडा कुछ तू मंगगी, सै मैं तिजो दिंगा। 8 उना अपणिया माता दे बहकावे च आई करी बोलया, “यहन्ना बपतिस्मा देणेबाले दा सिर थालिया च रखीकरी मिंजो ऐथु मंगबाई दे।” 9 ऐ सुणीकरी राजा बडा उदास होया, पर अपणिया कसमां, कने सोगी बोणे बालयां दिया बजा ने, हुकम दिता, कि यहन्ना दा सर इसा जो देई दिया। 10 राजे इक सिपाइऐ जो हुकम दिता, कि जेला च जा, कने यहन्ना दा मुंड बड्डी करी उदे बाल लेईकर आ। 11 सिपाइऐ जेला च जाई करी उदा सिर कटया, कने इक थालिया च रखीकरी लेई आया कने उसा कुडिया जो देई दिता, कने कुडिया अपणिया माता जो देई दिता। 12 तालू यहन्ना दे चेलयां उदिया लाशा जो ले जाई करी दबाई दिता, कने जाई करी यीशुऐ जो खबर दिती। 13 जालू यीशुऐ ऐ सुंणा, तां किस्तिया च चडी करी ओथु ला कुसी सुनसान जगा जो, एकांत च चली गिया; कने लोक ऐ सुणीकरी शेहरे-शेहरे ला पैदल चली करी उदे पिच्छे चली गे। 14 उनी निकली करी मते भरे लोकां दी भीड दिखी, कने उना पर तरस खादा, कने उनी उना चे जडे मरीजां जो ठीक किते। 15 जालू संज होई, तां उदे चेलयां उदे बाल आई करी बोलया, “ऐ तां सुनसान जगा है, कने देर होआ दी है; कने लोकां जो भेजी दिया ताकि सै ग्रां च जाई करी अपने तांई खांगा खरीदी लेना।” 16 पर यीशुऐ उना जो बोलया, “उना दा जाणा जरूरी नी है। तुसां ही इना जो खाणे जो दिया।” 17 उना उसला बोलया, “साडे बाल ऐथु पंज रोटियां कने दो मछियां जो छडी करी होर कुछ नी है।” 18 उनी बोलया, “उना जो ऐथु मेरे बाल लेई ओआ।” 19 तालू उनी लोकां जो घाए पर बोणे जो बोलया, कने उनी सै पंज रोटियां कने दो मछियां लियां; कने स्वर्गे पासे दिखीकरी धन्याबाद किते, कने रोटियां तोडी-तोडी करी चेलयां जो दितियां, कने चेलयां लोकां जो। 20 सारे खाई करी रजी गे। कने जालू रोटी खायी बैठे तालू चेलयां बाकी बचियां रोटियां कने मछियां गिठेरेइयां कने उसला बाहरा टोकरियाँ भस्ई गियां। 21 कने खाणे बाले चे जनानिया कने बचयां जो छडी करी लगभग पंज हजार मर्द थे। 22 कने उनी तोले-तोले अपने चेलयां जो किस्तिया पर चढने तांई

बोलया, ताकि सै उसला पेहले पार पुज्जी जान, ताल् दीकर कि मै मेरे स्वर्गीय पिता नी लाया है, सै पुटई जाणा है।” 14 “उना जो लोकां जो भेजी करे। 23 सारे लोकां जो भेजणे बाद, यीशु पहाडे पर जाणा दिया; सै रस्ता दसणे बाले अन्ने न, कने अगर अन्ना अन्ने जो प्राथना करणे तांई गया; संज्ञा जो सै ओथु किल्ला था। 24 उस बेले रस्ता दसे, तां दोनो खड़े च पोणा है।” 15 ऐ सुणीकरी पतरसे उसला किस्ति झिल्ला बिच लेहरां ने डगमगा दी थी, क्योंकि होआ सामणे बोलया, “ऐ कहणीयां सांझो समझाई दे।” 16 उनी बोलया, “क्या ला ओआ दी थी। 25 कने तां भयागा तडके यीशु झिल्ला पर चली तसां भी हले दीकर नी समझे?” 17 “क्या तुहांजो पता नी है, कि करी उना बाल आया। 26 पर जालू चेलयां उसयो झिला पर चलदे जडा कुछ मुए च जांदा है सै पेटे च पौदा है, कने संडास ने बाहर दिखया, तां से घबराई गे, कने बोलणा लग्गे कि, “भूत है ऐ।” 27 निकली जांदा है? 18 पर जडा कुछ मुए ला निकलदा है, सै मने पर यीशुऐ उना ने झट गल्लां कितियां कने बोलया, “हिम्मत रखा, ला निकलदा है, सै ही माणुऐ जो अशुद्ध करदा है। 19 क्योंकि बुरे डरा मत, मै यीशु है।” 28 पतरसे उसयो जबाब दिता, “हे प्रभु, बिचार, मारणा, परस्त्रीगमन, व्यभिचार, चोरी, झूठी गबाई कने निंदा अगर तू है, तां तू मिंजो अपने बाल पाणिए पर चली करी ओणे दा मने ला ही निकलदे न। 20 ऐ ही है जडे माणुऐ जो अशुद्ध करदे न, हुकम दे।” 29 उनी बोलया, “आ।” तालू पतरस किस्तिया ला पर बिना हथ धोतयो खांणा खाणां माणुऐ जो अशुद्ध नी करदा है।” 21 उतरी करी यीशुऐ पासे चलणा लग्गा। 30 पर होआ जो महसूस करी यीशु ओथु ला निकली करी, सूर कने सैदा दे देशां जो चली गया। डरी गया, कने जालू डूबणा लगा तां चिलाई करी बोलया, “हे प्रभु, 22 उस देशे ला इक कनानी जनानी आई, कने जौरे-जौरे ने बोलणा मिंजो बचा।” 31 यीशुऐ झट हथ गां करी के उसयो थमी लिया, लग्गी, “है प्रभु। दाऊदे दी ओलाद, मिंजो पर दया कर, मेरिया, कने उसला बोलया, “हे घटविष्वासी, तू कजो शक किता?” 32 कुडिया जो बुरी आत्मा बडी भरी सांतांटी है।” 23 पर उनी उसा जो जालू सै किस्तिया पर चडी गया, तां होआ भी स्की गई। 33 इसा कोई जबाब नी दिता, कने उदे चेलयां आई करी उसने बिनती करिके गल्ला पर जडे किस्तिया पर थे, उना उसयो झुकी करी नमस्ते करी बोलया, “सच्ची, तू परमेस्वरे दा पुत्र है।” 34 सै पार उतरी करी बोलया, “गन्नेसरत प्रदेश दे कन्डे पुज्जे। 35 कने ओथु दे लोकां उसयो पछेणी कने उदे बाल लेई आये। 36 कने उसने बिनती करणा लग्गे कि सै सिर्फ अपने कपडयां जो छुणा दे, कने जितणे भी छुंदे थे, सै सारे ठीक होई जांदे थे।

15 तालू यरूशलेम ला कुछ फरीसी कने व्यवस्था जो सिखाणे बाले यीशुऐ बाल आई करी बोलणा लग्गे, 2 “तेरे चले पूर्वजां दे रीती रिबाजां जो कजो टालदे न, कि बिना हथ धोतयो रोटी खांदे न?” 3 यीशुऐ उना जो जबाब दिता, “तुसां अपने बणायो नियमा दिया बजा ला कजो परमेस्वरे दे हुकमे जो टालदे न?” 4 क्योंकि परमेस्वरे बोलया है, “कि अपने माता पिता दा आदर करा, कने जडा कोई अपने माता पिता जो श्राप दिगा, सै पक्का मारी देणा।” 5 “पर तुसां लोकां जो इजाजत दिन्दे न की, अपने माता-पिता जो ऐ बोलती दिया कि जडा कुछ मै तुहांजो देणा था, सै मै परमेस्वर जो देणे दी कसम खादियो है।” 6 तां सै अपने पिता दा आदर नी करदा है, इयां ही तुसां भी अपने रीती रिबाजा दिया बजा ला परमेस्वरे दा हुकम तोडी दितया है। 7 यशायाह तुहाडे बारे च ठीक बोलया था, जिनी पबित्र शाब्द च तुसां कपटियां दे बारे च लिखया है, 8 “कि ऐसे लोक गल्लां ने तां मेरा आदर करदे न, पर इना दे मन मिंजो ला बडे दूर न। 9 कने ऐ बेकार ही मेरी भक्ति करदे न, क्योंकि माणुऐ दे तरीकियां जो धर्म उपदेशे बणाई करी सिखांदे न।” 10 कने यीशुऐ लोकां जो अपने बाल सदीकरी उना ने बोलया, “सुणा, कने समझ। 11 जडा मुए च जांदा है, सै माणुऐ जो अशुद्ध नी करदा है, पर जडा मुए ला निकलदा है, सै माणुऐ जो अशुद्ध करदा है।” 12 तालू चेलयां आई करी बोलया, “क्या तिजो ऐ पता है कि फरीसियां ऐ बचन सुणीकरी ठोकर खादी?” 13 उनी जबाब दिता, “हर इक बूटा जडा

सै उना जो लोकां च बंडी देन। 37 फिरी बादे च सारे लोक खाई चेलयां जो दसणा लगा, “मिजो जरूरी है कि मै यरूशलेम जां, कने करी रजी गे कने उदे बाद चेलयां बाकी बचयो टुकडयां जो सत टोकरियां च भरी लिया। 38 कने खाणे बालयां चे जनानिया कने बचयां जो छडी करी चार हजार मर्द थे। 39 तालू सै भिडा जो भेजी करी किस्तिया पर चढया, कने मगदन देशे दिया सीमा पर आया।

16 फरीसियां कने सदूकियां यीशुए बाल आई करी उसयो परखणे ताई बोलया, “कि सांझो स्वर्गे दा कोई चमत्कार दसा।” 2 उनी उना जो जबाब दिता, “संझा जो तुसां बोलदे न, कि मौसम खरा रेणा है, क्योंकि अम्बर लाल है।” 3 कने ब्यागा जो बोलदे न, कि अज तूफान ओणा क्योकि अम्बर लाल कने धुंधला है तुसां अम्बरे दे लछण दिखीकरी फरक दर्सी सकदे न, पर बकते दे निशाणा दा फरक कनी दर्सी सकदे न? 4 “इस युगे दे बुरे कने व्यभिचारी लोक निशाण तोपदे न, पर योना दे निशाणे जो छडी करी उना जो कोई होर निशाण नी मिलणा।” कने सै उना जो छडी करी चली गया। 5 कने चले झीला दे पार जांदे बेले रोटियां लेणा भूली गियो थे। 6 कने यीशुए उना जो चेतावनी दिती कि, “फरीसियां कने सदूकियां दे खमिरे ला बचणे ताई चौकने रेनयो।” 7 सै अपु चे बिचार करिके बोलणा लग्गे, कि यीशुए ऐ इस ताई बोलया क्योकि “असां रोटियां नी लोंदियां।” 8 ऐ जाणी करी, यीशुए उना ने बोलया, “हे घटक्विवासियों, तुसां कजो अपु चे बिचार करा दे कि साडे बाल रोटिया नी न?” 9 तुसां क्या हले दीकर नी समझे? कने उना पंजा हजारां दियां पंज रोटिया याद नी न, कने ना ही ऐ कि कितणियां टोकरियां चुकियां थियां? 10 कने ना ही उना चार हजार दियां सत रोटियां, कने ना ही ऐ कि तुसां कितणियां टोकरियां चुकियां थियां? 11 “तुसां कनी समझदे कि मै तुसां ने रोटियां दे बारे च नी बोलया? पर फरीसियां कने सदूकियां दे बचना ला चौकने रेणे दे बारे च बोलया है।” 12 तालू उना जो समझ आया, कि उनी रोटिया दे खमिरे ताई नी, पर फरीसियां कने सदूकियां दिया शिक्षा ला चौकने रेणे ताई बोलया था। 13 यीशु कैसरिया फिलिप्पी दे प्रदेशे च आया कने उनी अपणे चेलयां ला पूछया, “लोक मिजो, माणुए दे पुत्रे जो क्या बोलदे न?” 14 चेलयां जबाब दिता कुछ लोक बोलदे न कि तुसां यहूना बपतिस्मादाता न; पर कोई-कोई एलियाह, कने कोई-कोई बोलदे न कि पुराणे जमाने दे परमेश्वरे दा संदेश सुनाणे बालयां चे कोई इक है। 15 यीशुए उना जो बोलया, “पर तुसां मिजो क्या बोलदे न?” 16 शमौन पतरसे जबाब दिता, “तू जिंदे परमेश्वरे दा पुत्र मसीह है।” 17 यीशुए उसयो जबाब दिता, “हे शमौन, योना दे पुत्र, तू धन्य है; क्योकि मासे या खने नी, पर मेरा पिता परमेश्वर जडा स्वर्गे च है, उनी ऐ गल्ल तिजो पर प्रगट कितियो है। 18 कने मै भी तिजो ने बोलदा है, कि तू पतरस है, कने मै इसी पथरे पर अपनी कलीसिया बणाणी, कने अधोलोक दे फाटक उदे पर प्रबल नी होणे।” (Hadēs 986) 19 “मै तिजो स्वर्गे दे राज्य दियां चाबियां दिगा: कने जडा कुछ तू धरतिया पर बणांगा; सै स्वर्गे च भी बणना, कने जडा कुछ तू धरतिया पर खोलगा, सै स्वर्गे पर भी खुलणा।” 20 तालू उनी चेलयां जो समझाया कि, “कुसी ने भी मत बोलदे कि, मै मसीह है।” 21 उस बेले यीशु

चेलयां जो दसणा लगा, “मिजो जरूरी है कि मै यरूशलेम जां, कने यहूदी अगुवे, बड़े याजकां, कने यहूदी व्यवस्था जो सिखाणे बालयां दे हथां ला मते दुख झेलें, कने सै मिजो मारी देन, कने फिरी मै तिन्ना रोजां बाद मरयां चे जिन्दा होई जां।” 22 पतरस यीशुए जो बखिया लेई गिया कने इसा गल्ला पर झिडकणा लग्गा, “है प्रभु, परमेश्वर ना करे। कि तिजो पर कदी ऐसा होऐ।” 23 उनी मुडी करी पतरसे जो बोलया, “शैताने सांई कम्म करणा बंद कर! मेरे सामणे ला दूर होई जा! क्योकि तू परमेश्वरे सांई नी, पर तू माणुए सांई सोचा दा है।” 24 यीशुए भिडा जो अपणे चेलयां समेत अपणे बाल सदीकरी बोलया, “जडा कोई मेरा चेला बणना चांदा है, उसयो अपणिया शरीर दियां इच्छां कने जडियां तरकिबां बणाईयां उना जो छडी करी! मिजो ताई मरणे जो तैयार रेणा पोणा, सेई मेरा चेला बणी करी मिजो पिच्छे चली सकदा है।” 25 कोई माणु ऐसा नी करगा कने अपणे प्राणा जो बचणा चांहागा, उनी परमेश्वर सोगी आत्मिक जिन्दगी जिणे दा मोका गबाई देणा है। पर जडा माणु मिजो पर भरोसा करगा कने मेरे शुभसमाचार दिया बजा ने मरगा उस माणुए जो परमेश्वरे सोगी सदा ताई दी जिन्दगी मिलणी। 26 अगर तुसां संसारे दा सब कुछ पाई लेगे कने परमेश्वरे सोगी सदा दी जिन्दगी जिणे दा मोका गबाई दिगे, तां उदा क्या फायदा? इक माणु परमेश्वरे जो क्या देई सकदा है, जडा उदी सदा दी जिन्दगी खरिदा? कुछ नी! 27 मै, माणुए दे पुत्रे अपणे स्वर्गदे सोगी अपणे पिता दिया महिमा च ओणा है, कने उस बेले उनी हर इकी जो उदे कम्मा दे अनुसार उसयो फल देणा है। 28 मै तुसां ने सच्च बोलदा है, “कि जडे ऐथू खडोतयो न, उना चे केई ऐसे न, कि जालू दीकर मिजो, माणुए दे पुत्रे जो उदे राज्य च ओंदे नी दिखी लेन, तालू दीकर मौता दा स्वाद नी चखणा है।”

17 छे रोजां बाद यीशुए पतरस कने याकूब कने उदे भाई यहूना जो सोगी लिया, कने उना जो एकांत च कुसकी उच्चे पहाडे पर लेई गिया। 2 कने उना दे सामणे यीशुए दा रूप बदलुई गिया। कने उदे कपडे चमकदार सफेद होई गे, 3 तालू उना तिन्ना चेलयां, परमेश्वरे दा संदेश देणेबाले मूसा कने एलियाह जो, जडे बडे पेहले जिन्दा थे उना जो यीशुए सोगी गल्लां करदे दिखया। 4 इसा गल्ला पर पतरसे यीशुए जो बोलया, “प्रभु जी, साडा ऐथू रेणा ठीक है, इस ताई असां ऐथू तीन तम्बू बणादे न, इक तरे ताई, इक मूसा ताई, इक एलियाह ताई।” 5 पतरस बोला दा ही था, तालू इक चमकीला बदल आया कने उना जो अपनी छाया ने ढकी लिया, बदले च परमेश्वरे जो बोलदे सुणया, “कि ऐ मेरा प्यारा पुत्र है, कने मै इसला खुश है, कने जडा ऐ बोलदा है उसयो ध्यान ला सुणा।” 6 चले ऐ सुणी के मुए भार पेई गे, कने बडे डरी गे। 7 यीशुए उना जो बखे आई करी छुता, कने बोलया, “उठा कने डरा मत।” 8 तालू उना अपणे चारो पासे नजर मारी, तां मूसा कने एलियाह ओथू नी थे, कने उना जो सिर्फ यीशु ही मिल्ला। 9 जालू यीशु कने उदे तिन्न चले पहाडे ला उतरा दे थे, तालू यीशुए उना जो हुकम दिता कि, “कुसी जो भी मत दसदे कि तुसां क्या दिखया जालू दीकर मै, माणुए दा पुत्र मरयां चे जिन्दा ना होई जा।” 10 कने चेलयां उसला

पुछ्या, “मूसा दी व्यवस्था जो सिखाणे बाले यहदी गुरू कजो बोलदे थे मसीहा ला पेहेले एलिय्याह ओणा था? अगर ओणा था, तां हाली दिकर कजो नी आया सै?” 11 यीशुए उना जो जबाब दिता, “ऐ तां सच्च है कि एलिय्याह पेहेले आई करी सब कुछ सुधारणा है।” 12 पर मै तुसां ने बोलदा है, “एलिय्याह ता पेहेले ही आई चुकया था, कने लोकां उसयो नी पछेणया; पर जियां सै करणा चांदे थे तियां ही उदे सोगी किता। इसी तरीके ने ही माणुए दे पुत्रे जो भी उना दे हथे ला दुख होणे ना।” 13 तालू चेलयां समझया कि उनी सांझो ने यहन्ना बपतिस्मा देणेबाले दे बारे च बोलया है। 14 जालू सै भिडा बखे पुज्जे, तां इक माणु उना बाल आया, कने गोडे भार बेईकरी बोलणा लग्गा। 15 “प्रभु जी, मेरे पुत्रे पर दया कर। क्योकि उसयो मियां दे दौरे पोंदे न, उसयो बडी तकलीफ होंदी है, कने बार-बार अग्गी च, कने बार-बार पाणुए च पेई जांदा है। 16 कने मै उसयो तैरे चेलयां बाल लांदा था, पर सै उसयो ठीक नी करी सके।” 17 ऐ सुणीकरी यीशुए उना जो जबाब दिता, “हे अविश्वासी लोकों, मै कालू दीकर तुहाडे सोगी रेंगा, कने कालू दीकर तुहाडे अविश्वास जो सेहन करगा? उसी जागते जो मेरे बाल लोआ।” 18 तालू यीशुए उसयो झिडकया, कने बुरी आत्मा उसला निकली गई, कने जागत उसी बेले ठीक होई गया। 19 जालू यीशु किला था, तां उदे चेले उस बाल आणे कने उसयो पुछ्या कि, “असां उसा बुरी आत्मा जो कजो नी कडी सके?” 20 यीशुए उना ने बोलया, “अपणे भरोसे दिया कमिया दिया बजा ला। क्योकि मै तुसां ने सच्च बोलदा है, अगर तुहाडा भरोसा राईया दे दांणे बराबर भी होंदा, तां इसी पाहडे ने बोली सकदे न, कि ऐथू ला खिसकी करी ओथु चली जा, तां उनी चली जाणा; कने कोई भी गल्लू तुहाडे तांई मुशकिल नी होणी। 21 (पर ऐ जात बिना प्राथना कने बिना बरते दे नी निकलदी।)” 22 जालू चेले गलील प्रदेशे च थे, तां यीशुए उना ने बोलया, “मै, माणुए दा पुत्र माणुआं दे हथे पकडाया जाणा है। 23 कने उना मिंजो मारी देणा, कने मै तीजे रोजे मरयां चे जिंदा होई जाणा।” इना गल्लां जो सुणीकरी चेले बडे उदास होए। 24 जालू सै कफरनहम शेहरे च पुज्जे, तां मंदरे दा कर लेणे बालयां, पतरसे बाल आई करी पुछ्या, कि क्या तुहाडा गुरू मंदरे दा कर नी दिन्दा है? 25 उनी बोलया, “हाँ, दिन्दा है।” जालू सै घरे आया, तां यीशुए पतरसे दे पूछणे ला पेहेले ही उसयो बोलया, “हे शमौन तू क्या समझदा है? धरतिया दे राजे महसूल या कर कुसला लेंदे न? अपणे पुत्रां ला कि परयां ला?” 26 पतरसे उना ने बोलया, “परयां ला।” यीशुए उसला बोलया, “तां पुत्र बची गे।” 27 तमी असां उना जो ठोकर ना खुआन, तू झिला दे बखे जाई करी बीडी पा, कने जडी मछी पेहेले निकलगी, उसा जो पकडयां; उसा दा मुउ खोलणे पर इक सिक्का मिलणा है, उसयो लेईकरी मेरे कने अपणे बदले उना जो कर देई दियां।

18 उस बेले चेले यीशुए बाल आई करी पूछणा लग्गे, “स्वर्गे दे राज्य च बडा कुण है?” 2 इस गल्लां पर उनी इक जागते जो अपणे बाल सदीकरी उना बिच खरेडया, 3 कने बोलया, “मै तुसां ने सच्च बोलदा है, कि तुसां अपना मन बदला, कने बचयां सांई बणा,

तां तुसां स्वर्गे दे राज्य च जाई सकदे न। 4 जडा कोई अपने आपयो बचयां सांई छोटा करगा, उनी स्वर्गे दे राज्य च बडा होणा। 5 कने जडा कोई मेरे नाए ला इक ऐसे बच्चे जो अपनांदा है सै मिजो भी अपनांदा है।” 6 पर जडा कोई इना छोटयां चे कुसी इकी जो भी भरोसे ला भटकांदा है या उना दे पाप करणे दी बजा बणदा है, उदे तांई तां खरा होंदा, कि उदे गले च बहू घराटे दा पथर लटकाई करी उसयो डुगे समुंद्रे च डोबी दिन्दे। 7 “ठोकरां दियां बजा ने संसारे पर हाय! ठोकर लगणा जरूरी है; पर हाय उस माणुए पर जिदे जरिये ठोकर लगदी है।” 8 “अगर तेरा हथ या पैर तेरे पापां दी बजा बणा दा, तां उना जो बडी करी फेंकी दे; तेरे तांई ऐ ही ठीक है कि तू टुंडा या लंगडा होईकरी हमेशा दिया जिन्दगिया च प्रवेश करे, कि दो हथ पैर होंदे होए भी तू कदी नी बुझणे बालिया अग्गी च जां। (aiōnios g166) 9 अगर तेरी हख तेरे पाप दी बजा बणे, तां उसा जो कडी करी फेंकी दे। तेरे तांई ऐ ही ठीक है कि काणा होईकरी हमेशा दिया जिन्दगिया च प्रवेश करे, कि दो हखी दे होंदे होए भी तू कदी नी बुझणे बालिया नरके दिया अग्गी च जां।” (Geenna g1067) 10 “दिखा, तुसां इना छोटयां चे कुसयो भी घटिया मत समझदे; क्योकि मै तुसां ने बोलदा है कि स्वर्ग च उना दे स्वर्गदूत हमेशा मेरे स्वर्गीय पिता दे सोगी रेंदे न।” 11 (क्योकि मै, माणुए दा पुत्र गवाचयां जो बचाणा आया है।) 12 “तुसां क्या सोचदे न? अगर कुसी माणुए दियां सौ भेडां न, कने उना चे इक गवाची जा, तां क्या सै उना निन्यानबे जो बाकी रखबालयां बाल छडी करी, पाहडे पर जाई करी, उसा गवाचिया जो नी तोपणा?” 13 “कने अगर ऐसा हो कि सै भेड उसयो मिली जाए, तां मै तुसां ने सच्च बोलदा है, कि उनी निन्यानबे भेडां तांई इतणा खुश नी होणा, जितणा कि इसा भेडां तांई होणा। 14 तियां ही तुहाडा पिता जडा स्वर्ग च है उदी इच्छा नी है, कि इना छोटयां चे इक भी खत्म होए।” 15 “अगर तेरा मसीह भाई तिजो ने कोई जुल्म करे, तां जा कने उस सोगी किल्ले च गल्लू बात करिके समझा; अगर सै तेरी सुणे ले कने अपणी गलती मन्नी ले, तां तू अपणे मसीह भाईए जो बापिस पाई लिया।” 16 कने अगर सै नी सुणे, तां इक दो जणे होर लेई जा सोगी, क्योकि मूसा दिया व्यवस्था दे अनुसार, “हर इक आरोप जो दो या उसला जादा गबाह ला सही साबित करणा चाईदा।” 17 अगर सै उना दी भी नी मन्ने, तां तू कलीसिया ने बोली दे, पर अगर सै कलीसिया ने भी नी मन्ने, तां तू उसयो जियां तुसां होर जातियां सोगी व्यवहार करदे न, तियां ही उसयो कलीसिया ला कडी दिया। 18 “मै तुसां ने सच्च बोलदा है, जडा कुछ तुसां धरतिया पर बणाणा है, उनी सै स्वर्ग च भी बणाणा है कने जडा कुछ तुसां धरतिया पर खोलणा है, सै स्वर्ग च भी खोलणा है।” 19 मै तुसां ने फिरी बोलदा है, अगर धरतिया पर तुसां चे दो जणे कुसा गल्लां तांई इक मन होईकरी मंगगे, तां सै उना तांई मेरे पिता दिया तरफ ला जडा स्वर्ग च है होई जाणी। 20 “क्योकि जिथू दो या तीन मेरे नाए ने गिठे होंदे न ओथु मै उना बिच होंदा है।” 21 तालू पतरसे बखे आई करी, उसयो बोलया, “प्रभु जी, अगर मेरा मसीह भाई जुल्म करदा रे, तां मै उसयो कितणी बरी माफ

करे, क्या सत बरी दीकर?" 22 यीशुए उसयो बोलया, "मै तिजो ने ए-नी बोलदा, कि सत बरी नी, पर तिजो उसयो माफ करी देणा चाईदा।" 23 "इस ताई स्वर्गे दे राज्य उस राजे सांई न, जडा अपने सेवकां ला लेखा लेणा चांदा था। 24 जालू सै लेखा लेणा लग्गा, तां इकी बंदे जो उदे सामणे लांदा सै दस हजार सोने दे सिकयां दे बोरे दा कर्जदार था। 25 कने उदे बाल बापस करणे तांई कुछ भी नी था, तां उदे मालिके बोलया, कि ऐ कने इदी घरे बाली कने बाल-बच्चे कने जडा कुछ भी इदा है सै सब कुछ बेची दिया, कने कर्ज चुकाई दिया। 26 इसा गल्ला पर उनी सेवके पैरां च पेईकरी नमस्ते किते, कने बोलया, हे मालिक, सबर रख, मैं सारा कुछ भरी दिगा। 27 तालू उदे मालिके उस पर तरस खाई करी उसयो छडी दिता, कने उदा कर्ज भी माफ करी दिता। 28 पर जालू सै सेवक बाहर निकलया, तां उसयो इक सोगी कम्म करणे बाला साथी मिला, जिनी उसला सो दीनारां (सो दीनारः सो चांदा दे सिक्के) दा कर्ज लिया था; उनी उदा गला पकडी करी उसयो बोलया, जडा कुछ तरे पर कर्ज है उसयो भरी दे। 29 उदे साथी सेवके उदे पैरां पेईकरी, उसने बिनती करणा लगा; कि सबर रख मैं सारा भरी दिगा। 30 पर सै नी मनया, कने उनी जाई करी उसयो जेला च पाई दिता, ताकि जालू दीकर सै कर्ज नी भरगा, तालू दीकर ओथु ही रे। 31 कने उदे साथी सेवक ऐ दिखीकरी बडे उदास होए, कने जाई करी ऐ सारा हाल अपने मालिके ने सुणाई दिता।" 32 तालू उदे मालिके उसयो सदीकरी बोलया, "हे दुष्ट सेवक, तू जडा मिंजो ने बिनती किती थी, तां मैं तेरा सारा कर्ज माफ करी दिता। 33 इस तांई जियां मैं तिजो पर दया किती थी, तियां ही तिजो भी अपने साथी सेवके दा कर्ज माफ करी देणा चाईदा था?" 34 कने उदे मालिके गुस्से च आई करी उसयो सजा देणे बालें दे हथे देई दिता, ताकि जालू दीकर सै सारा कर्ज नी भरगा, तालू दीकर उना दे हवाले रे। 35 "इयां ही अगर तुसां च हेर कोई अपने मसीह भाई जो मने ला माफ नी करगा, तां मेरा पिता जडा स्वर्ग च है, उनी तुसां जो भी माफ नी करणा।"

19 जालू यीशु ऐ गल्लां बोली बैठा, तां गलील प्रदेशे ला चली गिया; सै यहूदिया प्रदेशे ला निकले कने यरदन खड्डा दे दुज्जे पासे चली गे। 2 कने मते भरी लोक उदे पिच्छे चली गे, कने ओथु यीशुए उना सारयां जो ठीक कित। 3 तालू फरीसी उदे बाल आपे कने उसयो परखणे तांई उसला पुछया, "क्या हर इक छोटिया बजा ला अपणिया घरे बाली जो छडी देणा ठीक है?" 4 उनी जबाब दिता, "तुसां क्या पढया नी है, कि जिनी उना जो बणाया है, उनी शुरू ला ही नर कने नारी बणाई करी, बोलया। 5 इस बजा ला माणुए अपने माता-पिता ला लग होईकरी अपणिया घरे बालिया सोगी रेणा, कने इना दोनो इक तन होणा? 6 कने सै दोनो हण इक तन न, क्योंकि हण सै दो जणे नी, पर इक माणुए सांई न। इस तांई उसा जनानिया कने मर्दे जो बख नी करणा चाईदा जिना जो परमेख्वरे बियाह दे बंधना च बनया है।" 7 उना यीशुए ने बोलया, "फिरी मूसा ऐ कजो बणाया, कि उसा जो तलाक देईकरी छडी दिया?" 8 यीशुए उना ने बोलया, "मूसा तुहाडे मने दिया कठोरता दिया बजा ला तुहांजो अपणिया घरे

बालिया जो छडी देणे दा हुकम दिता, पर शुरू च ऐसा नी था। 9 मैं तुसां ने बोलदा है, कि जडा कोई व्यभिचार जो छडी करी कुसा होरसी बजा ने अपणिया घरे बालिया जो छडी करी दुईया ने बियाह करे, तां सै व्यभिचार करता है।" 10 चेलयां उसने बोलया, "अगर मरदे दा जनानिया सोगी ऐसा रिश्ता है, तां बियाह नी करणा ही ठीक है।" 11 उनी उना ने बोलया, "सारे ऐ बचन ग्रहण नी करी सकदे, सिर्फ सै ही जिना जो परमेख्वरे इस तरीके ने जिन्दगी जिणे दी शक्ति दितयो है। 12 क्योंकि कुछ नपुंसक ऐसे न जडे माऊ दे पेटे ला ही ऐसे न; कने कुछ नपुंसक ऐसे न, जिना जो माणुां नपुंसक बणाया है: कने कुछ नपुंसक ऐसे न, जिना अपने आपे जो स्वर्गे दे राज्य तांई नपुंसक बणाया है, जडे इसयो समझी सकदे न, सै समझी लिया।" 13 तालू लोक बचयां जो उदे बाल लेईकरी आपे, ताकि सै उना पर हथ रखे कने प्रार्थना करे; पर चेलयां उना जो झिडकां दीतियां। 14 यीशुए बोलया, "बचयां जो मना मत करा कने इना जो मेरे बाल ओणा दिया, जडे इना बचयां सांई भरोसेमदं न उना स्वर्गे दे राज्य च रेणा।" 15 कने सै उना पर हथ रखीकरी, ओथु ला चली गिया। 16 इक माणुए यीशुए बाल आई करी बोलया, "गुरु जी, मैं कुण दिया भला कम्म करे, ताकि मिजो हमेशा दी जिन्दगी मिल्ले?" (aiōnios g166) 17 यीशुए उसयो बोलया, "तू मिजो ला भलाईया दे बारे च कजो पूछा दा है? भला ता इक ही है; पर अगर तू हमेशा दिया जिन्दगीया च प्रवेश करणा चांदा है, तां तू हुकमा जो मना कर।" 18 उनी उसला पुछया, "कुण दे हुकम?" यीशुए बोलया, "ऐ कि हत्या नी करणी, व्यभिचार नी करणा, चोरी नी करणी, झूठी गबाई नी देणी; 19 अपने माता पिता दी इज्जत करणी, कने अपने पडोसियां सोगी अपणयां सांई प्यार रखणा।" 20 उनी मुंडे यीशुए जो बोलया, "इना सारियां गल्लां जो तां मैं मनदा है, हण मिजो च कुसा गल्लां दी कमी है?" 21 यीशुए उसयो बोलया, "अगर तू सिद्ध होणा चांदा है, तां जा कने जडा कुछ तेरा है उसयो बेची करी गरीबां जो देई दे, तां तिजो स्वर्ग दा धन मिलणा, इयां करणे बाद आ कने मेरा चेला बणिया।" 22 पर ऐ गल्ल सुणीकरी उस जवान मुंडे दे चेहरे पर उदासी छाई गेई, कने सै दुखी होई करी चली गिया, क्योंकि सै बडा भरी अमीर था। 23 तालू यीशुए अपने चेलयां जो बोलया, "मैं तुसां ने सच्च बोलदा है, कि अमीरां दा स्वर्ग दे राज्य च जाणा बडा मुशकिल है। 24 ऊंटे दा सुइया दे नके च निकलना असान है, पर अमीरां दा परमेख्वरे दे राज्य च जाणा बडा भरी मुशकिल है। 25 ऐ सुणीकरी चले बडे हेरान होईकरी बोलया, तां कुण अपने पापां दी सजा मिलणे ला बची सकदा है?" 26 यीशुए उना दे पासे दिखीकरी बोलया, "जडा माणु नी करी सकदे, पर परमेख्वरे सब कुछ करी सकदा है।" 27 तालू पतरसे यीशुए जो बोलया, "दिख, असां तां सारा कुछ छडी करी तरे पिच्छे आयो न: तां सांझो क्या मिलणा है?" 28 यीशुए उना जो बोलया, "मैं तुसां ने सच्च बोलदा है, कि नोए संसारे च जालू माणुए दे पुत्रे अपणिया महिमा दे सिंहासन पर बाँणा है, तां तुसां भी जडे मेरे पिच्छे आयो न, बाहरां सिंहासन पर बेईकरी झपाएले दे बाहरां गोत्रो दा नयाय करणा है।" 29 "कने जिनी घरां

जो या भाई, बेहणा जो या माता-पिता जो या बाल-बच्चों जो या खेतों जो मेरे नाए ताई छडी दितया है, उसयो सो गुणा मिलणा, कने सै हमेशा दिया जिन्दगिया दा अधिकारी होणा। (aiōnios g166) 30 पर मते लोक जडे हुण महान कने अग्रे न, उसी बकते सै पीच्छे होणे, कने जडे पीच्छे न, सै उसी बकते पेहले होणे न।”

20 स्वर्गो दा राज्य इसा कहाणिया साई है, इक जमीदार था, सै ब्यागा निकलया, ताकि अपने अंगरा दे बागे च कम्म करणे ताई मजदुरां जो लगां। 2 कने उनी मजदुरां ने इक रोज कम्म करणे ताई इक मजदुरी रखी, अपने अंगरा दे बागे च कम्म करणे ताई भेजया। 3 फिरी कोई नौ कि बजे ब्यागा निकली करी, होर लोकां जो बजारे च बेकार खडुतयो दिखया, 4 कने उना जो बोलया, “तुसां भी अंगरा दे बागे च जा, कने जडा ठीक है, सै तुहांजो दिगा।” तां सै भी कम्म करणे ताई गे। 5 फिरी उनी दोपहर कने संझा तिन्न बजे भी निकली करी तियां ही किता। 6 कने लगभग पंज कि बजे निकली करी होरां जो खडोतया दिखया, कने उना जो बोलया, “तुसां कजो ऐथु दिन भर बेकार खडोई रेंदे?” उना उसया बोलया, “इस ताई, कि कुनी भी सांझो मजदुरिया च नी लाया।” 7 उनी उना जो बोलया, “तुसां भी अंगरा दे बागे च कम्म करणा जा।” 8 संझा जो अंगरा दे बागे दे मालिके अपने भण्डारिये जो बोलया, “मजदुरां जो सदीकरी जडे सारयां ला आखिर च आयो उना ला लेईकरी जडे सारयां ला पेहले कम्म करणा आयो मजदुरां जो उना दी मजदुरी देई दे।” 9 जालू सै आए जडे पंज बजे कम्मे पर लगयो थे, तां उना जो इक दिने दी दिहाडी इक दीनार मिली। 10 जडे पेहले आयो थे उना ऐ समझया, कि सांझो जादा मिलणा पर उना जो भी इक दिने दी दिहाडी इक दीनार ही मिली। 11 जालू उना जो इक दिनार मिला, तां सै घरे दे मालिके उपर बुडबुडाणे लग्ये। 12 कि जडे संझा दे पंज बजे आयो कने इक ही घंटा कम्म किता, त् उना जो भी उतनी ही दिहाडी दिती जितनी त् सांझो दिती, असां दिन भर भार चुक्या कने धुप खादी? 13 तालू बर्गीचे दे मालिके उना चे इकी जो जबाब दिता, “कि हे मित्र, मै तिजो ने कोई गलत नी करा दा। क्या मै तिजो पुरे दिन कम्म करणे दा इक दीनार नी बोलया था? 14 जडी दिहाडी तेरी है, सै ले कने चली जा; मेरी मर्जी ऐ है कि जितणा मै तिजो दें, उतणा ही इस इक घंटा कम्म करणे बाले जो भी दें। 15 मिजो हक है कि मै अपने पैसे जो अपणिया मरजिया ने खचीं सके। तिजो जलन नी होणा चाईदी कि मै तुजयां ताई दयालू है। 16 पर मते लोक जडे हुण महान कने अग्रे न, उसी बकते सै पीच्छे होणे, कने जडे पीच्छे न, सै उसी बकते पेहले होणे न।” 17 यीशु यरूशलेम शेहेरे जो जांदे बेले बाहरां चेलयां जो एकांत च लेई गया, कने रस्ते च उना ने बोलणा लगा। 18 “दिखा, धयाने न सुणा, असां यरूशलेम चलयो न, कने मै माणुए दा पुत्र बड्डे याजकां कने यहदी व्यवस्था जो सिखाणे बालयां दे हथे पकड़ाया जाणा है, कने उना मिजो मौत दी सजा देणी है। 19 कने होर जातियां दे हथे देई देणा है। कने उना मेरा मजाक उडाणा है, मिजो पर थुकणा, कने मिजो कोडे मारणे, कने मिजो सूली पर चढाई करी मारी देणा है, कने मै तिजे दिने मरयां चे जिंदे

होई जाणा है।” 20 तालू जब्दी दे पुत्रां दिया माऊ अपने बचयां सोगी उदे बाल आई करी उसयो नमस्ते किते, कने उसला कुछ मंगणा लगगी। 21 यीशुए उसा जो बोलया, “त् क्या चांहदी है?” उना उसयो बोलया, “ऐ बचन दे, कि मेरे ऐ दोनो पुत्र तेरे राज्य च, इक तेरे सजे पासे कने इक खबे पासे बेई सकन।” 22 यीशुए जबाब दिता, “तुसां जो नी पता कि तुसां क्या मंगा दे? हुण जडे दुख मै सेहणे न, क्या तुसां उना दुखां जो सेहन करी सकदे न?” उना उसने बोलया, “हाँ करी सकदे न।” 23 यीशुए उना जो बोलया, “तुसां भी सारे दुख सेहणे न, जियां मै सेहणे। पर अपने सजे कने खबे पासे बटैलना मेरा कम्म नी है, पर जिना ताई मेरे पिता दिया तरफा ला तैयार कितया है, उना ताई ही न।” 24 ऐ सुणीकरी बाकी दसो चले याकूब कने यूहन्ना पर गुप्सा करणा लग्ये। 25 तां यीशुए उना जो अपने बाल सदीकरी बोलया, “तुहांजो पता है ना, कि जडे लोक प्रधान मने जांदे थे, सै अपने अधिकारां दा इस्तेमाल अपने अधीन लोकां दे उपर हक जमाणे ताई करदे न। उना दे अगुवे लोक अपणी गल्ल मनाणे ताई हक जतांदे न। 26 तुसां चे जडा महान बणना चांदा है, उसयो बाकियां दी सेबा करणी चाईदी। 27 कने जडा कोई तुसां चे प्रधान बणना चांदा हो, सै सारयां दा नौकर बणे। 28 मै ऐ इस ताई बोलदा है क्योकि मै माणुए दा पुत्र, इस संसारे च सारयां दी सेबा करणे ताई आया है, मै इस ताई नी आया कि लोकां ला अपणी सेबा करां। मै तां लोकां जो पापां ला छुटकारा करणे ताई अपने प्राण कीमत च देणा आया है।” 29 जालू सै यरीहो शेहेरे ला निकला दे थे, तां इक बडी बडी भीड उदे पिच्छे चली पेई। 30 दो अन्ने, जडे सडका बखे बैठयो थे, ऐ सुणीकरी कि यीशु जा दा है, पुकारी करी बोलणा लग्ये, “हे प्रभु, दाऊदे दे बंशज, सांझो पर दया कर।” 31 लोकां उना जो झिडकां दितियां, कि चुप रिया, पर सै होर भी जोरे ने चीलाई करी बोलणा लग्ये, “हे प्रभु, दाऊदे दी ओलाद, सांझो पर दया कर।” 32 तालू यीशुए खडोई करी, उना जो सदया, कने बोलया, “तुसां क्या चांदे न कि मै तुहाडे ताई करे?” 33 उना उसने बोलया, “प्रभु जी, ऐ कि साडियां हखी खुली जांन।” 34 यीशुए तरस खाई करी उना दियां हखी छूतियां, कने उना जो झट मिलणा लगगी पिया, कने सै उदे पिच्छे चली पै।

21 जालू सै यरूशलेम दे बखे पुज्जे कने जैतून सदां दे पाहडे पर बैतफगे जगा च आए, तां यीशुए दो चेलयां जो ऐ बोली करी भेजया, 2 “अपणे सामणे बाले ग्रां च जा, ओथु पुजदे ही इक गधी बनियो होणी कने सोगी उसा दा बच्चा भी बनया होणा। उना जो खोली करी मेरे बाल लेई ओआ। 3 अगर कोई तुहांजो ला पुच्छे, कि ऐ क्या करा दे न? तां बोलनयो, कि साडे प्रभु जो इदी जरस्त है, कने उनी माणुए तुसां जो लेई जाणा देणा है।” 4 ऐ इस ताई होया, कि जडा बचन परमेश्वरे दा संदेश देणेबाले बोलया था, सै पूरा हो: 5 “सियोन दिया कुडिया ने बोला, दिख, तेरा राजा तेरे बाल ओआ दा है; सै नम्र है, कने गंधे पर बैठया है; मतलब कि लादुए दे बच्चे पर बेईकरी ओआ दा है।” 6 चेलयां जाई करी, तियां ही किता, जियां यीशुए उना ने बोलया था। 7 गधी कने उसा दा बच्चा लांदा कने

उना पर अपने कपडे बछाईं दिते, कने यीशु उस पर बेईं गिया। 8 कने मते लोकां अपने कपडे रस्ते च बछाए, कने केईं लोकां स्र्खा जो छांगी करी डालियाँ रस्ते च बछाईंयां। 9 कने थोडे लोक यीशु दे अगगे-अगगे चलयो थे, कने थोडे लोक पिच्छे चलयो थे, सै सारे खुशिया ने बोला दे थे, “दाऊदे दे बंशज दी होशाना; धन्य सै जड्डा प्रभु दे नाए ने ओदा है, स्वर्ग च होशाना।” 10 जालू यीशु यस्शलेम शेहरे च पुज्जा, तां सारे नगरे च हिल पेईं गेईं, कने लोक बोलणा लगे, “ऐ कुण है?” 11 लोकां बोलया, “ऐ गलीले प्रदेश दे नासरते गां दा परमेश्वरे दा संदेश देणेबाला यीशु है।” 12 यीशुए परमेश्वरे दे मंदरे च जाईं करी व्यपारी लोकां जो मंदरे ला कडीं दिता, जडे ओथु जानवर कने चिजां खरीदणे बचने दा कम्म करा दे थे। कने पेसे बदलने बाले साहूकारां दे मेज पलटीं दिते, कने कशुतरां जो बेचणे बालयां दियां चौकियाँ जो बाहर सुटीं दिता। 13 कने यीशुए उना जो बोलया, पबित्र शास्त्र ऐ बोलादा है कि, “लोक मेरे घरे जो प्राथना दा घर बोलंदे न, जिथु सारे लोक प्राथना तांईं ओदे न? पर तुसां तां इसयो डाकुआं ने भरईयो गुफा सांईं बणाईं दितया है।” 14 तालू अन्ने कने लंगडे, मंदरे च उदे बाल आये, कने यीशुए उना जो खरा करी दिता। 15 पर जालू बड्डे याजकां कने व्यवस्था जो सिखाणे बालयां इना अनोखे कम्मा जो दिखया, जडे यीशुए किते कने मंदरे च जागतां जो दाऊदे दे बंशजे जो होशाना बोलंदे सुणया, तां सै गुस्सा होईं गे, 16 कने उसयो बोलणा लगे, “तू क्या सुणा दा है कि ऐ क्या बोला दे न?” यीशुए उना ने बोलया, “हाँ; तुसां क्या ऐ कदीं नी पढया की: जागतां कने दूध पिंदे बचयां दे मुए ला तू स्तुति कराईं?” 17 तालू सै उना जो छडीं करी नगरे दे बाहर बैतनिय्याह गां जो गिया, कने ओथु रात बिताईं। 18 ब्यागा जालू सै नगरे जो बापस ओआ दा था, तालू यीशुए जो भूख लग्गी। 19 सडका बखे अंजीर दा इक स्र्ख दिखया, कने सै उस बाल गिया, कने उस स्र्खे च पतयां जो छडीं करी होर कुछ नी था, उनी उसयो बोलया, “हण तिजो पर कदीं फल नी लगणे ना।” कने अंजीर दा स्र्ख झट सुकी गिया। (aiōn g165) 20 ऐ दिखीकरी चले बडे हेरान होए, कने बोलणा लगे, “ऐ अंजीर दा स्र्ख झट कियां सुकी गिया?” 21 यीशुए उना जो जबाब दिता, “मैं तुसां ने सच्च बोलदा है; अगर तुसां भरोसा रखन, कने शक नी करन; तां सिर्फ तुसां ऐ नी करणा जड्डा इस अंजीर दे स्र्खे ने किता है, अगर तुसां इस पाहडे जो भी बोलणे कि ऐथु ला पुटुईं जा, कने समुद्रे च जाईं पो, तां ऐ होईं जाणा।” 22 “कने जडे कुछ तुसां प्राथना च भरोसे ने मंगे सै सारा कुछ तुसां जो मिलणा।” 23 सै मंदरे च जाईं करी उपदेश करा दा था, तां बड्डे याजकां कने यहदीं व्यवस्था जो सिखाणे बालयां कने यहदीं अगुवे उदे बाल आये कने उसयो पुछणा लगे, “तू ऐ कम्म कुसदे अधिकारे ला करता है? कने तिजो ऐ हक कुनी दितया है?” 24 यीशुए उना जो जबाब दिता, “मैं भी तुहांजो ला इक गल्ल पछदा है, अगर तुसां मिंजो जबाब दिगे, तां मैं दसगा कि ऐ कम्म मैं कुसी हके ने करता है। 25 यहून्ना जो लोकां जो बपतिस्मा देणे तांईं कुनी भेजया था? क्या सै परमेश्वरे भेजया था या माणुए? मिंजो दसा।” तालू सै अपु चे बोलणा लगे कि अगर असां

बोलया कि, “परमेश्वर जड्डा स्वर्ग च है उनी भेजया है, तां यीशुए सांझो ला पुछणा, कि तुसां यहून्ना पर भरोसा कन्नी किता?” 26 कने अगर बोलन माणुए दिया तरफा ला तां सांझो भीडा दा डर है, क्योंकि सै उना लोकां ला डरदे थे, जडे यहून्ना जो परमेश्वर दे पासे ला आया इक सच्च परमेश्वरे दा संदेश देणेबाला मंदे थे। 27 उना यीशुए जो जबाब दिता, “असां नी जाणदे।” यीशुए भी उना जो बोलया, “तां मैं भी तुहांजो नी दसणा, कि ऐ कम्म मैं कुस हके ने करता है।” 28 “तुसां इस कहाणिया ला क्या सोचदे कने समझदे न? कुसी माणुए दे दो जागत थे; उनी पहले बाल जाईं करी बोलया, अज अंगूरा दे बागे च जाईं करी कम्म कर।” 29 उनी जबाब दिता, मैं नी जाणा, पर बादे च उसयो पछताबा होया कने फिरी चली गिया। 30 फिरी दुज्जे बाल जाईं करी इयां ही बोलया, उनी जबाब दिता, जी हों मैं जांदा है, पर सै गिया नी। 31 इना दोना चे कुनी परमेश्वरे दी इच्छा पुरी किती है? उना बोलया, “पहले बाले।” यीशुए उना ने बोलया, “मैं तुसां ने सच्च बोलदा है, कि कर लेणेबाले कने वेशयां तुहांजो ला पहले परमेश्वरे दे राज्य च प्रवेश करणा है। 32 मैं ऐ इस तांईं बोलया क्योंकि जालू यहून्ना बपतिस्मा देणेबाले तुहांजो दसया कि कियां सही तरीके ने जीणा है, कने तुसां उदा भरोसा नी किता। पर कर लेणे बालयां कने वेशयां अपने पापां जो छडीं दिता कने उदा भरोसा किता: कने तुसां ऐ दिखीकरी बादे च भी नी पछताय कि उदा भरोसा करी लेंदे।” 33 “इक होर कहाणी सुणा: इक माणुए बागे च अंगूर लाये। उनी बागे दे चारों पासे बाड लगवाया, कने इक जगा अंगूरा दे रसे जो निचोडने तांईं बणाईं, कने निगरानी रखणे तांईं इक उचिया जगा पर कमरा बणाया। फिरी उनी बागे जो कुछ किसाना जो ठेके पर देईं दिता, कने परदेस जो चली गिया। 34 फिरी जालू अंगूर पक्की गे, तां उनी अपने नोकरां जो ठेकेदार बाल अपणा अंगूरा दे बागे दा हिस्सा लोणे तांईं भेजया। 35 पर ठेकेदारां उदे नोकरां जो पकडीं करी, कोई कृतया, कोई मारी दिता; कने केईयां जो पथरा ने मारया। 36 फिरी उनी पहले ला भी जादा होर नोकरां जो भेजया, कने उना ठेकेदारां उना सोगी भी तियां ही किता। 37 आखरी च उनी अपने पुत्रे जो उना बाल ऐ सोचीं करी भेजया, कि उना मेरे पुत्रे दी इज्जत करणी। 38 पर ठेकेदारां पुत्रे जो दिखीकरी अपु चे बोलया कि, ऐ तां वारिस है, ओआ असां इसयो मारी दिन्दे न, कने इदी सारी जगा जमीन साडीं होईं जाणी। 39 कने उना उसयो पकडया कने अंगूरा दे बागे ला बार कडीं करी मारी दिता। 40 इस तांईं कि जालू अंगूरा दे बागे दा मालिक ओगा तां, तां सै ठेकेदारां सोगी क्या करगा?” 41 उना उसने बोलया, “उनी उना बुरे लोकां जो बुरे तरीके ने खत्म करी देणा; कने अंगूरा दे बागे दा ठेका होर किसाना जो देईं देणा, जडे उसयो बकते पर फल दिगे।” 42 यीशुए उना ने बोलया, “तुसां क्या कदीं पबित्र शास्त्रां च ऐ नी पढया: जिस पथरे जो राजमिस्त्रियां बेकार बोलया था, सै ही पथर कुंणे च सिरे दा पथर बणया? ऐ प्रभु दिया तरफा ला होया, पर साडिया नजरा च अनोखा है।” 43 इस तांईं मैं तुसां ने बोलदा है, कि परमेश्वरे दा राज्य तुहांजो ला लेईं लेणा है, कने ऐसे लोका जो देईं देणा है

जड़े से ही करगे जड़ा परमेश्वर चादां है। 44 “जड़ा इस पथरे पर पोंगा, उदा चूर भुर होई जाणा; जिदे पर सै पथर पोंगा, उसयो पि सडना उनी।” 45 बड़े याजकां कने फरीसी उदिया इसा कहाणिया जो सुणीकरी समझी गे, कि सै साडे बारे च बोला दा है। 46 कने सै उसयो पकड़ना चांदे थे पर लोकां ला डरी गे क्योंकि सै उसयो परमेश्वरे दा संदेश देणेबाला मंदे थे।

22 यीशुएे फिरि उना जो कहाणी सुणाई, 2 “स्वर्गे दा राज्य इक कहाणिया सांई है, इक राजा था जिनी अपने पुत्रे दा बियाह किता।” 3 उनी अपने नोकरां जो भेजया कि जिना जो नियुंद्र दितियो उना लोकां जो बियाह दिया धामा च सदा; पर सै कोई ओणा नी चांदे थे। 4 “फिरि उनी होर नोकरां जो ऐ बोली करी भेजया, कि नियुंद्र दितियो लोकां ने बोला: दिखा मैं धाम तैयार करी दितियो है, कने सारा कुछ तैयार है; कने तुसां बियाये दिया धामा च ओआ। 5 पर सै बहाना लाइ करी चली गे: कोई अपने खतरां जो, कोई अपने कम्म धंधे जो। 6 बाकी लोक जड़े बचा थे उना नोकरां जो पकड़ी करी उना दा अनादर किता कने मारी दिता। 7 जालू राजे ऐ सुणया तालू राजे जो गुस्सा आया, कने उनी अपणी सेना भेजी करी उना हत्यारां जो मरवाया, कने उना दे शेहरे जो फुकी दिता। 8 तालू उनी अपने नोकरां ने बोलया, बियाये दी धाम तां तैयार है, पर सदयो लोक खांणे जोगे नी न। 9 इस तांई तुसां हर जगा जा, कने जितणे भी लोक तुसां जो मिलन, सबना जो बियाये दिया धामा तांई सदी लोआ। 10 उना नोकरां हर जगा पर जाई करी क्या बुरे, क्या भले, जितणे भी मिल्ले, सब गठरे; कने बियाये बाला घर परोणया ने भस्ई गिया। 11 जालू राजा परोणया जो दिखणे तांई अंदर आया, तां उनी ओथु इक माणुऐ जो दिखया, जिनी बियाये तांई खरे कपडे नी पायो थे। 12 राजे उसला पुछया, है मित्र, तू बिना बियाये दे नोऐ कपडे पाई करी ऐथू कजो आया? कने सै चुप होई गिया। 13 तालू राजे नोकरां ने बोलया, इदे हथ-पैर बन्नी करी इसयो काल कोठडी च पाई दिया, ओथु उनी रोणा कने, दंद पीणे। 14 क्योंकि परमेश्वरे मते लोकां जो अपने बाल सदया है पर थोडे ही न जड़े चुंणयो न।” 15 तालू फरीसियां जाई करी अपु चे बिचार किता, कि उसयो कुस तरीके ने गल्लां च फसान। 16 उना अपने चेलयां जो हेरोदियां सोगी उदे बाल ऐ बोलणे जो भेजया, “गुरू जी, असां जो पता है कि तुसां हमेशा सच्च बोलदे न, कने परमेश्वरे दा रस्ता सच्चाईया ने दसदा है, कने कुदी भी परवाह नी करदे न, क्योंकि तू माणुऐ दा मुऐ दिखीकरी गल्ल नी करता है। 17 इस तांई सांझे दस कि तू क्या सोचदा है? महाराजा जो कर देणा ठीक है, कि गलत है।” 18 यीशुएे उना दी बुराई जाणी करी बोलया, “है कपटियों, मिंजो कजो परखदे न?” 19 करे दा सिक्का मिंजो दसा। “तालू सै उदे बाल इक दीनार लेई आये।” 20 उनी, उना ला पुछया, “ऐ आकृति कने ना कुसदा है?” 21 उना उसने बोलया, महाराजा दा। तालू उनी उना जो बोलया, “जड़ा महाराजा दा है, सै महाराजा जो, कने जड़ा परमेश्वरे दा है, सै परमेश्वरे जो दिया।” 22 ऐ सुणीकरी सै हेरान होये, कने उसयो छडी करी चली गे। 23 उसी रोजे सदूकी जड़े बोलदे थे कि मरयां दा

जिन्दा होणा है ही नी सै यीशुएे बाल आऐ, कने उसला पुछया, 24 “गुरू जी, मूसा बोलया था, कि अगर कोई बिना ओलादी मरी जा, तां उदा भाई उदिया घरे बालिया ने बियाह करी के अपने भाई तांई बंश पैदा करे। 25 हुण साडे ऐथू सत भाई थे; पेहला भाई बियाह करिके मरी गिया; कने ओलाद नी होणे दिया बजा ने अपणिया घरे बालिया जो अपने भाईऐ तांई छडी गिया। 26 तां दुऐ भाईऐ उसा ने ही बियाह करी लिया कने से भी बिना ओलादी मरी गिया, कने इयां ही तिजे भाई ने होया कने सतां भाईयां उसा ने बियाह किता कने सतो भाई बिना ओलादी मरी गे। 27 सबना दे बाद सै जनानी भी मरी गई। 28 हुण, सांझे दस सतां भाईयां उसा जनानिया ने बियाह कितया था, जालू सै मरणे दे बाद फिरि जिन्दे होंगे, तां सै जनानी कुदी घरे बाली होणी?” 29 यीशुएे उना जो बोलया, “तुसां दो बजा ने गलत न, तुसां पबित्र शास्त्र जो नी जाणदे ने जड़ा मरणे दे बाद लोकां जो जिन्दा रेणे दे बारे च दसदा है। तुसां ऐ नी जाणदे कि परमेश्वर बाल मरे होये लोकां जो जिन्दा करणे दी शक्ति है।” 30 क्योंकि जालू उना मरयां चे जिन्दा होणा, तां उना लोका दे बियाह नी होणे; जियां स्वर्गे च रेणेबाले स्वर्गदूत बियाह नी करदे। 31 “मरयां चे जिन्दा होणे दे बारे तुसां क्या मूसा दिया कताबां च नी पढया जड़ा परमेश्वरे तुसां जो बोलया: 32 मैं अब्राहम दा परमेश्वर, कने इसहाक दा परमेश्वर, कने याकूब दा परमेश्वर है? सै मरयां दा नी, पर जिन्दाया दा परमेश्वर है।” 33 ऐ सुणीकरी लोक उदे उपदेशे ला हेरान होऐ। 34 जालू फरीसियां सुंणया कि यीशुएे सदूकियां दा मु बंद करी दितया है, तां सै गिठे होऐ। 35 उना चे इकी यहदी मूसा दी व्यवस्था जो सिखाणे बाले परखणे तांई, यीशुएे ला पुछया, 36 “गुरू जी, परमेश्वरे जड़े भी हुकम दितयो न, उना सारयां चे सारयां ला बडा हुकम कुण दिया है?” 37 उनी उना जो बोलया, “तू अपने प्रभु परमेश्वर ने अपने सारे तन मन कने सारे प्राण कने अपणिया सारिया अकला सोगी प्यार कर।” 38 सारयां ला बडा कने मुख्य हुकम तां ऐ ही है। 39 कने उस सांई ऐ दूजा हुकम भी है, कि तू अपने पडोसियां सोगी अपने सांई प्यार रख। 40 “इना दो हुकमा पर ही सारी व्यवस्था कने भविष्यवाणियां आधारित न।” 41 जालू फरीसी गिठे थे, तां यीशुएे उना ला पुछया, 42 “मसीह दे बारे च तुसां क्या सोचदे न? सै कुदा पुत्र है?” उना यीशुएे ने बोलया, “दाऊदे दा बंशज।” 43 यीशुएे उना ला पुछया, “तां दाऊद आत्मा च होईकरी उसयो प्रभु कजो बोलदा है?” 44 “प्रभुऐ, मेरे प्रभु ने बोलया, मेर सजे पासे बो, जालू दीकर मैं तेरे दुशमणा जो तेरे पैरां हेठ नी करी दे।” 45 “भला, जालू दाऊद ही उसयो प्रभु बोलदा है, तां सै उदा पुत्र कियां होया?” 46 उदे जबाबे च कोई भी कुछ नी बोली सकया। पर उस रोजे ला कुसयो भी फिरि उसला पुछणे दी हिम्मत नी होई।

23 तालू यीशुएे भिडा कने अपने चेलयां जो बोलया, 2 “फरीसियां कने व्यवस्था जो सिखाणे बालयां जो मूसा दिया व्यवस्था दी व्याख्या करणे दा हक है।” 3 इस तांई सै तुसां ने जड़ा कुछ बोलणे सै तुसां करणा कने मनणा, पर जड़ा सै करदे न सै मत करदे; क्योंकि सै उपदेश दा दिन्दे न पर उना दा पालन नी करदे। 4

सै अपु अपणी व्यवस्था दा पालन करणे दी कोशिश भी नी करदे। कने दया, कने इमानदार होणा छडी दिता है; तुहांजो दशमांश तां दिन्दे कने ऐसे नियम बणादे न जिना दा पालन करणा बडा मुशकिल है। 5 रेणा चाईदा था, पर इना गल्लां जो भी नी छडणा चाईदा था। 24 हे सै अपणे सारे कम्म लोकां जो दसणे ताई करदे न: सै अपणिया बांई अन्ने यहूदी अगुवो, (अगुवाई करणे बाले) तुसां जडे नियम जस्री कने मथे पर पट्टियां बनदे न जिना च पबित्र शान्द्र दे बचन लिखयो नी न उना जो तां बडिया साबधानिया ने मंदे न, जियां कि पिंदे बेले होंदे न, कने अपणे कपडयां दियां झालरां बदां दे। 6 धामा च माखियाँ जो दूर करदे पर परमेख्वरे दी जस्री गल्लां जो मंदे नी न! ऐ समानित जगा च बोणा चांदे न, कने यहूदी जंज घर च भी खास-उंटे जो निगलने सांई है। 25 “यहूदी व्यवस्था जो सिखाणे बाले कने खास आसना पर बोणा पंसद करदे न, 7 बजारां च सारे लोक उना जो फरीसियों, तुहांजो तांई बडा बुरा होणा है। तुसां ऐसे कटोरे कने भांडे नमस्ते कने सारे उना जो गुरू जी बोलन सै उना जो खरा लगदा है। सांई न जडे तां उपरे-उपरे ला तां साफ न, पर अंदरे ला अजे भी गंदे 8 पर तुसां गुरू मत बणदे, क्योँकि तुहाडा इक ही गुरू है: कने तुसां न। सै ऐ कि, तुसां अपणे आपे जो भले लोकां सांई दसदे न, पर सारे भाई-बेहणा सांई न। 9 कने अपणे पिता जो छडी करी कुसयो तुहाडे मन लालची कने मतलबी न।” 26 हे अन्ने फरीसी, पेहले भी धरतिया पर अपणे पिता परमेख्वरे दा आदर मत दिन्दे क्योँकि तुसां जो लालची कने मतलबी होणा रोकी देणा चाईदा तां तुसां से ही तुहाडा इक ही पिता है, जडा स्वर्ग च है। 10 कने कुसी दे गुरू भी करी सकणा जडा धर्म है। 27 “यहूदी व्यवस्था जो सिखाणे बाले मत बणदे, क्योँकि तुहाडा इक ही गुरू है, मतलब कि यीशु मसीह। कने फरीसियों, तुहांजो तांई बडा बुरा होणा है। तुसां तां उना सफेदी 11 जडा तुसां चे बडा है, सै तुहाडा सेवक बणे। 12 जडा कोई अपणे कितियां कबरां सांई न जडियां उपरे ला तां छेल मिलदियां न, पर आपे जो बडा बणांगा, सै नम्र करी देणा: कने जडा कोई अपणे आपे अंदर मुर्दयां दियां हडियाँ कने हर ता दियां गंदगिया ने भरुइयां न।” 28 इना कबरां सांई तुसां भी उपरे ला तां माणुए जो धर्मी लगदे न, पर जो छोटा बणांगा, सै बडा करी देणा। 13 “हे कपटी व्यवस्था जो तुसां अंदरे ला कपट कने पापां ने भरुयो न। 29 “यहूदी व्यवस्था जो सिखाणे बाले कने फरीसियों, तुहांजो तांई बडा बुरा होणा है। तुसां सिखाणे बाले कने फरीसियों, तुहांजो तांई बडा बुरा होणा है। तुहाडे पूर्वजां जिना परमेख्वरे दा संदेश देणेबालयां जो मारया था उना दियां कबरां जो सजांदे न कने धर्मी लोकां दियां कबरां जो सम्मानित करदे न।” 30 कने बोलंदे न कि, अगर असां अपणे बाप दादयां दे 28 इना कबरां सांई तुसां भी उपरे ला तां माणुए जो धर्मी लगदे न, पर तुसां अंदरे ला कपट कने पापां ने भरुयो न। 29 “यहूदी व्यवस्था जो सिखाणे बाले कने फरीसियों, तुहांजो तांई बडा बुरा होणा है। तुहाडे पूर्वजां जिना परमेख्वरे दा संदेश देणेबालयां जो मारया था उना दियां कबरां जो सजांदे न कने धर्मी लोकां दियां कबरां जो सम्मानित करदे न।” 30 कने बोलंदे न कि, अगर असां अपणे बाप दादयां दे बकते च होंदे तां असां परमेख्वरे दा संदेश देणेबालयां दिया हत्या च हिस्सेदार नी होंदे। 31 इसला तां तुसां अपु ही साबित करदे न कि तुसां उना लोकां दे बंशज न जिना परमेख्वरे दा संदेश देणेबालयां दी हत्या कितियो। 32 तुसां उस बुराईया जो पूरा करणे बाले न जिसयो तुहाडे पूर्वजां शुरू कितया था। 33 हे जहरीले सप्पां दे बचयां सांई लोको कने कैरौं दे बचचयों, तुसां नरके दिया सजा ला नी बचणा है। (Geenna g1067) 34 इस तां मै तुहाडे बाल परमेख्वरे दा संदेश देणेबालयां जो भेजदा है। कने, बुद्धिमान, कने व्यवस्था जो सिखाणे बालयां जो भेजदा है; तुसां इना चे थोडयां जो मारी देणा हे, कने केईयां जो सूली पर चढाना कने केईयां जो अपणे यहूदी जंज घर च कोडे मारणे, कने इकी शेहरे ला दुजे शेहरे जो नठाणे न। 35 धर्मी हाबिल ला लेईकरी बिरिक्याह दे पुने जकर्याह दीकर, जिसयो तुसां मंदरे कने वेदिया दे बिच मारया था, जितणया धर्मियां दी हत्या इसा धरतिया च होईयो है, उना सारयां तांई तुसां जो दोषी बोलणा। 36 “मै तुसां ने सच्च बोलदा है, इना सारियां हत्या दी सजा इस बकते दे लोकां पर आई पोणी है।” 37 “यरूशलेम शेहरे दे लोको, हे यरूशलेम दे लोको! तुसां जडे परमेख्वरे दा संदेश देणेबालयां जो मारी दिन्दे न, कने जीना जो तुहांजो बाल भेजदे न, उना जो पथरा ने मारदे न, कितणी बरी मै चाया कि जियां मुगीं अपणे बचयां जो बचाणे तांई फंगा हेठ गिठे करी लेंदी है, तियां ही मै भी तुसां जो गिठे करी लेणा, पर तुसां नी चांदे कि ऐसा हो।” 38 दिखा, तुहाडा मंदर तुहाडे तांई उजाडी छडया है। 39 “क्योँकि मै तुसां ने बोलदा है, हुणी ला जालू दिन्दे न, पर तुसां व्यवस्था दियां जस्री गल्लां जो मतलब कि न्याय,

दीकर तुसां नी बोलगे, कि धन्य है सै, जडा प्रभु दे अधिकारे ने ओंदा है, ताल् दीकर तुसां मिंजो फिरी कदी नी दिखणा है।”

24 जाल् यीशु मंदरे ला निकली करी जा दा था, तां उदे चेले उसयो मंदरे दी बनाबटा जो दसणे तांई उदे बाल आये। 2 उनी उना जो बोलया, “क्या तुसां ऐ सारा कुछ दिखा दे न। मैं तुसां ने सच्च बोलदा है, ऐथु इक भी पथरे पर पथर नी रेंणा है, जडा ढाया नी जाणा है।” 3 जाल् सै जैतून स्व्हां दे पाहडे पर बैठया था, तां चेलयां उदे बाल आई करी उसला पुछया, “सांझो दस ऐ सब कुछ काल् होणा है? कने जाल् ऐ सब कुछ पूरा होणेबाला होंगा तां उदा क्या निशाण होणा है?” (aiōn g165) 4 यीशुऐ उना जो जबाब दिता, “ध्यान रखयो कि तुहांजो कोई भटकाई न दे।” 5 क्योकि मते सारे लोकां मेरे नाए ने दाबा करिके ओणा है। उना बोलणा है, मैं मसीहा हूँ कने उना मतयां लोकां जो भटकाणा है। 6 जाल् तुसां लडाईयां, कने लडाईयां दियां गल्लां सुणगे तां डरदे मत; क्योकि इना दा होणा जरूरी है, पर ताल् संसारे दा खात्मा नी होणा है। 7 क्योकि जातियां ने जातियां कने राज्य ने राज्यां ने इक दुजे ने लडाईयां करणियां न। कने हर कुथी हिलण होणे न कने अकाल पोणे न। 8 ऐ तकलीफ कने दुख इयां होणा जियां इक माँ जो बच्चे दे जन्म देणे दिया शुरूआत च होंदा है। 9 “ताल् सै लोक जडे तुहाडे खिलाफ न, उना तुहांजो दुख देणे तांई पकडाई देणा है, कने तुहांजो मारी देणा है, कने सारियां जातियां दे लोकां तुसां ने दुशमणी रखणी है क्योकि तुसां मिंजो पर भरोसा रखदे न।” 10 ताल् मतयां मिंजो पर भरोसा करणा बंद करी देणा, कने इक दुज्जे जो पकडाणा कने इक दुजे ने दुशमणी रखणी। 11 मतयां परमेश्वरे दे संदेश देणेबालयां झूठे लोकां ओणा है, कने उना मतयां जो भटकाणा। 12 पाप बदणे दिया बजा ने मतयां इक दुज्जे ला प्यार करणा बंद करी देणा है। 13 पर जडा जिंदगी दे अंत दीकर मिंजो पर भरोसा रखगा सै ही बचाया जाणा है। 14 कने स्वर्गे दे राज्य दा ऐ शुभसमाचार दा प्रचार सारे संसारे च करणा है, ताकि सारे देशां दियां सारियां जातियां जो इसयो मनणे दा मोका मिल्ले, ताल् अंत होई जाणा है। 15 “इस तांई जाल् तुसां इक उजाडने बाली बडी बुरी चिजा जो यरूशलेम मंदिर च खडोतयो दिखगे, जिदी चर्चा परमेश्वरे दा संदेश देणेबाले दानियेले किती थी, (जडे पढन, सै समझन)।” 16 ताल् यहूदिया प्रदेशे दे लोकां जो जान बचाणे तांई पहाडा नी नसणा पोणा। 17 जडे छती पर होंगे, सै अपने घरे चे समान लेणे तांई थले मत उतरदे। 18 कने जडे खतरां च होंगे, सै अपने कपडे लेणे तांई बापस मत जादे। 19 उना रोजां च उना जनानिया तांई बडा बुरा बकत होणा जडियां लैरथियां होणियां न, कने उना जनानियां तांई जडियां नियाणे जो दूध पियादियां होंगियां। 20 इस तांई प्रार्थना करा कि ऐ बुरा बकत सर्दियां दे दिना च या सब्ते दे दिना ना हो, जाल् सफर करणा मुशकिल हो। 21 क्योकि उना दिना लोकां जो बडे दुख होणे न, जदिया संसार दे शुरू ला हुणे दीकर कदी नी होया कने ना कदी होणा। 22 “अगर परमेश्वरे उसी बुरे बकते जो नी घटादां, तां कोई भी माणु नी बचदा। पर उना चुणयो होए लोकां दिया बजा ला, जिना जो परमेश्वरे चुणयां है, बकत घटना है।” 23 “उस बेले तुसां

जो कोई बोले, कि दिखा, मसीह ऐथु है! या ओथु है! तां भरोसा मत करदे।” 24 क्योकि झूठे मसीह कने परमेश्वरे दा संदेश देणेबाले झूठे लोकां मतयां ओणा है, कने उना बडे चमत्कार कने अनोखे कम्म दसणे न, ताकि होई सके तां जडे चुणयो न उना जो भटकाई देंन। 25 मैं पेहले ला ही तुसां ने ऐ सब कुछ बोली दिता है। 26 इस तांई अगर सै तुसां ने बोलन, कि दिखा, सै सुनसान जगा च है, तां बाहर मत निकलदे; दिखा, सै कोठडियां च है, तां भरोसा मत करदे। 27 क्योकि जियां बिजली पूर्व ला निकली करी पश्चिम दीकर चमकदी जांदी है, तियां ही माणुऐ दे पुत्रे भी ओणा है। 28 “जिथु लाश होऐ, ओथु ही इल्लां गिठियां होणा है।” 29 “उना दिना च, बुरा कने दुखे बाल बकत मुकी जाणे दे बाद, सूरजे च अंधेरा होई जाणा, कने चद्रमें रौशनी नी देणी। अम्बरे ला तारायां पेई जाणा, कने अम्बरे दियां शक्तियां हिलाईयां जाणियां।” 30 “ताल् मैं, माणुऐ दे पुत्रे दा निशाण अम्बरे च मिलणा, ताल् धरतिया दे सारे कुलां दे लोकां छती पिटणी, कने माणुऐ दे पुत्रे जो बडे सामर्थ्य कने महिमा सोगी बदलां पर ओदे दिखणा।” 31 “उनी तुही दी ज़ोरे दिया अबाजा ने अपने स्वर्गदां जो भेजणा है, ताकि सै उना सारे लोकां जो गठेरी करी, जिना जो मैं चुणयां है कने उना संसारे दे चारों पासयां ला लोका जो गठेरणा है।” 32 “अंजीर दे सखे दिया कहाणिया ला ऐ सिखा: जाल् उदिया डालियां नरम होई जांदियां न कने पते निकलना लगेदे न, तां तुहांजो पता लगी जांदा है कि गर्मियां ओणे बालियां न। 33 इयां ही जाल् तुसां इना सारियां गल्लां जो होंदे दिखवे न, तां समझी जा कि मैं, माणुऐ दे पुत्रे दा ओणा नेडे ही है, मतलब कि दरबाजे पर ही है।” 34 मैं तुसां ने सच्च बोलदा है, कि जाल् दीकर ऐ सारियां गल्लां पुरियां नी होई जांदियां न, ताल् दीकर इसा पीढिया दा अंत नी होणा है। 35 अम्बर कने धरती खत्म होई जाणे, पर मेरियां बोलियां गल्लां कदी नी टलनिया न, सै हमेशा रेंणियां न। 36 ऐ गल्लां कुसी रोजे या कुसा घडिया होणिया न कोई भी नी जाणदा है, ना स्वर्गदूत कने ना ही मैं माणुऐ दा पुत्र, पर सिर्फ पिता ही उसी रोजे कने घडिया जो जाणदा है। 37 “जियां न्ह दे रोज थे, तियां ही माणुऐ दे पुत्रे दा ओण भी होणा है।” 38 क्योकि जियां जल-प्रलय ला पेहले दे दिना च, जिस रोजे दीकर न्ह जहाजे पर नी चढया था, ताल् दीकर लोक खांदे पिंदे थे, कने उना चे बियाह होंदे थे। 39 कने जाल् दीकर जल-प्रलय आई करी उना जो रूडाई नी लेई गेई, ताल् दीकर उना जो कुछ भी पता नी था, तियां ही मैं माणुऐ दे पुत्रे भी ओणा है। 40 उस बेले दो जणे खेतेर च होणे न, इक लेई लेणा है कने दूजा छडी जाणा है। 41 दो जनानिया चक्की पिसा दियां होणिया, इक लेई जांणी, कने दुई छडी देंणी है। 42 “इस तांई जागदे रिया, क्योकि तुहांजो नी पता है कि तुहाडे प्रभुये कुस रोजे ओणा है।” 43 पर ऐ जाणी लिया कि अगर घरे दे मालिके जो पता होंदा कि चोरे काल् ओणा है, तां सै जागदा रेंदा, कने अपने घरे चोरी नी होणा दिन्दा। 44 इस तांई तुसां भी तैयार रिया, क्योकि जिसा घडिया दे बारे च सोचदे भी नी न, उसा घडिया माणुऐ दे पुत्रे आई जाणा है। 45 सै भरोसे जोगा कने अकला बाला नोकर कुण है, जिसयो मालिके अपने नोकारां चाकरां

दा सरदार बनाया है, ताकि बकते पर उना जो खांणा खाणे दे? 46 धन्य है सै दास, जिसयो उदा मालिक आई करी उसयो ऐदिया करदा दिखे। 47 मैं तुसां ने सच्च बोलदा है; सै उसयो अपणिया सारिया संपतिया दा अधिकारी बनाणा है। 48 “पर अगर सै बुरा नोकर सोचना लग्गे, कि मेरे मालिके जो ओणे जो देर है।” 49 कने अपने सोगी नोकरां जो कूटणा लग्गे, कने शराबियां सोगी खा पिए। 50 तां उस नोकरे दे मालिके ऐसे रोजे बापस ओणा है, जिस रोजे सै उदी राह नी दिखदा दा हो, कने ऐसी घडी कि उसयो पता ना हो, 51 कने उसयो सकत सजा देईकरी, उदा हिस्सा कपटियां सोगी जोडे, तालू उनी रौणा कने दंद पिणे।

25 फिरी यीशुऐ अपने चेलयां ने बोलया, जालू मैं, माणुऐ दे पुत्रे बापस ओणा है, तालू स्वर्ग दा राज्य ऐसा होणा है: दसां कुआरियां अपणिया मशालां लेईकरी लाडे जो मिलने तांई उदे बियाये जो जाणा। 2 उना चे पंज जणियां मुखं कने पंज समझदार थियां। 3 उना मुखं कुआरियां अपणिया मशालां तां लियां, पर अपने सोगी जादा तेल नी लांदा। 4 पर समझदार कुआरियां अपणियां मशालां सोगी अपणिया-अपणिया कुपियां च तेल भी भरी लांदा। 5 जालू लाडे जो ओणे च देर होई, तां सै बोरे होणा लगियां, कने सै सोई गियां। 6 पर अधिया राती रोल्ला पिया, कि दिखा, लाडा ओआ दा है, उसला मिलणे तांई चला। 7 तालू सै सारियां कुंवारियां उठी करी अपणिया-अपणिया मशालां ठीक करणा लगियां। 8 कने मुखीं समझदारां ने बोलया, अपने तेले च थोडा सांझो भी दिया, क्योंकि साडियां मशालां बुझी जा दियां न। 9 पर समझदारां जबाब दिता, कि ऐ साडे कने तुहाडे तांई कदी पूरा नी होणा; ठीक तां ऐ है, कि तुसां बेचणे बाले बाल जाई करी अपने तांई खरदी लिया। 10 जालू सै खरीदणा जा दियां थियां, तां लाडा आई रिया, कने जडियां तैयार थियां, सै उदे सोगी बियाह बाले घरे जो चली गियां कने घरे दा दरबाजा बंद करी दिता। 11 “इदे बाद सै दुईयां कुआरियां भी वापिस आई करी रोदे होऐ लाडे जो सदणा लगियां, है स्वामी, है स्वामी, साडे तांई दरबाजा खोली दिया।” 12 “उनी जबाब दिता, कि मैं तुसां ने सच्च बोलदा है कि, मैं तुहांजो नी जाणदा है।” 13 “इस तांई जागदे रिया, क्योंकि तुसां नी जाणदे मेरे बापस ओणा दा रोज, कने सेह बकत कालू ओणा है।” 14 “फिर यीशु ने इक होर कहाणी दसी कि मैं जालू बापस ओणा है, तालू स्वर्ग दा राज्य ऐसा होणा: इक माणु था जिनी परदेस जांदे बेले अपने नोकरां जो सदीकरी अपणी सारी जमीन जयादात उना जो देई दिती।” 15 उनी इकी जो पंज तोड़े, दुज्जे जो दो, कने तरिये जो इक, हर इकी जो उदिया शक्तिया दे अनुसार दिता, कने फिरी परदेस चली गिया। 16 तालू जिसयो पंज तोड़े मिलयो थे, उनी झट जाई करी उना ने लें-दें किता, कने पंज तोड़े होर कमाई ले। 17 इसी तरीके ने जिसयो दो मिलयो थे, उनी भी दो होर कमाई ले। 18 पर जिसयो इक ही तोडा मिलया था, उनी जाई करी मिटी खूणी, कने अपने मालिके दे पेसे लुकाई दिते। 19 मते रोजां बाद मालिके आई करी उना नोकरां जो गिठे सदया कि उना उदे पैसयां ने क्या किता। 20 जिसयो पंज तोड़े मिलयो थे, उनी पंज

तोड़े होर आंणी करी बोलया, है मालिक, तू मिजो पंज तोड़े दिते थे, दिख मैं पंज तोड़े होर कमायो न। 21 उदे मालिके उसयो बोलया, धन्य, तू खरा कने भरोसे दे लाइक नोकर है, तू थोड़े पैसयां जो सम्भालने कने भरोसे दे लाइक रिया है; मैं तिजो होर मतियां चिजा दा अधिकारी बनाणा है। अपने मालिके सोगी खुश हो। 22 कने जिसयो दो तोड़े मिलयो थे, उनी भी आई करी बोलया, है मालिक तू मिजो दो तोड़े दिते थे, दिख, मैं दो तोड़े होर कमायो न। 23 उदे मालिके उसयो बोलया, धन्य, तू खरा कने भरोसे दे लाइक नोकर है, तू थोड़े पैसयां जो सम्भालने कने भरोसे दे लाइक रिया, मैं तिजो मतियां चिजा दा अधिकारी बनांगा। अपने मालिके सोगी खुश हो। 24 तालू जिसयो इक तोडा मिलया था, उनी आई करी बोलया, है मालिक, मैं तिजो जाणदा था कि तू बडा सकत माणु है: तू दुजे लोका दे कम्मे ला फायदा कमाणे दी आस रखदा है, कने जिथू तू नी खलारदा है ओथु तू बटोलदा है। 25 तांई तां मैं डरी गिया कि अगर मैं तेरा पैसा गवाई दिता तां तू मिजो सजा देणी, इस तांई जाई करी मैं तेरा तोडा मिटिया च लुकाई दिता; दिख, जडा तेरा है, सै ऐ है। 26 उदे मालिके उसयो जबाब दिता, हे दुष्ट कने आलसी नोकर; तिजो पता था कि, मैं दुजे लोका दे कम्मे ला फायदा कमाणे दी आस रखदा है। 27 तां तिजो ऐसा करणा चाईदा था कि, मेरा पैसा सराफों जो देई दिन्दा, फिरी मैं आई करी अपना पैसा उना ला ब्याजे समेत लेई लेंदा। 28 तालू मालिके बाकी नोकरां जो बोलया, “तोड़े जो इसला लेई लिया, कने जिदे बाल दस तोड़े न, उसयो देई दिया। 29 जिना बाल समझणे दी इच्छा है जडा परमेस्वर सिखांदा है, उसयो परमेस्वरे होर समझ देणी, पर जडा समझणे दी इच्छा नी रखदा, कि मैं क्या सिखांदा, तां सै जडा समझया है, परमेस्वरे सै भी उसला लेई लेणा।” 30 कने इस नकमे नोकरे जो मेरे च पाई दिया, जिथू उनी रौणा कने दंद पीणे। 31 “जालू मैं, माणुऐ दे पुत्रे अपणिया महिमा च ओणा है, कने स्वर्गदूते उदे सोगी ओणा, तालू लोकां दा न्याय करणे तांई उनी अपने महिमा दे सिहांसने पर विराजमान होणा।” 32 कने सारियां जातियां मेरे सामणे गिठियां करणियां न; जियां पुहाल भेडां जो बकरियां ला लग करी दिन्दा है, तियां ही उनी भी उना जो इक दुजे ला लग करणा है। 33 कने मैं धर्मी लोका जो अपने सजे पासे कने अधर्मियां लोका जो खबे पासे खरेडना है। 34 “तालू मैं राजे अपने सजे पासे बोणे बालयां ने बोलणा कि, हे मेरे पिता दे धन्य लोको, ओआ, कने उस राज्य दे अधिकारी बणी जा, जडा संसारे दे शुरू होणे ला तुहाडे तांई तैयार कितया है।” 35 क्योंकि मैं जालू भूखा था, तां तुसां मिजो खाणे जो खाणा दिता, जालू मैं प्यासा था, तां तुसां मिजो पाणी पियाया, मैं इक परदेसी था, तुसां मिजो अपने घरे रियाया। 36 जालू मैं नगां था, तुसां मिजो कपडे दिते, मैं बिमार था, तुसां मेरा हाल चाल पुछया, मैं जेला च था, तां तुसां मिजो ने मिलणा आये। 37 “तालू धर्मियां उसयो जबाब देणा, कि प्रभु जी, असां कालू तिजो भूखा दिखया कने खुआया? या प्यासा दिखया, कने पाणी पियाया?” 38 असां कालू तिजो परदेसी दिखया कने अपने घरे रियाया या नंगा दिखया, कने कपडे दिते? 39 असां तिजो कालू बिमार कने जेला च दिखया, कने

तिजो ने मिलना आये? 40 “ताल् मैं राजे उना जो जबाब देणा, मैं दी तैयारी करन?” 18 उनी बोलया, “शेहेर च जा कने अमुक नाए दे तूसां ने सच्च बोलदा है, कि जडा तूसां मेरे इना छोटे ला छोटे चले चेले कुसी इकी दे सोगी कितया है, सै ही मेरे सोगी कितया है।” 41 “ताल् उनी खबे पासे बालयां ने बोलाणा है, हे श्रापित लोको मेरे सामणे ला इसा कदी नी बुझणे बालिया अग्गी च चली जा, जडी शैताने कने उदे दूतां तांई परमेस्वरे तैयार कितया है।” (aiōnios g166) 42 क्योंकि मैं भूखा था, तूसां मिजो खांणे जो नी दिता, मैं प्यासा था, कने तूसां मिजो पांणी नी पियाया; 43 मैं परदेसी था, कने तूसां मिजो अपने घरे नी रियाया; मैं नंगा था, कने तूसां मिजो कपडे नी दिते; कने मैं बिमार कने जेलां च था, तां तूसां मेरा हाल चाल नी पुछया। 44 “ताल् उना जबाब देणा, कि प्रभु जी, असां तिजो कालू भूखा, या प्यासा, या परदेसी, या नंगा, या बिमार, या जेला च दिखया, कने तेरी सेबा या टहल नी किती?” 45 “ताल् मैं उना जो जबाब देणा, मैं तूसां ने सच्च बोलदा है कि तूसां जडा इना छोटे ला छोटे चले चे कुसी इकी दे सोगी नी कितया है, से मेरे सोगी भी नी किता है।” 46 कने सै जडे खबे पासे न इना जो हमेशा दी सजा मिलणी है पर धर्मी लोका हमेशा दिया जिन्दगिया च प्रवेश करणा है। (aiōnios g166)

26 जालू यीशु ऐ सारियां गल्लां बोली बैठा, तां अपने चेलयां ने बोलणा लग्गा। 2 “तूहांजो पता है, कि दो दिना बाद फसह दा त्योहार होणेबाला है, कने माणुऐ दा पुत्र सूली पर चढाणे तांई पकड़ाया जाणा है।” 3 तालू बड़े याजक कने प्रजा दे यहदी अगुवे कैफा नाऐ दे महायाजक दे आंणे च गिठे होए, 4 कने अपु चे बिचार करणा लग्गे कि यीशुऐ जो धोखे ने पकडी करी मारी दें। 5 पर सै बोलंदे थे, कि त्योहारे दे बकत नी, कुथी इयां ना होऐ कि लोकां च रोल्ला पेई जा। 6 जालू सै बैतनिय्याह ग्रां च शमौन कोडी दे घरे था, जिसयो यीशुऐ ठीक कितया था। 7 जालू यीशु खांणा खाणे तांई बैठया था तां इक जनानी संगमरमेरे दे भांडे च बडा मेंहगा इन्न लेईकरी उदे बाल आई कने, तां उना सै इन्न उदे सिरे पर नियोरी दिता। 8 ऐ दिखीकरी उदे चले हेरान होए कने बोलणा लग्गे, “इस इतणे मेंगे इन्ने जो सत्यानाश नी करणा चाईदा? 9 इसयो तां खरे दामे च बेची करी कंगालां जो बंडी सकदे थे।” 10 ऐ जाणी करी यीशुऐ उना ने बोलया, जनानिया जो कजो तंग करा दे न? उना मिजो ने खरा किता है। 11 कंगालां तां तूहाडे सोगी हमेशा रेंणा है, पर मैं तूहाडे सोगी हमेशा नी रेंणा है। 12 इना जडा इन्न मेरे शरीर पर नियोरया है, सै इना मिजो मरणे ला पहले ही दफनाणे दी तैयारी किती है। 13 “मैं तूसां ने सच्च बोलदा है, कि सारे संसार च जिथू कुथु भी ऐ श्भसमाचार सुणाया जांगा, ओथु इसा दे इस कम्मे दी चर्चा भी इसा दिया यादा च होणी।” 14 यहदा इस्करियोती, जडा बाहरां चेलयां चे इक था, उनी बड़े याजकां बाल जाई करी बोलया, 15 अगर मैं उसयो तूहाडे हथे पकड़ाई दे, “तां मिजो क्या दिगे? उना उसयो ती चांदिये दे सिक्के तोली करी देई दिते।” 16 कने सै तालू ला ही उसयो पकड़ाने दा मोका तोपणा लगी पिया। 17 अखमीरी रोटिया दे त्योहारे दे पेहले रोजे, चले यीशुऐ बाल जाई करी पूछणा लग्गे, “तू कुथु फसह खांणा चांदा है, ओथु असां जाई करी तेरे तांई फसह खांणे

मैं चांदा है तियां नी हो, पर जियां तू चांदा है, तियां ही हो।” 40 फिरी जालू यीशु बापस आया कने उना चेलयां जो सुतया दिखीकरी उनी पतरसे जो बोलया, “हे शमोन, तू सुतया है? तुसां इक घंटा भी मेरे सोगी जागदे नी रेईं सके? 41 जागदे कने प्राथना करदे रिया ताकि मिजों पर भरोसा रखणा नी छडन। आत्मा तां खरा करणा चांहदी है पर शरिरे च जोरे दी कर्मी है।” 42 फिरी उनी दुजी बरी जाईं करी ऐ प्राथना किती कि, “हे मेरे पिता, अगर ऐ मेरे पित्यो बिना नी हटी सकदा है, तां तेरी इच्छा पुरी होए।” 43 तालू उनी आई करी उना जो फिरी सुत्या दिखया, क्योंकि उना दियां हखी निद्रा ने भरुइयां थियां। 44 उना जो छडी करी सै फिरी चली गिया, कने सेईं गल्ल दोवारा बोली करी, तिजी बरी प्राथना किती। 45 तालू उनी चेलयां बाल आई करी उना जो बोलया, हुण सोदे रिया कने अराम करा: दिखा, सै घडी आईं गेईं है, कने माणुए दा पुत्र पापियां दे हथे पकडाय जाणा है। 46 “उठा कने चला। दिखा, जिनी माणुए मिजों पकडवाणा है सै बखे आईं रिया है।” 47 जालू यीशुए ऐ बोला दा ही था, यहदा जडा बाहरां चेलयां चे इक था, सै अपने सोगीं मते सारे लोकां जो लेईं करी आया जिना तलवारां कने डंडे लियो थे, ऐ सारे लोक बहू याजकां, यहदी व्यवस्था दे गुरूआं कने यहदी अगुवां भेजयो थे। 48 उनी यीशुए जो पकडणने बालयां जो ऐ बोलया था कि: “जिदी मैं चूमी लेंगा, सै ही यीशु है, उसयो तुसां पकडी लेनयो।” 49 उनी झट यीशुए बाल आईं करी बोलया, “गुरू जी, नमस्ते!” कने उदी चूमी लेईं। 50 यीशुए उसयो बोलया, “हे मित्र, जिसी कम्मे तांईं तू आया है, उसयो करी ले।” तालू उना बखे आईं करी यीशुए जो पकडी लिया। 51 यीशुए दे साथियां चे इकी अपणी तलवार कडी कने महायाजके दे इकी नोकरे पर चलाई करी उदा कन बडी दिता। 52 तालू यीशुए उसला बोलया, अपणिया तलवारा मयाना च रख क्योंकि जडे तलवारां चलादे न सै तलवारा ने ही खत्म करणे न। 53 तिजो क्या पता नी है कि मैं अपने पिता ने विनती करी सकदा है, कने उनी स्वर्गदूते दियां बाहरां पलटना ला भी जादा स्वर्गदूत मेरे बाल हुण हाजिर करी देणे? 54 “पर पबित्र शाब्दां दियां सै गल्लां कि इयां ही होणा जरूरी है कियां पुरियां होणियां?” 55 यीशुए उना जो बोलया, तुसां क्या तलवारां कने डांगा लेईं करी मिजो डाकुआं सांईं पकडना आयो न? पर मैं जालू हर रोज मंदरे च बेईं करी उपदेश दिन्दा था, तालू तां तुसां मिजो नी पकडया। 56 “पर ऐ इस तांईं होया कि पबित्र शाब्दां दियां गल्लां पुरियां होना।” जालू ऐ होया तां उदे सारे चले उसयो छडी करी नसी गे। 57 तालू यीशुए जो पकडने बाले उसयो कैफा नाए दे महायाजक बाल लेईं आए, जिथू यहदी व्यवस्था जो सिखाणे कने यहदी अगुवे गिठे होयो थे। 58 कने पतरस दूर-दूर ला उना दे पिच्छे-पिच्छे महायाजक दे अंगणे दीकर गिया, कने अंत दिखणे तांईं अंदर जाईं करी पयादयां बखे बेईं गिया। 59 बहू याजक कने यहदी महासभा दे सदस्य यीशुए जो मारी देणे तांईं उदे खिलाफ च गबाईं तोपा दे थे, 60 पर मते झूठे गबाह ओणे पर उना जो कोई गबाईं नी मिली। आखरी च दो जणे आए, 61 कने बोलया, “कि इनी बोलया था कि मैं परमेश्वरे दे मंदरे जो ढाईं सकदा

है, कने फिरी उसयो तिन्ना रोजां च बणाईं सकदा है।” 62 तालू महायाजके बिच खडोईं करी यीशुए जो बोलया, “तू क्या कोई जबाब नी देणा? ऐ लोक तेरे खिलाफ क्या गबाईं देद न?” 63 पर यीशु चुप ही रिया। तालू महायाजके उसयो बोलया “मैं तिजो जिंदे परमेश्वरे दी कसम दिन्दा है, कि अगर तू परमेश्वरे दा पुत्र मसीह है, तां सांझो ने बोली दे।” 64 यीशुए उसयो बोलया, “उनी अपु मन्नी लिया; कने मैं, माणुए दा पुत्र तुसां ने ऐ भी बोलदा है, कि हुण तुसां माणुए दे पुत्रे जो सर्वशक्तिमान दे सजे पासे बैठया, कने अम्बरे दे बदला पर ओंदे दिखणा है।” 65 जालू महायाजके यीशुए जो ऐ बोलदे सुणया तां उनी गुरूसे च अपने कपडे फाडी दिते, कने बोलया, “हुण सांझो कुसी गबाह दी जरूरत नी है। तुसां परमेश्वर दी निंदा करदे सुणया, तुहाडी क्या सलाह है इसा गल्ला पर?” उना सारायां फेसला किता कि यीशुए परमेश्वरे दी निंदा किती है। 66 तुसां क्या सोचदे न? उना जबाब दिता, ऐ तां मारी देणे जोगा है। 67 तालू उना उदे मुए पर थक्या कने उसयो मुक्के मारे, कने बाकियां थपुड मारी करी बोलया, 68 हे मसीह, अगर तू परमेश्वरे दा संदेश देणेबाला है! तां सांझो दस कुनी तिजो मारया, 69 पतरस बाहर अंगणे च बैठया था तां इकी दासिया उदे बाल आईं करी बोलया, “तू भी तां यीशु गलीली सोगी था।” 70 उनी सारायां दे सामणे ऐ बोली करी मना किता कि, “मैं नी जाणदा कि तू क्या बोला दी है।” 71 जालू सै बाहर डेवढिया पर गिया, तां दुईया नोकराणिया उसयो दिखीकरी उना ने बोलया जडे ओथु बैठयो थे कि, “ऐ भी तां यीशु नासरिये सोगी था।” 72 उनी कसम खाईं करी फिरी मना किता, “मैं इस माणुए जो नी जाणदा है।” 73 थोडिया देरा बाद जडे लोक ओथु खडुतयो थे, उना पतरसे बाल आईं करी उसयो बोलया, “सच्ची तू भी इना चे इक है; क्योंकि तेरी बोली तेरा सच्च दसा दी है।” 74 पतरस अपु जो कोसणा लग्गा, कसम खाणा लग्गा, मैं इस माणुए जो नी जाणदा। कने झट मुर्गे बांग देईं दिती। 75 तालू पतरसे जो यीशुए दियां बोलियां गल्लां याद आईयां, मुर्गे दिया बांगा देणे ला पेहेले तू मिजो तिन्न बरी मना करणा है। कने सै बाहर जाईं करी जोरे-जोरे ने रोणा लग्गा।

27 कने ब्यागा तडके होंदे ही झट उना बहू याजकां, कने यहदी अगुवां, कने व्यवस्था जो सिखाणे बालयां कने महासभा दे सारे लोकां यीशुए जो मारी देणे दी सलाह किती। 2 कने उना यीशुए जो बन्नया, कने न्याय करणे तांईं यहूदिया प्रदेश दे राज्यपाल पिलातुस दे हबाले करी दिता। 3 जालू यीशुए जो पकडाणे बाले यहदा जो पता चला कि सै मरवाणे तांईं दोषी ठेहराया गिया है तां सै बडा पछताया कने उना ती चांदिये दे सिक्कयां जो बहू याजकां कने यहदी अगुवां जो बापस देईं आया। 4 कने बोलया, मैं बेकसूर जो मारणे तांईं पकडाणे दा पाप किता है, उना बोलया, “सांझो क्या है? इस तांईं तू ही जिम्मेबार है।” 5 तालू सै उना सिक्कयां जो मंदरे दे अंगणे च फेंकी करी बाहर चली गिया, कने जाईं करी उनी अपु फा लेईं लिया। 6 बहू याजकां उना सिक्कयां जो लेईं करी बोलया, “साडे नियम दे हिसावे ने इना पेंसया जो मंदिर दे भंडारे च रखणा ठीकरणा है, क्योंकि ऐ इक माणुए जो मरवाणे तांईं दितया दाम है।” 7 उना

सलाह करिके उना सिक्यां ने परदेशियां जो दबाणे ताई कुम्हारे ला लगे। 31 जालू सै उदा मजाक उडाई बैठे, तां उना सै कपडे उतारी खेतर खरीदी लिया। 8 इसा बजा ने उस खेतेरे जो अजे दीकर खने दा खेतर बोल्दे न। 9 तालू जडा बचन यिर्मयाह परमेख्वरे दा संदेश देणेबाले बोलया था सै पूरा होया: “उना सै ती सिक्वे जडे इम्राएल दे लोकां यहदा जो दितयो थे लेई ले। 10 कने जियां प्रभुए मिंजो हुकम दितया था तियां ही उना जो कुम्हारे दे खेतेरे दे दामे च देई दिता।” 11 जालू यीशु राज्यपाले दे सामणे खडोतया था, तां हाकिमे उसयो पुछया, तू क्या यहदियां दा राजा है? यीशुए उसयो बोलया, “तू अपु ही बोला दा है।” 12 जालू बड़े याजक कने यहदी अग्वे उस पर दोष ला दे थे, तां उनी कोई जबाब नी दिता। 13 इस पर पिलातसे उसयो बोलया, “तू क्या सुणा दा नी है कि, ऐ तैरे खिलाफ च कितणियां गबाईयां देद न?” 14 पर उनी उसयो इकी भी गल्ला दा जबाब नी दिता, ऐथू दीकर कि राज्यपाल जो बडी हेरानी होई। 15 हर साले फसह दे त्योहारे च, राज्यपाल पिलातस इक केदिये जो छडी दिन्दा था, जिसयो लोक चांदे थे कि सै छूटे। 16 उस बेले बरअब्बा नाएे दा इक मनया नामी कैदी था। 17 जालू सै गिठे होए तां पिलातसे उना जो बोलया, “तुसां कुस्यो छुडाणा चांदे न, ताकि मै तुहाडे ताई उसयो छडी दें? बरअब्बे जो या यीशुए जो जिसयो मसीह बोलदे न?” 18 क्योकि सै जाणदा था कि उना उसयो जलनिया ने पकड़ाया है। 19 जालू सै न्याय दिया कुरसिया पर बैठया था तां उदिया घरे बालिया उसयो बोली भेजया था कि, “तू उस धर्मिये दे मामले च हथ मत पांदा; क्योकि मिंजो अज राती सूपने च उदिया बजा ने बडा दुख होया है।” 20 पर बड़े याजकां लोकां दिया भिडा जो भडकाया, कि पिलातस ला यीशुए जो छडणे दी बजाये बरअब्बा जो छडणे दी माँग करा, कने यीशुए जो मारणे ताई बोला। 21 राज्यपाले उना ला पुछया, इना दोना चे कुस्यो चांदे न, ताकि मै तुहाडे ताई छडी दें? उना बोलया, “बरअब्बा” जो। 22 पिलातसे उना ला पुछया, फिरी यीशुए दा क्या करणा, जिसयो मसीह बोलदे न? “सबना बोलया, इसयो सूली पर चढाई दिया।” 23 पिलातसे उना जो बोलया, “कजो इनी क्या बुरा कितया है?” पर भीड होर भी जोरे ने चिलाणा लग्गी कि, “इसयो सूली पर चढाई करी मारी दिया।” 24 जालू पिलातसे दिखया, कि कुछ नी बणा दा है कने उल्टा होर जादा रोल्ला होंदा जादा है, तां उनी पांणी लेईकरी भिडा दे सामणे अपने हथ धोते कने बोलया, “मै इस धर्मिये दे खने ला निर्दोष है; हण तुसां ही जाणा।” 25 सबना लोकां जबाब दिता, “इदे खने दा इल्जाम सांझो पर कने साडिया ओलादी पर होए।” 26 बरअब्बा जो उना ताई छडी दिता, कने यीशुए जो कोडे लगबाई करी सूली पर चढाणे ताई रोमी सिपाईयां दे हबाले देई दिता। 27 तालू राज्यपाले दे सिपाईयां यीशुए जो किले च लेईजाई करी उदे चोरो पासे सारी पलटन खरेडी दिती। 28 उदे सारे कपडे उतारी करी उसयो बैगणी रंगे दे कपडे पेहनाइ दिते, 29 कने कंडयां दा मुकुट बणाई करी उदे सिरे पर रख्या; कने उदे सजे हथे च सरकंडा दिता। कने यीशुए दे सामणे झुकी करी उदा मजाक उडाणा लगे कने बोलया, “हे यहदियां दे राजा नमस्ते।” 30 कने उस पर थक्का कने सेई सरकंडा लेईकरी उदे सिरे च मारणा लगे। 31 जालू सै उदा मजाक उडाई बैठे, तां उना सै कपडे उतारी करी उदे अपने कपडे उसयो पेहनाए, फिरी उसयो सूली पर चढाणे ताई शेहरे ला बाहर लेई गे। 32 बाहर जांदे बेले उना जो शमीन नाएे दा इक कुरेनी माणू मिल्ला, उना उसयो बेकार च ही पकडया ताकि सै उदिया सूलिया जो चुकी करी लेई चले। 33 कने उसयो गुलगुता नाएे दिया जगा च मतलब जिसयो खोपडी दी जगा बोलदे न, ओथु पुज्जी करी, 34 उना उसयो कोडा रस मिलाई करी दाखरस पीणे जो दिता, पर उनी चखी करी नी पिता। 35 तालू उना उसयो सूली पर चढाया, कने चिठियां पाई करी उदे कपडे बंडी ले। 36 कने ओथु बेईकरी उदा पेहरा देणा लगे। 37 कने उदा दोष उदे सिरे पर लाई दिता कि “ऐ यहदियां दा राजा यीशु है।” 38 तालू उदे सोगी दो डाकू इक सजे पासे कने इक खबे पासे सूली पर चढाए। 39 कने ओणे-जाणे बाले लोक सिरे हिलाई-हिलाई करी उदी निंदा करदे थे। 40 कने बोलदे थे कि, “ओ मंदरे जो दांणे बाल्या कने उसयो तिन्ना रोजां च बणाणे बाल्या, अपने आपे जो तां बचा। अगर तू परमेख्वरे दा पुत्र है, तां सूली ला उतरी आ।” 41 इसी तरीके ने ही बड़े याजक, व्यवस्था जो सिखाणे बाले कने यहदी अग्वे समेत सारे उदा मजाक उडाई करी बोला दे थे कि, 42 इनी होरना जो तां बचाया पर अपने आपे जो नी बचाई सकदा है। ऐ तां इम्राएले दा राजा है। अगर तू हुण सूली ला उतरी ओए, तां असां तिजो पर भरोसा करणा। 43 इनी परमेख्वरे पर भरोसा रख्या है, अगर सै इसयो चांदा है, तां हुण इसयो छुडाई ले, क्योकि इनी बोलया था कि, मै परमेख्वरे दा पुत्र है। 44 इयां ही सै डाकू भी उदी बुराई करदे थे जडे उदे सोगी सूली पर चढाये थे। 45 उस रोजे दोपरा ला लेईकरी तिजे पहर दीकर सारे देशे च नेहरा होई गया। 46 तिजे पहर दे बखे यीशुए बडे जौरे ने पुकारी बोलया, “एली, एली, लमा शबक्तनी?” मतलब “है मेरे परमेख्वर, तू मिंजो कजो छडी दिता?” 47 जडे ओथु थे, उना चे कितणयां ऐ सुणीकरी बोलया, “सै तां एलिय्याह जो पुकारा दा है।” 48 उना चे इक बन्दा झट दोडया, कने उनी स्पंज लेईकरी सिरके च डुबोई, कने सरकंडे पर रखीकरी उसयो चुसाया। 49 होरनी बोलया, “स्की जा, दिखदे न कि, एलिय्याह इसयो बचाणा ओंदा है कि नी।” 50 तालू यीशुए फिरी बडे जौरे ने चिलाई करी अपने प्राण छडी दिते। 51 कने दिखा, मंदरे दा परदा उपरे ला लेईकरी थले दीकर फटी करी उदे दो टुकडे होई गे, कने धरती कमी पेई कने पथर तिडकी गे। 52 कने कबरां खुली गियां, कने मेरे हुय मत पबित्र लोकां दे शव जिन्दा होई गे, 53 कने जिन्दा होणे बाद सै कबरां ला निकली करी पबित्र शेहरां च गे, कने मत्यां जणया उना जो दिखया। 54 तालू सूबेदार कने जडे उदे सोगी यीशुए दा पेहरा देदे थे, सै भूकम्प कने जडा कुछ ओथु होया था, उसयो दिखीकरी बड़े भरी डरी गे, कने बोलणा लगे, “ऐ तां सच्चवी ही परमेख्वरे दा पुत्र था।” 55 ओथु मतियां जनानिया जडियां गलील प्रदेशे ला ही यीशुए दी सेवा करदियां उदे सोगी आईयां थियां, सै दुरे ला ही दिखा दियां थियां। 56 उना चे मरियम मगदलीनी, कने याकूब कने योसेस दी माता मरियम कने जब्दीये दे पुत्रां दी माता भी थी। 57 जालू संज होई तां यूसुफ नाएे दा

अरिमतिया शेहरे दा इक अमीर माणु जड़ा अपु भी यीशुए दा चेला था, ओथु आया। 58 उनी पिलातुस बाल जाई करी यीशुए दी लाश मंगी। कने पिलातुसे देंगे दा हुकम देई दिता। 59 यूसुफे लाश लेई कने उसयो चीटिया चादरा च लपेटया, 60 कने उसयो अपणिया नोईया कबरां च रखया, जड़ी उनी चट्टाना च बणबाइयो थी, कने कबरां दे दरबाजे पर बडा पथर रखीकरी चली गिया। 61 कने मरियम मगदलीनी कने दुई मरियम ओथु कबरां दे सामणे बेठियां थियां। 62 दूए रोजे जड़ा तैयारिया दे रोजे ला अगला दिन था, उस रोजे बड़े याजकां कने फरीसियां पिलातुसे बाल गिठे होईकरी बोलया, 63 “हे महाराजा, सांझो याद है, कि उनी भटकाणे बाले जालू जिंटे बेले बोलया था कि, मैं उना रोजां बाद फिरी जिन्दा होई जाणा है। 64 हुकम दे कि तिन्ना रोजां दीकर सिपाई कबरां दी रखबाली करन, कुथी इयां ना हो कि उदे चेले आई करी उसयो कडी नी लेई जान, कने लोकां जो बोलन कि सै मरयां चे जिन्दा होई गिया है। तालू पिछला धोखा पेहले ला भी बुरा होणा है।” 65 पिलातुसे उना जो बोलया, “तुहाडे बाल सिपाई तां हेन जा कने अपणिया समझा दे अनुसार रखबाली करा।” 66 इस तांई उना जाई करी कबरा पर अपणे निशाणे सोगी प्रवेश दरबाजे जो बंद करिरी सुरक्षित बनाई दिता ताकि कोई इसयो अपणिया जगा ला नी हटाए।

28 सब्ते दे रोजे बाद हफते दे पेहले रोजे पौ फटदे ही मरियम मगदलीनी कने दुई मरियम कबरां जो दिखणा आईयां। 2 कने दिखा इक बडा हिलण होया, क्योकि प्रभुए दा इक स्वर्गदूत स्वर्गे ला उतरया था, कने बखे आई करी उनी पथरे जो हटाई दिता, कने उस पर बेई गिया। 3 उदा रूप बिजा सांई था कने उदे कपड़े बर्फा सांई चिट्टे थे। 4 उदे डरे ने पेहेरेदार कम्मी पे, कने मुद्यों सांई होई गे। 5 स्वर्गदूते जनानिया जो बोलया, “डरा मत, मिजो पता है कि तुसां यीशुए जो तोपा दियां न जिसयो सूली पर चढाया था। 6 सै ऐथू नी है, सै तां अपणे बचने दे अनुसार जिन्दा होई गिया है। ओआ इसा जगा जो दिखा जिथू प्रभु रखया था, 7 झट जाई करी उदे चेलयां ने बोला कि, सै मरयां चे जिन्दा होई गिया है; सै तुसां ला पेहले गलील प्रदेश जाई रिया है, ओथु तुहांजो उदे दर्शण होणे! दिखा, मैं तुसां ने बोली दिता है।” 8 कने सै डर कने बडिया खुशिया ने कबरा ला बापस जाई करी उदे चेलयां जो खबर देंगे तांई दोडी गियां। 9 तालू यीशु उना जो मिला। कने बोलया, “नमस्ते।” कने उना बखे आई करी उदे पैरां जो पकड़ी करी उसयो दण्डवत किता। 10 तालू यीशुए उना ने बोलया, “डरा मत; मेरे चेलयां जो जाई करी बोला, कि गलील प्रदेशे जो चली जा ओथु मिजो दिखणा है।” 11 सै जनानियां चेलयां जो ऐ खबर देणा ही चलियां थियां कि, सिपाइयां जडे कबरा दी रखबाली करा दे थे उना शेहरे च आई करी सारा हाल बड़े याजकां जो सुणाया। 12 तालू बड़े याजकां, यहूदी अगुवे सोगी गिठे होईकरी सलाह बनाई। उना सिपाइयां जो रिशवत दे रूप च मता सारा धन देणे दा फेसला किता, कने उना जो बोलया। 13 तुसां सारे लोकां ने ऐ बोलनयो कि राती जालू असां सुतयो थे, तां उदे चेले आई करी उसयो चोरी लेई गे। 14 कने अगर ऐ गल्ल राज्यपाले दे कना

दीकर पुजगी कि तुसां रखबाली दे बकते सोई गियो थे, तां असां उसयो समझाई लेंगे कने तुसां जो चिंता करणे दी जरूरत नी है असां बचाई लेंगे। 15 उना पेसा लेईकरी जियां उना जो सिखया था, तियां ही किता। ऐ गल्ल अजे दीकर यहूदियां च प्रचलित है। 16 कने गयारा चेले गलील प्रदेशे दे उस पाहडे पर गे, जड़ा यीशुए उना जो दसया था। 17 कने उना उदे दर्शण पाई करी उसयो नमस्ते किते, पर कुसी-कुसी जो शक होया की यीशु जिन्दा होया है। 18 यीशुए उना बाल आई करी बोलया, स्वर्ग कने धरतिया दा सारा हक मिजो दितया है। 19 इस तांई तुसां जाई करी सारियां जातियां दे लोकां जो चेले बणा; कने उना जो पिता, पुत्र, कने पबित्र आत्मा दे नाए ने बपतिस्मा दीया। 20 “कने उना जो सारियां गल्लां जिना दा मैं तुहांजो हुकम दितया है, उना जो मनणा सिखा: कने दिखा, मैं सारि दे अंत दीकर हमेशा तुहाडे सोगी है।” (aiōn g165)

मरकुस

1 परमेश्वरे दे पुत्र यीशु मसीह दा शुभसमाचार इयां शुरु होया।

2 जियां परमेश्वरे दा संदेश देणेबाले यशयाह दिया कताबा च लिखया है: परमेश्वरे अपने पुत्र, मसीह जो बोलया, “दिख, मैं अपने संदेश देणेबाले दूते जो तेरे अग्रे भेजदा है, जिनी तेरे तांई रस्ता ठीक करणा है। 3 उसा सुनसान जगा च अबाज सुणुआ दी है कि परमेश्वर दे ओणे तांई, अपने आपे जो तैयार करा, कने अपने मने दी सोच समझा जो खरा रखा उनी ओणा है।” 4 यूहन्ना जडा संदेश देणा आया था, सै सुनसान जगा च रेंदा था कने ऐ प्रचार करदा था की, अपने पापां जो मन्नी लिया कने गलत कम्मा जो छडी दिया तां तुहांजो परमेश्वरे माफ करणा कने बपतिस्मा लिया। 5 मते सारे यहूदिया प्रदेश दे लोक, कने यरूशलेम शहर दे रेणेबाले लोक निकली करी उदे बाल आये, कने अपने पापां जो मन्नी लिया कने यूहन्ने उना लोकां जो यरदन खड्डा च बपतिस्मा दिता। 6 यूहन्ना उंटे दे बालां दे बणयो कपडे पांदा था, कने अपने लके च चमडे दा पटा बनी रखदा था कने टिट्टे कने मखिर खांदा था। 7 जालू यूहन्ना ऐ प्रचार करदा था की, “जडा मेरे बाद ओणे बाला है, सै मिंजो ला भी शक्तिशाली है, मैं तां उदे जुतयां दे तस्मे खोलणे दे काबिल भी नी है। 8 मैं तां तुहांजो पाणिणे ने बपतिस्मा दिता है, पर उनी तुहांजो पबित्र आत्मा ने बपतिस्मा देणा है।” 9 उना दिना जालू यूहन्ना बपतिस्मा दिन्दा था तालू यीशु नासरत गांऐ ला गलील प्रदेशे च आया, जिथू यरदन खड्डा च यीशुऐ यूहन्ना ला बपतिस्मा लिया। 10 जालू यीशु पाणिणे ला निकली करी बाहर आया तां यूहन्ने स्वर्गो जो खुलदे दिखया कने स्वर्ग ला इक पबित्र आत्मा जो कबुते दे स्पे च अपने उपर ओंदे दिखया। 11 कने परमेश्वरे स्वर्ग ला ऐ आकाशवाणी किती, “की तू मेरा प्यारा पुत्र है, कने तिजो ला मैं खुश है।” 12 यीशुऐ दे बपतिस्मा लेणे बाद पबित्र आत्मा उसयो झट सुनसान जगा पासे भेजी दिता। 13 यीशु उसा सुनसान जगा च चालियां रोजां दीकर रिया, ओथु शैताने उदी परख लेई। सै बणे दे जानवरां सोगी रिया, कने स्वर्गदूत यीशुऐ दी सेवा करते थे। 14 कुछ बकत बीतणे बाद राजा हेरोदेसे यूहन्ना जो पकडी लिया कने उसयो जेला च पाई दिता, तालू यीशु गलील प्रदेशे च गिया कने उना लोकां जो परमेश्वरे दे राज्य दा शुभसमाचार सुणाया। 15 कने बोलया, “परमेश्वरे जडा बकत दसया था सै आई गिया है, स्वर्गो दा राज्य बखे आई रिया है, अपना मन बदला कने अपने पापां ला पद्दाताप करा, कने परमेश्वर दे शुभसमाचारे पर भरोसा करा।” 16 इक दिन जालू यीशु गलील झिला दे बखे चलया था, तां उनी शमौन कने उदे छोटे भाई अन्द्रियास जो झिला च जाल पांदे दिखया: क्योंकि सै मच्छियां पकणने दा कम्म करते थे। 17 यीशुऐ उना जो बोलया, “ओआ कने मेरे चले बणा; मैं तुहांजो सिखांगा कि लोकां जो मेरे बाल क्रियां लोणा कने क्रियां मेरे चले बणणा है।” 18 उना झट जाल छडया कने उदे पिच्छे चली पे। 19 जालू यीशु थोडा अग्रे चलया, उनी होर दो भाईयां जो दिखया जिना दे दा याकब कने यूहन्ना थे, कने सै जब्दी दे पुत्र थे, सै किस्तिया पर जाले जो ठीक करा दे थे। 20 यीशुऐ उना जो दिखया कने उना जो बोलया मेरे सोगी चला कने मेरे चले बणा; कने सै अपने पिता जब्दी कने मजदूरं जो किस्तिया पर छडी करी, उदे चले वणने तांई उदे पीच्छे चली पे। 21 यीशु कने उदे चले कफनरहम शोहे च आये, कने सै सब्ब दे रोजे यहूदी जंज घरे च जाई करी उपदेश करणा लग्गा। 22 कने लोक उदे उपदेश सुणीकरी बडे हेरान होए; क्योंकि सै उना जो यहूदी व्यवस्था जो सिखाणे बालयां सांई नी, पर अधिकारे ने उपदेश दिन्दा था। 23 जालू यीशु उपदेश दे दा था, तालू यहूदी जंज घर च इक माणू था, जिदे बिच इक बुरी आत्मा थी। 24 उनी जौरे ने बोलया, “हे नासरत दे यीशु मसीह, तू सांझो कजो तंग करदा है? तू क्या सांझो खत्म करणा आया है? मिंजो पता है की, तू कणु है? तू ही परमेश्वर दा पबित्र पुत्र मसिहा है, जडा परमेश्वरे ला आया है।” 25 यीशुऐ बुरिया आत्मा जो झिडकया कने बोलया, “चुप रे; कने इस माणूऐ ला निकली जा।” 26 तालू सै बुरी आत्मा उसयो मरोडी करी, कने जौरे ला चिलाई करी उदे चे निकली गई। 27 यहूदी जंज घरे च आयो सारे लोक हेरान होइ गे, कने इसा गल्ला जो इकी दुजे ला पुछणा लग्गे, “ऐ कदिया उपदेश है? असां कदी भी इतणे हके ला उपदेश दिन्दे नी सुणया है!” कने बुरी आत्मा इदियां गल्लां जो मदियां भी हेने। 28 कने उदे बाद यीशुऐ जडा भी किता, उदे बारे च लोक इकी दुज्जे जो दसदे रे कने झट सारे गलील प्रदेशे दे लोकां ने यीशुऐ दे बारे च सुणी लिया। 29 जियां ही यीशु कने उदे चले यहूदी जंज घर ला निकले, तां सै शमौन कने अन्द्रियास दे घरे जो गे कने याकब कने यूहन्ना उदे सोगी थे। 30 उस बकत शमौने दिया ससु जो बडा भरी बुखार था कने सै बिस्तरे च पियो थी, जालू यीशु घरे पुज्जा तालू उसयो कुनकी चले दसया कि शमौने दिया ससु जो बुखार है। 31 तालू यीशुऐ उसा दे बखे जाई करी उसा दा हथ पकडी करी उसा जो जगाया, कने उसा दा बुखार खरा होई गिया, कने सै उना दी सेवा करणा लगी पेई। 32 उसी रोजे संडा दे बकते जालू सब्बे दा दिन मुकी गिया, उदे नगरे च मते लोक बिमार थे कने जिना च बुरियां आत्मा थियां, उना सारयां जो यीशुऐ बाल लेई आये। 33 मते सारे लोक घरे दे दरबाजे सामणे गिटे होई गये। 34 उनी मतयां जो जिना जो बडे प्रकार दियां बिमारियां थियां, उना जो ठीक किता, कने मतियां बुरियां आत्मा कडी दितियां, कने बुरियां आत्मा जाणदियां थियां की ऐ परमेश्वर दा पुत्र है, उना जो बोलणे दा हुकम नी था। 35 ब्यागा ध्याडा निकलने ला पेहले, यीशु उठया कने निकली करी इक सुनसान जगा पर जाई करी ओथु प्राथना करणा लग्गा। 36 तालू शमौन कने उदे सोगियां जो पता लग्गा, की सै चली गिया, तां सै उसयो तोपणा गे। 37 जालू सै मिल्ला, तां उना उसयो दसया, “की मते सारे लोक तिजो तोपा दे थे।” 38 यीशुऐ उना जो बोलया, “चला; असां अखे बखे दे गांऐ च चलदे न ताकि ओथु भी परमेश्वर दे संदेश दा प्रचार करी सकन, क्योंकि मैं इसी तांई इसी संसारे च आया है।” 39 कने यीशु सारे गलील प्रदेशे दे यहूदी जंज घरां च जाई-जाई करी उपदेश दिन्दा, कने बुरियां आत्मा जो कडदा था। 40 इक कोठी माणू था, सै यीशुऐ

बाल आया, कने उदे सामणे गोडे भार बेईकरी, उसयो बिनती किती कने बोलया, “मै जाणदा है कि तू चाआं तां मिंजो ठीक करी सकदा है।” 41 यीशुए उस पर तरस खाई करी अपना हथ गां किता जिसयो कोड था, कने उसयो छूता कने बोलया, “मै चांदा है की तू ठीक होई जा।” 42 कने झट उदा कोड ठीक होणा लग्गी पिया, कने सै ठीक होई गिया। 43 तालू यीशुए उसी माणुए जो सकत चेतावनी देईकरी भेजया, 44 कने उसयो बोलया, “दिख, कुसी ने कुछ मत बोलदा, पर जाई करी अपने आपे जो याजकां ने दस, की तू खरा होईया कने परमेश्वरे जो भेंट चढा जिदे बारे क मूसा बडी पहले लिखया था, ताकि लोक जाणी सकन की तू खरा होई गिया।” 45 पर सै बाहर जाई करी इसा गल्ला दा बडा भरी प्रचार करणा लग्गा कने उनी ऐ ऐथू दीकर फेलाई दिती, कि यीशुए उसयो खरा करी दिता कने यीशु शरेआम बाहर शेहरे च नी जाई सकदा था, फिरी सै बाहर सुनसान जगा च रिया; कने चारो पासे दे लोक उदे बाल ओदे रे।

2 मतयां रोजां बाद जालू यीशु कफरनहम शेहरे च मुडी करी आया कने तां ओथु दे लोकां जो पता चली गिया कि सै घरे आया है। 2 फिरी मते सारे लोक गिठे होए, उस बजा ने घरे मती भीड होई गेई, ऐथू दिकर की दरबाजे बाल भी जगा नी रेई; कने सै उना जो परमेश्वर दे बचने चे प्रचार करा दा था। 3 कने इक धरंग होयो मरीजे जो चार माणू मंझे पर चुकी करी उदे बाल लेई आये। 4 पर जालू सै भीडा दिया बजा ला यीशुए बखे नी जाई सके, तां उसा छती जो जिसा हेठ सै बैठया था, उना से पुटी करी रस्ता बणाई दिता, कने जालू सै पुटी बैठे, तां उना उसयो मंझे समेत छती ला थले लटकाई दिता। 5 यीशुए उना दा भरोसा अपने उपर दिखीकरी, उस धरंग होयो मरीजे जो बोलया, हे पुत्र, “मै तेरे पापां जो माफ किता।” 6 तालू केई यहदी व्यवस्था जो सिखाणे बाले ओथु बैठयो थे, सै अपने-अपणे मने च सोचणा लग्गे, 7 “ऐ माणू ऐसियां गल्लां कजो बोला दा है? ऐ तां परमेश्वरे दी निंदा करा दा है। परमेश्वरे जो छडी करी होर कुण पापां जो माफ करी सकदा है?” 8 यीशुए अपनी आत्मा च झट जाणी लिया, की सै अपने मने च ऐसा सोचा दे न, कने उनी यहदी गुरूआं जो बोलया, “तुसां ऐसा कजो सोचा दे न। 9 क्या धरंग होयो मरीजे जो ऐ बोलणा सोखा है, की तेरे पाप माफ होये, या ऐ बोलणा की, उठ अपने मंजे जो चुकी करी हंड फिर? 10 पर मै तुहांजो दसणा चांदा है की मै, माणुए दा पुत्र जिसयो धरतिया पर पाप माफ करणे दा हक है।” कने उस धरंग होयो मरीजे जो बोलया, 11 “मै तिजो बोलदा है की, उठ, कने अपने मंझे जो चुक कने अपने घरे जो चली जा।” 12 सै झट उठया कने मंझा चुक्या कने चली गिया, सारे लोक जडे दिखा दे थे सै हेरान होए, कने सारे लोक परमेश्वर दी बडाई करिके बोलणा लग्गे, “असां इयोदिया कदी नी दिखया।” 13 इक बरी फिरी यीशु निकली करी झिला बखे गिया, कने मते सारे लोक उदे बाल आपे, कने सै उना जो परमेश्वर दे बचना दा उपदेश देणा लग्गा। 14 यीशु जियां ही अग्गे निकलया, तालू उनी लेवी नाये दे कर लेणेबाले माणुए जो दिखया, जिदा दुज्जा ना मती था। उदे पिता दा ना हलफईस था। जडा अपणिया चौकियां पर बैठया

था, जिथू से कर लेंदा था। कने यीशुए उसयो बोलया, “मेरे चेले बणा।” कने सै उठी करी सारा कम्म कार छडी करी यीशु पिच्छे चली पिया, कने उदा चेला बणी गिया। 15 उदे बाद यीशु कने उदे चेले लेवी दे घरे राती रोटीयां खाणू बैठयो थे। तालू मते भरी चुंगी लेणेबाले कने पापी भी चेलयां सोगी रोटीयां खाणे तांई बैठयो थे। सै मते भरी थे जडे यीशुए पिच्छे चलयो थे। 16 मूसा दिया व्यवस्था जो सिखाणे बाले कने फरीसियां जालू ऐ दिखया, की जिना जो लोक पापी बोलदे थे, सै उना सोगी रोटीयां खा दा है, तां उना लोका यीशुए दे चेलयां जो बोलया, “ऐ तां चुंगी लेणेबाले कने पापियां सोगी खांदा पिंदा है।” 17 जालू यीशुए ऐ सुणया तां उना जो बोलया, “जडे लोक खरे न उना जो वैधे दी जरूरत नी होंदी है, पर जडे बिमार न उना जो है। मै उना लोकां जो सद्णे जो नी आया जडे अपने आपे जो धर्मी मंदे न, पर की जडे लोक अपने आपे जो पापी मंदे न, मै उना तांई आया है।” 18 यहून्ना दे चेले, कने फरीसी बरत रखदे थे सै बिना कुछ खादयो रेंदे थे; इक दिन उना चे कुछ चेले यीशुए बाल आये कने पुछया की, “यहून्ना दे चेले कने फरीसियां दे चेले बरत कजो रखदे न, पर तेरे चेले तां बरत रखदे नी न?” 19 यीशुए उना जो बोलया, “मेरे चेले कने मै, लाडा कने उदे मित्रां सांई न। क्या लाडे दे मित्र तालू दीकर बरत रखी सकदे ने जालू दिकर पुरे बियाये च उदे सोगी न? जालू दीकर लाडा उना सोगी है तालू दीकर सै बरत नी करी सकदे न। 20 पर सै दिन ओणे न, जालू लाडा उना ला लग कितया जाणा है, तालू इना बरत रखणे न। 21 लोक नोएे कपडे दा रफु पराणे कपडयां च कोई नी पांदा है, नी तां उनी रफुये धोणे ने सुकडी जाणा, कने पुराणा कपडा होर जादा फटी जाणा। मेरियां गल्लां भी पुराणे रिती रिबाजां सोगी जोडगे तां इसी कपडे सांई से भी बेकार होई जाणियां। 22 नोएे अंगरा दे रसे जो पराणिया खलडिया दे झोले च कोई नी रखदा है, नी तां नोआ अंगर रस खलडिया जो फाडी दिन्दा है, कने अंगर रस खलडिया जो खत्म करी दिन्दा है; तां तां नोआ अंगर रस नोईयां खलडिया च नी रखदे न।” 23 इयां होया की यीशु कने उदे चेले सब्ते दे रोजे खेतरां च होईकरी जा दे थे; कने उदे चेले चलदे-चलदे बेलां जो तोडी करी खाणा लग्गी पे। 24 तालू फरीसियां बोलया, “की तेरे चेले इयोदे कम्म कजो करदे न जडे नियमा दे अनुसार सब्ते दिने करणा ठीक नी होंदे न?” 25 यीशुए उना जो बोलया, “तुसां क्या कदी नी पढया की जालू साडे महान राजा दाऊदे जो जरूरत पेई, कने जालू सै कने उदे सार्थी भूखे थे तां उनी क्या किता था? 26 कि इक अबियातार नाएे दा महायाजक था, जालू दाऊद कने उदे सोगी मित्र भूखे थे, तालू उना परमेश्वरे दे तम्बू च जाई करी रोटीयां खादियां जडियां परमेश्वरे जो चढाईयां थियां, कने अपने सोगियां जो भी खुआईयां, इना रोटीयां जो खाणें दा हक याजकां जो छडी करी होर कुसयो नी था।” 27 तालू यीशुए उना जो बोलया, “परमेश्वरे लोकां दिया भलाईया वासते सब्ते दा रोज बणाया है, उनी सब्ते बाले रोजे उना उपर भार पाणे तांई नी बणाया है। 28 मै, माणुए दा पुत्र ऐ बोलणे

दा हक रखदा है कि लोकां जो सब्ते बाले रोजे जो क्या करणे दी अनुमति है।”

3 इक होर सब्ते बाले रोजे यीशु यहूदी जंज घर च आया; ओथु इक माणु था, जिदा इक हथ सुक्की कने बेकार होई गया था। 2 कने फरीसी यीशुए उपर कोई दोष लाणे तांई बहाना तोपा दे थे, तालू कुछ माणु यीशुए जो बडिया गोराने दिखणा लग्गे, की यीशु उसया सब्ते बाले रोजे खरा करणा की नी। 3 यीशुए उस सुक्क्यो हथे बाले जो बोलया, “सारयां लोका दे बिच खडोई जा।” 4 कने उना ने बोलया, “क्या परमेस्वर सांझो सब्ते दे रोजे लोकां जो खरा कम्म करणे दा हुकम दिन्दा है, कि नीच कम्म करणे दा? क्या सांझो सै कुसी माणुए दे प्राण बचाणे दा हुकम दिन्दा कि मारणे दा?” पर सै सारे चुप रे। 5 यीशुए जो जालू गुस्सा आया तालू उनी उना लोकां दे चारों पासे दिखया। कने यीशु बडा उदास होया की सै बडे कठोर कने जिद्दी माणु न। कने उस माणुए जो बोलया, “अपणा हथ कर रूआं।” उनी किता, कने उदा हथ खरा होई गया। 6 तालू फरीसी झट बाहर आई करी राजा हेरोदियां दे गिरोह दे कुछ लोकां कने मिली करी उदे खिलाफ सलाह करणा लग्गे, की उसयो क्रियां मारणा है। 7 कने उदे बाद यीशु अपने चेलयां सोगी झिल्ला दे पासे चली गया: कने गलील प्रदेशे ला बडी भरी भीड उदे पिच्छे चली पेई। 8 कने यहूदिया जिले, कने यरूशलेम शेरह कने इद्मिया जिले ला, कने यरदन खड्डा दे पारे ला, कने सूर कने सैदा शेहेरे दे अखे बखे लोक ऐ सुणीकरी यीशु वाली आये, कि यीशु बडे हेरान कने चकित करणे बाले कम्म करदा है। 9 यीशुए अपने चेलयां जो बोलया, “मिजों बोणे तांई इक छोटी किस्ती लेईकरी ओआ, ताकि लोक मिजो वाली भीड नी लगाई सकन।” 10 उनी उसी रोजे मतयां जो ठीक किता। उदिया बजा ला, मते सारे लोक जडे बिमार थे, सै यीशुए जो छुंणे दी कोशिश करा दे थे। 11 कने बुरियां आत्मा ला जकडयो लोक, जालू यीशुए जो दिखदे थे, तां यीशुए जो इज्जत देणे तांई उदे पैरां अग्गे डेई पोंदे थे, कने जॉरे-जॉरे ने बकदे थे, “की तू परमेस्वर दा पुत्र है।” 12 कने यीशुए चेतावनी देईकरी बुरी आत्मां जो बोलया, “कि मेरे बारे च कुसी ने भी मत दसदे कि मैं परमेस्वर दा पुत्र है।” 13 उदे बाद यीशु इक धारा पर चढी गया, कने उना जो अपने बाल सदया जिना जो सै चांदा था, कने सै उदे बाल आये। 14 तालू उनी बाहरां माणुए जो चुणयां। जडे उदे खास चले बणे, उनी उना जो प्रेरित दा ना दिता, कने सै चांदा की सै उदे सोगी-सोगी रैन, कने यीशु उना जो भेजे की सै प्रचार करन, 15 कने बुरियां आत्मा जो कडणे दा हक दिता। 16 ऐ सै बाहरा चले न, जिना जो यीशुए चुणया था: शमौन जिदा ना उनी पतरस रखया; 17 ऐ दो भाई जिना दा ना याकूब कने यहून्ना है, सै जब्दी दे पुत्र थे, जिसयो यीशु ने बुअनरगिस बोलया, कने उदा मतलव गडकने बाले माणु। 18 कने अन्द्रियास, कने फिलिप्पुस, कने बरतुल्मै, कने मर्ती, कने थोमा, कने हलफईये दा पुत्र याकूब, कने तैदे, कने शमौन कनानी जडे क्रांति लयोणे बाले थे, 19 कने यहूदा इस्करियोती, जिनी उसयो दुशमणा दे हथे पकडाई भी दिता था। 20 कने यीशु ग्रांए दे कुसी घरे

च आया, कने ओथु इतणी भीड गिठी होई गेई, की उसयो रोटी खाणे दा भी बकत नी मिला। 21 जालू उदे रिशतेदारां ऐ सुणया, तां सै उसयो घरे जो लेई जाणे तांई आये, क्योकि सै बोलदे थे, की इदे होस ठीक होणे च नी है। 22 कने सै जडे मूसा दी व्यवस्था जो सिखाणे बाले थे, सै यरूशलेम शेहेरे ला आयो थे, सै भी ऐ बोलदे थे की, “इदे च शैतान है,” कने “सै बुरियां आत्मा दा सरदार है, कने शैताने दिया मददा ने बुरियां आत्मा जो कडदा है।” 23 इस तांई सै उना जो बखे सदीकरी, उना जो कहाणिया च बोलणा लग्गा, “क्या शैतान अपणी ही बुरी आत्मां जो लोकां ला बार कडणे तांई जोर पांगा? नी, जरा भी नी!” 24 अगर कुसी राज्य च लोक अपु च ही लडदे रेंगे तां सै राज्य बडे बकते तक नी टिकी सकदा है। 25 कने अगर कुसी घरे दे माणु अपु च ही लडी पोंगे तां सै घर नी चली सकदा। 26 अगर शैतान अपना ही बैरी बणिया कने अपु ने ही लडगा, तां उनी अपना ही नाश करी लेणा है। 27 कोई भी माणु जोरे बाले माणुए दे घरे जो नी लुटी सकदा, जालू दीकर सै पेहले, उस माणुए जो बन्नी नी ले; तां जाई करी सै उदे घरे जो लुटी सकदा है। 28 “मै तुसां ने सच्च बोलदा है, की माणुए दी ओलादी दे सारे पाप कने निंदा जडा सै परमेस्वर या कुसी दे खिलाफ करदे न, परमेस्वरे उना दे पाप माफ करी देणे न; 29 पर जडा कोई पबित्र आत्मा दे खिलाफ निंदा करणा, तां सै परमेस्वरे कदी भी माफ नी करणा है। कने परमेस्वर इसी पापे तांई उस माणुए जो हमेशा तांई दोषी मण्णा है।” (aiōn g165, aiōnios g166) 30 यीशुए ऐ इस तांई बोलया क्योकि सै ऐ बोलदे थे, की उसयो बुरिया आत्मा जकडया है। 31 तालू यीशु दी मां कने उदे भाई आये, कने उना बाहर खडोई करी उसयो बुलाबा भेजया। 32 भीड उदे अखे बखे बैठियो थी, कने उना उसला बोलया, “दिख, तेरी माता कने तेरे भाई तिजो तोपा दे ना।” 33 यीशुए उना जो जबाब दिता, “मेरी माता कने मेरे भाई कुण न?” 34 कने उनी उना पासे नजर दिती जडे उदे अखे बखे बैठयो थे कने बोलया, “दिखा, मेरी माता कने मेरे भाई न। 35 सै सै ही करदे न जडा परमेस्वर चांदा है, सै ही मेरे भाई, बेहण कने माता पिता ना।”

4 यीशु फिरी गलील झिला दे बखे उपदेश देणा लग्गा, कने ओथु इतणी भरी भीड गिठी होई गेई, की सै झिला च इक किस्तिया पर चढी करी बेई गया, कने सारे लोक झिला दे बखे खडोई रे। 2 कने सै उना जो कहाणी सुणाणा लग्गा, कने अपने उपदेश च उना ने बोलया, 3 “सुणा इक किसान अपने खेते च बी राणे तांई गया। 4 रांटे बेले थोडे बी रस्ते दे बखे पेई गे कने सै तां पछियां आई करी चुगी ले। 5 कने थोडे बी पथरलिया जमिना पर पे जिथु उसयो जादा मिटी नी मिली, कने जादा मिटी नी होणे दिया बजा ने तौली लूंगी पै। 6 कने जालू खडी धूप पेई, तां सै फकई गे, क्योकि उना दियां जडा डुगियां नी थियां तां सै सुकी गे। 7 कने थोडे बी झिल्लां च पे, कने जालू झिल्ल बदे तां उना सै बी डकी ले, कने उना फल नी दिता। 8 पर थोडे बी खरिया जमिना पर पे, कने सै बी लुगे, कने मते सारे फल देणेबाले होए; केईयां ती गुणा, केईयां सठ गुणा, केईयां सौ

गुणा।” 9 तालू उनी बोलया, “जिस बाल सुणने ताई कन्न न सै ध्यान लाईकरी गल्लां जो सुणे, कने इसा गल्ला जो समझी ले।” 10 जालू यीशु किल्ला रेई गया, तां बाहरा चले कने जडे सोगी थे सै उसला इसा कहाणिया दा मतलब पुछणा लग्गे। 11 उनी उना जो बोलया, “तुसां तां परमेश्वरे दे राज्य दियां छुपियां होईयां सच्चियां गल्लां दसियां न, पर ऐ कहाणी बाहरे बाले लोकां ताई थी, सै जडे मिजों पर भरोसा नी रखदे। 12 जियां कि पवित्रशास्त्र च लिखया है, सै तिनां जो मिलदे होए भी नी मिलदा कन्ना ने सुणदे होए भी सै नी सुणदे कने समझदे; इयां नी होऐ की सै अपने बुरे कम्मा जो छडी देन, कने उना जो माफ करणा पोए।” 13 फिरी यीशुए उना जो बोलया, “तुसां इना गल्लां जो नी समझगे, तां फिरी तुसां होरा कहाणियां जो कियां समझगे। 14 इसा कहाणिया दा ऐ मतलब है, बी राणे बाला इयोदिया है जियां कोई परमेश्वरे दे बचना दा प्रचार लोकां च करदा है। 15 जडा बी रसते च पिया उदी तुलना उना लोकां ने कितियो है, जडा परमेश्वर दे बचन सुणदे न। पर शैतान झट पट जादां कने उना दे मने ला बचन कडी दिन्दा है जडा उना सुणया था। 16 कने थोडे लोक उस पथरे वालिया जमिना साईं न जिथू बी पिया था, ऐ सै माणु न, जडे बचना जो सुणीकरी उना जो झट खुशिया ने ग्रहण करी लेदे न। 17 पर परमेश्वर दे बचना जो मने दिया गहराईया च बदणा नी दिन्दे, उदे बाद जालू बचने दिया बजा ने उना पर कला क्लेश या पेशानी होदी है, तां सै बचना ला पिच्छे हटी जादे न। 18 जडे बी झिल्लां च पियो न, ऐ सै माणु न जिना बचन सुणया, 19 पर सै संसारे दियां चिंता जो लेईकरी दुखी, कने संसारिक चिंता दिया मोहमाया च फर्सी जादे न, ऐ सब कुछ परमेश्वरे दे बचन च स्कावट पांदा है। कने सै बचन उना ताई फायदेमंद नी हौंदा। (aiōn g165) 20 कने जडे बी खरिया जमिना पर रायो थे, ऐ सै माणु न, जडे बचन सुणीकरी ग्रहण करदे न, कने फल दिन्दे न, कोई ती गुणा, कोई सठ गुणा, कने कोई सौ गुणा।” 21 यीशुए उना जो बोलया, “क्या कोई दिव्ये जो जल्लाई करी उसयो इक टोकरू या मंजोलिया दे जिक इस ताई रखदा है की उदिया लौई जो लुकाई सके? ना जरा भी नी। दिव्ये जो ताके उपर रखदे न, जिथू ला उदी लोअ चमकी सके।” 22 क्योंकि जडा कुछ भी लुकया है, सै सामणे करणा; कने हर इक गुप्त गल्ल सामणे आई जाणी है। 23 “जिस बाल सुणने ताई कन्न न सै ध्यान लाईकरी गल्ला जो सुणे, कने इसा गल्ला जो समझी ले।” 24 यीशुए उना जो बोलया, “ध्यान रखा, की जितणा तुसां ध्याने ने बचना जो सुणगे, तुसां जो उतणा ही जादा समझ ओणा है, उदे साबे ने परमेश्वरे तुहांजो देणा है। जिस नापे ने तुसां नापदे न उसी नापे ने तुहाडे ताई नापया जाणा है, कने तुसां जो जादा दितया जाणा है। 25 जिना बाल जडा परमेश्वर सिखांदा है उसयो समझणे दी इच्छा है, उना जो परमेश्वरे होर समझ देणी, पर जडा समझणे दी इच्छा नी रखदा, की मै क्या सिखांदां, तां सै जडा समझया है, परमेश्वरे उसला सै भी लेई लेणा।” 26 यीशुए उना जो बोलया, “परमेश्वरे दा राज्य ऐसा है, जियां कोई किसान खेते च बी रांदा है, 27 जालू उनी बी राई दिते उनी फिरी दुबारा मुडी करी बी नी

दिखया कने अपने रोजाने बाले कम्मा करदा रिया। पर जडा उनी बी राए थे, सै बी लुगे कने बडे होए, कने से जाणदा भी नी की ऐ कियां होया। 28 धरती अपु ही फल दिन्दी है, पेहेले लुंगा, फिरी सिल्ले, फिरी सिल्लां च तैयार दांणा। 29 पर जालू सै दाणे पकी जादे न, तालू सै किसान ओदा कने दराटिया ने बडणा लगदा, क्योंकि बडणे दा बकत आई गया था।” 30 फिरी यीशुए कहाणी सुणाई, “असां परमेश्वरे दे राज्य दी तुलना इयां करी सकदे न, जियां तुसां जो मै कहाणी दसदा। 31 कने परमेश्वर दा राज्य धरती दे सारे बियां ला सबला छोटे बी राईए दे बियां सांई है। 32 पर जालू जमिना च रांदे न, तां सै उगी करी सारे साग पतरां ला बडा होई जांदा है, कने उदियां इतणियां बडियां डालियां निकलदियां न की अम्बरे दे पंछी भी उदिया छोआं च रेहणे ताई डालियां च घोंसले बणाई सकदे न।” 33 कने सै लोकां जो परमेश्वरे दे राज्य दे बारे च दसणे ताई हरबरी कहाणिया दा इस्तेमाल करदा था, जडियां उना जो समझ आई जान। 34 कने सै हमेशा परमेश्वरे दे राज्य दियां गल्लां कहाणिया च बोलदा था, पर जालू सै किल्ला हौंदा था, तां सै अपने चेलयां जो सारियां गल्लां दसदा था। 35 उसी दिने सझां दे बेले, उनी अपने चेलयां ने बोलया, “ओआ, असां गलील झीला दे पार चलदे न।” 36 कने चेले भी भिडा जो छडी करी उसा किस्तिया पर चढी गे, जिना पर यीशु बैठया था। कने सै यीशुए जो अपने कने लेई गे। ओथु उना सोगी होर भी किस्तियां थियां। 37 तालू सै झीला जो पार करा दे थे, तां बडा भरी तूफान आया कने लेहरां किस्ती ने बजियां, किस्तिया च पाणी भरईया कने किस्ती डुबणे वाली थी। 38 कने यीशु पिछले हिस्से च सुतया था, तालू उना उसयो जगाई करी बोलया, “गुरू जी, तिजो क्या साडी कोई फिकर नी है, की असां मरणे बाले न?” 39 तालू उनी उठी करी तूफाने जो डांटया, कने लेरां जो बोलया, “शांत रिया, स्की जा!” कने हवा स्की गेई कने झील शांत होई गेई। 40 कने उनी तालू चेलयां ला पुछया, “तुसां कजो डरदे न? क्या तुहांजो हले दीकर मिंजो पर भरोसा नी है?” 41 सै बडे भरी डरी गे कने अपु चे बोलणा लग्गे, “ऐ कदिया माणु है? ऐथू तक की तूफान कने लैहरां भी इदा हुकम मदे न।”

5 यीशु कने उदे चेले गलील झिला दे पार गिरासे दे लोकां दिया जगा च पुज्जे, 2 जालू यीशु किस्तिया ला थले उतरया तालू इक माणु जिसयो बुरिया आत्मा जकडया था, सै कब्रिस्तान ला निकलया कने यीशुए बाल आया। 3 सै कब्रिस्तान च रेंदा था कने लोक उसयो बन्नी करी नी रखी पांदे थे, ऐथू दिकर की लोहे दे सुंगला ने भी नी। 4 क्योंकि उसयो बडी बरी बेडियाँ कने सुंगला ने बनया था, पर सै उना सुंगला जो तोडी दिन्दा, कने बेडियाँ दे टोटे-टोटे करी दिन्दा था, कने उसयो कोई भी काबू च नी करी सकदा था। 5 सै रात दिन कब्रिस्तान कने पाहडा च जोरे-जोरे बकदा रेंदा, कने अपने आपे जो पथरा ने जख्मी करदा रेंदा था। 6 सै यीशुए जो दुरे ला ही दिखीकरी दोडया, कने यीशुए जो इज्जत देणे ताई उदे पैरां अगो डेई पिया। 7 उनी जोरे ने चिलाई करी बोलया, “यीशु जी, परमपिता परमेश्वरे दे पुत्र, तू मिंजो कजो सता दा है? तू परमेश्वरे दे ना लेईकर कसम खा

की तु मिजो नी सतांगा।” 8 उनी ऐ बोलया क्योकि यीशुऐ उसयो पेहले ही हुकम देई दितया था, “हे बुरी आत्मा, इस माणुऐ ला तु निकली जा।” 9 यीशुऐ उसा बुरिया आत्मा जो पुछया, “तेरा क्या ना है?” उनी बोलया, “मेरा ना सेना है, क्योकि असां मते सारे ना।” 10 कने उना बुरियां आत्मा उसला बडी बिनती किती, “की सांझो गिरासे दे इलाके ला बाहर मत भेजा।” 11 ओथु धारा पर इक सूअरां दा झण्ड चुग्गा दा था। 12 कने बुरियां आत्मा यीशुऐ ने बिनती करिके बोलया, “की सांझो इना सूअरां च भेजी दे ताकि असां इना दे अंदर जाई सकना।” 13 यीशुऐ उना जो हुकम दिता कने सै बुरियां आत्मा उसी माणु ला निकली करी सूअरां दे अंदर समाई गियां, कने उसी झण्डे च कोई दो हजार सूअर थे, कने खडे डडे पासे दौडे कने रिडकी करी झिला च जाई पे कने डूबी करी मरी गे। 14 उना दे पुहालां नठी करी शेहर कने गांऐ च ऐ खबर सुणाई, कने जडा होया था लोक उसयो दिखणा आये। 15 यीशुऐ बाल आई करी, उना उसयो दिखया जिदे च बुरियां आत्मा थियां, उसयो कपडे पाई करी कने खरा बैठया दिखीकरी सै डरी गे। 16 दिखणे बालयां उदा जिदे बिच बुरियां आत्मा थियां, कने सूअरां दा पूरा हाल, बाकियां जो दसया। 17 तालू जडे लोक दिखणा आये थे, सै यीशुऐ ने बिनती करिके बोलणा लग्गे, कि साडे इलाके ला चली जा। 18 जालू यीशु क्तिस्तिया पर जाणे तांई चढया, तां सै जिदे च पेहले बुरियां आत्मा थियां, सै यीशुऐ ने बिनती करणा लग्गा, “की मिजो भी अपु सोगी रेंणा दे जियां बाहरा चले उदे सोगी रेंदे थे।” 19 पर यीशुऐ उसयो अपने सोगी चलणे तांई मना करी दिता, कने उसयो बोलया, “अपणे घरे जाई करी अपने लोकां जो दस, की प्रभुऐ तिजो पर दया करिके तेरे तांई कदेया कम्म किता है।” 20 तालू सै माणु अपने घरे दे इलाके च चली गिया। फिरी उनी सारे दिकापुलिस जिदा मतलब “दस शेहर” च ऐ प्रचार करणा शरू किता, कि यीशुऐ मेरे तांई बडा कुछ कितया है, कने उसयो सुणनेबाले सारे लोक हेरान होऐ। 21 जालू यीशु दोबारा क्तिस्तिया च गलील झिला पारे जो गिया, कने बडे भरी लोक उस बाल गिठे होई गे। सै झिला बखे ही था, 22 यहदी जंज घरे दे सरदारां च इक याईर नाये दा सरदार आया, सै यीशुऐ दी इज्जत मान तांई यीशुऐ दे पैरां अग्गे डेई पिया, 23 कने उनी ऐ बोली करी बडी बिनती किती, “की मेरी लोकी कुडी मरणा लगियो है, कने तू साडे घरे आई करी उसा जो छु, ताकि सै ठीक होई जा कने मरणे ला बची जा।” 24 तालू ही यीशु उस सोगी चली पिया, कने मते भरे लोक उदे पिच्छे चली पे, सै यीशुऐ दे उपर डेई पांटे थे। 25 भिडा च इक जनानी थी जिसा जो बाहरां सालां ला खून निकलने दी बिमारी थी। 26 उना मते वेघां हथा ला दुख झेलया था कने अपने सारे पेसे खर्चणे बाद भी सै खरी नी होई। कने उसा दा हाल बडा बुरा होई गिया था। 27 जालू उना सुणया यीशुऐ लोकां जो खरा कितया है, तां उना सोचया, “कि मैं उदे कपडयां जो छुई लें, तां मैं खरिया होई जाणा।” तांई तां उना भिडा च यीशु दे पिच्छे आईके उदे कपडयां जो छुता। 28 क्योकि सै बोलदी थी, “अगर मैं उदे कपडयां जो भी छुई लेंगी, तां ही मैं ठीक होई जाणा।” 29 कने झट

उसा दा खून चलणा बंद होई गिया, उना अपने शरीर ला मेहसूस करी लिया की मैं इसा बिमारिया ला ठीक होई गियो है। 30 यीशु भिडा च पिच्छे मुडया कने पुछया, “मेरे कपडयां जो कुनी छुता?” उनी ऐसा इस तांई पुछया क्योकि उसयो पता लग्गी गिया की उदे चे सामर्थ्य निकली, कने कोई माणु खरा होया है। 31 उदे चेलयां उसयो बोलया, “तू दिखा दा है, की तेरे अखे बखे इतणी भरी भीड है, कने तू पुछदा है, की कुनी मिजो छुता?” 32 तालू यीशुऐ उसी माणुऐ जो दिखणे तांई जिनी ऐ कम्म कितया था, चारो पासे नजर दौडाई। 33 तालू सै जनानी जाणी गिया की मैं खरी होई गियो, तालू सै आई कने यीशुऐ दे पैरां च पेई गेई कने पैर बंदे। कने यीशुऐ जो दसया की मैं तिजो छुतया था। उना सोचया कि उनी उसा पर गुस्सा होणा उसा गल्ला दिया वजा ला सै डरी कने कम्मि पियो थी। 34 यीशुऐ उसा जो बोलया, “कुडिये, तेरा भरोसा जडा मिजों पर था उनी भरोसे तिजो खरा कितया है, शांति ने चली जा, हण तु अपणिया इसा बिमारिया ला बची करी रियां।” 35 यीशु हले उसा ने गल्ल करा दा ही था, यहदी जंज घरे दे सरदारे दे घरे ला कुछ लोकां आई करी बोलया, “की तेरी कुडी तां मरी गेई है” हण गुस्पे जो कजो तकलीफ दे दा है? 36 जडी गल्ल सै बोला दे थे, उसा गल्ला जो यीशुऐ अणसणी करिके यहदी जंज घरे दे सरदारे जो बोलया, “डर मत, सिर्फ मिजों पर भरोसा रख।” 37 तालू यीशुऐ सिर्फ पतरस, याकूब कने याकूब दे भाई यहन्ना कने याईर जो ही अपने कने ओणा दा हुकम दिता, होर कुसयो भी अपने सोगी ओणा नी दिता। 38 कने यहदी जंज घरे दे सरदारे दे घरे च पुज्जी करी, उनी लोकां जो रोंदे कने डडदे दिखया। 39 तालू यीशुऐ कमरे अंदर जाई करी उना जो बोलया, “तुसां इयां डडा कने रोआ मत? कुडी मरियो नी है पर सुतियो है।” 40 सै सुणीकरी, सारे लोक यीशुऐ पर हसणा लग्गे, तालू उनी सारयां जो बाहर कडी दिता। कने कुडिया दे माता पिता कने अपने चेलयां जो सोगी लेईकरी कमरे अंदर गिया जिथू कुडी पियो थी। 41 कने यीशुऐ कुडिया दा हथ पकडी करी उसा जो बोलया, “तलिता कूमी,” जिसदा मतलब है की, “हे छोटी कुडिये, मैं तिजो बोलदा है, उठ।” 42 कने कुडी झट उठी करी हंडणा लग्गी पेई, सै बाहरां सालां दी थी। जालू इयां होया तां सारे लोक कुडिया जो दिखीकरी हेरान होई गे। 43 फिरी यीशुऐ उसा दे माता पिता जो समझाई करी हुकम दिता की इसा गल्ला दा कुसयो पता नी लग्गे की उनी मरियो कुडियो जो जिन्दा कितया है। कने इसा कुडिया जो खाणे जो दिया कुछ।

6 तालू यीशु कफरनहम शेहरे ला चली गिया, सै अपने गां नासरत जो आया, कने उदे चेले भी उदे सोगी आये। 2 यीशु सब्ते बाले रोजे यहदी जंज घर च परमेवरे दे बचना दा उपदेश देणा लग्गा, कने मते लोक सुणीकरी हेरान होई गे कने बोलणा लग्गे, “इनी माणुऐ ऐ गल्लां कुथु ला सिखियां न? कने इसयो ऐ सारा ज्ञान कने चमत्कार करणे दी शक्तियां कुनी दितियां? कने सामर्थ्य दे कम्म कियां इदे ला होंदे न? 3 ऐ सिर्फ तरखाणे दा पुत्र है, जडा मरियम दा पुत्र, कने याकूब, योसेस, यहदा कने शमोन दा भाई है। कने इदिया बेंहणा भी

ऐथू साडे सोगी न” कने उना यीशुए पर भरोसा करणे जो मना करी
 दिता। 4 यीशुए उना जो बोलया, की परमेश्वरे दे संदेश देणेबालयां दा
 अपने ग्रां कने अपने रिशतेदारां अपने घरे छडी करी, हर कुथी उदी
 इज्जत मान होंदा है। 5 कने ओथु उसी पर कुनी भरोसा नी किता,
 इसा बजा ला उनी ओथु थोडे बिमारां पर हथ रखीकरी खरा किता
 उदे अलावा ओथु होर कोई चमत्कार नी करी सकया। 6 कने यीशु
 उना दे अक्विवास ने बडा हेरान होया कने उदे बाद यीशु अखे बखे दे
 गांए च गिया कने परमेश्वर दे बचना दा उपदेश दिता। 7 थोडे बकते
 बाद यीशुए बाहरां चेलयां जो अपने बाल सदया कने उना जो बुरी
 आत्मा कडणे दा हक दिता। उना जो दो-दो करिके लग-लग गांए
 भेजणा लग्गा, कने उना जो बुरियां आत्मा जो लोकां चे कडणे दा
 हक दिता। 8 कने यीशुए उना जो हुकम दिता, की अपने रस्ते तांई
 सिर्फ इक सोठी लेनयो। ना तां खाणे तांई रोटी लेणी, ना तां झोला, ना
 ही बटुए च पेसे, 9 पर जुते पाई लेनयो कने होर कोई कपडे पाणे तांई
 मत लेंदे। 10 यीशुए उना जो बोलया, “की कोई तुहांजो अपने घरे
 रेहणे तांई सदगा, जालू दीकर तुसां उसी गांए च रेंगे, तालू दीकर
 उसी दे घरे च परोणे बणी करी रिया। 11 जिसा जगा दे लोक तुहांजो
 अपनांगे नी कने तुहाडी सुणगे नी, ओथु ला जांदे बेले अपने पैरां दी
 धुड जाडी दिनयो, ताकि उना लोकां जो पता लग्गे की परमेश्वरे
 दिया तरफा ला मिलणे बाली सजा दे सै अपु ही जिम्मेवार न।” 12
 तालू चेलयां जाई करी घोषणा किती की अपना मन बदला कने
 अपने पापां दा पश्चताप करा, कने परमेश्वरे दे श्भसमाचार पर
 भरोसा करा, कने परमेश्वरे पासे मुडा। 13 कने उना मतियां बुरियां
 आत्मा जो कडया, कने मतयां बिमारां जो जैतुन दा तेल मली करी
 खरा किता। 14 कने हुण राजा हेरोदेसे यीशु दे कम्मा दी चर्चा सुणी
 जडे यीशु करा दा था, क्योकि मते सारे लोक यीशुए जो जाणदे थे
 कने उदे बारे च चर्चा करा दे थे। कने बोला दे थे की ऐ सेई यहुन्ना
 बपतिस्मा देणे वाला है, सै मरयां चे जिन्दा होई गिया है, ऐई बजा है
 कि उदे बाल ऐ चमत्कार करणे तांई परमेश्वरे दी शक्ति है। 15 कने
 होरनी लोकां बोलया है, “परमेश्वरे दा संदेश दे बाला एलित्याह है।
 कने बाकियां बोलया, ऐ सै परमेश्वरे दा संदेश देणेबाला है, जडे बडे
 जमाने पेहले रेंदे थे।” 16 हेरोदेसे ऐ सुणीकरी बोलया, “ऐ यहुन्ना
 बपतिस्मा देणेबाला है, मै अपु उदा मुंड बडबाया था, पर सै मरी
 करी फिरी जिन्दा होई गिया है।” 17 हेरोदेस थोडे बकते पेहले
 अपने भाई फिलिप्पुस दी घरे बाली हेरोदियास ने बियाह करी लिया
 था। 18 तालू यहुन्ना उसयो बोलया, “ऐ तु खरा नी किता तु अपने
 भाईये दी लाडी लेई ली!” तां तां हेरोदियास जो खुश करणे तांई,
 हेरोदेसे यहुन्ना जो पकडी करी उसयो जेला च पाई दिता। 19 तांई
 तां हेरोदियास यहुन्ना ने दुशमणी रखदी थी कने सै चांहदी थी, की
 उसयो मरवाई दे, पर ऐसा होई नी सकया, 20 हरबरी जालू हेरोदेस
 यहुन्ना जो बोलदे सुणदा था, तां सै डरदा था, क्योकि यहुन्ना इक
 पबित्र कने धर्मी माणु था, पर तमी सै उसयो सुणना पसंद करदा था।
 कने सिपाहियां जो उदी रखाबाली करणे तांई रखया, हेरोदेस उदियां
 गल्लां सुणीकरी डरी जांदा था, पर सै खुशिया ने सुणदा था। 21

थोडे बकते बाद, हेरोदेसे अपना जन्म दिन मनाया। उनी अपने बडे
 प्रधान अधिकारियां, सेना दे बडे खास अगुवां कने गलील प्रदेशे दे
 अगुवां जो धामा च सदया। इसा धामा च हेरोदियास जो यहुन्ना जो
 मरवाणे दा मोका मिली गया। 22 कने हेरोदियास दी कुडी अंदर
 आई, कने नची करी हेरोदेस कने उदे सोगी धाम खाणा आये परोण्यां
 जो खुश किता, तालू राजे कुडिया जो बोलया, “तू जडा मर्जी मिंजो
 ला मंग, मै तिजो दिगा।” 23 कने हेरोदेसे उसा ला ऐ बायदा किता,
 “की मेरे अघे राज्य दीकर जडा कुछ तू मिंजो ला मंगगी सै मै तिजो
 दिगा।” 24 उना बाहर जाई करी अपणिया माता ला पुछया, की मै
 क्या मंगे? माता बोलया की, “उसयो बोल की सै यहुन्ना बपतिस्मा
 देणेबाले दा मुंड बड्डी करी मिंजो दे।” 25 कने सै झट अंदर राजे बाल
 आई, कने उसने बिनती किती की, “मै चांहदी है, की तू हुणी यहुन्ना
 बपतिस्मा देणेबाले दा मुंड बड्डी करी मिंजो इक थालिया च दे।” 26
 ऐ सुणीकरी राजा बडा उदास होया, पर अपणिया कसमां, कने सोगी
 बोणे बालयां दिया बजा ला उसा दिया गल्ला जो टालना नी चांदा
 था। 27 राजे इक सिपाइए जो हुकम दिता, कि जेला च जा, कने
 यहुन्ना दा मुंड बड्डी करी उदे बाल लेईकर आ। 28 सिपाइए जेला
 च जाई करी उदा सिर कटया, कने इक थालिया च रखीकरी लेई
 आया कने उसा कुडिया जो देई दिता, कने कुडिया अपणिया माता
 जो देई दिता। 29 जालू यहुन्ना दे चेलयां जो पता चला की उसयो
 मारी दितया है, यहुन्ना दे चले आये, कने उना उदिया लाशा जो
 चुकी करी कबरा च रखी आये। 30 जालू सै प्रेरित जिना जो यीशुए
 भेजया था, सै यीशु बाल बापस आये कने उदे चारों बखे खडोइ
 गे, कने जडा कुछ उना किता, कने सिखया था, सारा कुछ उसयो
 दसया। 31 मते सारे लोक ओदे जांदे थे कने इसा बजा ला यीशु
 कने उदे चेलयां जो रोटियां खाणे दा बकत नी मिलदा था। तालू
 यीशुए चेलयां जो बोलया, “असां कुथी सुनसान जगा चलदे जिथू
 किल्ले रेई सकन कने थोडा बकत अराम करी सकन।” 32 इस तांई
 सै किस्तिया च बेईकरी सुनसान जगा च चलती गे। 33 कने मतयां
 लोकां उना जो जांदे दिखया कने पछेणी लिया की सै कुथु जाणा
 लगयो न। कने अखे बखे दे नगरां दे लोक गिठे होईकरी यीशु कने
 उदे चेलयां ला पेहले ओथु पैदल दौडी करी पुज्जी गे। 34 यीशु
 किस्तिया ला उतरया कने उनी मती भरी भीड दिखी, कने उना पर
 तरस खादा, क्योकि उना दा कोई अगुवा नी था, जडा उना दी
 रखबाली करी सके, जियां बिना गवाले भेडां होंदियां न, “फिरी सै
 उना जो परमेश्वर दे राज्य दियां मतियां गल्लां सिखाणा लग्गा।” 35
 जालू संज होंणा लग्गी, तां उदे चले उदे बखे आई करी बोलणा
 लागे, “ऐ सुनसान जगा है, कने दिन बडा ढली गिया है। 36 इना जो
 भेजी दे, ताकि ऐ अखे बखे दे ग्रां कने बासियां च जाई करी, अपने
 तांई कुछ खाणे जो खरीदी लेन।” 37 यीशुए उना जो जबाब दिता,
 “तुसां ही इना जो खाणे जो दिया।” उना यीशुए जो बोलया, “की तू
 चांदा है की असां जान कने दो सौ दिना दी मजदुरिया बराबर दियां
 रोटीयां खरदी करी इना जो खुआन?” 38 यीशुए उना जो बोलया,
 “जाई करी दिखा तुहाडे बाल कितणियां रोटियां न?” उना पता

करी के बोलया, “पंज रोटीयां कने दो मछियां भी हेन।” 39 तालू होर भी बतैरे रिबाज थे, जिना जो सै मंदे थे, जियां की कटोरे, लोटे, कने तांबे दे भांडयां जो धोणा कने मांजणा। 5 ताई तां उना फरीसियां कने व्यवस्था जो सिखाणे बालयां उसयो पुछया, “की तैरे चले साडे सियाणे दियां रिबाजां जो नी मंदे?” सै तां बिना हथ धोयो रोटी खांदे न? 6 यीशुए उना जो जबाब दिता, “यशायाहे ठीक था, जिनी पबित्र शास्त्र च तुहाडे साईं कपटियां दे बारे च लिखया है, की ऐसे लोक गल्लां न तां मेरा आदर करदे न, पर इना दे मन मिजो ला बडे दूर न। 7 इना दी कितियो भक्ति मेरे ताईं बेकार है, क्योंकि ऐ लोकां जो माणुए दियां दसियां गल्लां जो परमेस्वर दियां गल्लां दस्सी करी मनणे ताईं बोलदे न। 8 क्योंकि तुसां परमेस्वरे दे हुकमा जो मनणा बंद करी दिताया है, कने माणुए दे रिबाजां जो मंजा दे न।” 9 कने यीशुए उना ने बोलया, “तुसां अपने बणायो नियमा जो मनणे ताईं चलाकिया ने परमेस्वरे दे हुकम जो टाली दिन्दे न। 10 उदाहरण ताईं, मूसा ने बोलया है, की अपने माता पिता दा आदर करा, कने जडा कोई अपने माता पिता जो श्राप दिगा, सै पक्का मारी देणा। 11 पर तुसां लोकां जो ऐ दसदे न की, अपने माता पिता दी मदद नी करणा कने उना दे हिस्से दियां चिंजा उना जो छडी करी परमेस्वर जो देणा ठीक है। कने तुसां लोकां जो इजाजत दिन्दे अपने माता पिता जो ऐ बोलणे दी की जडा कुछ मैं तुहांजो देणा था, सै मैं परमेस्वर जो देणे दी कसम खादियो है, कने मैं हण तुसां दी मदद नी करी सकदा, इसला तुसां लोकां जो ऐ बोलदे की हणे ला तुसां जो माता पिता दी सेबा करणे दी कोई जरूरत नहीं है। 13 इयां बोली करी, जिना रीती रिबाजां जो तुसां लोकां दीकर पुजाया है, सै परमेस्वरे दियां बोलियां गल्लां जो बेकार होणे दी बजा बर्णी जांदा है।” 14 तालू यीशुए लोकां जो अपने बाल सदीकरी उना जो बोलया, “तुसां सारे मेरी सुणा, कने समझ। 15 ऐसी कोई चीज नी ऐ जडी माणुए च बाहर ला आई करी उसयो अशुद्ध करदी है, पर माणुए जो अशुद्ध सै करदा है जडा उदे अंदरे ला निकलदा है। 16 जिस बाल सुणने ताईं कन्न न सै ध्यान लाईकरी गल्ला जो सुणे, कने इसा गल्ला जो समझी ले।” 17 तालू सै भीड़ा दे बखे ला घरे दे अंदर गया, तां उदे चेलयां यीशुए जडा बोलया था, उसा कहाणिया दा मतलब पुछया। 18 यीशुए उना ने बोलया, “क्या तुसां भी ऐसे ना समझन? क्या तुहांजो नी पता, की जडा भी खाणा माणु खांदा है, सै उसयो अशुद्ध नी करी सकदा। 19 क्योंकि सै उदे मने च नी, पर उदे पेटे च जांदी है, कने संडास च निकली जांदी है,” यीशुए दा बोलणे दा मतलब ऐ था, की सारियां खाणे बालियां चीजा ठीक न। 20 लोक जडा बुरा सोचदे न, “सै ही बोलदे न कने करदे, सै ही उना जो परमेस्वर दे सामणे अशुद्ध करदा है। 21 क्योंकि अंदर ला, मतलब की माणुए दा मन ही बुरियां चिजा दी जड है। बुरे-बुरे बिचार, व्यभिचार, चोरी, हत्या, परस्त्रीगमन, 22 लालच, बुराई, धोखा, लुचापन, बुरी नजर, निंदा, घमंड, कने मुर्खता निकलदी है। 23 ऐ सारियां गल्लां मने ला निकलदियां न कने माणुए जो अशुद्ध करदियां न।” 24 इदे बाद यीशु कने उदे चले ओथु ला उठी करी सर कने सैदा दे शेहरे दे अखे बखे बालिया जगा जो चली गो। ओथु सै इकी घरे च गया, कने सै चांदा था, की उसयो

7 तालू इक रोज फरीसी कने केई यहूदी व्यवस्था जो सिखाणे बाले जडे यरूशलेम शेहरे च आयो थे, उसयो सुणने ताईं गिठे होए, 2 कने उना दिखया की उदे चले बिना हथ धोते रोटी खा दे थे, जडा की यहूदी रिबाजे अनुसार अपबित्र था। 3 फरीसी कने सारे यहूदी खाणा खाणे ला पेहले अपने बजुर्गा दे रीती रिबाजे पर चलदे थे कने जालू दीकर सै ढंगे ने हथ नी धोई लेन खाणां नी खांदे थे, 4 कने बजारे ला ओणे दे बाद, जालू दीकर से अपने रिती रिबाजा दे अनुसार नोई नी लेन, साफ नी होंदे तालू दीकर खाणां नी खांदे, कने उना दे वजुर्गा दे

कोई नी जाणी सके की सै ओथु स्क्या है। पर लोकां जो बडा तोला पता लगगी गिया था कि सै ओथु स्क्या है। 25 कने इक जनानी उदी चर्चा सुणीकरी आई, जिसा दिया छोटिया कुडिया जो बुरिया आत्मा जकडया था, सै झट उदे पैरां च पेई गेई। 26 सै जनानी यहूदी नी थी। सै सौरिया ग्रांए दे सुस्फनिकनी नाये दे इलाके च जमियो थी। कने उना उसला बिनती किती, की मेरिया कुडिया चे बुरिया आत्मा जो कडी दे। 27 यीशुए उसा जो बोलया, “पेहले बचयां जो रजणा दे, क्योकि बचयां ला रोटीयां लेईकरी कुतयां दे अग्रे पाणा ठीक नी है।” 28 उना जबाब दिता, प्रभु ऐ सच्च है, पर कुते भी तां बचयां दे मेजे हेठ रोटीया दे चूरे चारे जो खाई लेंदे न। 29 यीशुए उसा जो बोलया, “इसा गल्ला दा जबाब भरोसे ने दिता, उदिया बजा ने बुरी आत्मा तेरिया कुडिया चे निकली गियो है कने तु हुण घरे चली जा।” 30 कने उना अपने घरे आई करी दिखया कुडी मंजे पर पियो है, कने बुरी आत्मा कुडिया ला निकली गियो है। 31 फिरी यीशु कने उदे चेले अखे बखे दे इलाके जो छडी करी सिदोन शेहरे जो निकली गे। फिरी सै दिकापुलिस “दस शेहर” चे होईकरी गलील झिला बालिया जगा च पुज्जा। 32 कने लोक इक टोणे जो जडा थथलान्दा भी था, उसयो उस बाल लेईकरी आये कने बिनती किती की, इसयो खरा करी दे। 33 तालू सै उसयो भिडा ला लग लेई गिया, कने अपणियां उंगलियां उदे कना च पाईयां, कने अपना थुक अपणिया उंगलियां च लगाया कने उसी माणुए दी जीभा जो झूता। 34 कने स्वर्गे पासे दिखीकरी लम्बा साह लिया। फिरी उसी माणुए जो बोलया, “इप्फतह।” मतलब की “खुली जा” 35 कने इकदम ही सै साफ-साफ सुणना लगगी पिया, कने बिना कुसी तंगिया ने सै साफ-साफ बोलणा लगगी पिया। 36 तालू यीशुए उना जो समझाया की कुसी ने मत बोलदे, पर उनी जितना उना जो समझाया उतणा ही सै बोलणा लगगी पिया। 37 सै बडे ही हेरान होईकरी बोलणा लगगे, “यीशुए जडा कुछ किता सै सब कुछ खरा ही कितया है,” यीशु टोण्यां जो सुणने दी, कने गुंगयां जो बोलणे दी शक्ति दिन्दा है।

8 उसी बकते दी गल्ल है जालू मते सारे लोक दिकापुलिस च यीशुए बाल गिठे होए, कने उना बाल खाणे तांई कुछ नी था, तां यीशुए अपने चेलयां जो सदीकरी उना जो बोलया, 2 ऐ लोक मिजों सोगी तिन्ना रोजां ला रेह दे न। उना बाल खाणे तांई कुछ नी है कने मिंजो इसा गल्ला पर तरस ओआ दा है। 3 कने इना च थोडे लोक बडे दुरे ला आयो थे। अगर मै इना जो भूखा घरे भेजी दें, तां इना रस्ते च थकी जाणा कने बेहोश होई जाणा। 4 उदे चेलयां उसयो जबाब दिता की, ऐथू सुनसान जगा च इतणी रोटीयां कुनी कतां ला लोणियां, की ऐ सारे जणे रजी जान? 5 यीशुए उना जो पूछया, “तुहाडे बाल कितणियां रोटीयां न?” उना बोलया, “साडे वाली सत रोटीयां न।” 6 तालू यीशुए लोकां जो धरतिया पर बोंणे दा हुकम दिता कने सै बेई गे, कने उदे बाद सै सत रोटीयां लियां, कने परमेस्वरे दा धन्यवाद करिके तोडियां, कने अपने चेलयां जो रोटीयां दे टुकडे दिन्दा गिया ताकि सै उना जो लोकां च बंडी देन। 7 उना बाल थोडियां छोटियां मछियां भी थियां, कने यीशुए परमेस्वरे दा

धन्यवाद करिके सै अपने चेलयां जो दितियां, कने लोकां जो परोसणे दा हुकम देई दिता। 8 फिरी सारे लोक खाई करी रजी गे कने उदे बाद चेलयां बाकी बचियाँ रोटीयां दे टुकडयां जो सत टोकरियां च भरी लिया। 9 कने सै लोक लगभग चार हजार थे, कने यीशुए उना लोकां जो विदा किता। 10 कने यीशु चेलयां सोगी किस्तिया पर चडी करी दलमनुता इलाके जो चली गिया। 11 फिरी फरीसी आई करी यीशुए ने गल्ल बात करणा लगगे, क्योकि सै उसयो फसाणा चांदे थे इस तांई उना उसयो पूछया स्वर्गे दा कोई चमत्कार दस। जिसने ऐ साबित होई जां की परमेस्वरे तिजो शक्ति दितियो है। 12 उनी उना दे अक्विवास ला नराज होईकरी लम्बा साह लिया कने बोलया, “इस युगे दे लोक कजो चमत्कार तोपदे न? मै तुहांजो ने सच्च बोलदा है, की इस युगे दे लोकां जो कोई चमत्कार नी देणा है।” 13 फिरी सै फरीसियां जो छडी करी, अपने चेलयां सोगी किस्तिया पर चडी गिया कने गलील झिला दे चारों पासयां ला होंदे होए चली गिया। 14 यीशुए दे चेले रोटीयां लेणा भूली गियो थे, कने उदिया वजा ने उना बाल किस्तिया च इक रोटीया जो छडी करी कख भी नी था। 15 कने यीशुए उना जो चेतावनी दिती कि, “फरीसियां कने हेरोदेस दे खमिरे ला बचणे तांई चौकने रेनयो।” 16 सै अपु चे बिचार करिके बोलणा लगगे, कि यीशुए ऐ इस तांई बोलया क्योकि “साडे बाल रोटीयां घट न।” 17 ऐ जाणी करी यीशुए उना ने बोलया, “तुसां कजो अपु चे बिचार करा दे कि साडे बाल रोटीया नी न? क्या तुसां अपने मने जो इतणा कठोर बणाई लिया, तुसां क्या हले दीकर समझे नी? 18 तुसां बाल हखी कने कन्न होंदे होए भी नी दिखी कने सुणी सकदे। कने क्या तुहांजो कुछ भी याद नी है? 19 की तालू तुसां बचियाँ रोटीयां दे टुकडयां जो कितणियां टोकरियां च भरया था, जालू मै पंज हजार लोकां जो पंज रोटीयां ला खुयाया था?” उना बोलया, “बाहरा टोकरियाँ।” 20 “कने जालू चार हजार लोकां तांई सत रोटीयां थियां तां कितणे टोकरे भरी करी चुके थे?” उना बोलया, सत टोकरे। 21 यीशुए उना जो बोलया, “तुसां हाली दीकर कजो नी समझदे की मै कुण है?” 22 तालू यीशु कने उदे चेले बैतसैदा शेहरे च आए, कने लोक इक अन्ने जो उदे बाल लेईकरी आए कने उसला बिनती किती की इसी माणुए जो छु कने खरा करी दे। 23 तालू यीशुए उस अन्ने दा हथ पकडी करी उसयो ग्रां दे बाहर लेई गिया। कने यीशुए अपना थुक उदिया हखी पराला लाया कने उस पर हथ रखे, कने उसयो पुछया, “क्या तिजो कुछ मिल्ला दा है?” 24 उनी नजरां उपर करी के बोलया, “मै माणुए जो दिख दा है, पर सै साफ नी मिल्ला दे, सै मिंजो खूबां सांई चलदे मिला दे न।” 25 तालू यीशुए दोबारा उदियां हखी पर हथ रखे, कने अन्ने गोरा ने दिखया, कने उदियां हखी ठीक होई गियां, कने उसयो सब कुछ साफ-सुथरा मिलणा लगगी पिया। 26 कने यीशुए उसयो हुकम दिता कि अपने घरे जो मुडी जा, पर ऐथू जडा होया ग्रांए बालयां जो दसणे तांई, ग्रांए दे अंदर पैर भी मत रखदा। 27 यीशु कने उदे चेले बैतसैदा शेहरे जो छडी करी कैसरिया फिलिप्पी शेहरां दे बखे आले ग्रां च चली गे, कने रस्ते च उनी अपने चेलयां जो पुछया,

“की लोक मेरे बारे च क्या बोलदे न, की मैं कुण है? 28 चेलयां सकदा। 4 तालू उना तिन्ना चेलयां, दो परमेश्वरे दे संदेश देणेबाले जबाब दिता कुछ लोक बोलदे ने कि तुसां यहूना बपतिस्मा देणेबाले मूसा कने एलिय्याह जो, जडे बडे पेहले जिन्दा थे उना जो यीशुए न; पर कोई-कोई एलिय्याह बोलदा, कने कोई-कोई बोलदे न कि सोगी गल्लां करदे दिखया। 5 ऐ सब दिखीकरी पतरसे यीशुए जो पुराणे जमाने दे परमेश्वरे दा संदेश देणेबालयां च कोई इक है।” 29 बोलया, “गुरू जी, साडा ऐथू रेंणा ठीक है, इस ताई असां ऐथू तीन फिरी यीशुए पुछया, “पर तुसां मिंजो क्या बोलदे न?” पतरसे उसयो तम्बू बणां दे न, इक तेंरे ताई, इक मूसा ताई, इक एलिय्याह ताई।” 6 जबाब दिता, “तू मसीहा है, जडा परमेश्वरे दिया तरफा ला भेजया पतरसे ऐ इस ताई बोलया की, सै कने दुज्जे दो चले डरी गियो थे, है।” 30 तालू यीशुए उना जो हुकम दिता की मेरे बारे च कुसी ने मत कने नी जाणदे थे क्या बोलणा क्या करणा। 7 तालू इक बदल आया बोलदे की, मैं मसीहा है कने परमेश्वरे मिंजो भेजया है। 31 तालू कने उनी उना जो अपणी छाया हेठ ढकी लिया, कने उना बदले च यीशु अपने चेलयां जो सिखाणा लग्गा, कि मैं, जडा माणुए दा पुत्र है, परमेश्वरे जो बोलदे सुणया, “कि ऐ मेरा प्यारा पुत्र है, कने मैं इसला “मिंजो मते दुख सेहणे पोणे न, कने यहूदी अगुवे, बड़े याजकां, कने खुश है, कने जडा ऐ बोलदा है, उसयो ध्याने ने सुणा।” 8 तालू उना यहूदी व्यवस्था जो सिखाणे बालयां मिंजो अपनाना नी है, कने मैं अपणे चारो पासे नजर मारी, तां मूसा कने एलिय्याह ओथु नी थे, मारी देणा है, कने फिरी मैं तिन्ना रोजां बाद मरयां चे जिन्दा होई कने उना जो सिर्फ यीशु ही मिल्ला। 9 जालू यीशु कने उदे तिन्न चले जाणा है।” 32 यीशुए उना जो ऐ गल्ल साफ तरिके ने बोली दिती। पहाडे ला उतरा दे थे, तालू यीशुए उना जो हुकम दिता कि, “कुसी पतरस यीशुए जो बखिया लेई गिया कने इसा गल्ला पर झिडकणा जालू दीकर कजो नी आया सै?” 12 यीशुए उना लम्गा। 33 तालू यीशु पिच्छे मुडया कने चेलयां जो दिखया कने मरयां चे जिन्दा ना होई जा।” 10 चेलयां जडा पहाडे पर होया उदे पतरसे जो झिडकी करी बोलया, “शैताने सांई कम्म करणा बंद कर! कने उनी उना जो अपणी छाया हेठ ढकी लिया, कने उना बदले च मेरे सामणे ला दूर होई जा! क्योकि तू परमेश्वरे दे सांई नी, पर तू लगे की, “मरयां चे जिन्दा होई जाणा” इदा क्या मतलब था। 11 माणुए सांई सोचदा है।” 34 यीशुए भिडा जो अपने चेलयां सोगी कने चेलयां उसला पुछया, “मूसा दी व्यवस्था दे अनुसार व्यवस्था अपने बाल सदीकरी बोलया, “जडा कोई मेरा चेला बगना चांदा है, जो सिखाणे बाले बोलदे थे, मसिहा ला पेहले एलिय्याह ओणा था? उसयो अपणिया शरीर दिया इच्छां कने जडियां तरकिबां बणाईयां अंगर ओणा था, तां हाली दिकर कजो नी आया सै?” 12 यीशुए उना उना जो छडी करी कने जडा मिजों तांई मरणे जो तैयार रेंदा है, जो जबाब दिता, ऐ तां सच्च है कि एलिय्याह पेहले आई करी सब सेई मेरा चेला बणी करी मिजों पिच्छे चली सकदा है। 35 कोई कुछ सुधारणा है। पर कजो माणुए दे पुत्रे दे बारे च ऐसा लिखया है, माणु इयोदिया नी करणा कने अपने प्राणा जो बचाणा चांहागा, उनी की उनी बडे दुख सेहणे न, कने उसयो निच समझणा है। 13 पर मैं परमेश्वरे सोगी आत्मिक जिन्दगी जिणे दा मोका गवाई देणा है। पर तुसां ने बोलदा है, एलिय्याह ता पेहले ही आई चुकया था, साडे जडा माणु मिजों पर भरोसा करणा कने मेरे शुभसमाचार दिया बजा अगुवां उदे कने बडा बुरा व्यवहार कितया। जियां सै करणा चांदे ने मरगा उस माणुए जो परमेश्वरे सोगी सदा तांई दी जिन्दगी मिलणी। जियां सै करणा चांदे थे, जदिया की पबित्र शाखां च बडी पेहले ही बोलया था की उना 36 अगर तुसां संसारे दा सब कुछ पाई लेंगे कने पर परमेश्वरे सोगी करणा। 14 जालू यीशु कने तिन्न चले बाकी चेलयां बाल मुडी करी सदा दी जिन्दगी जिणे दा मोका गवाई दिगे, तां उदा क्या फायदा? आये, तां दिखया की उना दे चारो पासे तां बडी भरी भीड लगियो है, कने व्यवस्था जो सिखाणे बाले उना सोगी बेहस करा दे थे। 15 कने 37 इक माणु परमेश्वरे जो क्या देई सकदा है, जडा उदी हमेशा दी जियां ही सारे लोकां यीशुए जो दिखया, दिखदे ही बडे हेरान होये, जिन्दागी खरिदगा? कुछ नी! 38 तुहाडे च अगर कोई माणु मिजों कने उदे बाल दौडी करी आये कने उसयो नमस्ते किते। 16 यीशुए अपणा परमेश्वर कने मेरियां शिक्षा दा पालन करणे जो मना करदा उना ला पुछया, “तुसां इना सोगी बेहस कुसा गल्ला पर करा दे न?” है, क्योकि तुसां डरदे न की गैर विश्वासी कने पापी लोकां तुहाडा कसा गल्ला पर करा दे न?” 17 भिडा चे इकी माणुए उसयो जबाब दिता, “गुरू जी, मैं अपने पुत्रे मजाक उडाणा। फिरी जालू मैं माणुए दे पुत्रे, पबित्र स्वर्गदूतां सोगी जो तेंरे बाल लेईकरी आया था, इदे च बुरी आत्मा है, जिना इसयो धरतिया पर ओणा है, तां मैं उना लोकां जो भी अपणा चेला मनणे ला गूंगा बणाई दितया है। 18 जालू भी बुरी आत्मा उदे अंदर ओदी है, मना करी देणा है। तालू सारयां लोकां मेरी महिमा दिखणी जडी मेरे तां सै उसयो गुस्से ने जमिना पर पटकी दिन्दी, कने उदे मुए ला झाग पिता दी है।”

9 यीशुए भिडा कने अपने चेलयां जो बोलया, मैं तुहांजो ने सच्च बोलदा है, “ऐथू खडोतयो लोकां चे कुछ लोक ऐसे न, उना तालू दीकर जिन्दे रेणा है जालू दीकर सै परमेश्वरे दे राज्य जो शक्तिशाली कने उदे बाल दौडी करी आये कने उसयो नमस्ते किते। 16 यीशुए अपणा परमेश्वर कने मेरियां शिक्षा दा पालन करणे जो मना करदा है, क्योकि तुसां डरदे न की गैर विश्वासी कने पापी लोकां तुहाडा मजाक उडाणा। फिरी जालू मैं माणुए दे पुत्रे, पबित्र स्वर्गदूतां सोगी धरतिया पर ओणा है, तां मैं उना लोकां जो भी अपणा चेला मनणे ला मना करी देणा है। तालू सारयां लोकां मेरी महिमा दिखणी जडी मेरे पिता दी है।”

9 यीशुए भिडा कने अपने चेलयां जो बोलया, मैं तुहांजो ने सच्च बोलदा है, “ऐथू खडोतयो लोकां चे कुछ लोक ऐसे न, उना तालू दीकर जिन्दे रेणा है जालू दीकर सै परमेश्वरे दे राज्य जो शक्तिशाली स्मे च अपने बिच ओदे नी दिखी लेना।” 2 इक हपले बाद यीशु पतरस, याकूब कने यहूना जो इक उच्चे पहाडे पर लेई गिया कने ओथु उना सिबा होर कोई नी था, कने उना दे सामणे यीशुए दा रूप बदलुई गिया। 3 कने उदे कपडे चिट्टे होईकरी चमकणा लगे। धरतिया पर इयोदे चिट्टे कपडे कोई भी धोबी धोई करी नी करी

बिलटियां मारणा लग्मा। 21 यीशुए जागते दे पिता ला पुछ्या, “ऐ कालू ला होआ दा है?” कने उनी बोलया, “जालू ला ऐ लोका दिया नियणा होंदा था। 22 मती बरी बुरिया आत्मा इसयो मारणे ताई अग्गी कने पाणिये च सुटी दितया था, पर अगर तू कुछ करी सके, तां सांझो पर तरस खाई करी साडी सहायता कर।” 23 यीशुए उना जो बोलया, “अगर तू करी सकदा है, ऐ क्या गल्ल होई? जडा मिंजो पर भरोसा करदा है, उदे ताई सब कुछ होई सकदा है।” 24 बच्चे दे पिते झट पैरां च पेईकरी जोंरे ने बोलया, “प्रभु जी, मेरी सहायता कारा की मैं तुसां पर भरोसा करे।” 25 जालू यीशुए दिखया, की मते सारे लोक उसयो दिखणे ताई गिठे होआ दे थे, तां उनी बुरिया आत्मा जो ऐ बोली करी झिड़कां दितियां की, “हे बुरी आत्मा, जडी इसी जागते जो गूंगा कने बेहरा बणा दी कने बोलणा नी दे दी, मैं तिजो हुकम दीदा है की, इसयो छडी दे, कने फिरी कदी मत ओंदी।” 26 तालू बुरिया आत्मा चिलाई करी जागते जो मरोडी करी सटया, कने निकलीं गेई कने सै जागत बिना हिल्ले ओथु लाशा सांई पेई रिया था, ऐथू दीकर की मते लोक बोलणा लगे की, ऐ तां मारी गया है। 27 पर यीशुए उदा हथ पकडी करी उसयो उठालया, कने सै खडोई गया। 28 बादे च जालू यीशु कने उदे चले घरे च किले थे, तालू उदे चेलयां पुछ्या कि, “असां बुरिया आत्मा जो कजो नी कडी सके?” 29 यीशुए उना जो जबाब दिता, “ऐसियां बुरियां आत्मा जो प्राथना कने बरत कितयो बिना माणुआं ला बाहर नी कडी सकदे।” 30 बादे च यीशु कने उदे चेलयां उना जगा जो छडी दिता कने गलील प्रदेशे ला निकले। कने यीशु नी चांदा था की कोई उसयो जाणे की सै कुथु है। 31 क्योंकि यीशु अपने चेलयां सोगी मता बकत बिताणा चांदा था कने उना जो सिखाणा चांदा था। कने उना ने बोला दा था की, “माणुए दा पुत्र, मेरे दुश्मणा दे हथे पकड़ाया जाणा है, कने उना लोका मिंजो मारी देणा है, कने मरणे दे तरिये रोजे मरयां चे जिन्दा होई जाणा है।” 32 पर ऐ गल्ल उना दिया समझा च नी आई, कने चले पूछणे ला उरदे थे जडा यीशुए बोलया था। 33 यीशु कने उदे चले कफरनहम शेहरे च अपने घरे जो आये; कने जालू से घरे अंदर थे, तालू यीशु उना जो पुछणा लग्मा, “रस्ते च तुसां कुसा गल्ला पर बेहसा दे थे?” 34 सै चुप रे, क्योंकि उना रस्ते च ऐ बेहस कितियो थी कि, असां चे बडा कुण है। 35 तालू यीशु बेई गया कने बाहरां चेलयां जो अपने बाल गिठा होणे जो बोलया, कने उना जो बोलया, “जडा कोई सारयां ला महान बणना चांदा है, तां सै अपु जो सारयां ला निच समझे कने सारायां दा सेवक बणे।” 36 तालू यीशुए बखे इक बच्चा खुडोतया था, यीशुए बच्चे जो गल्ले लगाया कने चेलयां जो बोलया। 37 “जडा कोई माणु इयां ही इक बच्चे पर दया दसदा है, सै सच्ची मेरा इज्जत मान करदा है। कने कोई मेरी इज्जत मान करदा है, तां सै मेरा ही नी बल्कि मेरे परमेख्वरे दी इज्जत मान करदा है, जिनी मिजो भेजया है।” 38 तालू यहून्ना उसयो बोलया, “गुरू जी, असां इकी माणुए जो तेरे नाए दी शक्ति ने बुरियां आत्मा जो कडदे दिखया है, कने असां उसयो मना भी किता, क्योंकि सै साडे सांई तेरा चेला नी था।” 39 यीशुए बोलया, “उसयो मना मत

करा अगर कोई मेरे नाये ने चमत्कार करदा है, क्योंकि ऐसा कोई नी है, जडा मेरे नाए ने सामर्थ्य दे कम्म करे, कने जल्दी मिंजो बुरा बोली सके, 40 क्योंकि जडे साडे बेरी नी है, सै साडे सोगी साथी ना।” 41 जडा कोई इक कटोरा पाणिये दा तहांजो इस तांई पियां, की तुसां जो मसीह दे चले बोलदे न, मैं तुसां ने सच्च बोलदा हे की उनी अपना फल कुसा भी हालत च नी गवांणा है। 42 पर अगर कोई इना छोटयां चे, जडे मिंजो पर भरोसा करदे न, उना दे पापां दी बजा बणे तां उना तांई ऐई ही खरा है की अपने गले च पथर बन्नी करी दरियाये च छलांग लगाई दे। 43 सारियां बुरायां जो छडी दिया जिना ने पाप होंदा है! बुरायां जो पुरे तरीके ने छडी दिया, जियां की तुसां इक हथ बद्ध दे, जडा तुहाडे पापां दी बजा बणदा है। अगर तुसां स्वर्ग जो जांदे न, भले ही तुसां बाल इक ही हथ है, सै तुसां तांई खरा है। कने अगर तुसां बाल दोनो हथ न, कने तुसां नरके जान, तां इसला भयानक कुछ नी है। (Geenna g1067) 44 नरके दिया उसा जगा पर जिथू सारयां दे जिस्मा जो खाणे बाले कीडे कदी नी मरदे कने बलियो अग कदी नी बुझदी। 45 सारियां बुरायां जो छडी दिया जिना ने पाप होंदा है, बुरायां जो पुरे तरीके ने छडी दिया जियां की तुसां इक पैर बद्ध दे, जडा तुहाडे पापां दी बजा बणदा है। अगर तुसां स्वर्ग जो जांदे न, भले ही तुसां बाल इक ही पैर है, सै तुसां तांई खरा है। कने अगर तुसां बाल दोनो पैर न, कने तुसां नरके जान, तां इसला भयानक कुछ नी है। (Geenna g1067) 46 नरके दिया उसा जगा पर जिथू सारयां दे जिस्मा जो खाणे बाले कीडे कदी नी मरदे कने बलियो अग कदी नी बुझदी। 47 सारियां बुरायां जो छडी दिया जिना ने पाप होंदा है, बुरायां जो पुरी तरह छडी दिया जियां की तुसां इक हथी जो कडा दे, जडा तुहाडे पापां दी बजा बणदा है। अगर तुसां स्वर्ग राज्य जो जांदे न, भले ही तुसां बाल इक ही हथ है, सै तुसां तांई खरा है। कने अगर तुसां बाल दोनो हथी न, कने तुसां नरके जान, तां इसला भयानक कुछ नी है। (Geenna g1067) 48 नरके दी उसा जगा पर जिथू सारयां दे जिस्मा जो खाणे बाले कीडे जडे कदी नी मरदे कने बलियो अग कदी नी बुझदी। 49 क्योंकि हर इक जणा अग्गी ने शूद्र किता जाणा, जियां की बलिदान नुणे ने शूद्र होंदा है। 50 नुण इक जरूरी चिज है, पर अगर उदा स्वाद चली जा, तां उदा स्वाद कियां वापिस लोणा? तुसां च लूँणे सांई खुबियां होणी चाईदियां, कने अपु चे मिली झूली कने शांतिया ने रिया।

10 यीशुए अपने चेलयां सोगी कपरनहम शहर छडी दिता, सै यहूदिया प्रदेशे ला निकले कने यरदन खड्डा दे दूरे पाससे चली गे। कने इक बरी फिरी भीड उदे बाल गिठी होई गेई, कने सै उना जो हरबरी सांई उपदेशे देणा लग्मा। 2 तालू फरीसी उदे बाल आरे कने उसयो परखणे तांई उसला पुछ्या, “क्या मूसा दिया व्यवस्था च इक मरदे जो अपणिया घरे बालिया जो तलाक देणे दा हक है?” 3 यीशुए उना जो जबाब दिता, “मूसा तहांजो तलाक दे बारे च क्या हुकम दितया है?” 4 उना बोलया, “मूसा हुकम दितया की त्याग पत्र लिखी करी अपणी घरे बालिया जो देई दिया कने उसा जो छडी दिया।” 5 यीशुए उना जो बोलया, “तुसां हरबरी परमेख्वरे दे हुकमें

जो मन्गे ताई मुकरी जांदे न, क्योंकि तूसां दा मन कठोर है, इस ताई है। 26 जालू चेलयां ऐ सुणया, तां सै बडे हेरान होईकरी अपु चे मूसा ऐ लिखया था। 6 पर पबित्र शान्नां च लिखया है कि जालू बोलणा लगे, “तां कुण अपने पापां दी सजा मिलणे ला बची सकदा परमेश्वरे संसार बणया था, तालू उनी इक मर्द ताई इक जनानी बणाई।” 27 यीशुऐ उना दे पासे दिखीकरी बोल्या, “जडा माणु नी 7 जालू इक मर्द जनानिया ने बियाह करदा है, तां सै दोनों इक होई करी सकदे, पर सै परमेश्वर करी सकदा है, क्योंकि परमेश्वरे सब जान्दे न, क्योंकि सै दोनो इक जान न। 8 कने सै दोनो हुण इक कुछ करी सकदा है।” 28 पतरस यीशुऐ जो बोलणा लग्गा, सांझो तन न, क्योंकि हुण सै दो जणे नी, पर इक माणुऐ सांई न। 9 इस कया मिलणा? असां तां तुहाडे चले बणने ताई अपना सारा कुछ ताई उसा जनानिया कने मर्दे जो बख नी करणा चाईदा जिना जो छडी दितया है। 29 यीशुऐ चेलयां जो बोलया, “मै तूहांजो ने सच्च परमेश्वरे बियाह दे बंधना च बनया है।” 10 कने बादे च, जालू सै बोलदा है, मेरे चले बणने ताई कने श्भसमाचार दा प्रचार करणे ताई चेलयां सोगी घरे च किल्ला था, तालू चेलयां तलाक दे बारे च तूसां च जिनी भी घरे जो छडया, या अपने भाई बेहण, माता-पिता, अपणिया जमिना जो छडया है। 30 उसयो इस बकते सौ गुणा ना उसला पुछया। 11 यीशुऐ उना जो जबाब दिता, “जडा अपणिया घरे मिल्ला हो, जिनी अपना टबर, भाई कने बेहणां, माता-पिता, बाल बचयां जो या खतरां जो छडया हो। पर उसयो तकलिफां कने ओणे बाले बकते च हमेशा दी जिन्दगी मिलणी है। (aiōn g165, aiōnios g166) 31 पर मते लोक न जडे हुण महान कने अगे न, उसी बकते सै पीच्छे होणे, कने जडे पीच्छे न, सै उस बकते पेहले होणे न।” 32 सै यरूशलेम शेर जो जांदे बेले जालू रस्ते च थे, तां यीशु उना दे अगे-अगे चलया था, कने उदे चले बडे हेरान होऐ की जिथु सै चलयो थे, ओथु मते लोका उना दा बिरोध किता था, कने जडे लोक उदे सोगी थे, सै इसा गल्ला ला डरयो थे, की यरूशलेम शेर च उना दा कया होणा। तालू सै फिरी उना बाहरां चेलयां जो इकी तरफा लेईकरी उना ने गल्लां बोलणा लग्गा, जडियां उस सोगी होणे बालियां थियां। 33 “दिखा, धयाने ने सुणा, असां यरूशलेम शेर जो चलयो न, कने मै माणुऐ दा पुत्र बडे याजकां कने यहूदी व्यवस्था जो सिखाणे बालयां दे हथे पकड़ाया जाणा है, कने उना मिजो मौत दी सजा देणी है, कने होर जातियां दे हथे देई देणा है। 34 कने उना मेरा मजाक उडाणा है, मिजो पर थुकणा, कने मिजो कोडे मारणे, कने मिजो मारी देणा है, कने मै तिजे दिने मरयां च जिंदे होई जाणा है।” 35 याकूब कने यहूना दो भाई, जडे जब्दी दे पुत्र थे उना यीशुऐ बाल आई करी बोलया, “गुरू जी, असां कुछ तिजो ला मंगणा चांदे न, सेई तू साडे ताई कर।” 36 यीशुऐ उना ला पूछया, “तूसां कया चांदे उनी यीशुऐ बोलया, “गुरू जी, इना सबना हुकमा जो तां मै बचपने न की मै तुहाडे ताई करे?” 37 उना यीशुऐ जो बोलया, “असां तूसां दे महिमामय राज्य च तूसां दे बखे इज्जत बाली जगा च बौणा चांदे न। असां च इक तुहाडे खबे कने इक सज्जे हथे बखे बौणा चांदे न।” 38 यीशुऐ उना जो बोलया, “तूसां जो नी पता कि तूसां कया मंगा दे? हुण जडे दुख मै सेहणे न, कया तूसां उना दुखां जो सेहन करी सकदे न? कया तूसां मरणे ताई तैथार न क्योंकि मै जल्दी ही मरणे बाला है?” 39 उना उसला बोलया, “असां करी सकदे न।” यीशुऐ उना ने बोलया, “तूसां भी सारे दुख सेहणे न, जियां मै सेहणे। तूसां जो भी मारया जाणा है, जियां मिजो मारणा है। 40 मिजो ऐ तय करणे दा हक नी है, की मेरे सज्जे कने खबे कूसयो सै जगा मिलणी है, सै जगा उना लोकां ताई न, जिना जो परमेश्वर चुणयां है।” 41 ऐ पैसयां उपर भरोसा करदा है, उना ताई परमेश्वरे दे राज्य जो जाणा सुणीकरी बाकी दसो चले याकूब कने यहूना पर गुस्सा करणा लग्गे। 42 तां यीशुऐ उना जो अपने बाल सदीकरी उना जो बोलया, “तूहांजो पता है ना, कि जडे लोक प्रधान मने जांदे थे, सै अपने अधिकारां दा

इस्तेमाल अपने अधीन लोकां दे उपर हक जमाणे तांई करदे न। उना दे अगुवे लोक अपनी गल्ल मनाणे तांई हक जतां दे न। 43 पर तुहांजो उना सांई नी होणा चाईदा, तुहांजो चे जडा महान बणना चांदा है, उसयो बाकियां दी सेबा करणी चाईदी। 44 कने जडा कोई तुसां चे प्रधान बणना चांदा हो, सै सारायां दा नौकर बणे। 45 मै ऐ इस तांई बोलदा है क्योंकि मै, माणुऐ दा पुत्र, इस संसारे च सारयां दी सेबा करणे तांई आया है, मै इस तांई नी आया कि लोकां ला अपनी सेबा करा। मै तां लोकां जो पापां ला छुटकारा करणे तांई अपने प्राण कीमत च देणा आया है।” 46 यरुशलेम शेहर दे रस्ते च जांदे, यीशु कने चले येरीहो च आये, जालू सै कने उदे चले कने इक बडी भीड यरीहो शेहे ला निकला दी थी, इक बरतिमाई नाऐ दा अन्ना भिखारी सडका दे बखे बैठया था। सै तिमाई दा जागत था। 47 सै ऐ सुणीकरी की यीशु नासरत शेहे ला है, जडा रस्ते च चलया था, डडी-डडी करी बोलणा लग्गा, “हे यीशु, राजा दाऊदे दे बंशज, मिंजो पर दया कर।” 48 उसयो मतयां झिडकां दीतियां की चुप रे, पर सै होर जोंरे ने बोलणा लग्गा की, “हे यीशु, राजा दाऊदे दे बंशज, मिंजो पर दया कर।” 49 तालू यीशुऐ ऐ सुणया कने स्की करी बोलया, “उसयो ऐथ लोआ।” कने लोकां उस अन्ने जो सदीकरी बोलया, “हिम्मत रख, उठ सै तिजो सदा दा है।” 50 कने अन्ने माणुऐ झट अपने उपर ओडियो चादर सुटी कने उठी करी यीशुऐ बाल आया। 51 यीशुऐ उसयो पुछया, “तू क्या चांदा है की मै तैरे तांई करे?” अन्ने उसयो बोलया, “गुरू जी, ऐ की मिंजो मिलणा लग्गी पोऐ।” 52 यीशुऐ उसयो बोलया, “मै तिजो ठीक करा दा क्योंकि तू मिजों पर भरोसा करदा है। हणू तू घरे जो जाई सकदा है” कने उसयो मिलणा लग्गी पिया, कने रस्ते च यीशुऐ पिच्छे चली पिया।

11 जियां यीशु कने उदे चले यरुशलेम शेहे दे बखे पुज्जे, सै जैतून सखां दे पाहडे दे कडे बैतफगे कने बैतनिय्याह गांऐ च आये, तां यीशुऐ अपने दो चेलयां जो ऐ बोली करी भेजया, 2 “सामणे दे गां च जा, कने ओथु पुजदे ही तुहांजो इक गधिया दा बच्चा बनया मिलणा है, उदे उपर हली कोई नी बैठया था। सै खुंडे च बनया होणा उसयो खोली करी लेई ओआ। 3 अगर कोई तुहांजो ला पुच्छे, कि ऐ क्या करा दे न? तां बोलनयो, कि साडे प्रभु जो इदी जरूरत है। कने उनी जल्दी ही बापस करी देणा है।” 4 चेलयां गांऐ च जाई करी उस गधिया दे बच्चे जो इक घरे दे दरबाजे बखे खुंडे ने बनया दिखया, कने सै उसयो खोलणा लग्गे। 5 कने जडे ओथु खडुतयो थे उना चे कोई-कोई बोलणा लग्गे की ऐ क्या करा दे न, इस गधी दे बच्चे जो कजो खोला दे न? 6 जियां यीशुऐ बोलया था, तियां ही चेलयां उना जो बोली दिता उना गधिया दे बच्चे जो जाणा दिता। 7 कने दो चेलयां उस गधिया दे बच्चे जो यीशुऐ बाल लांदा, कने उस पर अपने उपरे बाले कपडे उदिया पीठी पर पाई दिते कने यीशु उस पर बेई गया कने यरुशलेम शेहे दी पाससे चलणा लग्गे। 8 तालू मतयां सारयां लोकां अपने कपडे रस्ते च बछाई दिते कने उदा आदर मान किता। कने केईयां रस्ते च पनां बालियां डालियां बडी-बडी करी बछाई करी उदा मान आदर किता। 9 कने थोडे लोक

यीशु दे अगो-अगो चलयो थे, कने थोडे लोक पिच्छे चलयो थे, सै सारे खुशिया ने जोंरे ने बोला दे थे, “होशाना; परमेश्वर इसला खुश है जडा उदे हके सोगी ओंदा है। 10 परमेश्वरे दा अनुग्रह ओणे बाले राज्य पर है, जडे साडे सियाणे राजा दाऊदे दे राज्य सांई है, धन्य हे! परमेश्वर जडा स्वर्ग च रेंदा है, उदी होशाना हो।” 11 जालू यीशु यरुशलेम शेहे च पुज्जा कने तां सै परमेश्वरे दे मंदरे दे अंदर गया, कने सारे पासे दिखया कने सै अपने बाहरां चेलयां सोगी बैतनिय्याह गांऐ जो मुडी गया, क्योंकि संज होई गियो थी। 12 दुज्जे दिने जालू यीशु कने उदे चले बैतनिय्याह गांऐ ला यरुशलेम शेहे जो चलयो थे, तालू यीशुऐ जो भूख लग्गी। 13 कने उनी पतयां ने भरया होया अंजरि दा सख दिखया कने सै उदे बखे गे, ताकि कुछ खाणे जो मिली जा, पर ओथु पतयां जो छडी करी होर कोई फल नी मिल्ला, क्योंकि फल देणे दी रित नी थी। 14 कने यीशुऐ उस सखे जो बोलया, “अज्जे ला बाद तेरा फल कुनी नी खाणा। कने उदे चले सुंणा दे थे।” (aiōn g165) 15 “उदे बाद यीशु कने उदे चले सै यरुशलेम शेहे च आऐ,” उनी उना लोकां जो परमेश्वर दे मंदरे ला कडी दिता, जडे ओथु जानवर कने चिजां खरीदणे बचने दा कम्म करा दे थे। यीशुऐ पैसयां बदलने बाले मंजे जो, कने कशुतरां जो बेचणे बालयां दे पिजरां जो बाहर सुटी दिता। 16 “कने उनी लोकां जो हुकम दिता की मंदरे दे अंगणे ला होईकरी चिजां जो लिणा बंद करा। 17 कने यीशुऐ उना जो बोलया, पबित्र शान्न ऐ बोलदा की, लोक मेरे घरे जो प्राथना दा घर बोलदे न, जिथु सारे लोक प्राथना तांई ओंदे न? पर तुसां तां इसयो डाकुआं ला भरस्यो गुफा सांई बणाई दिता है।” 18 बहु याजकां कने यहदियां दिया व्यवस्था जो सिखाणे बालयां ऐ सुणया, जडा यीशुऐ बोलया कने कितया, तां सै उसयो मारणे दा मौका तोपणा लाग्गे, पर सै लोकां ला डरा दे थे, क्योंकि सारे लोक यीशुऐ दियां गल्लां ने हेरान थे। 19 जालू संज्ञा दा बेला होया, तां यीशु कने उदे चले शेहर छडी करी बैतनिय्याह गां जो मुडी गे। 20 फिरी ब्यागा तडके बेले यीशु कने उदे चले यरुशलेम शेहे जो ओआ दे थे, तालू उना अंजरि दे सखे जो दिखया तां सै सुकी गया था। 21 पतरसे जो सै गल्ल याद आई, कने उनी यीशुऐ जो बोलया, “गुरू जी, दिख। ऐ अंजरि दा सख जिसयो तू श्राप दिता था सै सारा सुकी गया है।” 22 यीशुऐ उसयो जबाब दिता की, “परमेश्वरे पर भरोसा रख जडा तुसां मंगे से सारा कुछ मिलणा। 23 मै तुसां ने सच्च बोलदा है, की अगर कोई इस पहाडे जो बोले की, की ऐथू ला उठ कने समुंद्रे च जाई करी पेई जा, कने अपने मने च कोई शक नी रखे, पर भरोसा रखे, की जडा मै बोलदा है सै होई जा, तां उस तांई तदिया होई जाणा है। 24 इस तांई मै तुहांजो बोलदा है की जडा कुछ तुसां प्राथना करिके मंगा, तां भरोसा करी लिया की तुहांजो मिली गया है, तां सै तुहांजो मिली जाणा। 25 जालू कदी तुसां प्राथना करदे न, तां अगर तुहाडे मने च कुसी तांई बैर है, तां उसयो माफ करी दिया, इस तांई की तुहाडा पिता परमेश्वर जडा स्वर्ग च रेंदा है, उनी तुसां दे पाप माफ करी देणे। 26 पर अगर तुसां माफ नी करगे, तां तुहाडे पिता परमेश्वरे जडा स्वर्ग च है, उनी भी

तुहाडा पाप माफ नी करणा।” 27 यीशु कने उदे चेले यरूशलेम शेहरे नजरा च एे बडा ही अनोखा है।” 12 तां उना उसयो पकडना चाया, जो मुडी करी आये, जालू सै मंदरे च गुमा दा था तां बट्टे याजक कने क्योकि सै समझी गियो थे, उनी साडे बरोध च एे कहाणी बोलियो यहदी व्यवस्था जो सिखाणे बालयां कने यहदी अग्वे उदे बाल आये है। पर सै यीशुएे जो पकडी नी सके क्योकि सै लोकां ला डरा दे केने पूछणा लग्गे, 28 “उना उसयो बोलया, एे कम्म तू कुसी हके ने थे, इस ताई सै यीशुएे जो किल्ला छडी करी चली गे। 13 तालू करा दा है? कने तिजो एे हक कुनी दितया है?” 29 यीशुएे उना जो उना उसयो गल्लां च फसाणे ताई केई फरीसियां कने राजा हेरोदियां दे दले दे लोकां जो उस बाली भेजया। 14 उना आई करी उसयो बोलया, “गुरू जी, सांझो पता है की, तुसां हमेशा सच्च बोलदे न, कने तुसां इसा गल्ला ला नी डरदे की दुज्जे लोक तुहाडे बारे च क्या सोचदे न, कुसदी परबाह नी करदे न, क्योकि तुसां सारयां कने इकोदिया व्यवहार करदे न, तू तां परमेश्वरे दा रस्ता सचाइया ने दसदा है। तां हुण सांझो दस। क्या महाराजा जो कर देणा साडिया व्यवस्था दे खिलाफ है या नहीं? 15 असां जो कर देणा चाईदा या नी देणा चाईदा?” यीशुएे उना दा कपट जाणी करी उना जो बोलया, “तुसां मिजो ला कुछ गलत बुलबाई करी फसाणे दी कोशिश कजो करा दे न? इक चांदा दा सिक्का मिजो बाल लेईकरी ओआ, मै उसयो दिखें।” 16 सै लेई आये, कने यीशुएे उना जो पुछया, “मिजो दसा की इस चांदा दे सिक्के च कुसदा चित्र बणया कने कुसदी मोहर लगियो?” उना बोलया, “महाराजा दा।” 17 यीशुएे उना जो बोलया, “जडा महाराजा दा है, सै महाराजे जो दिया, कने जडा परमेश्वरे दा है, सै परमेश्वरे जो दिया।” तालू सै उस पर बडे हेरान होए। 18 यहदियां दे धर्मी दल दे थोडे लोक जिना जो सद्की भी बोलदे न, तालू थोडे यहदी अग्वे यीशुएे बाल आये। कने सै भरोसा नी करदे थे, कि लोक मरणे दे बाद फिरी जिन्दे होई सकदे ने। उना यीशुएे ला पुछया, 19 “गुरू जी, मूसा साडे ताई लिखया है, की अगर कुसी दा भाई बिना ओलादी मरी जा, कने उदी घरे बाली जिन्दा रे, तां उदा भाई उदिया घरे बालिया सोगी बियाह करिके अपने भाई ताई बंश पैदा करे। 20 स्तुकियां यीशुएे जो इक कहाणी सुणाई की, इक घरे च सत भाई थे। सबते बडे भाईये इकी जनानिया ने बियाह किता, जालू सै मरी गया तां उदी कोई भी ओलाद नी थी। 21 तां दुएे भाईये उसा सोगी ही बियाह करी लिया कने सै भी बिना ओलादी मरी गिया, कने इयां ही तिजे भाईये किता, 22 कने सतां भाईयां उसा ने बियाह किता कने सतो भाई बिना ओलादी मरी गे। सबना दे बाद सै जनानी भी मरी गेई। 23 हुण, सांझो दस सतां भाईयां उसा जनानिया ने बियाह कितया था, जालू सै मरणे दे बाद फिरी जिन्दे होंगे, तां सै जनानी कुदी घरे बाली होणी?” 24 यीशुएे उना जो बोलया, “तुसां दो बजा ने गलत न, तुसां पबित्र शाब्ब जो नी जाणदे ने जडा मरणे दे बाद लोकां जो जिन्दा रेणे दे बारे च दसदा है। तुसां एे नी जाणदे न की परमेश्वरे बाल मरयो लोकां जो जिन्दा करणे दी शक्ति है। 25 क्योकि जालू उना मरयां चे जिन्दा होणा, तां उना लोका दे बियाह नी होणे, जियां स्वर्ग च रेणेबाले स्वर्गदूत बियाह नी करदे। 26 मरयां चे जिन्दा होणे दे बारे च, तुसां क्या मूसा दिया कताबां च नी पढया जालू झाडिया जो अग्वे लगियो थी, तां उसा जगा पर क्या होया था, परमेश्वरे मूसा ने गल्ल किती कने बोलया, मै अब्राहम, इसहाक, कने याकूब दा परमेश्वर है, जिदी एे अराधना

12 इदे बाद, यीशु यहदी अगुवां ने कहाणियां च गल्लां करणा लग्गा, इक माणुएे बागे च अंगूर लाये। उनी अंगूरा दे बागे दे चारों पासे बाड लगवाया, कने इक जगा अंगूरा दे रसे जो निचोडने ताई बणाई, कने निगरानी रखणे ताई इक उचिया जगा पर कमरा बणया। फिरी उनी बागे जो कुछ किसाना जो ठेके पर देई दिता, कने परदेस चली गिया। 2 फिरी जालू अंगूर पक्की गे, तां उनी अपना इक नोकर ठेकेदारे बाल अपना अंगूरे दे बागे दा हिस्सा लोणे ताई भेजया। 3 पर ठेकेदारां उसयो पकडया कने मारी कुटी करी बिना कुछ दितयो खाली हथ भेजी दिता। 4 बागे दे मालिके इक होर नोकर भेजया, ठेकेदारां उदा सिर फोडया कने उदी बेस्ती किती। 5 फिरी बागे दे मालिके इक होर नोकरे जो भेजया, कने उना उसयो मारी दिता। तां उनी होर मतयां जो भेजया, पर ठेकेदारे उना चे केईयां जो कुटया, कने केईयां जो मारी दिता। 6 हुण बागे दे मालिके बाल भेजणे ताई सिर्फ इक ही माणु था। जडा उदा अपना प्यारा जागत था। उना बाल भेजया की सै मेरे जागते दी इज्जत करगे। 7 पर उना ठेकेदारां उदे जागते जो ओदे दिखया, कने उना अपु चे सलाह किती की, ऐई तां बारिस है, इनी तां अंगूरे दे बागे दा मालिक बणना, ओआ असां इसयो मारी दिन्दे न, तां सारी जयादात साडी होई जाणी। 8 कने उना उसयो पकडी करी मारी दिता, कने उदी लाशा जो अंगूरे दे बागे बाहर फेंकी दिता। 9 “तां हुण, अंगूर दे बागे दा मालिक क्या करगा? क्या उनी आई करी उना ठेकेदारां जो खत्म करी दिगां, कने दायां दे बागे दा ठेका कुसी होरसी जो दिगा। 10 क्या तुसां पबित्र शाब्बे दा एे हिस्सा नी पढया जिदे च मसीह दी तुलना इक खास पथरे ने करदा है? सै बोलदा है, जिस पथरे जो राजमिस्त्रिये बेकार बोलया था कने सुटी दितया, सै ही पथर, सबना ला खास पथर बणी गिया। 11 प्रभु परमेश्वरे इयोदिया किता, कने साडिया

करदे थे। 27 तांई तां मरयो लोकां दा परमेश्वर नी है। पर जिन्दया दा परमेश्वर है, तुसां बडे गलत न।” 28 कने यहूदी मूसा दी व्यवस्था जो सिखाणे बालयां चे इकी ऐ चर्चा सुणी, जडी यीशु कने सदुकी अपु चे करा दे थे, कने ऐ जाणी करी की यीशुऐ उना जो ठीक तरीके ने जबाब दिता, तां सै यीशुऐ बाल आया कने पुछया, “की परमेश्वरे जडे भी हुकम दितयो न, उना सारयां चे सारयां ला बडा हुकम कुण दिया है?” 29 यीशुऐ जबाब दिता, “सबना हुकमा ला बडा हुकम ऐ है: इस्राएल दे लोको तुसां सुणा। प्रभु साडा परमेश्वर जिसदी असां अराधना करदे न, सै इक ही प्रभु है। 30 कने तू अपने प्रभु परमेश्वर ने अपने सारे मने ने, कने अपने सारे प्राणा ने, कने अपणिया सारिया अकला ने, कने अपणिया सारिया शक्तियां ने प्यार रखनयो। 31 परमेश्वर दा दुज्जा हुकम ऐ है, की जितणा तुसां अपने आपे जो प्यार करदे न, दूजयां ने भी उतणा ही प्यार करा, परमेश्वरे इना दो हुकमा ला बड़े होर कोई हुकम नी दितया न।” 32 मूसा दिया व्यवस्था जो सिखाणे बालयां उसयो बोलया, “गुरू जी,” बिलकुल ठीक। तू सच्च बोलया है, सै ही परमेश्वर है, कने उसयो छडी करी होर कोई नी है। 33 कने उसला सारे मन, कने सारिया अकला ने, कने सारे प्राणा ने, कने सारिया ताकता ने प्यार रखणा, कने पडोसियां ने अपणयां सांई प्यार रखणा, ऐ सब परमेश्वरे जो जानवरां दियां बलियां चढाणे ला जादा जरूरी है। 34 जालू यीशुऐ दिखया की उनी सोची समझीकरी जबाब दिता, तां यीशुऐ उसयो बोलया, “तू परमेश्वरे दे राज्य च प्रवेश करणे दे नेडे है।” कने फिरी होर कुसी जो उसला कुछ पूछणे दी हिममत नी होई। 35 फिरी यीशुऐ परमेश्वरे दे मंदरे च उपदेश दिन्दे होये बोलया की, व्यवस्था जो सिखाणे बाले कियां बोली सकदे न की मसीह राजा दाऊदे दा बंशज है? 36 ऐथू दिकर कि राजा दाऊद, जालू परमेश्वर दी पबित्र आत्मा उसयो बोलणे दी शक्ति दिती, तां उनी बोलया, “परमेश्वरे मेरे मसीह जो अपने बखे इज्जत मान कने हक दी पदवी च बोणे तांई बोलया था, हात्तांकि उनी उदे सारे दुशमणा जो पूरी तरह उदे अधीन करी दिता।” 37 “ऐथू दिकर कि राजा दाऊदे भी मसीह जो प्रभु करी के बोलया, तां सै दाऊद दा बंशज कियां होया?” कने लोक उसयो बडे मजे ने सुणदे थे। 38 यीशुऐ अपने उपदेश च उना ने बोलया, “व्यवस्था जो सिखाणे बालयां ला साबधान रिया, जडे लोकां जो दसणे तांई लम्बे कने मंगे कपडे पाणा पसंद करदे, कने उना जो बडा पसंद है की लोक उना जो बजारां च नमस्ते करन, 39 कने यहूदी जंज घरां च खास-खास आसना पर बोणा पसंद करदे न। कने खांदे बेले खास जगा चांदे न। 40 सै धोखे कने वेईमानिया ने विधवां दे घरां दी चिजां पर कब्जा करी लेंदे न। कने लोकां जो दसणे तांई बडी देरा दीकर प्राथना करदे न, परमेश्वरे ला इना जो बडी बुरी सजा मिलणी है।” 41 यीशु मंदरे दे भंडारे सामणे बेईकरी दिखा दा था की लोक परमेश्वरे दे मंदरे दे भंडारे च कियां पैसा पांदे न, कने मते अमीरां लोकां बडा सारा पैसा पाया। 42 इतणे च इक गरीब बिधवा आई करी दो तांबे दे सिकके पाये, जिना दी कीमत बडी घट थी। 43 तालू उनी अपने चेलयां जो अपने बखे सदीकरी बोलया, “मै तुसां ने

सच्च बोलदा कि इस मंदरे दे भंडारे च जितणया भी दान पाया है, उना सबना ला बदीकरी इना गरीब बिधवा पाया है।” 44 क्योकि सबना अपने भंडारे चे थोडा दिया दिता, पर इना गरीब बिधवा इसा बाल जितना भी था, सारा पाई दितया है।

13 जालू यीशु मंदरे ला निकला दा था, तां उदे चेलयां चे इकी उसयो बोलया, “गुरू जी, दिख, कितणियां छेल ईमारता न कने बड़े-बड़े पत्थरां ने बणियां न कने कितणे-कितणे बड़े घर न।” 2 यीशुऐ उसयो बोलया, “तुसां इना बड़े-बड़े घरां जो दिखा दे न, इक दिन इना चे ऐथू इक भी घर नी बचणा है, ऐथू दीकर की इक पत्थरे उपर पत्थर नी रेंणा है, जडा डायया नी जाणा।” 3 जालू यीशु मंदरे ला जैतून रुखां दे पाहडे पर चली गिया कने मंदरे दे सामणे बेई गिया, तां पतरस, याकूब, यूहन्ना कने अन्दियास यीशुऐ बाल आये कने तालू यीशुऐ बाल कोई नी था, कने उसला पुछया, 4 “सांझो दस ऐ सब कुछ कालू होणा है? कने जालू ऐ सब कुछ पूरा होणेबाला होंगा तां उदा क्या निशान होणा है?” 5 यीशुऐ उना ने बोलया, ध्यान रखयो की तुहांजो कोई धोखा न दे। 6 मते सारे लोकां मेरे नाए ने दाबा करिके ओणा है। उना बोलणा है, मै मसीहा हूँ कने उना मतयाँ लोकां जो भटकाणा है। 7 जालू तुसां लडाईयां, कने लडाईयां दियां गल्लां सुणणे तां डरदे मत; क्योकि इना दा होणा जरूरी है, पर तालू संसारे दा खात्मा नी होणा है। 8 क्योकि जातियां ने जातियां कने राज्य ने राज्यां इक दुज्जे ने लडाईयां करणियां न। कने हर कुथी हिलण होणे न कने अकाल पोणे न। ऐ तकलीफ कने दुख ऐदिया होणा जदिया की जालू माँ बच्चे जो जन्म देणा लगदी है। 9 “पर तुसां जो हमेशा चौकने रेणा चाईदा, क्योकि लोकां तुहांजो कैदी बणाना कने यहूदी जंज घरा च देणा कने तुहांजो मार पोणी, कने मेरिया बजा ने तुहांजो हाकिमा कने राजयां सामणे न्याय तांई महासभा च पेश करणा है, ताकि तुसां उना जो मेरे तांई गबाई देन। 10 कने सारे देशां च, तुहांजो कने होर जडे मिजाँ उपर भरोसा करदे न, तुहांजो संसारे दे अंत होणे दे पेहेले सारयां लोकां जो शुभसमाचार सुणाणा है। 11 जालू तुहांजो कैदा च पाणा है, तां तुसां इदी चिंता मत करदे, की असां क्या बोलणा है। क्योकि उस बेले पबित्र आत्मा तुसां दे जरिये गल्लां करणियां न। 12 उसी बेले, जडे लोक मिजाँ पर भरोसा नी करदे न, उना अपने भाईयां जो जेला च करी लेणा, जडे मिजाँ पर भरोसा करदे ने सै मरवाई देणे न। पिता अपने बचयां सोगीं इयां ही करणा है, कने बचयां मां-प्यो दे खिलाफ होईकरी उना जो मारी देणा है। 13 क्योकि तुसां मेरे चले न उदिया बजा ने सारे लोकां तुसां ने बैर करणा है, पर जडे लोक मिजाँ पर भरोसा रखदे न कने आखरी दीकर सेहन करणा, उना दा ही उद्धार होणा है।” 14 जालू तुसां इक मसीह बिरोधी जो यरूशलेम मंदरे च खडोतयो दिखणा, जिथू उसयो नी होणा चाईदा। यहूदिया प्रदेशे दे लोकां जो जान बचाणे तांई पाडा पर नसणा पोणा। 15 जडा कोई अपणीं घरे दिया छती पर हो, तां सै समान लेणे तांई थले ना उतरे, ना ही अंदरे जो जा। 16 कने जडा खेतारां च होऐ, सै अपने कपडे लेणे तांई मुडी करी घरे ना ओऐ। 17 ऐ उना जनानिया तांई बडा बुरा बकत

होणा जडियां लैरथियां न, कने उना जनानियां तांई जडियां नियाणे जो दूध पियादियां न, उना जो अपणी जान बचाणे तांई नसणा बडा मुशकिल होई जाणा। 18 इस तांई प्रार्थना करा की ऐ बुरा बकत सर्दियां च ना हो, जालू सफर करणा मुशकिल हो। 19 क्योकि उना दिना लोकां जो बडे दुख होणे न, उना लोकां कदी भी ऐसे दुखां दा सामणा नी कितया होणा, जालू ला परमेश्वरे संसार बणाया है। 20 अगर परमेश्वरे उस बुरे बकते जो नी घटादां, तां कोई भी माणू नी बचदा। पर उना चुणयो होए लोकां दिया बजा ला, जिना जो परमेश्वरे चुणयां है, बकत घटाणा है। 21 अगर उस बेले कोई तुसां जो बोले, की दिखा, मसीह ऐथू है। या दिखा, ओथू है। तां उदा भरोसा मत करदे। 22 क्योकि झूठे मसीह कने झूठे परमेश्वरे दा संदेश देणेबालयां ओणा है, उना लोकां जो धोखा देणे तांई जिना जो परमेश्वरे चुणयां है, उना चमत्कार कने अनोखे कम्म दसणे न। 23 क्योकि ऐ इत्र इतणा मेहंगा था की, इस इत्र दी कीमत इक साले पर तुसां चौकने रिया, दिखा मै तुहांजो सारियां गल्लां होणे ला पेहले ही बोली दितियां न। 24 “उना दिना च, बुरा कने दुखे बाल बकत मुकी जाणे दे बाद, सूरजे च अंधेरा होई जाणा, कने च चद्रमं लौ नी देणी। 25 अम्बरे ला तारायां पेई जाणा, कने अम्बरे दियां शक्तियाँ हिलाईयां जाणियां। 26 तालू लोकां मिजो, माणुए दे पुत्रे जो धरतिया पर बदलां उपर ओदे कने उना मेरी शक्ति कने महिमा जो दिखणा। 27 मै अपने स्वर्गदूतां जो धरतिया पर भेजगा, ताकि सै उना सारे लोकां जो गठेरी करी, जिना जो मै चुणयां है, कने उना संसारे दे चारों पासयां ला लोका जो गठेरणा है।” 28 “अंजीर दे स्रखे ला ऐ सिखा, जालू उदियां डालियां निकलदियां न कने पते निकलना लगदे न, तां तुसां जो पता लग्गी जांदा है, की गर्मियां दी रित नेडे ओआ दी है।” 29 जालू तुसां इना चिजां जो होंदे होये दिखगे, तां तुसां जाणी लेनयो, की सै माणुए दा पुत्र ओणे बाला है, कने ऐ दुर नी है। 30 मै तुसां ने सच्च बोलदा है, इसा पीढिया दे सारे लोकां तालू दिकर नी मरणा है, जालू दिकर ऐ सब होई ना जा। 31 अम्बर कने धरती खत्म होई जाणे, पर मेरियां बोलियां गल्लां कदी नी टलनिया न, सै हमेशा रैणियां न। 32 “ऐ गल्लां कुसी रोजे या कुसा घडिया होणिया न कोई भी नी जाणदा है, ना स्वर्गदूत कने ना ही मै, माणुए दा पुत्र, पर सिर्फ पिता परमेश्वर ही उसी रोजे कने घडिया जो जाणदा है। 33 दिखा, जागदे कने प्रार्थना करदे रिया; क्योकि तुहांजो नी पता की कालू मै मुडी करी ओणा। 34 मेरा धरती छडणा कने बापिस ओणा इयां होणा है, जियां परदेस जांदे बेले अपना घर छडी जाए, कने अपने नोकरां जो हक दे, कने सारयां जो अपना-अपणा कम्म दसी दे, कने द्वार पालां जो पेहेरदारी करणे दा हुकम दिता कने उदे वापिस ओणे तांई तैयार रे। 35 तुसां नी जाणदे न कि घरे दे मुखिया कालू मुडी के ओणा है, तां तुसां पेरादारी करनयो, क्योकि मै घरे दा मुखिया संज्ञा जो या अधिया राती जो, या मुर्गे दिया बांगा देणे दे बेले या ब्यागा जो कालू भी आई सकदा है। 36 इयां नी होऐ की मै अचानक ओऐ कने मै इयां नी दिखणा चांदा की तुसां विना तयारी दे होन। 37 कने जडा मै तुहांजो बोलदा है, सै ही सारायां जो बोलदा है, की मेरे ओणे दीकर तैयार रिया।”

14 दो दिना बाद फसह कने अखमीरी रोटिया दा त्योहार होणेबाला था। कने बड्डे याजक कने व्यवस्था जो सिखाणे बाले इसा गल्लां दिया तोपा च थे, की यीशुए जो कियां धोखे ने पकडी करी मारी देन। 2 पर बोलदे थे की, “सांझो त्योहारे दे बेले ऐ नी करणा चाईदा। कुथी इयां ना हो की लोकां च रोला नी पेई जा।” 3 जालू सै बैतनिय्याह ग्रां च शमौन कोडी दे घरे था, जिसयो यीशुए कोठे दिया बिमारिया ला खरा कितया था। सै ओथु रोटी खाणा बैठया था, तां इक जनानी उदे घरे जो आई कने उना इक बोतल लांदियो थी; जडी संगमरमर दी थी, उसा बोतला च जटामासी तेले ने बणाया बडा मेहंगा इत्र था, कने उना बोतला दा मुह तोडी करी सारा इत्र यीशुए दे सिरे पर नियोरी दिता। 4 पर केई लोक मने च बोलणा लग्गे, “इस मेगे इत्रे जो सत्यानाश नी करणा चाईदा था। 5 क्योकि ऐ इत्र इतणा मेहंगा था की, इस इत्र दी कीमत इक साले दिया मजदुरिया बराबर थी, कने इसयो बेचिकरी गरीबां जो बंडी सकदे थे।” कने सै उसा जो बुरी हाले झिडकणा लग्गे। 6 यीशुए बोलया, “इसा जो किली छडी दिया, इसा जो तंग करणा बंद करा, इयां तां मिजो पर इत्र पाणा खरी गल्ल है। 7 गरीब तां हमेशा तुहाडे सोगीं रेदे न, कने तुसां उना ने जालू मर्जी खरा करी सकदे न, पर मै तुहाडे सोगीं सदा नी रेणा है। 8 इना जनानिया मेरे तांई खरा कम्म कितया है, ऐ जडा कुछ करी सकदी थी, सै इना किता, इना मेरे शरीर पर इत्र मलया है, इना मिजो मरणे ला पहले ही दफनाणे दी तैयारी कितती है। 9 मै तुसां ने सच्च बोलदा है, सारे संसार च जिथू भी शुभसमाचार दा प्रचार होंगा, इना जनानिया जडा कितया ओथु इसा दे इस कम्मे दी चर्चा भी उसा दिया यादा च कितती जाणी है।” 10 तालू यहदा इस्करियोती जडा बाहरां चेलयां चे इक था, सै यीशुए जो पकडाणे च सहायता करणे तांई बड्डे याजकां बाल गिया। 11 सै ऐ सुणीकरी खुश होए, कने उसयो पेसे देणे जो मन्नी गे, कने सै यीशुए जो धोखे ने यहदी अगुवां दे हथे पकडाणे दा तां मौका तोपा दे थे। 12 अखमीरी रोटिया दे त्योहारे दे पेहले दिने, जिस रोजे फसह दी बलि दिन्दे थे, उदे चेलयां उसयो पुछया, “तुसां सांझो कुथु भेजणा चांदे न की असां फसह दे त्योहारे दा खाणा बणाई करी खाई सकन?” 13 उनी अपने दो चेलयां जो ऐ बोली करी भेजया, “की यस्शलेमे शेहरे जो जा, कने ओथु तुहांजो इक माणू घडे चुकी करी चलया मिलणा, उदे पिच्छे चली जानयो। 14 कने सै जिस घरे जो जांगा, उस घरे दे मालिके जो बोलयो: की गुरु जी ने पूछया है, की मेरा कने मेरे चेलयां दा फसह दा खाणा खाने बाला कमरा कुथु है? 15 उनी तुहांजो इक उपरे आला सजया सजाया कने तैयार कितया बडा कमरा दसी देणा है, कने तुसां ओथु साडे तांई तैयारी करा।” 16 दो चले निकली करी नगरे च आये कने जियां यीशुए उना जो बोलया था, तियां ही था, कने उना फसह त्योहारे दा खाणा तैयार किता। 17 जालू संज होई, तां यीशु बारां चेलयां सोगीं उदे घरे जो आया। 18 कने जालू सै रोटी खाणा बैठयो थे, तां यीशुए बोलया, “मै तुसां ने सच्च बोलदा है, की तुहांजो चे इकी जणे, जडा मेरे सोगीं रोटी खा दा है, मिजो पकडावाणे तांई मेरयां दुशमणा दी सहायता करणी

है।” 19 जालू उदे बाद उना ऐ गल्ला सुणिया तां उना पर उदासी प्राथना करदे रिया ताकि मिजों पर भरोसा रखणा नी छडन। आत्मा छाई गेई कने सै इक-इक करी के उसने बोलणा लग्गे, “क्या सै मैं तां खरा करणा चांहदी है पर शररि च ज़ोरे दी कमी है।” 39 कने है?” 20 यीशुऐ उना जो बोलया, “सै बाहरां चेलयां च इक है, जडा यीशु फिरी बापिस चली गया, कने सै ही बोली करी प्राथना किति। मेरिया थालिया च डुबोई करी खा दा है। 21 कयोंकि मैं, माणुऐ दे 40 कने उनी फिरी आई करी उना जो सुतया दिखया, कयोंकि से पुत्रे मरी जाणा है, ऐ सब कुछ पबित्र शान्नां च लिखया है, पर उस उना जो नी पता था की उसयो क्या बोलन। 41 फिरी तीजी बरी आई माणुऐ जो बडी बुरी सजा होणी है, जडा मिजो धोखा दिन्दा है जिनी करी उना जो बोलया, “हुण सोदे रिया कने अराम करा, तुसां बडा मिजो पकडवाणे च सहायता करणी है, अगर उस माणुऐ दा जन्म सोई लिया हुण से बकत आई गया है, जालू मैं, माणुऐ दा पुत्र पापियां ही नी होया होंदा तां ही उदे तांई खरा होंदा।” 22 जालू सै खा दे दे हथे पकडया जाणा है। 42 उठा कने चला। दिखा, जिनी माणुऐ कने अपने चेलयां जो देईकरी बोलया, “खाई लिया, ऐ मेरा शररि मिजों पकडवाणा है, सै बखे आई रिया है।” 43 जालू यीशु ऐ बोला है।” 23 फिरी उनी दाखरस दे कटोरें जो चुकी करी परमेश्वरे दा दा ही था, तां यहदा जडा बाहरां चेलयां च इक था, सै ओथु आया, धन्यवाद किता, कने चेलयां जो दिता, कने उना सारयां उस कटोरें च सै अपने सोगीं मते सारे लोकं जो लेईकरी आया जिना तलवारां कने पीता। 24 कने यीशुऐ उना जो बोलया, “ऐ दाखरस मेरा खून है, मेरा डंडे लियो थे, ऐ सारे लोक बहू याजकां, यहदी व्यवस्था जो सिखाणे खून केईयां लोकं दी भलाई तांई बहाया जाणा है, ऐ उसा बाचा जो बाले कने यहदी अगुवां भेजयो थे। 44 कने यीशुऐ जो पकडवाणे साबित करगा, जडा परमेश्वरे अपने लोकं सोगीं कितया है। 25 मैं बाले यहदा उना दी सहायता किति, कने उना जो पेहले ही दर्सी तुहांजो ने सच्च बोलदा है, मैं उसी दिने बाद कदी भी धाखा दा रस दितया था, की जिसयो मैं गुरू बोलगा कने गले लाईकरी चुम्मी नी पीणा, जालू दीकर परमेश्वरे दे राज्य च नोआ दाखरस नी पी लेंगा, तां उसयो पकडी करी ढंगे ने लेई जानयो। 45 कने यहदा लेंगा।” 26 फिरी यीशुऐ कने उदे चेलयां फसह दे त्योहारे दे भजन आया कने उनी झट यीशु दे बखे जाई करी बोलया, “गुरू जी।” गार्इ करी यरूशलेम शहरे दे बाहर जैतून खां दे पाहडे पर चली गे। कने गले लाईकरी उदी चुम्मी लेई। 46 तालू उना उसयो कस्सी करी 27 तालू यीशु पहाडे दे पासे चलया था उनी चेलयां जो बोलया, पकडी लिया कने बन्दी बनाई लिया। 47 जडे उदे बखे खडोतयो तुसां सारयां मिजों छडी करी नसी जाणा है, कयोंकि पबित्र शान्ने च थे, उना चे इकी जणे अपनी तलवार कडी कने महायाजके दे नोकरे लिखया है, सै सच्च होणा है: “मैं रखवाले जो मारणा कने भेडां पर चलाई दिती कने उदा इक कन बडी दिता। 48 यीशुऐ उना जो तितर बितर होई जाणा है।” 28 पर मैं मरी के जिन्दा होणे ला बाद बोलया, “तुसां क्या मिजो डाकू समझीकरी तलवारां कने डांगा तुहांजो ला पेहले गलील प्रदेश च पूजणा है, कने तुहांजो ने मिलणा लेईकरी बन्दी बनाने तांई आयो? 49 मैं तां रोज ही मंदरे च तुहाडे है। 29 पर पतरसे यीशुऐ जो बोलया, “चाहे सारे छडी करी नसी सोगीं रेईकरी उपदेश दिन्दा था, तालू तां तुसां मिजो बन्दी नी बनाया जांगे पर मैं नी नसगा।” 30 यीशुऐ उसयो बोलया, “मैं तिजो ने पर ऐ इस तांई होया की पबित्र शान्नां च लिखया पुरा होऐ।” 50 सच्च बोलदा है, की अज ही इसा राती मुर्गं जो दो बार बांग देणे ला जालू ऐ होया तां उदे सारे चले उसयो छडी करी नसी गे। 51 इक पेहले तू मिजो तीन बरी बोलणा है, की मिजो नी जाणदा है।” 31 पर जवान अपने नंगे शररि पर चादर ओडी करी उदे पिच्छे चली पिया; उनी होर भी जोर देईकरी बोलया, “अगर मिजो तेरे सोगीं मरणा भी कने लोक उसयो यीशुऐ दा चेला समझीकरी पकडना लग्गा। 52 पर पोंगा तमी मैं कदी नी बोलणा की मैं तिजो नी जाणदा।” इयां ही सै चादरा छडी करी नंगा ही नठी गया। 53 फिरी सै यीशुऐ जो बाकी सारयां चेलयां भी बोलया। 32 फिरी जालू यीशु कने उदे महायाजके दे घरे बाल लेई आये; कने सारे बहू याजक, कने यहदी अनुयायी गतसमनी नाए दे इक बागे च आये, कने उनी अपने चेलयां अगुवे कने व्यवस्था जो सिखाणे बाले ओथु गिठे होई गे। 54 पतरस जो बोलया, “ऐथू बेई रिया, जालू दीकर मैं प्राथना करूं। 33 कने भी उना दे पिच्छे-पिच्छे महायाजके दे अंगणे च जाई रिया, कने यीशु पतरस, याकूब कने यहन्ना जो बागे च थोडा दिया अगगे लेई मंदरे दे सिपाईयां सोगीं बेईकरी अगग तपणा लगी पिया। 55 बहू गया, कने सै बडा ही दुखी कने बेचन होणा लग्गा, 34 कने उना ने याजक कने यहदी महासभा दे सदस्य यीशुऐ जो मारी देंणे तांई उदे बोलया, “मेरा मन बडा उदास है, ऐथू दीकर कि मेरे प्राण निकली खिलाफ च गबाई तोपा दे थे, पर उना जो कोई गबाई नी मिली। 56 चलयो न, तुसां ऐथू स्का कने जागदे रिया।” 35 फिरी यीशु थोडा कयोंकि मते लोक उदे खिलाफ च झुठियां गबाईयां दिन्दे थे, पर उना दियां गबाईयां इक दियां नी थियां। 57 तां कितलयां ही लोकं प्राथना करणा लग्गा, “की अगर होई सके तां ऐ घडी मिजो ला टली उठी करी उदे खिलाफ ऐ झूठी गबाई दिती। 58 “असां इसयो ऐ जा।” 36 कने बोलया, “पिता जी, तिजो ला सब कुछ होई सकदा बोलदे सुणया है, की मैं माणुऐ दे बनायो मंदिर जो डाई करी तिन्ना है, ऐ जडा दुख ओणे बाला है, ऐ टली जाये पर जियां तुसां चांदे न रोजां च नोआ मंदिर बनाई लेणा, जडा हथा ने नी बणया होणा है।” तियां ही होऐ।” 37 फिरी जालू यीशु बापस आया कने तिन् चेलयां 59 ऐ गबाई भी उना दी इक देई नी निकली। 60 तालू महायाजके जो सुतया दिखीकरी उनी पतरसे जो बोलया, “हे शमौन, तू सुतया बिच खडोई करी यीशुऐ ला पुछया, तू कोई जबाब कनी दिन्दा? ऐ है? तुसां इक घंटा भी मेरे सोगीं जागदे नी रेई सके? 38 जागदे कने लोक तेरे खिलाफ क्या गबाई दिन्दे न? 61 पर सै चुप ही रिया, कने

उनी कोई जबाब नी दिता: महायाजके उसयो फिरी पूछया, “क्या तु उस परमधन्य परमेश्वरे दा पुत्र मसीह है, जिदी असां अराधना करदे न?” 62 यीशुए बोलया, “हां मैं है: कने तुसां मिजो माणुए दे पुत्रे जो सबते शक्तिशाली परमेश्वर दे सजे पासे हके कने बैठयो दिखणा, कने अम्बरे च बदलां सोगी ओदे दिखणा है।” 63 जालू महायाजके यीशुए जो एे बोलदे सुणया तां उनी गुप्से च अपने कपडे फाडीं दिते, कने बोलया, “हुण सांझो कुसी गबाह दी जरूरत नी है। 64 तुसां इसयो परमेश्वरे दी निंदा करदे सुणया, तुहाडी क्या सलाह है इसा गल्ला पर?” उना सारायां फेसला किता की यीशुए परमेश्वर दी निन्दा कितियो, इस तांई इसयो मौत दी सजा मिल्ले। 65 तालू कोई तां उस पर थुकणा लग्ये, कने कोई उदा मु ढकणा कने मूके मारणा, कने मजाक उडाई करी बोलणा लग्ये, “गुरु जी, अगर तु परमेश्वरे दा संदेश देणेबाला है, तां सांझो दस कुनी तिजो मारया, कने सिपाईयां उसयो पकडी करी थप्पड मारे।” 66 जालू पतरस थल्ले अंगणे च अग्गी सेका दा था, तां महायाजक दिया नोकराणियां चे इक ओथु आई, 67 कने उना पतरसे जो अग्ग तपदे दिखया कने उसयो ध्याने ने दिखीकरी बोलणा लग्यी, “तू भी तां इस यीशु नासरत बाले दा सोगी था।” 68 सै मुकरी गया, कने बोलणा लग्या, मैं नी जाणदा इसयो कने मिजो नी पता की तू क्या बोला दी है। फिरी सै बारले पासे चली गया, कने मुर्गे बांग देई दिती। 69 सै नोकराणी बखे खडोतयो बंदयां ने फिरी बोलणा लग्यी, की एे उदे चेलयां चे इक है। 70 पर सै फिरी मुकरी गया। कने थोडिया देरा बाद उना जडे बखे खडोतया थे, उना पतरसे जो बोलया, “पक्का तू उना चे ही इक है, जियां तू बोलदा है इसला लगदा तू भी गलील प्रदेश ला है, तू उदे चेलयां चे इक है।” 71 पतरस अपु जो कोसणा लग्या, कसम खाणा लग्या, की जिस माणुए दी तुसां गल्ल करा दे न उसयो मैं नी जाणदा। 72 तां तालू मुर्गे दुज्जी बरी बांग दिती: तालू पतरसे जो यीशुए दी गल्ल याद आई जडी उसयो बोलियो थी, “की मुर्गे जो दो बार बांग देणे ला पेहले तू मिजो तिन्न बरी मुकरणा है।” तालू पतरस अपने दुखे जो नी संभाली पाया कने दुखी होईकरी जोर-जोर ने रोणा लग्या।

15 कने ब्यागा तडके होंदे ही झट उना बड़े याजकां, कने यहदी अगुवां, कने व्यवस्था जो सिखाणे बालयां कने महासभा दे सारे लोकां सलाह करिके के यीशुए जो बननया, कने न्याय करणे तांई यहदिया प्रदेश दे राज्यपाल पिलातुस दे हबाले करी दिता। 2 कने पिलातुसे उसयो पुछया, “क्या तू यहदियां दा राजा है?” यीशुए उसयो जबाब दिता, “जडा तू बोला दा है, एे सही है।” 3 कने बड़े याजक उस पर बडियां गल्लां दा दोष ला दे थे। 4 पिलातुसे उसयो फिरी पुछया, “तू क्या कोई जबाब नी देणा है, दिख एे तिजो पर कितणियां गल्लां दा दोष ला दे न?” 5 यीशु फिरी चुप रिया कने कोई जबाब नी दिता, एे दिखीकरी पिलातुस बडा हेरान होया। 6 हर साले फसह दे त्योहारे च, पिलातुस इक केदिये जो छडी दिन्दा था, जिसयो लोक चांदे थे की सै छूटे। 7 कने बरअब्बा नाएे दा इक माणु बाकी क्रतिकारियां सोगी कैदा च था, जिना रोम सरकार दे खिलाफ च लोकां दी हत्या कितियो थी। 8 कने भीड पीतालुस

दे बखे आई कने उसने बिनती करणा लग्यी, कने साडे तांई इक कैदी जो छडी दे जियां तू हरबरी करदा है। 9 पिलातुसे उना जो जबाब दिता, क्या तुसां चांदे न की, मैं तुहाडे तांई यहदियां दे राजे जो छडी दें? 10 क्योकि सै जाणदा था, की बड़े याजकां यीशुए जो जलनिया ने पकड़ाया था। 11 पर बड़े याजकां लोकां दिया भिडा जो भडकाया, कि पिलातुस ला यीशु जो छडणे दी बजाये बरअब्बा जो छडणे दी मांग करा। 12 एे सुणीकरी पिलातुसे उना ला फिरी पुछया, “तां जिसयो तुसां यहदियां दा राजा बोलदे न, उदा मैं क्या करे?” 13 भीडा दे लोक चिलाणा लग्ये, “उसयो सूली पर चडाई करी मारी दिया।” 14 पिलातुसे उना जो बोलया, “कजो इनी क्या बुरा कितया है?” पर भीड होर भी जोरे ने चिलाणा लग्यी की, “इसयो सूली पर चडाई करी मारी दिया।” 15 तालू पिलातुसे भिडा जो खुश करणे तांई बरअब्बा जो उना तांई छडी दिता, कने यीशुए जो कोडे लगबाई करी सूली पर चढाणे तांई रोमी सिपाईयां दे हबाले देई दिता। 16 सिपाई उसयो किले दे अंदरे बाले अंगणे च लेई गे जिसयो प्रीटोरियम बोलदे न, कने सारिया सिपाईयां दिया पलटना जो सदी लेई आये। 17 कने यीशुए दा मजाक उडाणे तांई उना उसयो बैगणी रंगे दे कपडे पेहनाये, कने कंडयां दा मुकट बणाई करी उदे सिरे पर रखया, 18 कने सै यीशुए दा मजाक उडाणे तांई उसयो एे बोलदे थे की, “हे यहदियां दे राजा, नमस्ते।” 19 सै बार-बार उदे सिरे पर भारी सरकंडे ने मारदे थे, कने उदी बेजती करणे तांई उस पर थुका दे थे, कने उसयो इज्जत मान देणे तांई अराधना करणे जो गोडे भार बेईकरी उसयो नमस्ते करणे दा नाटक करा दे थे। 20 जालू सै उदा मजाक उडाई बैठे, तां उना सै बैगणी कपडे उतारी करी उदे अपने कपडे उसयो पेहनाये, फिरी उसयो सूली पर चढाणे तांई शेहरे ला बाहर लेई गे। 21 जालू सै शेहरे बाहर चलयो थे, तां शमौन नाएे दा माणु कुरेनी गांएे ला ओआ दा था, उदे पुत्र सिकन्दर कने स्फुस थे। कने सिपाईयां शमोन जो हुकम दितया की सै सूली जो चुकी करी उसा जगा लेई जा जिथु उना यीशुए जो सूली पर चढाणा था। 22 सिपाई यीशुए जो गुलगुता नाए दिया जगा पर लेई आये, जिदा मतलब है खोपडी दी जगा। 23 तालू सिपाईयां यीशुए जो गन्धरस नाएे दी दवा, दाखरस च मिलाई करी पीणे तांई यीशुए जो दिता ताकि उसयो पीडा दा असर नी होएे, पर उनी पीणे जो मना करी दिता। 24 फिरी उना यीशुए जो हथां पैरां पर किल्लां ठोकी करी सूली पर चढाया, कने उदे कपडयां तांई परिषयां पाईयां, एे दिखणे तांई की क्या कुसयो मिलदा है, कने कपडयां जो अपु चे बंडी लिया। 25 ब्यागा दे कोई नौ की बजे, जालू उना यीशुए जो सूली पर चढाया। 26 सिपाईयां यीशुए दिया सुलिया उपर लकडी दी पट्टी लाई दिती। उदे च यीशुए दा दोष लिखया था, की एे “यहदियां दा राजा।” 27 उना उदे सोगी दो डाकू, इक उदे सजे पासे कने इक उदे खबे पासे सूली पर चढाये। 28 तालू सै पबित्र शास्त्रे दा बचन सच्च होई गया जडा मसीह दे बारे च बोलया था, की सै अपराधियां सांई गिणया जाणा, कने सै पुरा होया। 29 कने रस्ते च जाणे बाले सारे लोक सिर हिलाई-हिलाई करी, उदी एे बोली करी निंदा करदे थे, “वाह रे। मंदरे जो ढाणे

बाले, कने तिन्ना रोजां च बणाणे बाले। 30 सूली ला उतरी करी अपणे आपे जो बचाई ले।” 31 इयां ही बड्डे याजक कने मूसा दी व्यवस्था जो सिखाणे बाले अपु चे मजाके च बोल्दे थे, “की इनी होरनी जो बचाया, पर अपने आपे जो नी बचाई सकदा। 32 ऐ माणु जडा इझाएल दा राजा, मसीह होणे दा दाबा करदा है, हुण सूली ला उतरी आणे तां, असां दिखीकरी भरोसा करी लेणा कि ऐ साडा राजा है।” कने जडे उदे सोगी दो जणे सूल्या पर चढायो थे, सै भी उदी निंदा करा दे थे। 33 दोपहर बाहरा बजे ला तिन्न बजे दीकर सारे देशे च नेहेरा होई गया। 34 दोपेरा दे तिजे पेहर यीशुए बडे जोंरे ने पुकारी करी बोलया, “इलोई, इलोई, लमा शबत्कनी?” जिसदा मतलब है, “मेरे परमेस्वर, मेरे परमेस्वर, तू मीजो कजो छडी दिता?” 35 कने कुछ लोक जडे उदे बखे खडोतयो थे, उना सुणया जडा यीशुए बोलया पर सै समझे नी कने बोलाणा लगे, “दिखा, ऐ एलिय्याह जो सहायता तांई पुकारा दा है।” 36 कने उना लोकां च इक जणा दौडी करी गया कने उनी स्पंज लेईकरी सिरके च डुबाया, कने सरकंडे दे उपर बन्नी करी यीशुए जो चुसाया, कने बोलया, “स्की जा कुछ मत करा, दिखदे न की, एलिय्याह इसयो उतारणे तांई ओंदा है की नी।” 37 तालू यीशु बडे जोंरे ने बोली करी मरी गया। 38 कने सै मोटा परदा जडा मंदेरे च टंगया होया था, जडा सारयां जो परमेस्वर दी मोजूदगी च अंदर ओणे जो रोकदा था, उपरे ला थले दीकर फटी गया कने उदे दो टुकडे होई गे। 39 जडा सुबेदारे उदे सामणे खडोतया था, उनी जालू यीशुए दी पुकार सुणी कने उसयो दिखया की सै कियां मरया, तां उनी बोलया, “सच्चि ऐ माणु, परमेस्वरे दा पुत्र था।” 40 कने केई जनानिया भी दुरे ला दिखा दियां थियां: उना चे इक मरियम भी थी जडी मगदल नाणे दे शेहेरे ला थी, सलोमी कने मरियम जडे छोटा याकूब कने योसेस दी मां थी। 41 जालू सै गलील प्रदेशे च था तां सै उदे पिच्छे चलदियां थियां, कने उदी सेवा करदियां थियां, कने होर भी मतियां जनानिया थियां, जडियां उदे सोगी यरूशलेम शेहर च आईयां थियां कने सै उसयो दुरे ला दिखा दियां थियां। 42 जालू संज होई गेई, तां इस तांई की सै तैयारिया दा दिन था, जडा सब्दे दे इक रोज पेहले होंदा है। 43 अरिमतिया शेहेरे दा रेहणे बाला यूसुफ नाणे दा इक माणु था, सै यहूदी सभा दा इक बडा मनया तनया मंत्री था, कने अपु भी परमेस्वरे दे राज्य दी नियाल रखदा था। सै हिम्मत करिके पिलातुस बाल गया कने उनी यीशुए दी लाश दफनाणे तांई मंगी। 44 पिलातुस जो भरोसा नी होया, की यीशु इतणी तोल्ली मरी गया, कने उनी सुबेदारे जो सदीकरी पृथया, की क्या ऐ सच्च है, की यीशुए मरयो बडी देर होई गियो है? 45 जालू उनी सुबेदारे ला हाल पता करी लिया, तां पिलातुसे यूसुफ जो लाश लेई जाणे दी अनुमति देई दिती। 46 तालू उनी इक मलमल दी चादर खरीदी, कने लाश उतारी करी यहूदी रिबाजां सांई मलमल दिया चादरा च लपेटी लिया, कने दफनाणे तांई कबरां च रखया कने सै कबर चढाना जो कटी करी बणाईयो थी, कने उनी कबरां दा मु बंद करणे तांई इक गोल पथर लुडकाई करी

रखी दिता। 47 मरियम जडी मगदलीनी शेहेरे ला थी कने योसेस दी मां मरियम दिखा दियां थियां की, सै कुथु रखया है।

16 अगली संज्ञा जालू सब्दे दे दा रोज होई गया, तां उना जनानियां जिना दे नां मरियम मगदलीनी, याकूबे दी मां मरियम, सलोमी उना सुगंध बालियां चिंजा खरीदियां, ताकि यीशुए दिया लाशा पर मलन, क्योंकि ऐ सारा यहूदियां दा रिती रिबाजा था। 2 ब्यागा तडके तुआरे बाले दिने, सै कबरां पर गियां, 3 कने अपु चे बोला दियां थियां की, “साडे तांई कबरां दे रखयो बडे कने भारी पथरे जो कुण हटांगा?” 4 पर जालू उना यीशुए दी कबरा पासे दिखया, तां दिखया की सै पथर तां पेहले ला ही हटया होया है। 5 कने जालू सै कबरा दे बखे पुजियां कने अंदर गियां, उना ओथु इक नौजवान जागते जो चिठे चमकदार कपडे पाई करी उदे सजे पासे बैठया दिखया, कने सै बडियां हेरान होईयां कने डरी गियां। 6 उनी जवान माणुए उना जनानियां जो बोलया, डरा मत, तुसां यीशु नासरत बाले जो तोपा दियां न, जिसयो सूली पर चढाया था। सै जिन्दा होई गया है, ऐथु नी है; दिखा ऐ सेई जगा है, जिथु उना उसयो रखया था। 7 पर हुण तुसां जा, कने ऐ गल्ल तुसां पतरस कने यीशुए दे बाकी चेलयां जो बोला की यीशुए तुहांजो ला पेहले गलील प्रदेशे जो जाणा है, जियां उनी तुहांजो ने बोलया था, तुसां उसयो ओथु दिखणा है। 8 जालू उना ऐ सुणया, तालू सै कबरां ला निकली करी नठी गियां क्योंकि सै घबराई करी कमी पिां थियां। कने उना रस्ते च कुसी होरसी ने कुछ नी बोलया। 9 (note: The most reliable and earliest manuscripts do not include Mark 16:9-20.) हपते दे पेहले तुआरे ब्याग होंदे ही सै जिन्दा होईकरी सबना ला पेहले यीशु मरियम मगदलीनी जो मिल्ला, जिसा चे उनी सत बुरियां आत्मा कडियां थियां। 10 सै यीशु दे चेलयां बाली गेई, चेले बडे भारी गमे च थे कने रोआ दे थे, उना जडा कुछ उना दिखया था, सै उना जो सुणया। 11 पर जालू उना उसा ला सुणया की यीशु जिन्दा है, कने उना उसयो दिखया है, उना भरोसा नी किता। 12 उदे बाद यीशु दुज्जे दो होर चेलयां सामणे आया, जडे यरूशलेमे शेहेरे ला अपने घरे जो ओआ दे थे, पर पेहले उना उसयो नी पछाणा, क्योंकि उदी भेस भुशा पेहले ला लग थी। 13 जालू उना जाणी लिया सै कुण है, तालू सै दौडी करी दुज्जयां जो दसणा गे, पर उना भी भरोसा नी किता। 14 इदे बाद यीशु उना गयारां चेलयां जो भी मिल्ला, जालू सै रोटी खाणां बैठयो थे, तां यीशुए उना जो झिडकया, क्योंकि यीशुए जो जिन्दा होणे बाद दिखया, फिरी भी उना भरोसा नी किता था। 15 कने यीशुए उना जो बोलया, “तुसां सारे संसार च जाई करी लोकां जो परमेस्वर दे शुभसमाचार दा प्रचार करा। 16 जडा कोई मिजों पर भरोसा करगा कने बपतिस्मा लेंगा परमेस्वरे उसयो उदे पापां दी सजा ला बचाणा, पर जडा मिजो पर भरोसा नी करगा तां उसयो सजा मिलणी है। 17 कने जडे लोक मिजों पर भरोसा करगे सै चमत्कारी निशाण उना दे बाली होणे न, उना मेरे नाए ने बुरियां आत्मा जो कडणा, कने मै उना जो नोईयां-नोईयां भाषा बोलणे दे काबिल बणागां। 18 मै उना जो बचाणा है, जडे सपां जो भी चुकी लेंगे, कने जहरीली चीज भी पी

लेंगे, मैं तमी उना जो मरणा नी दिगां, उना बिमारां पर हथ रखणा कने उना जो मेरे नाए ला खरा करणा है।” 19 ताल् उदे बाद प्रभु यीशु उना ने गल्लां करणे बाद परमेश्वरे यीशुए जो स्वर्गे च सदी लिया, कने यीशु परमेश्वरे दे सजे पासे इज्जत बाले सिहांसन पर बैठी गया। 20 ताल् चले सारयां पास्से गे कने हर जगा परमेश्वरे दा प्रचार किता, कने प्रभु उना सोगी कम्म करदा रिया, कने उना चमत्कारां दे जरिये जडे सोगी-सोगी होंदे थे, बचना जो पुरा करदा रिया। आमीन।

लूका

1 श्रीमान थियुफिलस ताई मतयां लोकां साडे बिच होइयां घटना दे बारे च इक दस्तावेज लिखणे दी कोशिश कितियो है। 2 उना बिलकुल सेई लिखया जडा सान्झो उना लोकां दसया था, जिना शुरू ला ही यीशुए दी सेबकाई जो अपणी हखी ने दिखया था कने जडे बादे च परमेश्वरे दे बचने दे सेवक बणे। 3 इस ताई श्रीमान थियुफिलस मैं भी इना सारियां गल्लां दी जांच परख किति कने मिंजो ऐ ठीक लग्गा की तुहाडे ताई इना घटना जो क्रमानुसार लिखें। 4 मैं ऐ इस ताई करा दा ताकि तुहांजो हर उसा गल्ला दा पात पुरिया सचाइया ने लग्गे जडियां लोकां तुहांजो दसियां न। 5 जालू हेरोदेस यहूदिया प्रदेश दा राजा था, अबिय्याह दी टोलिया च जकर्याह नाए दा इक याजक था, कने उदी घरे बालिया दा ना एलीशिबा था कने सै भी इस्राएल दे पेहले याजक हासून दे बंशे ला थी। 6 सै दोयो ही परमेश्वरे दे सामणे धर्मी थे, कने सै प्रभु दे सारे हुकम कने नियम पर सच्चे चलणे बाले थे। 7 पर उना दी कोई ओलाद नी थी, क्योंकि एलीशिबा बच्चा पैदा नी करी सकदी थी, कने सै दोयो ही बुड़े थे। 8 इक दिन जालू जकर्याह यरूशलेम शेहरे दे मंदरे च परमेश्वरे दे सामणे याजके दे स्पे च सेबा करा दा था, क्योंकि उस हफते उदिया टोलिया दी याजक सेबा दी बारी थी। 9 याजकां दे पचीं पाणे बाले रिबाजे दे हिसावे ने जकर्याह दे नाए दी पचीं निकली की प्रभु दे मंदरे च जाई करी धूप बाल्ले। 10 जालू सै धूप लगणे दे बेले सारे लोक बाहर अंगणे च खडोई करी प्राथना करा दे थे। 11 तालू जकर्याह जो प्रभु दा स्वर्गदूत धुपे दिया बेदिया दे सजे पासे खडोतया दुसा। 12 कने जकर्याह उसयो दिखीकरी घबराई गया कने सै बडा भरी डरी गया। 13 पर स्वर्गदूते उसयो बोलया, “ओ जकर्याह डर मत क्योंकि परमेश्वरे तेरी प्राथना सुणी लिइयो है, तेरिया घरे बालिया एलीशिबा इक जागत जमणा है, कने तू उदा ना यूहन्ना रखयां। 14 कने तिजो खुशी होणी: कने मते लोकां उदे पैदा होणे दिया बजा ने खुश होणा। 15 क्योंकि उनी परमेश्वरे दे सामने बडा महान होणा; कने उनी कदी भी कोई ऐसी चीज नी खाणी पिणी जिसने कोई नशा होंदा है; कने उनी अपने पैदा होणे ला पेहले ही पबित्र आत्मा ने परिपूर्ण होई जाणा है। 16 कने उनी इस्राएलियां च मतयां लोकां जो उना दे प्रभु परमेश्वरे दे बाल बापस लोणा है। 17 यूहन्ना इक ऐसा माणु होणा है उनी परमेश्वरे दा संदेश देणेवाले एलिय्याह साईं आत्मा च शक्तिया ने भरपूर होणा है कने प्रभु दा रस्ता तैयार करणा है। ताकि माता पिता दा मन बाल बचयां दे पासे फेरी दे, कने हुकम नी मनणे बालयां जो धर्मियां साईं जीणा सिखाणा; कने प्रभु ताई इक खरी प्रजा तैयार करे। 18 जकर्याह स्वर्गदूते ला पुछया, ऐ मैं कियां यकीन करे की साडे ने ऐसा होणा? क्योंकि मैं तां बुद्धा है, कने मेरी घरे बाली भी बुद्धी होई गियो है।” 19 स्वर्गदूते उसयो जबाब दिता, “मैं जिब्राईल है, जडा परमेश्वरे दे सामने खडोई रेंदा है, कने मिंजो तेरे ने गल्लां करणा कने तिजो ऐ शुभसमाचार सुणणें ताई भेजया है। 20 कने दिख जीस दिने दीकर ऐ बच्चा पैदा नी होंगा कने मेरियां बोलियां गल्लां

सही बकत पर पुरियां नी होंगिया उसी रोजे दीकर तिजो ला बोली नी होंगा, क्योंकि जडियां गल्लां मैं तिजो बोलियां न तू उना गल्लां दा भरोसा नी किता।” 21 लोक जकर्याह जो निर्याला दे थे क्योंकि याजक मंदरे च धूप लगणे बाद बाहर आई करी लोकां जो आशीर्वाद दिन्दा था, पर उसयो बडीं देर होई गई थी अंदर, तां लोक बडे हेरान होऐ? 22 जालू सै मंदरे ला बाहर आया, तालू सै उना ने बोलि नी सकया, तालू सै समजी गे, की इसयो मंदरे च कोई दर्शन होया है, कने सै उना ने इशारे च गल्लां करा दा था, सै गंगा होई गया। 23 जालू मंदरे च उदिया याजक सेबा दे दिन पूरे होई गे, तां सै यरूशलेम शेहरे ला अपने घरे जो चली गया। 24 कुछ दिना बाद उदी घरे बाली एलीशिबा लेरथी होई; कने पंज महीने दीकर अपने आपे जो लोकां ला लुकाई रखया। 25 की प्रभुए मेरे ताई भला कम्म किता है, माणुआं च मेरिया बांजपन दिया बदनामिया जो दूर करणे ताई इना दिना च प्रभुए मेरे उपर कृपा करिके मिंजो ताई ऐसा किता है। 26 जालू एलीशिबा जो छेमा मिना लगया था तालू परमेश्वरे दिया तरफा ला जिब्राईल स्वर्गदूत गलील प्रदेश दे नासरत शेहरे च इक कुवारिया बाल गया, 27 जिसा दी मंगणी राजा दाऊदे दे बंशे दे यूसुफ नाए दे इक मरदे ने होईयो थी; उसा कुवारिया दा ना मरियम था। 28 कने स्वर्गदूते अन्दर आई करी उसा जो बोलया, “खुशी कने तेरी जय हो, परमेश्वरे तिजो पर कृपा किति है! परमेश्वर तेरे सोगी है।” 29 सै इस बचने ला बडीं घबराई गई, कने सोचणा लग्गी की इसा गल्ला दा क्या मतलब है? 30 स्वर्गदूते उसा जो बोलया, “हे मरियम, डर मत, क्योंकि तिजो पर परमेश्वरे दी कृपा होईयो है। 31 कने दीख, तू लेथिया होणा है, कने तिजो इक जागत पैदा होणा है; कने तू उदा ना यीशु रखयां। 32 कने उनी बडा महान होणा; कने उसयो परमेश्वरे दा पुत्र बोलया जाणा; कने प्रभु परमेश्वरे उसयो उदे पूर्वज दाऊदे साईं राजा बणाना है। 33 कने उनी इस्राएल दे लोकां पर हमेशा राज करणा; कने उदे राज्य दा कदी अंत नी होणा।” (aiōn g165) 34 मरियमा स्वर्गदूते जो बोलया, ऐ कियां होणा? मेरा तां अजे बियाह भी नी होया है। 35 स्वर्गदूते उसा जो जबाब दिता, पबित्र आत्मा तिजो पर उतरणा है, कने परमेश्वरे दिया शक्तिया तिजो पर छां करणी है, ताई तां तेरा जन्म लेणे बाला जागत पबित्र होणा है, सै परमेश्वरे दा पुत्र बोलया जाणा। 36 कने सुण तेरी रिशतेदार एलीशिबा दे भी बुडे बारे बच्चा होणेवाला है, ऐ इसा दा छेमा महिना है जिसा जो लोक बांज बोलदे थे। 37 क्योंकि परमेश्वर सब कुछ करी सकदा है। 38 मरियमा बोलया, “दीख, मैं प्रभु दी दासी है, जियां तू बोलया है सेई मेरे सोगी हो।” तालू स्वर्गदूत ओथु ला चली गया। 39 कुछ दिना बाद मरियम उठी करी यहूदिया प्रदेश दे इक पाहडीं इलाके दे इकी ग्रां जो गई। 40 कने जकर्याह दे घरे पुजिकरी एलीशिबा जो नमस्ते किते। 41 जियां ही एलीशिबा मरियमा दे नमस्ते सुणे, तियां ही बच्चा उसा दे पेटे च उछली पिया, कने इलीशिबा पबित्र आत्मा ने परिपूर्ण होई गई। 42 कने तिन्ना बडे जोरे ने बोलया, “तू सारियां जनानिया चे बडीं भरी धन्य है, कने जडा बच्चा तू जमणा है सै धन्य है। 43 कने मैं बडीं सोभायशाली है, की मेरे प्रभु दी माँ मिंजो ने

मिलना आई है? 44 दिख जियां ही तेरे नमस्ते बोलणे दी अबाज मेरे कना च पेई तियां ही मेरे पेते च बच्चा खुशिया ने उछली पिया। 45 कने तू धन्य है, क्योंकि तू भरोसा किता जडियां गल्ला प्रभुये दी तरफा ने बोलियां न, कने सै परमेश्वरे पुरियां करणियां न।” 46 तालू मरियमा बोलया, मैं परमेश्वरे दी स्तुति करदी है। 47 कने मैं अपने उद्धार करणे बाले परमेश्वरे ला बडी खुश है। 48 क्योंकि उनी मिंजो अपणिया दासियाँ दिया दीनता पर नजर किती है; इस तांई दिखा, हण सारे युगां-युगां दे लोकां मिंजो धन्य बोलणा है। 49 क्योंकि उनी अपणिया शक्तिया ने मिंजो तांई बड़े-बड़े कम्म कितयो न, कने उदा ना पबित्र है। 50 जडे परमेश्वरे दा डर मदे न, उना पर उदी दया पीढियां ला पीढियाँ दीकर बणी रैदी है। 51 उनी अपणी महान शक्ति ने बड़े-बड़े कम्म किते न, कने जडे बडे घमंडी थे उना जो हराई दिता। 52 परमेश्वरे राजयां ला राज करणे दा हक लेई लेणा है; कने गरीबां जो उच्चा करदा है। 53 उनी भुखयाँ जो खरियाँ-खरियाँ चीजा ने रजाया, कने अमीरां जो खाली हथ कडी दिता। 54 परमेश्वरे साडे पूर्वजां ने कितयो बायदे जो याद किता कने अपने सेवक इस्राएल दे लोकां दी मदद करणा आया है। 55 उनी अब्राहम जो कने उदे सारे बंशजा जो हमेशा तांई दया दसणे तांई याद कितया है! (aiōn g165) 56 मरियम पूरे तिन मिहने उसा सोगी रेईकरी घरे जो बापस गई। 57 तालू एलीशिबा दा बच्चा पैदा करणे दा बकत पूरा होया, कने उना इक पुत्र जमया। 58 उसा दे पडोसियां कने रिश्तेदारां ए गल्ल सुणीकरी की प्रभुये उसा पर बडी बडी दया किती है, कने सै उसा सोगी बडे खुश होऐ। 59 कने जालू सै अठमे रोजे उदा खतना करणे तांई आये। तालू सै उदा ना उदे पिता दे नाऐ पर जकर्याह रखणा लगे, 60 तां उदिया माता एलीशिबा बोलया, “नी; इदा ना यहूना रखा।” 61 उना उसा जो बोलया, “ऐ ना तां तेरिया रिश्तेदारिया च कुसी दा भी नी है।” 62 तालू उना उदे पिता जो इशारा करी के पछया की तू इदा ना क्या रखणा चांदा है? 63 कने उनी लिखणे बाली पट्टी मंगाई करी लिख्या, इदा ना यहूना है, कने सारे हेरान होऐ। 64 तालू ही उदी अबाज बापस आई गई; कने सै परमेश्वरे दा धन्यवाद करणा लग्गा। 65 कने उदे अखे-बखे दे लोकां पर डर बेठी गया; कने उना सारियां गल्लां दी चर्चा यहूदिया प्रदेशे दे पाहडी इलाक्यां च फेली गई। 66 कने सारयां सुणने बालयां लोकां अपने मने च बिचार करिके बोलया, ऐ बच्चा कदिया होंगा? “क्योंकि इदे सोगी प्रभु दी शक्ति है। 67 कने उदा पिता जकर्याह पबित्र आत्मा ने परिपूर्ण होई गया, कने भविष्यवाणी करणा लग्गा। 68 प्रभु, इस्राएल दे परमेश्वर दी स्तुति करा, क्योंकि सै अपने लोकां जो मिलणा आया है, कने अपने लोकां जो छुडाय है। 69 जडा प्रभु दे सेवक, राजा दाऊद दा बंशज है उनी साडे तांई इक शक्तिशाली उद्धार करणे बाले जो भेजया है। 70 बडे पेहले प्रभुये अपने पबित्र परमेश्वरे दा संदेश देणेबाले दे जरिये बोलया, जडे संसार दे आदि ला होंदे आए न, मतलब की उनी सांझो साडे दुश्मणा ला कने उना सारियां शक्तियाँ ला बचाणा जडे सान्झो ने नफरत करदे न। (aiōn g165) 72 उनी अपने पबित्र बायदे जो याद करिके साडे पूर्वजां पर

दया करणी, 73 उनी साडे पूर्वज अब्राहम ने कसम खाई करी बायदा किता, 74 की उनी सांझो साडे दुश्मणा ला बचाणा, 75 ताकि असां उदे सामणे पबित्रता, धार्मिकता कने बिना कुसी डरे जिन्दगी भर उदी सेवा करी सकन। 76 कने हे बच्चे, तिजो परम प्रधान परमेश्वरे दा संदेश देणेबाला बोलया जाणा है क्योंकि तू प्रभु दे अगे-अगे चलणा कने माणुआं जो तैयार करणा, 77 कने इनी अपने लोकां जो सिखाणा की पापा दी माफी दे जरिये छुटकारा पाई सकदे न। 78 ऐ साडे परमेश्वरे दिया उसा दया ने होणा है; जियां सूरज सांझो रोशनी देणे तांई चमकदा है, तियां ही मसीह भी साडे बाल स्वर्ग ला ओणा है। 79 पाप च कने मौता दी छोआं च बोणे बालयाँ जो रोशनी देणी है, इना रोशनिया सान्झो जिन्दगी च मार्गदर्शन करणा, जडा सांझो परमेश्वर सोगी शांति दिन्दा है।” 80 कने सै जागत यहूना बडा होईकरी आत्मा च बलशाली होंदा गया, कने इस्राएल दे लोकां दे सामणे ओणे दीकर सै सुनसान जगा च रिया।

2 उना दिना च रोमी महाराजा औरगुस्तुस कैसेरे सारे रोमी सम्राज्य दी जनगणना करणे दा हुकम दिता। 2 ऐ पैली जनगणना उस बेले होई, जालू क्विरिनियुस सीरिया प्रदेश दा राज्यपाल था। 3 कने सारे लोक जनगणना च ना लिखाणे तांई अपने-अपणे शेहरे जो गे जिथू उना दे पूर्वज थे। 4 यूसुफ भी तांई तां गलील प्रदेश दे नासरत शेहरे ला यहूदिया प्रदेशे दे राजा दाऊद दे शेहर बैतलहम शेहरे जो गया था, क्योंकि सै राजा दाऊद दा बंशज कने परिवारे दा था। 5 ताकि अपणी मगैतर मरियम जडी लेरथी थी, उसा सोगी जाई करी ना लिखाइ दे। 6 जालू सै बैतलहम शेहरे च थे तां उसा दे बच्चा जमणे दे दिन पुरे होई गे। 7 कने उना अपणा जेठा पुत्र जमया कने उसयो कपडे च लपेटी करी खुरलिया च रख्या; क्योंकि उना तांई सरां च जगा नी थी। 8 कने उस देशे च कुछ पुआल थे, जडे मैदाना च रेईकरी अपने धणे दा पैरा दिन्दे थे। 9 कने प्रभु दा इक स्वर्गदूत उना बखे आई छडोता; कने प्रभु दी चमक उना दे चारो पास्से चमकी, कने सै बडे डरी गे। 10 तालू स्वर्गदूते उना ने बोलया, “डरा मत; दिखा मैं तुहांजो इक बडी खुशिया दा शुभसमाचार सुणांदा है; जडा सारे लोकां तांई होणा, 11 की अज राजा दाऊद दे शेहर बैतलहम च तुहाडे तांई इक उद्धारकर्ता जमया है, सेई मसीह प्रभु है। 12 मैं तुहाडे तांई उना दी ऐ पछेण दिन्दा की सै बच्चा कुण है, तुहांजो इक बच्चा फालडू च लपेटया कने खुरलिया च पिया मिलणा है।” 13 तालू उस स्वर्गदूते सोगी इक स्वर्गदूतां दी टोली परमेश्वरे दी स्तुति कने ऐ बोल्दे होए प्रगत होई, 14 “स्वर्ग च परमेश्वरे दी महिमा कने धरतिया पर जिना लोकां ला सै खुश हे शांति हो।” 15 जालू स्वर्गदूत उना बखे ला स्वर्ग जो चली गे, तालू पुआलां अपु चे बोलया, “ओआ, असां बैतलहम शेहरे च जाई करी ऐ गल्ल जडी होइयो है, कने जडा प्रभुये सांझो ने दसया है, उसयो दिखन।” 16 कने उना झट पट जाई करी मरियम कने यूसुफ जो कने खुरलिया च उस बच्चे जो पिया दिखया। 17 इना जो दिखीकरी उना सै गल्लां जडियां उस बच्चे दे बारे च स्वर्गदूतां ने बोलिया थी, सै सबना जो दसणा लग्गे। 18 कने सारे लोकां जालू ऐ गल्लां सुणियां जडियां गल्लां

उना पुआलां बोलियां, तां सै बडे हेरान होऐ। 19 पर मरियम इना सारियां गल्लां जो मने च रखीकरी सोचदी रेई। 20 कने जियां उना स्वर्गदूतां पुआलां जो बोलया, तियां ही सारा सुणिक्करी कने दिखीकरी परमेश्वरे दी महिमा कने स्तुति करदे बापस चलीं गे। 21 जाल् यीशुऐ जो पैदा होयो अठ रोज पुरे होऐ, कने उदे खतने दा बकत आया, तां उदा ना यीशु रखया, जड़ा स्वर्गदूते उदे पेटे च ओणे ला पेहले बोलया था। 22 जाल् मूसा दिया व्यवस्था दे अनुसार उना दे शूद्र होंगे दे दिन पुरे होऐ तां सै उसयो यरूशलेम शेहरे दे मंदरे च लेई गे, ताकि उसयो प्रभु दे सामणे लेई ओन। 23 जियां की मूसा दिया व्यवस्था च लिखया है: “हर जेठा पुतर प्रभु तांई पबित्र होणा।” 24 मूसा दिया व्यवस्था दे बचना दे अनुसार, “पंडुकों दा इक जोडा, या कब्रतरां दे दो बचयां दी बलि दिया।” 25 उस बकते यरूशलेम शेहरे च शमौन नाऐ दा इक माणु था। कने सै माणु बड़ा धर्मी कने भक्त था। कने बडिया बेसबरिया ने मसीह दे ओणे दी नियाल रखा था की सै आए कने इस्त्राएल दे लोकां जो तसल्ली दे, कने पबित्र आत्मा उस सोगी थी। 26 कने उसयो पबित्र आत्मा दसया था कि, तू प्रभु दे मसीह जो दिखणे ला पेहले मरणा नी है। 27 उस दिन उसयो आत्मा अगुवाई किती तां सै मंदरे च आया। कने जाल् माता-पिता यीशुऐ जो अंदर लेई आये, ताकि उस तांई व्यवस्था दे रीती रिबाजां दे अनुसार करन, 28 तां उनी बच्चा यीशु जो गोदा च लिया कने परमेश्वरे दा धन्यवाद करिके बोलया, 29 प्रभु जी, हण तू मिजो अपने सेवके जो अपने बायदे दे अनुसार शांतिया ने मरणा दे; 30 क्योंकि मै उस उद्धारकर्ता जो दिखी लिया है। 31 जिसयो तू सारे लोकां जो बचाणे तांई भेजया है। 32 ताकि सै होर जातियां जो परमेश्वरे दा रस्ता दसणे तांई लौ बणे, कने तैरे अपने लोक इस्त्राएल दी महिमा करन। 33 कने यीशुऐ दे माता पिता उना गल्लां जो जडियां शमौने उदे बारे च बोलियां, सै उना गल्लां ने बडे हेरान हुंटे थे। 34 ताल् शमौने उना जो आशीष देईकरी, उदिया माता मरियम ने बोलया, दिख, सै तां इस्त्राएल च मतयां लोकां दे विनाश कने उद्धार तांई, इसयो परमेश्वरे दिया तरफा ला इक नशाण दे स्पे च भेजया है, जिदे खिलाफ च गल्लां कितियां जाणियां न। 35 इक भयंकर दुखे कने इक तलबारा सांई विनी देणा इसला मतयां लोकां दे दिले दे बिचार सामणै होणे न। 36 कने आशेर दे गोत्र ला हन्नाह नाऐ दी फनुएल दी इक कुडी परमेश्वरे दा संदेश देणेवाली थी: कने सै बडी बुडी थी, सै बियाह होणें ला सतां साला दीकर अपने घरे बाले ने रेई सकी थी। 37 सै चोरारिसियां सालां दी बिधबा थी: कने सै मंदरे जो नी छडती थी पर दिन रात बरत कने प्राथना करी-करी भक्ति करदी थी। 38 सै उस बेले ओथु आई करी परमेश्वर दा धन्यवाद करणा लग्गी, कने उना सारयां ने, जडे यरूशलेम शेहरे दे लोकां जो छुडाणे तांई मसीह जो भेजणे तांई परमेश्वरे दी राह दिखदे थे, उदे बारे च गल्लां करणा लग्गी। 39 कने जाल् यूसुफ कने मरियम प्रभु दीया व्यवस्था दे अनुसार सारा कुछ करी बेठे तां सै गलील प्रदेश च अपने शेहर नासरत जो बापस चलीं गे। 40 बच्चा बडा कने जौरे बाला होंदा गया; कने अकला बाला होंदा गया; कने परमेश्वरे दा अनुग्रह उस

पर था। 41 यीशुऐ दे माता पिता हर साल फसह दा त्योहार मनाणे तांई यरूशलेम शेहरे जो जांटे थे। 42 जाल् सै बाहरां सालां दा होया, ताल् सै त्योहारे दे रिबाजे ने अनुसार यरूशलेम शेहरे जो गे। 43 जाल् यीशुऐ दे माता-पिता उना दिना जो पूरा करिके के बापस ओणा लागे, तां सै जागत ओथु यरूशलेम शेहरे च ही रेई पिया, कने उदे माता पिता जो इसा गल्ला दा पता नी था। 44 सै ऐ समझीकरी, की सै होर यात्रियां सोगी होंगा, कने इक दिन होई गया कने सै अपने रिश्तेदार कने जान पछेणा बालयां च तोपणा लागे। 45 पर जाल् नी मिल्ला, तां सै तोपदे-तोपदे यरूशलेम शेहरे जो बापिस चलीं गे। 46 कने तिन्ना रोजां बाद उना उसयो यरूशलेम शेहरे दे मंदरे दे अंगणे च उपदेशकां दे बिच बैठया, कने उना जो सुणदे कने उना ला सबाल पुछदे दिखया। 47 कने जडे भी उसयो सुंणा दे थे, सै उदिया समझा कने उदे जबाबा ला हेरान थे। 48 ताल् यीशुऐ दे माता पिता उसयो दिखीकरी हेरान होऐ, कने उदिया माता उसयो बोलया, “पुत्र, तू सांझो ने इयोदिया व्यवहार कजो किता? दिख, तैरे पिता कने मै, तिजो तोपा दे कने बेचने थे।” 49 उनी उना ने बोलया, “तुसां मिजो कजो तोपा दे थे? क्या तुहांजो पता नी था, की मिजो अपने पिता दे घरे होना जरूरी है?” 50 पर जडी गल्ल उनी उना ने बोली, उना सै गल्ल समझी नी। 51 ताल् सै उना कने गया, कने नासरत नगर च आया, कने उना दे कुले च रिया; कने उदिया माता ऐ सारियां गल्लां मने च रखियां। 52 कने यीशु अकला कने डील-डौल च कने परमेश्वर कने माणुऐ दे अनुग्रह च अगे बददा गया।

3 रोमी महाराजा तिबिरियुस कैसर दे राज्य दे पदमें साले च, जाल् पुन्तियुस पिलातुस यहूदिया प्रदेश दा राज्यपाल था, कने गलील प्रदेश च राजा हेरोदेस राज करा दा था कने इतूया कने ऋखोनितिस दे इलाके च उदा भाई फिलिप्पुस, कने अबिलेने प्रदेश च राजा लिसानियास राज्य करा दे थे। 2 कने जाल् हन्ना कने कैफा बडे याजक थे, उस बकते परमेश्वरे दा बचन सुनसान जगा च जकर्यह दे पुत्र यहून्ना बाल पुज्जा। 3 कने यहून्ना यरदन खड़ा दे अखे-बखे दे सारे देशां च जाई करी प्रचार करदा था, की अपने पापां जो मन्नी लिया कने गलत कम्मा जो छडी दिया तां तुहांजो परमेश्वरे माफ करणा कने बपतिस्मा लिया। 4 जियां यशायाह परमेश्वरे दा संदेश देणेबाले दे बचना दीया कताबां च लिखया है, “सुनसान जगा च इक पुकारणे बाले दी अब्राज सुणुआ दी है की प्रभु दा रस्ता तैयार करा, कने उदियां सडकां सिदियां बणा।” 5 हर इक घाटी भरी दिती जाणी, कने हर इक पहाड कने टीला थले करी देणा; कने जडा ढेरा है सै सीधा, कने जडा उच्चा सै नीठा है सै पढ़रा रस्ता बणाना। 6 कने सारे लोकां उसयो दिखणा है जिसयो परमेश्वरे उना जो बचाणे तांई भेजया है। 7 जडी भीडा दी भीड उसला बपतिस्मा लेणे तांई निकली करी ओदी थी, सै उना जो बोलदा था की, “तुसां लोक जहरीले सांपा सांई बुरे न, तुहाडा ऐ सोचणा गलत है की सिर्फ तुसां बपतिस्मा लेणे ने अपने पापां दी सजा ला बची जाणा जडी परमेश्वरे तुसां जो देणी है। 8 सजा ला बचने तांई ऐसे कम्म करा जिना ने पता चले की तुसां सच्ची ही पन्नाताप किता है; कने अपने-अपने मने च

ऐ मत सोचा, परमेश्वरे सान्झो सजा नी देणी क्योंकि साड़ा पिता अब्राहम है; क्योंकि मैं तुसा ने बोलदा है की, परमेश्वर तुहाड़ी जगा लेणे तांई इना पथरां ला भी अब्राहम तांई ओलाद पैदा करी सकदा है। 9 कने हण कुहाड़ी सखां दिया जडा च रखियो है, हर इक माणु उस सखे सांई है जडा खरा फल नी दिन्दा है, उसयो परमेश्वरे दोषी बोलणा है कने सै सख बड्डी करी अग्गी च फूकी देणा।” 10 कने लोकां उसला पुछ्या, “तां असां परमेश्वरे दिया सजा ला बचणे तांई क्या करन?” 11 यहन्ना उना जो जबाब दिता, “जिसदे बाल दो कुरते न, सै उसयो बंडी दिया जिना बाल नी न, कने जिसदे बाल खाणां है, सै भी इयां करन।” 12 कने कर लेणेबाले भी बपतिस्मा लेंणा आये, कने उसला पुछ्या, “गुरू जी, असां क्या करन?” 13 यहन्ने उना जो बोलया, “जितणा तुहांजो अधिकारियां बोलया लेणे तांई, उसला जादा चुंगी मत लेंदे।” 14 कने सिपाईयां भी उसला पुछ्या, असां क्या करन? उनी उना जो बोलया, कुसी ने लडाई मत करदे, कने कुसी पर झूठा दोष मत लांदे, कने अपणिया तनखाई पर खश रेणा। 15 जालू सारयां लोकां मसीह दे तोल्लि ओणे दी आस लगाईयो थी, कने सारे अपने-अपणे मने च यहन्ना दे बारे च सोचा दे थे, की सै ही मसीहा ता नी है। 16 तां यहन्ने उना सारयां जो जबाब दिता, “मैं तां तुहांजो पाणिये ने बपतिस्मा दिन्दा है, पर सै ओणेवाला है, सै मिजो ला भी शक्तिशाली है; मैं तां उस जोगा भी नी है की उदे जूतयां दे तस्मे भी खोली सके, उनी तुहांजो पबित्र आत्मा ने कने अग्गी ने बपतिस्मा देणा है। 17 उदा सूप, उदे हथे च है; कने उनी अपना खेतर ढगे ने साफ करणा; कने कणका जो अपने खेते च मिठेरगा, पर भुणे जो अग्गी च फुकी देणा है, सै अग कदी नी बुझदी है।” 18 सै बडिंयां सारियां शिक्षा देईकरी लोकां जो शुभसमाचार सुणांदा रिया। 19 पर जालू यहन्ना गलील प्रदेश दे इलाके दे राजा हेरोदेस जो उदे भाई फिलिप्पुस दिया घरे बाली हेरोदियास दे बारे च, कने उना दे सारे बुरे कम्मा दे बारे च जडे उनी कितयो थे, उना दी निंदा किती। 20 तां ही तां राजा हेरोदेसे सारयां ला बड्डी करी बुरा कम्म किता, की यहन्ना जो जेला च पाई दिता। 21 जालू सारे लोकां बपतिस्मा लिया, कने यीशु भी बपतिस्मा लेईकरी प्राथना करा दा था, तां स्वर्ग खुली गिया। 22 कने पबित्र आत्मा शरिरे दे स्पे च कबूतर बणी करी उस पर उतरी, कने आकाशवाणी होई: तू मेरा प्यारा पुत्र है, तिजो ला मैं खूश है। 23 जालू यीशु अणु उपदेश करणा लग्गा तां सै लगबग तियां सालां दा था कने (जदिया समझया जांदा है) की यूसुफ दा पुत्र था; कने यूसुफ एली दा पुत्र, 24 कने एली मत्तात दा पुत्र, कने मत्तात लेवी दा पुत्र, कने लेवी मलकी दा पुत्र, कने मलाकी यन्ना दा, कने यन्ना यूसुफ दा पुत्र, 25 कने यूसुफ मत्तित्याह दा, कने मत्तित्याह आमोस दा पुत्र, कने आमोस नहम दा, कने नहम असल्याह दा पुत्र, कने असल्याह नोगह दा पुत्र, 26 कने नोगह मात दा पुत्र, कने मात मत्तित्याह दा पुत्र, कने मत्तित्याह शिमी दा, कने शिमी योसेख दा पुत्र, कने योसेस योदाह दा पुत्र, 27 कने योदाह यहन्ना दा पुत्र, कने यहन्ना रेसा दा पुत्र, कने रेसा जरूबाबेल दा, कने जरूबाबेल शालतियेल दा पुत्र, कने शालतियेल नेरी दा पुत्र,

28 कने नेरी मलकी दा पुत्र, कने मलकी अड़ी दा पुत्र, कने अड़ी कोसाम दा पुत्र, कने कोसाम इलमोदाम दा पुत्र, कने इलमोदाम एर दा पुत्र, 29 कने एर येशू दा पुत्र, कने येशू एलीएजेर दा पुत्र, कने एलीएजेर योरीम दा पुत्र, कने योरीम मत्तात दा पुत्र, कने मत्तात लेवी दा पुत्र, 30 कने लेवी शमौन दा पुत्र, कने शमौन यहदा दा पुत्र, कने यहदा यूसुफ दा पुत्र, कने यूसुफ योनान दा, कने योनान एलयाकीम दा पुत्र, 31 कने एलयाकीम मलेआह दा पुत्र, कने मलेआह मिन्नाह दा पुत्र, कने मिन्नाह मत्तात दा पुत्र, कने मत्तात नातान दा पुत्र, कने नातान दाऊद दा पुत्र, 32 कने दाऊद यिशै दा पुत्र, कने यिशै ओबेद दा पुत्र, कने ओबेद बोअज दा पुत्र, कने बोअज सलमोन दा पुत्र, कने सलमोन नहशोन दा पुत्र, 33 कने नहशोन अम्मिनादाब दा पुत्र, कने अम्मिनादाब अरनी दा पुत्र, कने अरनी हिप्पोन दा पुत्र, कने हिप्पोन पेरस दा पुत्र, कने पेरस यहदा दा पुत्र, 34 कने पेरस याकूब दा पुत्र, कने याकूब इसहाक दा पुत्र, कने इसहाक अब्राहम दा पुत्र, कने सै तेरह दा पुत्र, कने तेरह नाहोर दा पुत्र, 35 कने नाहोर ससग दा पुत्र, कने ससग रूज दा पुत्र, कने रूज फिलिग दा पुत्र, कने फिलिग एबिर दा पुत्र, कने एबिर शिलह दा पुत्र, 36 कने शिलह केनान दा पुत्र, कने केनान अरफक्षद दा पुत्र, कने अरफक्षद शेम दा पुत्र, कने सै नह दा पुत्र, कने नह लेमेक दा पुत्र, 37 कने लेमेक मथशिलह दा पुत्र, कने मथशिलह हनोक दा पुत्र, कने हनोक यिरिद दा पुत्र, कने यिरिद महललेल दा पुत्र, कने महललेल केनान दा पुत्र, 38 कने केनान एनोश दा पुत्र, कने एनोश शेत दा पुत्र, कने शेत आदम दा पुत्र, कने शेत परमेश्वरे दा पुत्र था।

4 फिरी यीशु पबित्र आत्मा ने परिपूर्ण होईकरी यरदन खड्डा ला बापस आया; कने आत्मा दी अगुवाई ने सुनसान जगा च रिया; 2 कने शैतान चालियां रोजां दीकर उदी परख करदा रिया। उना रोजां च उनी कुछ नी खादा कने जालू सै रोज पुरे होई गे, तालू उसयो भूख लग्गी। 3 कने शैताने उसयो बोलया, “अगर तू परमेश्वरे दा पुत्र है तां इसी पथरे जो बोल की, तू रोटी बणी जा।” 4 यीशुए उसयो जबाब दिता, “पबित्र शास्त्र च लिखया है: माणुए सिर्फ रोटियां ने ही जिंदे नी रेणा।” 5 तालू सै शैतान उसयो लेई गिया कने पल भर च ही सारे संसारे दे राज्य उसयो दस्से। 6 कने उसयो बोलया, मैं ऐ सारे हक, कने सारा धन दौलत तिजो दिंगा, क्योंकि सै मिजो दितया है: कने जिसयो दिल करदा उसयो देई दिन्दा है। 7 इस तांई अगर तू मिजो नमस्ते करगा, तां ऐ सारा तेरा होई जाणा। 8 यीशुए उसयो जबाब दिता, “पबित्र शास्त्र च इयां लिखया है: तू अपने परमेश्वरे जो नमस्ते कर; कने उदी ही उपासना कर।” 9 तालू उनी उसयो यरूशलेम शहर च लेईजाई करी मंदरे दिया चुंडिया पर खडेरया, कने उसयो बोलया, “अगर तू परमेश्वरे दा पुत्र है, तां अपने आपे जो ऐथू ला थले फेंकी दे। 10 क्योंकि पबित्र शास्त्र च लिखया हे, उनी तेरे तांई अपने स्वर्गदूतां जो हुकम देणा, की सै तिजो बचान। 11 कने उना तिजो हथो हथ सभाली लेणा पर इयां ना हो की तेरे पैरां च पथरे ने चोट लग्गी जा।” 12 यीशुए उसयो जबाब दिता, पबित्र शास्त्र च ऐ भी लिखया है: तू अपने प्रभु परमेश्वरे दी परख मत करदा। 13 जालू

शैतान सारियां परखां करी बैठा, तालू सै थोड़ी देरां ताई उदे बखे ला चली गया। 14 फिरी यीशू आत्मा दिया शक्तिया ने परिपूर्ण होईकरी गलील प्रदेश जो बापिस गया, कने उदी चर्चा अखे-बखे दे देशां च फेली गई। 15 कने सै उना ही यहूदी जंज घरां च उपदेश करदा रिया, कने सारे उदी बडाई करदे थे। 16 कने सै नासरत च बापस आया; जिथू पलया बडोयो था; कने अपने रिबाजे दे अनुसार सब्त दे रोजे पबित्र शान्न पढने ताई यहूदी जंज घर च जाई करी खडोई गया। 17 परमेश्वरे दा संदेश देणेबाले यशायाह दी कताब पढने जो उसयो दिती। कने उनी कताब खोलिकरी सै जगा कडी जिथू ऐ लिखया था: 18 “प्रभु दी आत्मा मिंजो सोगी है, इस ताई उनी कंगालां जो शुभसमाचार सुणाणे ताई मेरा अभिषेक कितया है, कने मिंजो इस ताई भेजया है, की केदियां जो छुटकारे दा कने अननयां जो नजर मिलणे दा शुभसमाचार दा प्रचार करे कने कुचले होया जो छुडां। 19 कने प्रभु दे खुश रेणें दे साले दा प्रचार करे।” 20 तालू उनी कताब बंद करी के सेवके दे हथे च देई दिती, कने बैठी गया: कने यहूदी जंज घर दे सारे लोकां दियां नजरां उस पर थियां। 21 तालू सै उना ने बोलणा लग्गा, “अज ही तुहाडे सुणने ने ऐ लेख पूरा होया है।” 22 कने सारायां लोकां उदी प्रशंसा किती, जडियां अनुग्रह दियां गल्लां उदे मुऐ ला निकलदियां थियां, उना ला हेरान होए; कने बोलणा लग्गे, “क्या ऐ यूसुफे दा पुत्र नी है?” 23 उनी उना जो बोलया, “तुसां मिंजो पर ऐ कहावत जर बोलणी है, की हे बैध, अपने आपे जो खरा कर। जडा कुछ असां सुणाया है की तू कफरनहम शेहरे च कितया है, उसयो अपने देशे च भी कर।” 24 कने उनी बोलया, “मै तुहांजो ने सच्च बोलदा है, कुसी भी परमेश्वरे दा संदेश देणेबालयां जो अपने देशे च इज्जत नी मिलदी। 25 मेरी गल्ल सुणा। की परमेश्वरे दा संदेश देणेबाले एलियाह दे दिना च जालू साडे तिन्ना सालां दीकर कोई बरखा नी होई, ऐथू दीकर की सारे इस्राएल देशे च बडा भरी अकाल पिया, तां इस्राएल देशे च मतियां बिधवा थियां। 26 पर एलियाह जो इस्राएल च उना चे कुसी बाल भी नी भेजया गया, सिर्फ सिदोन शेहर दे बखे साफरत दे इलाके च इक होर जाति दी बिधवा बाल भेजया। 27 कने परमेश्वरे दा संदेश देणेबाले एलीशा दे बकते इस्राएल देशे च बतैरे कोडी थे, पर सीरिया दा वासी नामान जो छडी करी उना चे कोई भी ठीक नी किता, नामान होर जाति दा था।” 28 ऐ सारियां गल्लां सुणिकरी जितणे भी यहूदी जंज घर च थे, सारे गुस्से होई गे। 29 कने उना उठी करी उसयो शेहरे ला बाहर कडया, कने जिस पाहडे पर उना दा शेहर बसया था, उसयो उदिया चुंडिया पर लेई चले, ताकि उसयो ओथु ला थले फेंकी करी मारी देन। 30 पर सै उना दे बिचे ला निकली करी चली गया। 31 फिरी यीशू गलील प्रदेश दे कफरनहम शेहर च गया, कने सब्त दे रोजे लोकां जो उपदेश दिन्दा था। 32 सै उदे उपदेशे ने हेरान होई गे क्योंकि यीशू बचन अधिकारे ने बोलदा था। 33 तालू ही यहूदी जंज घर च इक माणु था, जिदे बिच इक बुरी आत्मा थी। 34 उनी जौरे ने बोलया, “हे नासरत दे यीशू, तू सांझो कजो परेशान करदा है? तू क्या सांझो खत्म करणा आया है? मिंजो पता है की, तू कुण है? तू ही

परमेश्वर दा पबित्र पुत्र मसिहा है, जडा परमेश्वरे ला आया है।” 35 यीशूऐ बुरिया आत्मा जो झिडकया कने बोलया, चुप रे; कने इस माणुऐ ला निकली जा, तालू सै बुरी आत्मा उसयो बिच पटकरी करी बिना नुकसान कितयो उस बन्दे ला निकली गई। 36 इस पर सबना जो हेरानी होई, कने सै अपु चे गल्लां करी के बोलणा लग्गे, “ऐ कदिया बचन है? की सै हक कने सामर्थ्य ने बुरियां आत्मा जो हुकम दिन्दा है, कने बुरी आत्मा इसदियां गल्लां जो मंदियां भी न।” 37 इदे बाद यीशूऐ दी चर्चा सारे पासे होणा लग्गी पेई। 38 सै यहूदी जंज घर ला उठी करी शमौने दे घरे जो गया कने शमौने दिया ससु जो बुखार चडया था, कने उना उसा ताई यीशूऐ ने बिनती किती। 39 उनी उसा बखे खडे होईकरी बुखारे जो डांटया कने बुखार उतरी गया कने सै झट पट उठी करी उदी सेबा करणा लग्गी पेई। 40 सूरजे डुबणे दे बेले जिना-जिना लोकां जो लग-लग तरा दियां बमारियां थियां उना सारायां लोका जो यीशूऐ बाल लेई आये, कने उनी इकी-इकी पर हथ रखीकरी सारायां जो ठीक किता। 41 कने बुरियां आत्मा चिखदियां कने बोलदियां होइयां मतयां लोकां ला निकली गयां की, “तू परमेश्वरे दा पुत्र है” पर सै उना जो डांटदा था, कने बोलणा नी दिन्दा था, क्योंकि उना जो पता था की ऐ मसीह है। 42 जालू दिन होया तां सै निकली करी इक सुनसान जगा पर चली गया, कने भिडा दी भीड उसयो तोपदे उस बाल आई, कने उसयो रोकणा लग्गी, की ऐथू ला ना जा। 43 पर यीशूऐ उना ने बोलया, “मिंजो होर-होर शेहरां च भी परमेश्वरे दे राज्य दा शुभसमाचार सुणाणा जरूरी है, क्योंकि मै इसी ताई संसारे च भेजया है।” 44 कने सै गलील प्रदेश दे यहूदी जंज घर च प्रचार करदा रिया।

5 इक दिन जालू यीशू गलील दे झिला दे कंडे पर खडोतया था, तां भीड परमेश्वरे दा बचन सुणने ताई उस पर डेई पोआ दी थी। 2 की उनी झिला दे बखे दो किस्तिया लगियां दिखियां, कने मछबारे उना ला उतरी करी मच्छियां पकडणे बाले जाले जो धोआ दे थे। 3 उना किस्तिया चे इकी पर, जडी शमौने दी थी, चढी करी यीशूऐ उसला बिनती किती की, किनारे ला थोड़ी हटाई ले, तालू सै किस्तिया पर बेईकरी लोकां जो उपदेश देणा लग्गा। 4 जालू यीशू लोकां ने गल्लां करी बैठा, तां उनी शमौने जो बोलया, “डुणे पाणिए च लेई चल, कने मच्छियां पकडने ताई अपने जाले जो फेंक।” 5 शमौने उसयो जबाब दिता, “हे मालिक, असां सारी रात मेहनत किती कने कुछ नी पकडया; पर तेरे बोलने ने असां जाल फेंका दे न।” 6 जालू पतरस कने उदे साथियां जाल पाया, तां मतियां भरी मच्छियां जाले च फसी गयां, कने उना दे जाल फटना लग्गी पिया थे। 7 इस पर उना अपने साथियां जो इशारा किता जडे दुईयां किस्तिया पर थे, ताकि आई करी साडी मदद करा: कने उना आई करी, दोनो किस्तिया मच्छियां ने इतणियां भरी लियां की सै डूबणा लग्गी पियां थियां। 8 ऐ दिखीकरी शमौन पतरस यीशूऐ दे पैरां च पेई गया, कने बोलया, “प्रभु जी, मेरे बखे ला चली जा, क्योंकि मै पापी माणु है।” 9 क्योंकि इतणियां मच्छियां पकडणे ने उसयो कने उदे साथियां जो बडी हेरानी होई; 10 कने तियां ही उदे साथी जब्दी दे पुत्र याकूब

कने यहन्ना भी बडे हेरान होऐ। तालू यीशुऐ शमौने ने बोलया, “डरा लोकां उदे सोगी खाणां खादा था। 30 कने फरीसी कने मूसा दी मत, हण ला तुसां माणुआं जो मेरे चले बगना सिखाणा है।” 11 कने व्यवस्था जो सिखाणे बाले उदे चेलयां जो ऐ बोली करी गल्लां करणा सै किस्तिया जो किनारे पर लेई आऐ, कने सब कुछ छडी करी उदे लगे, “की तुसां चुंगी लेणेबाले कने पापियाँ सोगी कजो खांदे पिंदे पिच्छे चली पे। 12 जालू यीशु कुसी शेहरे च था, तां दिखा, ओथु न?” 31 यीशुऐ उना जो जबाब दिता, वैध भले चंगे लोका ताई नी इक माणु था, जिसयो कोड होया था कने सै यीशुऐ जो दिखीकरी मुऐ होंदा, पर सै बिमारां ताई जरूरी होंदा है। 32 मै धर्मियों जो नी, दे भार पेई गिया, कने बिनती करणा लगा कि, “प्रभु जी अगर तू चा पर पापियों जो मन बदलने ताई सदणा आया है। 33 फरीसी कने तां मिंजो ठीक करी सकदा है।” 13 यीशुऐ हथ अगो करी के उसयो मूसा दिया व्यवस्था जो सिखाणे बालयां यीशुऐ जो बोलया, “यहन्ना छुता कने बोलया, “मै चांदा है की तू ठीक होई जा” कने तालू ही दे चले तां बराबर बरत रखदे कने प्रार्थना करदे न, कने तियां ही उदा कोड ठीक होई गिया। फरीसियाँ दे भी करदे न, पर तेरे चले तां खांदे पिंदे न।” 34 यीशुऐ 14 तालू उनी उसयो समझाया, “कुसी ने उना जो बोलया, “क्या तुसां बरातियां ला बरत करवाई सकदे न कुछ मत बोलदा, पर जाई करी अपने आपे जो याजकां जो दस, की जालू दीकर लाडा उना सोगी होऐ? 35 पर सै दिन ओणे न, जिना च तू खरा होईया कने परमेश्वरे जो भेंट चढा जिदे बारे च मूसा हुकम लाडा उना ला बख कितया जाणा है, तालू बरातियां उना रोजां च दितया है, ताकि लोक जाणी सकन की तू खरा होई गिया।” 15 पर बरत रखणे न।” 36 यीशुऐ उना ने इक होर कहणी बोली: कोई भी यीशु दे बारे च खबर होर भी जादा फेलदी गेई, कने भिडा दी भिड माणु नोऐ कपडयां जो फाडिकरी पराणे कपडयां च रफु नी लांदा है, उसयो सपने ताई कने अपणियां बिमारियाँ ला ठीक होणे ताई गिठी अगर कोई इयां करदा है तां नोआ कपडा धोणे बाद छोटा होई जांदा होई। 16 पर यीशु मसीह हमेशा सुनसान जगा च जाई करी किल्ला है, जिसने पराणे कपडे होर फटी जाणा कने सै पराणा कपडा उस प्रार्थना करदा था। 17 कने इक रोज ऐसा होया की सै उपदेश दे दा सोगी मेल नी खाणां। 37 नोऐ अंगूर दे रसे जो पराणिया खलडिया च कोई नी रखदा है नी तां नोआ अंगूर रस पराणिया खलडिया जो यस्सलेम शेहरे ला आयो थे; कने ठीक करणे ताई प्रभु दी शक्ति उस फाडी करी निकली जांदा है, कने अंगूर रस खलडिया जो बरबाद करी दिन्दा है, 38 तां तां नोआ अंगूर रस नोईयां खलडिया च ही उदा कोड ठीक होई गिया। 39 कोई माणु पराणा अंगूर रस पी करी नोआ नी रखणा चाईदा। 39 कोई माणु पराणा अंगूर रस पी करी नोआ नी पिणा चांदा क्योकि सै बोलदा है, की पराणा ही खरा है।

6 फिरी सै सब्ते दे रोजे खेतारां च होईकरी चलया था, कने उदे चले बेलां तोडी-तोडी करी कने हथा ने मल्ली-मल्ली करी खांदे जा दे थे। 2 तालू फरीसियाँ च कोई बोलणा लगे, “तुसां सै कम्म कजो करदे न जडा सब्ते दे रोजे करणा ठीक नी है?” 3 यीशुऐ उना जो जबाब दिता, की तुसां ऐ नी पडया, कि राजा दाऊदे जालू सै कने उदे साथी भूखे थे तां उना क्या किता? 4 दाऊद कियां परमेश्वरे दे घरे गिया, कने भेंट चढाईयां रोटियां लेईकरी खादियां कने अपने साथियां जो भी दितियां, जिना जो सिर्फ याजक लोक ही खाई सकदे थे? 5 कने यीशुऐ उना ने बोलया, “मै माणुऐ दा पुत्र ऐ बोलणे दा हक रखदा है कि लोकां जो सब्ते बाले रोजे क्या करणा चाईदा कने क्या नी करणा चाईदा।” 6 कने इक दिन इयां होया की सै कुसी होर सब्ते दे रोजे यहूदी जंज घर च जाई करी उपदेश देणा लगगा; कने ओथु इक माणु था, जिदा सज्जा हथ सुक्या था। 7 व्यवस्था जो सिखाणे बालयां कने फरीसी उस पर दोष लगाणे दे मोके दीया ताका पर थे, की दिखदे न की सै सब्ते दे रोजे ठीक करदा है की नी। 8 पर सै उना दे बिचार जाणदा था; तां तां उनी सुक्यो हथे बाले माणुऐ जो बोलया, “उठ, खडोई जा।” सै उठी होया। 9 यीशुऐ उना जो बोलया, “मै तुसां ला ऐ पुछदा है की सब्ते दे रोजे क्या ठीक है, भला करणा या बुरा करणा; जान बचना या मारणा?” 10 तालू यीशुऐ उना लोकां पासे दिखया। कने उस माणुऐ जो बोलया, “अपणा हथ कर रूआं।” उनी किता, कने उदा हथ खरा होई गिया। 11 पर ऐ दिखीकरी फरीसी कने मूसा दी व्यवस्था जो सिखाणे बाले बडे गुस्सा

होईं गे कने अपु चे बोलणा लमगे की असां यीशुए दा क्या करन? 12 उदे बाद यीशु धारा पर प्राथना करणे तांई गिया, कने परमेश्वरे ने प्राथना करणे च सारी रात बिताई। 13 जालू दिन होया, तां उनी अपने चेलयां जो सदीकरी उना चे बाहरा चुणी ले, कने उना जो प्रेरित बोलया। 14 कने सै ऐ न: शमौन जिदा ना उनी पतरस भी रखया; कने उदा भाई अन्दियास, कने याकूब, कने यूहन्ना, कने फिलिप्पुस, कने बरतलमै, 15 कने मत्ती, कने थोमा, कने हलफई दा पुत्र याकूब, कने शमौन जिसयो जेलोतेस बोलदे न, 16 कने याकूब दा पुत्र यहूदा, कने यहूदा इस्करियोती, जडा उसयो पकडवाणे बाला बणया। 17 तालू सै उना सोगी उतरिकरी चौरस दिया जगा पर खडोता, कने उदे चेलयां दी मती भीड कने सारे यहूदिया प्रदेश, कने यरूशलेम शहर, कने सूर कने सैदा शेहरां दे कने समुद्रे दे बखे ला बतरे लोक, 18 जडे उदी सुणना कने अपणियां बमारियां ला ठीक होणे तांई उस बाल आयो थे, ओथू थे। कने बुरियां आत्मा दे सताये होऐ लोक भी ठीक होंदे थे। 19 कने सारे उसयो छुणा चांदे थे, क्योकि उसला शक्ति निकलदी थी जडी सबना जो ठीक करदी थी। 20 तालू उनी अपने चेलयां पासे दिखीकरी बोलया, “धन्य न तुसां, जडे दीन न, क्योकि परमेश्वरे दा राज्य तुहाडा है।” 21 “धन्य न तुसां, जडे की हुण भूखे न; क्योकि तुसां रजाऐ जाणे न। धन्य न तुसां, जडे की हुण रोंदे न, क्योकि तुसां हसणा है।” 22 “धन्य न तुसां, जालू माणुए दे पुत्रे दिया बजा ने लोकां तुहांजो ने दुशमणी रखणी है, कने तुसां जो कडी देणा, कने तुहाडी निंदा करणी, कने तुहाडा ना बुरा समझीकरी तुहांजो बडी देणा है।” 23 “उस रोजे खुश होनयो, क्योकि तुहाडे तांई स्वर्ग च बडा इनाम है। उना दे बाप-दादे भी परमेश्वरे दा संदेश देणेबालयां सोगी इयां ही करदे थे।” 24 “पर तुहाडे तांई बडी बुरी सजा होणी जडे बडे अमीर न, क्योकि तुहांजो पेहले ही अपणी खुशी मिली गियो है।” 25 “तुहाडे तांई बडी बुरी सजा होणी जडे हुण रजी करी खांदे न, क्योकि उना भूखे रेणा है। तुहाडे तांई बडी बुरी सजा होणी; जडे हुण हसदे न, क्योकि बादे च शोक करणा कने रोणा है।” 26 “तुहाडे तांई बडी बुरी सजा होणी, जालू सारे माणु तुहांजो खरा बोलगे, क्योकि तुहाडे पूर्वजां उना लोकां दे बारे च खरियां गल्लां बोलियां जडे परमेश्वरे दे संदेश देणेबाले झूठे लोक थे। इसला पता चलदा की तुसां भी परमेश्वरे दे संदेश देणेबाले झूठे लोक न।” 27 पर तुसां सुणने बालयां जो मै बोलदा है, की अपने दुशमणा ने प्यार रखा; जडे तुहांजो ने बैर करन, उना दा भला करा। 28 जडे तुहांजो श्राप देन, उना जो आशीष दिया; जडे तुहाडी बेजती करन, उना तांई प्राथना करा। 29 जडा तेरिया इकी खाडिया पर थपड मारगा तां तू दूजी भी उस पासे करी दे, कने जडा तेरी चादर खोई ले, उसयो अपना कुरता देणे ला भी मत रोक। 30 जडा कोई तिजो ला मंगे, उसयो देई दे; कने जडा तेरी चिज खोई ले, उसला मंगदा मत। 31 कने जियां तुसां चांदे न की लोक तुहांजो ने करन, तुसां भी उना ने तदिया ही करा। 32 अगर तुसां अपने ने प्यार रखणेबाले ने प्यार रखन, तां तुहाडी क्या बडाई? क्योकि पापी भी तां अपने ने प्यार रखणे बालयां सोगी प्यार रखदे न। 33 कने अगर तुसां अपने ने

भलाई करणे बाले ने ही भलाई करदे न, तां तुहाडी कोई कजो बडाई करे? क्योकि पापी भी तां इयां ही करदे न। 34 कने अगर तुसां उसयो ही उधार दिन्दे न, जिसला बापस मिलणे दी आस रखदे न, तां तुहाडी कोई कजो बडाई करे? क्योकि पापी भी पापियां जो उधार दिन्दे न, ताकि उतणा ही बापस मिल्ले। 35 अपने दुशमणा ने प्यार रखा, कने भलाई करा, कने फिरी बापस नी मिलणे दी इच्छा नी रखीकरी उधार दिया; कने तुहाडे तांई बडा इनाम होणा है; कने तुसां परम प्रधान परमेश्वर दे सन्तान बणना, क्योकि सै उना पर जडे परमेश्वरे दा धन्यबाद नी करदे न कने बुरे लोकां पर भी दया करदे न। 36 जियां तुहाडा पिता दयावान है, तियां ही तुसां भी दयावान बणा। 37 “कुसी पर दोष मत लगा; तां तुहांजो पर भी परमेश्वरे दोष नी लगाणा: कुसी जो सजा नी देणी, तुसां भी दुजयां जो माफ करगे तां तुहांजो भी परमेश्वरे माफ करणा।” 38 दिया करा, तां तुहांजो भी मिलणा। लोकां पूरा नाप दबाई-दबाई करी कने हिलाई-हिलाई करी कने उभरदा होया तुहाडिया गोदा च पांणा, क्योकि जिस नापे ने तुसां नापदे न, उसी नापे ने तुहाडे तांई भी नापया जाणा। 39 फिरी यीशुए उना ने न इक होर कहाणी बोली: क्या कोई अन्ना माणु, कुसी अन्ने जो रस्ता दर्सी सकदा है? क्या इना दोना खड्डे च नी पोणा? 40 चेला अपने गुप्ते ला बडा नी होंदा, पर जडा कोई पूरा शिक्षित होंगा, सै ही अपने गुप्ते सांई होणा। 41 तू कजो अपने भाईए दियां छोटियां-छोटियां गलतियां जो दिखदा है, जडियां उदिया हखी च पिये छोटे दे कखे सांई न, कने तिजो अपणियां बडियां-बडियां गलतियां नी मिलदियां, जडियां तेरियां हखी च इक लठे सांई न। 42 जद की तिजो अपणी ही हखी दा लठा नी मिलदा है, तां अपने भाईये जो कियां बोली सकदा है, भाई स्क मै तेरी हखी दे तिनके जो कडी दिन्दा है? हे कपटी मने दे लोको पेहले तां अपणी हखी दे लठे जो कडा, तां जडा तिनका तरे भाईए दी हखी च है, उसयो ढंगे ने दिखीकरी कडी सकदे न। 43 कोई ऐसा खरा स्ख नी है, जडा बेकार फल दे, कने ना ही तां कोई बेकार स्ख है, जडा खरा फल दे। 44 हर कोई स्ख अपने फले ने पछयेणा जांदा है; क्योकि लोक झिल्लां चे अजीर नी तोडदे न, कने ना बेरी दे झीले ला अंगूर तोडदे न। 45 भला माणु अपने मने दे भले भंडारे ला खरियां गल्लां कडदा है; कने बुरा माणु अपने मने दे बुरे भंडारे ला बुरियां गल्लां ही कडदा है, क्योकि जडा मने च भस्या होंदा हे सेई सुए च ओंदा है। 46 जालू तुसां मेरा बोलया नी मंदे, तां कजो मिजो प्रभु-प्रभु बोलदे न? 47 जडा कोई मेरे बाल ओंदा है, कने मेरियां गल्लां सुणीकरी उना जो मनदा है, मै तुहांजो दसदा है की सै कुसदे सांई है? 48 सै उस माणुए सांई है, जिनी घर बणादे बेले हुगी जमीन खणीकरी पथरां दी नियां बणाईयां न, कने जालू बाढ आई तां पांणी उस घरे ने लग्गा, पर उसयो हिलाई नी सकया, क्योकि सै पक्का बणया था। 49 “पर जडे सुणीकरी नी मंदे न, सै उस माणुए सांई न, जिनी मिटीया पर बिना नियां दा घर बणया है, जालू उस पर पांणी लग्या, तालू सै झट ढेई गिया, कने सै ढेईकरी टूटी भजी गिया।”

7 जालू सै लोकां जो अपणिया सारियां गल्लां सुणाई बैठा, तां कफरनहम शेहर च आया। 2 कने ओथु कुसकी सुबेदारे दा इक सेवक जडा उदा बडा खास सेवक था, सै बमारिया ने मरणे बाला था। 3 उनी यीशु मसीह दे बारे च सुणया कने सुणिकरी केई बड़े यहदी अंगुवां जो उसला ऐ बिनती करणे तांई उदे बाल भेजया, की आई करी मेरे दासे जो ठीक करी दे। 4 सै यीशु बाल आये कने उसला बडी बिनती करी के बोलणा लग्गे, “ऐ सेनापति इस काबील है की, तू उस तांई ऐ कम्म करे, 5 क्योंकि सै साडिया जातियां ने प्यार रखदा है, कने उनी ही साडे यहदी जंज घर जो बणया है।” 6 यीशु उना सोगी-सोगी चलया, पर जालू सै घरे ला थोडी दूर था, तां सुबेदारे उसयो अपने केई साथियां बाल बोली भेजया, प्रभु जी, इतणा कष्ट मत कर, क्योंकि मै इस लायक नी है की, तू मेरे घर आये। 7 इसा बजा ला मै अपने आपे जो इसी लायक नी समझया की, तेरे बाल ओऐ, पर तू बचन ही बोली दे तां ही मेरा सेवके ठीक होई जांणा। 8 मै भी अधिकारियां दे थल्ले कम्म करणे बाला माणु है, कने मेरे अधीन सपाई कम्म करदे न, कने जालू इकी सपाईऐ जो बोलदा है कि, तू जा, तां सै चली जांदा है; कने दुरे जो बोलदा है कि, तू ऐथु आ, तां सै आई जांदा है; कने जालू मै अपने नोकरे जो बोलदा, कि ऐ कर, तां सै करी दिन्दा है। 9 ऐ सुणिकरी यीशु हेरान होया, कने उनी मु फेरिकरी उसा भिडा ने जडी उदे पिच्छे ओआ दी थी बोलया, “मै तुहांजो ने बोलदा है, कि मै इस्राएल च भी ऐदिया भरोसा नी दिखया।” 10 कने जडे साथी भेजयो थे सै घरे बापस आये, कने उस सेवके जो दिखया तालू सै ठीक होई गया था। 11 थोडे रोजां बाद सै नाईन नाऐ दे इक शेहरे जो गिया, कने उदे चले कने बडी भरी भीड उदे सोगी चलियो थी। 12 जालू सै शेहरे दे फाटके बखे पुज्जा, तां ओथु लोक इकी मुर्दे जो बाहर लेई चलयो थे कने सै अपणिया माऊ दा इकलोता पुत्र था, कने सै बिधवा थी, कने शेहरे दे मते लोक उसा सोगी थे। 13 उसा जो दिखीकरी प्रभु जो उसा पर बडा तरस आया, कने यीशुऐ उसा जो बोलया की, “रो मत।” 14 तालू यीशुऐ जाई करी अर्थिया जो छुता; कने जडे अर्थिया लेईकरी चलयो थे सै स्क्वी गे, तालू यीशुऐ बोलया, “हे जवान, मै तिजो बोलदा है, की उठ जा!” 15 तालू सै मुर्दा जिंदा होई गया, कने बोलणा लग्गी पिया: कने उनी उसयो उदिया माऊ जो देई दिता। 16 ऐ सब कुछ दिखीकरी सै सारे डरी गे; कने सै परमेश्वरे दी बडाई करी के बोलणा लग्गे, “साडे बिच इक परमेश्वरे दा संदेश देणेबाला बडा महान माणु आया है, कने परमेश्वर अपने लोकां दी मदद करणे तांई आया है।” 17 कने उदे बारे च ऐ गल्ल सारे यहदिया प्रदेशे दे इलाके कने अखे-बखे दे देशे च फेली गई। 18 कने यहून्ना जो उदे चेलयां इना सारियां गल्लां दी खबर दिती। 19 तालू यहून्ने अपने चेलयां चे दो चेलयां जो सदीकरी प्रभु बाल ऐ पुछणे तांई भेजया, “की क्या तू ही मसीह है, जिसयो भेजणे दा बायदा परमेश्वरे कितया था या असां कुसी दुजे दी नियाल रखन?” 20 उना यीशुऐ बाल जाई करी बोलया की, “यहून्ना बपतिस्मा देणेबाले सांझो तेरे बाल ऐ पुछणे तांई भेजया है, की क्या तू ही मसीह है, जिसयो भेजणे दा बायदा परमेश्वर ने कितया था या असां कुसी दुजे दी नियाल रखन?” 21 उसी बेले यीशुऐ मतयां जो बिमारियाँ कने पीडा, कने बुरियां आत्मा ला छुडाया; कने मते अनन्यां जो हखी दितियां। 22 कने यीशुऐ उना ने बोलया, जडा कुछ तुसां दिखया कने सुणया है, जाई करी यहून्ना जो बोली दिया, “की जडे अन्ने थे उना जो मिलाणा लग्गी पिया, कने जडे लंगडे थे सै चलदे फिरदे न, कने कोडियां दा कोड ठीक होई गया है, कने जडे टोणे थे सै सुणना लग्गी पे, कने मुर्दे जिन्दे होई जांदे न, कने कंगालां जो शुभसमाचार सुणया जांदा है। 23 धन्य न सै, जडे मिजो पर शक नी करदे न।” 24 जालू यहून्ना दे भेजयो संदेश देणेबाले दूत चली गे, तां यीशु यहून्ना दे बारे च लोकां ने बोलणा लग्गा, की तुसां सुनसान जगा च क्या दिखणा गियो थे? क्या होआ ने हिलदे होऐ सरकंडे जो? 25 तां फिरी तुसां क्या दिखणा गियो थे? क्या नरम कपडे लायो माणु जो? जडा मंगे कपडे पांदा है, कने ठाठ-बाठ ने मेहलां च रेंदा है। 26 तां फिरी क्या दिखणा गियो थे? क्या कुसी परमेश्वरे दा संदेश देणेबाले जो? हां, मै तुहांजो ने बोलदा है, की तुसां परमेश्वरे दे संदेश देणेबाले ला भी बड़े जो दिखया है। 27 ऐ सै ही है, जिसदे बारे च पबित्र शान्नां च लिखया है: “दिख, मै अपने संदेश देणेबाले दूते जो तेरे अग्गे-अग्गे भेजदा है, जिनी तेरा अग्गे दा रसता तैयार करणा है।” 28 “मै तुहांजो ने बोलदा है, जडे जनानिया ला जमयो न, उना च यहून्ना ला बडा कोई नी: पर जडा परमेश्वरे दे राज्य च छोटे ला छोटा है, सै उसला भी बडा है।” 29 जालू उना यीशुऐ दियां बोलियां गल्लां जो सुणया, तां सारयां लोकां ऐथु दीकर की कर लेणेबालयां भी यहून्ना ला बपतिस्मा लेईकरी परमेश्वरे जो सच्चा मनी लिया है। 30 पर फरीसियां कने व्यवस्था जो सिखाणे बालयां उसला बपतिस्मा लेणे ला मना करी दिता कने परमेश्वरे दिया मर्जिया जो जडी उना तांई थी उसा जो अपनाणे ला मना करी दिता। 31 मै इस युगे दे लोकां दी तुलना कुसने दे कि सै कुदे सांई न। 32 सै उना जागतां सांई न, जडे बजारां च बेईकरी इकी दुजे जो पुकारी करी बोलदे न। की असां तुहाडे तांई खुशिया दे गाणे गाऐ, कने तुसां नचे नी; असां रोए, कने तुसां छाती नी पिटी। 33 क्योंकि यहून्ना बार-बार बरत रखदा कने ना शराब पिन्दा था, कने सै बोलदे न कि उदे च बुरी आत्मा है। 34 मै माणुऐ दा पुत्र खांदा पिंदा है; कने तुसां बोलदे न, दिखा, पेटू कने शराबी माणु, कने कर लेणेबालयां दा कने पापियां दा साथी है। 35 “पर ज्ञान दी सच्चाई उदियां सारियां ओलादी दे सामणे आई है।” 36 फिरी कुनकी फरीसिए उसला बिनती किती, की मेरे सोगी खाणां खा; कने यीशु उस फरीसिए दे घरे जाई करी रोटी खाणां बैठा। 37 कने दिखा, उस शेहरे दी इक पापी जनानिया जो जालू ऐ पता लग्गा की फरीसी दे घरे यीशु रोटी खाणां आया है, तां सै संगमरमर दे भांडे च बडा मंगा इत्र लेई आई। 38 कने उदे पैरां बखे बेईकरी रोई-रोई करी, पैरां जो आंसुआं ने सेडणा लग्गी कने अपने बाला ने पुंजया कने उदे पैरां जो बार-बार चुमणा लग्गी कने इत्र यीशुऐ दे पैरां च मलया। 39 ऐ दिखीकरी, सै फरीसी परमेश्वरे दा संदेश देणेबाला होंदा तां इसयो पता लग्गी जांदा, की ऐ

जड़ी उसयो छुआ दी है, सै कुण है कने कदेई जनानी है? क्योंकि सै तालूकीरि उनी जौरे ने बोलया, जिस बाल सुणने तांई कन्न न सै ध्यान तां पापी जनानी है।” 40 यीशुए उदे बिचारां जो जाणी करी उना जो जबाब च बोलया, हे शमौन, मिंजो तिजो ने कुछ बोलणा है। उनी बोलया, “गुरू जी, बोला।” 41 तालू यीशुए इक कहाणी सुणाई, “कुसकी महाजने दे दो देंगदर थै, इक पंजसो दिना दी मजदुरिया दा कने दुआ पंजा दिना दी दियाडी दा देंगदर था।” 42 पर जालू उना बाल बापस करणे जो कुछ नी रिया, तां उनी महाजने दोनो जणयां दा कर्ज माफ करी दिता। उना दोनों चे कुनी उस महाजने ने जादा प्यार रखणा। 43 शमौने जबाब दिता, “मेरिया समझा च तां सै माणू जिदा जादा कर्ज माफ करी दिता।” यीशुए उसला बोलया, तू ठीक जबाब दिता है। 44 कने उसा जनानिया पासे फिरी करी उनी शमौने ने बोलया, “क्या तू इसा जनानिया जो दिखया इना क्या किता? मै तेरे घरे जो आया पर तू मिंजो पैरां धोणे तांई पाणी नी दिता, पर इना मेरे पैर आंसुआं ने धोते, कने अपने बाला ने पूंजे।” 45 तू गले लाईकरी मेरा स्वागत नी किता, पर जालू ला मै आया है तालू ला इना मेरी इज्जत करणा नी छडी है। 46 तू मेरे सरे च तेल नी मलया; पर इना मेरे पैरां च इतणा मेहंगा इन्न मली करी मेरा इज्जत मान किता है। 47 “तांई ता मै तिजो ने बोलदा है; की मते सारे पाप जडे इना कितयो न, सारे माफ होऐ, क्योंकि इना जादा प्यार किता है; पर जिदा थोडा माफ होया है, सै घट प्यार करदा है।” 48 कने उनी जनानिया ने बोलया, “तेरे पाप माफ होऐ।” 49 तालू जडे लोक ओथू रोटी खाणां बैठयो थे, सै अपने-अपने मने च सोचणा लग्गे, “ऐ कुण ऐ जडा पापां जो भी माफ करदा है क्योंकि परमेस्वर ही ऐ करी सकदा है।” 50 पर उनी जनानिये ने बोलया, “परमेस्वरे तिजो बचाई लिया है क्योंकि तू मिंजो पर भरोसा किता है, कने शांतिया ला चली जा।”

8 उदे बाद यीशु शेहरे-शेहरे च कने गांऐ-गांऐ च जाई करी प्रचार करदे होऐ कने परमेस्वरे दे राज्य दा शुभसमाचार सुणाणे लग्गा कने सै बाहरा चले भी उदे सोगीं थे। 2 कने कुछ जनानिया भी जिना जो बुरियां आत्मा कने बिमारियां ला ठीक कितया था, कने उना दे ना ऐ न: मरियम जडी मगदल गां ला थी, जिसा ला सत बुरियां आत्मा निकलियां थियां। 3 कने राजा हेरोदेस दे भण्डारी खोजा दी घरेबाला योअन्ना कने सुसन्नाह कने मतियां जनानिया अपणिया कमाईया ने यीशु कने उदे चेलयां दी सेवा करदियां थियां। 4 जालू मती भरी भीड़ गिठी होई, कने शेहरे-शेहरे दे लोक उदे बाल चली ओंदे थे, तां उनी इक कहाणी उना जो सुणाई: 5 इक किसान अपने खेतरे च बी रांणे तांई निकलया: रांदे बेले थोडे बी रस्ते दे बखे पेयी गे कने सै तां पंछियां आई करी चुगी ले। 6 कने थोडे बी पथरलिया जमिना पर पे जिथू उसयो जादा मिटी नी मिली, कने जादा मिटी नी होणे दिया बजा ने तौली लूंगी पै, कने जालू खडी धुप पेई, तां सै फकुई गे, क्योंकि उना दियां जडा डुगियां नी थियां तां सै सुकी गियां। 7 कने थोडे बी झिल्लां च पै, कने जालू झिल्ल बदे तां उना से बी डकी ले, कने उना फल नी दिता। 8 पर थोडे बी खरिया जमिना पर पे, कने सै बी लूंगे, कने मते सारे फल देणेबाले होऐ; केईयां ती गुणा, केईयां सठ गुणा, केईयां सौ गुणा फल दिता। “ऐ

बोलिकरी उनी जौरे ने बोलया, जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले।” 9 उदे चेलयां उसयो पुछया, “की इसा कहाणिया दा क्या मतलब है?” 10 उनी बोलया, तुहांजो परमेस्वरे दे राज्य दे भेदां जो समझणे दी समझ दितियो है, पर ऐ कहाणियां बाकियां तांई सुणादा है, इस तांई की “सै दिखदे होऐ भी ना दीखन, कने सुणदे होऐ भी ना समझन।” 11 इसा कहाणिया दा मतलब ऐ की: बी तां परमेस्वरे दा बचन है। 12 रस्ते बखे बाले सै न, जिना सुणाया; पर शौतान झट पट जादां कने उना दे मने ला बचन कडी दिन्दा है, ताकि कुथी इयां ना होये की सै भरोसा करी लेन कने उना दा उद्गार होई जा। 13 कने जडा पथरलिया जमिना च राया था, ऐ सै माणू न, जडे बचना जो सुणीकरी उना जो झट खुशिया ने ग्रहण करी लेंदे ना। पर परमेस्वर दे बचना जो मने दिया गहराईया च बढणा नी दिन्दे, उदे बाद जालू बचने दिया बजा ने उना पर कला क्लेश या परेशानी होंदी है, तां सै बचना ला पिच्छे हट्टी जांदे न। 14 जडे बी झिल्लां च पियो न, ऐ सै माणू न जिना बचन सुणया, पर सै संसारे दियां चिंता जो लेईकरी दुखी, कने संसारिक चिंजा दा लालच उना दे मने च रेंदा है, ऐ सब परमेस्वरे दे बचना च स्कावट पांदा है। कने सै बचन उना तांई फायदेमंद नी होंदा। 15 कने खरियां जमिना बाले बी सै न, जडे बचन सुणीकरी भले कने खरे मने ने सम्भाली करी रखदे न, सै सबर ने फल दिन्दे न। 16 कोई दिय्या बाली करी भांडे ने नी ढकदा है, कने ना मंडे हेठ रखदा है, पर धारिया पर रखदे न, ताकि अंदर ओणे बालयां जो लौ होऐ। 17 “क्योंकि जडा कुछ भी लुकया है, सै सामणे करणा है; कने हर इक गुप्त गल्ल सामणे आई जाणी है। 18 जिना बाल समझणे दी इच्छा है जडा परमेस्वर सिखांदा है, उसयो परमेस्वरे होर समझ देणी, पर जडा समझणे दी इच्छा नी रखदा, की मै क्या सिखांदा, तां सै जडा समझया है, परमेस्वरे सै भी उसला लेई लेणा।” 19 उदी माता कने उदे भाई उस बाल आए, पर भीडा दिया बजा ने मिली नी सके। 20 कने उसयो बोलया, “तेरी माता कने तेरे भाई बाहर खडोतयो न कने तिजो ने मिलणा चांदे न।” 21 उनी उदे जबाब च बोलया, “मेरी माता कने मेरे भाई ऐ ही न, जडे परमेस्वरे दे बचना जो सुणदे कने मंदे न।” 22 फिरी इक रोज सै कने उदे चले किस्तिया पर चढे, कने उनी उना ने बोलया, “ओआ, गलील झीला दे पार चलदे न।” कने उना किस्ति खोली दिती। 23 जालू किस्ति चलियो थीं तां सै सोई गिया: कने झीला च तूफान आई गिया, कने किस्ति पाणिए ने भरुणा लगीं पेई कने सै खतरे च थे। 24 तालू उना यीशुए बखे आई करी उसयो जगाया, कने बोलया, “हे स्वामी। हे स्वामी। असां डूबणा लगीं पियो न।” तालू उनी उठी करी पाणिए कने तुफाने जो डांटया कने सै स्की गे, कने सै शान्त होई गिया। 25 यीशुए उना ने बोलया, तुहाडा भरोसा कुथू था? पर सै डरी गे, कने हेरान होईकरी अपु चे बोलणा लग्गे, “ऐ कदिया माणू है? ऐथू दीकर की तूफान कने लैहं भी इदा हुकम मंदे न।” 26 फिरी सै गिरासे दे लोकां दे देशे च पुज्जे, जडा उसी पार गलील प्रदेशे दे सामणे है। 27 जालू सै किनारे पर उतरया, तां उस गांऐ दा इक माणू उसयो मिल्ला, जिदे च बुरी आत्मा

थी। कने सै कपड़े नी पांदा था, कने ना घरे रेंदा था, सै कन्निरस्तान च रेंदा था। 28 सै यीशुए जो दुःरे ला ही दिखीकरी दोडया, कने यीशुए जो इज्जत देणे तांई उदे पैरां अग्गे डेई पिया। उनी ज़ोरे ने चिलाई करी बोलया, “हे यीशु, परमपिता परमेश्वरे दे पुत्र। मिजो तिजो ने क्या कम्म? मै तिजो ने बिनती करदा है, मिजो दुख ना दे।” 29 क्योकि सै उसा बुरिया आत्मा जो उस माणुए ला निकलने दा हुकम दे दा था, क्योकि सै उदे च बार-बार प्रबल होंदी थी। लोक उसयो रसियाँ कने सुगला ने बनदे थे, तमी सै सब केसी जो तोड़ी दिन्दा था, कने बुरी आत्मा उसयो सुनसान जगा जो नठाई लेई जांदी थी। 30 यीशुए उसयो पुछया, “तेरा क्या ना है?” उनी बोलया, “मेरा ना सेना है, क्योकि मतियां बुरियां आत्मा उदे च समाई गियां थियां।” 31 कने उना उसला बिनती किती की, “सांझो अथाह कुंडे च जाणे दा हुकम मत दीदा।” (Abyssos gl12) 32 ओथु पाहडे पर इक बडा बडा सूअरां दा झण्ड चुग्गा दा था, उना उसला बिनती किती, “सांझो उना च समाणा दे।” कने यीशुए उना जो जाणा दिता। 33 तालू सै बुरियां आत्मा उस माणुए ला निकली करी सूअरां दे झण्डे च समाई गियां कने सै झण्ड पहाडे ला रिडकी करी दरियाये च पेई गिया कने सारे सूअर डूबी करी मरी गे। 34 उना दे पुहालां नदी करी शेहर कने गाए च ऐ खबर सुणाई। 35 कने जडा होया था लोक उसयो दिखणा आये कने जिस माणुए ला बुरियां आत्मा निकलियाँ थियां, उसयो यीशुए बखे कपड़े पाइकरी कने ठीक-ठाक बैठया दिखीकरी सै डरी गे। 36 कने दिखणे बालयां उना जो दसया, की सै बुरियां आत्मा ने सताया होया माणु कियां ठीक होया। 37 तालू गिरासे दे लोकां दे देशे अखे-बखे दे लोकां यीशुए ने बिनती किती, की साडे ऐथू ला चली जा: क्योकि सै बडे डरी गियो थे। कने सै क्रिस्तिया पर चडी करी चली गिया। 38 जिस माणुए चे बुरियां आत्मा निकलियाँ थियां, सै यीशुए ने बिनती करणा लग्गा, की मिजो अपणे सोगी रेंणा दे, पर यीशुए उसयो भेजी करी बोलया। 39 “की अपणे घरयो बापस चली जा कने लोकां ने बोली दे, की परमेश्वरे तैरे तांई कदे बड़े-बड़े कम्म किते ना।” कने सै जाई करी सारे शेहरे च प्रचार करणा लग्गा, की यीशुए मेरे तांई कदे बड़े-बड़े कम्म किते ना। 40 जालू यीशु बापस ओआ दा था, तां लोक उसला खुशिया ने मिल्ले; क्योकि सै यीशुए जो निर्याला दे थे। 41 यहदी जंज घर दे सरदारां चे इक याईर नाये दा सरदार आया, सै यीशुए दी इज्जत मान तांई यीशुए दे पैरां अग्गे डेई पिया, कने उनी ऐ बोली करी बडी बिनती किती, “मेरे घरे जो चल।” 42 क्योकि उदी बाहरां सालां दी इक ही कुडी थी, कने सै मरणे बाली थी। जालू सै चलदा था, तां लोक यीशुए पर डेई पोंदे थे। 43 कने इक जनानी जिसा जो बाहरां सालां ला खून चलणे दी बिमारी थी, कने उना अपणी सारी कमाई वेधां पिच्छे खचीं बैठियो थी कने तमी कूदे भी हथे ला ठीक नी होइयो थी, 44 उना पिच्छे ला आई करी उदे कपड़े दे कुंणे जो छुता, झट उसा दा खून निकलन बंद होई गिया। 45 इस पर यीशुए बोलया, मिजो कुनी छूता? जालू सारे सुकरणा लग्गे, तां पतरस कने उदे साथियां बोलया, “हे स्वामी, तू दिखा दा हे की तैरे अखे बखे इतणी भरी भीड है, कने तिजो पर देई

पोंदे ना।” 46 पर यीशुए बोलया, “कुनकी मिजो छुता है मिजो पता लगी गिया है की मिजो ला शक्ति निकली है।” 47 जालू जनानिया दिखया, की मै लुकी नी सकदी, तालू कमदी होई आई, कने उदे पैरां पर पेईकरी सारे लोकां सामणे दसया, की मै तिजो कजो छुता है, कने कियां मै झट ठीक होई गेई। 48 उनी उसा जो बोलया, “बेटी तेरा भरोसा जडा मिजों पर था उनी भरोसे तिजो ठीक कितया है, शांतिया ला चलिया।” 49 यीशु हले उसा ने गल्ल करदा ही था, यहदी जंज घरे दे सरदारे दे घरे ला कुछ लोकां आई करी बोलया, “की तेरी कुडी तां मरी गेई है” हण गुस्से जो कजो तकलीफ दे दा है? 50 जडी गल्ल सै बोला दे थे, उसा गल्लां जो यीशुए अणसुणी करिके यहदी जंज घर दे सरदारे जो बोलया, “डर मत, सिर्फ मिजों पर भरोसा रख, तां उना ठीक होई जाणा।” 51 घरे आई करी उनी पतरस, कने यहन्ना, कने याकूब कने कुडिया दे माता-पिता जो छडी करी होर कुसयो भी अंदर नी ओणा दिता। 52 कने सारे उसा तांई रोआ दे थे, पर उनी बोलया, “रोआ मत; सै मरियो नी है पर सुतियो लगे। 54 पर उनी उसा कुडिया दा हथ पकडया कने पुकारिकरी बोलया, “हे कुडी उठ।” 55 तालू उदे प्राण बापस आई गे कने सै झट उठी बैठी; फिर उनी हुकम दिता की, इसा जो कुछ खाणे जो दीया। 56 उसा दे माता-पिता हेरान होऐ, पर उनी उना जो चेतावनी दिती, की ऐ जडा होया है, सै कुसी ने मत बोलदे।

9 फिरी यीशुए उना बाहरां चेलयां जो सदिकरी उना जो सारियां बुरियां आत्मा जो कडणे कने बमारियाँ जो दूर करणे दी शक्ति कने हक दिता। 2 कने उना जो परमेश्वरे दे राज्य दा प्रचार करणे, कने बिमारियाँ जो ठीक करणे तांई भेजया। 3 कने उनी उना ने बोलया, की अपणे रस्ते तांई सिर्फ इक सोठी लेनयो। ना तां खाणे तांई रोटी लेणी, ना तां झोला, ना ही बटुए च पेसे, पर जूते पाई लेनयो कने होर कोई कपड़े पाणे तांई मत लेंदे। 4 अगर कोई तुहांजो अपणे घरे रहेणे तांई सदगा, जालू दीकर तुसां उसी गाए च रेंगे, तालू दीकर उसी दे घरे च परोणे बणी करी स्की रिया। 5 “जिसा जगा दे लोक तुहांजो अपनांगे नी कने तुहाडी सुणणे नी, ओथु ला जांदे बेले अपणे पैरां दी धुड जाडी दिनयो, ताकि उना लोकां जो पता लग्गे की परमेश्वरे दिया तरफा ला मिलणे बाली सजा दे सै अपु ही जिम्मेवार ना।” 6 सै निकलिकरी गाए-गाए च जाई करी शभसामाचार सुणा दे, कने हर कुथी लोकां जो ठीक करदे फिरदे थे। 7 कने देशे दी चौथाई दा राजा हेरोदेस ऐ सारा कुछ सुणिकरी घबराई गिया, क्योकि मतयां बोलया, की यहन्ना मरी करी जिन्दा होई गिया है। 8 कने मतयां ऐ बोलया, की एलियाह दिखया है: कने केईयां बोलया की पराणे परमेश्वरे दा संदेश देणेबाले चे कोई जिन्दा होया है। 9 पर राजा हेरोदेसे बोलया, “यहन्ना बपतिस्मा देणेबाले दा तां मै सिर कटबाया था तां हण ऐ कुण है, जिसदे बारे च ऐसिया गल्लां सुणादा मै?” कने हेरोदेसे जो उसयो दिखणे दी इच्छा होई। 10 जालू सै प्रेरित जिना जो यीशुए भेजया था, सै यीशुए बाल मुडी करी आये कने उदे चारों बखे खडोई, कने जडा कुछ उना किता, कने सिखया था, उसयो दसी

दिता, कने सै उना जो लग करिके बैतसैदा नाए दे इकी शेहरे जो लेई लोकां तहाड़ा मजाक उडाणा। फिरी जालू मै माणुए दा पुत्र, पबित्र 11 ऐ जाणी करी भीड़ उदे पिच्छे चली पेई, कने सै खुशिया स्वर्गदत्तां सोगी धरती पर ओणा है, तां मै उना लोकां जो भी अपणा ने उना ने मिला, कने उना सोगी परमेश्वरे दे राज्य दियां गल्लां करणा चेला मनणे ला मना करी देणा है, तालू सारयां लोकां मरी महिमा लग्गा, कने जडे ठीक होणा चांदे थे उना जो ठीक किता। 12 जालू दिखणी जडी मेरे पिता दी है।” 27 “मै तसां ने सच्च बोलदा है, की संज होणा लग्गी, तां उना बाहरां आई करी उसयो बोलया, “भिडा जडे ऐथू खडुतयो न, उना चे कोई-कोई ऐसे न, की जालू दीकर जो बिदा कर, ताकि असां अखे बखे दे ग्रां कने बस्तियां च जाई करी परमेश्वरे दा राज्य नी दिखी लेंगे, तालू दीकर उना मौत दा स्वाद नी अपणे रेणें ताई कने रोटिया दा इंतजाम करन, क्योंकि असां ऐथू चखणा है।” 28 इना गल्लां दे कोई अठ रोज बाद सै पतरस, कने सुनसान जगा च न।” 13 यीशुए उना जो बोलया, “तसां ही उना जो यहुन्ना कने याकूब जो सोगी लेईकरी प्राथना करणे ताई पहाडे पर खाणे जो दिया।” उना बोलया, “साडे बाल पंज रोटियां कने दो गिया। 29 जालू सै प्राथना करा दा ही था, तां उदे चेहेरे दा रूप मछियां जो छडी करी कुछ होर कुछ नी है; पर हाँ, अगर असां जाई बदलूई गिया, कने उदे कपडे चिटे होईकरी चमकणा लग्गे। 30 कने करी इना सारयां लोकां ताई रोटियां खरीदी लेई ओन, तां होई सकदा दिखा, दो परमेश्वरे दे संदेश देणेबाले मूसा कने एलिय्याह जो, जडे है।” 14 (क्योंकि ओथु लगबग पंज हजार मर्द थे।) कने उनी अपणे बडे पहले जिन्दा थे उना जो यीशुए सोगी गल्लां करदे दिखया। 31 चेलयां ने बोलया, उना जो पंजा-पंजा करिके झुण्डा च बठाई दिया। ऐ महिमा सोगी मिल्ले, कने उदे मरणे दी चर्चां करा दे थे, जडा 15 उना तियां ही किता, कने सबना जो बठाई दिता। 16 तालू उनी यरूशलेम च होणेबाला था। 32 पतरस कने उदे साथी निन्दा ने भरयो सै पंज रोटियां कने दो मछियां लिईयां, कने स्वर्ग पासे दिखीकरी थे, जालू ढंगे ने उठी होए, तां उदी महिमा; कने उना दो आदमियां धन्याबाद किता, कने तोडी-तोडी करी चेलयां जो दिन्दा गिया ताकि जो, जडे उदे बखे खडुतयो थे, दिखया। 33 जालू सै उदे बखे ला सै लोकां जो परोसी दें। 17 सारे खाई करी रजी गे। कने जालू रोटी जाणा लग्गे, तां पतरसे यीशुए जो बोलया, “प्रभु जी, साडा ऐथू रेंणा खायी बैठे तालू चेलयां बाकी बचियाँ रोटियां कने मछियां गिठेरेइयां ठीक है, इस ताई असां ऐथू तीन तम्बू बणादे न, इक तेरे ताई, इक कने उसला बाहरा टोकरियाँ भरई गियां। 18 जालू यीशु एकांत च मूसा ताई, इक एलिय्याह ताई।” पतरसे ऐ इस ताई बोलया की, सै प्राथना करा दा था, कने चेले उदे सोगी थे, तां उनी उना ला पुछया, कने दुच्चे दो चेले डरी गियो थे, कने नी जाणदे थे क्या बोलणा क्या “लोक मिंजो क्या बोलदे न?” 19 चेलयां जबाब दिता कुछ लोक करणा। 34 सै ऐ बोला दा ही था, की इक बदले आई करी उना जो बोलदे ने कि तसां यहुन्ना बपतिस्मा देणेबाले न; पर कोई-कोई बोलदे डकी लिया, जालू सै उस बदले ने घिरणा लग्गे तां सै डरी गे। 35 एलिय्याह है, कने कोई-कोई बोलदे न कि पुराणे जमाने दे परमेश्वरे कने उस बदले चे ऐ अबाज निकली, “ऐ मेरा प्यारा पुत्र है, कने मै दा संदेश देणेबालयां चे कोई इक है। 20 यीशुए उना ला पुछया, इसला खुश है, कने जडा ऐ बोलदा है उसयो ध्याने ने सुणा।” 36 ऐ “पर तसां मिंजो क्या बोलदे न?” “पतरसे जबाब दिता, परमेश्वरे अबाज होंदे ही यीशुए जो उना किल्ला दिखया; कने सै चुप रे, कने दा मसीहा।” 21 तालू यीशुए उना जो समझाई करी बोलया, “ऐ जडा कुछ उना दिखया था, उदी कोई गल्ल उना रोजा च कुनी नी कुसी ने मत बोलदे।” 22 कने उनी बोलया, कि मै, जडा माणुए किति। 37 कने दुए रोजे जालू सै पहाडे ला उतरे, तां इक बडी बडी दा पुत्र है, “मिंजो मते दुख सेहणे पोणे न, कने यहदी अगुवे, बड़े भीड़ उसला मिलणा आई। 38 तालू भिडा चे इक माणुए जोंरे ने याजकां, कने यहदी व्यवस्था जो सिखाणे बालयां मिंजो अपनाणा नी बोलया, गुरू जी, मै तिजो ने बिनती करदा है, की मेरे पुत्रे पर दया है, कने मै मारया जाणा है, कने फिरी मै तिन्ना रोजां बाद मरयां चे कर; क्योंकि सै मेरा इकलोता पुत्र है। 39 कने इक बुरी आत्मा जिन्दा होई जाणा है।” 23 यीशुए उना सबना जो बोलया, “जडा उसयो पकडी लेंदी है, कने सै इकदम बकणा लगी पोंदा है, कने सै कोई मेरा चेला बनणा चांदा है, उसयो अपणिया शरीर दियां इच्छां आत्मा उसयो ऐसा मरोडदी है, की उदे मुए ला झाग निकली पोंदा कने जडियां तरकिबां बणाईयां न उना जो छडी करी! कने जडे है; कने उसयो गेची करी बडिया मुशकिला ने छडदी है। 40 कने मै कने परमेश्वरे सोगी हमेशा दी जिन्दगी जिणे दा मोका गवाई दिगे, तरे चेलयां ने बिनती किति, की इसा जो कडी दिया; पर सै कडी नी मिजों ताई मरणे जो तैयार रेंदे न सेई मेरे चेले बणी करी मिजों पिच्छे चली सकदे न। 24 कोई माणु ऐसा नी करगा कने अपणे प्राणा जो लोकों, मै कालू दीकर तहाडे सोगी रेंगा, कने कालू दीकर तहाडे बचाणा चांहगा, उनी परमेश्वरे सोगी आत्मिक जिन्दगी जिणे दा मोका गवाई देणा है। पर जडा माणु मिजों पर भरोसा करणा कने मेरे अविश्वास जो सेहन करगा उसी जागते जो मेरे बाल लोआ।” 42 सै श्भसमाचार दिया बजा ने मरगा उस माणुए जो परमेश्वरे सोगी सदा ओआ दा ही था की बुरिया आत्मा उसयो पटकी करी मरोडया, पर ताई दी जिन्दगी मिलणी। 25 अगर तसां संसारे दा सब कुछ पाई लेंगे यीशुए बुरिया आत्मा जो डांटया कने जागते जो ठीक करिके उदे कने पर परमेश्वरे सोगी हमेशा दी जिन्दगी जिणे दा मोका गवाई दिगे, पिता जो देई दिता। 43 तालू सारे लोक परमेश्वरे दी इसा शक्तिया ला तां उदा क्या फायदा? इक माणु परमेश्वरे जो क्या देई सकदा है, जडा हेरान होए। पर जालू सारे लोक उना सारे कम्मा ने जडे सै करदा था, उदी हमेशा दी जिन्दगी खरिदगा? कुछ नी! 26 तहाडे च अगर कोई तसां मत भुलदे, क्योंकि माणुए दा पुत्र, मेरे दुशमणा दे हथे पकड़ाया माणु मिजों अपणा परमेश्वर कने मेरियां शिक्षा दा पालन करणे जो तसां मत भुलदे, क्योंकि माणुए दा पुत्र, मेरे दुशमणा दे हथे पकड़ाया मना करदा है, क्योंकि तसां डरदे न की गैर विश्वासी कने पापी जाणा है।” 45 पर ऐ गल्ल उना दिया समझा च नी आई, कने ऐ उना

ला छिपी रेई; ताकि उना जो पता नी लग्गे, कने सै इसा गल्ला दे बारे च पछणे ला डरदे थे। 46 फिरी उना च ऐ बेहस होणा लग्गी की, की सांझो चे बडा कुण है? 47 पर यीशुऐ उना दे मने दी गल्ल जाणी लेई, कने इक बच्चे जो लेईकरी अपणे बखे खडेरया, 48 कने उना ने बोलया, “जडा कोई मेरे नाए ने इस बच्चे जो अपनांदा है, सै मिंजो अपनांदा है, कने जडा कोई मिंजो अपनांदा है, सै मिंजो भेजणे बाले जो अपनांदा है, क्योंकि जडा तुहाडे चे सबना ला छोटा है, सेई बडा है।” 49 तालू यूहन्ने बोलया, “प्रभु जी, असां इकी माणुऐ जो तेरे नाए दिया शक्तिया ने बुरियां आत्मा जो कडदे दिखया है, कने असां उसयो मना भी किता, क्योंकि सै साडे सांई तेरा चेला नी था।” 50 यीशुऐ उसयो बोलया, “उसयो मना मत करा; क्योंकि जडे साडे बैरी नी है, सै साडे सोगी साथी ना।” 51 जालू यीशुऐ दे स्वर्ग जाणे दे दिन पुरे होणे बाले थे, तालू उनी यरूशलेम जाणे दा बिचार पका किता। 52 यीशुऐ ओथु जाणे ला पेहले अपणे अगगे संदेश देणेबाले दूत भेजे: सै सामरियों दे इक गांऐ जो गे, ताकि उदे तांई जगा तैयार करन। 53 पर उना लोकां उसयो उतरणा नी दिता, क्योंकि सै यरूशलेम शेहरे जो चलया था। 54 ऐ दिखीकरी उदे चेलयां याकूब कने यूहन्ना ने बोलया, “प्रभु जी; क्या तू चांदा है, की असां हुकम देन, की अम्बरे ला अगग पोये कने उना जो भस्म करी दे?” 55 पर यीशुऐ उना जो मुडी करी डांटया कने बोलया, “तुसां नी जाणदे न की तुसां कदेई आत्मा दे न। 56 क्योंकि माणुऐ दा पुत्र लोकां दे प्राणा जो खत्म करणे तांई नी पर बचाणे तांई आया है।” कने सै कुसकी होरसी गांऐ जो चली गे। 57 जालू सै रस्ते च चलयो थे, तालू कुनकी उसयो बोलया, “जिथू-जिथू तू जांगा, मै भी तेरे पिच्छे जाणा।” 58 यीशुऐ उसयो बोलया, “लोमडियां जो रेहणे तांई कुडी न, कने अम्बरे दे पछियां दे घोंसले होंदे न; पर मिंजो, माणुऐ दे पुत्रे बाल इक भी घर नही है, जिथू मै सोई सकें।” 59 उनी दूऐ ने बोलया, “मेरे चेले बणी जा।” उनी बोलया, “प्रभु जी, मिंजो पेहले जाणा दे ताकि मै अपणे पिता जो दबी ओऐ।” 60 उनी उसला बोलया, “जडे लोक आत्मिक स्पे ने मरयो न, उना जो अपणे मुर्दे दबाणा दे, पर तू जाई करी परमेस्वरे दे राज्य दा श्भसमाचार सुणा।” 61 इक होरनी बन्दे बोलया, “प्रभु जी, मै तेरे पिच्छे ओंगा; पर पेहले मिंजो जाणा दे ताकि मै अपणे घरे दे लोकां ने बिदा लेई ओऐ।” 62 यीशुऐ उसयो बोलया, “जडा कोई अपना हथ हले पर रखीकरी पिच्छे दिखदा है, सै परमेस्वरे दे राज्य जोगी नी है।”

10 इदे बाद प्रभुऐ सत्तर होर चले रखे कने जीसी-जीसी शेहरे कने जगा पर उनी अपु जाणे दी योजना बणाईयो थी ओथु उना जो दो-दो करिके अगगे भेजया। 2 कने उनी उना जो बोलया, “पकियो फसला दे खेतर बडे न; पर मजदूर थोडे न: इस तांई खेते दे मालिके ने बिनती करा, की सै अपणे खेतरां जो बडणे तांई मजदूर भेजी दे।” 3 जा; दिखा मै तुहांजो भेडां सांई भेडियां दे बिच भेजदा है। 4 इस तांई ना बटुआ, ना झोली, ना जुते; कने ना ही रस्ते च कुसयो नमस्ते करा। 5 जिसदे भी घरे जा, पेहले बोला, इस घरे दा कल्याण हो। 6 अगर ओथु कोई मेहमाना दा आदर करणे बाला

होंगा; तां तुहाडी आशीष उस पर होणी, नी तां तुहाडे बाल बापस आई जाणी। 7 उसी घरे च रिया, उस घरे ला तुहांजो जडा कुछ मिलदा है, सेई खा पिया; क्योंकि मजदूर जो तां अपणी मजदूरी मिलणा चाईदी; घरे-घरे मत फिरदे। 8 कने जिसी शेहरे च जांगे, कने ओथु दे लोक तुहांजो अपणे घरे खुशिया ने अपनांगे, तां जडा कुछ तुहाडे सामणे रखगे सै ही खा। 9 ओथु दे बिमारां जो ठीक करा: कने उना जो बोलणा, परमेस्वरे दा राज्य तुहाडे बखे आई रिया है। 10 पर जिस शेहरे च जांगे, कने ओथु दे लोक तुहांजो अपनांगे नी, तां उना दे बजारां च जाई करी बोला, 11 तुहाडे शेहरे दी धुड भी, जडी साडे पैरां च लगियो है, असां तुहाडे सामणे झाडी दिन्दे न, तमी ऐ समझी लिया, की परमेस्वरे दा राज्य तुहाडे बखे आई रिया है। 12 “मै तुसां ने सच्च बोलदा है, की न्याय बाले रोजे सै शेहरे जिथू दे लोक परमेस्वरे दा बचन नी मंदे, उना दी हालत सदोम दे लोकां दी हालत ला भी जादा भयानक होणी है।” 13 “हाय! खुराजीन शेहर कने बैतसैदा शेहर दे लोको! जडे अनोखे कम्म तुहाडे शेहरे च कितयो न, अगर सै कम्म सूर कने सैदा शेहरे च किते जांदे, तां सै ऐ दसणे तांई की उना अपणे पापां ला पश्चाताप करी लिया है, तां बडे पेहले टाट ओडी लेंदे, कने धुडी अपणे उपर छिडकी लेंदे।” 14 की परमेस्वरे दे न्याय दे रोज जडी सजा सूर कने सैदा शेहरे दे लोकां जो देणी है, सै सजा तुहाडिया सजा ला घट होणी है। 15 हे कफरनहम शेहरे दे लोको तुसां क्या स्वर्ग दीकर उच्चे किते जाणे न? तुसां तां पताल लोक दीकर थले किते जाणे न। (Madēs 986) 16 “जडा तुहाडी सुणदा है, सै मेरी सुणदा है, जडा तुहांजो तुच्छ समजदा है, सै मिंजो भी तुच्छ समझदा है; कने जडा मिंजो तुच्छ समजदा है, सै मेरे भेजने बाले जो भी तुच्छ समजदा है।” 17 सै सत्तर चले खुशिया ने बापस आई करी बोलणा लगगे, प्रभु जी, बुरियां आत्मा भी साडी गल्ल मन्नी जालू असां उना जो तेरे नाए ने हुकम दिता। 18 यीशुऐ उना ने बोलया, जालू बुरियां आत्मा तुहाडा हुकम मनया, तां मै शैताने जो बिजलिया सांई स्वर्ग ला पोंदे दिखया। 19 मै तुहांजो सपां कने बिच्छुआं जो मारणे, कने शैताने दी शक्तिया पर हक दितया है; कने कुसा भी चीजा ने तुहांजो कोई नुकसान नी होणा। 20 पर तुसां इसला खुश मत होआ, की बुरियां आत्मा तुहाडा हुकम मंदियां न, पर इसला खुश होआ की तुहाडे ना स्वर्ग च लिखयो न। 21 तालू सै पबित्र आत्मा च होईकरी खुश होई गिया, कने बोलया, पिता जी, स्वर्ग कने धरतिया दे प्रभु, मै तेरा धन्यबाद करदा है, की तू इना गल्लां जो ज्ञानिया कने समजदारां ला लुकाई रखया, कने बचयां पर प्रगत कितया है, पिता जी, क्योंकि तिजो ऐई खरा लग्गा। 22 “मेरे पिता मिंजो सब कुछ देई दितया है; कने कोई नी जाणदा है की पुत्र कुण है सिर्फ पिता ही जाणदा है, कने पिता कुण है ऐ भी कोई नी जाणदा, सिर्फ पुत्र जाणदा कने सै जिदे पर पुत्र उसयो प्रकट करणा चांगा।” 23 तालू यीशुऐ चेलयां पासे मुडी करी उना जो एकांत च बोलया, “धन्य न सै हखी, जडियां गल्लां तुसां दिखदे न उना गल्लां जो सै भी दिखदियां न। 24 क्योंकि मै तुहांजो ने बोलदा है, की परमेस्वरे दे संदेश देणेबाले मते लोक कने राजे चांदे थे, की जडियां

गल्लां तुसां दिखदे न उना जो दिखा; पर नी दिखियां कने जडियां गल्लां तुसां सुणदे न उना जो सुणा, पर नी सुणियां।” 25 इक दिन जालू यीशु लोकां जो सिखा दा था तां इक यहूदी मूसा दी व्यवस्था जो सिखाणे बालयां चे उठया; कने ऐ बोली करी उदी परख लेणा लग्गा, “गुरू जी, हमेशा दी जिनदगिया दा बारिस बणने तांई मै क्या करे?” (aiōnios g166) 26 यीशुऐ उसयो बोलया, “मूसा दी व्यवस्था च क्या लिखया है? तू उना जो कियां समझदा है?” 27 उनी जबाब दिता, “तू अपने प्रभु परमेश्वरे सोगी अपने सारे तन मन कने अपने सारे प्राण कने अपने सारे जेरे ने कने अपणिया सारिया अकला ने प्यार कर; कने अपने पडोसिये ने अपणयां सांई प्यार रख।” 28 यीशुऐ उसयो बोलया, “तू ठीक जबाब दिता, ऐई कर तां तिजो हमेशा दी जिनदगी मिलणी।” 29 पर उनी अपने कम्मा जो सही ठेहराणे तांई यीशुऐ ला पुछया, तां मेरा पडोसी कुण है? 30 यीशुऐ उसयो इक कहाणिया दे जरिये जबाब दिता, इक माणु यरूशलेम शहर ला यरीहो शहर जो चलया था, कने डाकुयाँ उस पर हमला करी दिता कने उदे कपडे उतारी दिते, कने उसयो मारी-कुट्टी करी अदमरा करी के छडी गो। 31 कने इयां होया की उस रस्ते चे इक यहूदी याजक चलया था, पर याजके उसयो दिखीकरी उदी कोई मदद नी किती कने ओथु ला चली गया। 32 इयां ही इक लेवी जडा यहूदी मंदरे च कम्म करदा था उसा जगा पर आया, उनी भी उसयो दिखीकरी उदी कोई मदद नी किती कने दुज्जे पासे ला चली गया। 33 पर इक सामरिया प्रदेश दा इक माणु उसा जगा ला निकलया जिथुँ सै जखमी माणु पिया था, उसयो दिखीकरी उस पर तरस आई गया। 34 कने उदे बखे आई करी उनी उदे जखमा पर तेल कने दाखरस लाईकरी पट्टी बन्नी, कने अपणिया सवारिया पर चडाई करी उसयो सरा च लेई गया, कने उदी सेबा किती। 35 दूऐ रोजे उनी दो दीनार (दो दीनार मतलब दो दिना दी मजदूरी) देईकरी उसा सरां दे मालके जो दिते, कने बोलया, इसदी सेबा करनयो, कने जडा कुछ तेरा होर लगगा, सै मै तिजो बापस आई करी देई दिंगा। 36 तालू यीशुऐ पुछया “हुण तेरिया समझा च जिस पर डाकुआं हमला कितया था, उदा इना तिन्ना चे पडोसी कुण होया?” 37 उनी बोलया, “सै ही जिनी उस पर तरस खादा था।” यीशुऐ उसयो बोलया, “जा, तू भी इयां ही कर।” 38 यीशु कने उदे चले जालू चलयो थे, तां सै इक गांऐ च गया, ओथु मार्था नाऐ दी इकी जनानिया उसयो अपने घरे ओणे दा नियोता दिता। 39 कने मरियम नाऐ दी उसा दी इक बेंहण थी; सै प्रभु दे पैरां बखे बेईकरी उदी शिक्षा जो सुणा दी थी। 40 पर मार्था रोटियां बणादे-बणादे घबराई गई कने उदे बखे आई करी बोलणा लग्गी, प्रभु जी, क्या तिजो जरा भी चिंता नी है की मेरिया बेंहणा मिंजो सारे कम्म करणे तांई किल्ला छडी दितया है? इस तांई उसा जो बोल, की मेरी मदद कर। 41 यीशुऐ उसा जो जबाब दिता, “मार्था, हे मार्था; तू बडियां गल्लां तांई चिन्ता करदी कने घबरादी है। 42 पर इक ही गल्ला दी चिंता करणे दी जरूरत है, कने मरियमा से कम्म तोपी लिया है, कने इसा जो इसला दूर नी किता जाणा है।”

11 यीशु कुसकी जगा पर प्राथना करा दा था। कने जालू सै प्राथना करी बैठा, तां उदे चेलयां चे इकी चले उसयो बोलया, “प्रभु जी, जियां यहन्ने अपने चेलयां जो प्राथना करणा सिखया है तियां ही सांझो सिखाई दे।” 2 यीशुऐ उना ने बोलया, तुसां इस तरीके ने प्राथना करणा चाइदी की: है साडे पिता परमेश्वर, जडा तू स्वर्ग च है; तेरा ना सारे लोकां च पबित्र मनया जा, कने तेरा राज्य सांझो च ओऐ। 3 सांझो हर रोज सै खणा दे जडा सांझो उस दिने तांई चाइदा है। 4 कने जियां असां सांझो सोगी गलत करणे बालयां जो माफ कितया है, तियां ही तू भी साडियां गलतियां जो माफ कर कने सांझो परख च फसणे ला बचा। 5 कने यीशुऐ उना ने बोलया, तुसां चे कुण है, जिसदा इक मित्र हो, कने सै अधिया राती जो उदे घरे जाई करी उसयो बोले, मिंजो तिन् रोटियां दे। 6 कयोकि मेरा इक मित्र हुणी मिंजो मिलणे तांई आया है कने मिंजो बाल उसयो खुआणे तांई कुछ नी है। 7 कने सै अंदरे ला जबाब दिन्दा है, मिंजो तंग मत कर; हुण तां दरबाजा बंद है, कने मेरे बच्चे मेरे सोगी बिस्ते च सुतयो न, इस तांई मै उठीकरी तिजो कुछ नी देई सकदा। 8 मै तुहांजो ने जडा बोलदा है उसयो समझा, अगर सै उदा मित्र होणे पर भी उसयो उठी करी नी री देणा चा, फिरी भी उस दोस्ते दे बार बार बिनती करणे पर उदिया जरूरतां दे अनुसार उतणा उठी करी जरूर दिंगा। 9 “तुसां जो जडा चाइदा सै परमेश्वरे ला मंगा कने उनी तुसां जो देणा; अगर तुसां तोपगे, तां तुसां जो मिलणा; अगर खटखटांगे, तां तुहाडे तांई खुलणा।” 10 कयोकि जडा कोई मंगदा है, उसयो मिलदा है; जडा तोपदा है, उसयो मिलदा है; कने जडा खटखटादां है, उदे तांई खुलदा है। 11 तुहाडे चे कुण ऐदिया पिता होगा, की जालू उदा पुत्र रोटी मंगे, तां उसयो पथर दे: या मच्छी मंगे तां मछिया दे बदले सप दे? 12 या अंडा मंगे तां उसयो बिच्छू देई दे? 13 “अगर तुसां बुरे होईकरी अपने बचयां जो खरियाँ चिजा देणा जाणदे न, तां तुहाडे स्वर्गीय पिता परमेश्वरे अपने मंगणे बाले जो केई जादा बदीकरी पबित्र आत्मा देणे तांई तैयार है।” 14 फिरी उनी इक गूंगी बुरी आत्मा जो कडया; जालू सै बुरी आत्मा निकली गई, तां सै गूंगा बोलणा लग्गी पिया; कने लोकां जो हेरानी होई। 15 पर उना चे कितणयां ही बोलया, “ऐ तां बुरियां आत्मा दे सरदार शैताने दी मदद लेईकरी बुरियां आत्मा जो कडदा है।” 16 होरनी उदी परख लेणें तांई उसला स्वर्ग दा कोई निशाण दसणे तांई बोलया। 17 पर उनी, उना दे मने दियां गल्लां जो जाणी करी, उना ने बोलया, “अगर कुसी राज्य च लोक अपु चे ही लडदे रेंगे तां सै राज्य उजडी जांदा है। कने अगर कुसी घरे दे माणु अपु चे ही लडदे रेंगे तां सै घर भी उजडी जांदा है।” 18 अगर शैतान अपणी ही बुरी आत्मा दे खिलाफ लडगा, तां उनी अपणा ही नाश करी लेणा है, तां फिरी उदा राज्य कियां बदी सकदा है? कयोकि तुसां मेरे बारे च तां बोलदे न, की ऐ तां शैताने दिया मददा ने बुरिया आत्मा जो कडदा है। 19 “भला अगर मै शैताने दिया मददा ने बुरियां आत्मा जो कडदा है, तां तुहाडी ओलाद कुसदिया मददा ने बुरियां आत्मा जो कडदी है? इस तांई तुहाडिया ओलादी ही तुहाडा न्याय करणा है।” 20 पर

अगर मैं परमेश्वर दिया शक्तिया ने बुरियां आत्मा जो कड़वा है, तां हेरानी होई की यीशुए खाणां खाणे ला पेहले अपने रिती रिबाजा ने परमेश्वर दा राज्य तहाडे बखे आई रिया है। 21 जालू जौरे बाला माणू हथियार लेईकरी अपने घरे दी रखवाली करदा है, तां उदी संमति बची रैदी है। 22 पर जालू उसला जादा जौरे बाला उसला लड़ी करी उसयो जीती लेंदा है, तां उदे सै हथियार जिना पर उसयो भरोसा था, उना जो खोई लेंदा है कने उदिया संपतिया जो लुटी करी बंडी दिन्दा है। 23 “जड़ा मेरे सोगी नी है सै मेरे खिलाफ है, कने जड़ा मेरे सोगी नी बटोलदा है सै खलारदा है।” 24 जालू बुरी आत्मा माणूे ला निकली जांदी है, तां सै सुकियां जगा च अराम तोपदी फिरदी है, पर उसा जो अराम नी मिलदा है। तां सै अपने आपे ने बोलदी है, कि मैं अपने तिस्सी घरे जो बापस चली जाणा है, जिस माणूे ला निकली थी, 25 “जालू सै बापस ओदी है तां उस माणूे जो उस घरे सांई पांदी है, जिसयो छेल करी साफ कने सजाया हो।” 26 तालू सै बुरी आत्मा जाई करी अपने ला होर बुरियाँ सत आत्मा जो अपने सोगी लेई ओदी है, कने सै उदे अंदर बडी करी ओथू रैदियां न, कने उस माणूे दी हालत पहले ला भी बुरी होई जांदी है। 27 जालू यीशु ए सब गल्लां बोला दा ही था तां भिडा चे इकी जनानिया उचिया अबाजा ने बोलया, “धन्य हे सै जनानी जिना तिजो पैदा कित्ता कने तिजो अपना दूध पियाया।” 28 उनी बोलया, “हौं, पर धन्य न सै, जडे परमेश्वर दा बचन सुणीकरी मंदे न।” 29 जालू बडे भरी लोकां दी भीड गिठी होआ दी थी तां सै बोलणा लग्गा, “इस युगे दे बुरे लोक चिन्न चमत्कार तोपदे न, पर परमेश्वर दा संदेश देणेबाले योना दे चिन्न चमत्कार जो छडी करी उना जो कोई होर कोई चिन्न नी मिलणा।” कने यीशु उना जो छडी करी चली गिया। 30 जियां योना नीनवे शेहेरे दे लोकां तांई चिन्न बगया, तियां ही मैं माणूे दा पुत्र भी इस युगे दे लोकां तांई चिन्न होणा है। 31 दक्षिणे दिया राणिया न्याय दे रोजे इस बेले दे आदमियां दे सोगी उठी करी, उना जो दोषी बोलणा है, क्योंकि सै राजा सुलैमान दा सुणने तांई बडी दुरे ला आई, कने दिखा ऐथू सै है जडा सुलेमान ला भी बडा है। 32 नीनवे शेहेरे दे लोकां न्याय दे रोजे इस बेले दे लोकां सोगी खडे होईकरी, इसा पीढी दे लोकां जो दोषी बोलणा है; क्योंकि उना योना दा प्रचार सुणि करी मन बदलया है कने दिखा, ऐथू सै है जडा योना ला भी बडा है। 33 “कोई माणू दिया बाली करी थले या टोकरूे हेठ नी रखदा है, पर धारिया पर रखदा हे ताकि अंदरे ओणे बालयां जो लौ होऐ।” 34 तेरियां हखी तेरे शरीर तांई इक दिव्ये सांई न, इस तांई अगर तेरी हख साफ है, तां तेरा सारा शरीर भी लौ लुआन है; पर अगर सै बुरी है, तां तेरा शरीर भी नेहरे च है। 35 तांई तां ध्यान रखा, की जडी लौ तिजो च है सै नेहेरा ना होई जाये। 36 इस तांई अगर तेरा सारा शरीर लौ लुआन हो, कने उदा कोई हिंसा नेहरे च नी रे, तां सारे दा सारा शरीर ऐसा लौ लुआन होणा, जियां उस बेले हौंदा है, जालू दिया अपणिया लौइ ने तिजो लौ दिन्दा है। 37 जालू यीशु अपना प्रचार खत्म करी बेठा, तां इकी फरीसिये उसला बिनती कित्ती, की मेरे घरे रोटी खाणां चल; कने सै अंदर जाई करी रोटी खाणां बैठा। 38 फरीसी जो ऐ दिखीकरी बडी

हेरानी होई की यीशुए खाणां खाणे ला पेहले अपने रिती रिबाजा ने हथ पैर नी धोते। 39 प्रभू यीशुए उसयो बोलया, “हे फरीसियों, तुसां ऐसे भांडे न, जडे तां उपरे-उपरे ला तां साफ न, पर तुसां दे मने अंदर लालच कने बुराई भरईयो है।” 40 हे मुखौं, जिनी बाहरे दा हिंसा बणाया है, क्या उनी ही अंदरे दा हिंसा नी बणाया है? 41 गरीब लोकां जो दान देईकरी अपना मन अंदरे ला साफ करा, तां दिखा सब कुछ तहाडे तांई पबित्र होई जाणा। 42 “पर हे फरीसियों, तहाडे तांई बडा बुरा होणा है! तुसां पुदीने कने जरि दा, कने सारिया भान्तिया दे साग पतयां दा दसमां हिंसा दिन्दे न, पर न्याय जो कने परमेश्वर दे प्यारे जो टाल्ली दिन्दे न; तहांजो इयां करणा चाईदा था की इना जो भी करदे रेंदे कने उना जो भी नी छडदे।” 43 हे फरीसियों, तहांजो तांई बडा बुरा होणा है! तुसां यहूदी जंज घर च खास-खास जगा च आसन कने ऐ चांदे न की बाजारां च लोक तहांजो नमस्ते बोलन। 44 “तहांजो तांई बडा बुरा होणा है। क्योंकि तुसां उना लुकियां कबरां दे सांई न, जिना पर लोक चलदे न, पर जाणदे नी ना।” 45 तालू इकी व्यवस्था जो सिखाणे बाले उसयो जबाब दिता, “गुरू जी, ऐसिया गल्लां बोली करी तू साडी निंदा करा दा है।” 46 उनी बोलया, “हे व्यवस्था जो सिखाणे बालयो, तहांजो तांई बडा बुरा होणा है। तुसां ऐसे बोझे जो माणूे पर लददे न, जिसयो चुकणा बडा मुशकिल है, पर तुसां अपु उना बोझां जो अपणिया इकी उंगलियां ने भी नी हिलांदे न।” 47 तहांजो तांई बडा बुरा होणा है। तुसां उना परमेश्वर दा संदेश देणेबालयां दियां कबरां बणादे न, जिना जो तहाडे बाप दादयां मारी दिता था। 48 इसा गल्ला दे तुसां गबाह न, कने अपने बाप दादयां दे कम्मा ने सहमत न; क्योंकि उना तां उना जो मारी दिता कने तुसां उना दियां कबरां बणादे न। 49 इस तांई तां परमेश्वर दिया अकला भी बोलया है, की मैं उना बाल परमेश्वर दा संदेश देणेबालयां कने प्रेरितां जो भेजगी, कने उना इना चे कितणयां जो मारी देणा, कने कितणयां जो सताणां है। 50 ताकि जितणे भी परमेश्वर दा संदेश देणेबालयां दा खून इस संसारे दे शुरू ला बहाया है, सबना दा लेखा, इस युगे दे लोकां ला लेंणा है। 51 हाबिल दिया हत्या ला लेईकरी परमेश्वर दा संदेश देणेबाले जकर्याह दिया हत्या दीकर जिसयो बेदी कने मंदरे दे बिच मारया था; मैं तुसां ने सच्च बोलदा है; उदा लेखा इस बकते दे लोकां ने लेंणा है। 52 “व्यवस्था जो सिखाणे बालयां लोकां पर लानत है! क्योंकि तहांजो बाल स्वर्ग जाणे दा रस्ते दा पता था। पर तां भी तुसां उसी रस्ते पर नी चले कने दुजे लोकां जो भी जाणे ला रोकी लिया है।” 53 जालू सै ओथू ला निकलया, तां व्यवस्था जो सिखाणे बाले कने फरीसी बडे पिच्छे पैई गे, कने छेडना लग्गे, की सै बडियां गल्लां दी चर्चा करे, 54 कने उदिया ताका पर लगी रे, की उदे मुऐ दी कोई गल्ल पकडन।

12 इतणे च ओथू जालू हजारों दी भीड होई गेई, ऐथू दीकर की लोक इकी दुऐ पर डेई पोदे थे, तां यीशुए सबना ला पेहले अपने चेलयां ने बोलया, फरीसियां दी कपटरूपी जिन्दगी ला जडी खमिरे सांई है उसा ला बची करी रेनयो। 2 क्योंकि कुछ भी ढक्या नी है, जडा खोलया नी जाणा है; कने कुछ छुपया नी है, जडा

सामने नी ओणा है। 3 ताईं तां जडा कुछ, तुसां नेहेरे च बोलया है, जिन्दगी कने कपडयां ला शरीर जादा बदीकरी है। 24 कोयां पर सै लौइ च सुणाया जाणा, कने जडा तुसां अंदर कमरयां च कन्ना च बोलया है, उदा छती पर चढी करी प्रचार होणा। 4 “पर मै तुसां ने बोलदा है, जडे मेरे साथी न, कि जडे शरीर जो मारी सकदे न, पर सै आत्मा जो नी मारी सकदे न, उना ला डरदे मत।” 5 मै तुहांजो चेतावनी दिन्दा है की तुहांजो कुसने डरना चाईदा, तुहांजो उस परमेस्वरे ला डरणा चाईदा जिसयो तुहांजो मारणे ला बाद नरके च भेजणे दा हक है। (Geenna g1067) 6 “क्या बडी घट कीमत च पंज चीडियाँ नी बिकदियां? तमी परमेस्वर उना चे इकी जो भी नी भूलदा।” 7 बल्कि तुहाडे सिरे दे सारे बाल भी गिणयो न, इस ताईं डरा मत, तुसां परमेस्वरे ताईं मतियां चीडियाँ ला भी बदीकरी कीमती न। 8 मै, माणुए दे पुत्र तुहांजो बोलदा है जडे कोई बोलदे न, की सै मेरे चेले न, उसयो मै भी अपने स्वर्गीय पिता परमेस्वर दे सामणे अपने चेले मनी लेंगा। 9 पर अगर सै दूजयां दे सामणे ऐ बोलणे ला डरदे न, कि असां यीशुए दे चेले न, तां परमेस्वरे भी अपने स्वर्गदांतां सामणे तुहांजो चेला नी मनणा है। 10 पर जडा कोई माणुए दे पुत्रे दे बारे च कोई बुरी गल्ल बोलगा, उदा ऐ अपराध माफ होई जाणा, पर जडा कोई पबित्र आत्मा दे बारे च बुरा बोलगा, उदा अपराध माफ नी होणा है। 11 “जालू लोक तुहांजो यहदी जंज घर च कने हाकिमां कने अधिकारियां दे सामणे लेई जांगे, तां चिंता मत करदे की असां कियां या क्या जबाब दें, या क्या बोलन।” 12 क्योंकि पबित्र आत्मा तुहांजो तालू ही सिखाई देणा, की क्या बोलणा चाईदा। 13 फिरी भिडा चे इकी माणुए यीशुए बोलया, “गुरू जी, मेरे भाईए जो बोल, की पिता दी जमीन जयादात मिंजो देई दे।” 14 यीशुए उसयो बोलया, “हे माणु, कुनी मिंजो तुहाडा न्याय करणे बाला या धन बंडणे बाला बणया है?” 15 कने यीशुए उना जो बोलया, “ध्यान रखा, कने हर तरा दिया मोहमाया ने अपने आपे जो बचाई रखा; क्योंकि कदी भी जिन्दगी उदिया जमीन जायदात ला जादा नी होदी।” 16 यीशुए उना जो इक कहाणी सुणाई, कुसकी अमीर दिया जमिना च मती भरी फसल होई। 17 तालू सै अपने मने च सोचना लगगा, की मिंजो नी समझ ओआ दी की मै क्या करे, क्योंकि मेरे बाल तां इतणी जगा ही नी है, जिथू मै अपनी सारिया फसला जो रखी सके। 18 कने उनी बोलया, मै इयां करणा है की अपने गोदामें दिया बखारियां जो तोडी करी उना ला बडियां बणाणियां न; कने ओथू अपनी सारी संपति कने फसल रखणी; 19 कने इहे बाद अपने आपे ने बोलणा, की तेरे बाल मते साला ताईं मती धन दौलत कने फसल रखियो है; मजे ने खा पी, सूखे ने रे। 20 पर परमेस्वरे उसयो बोलया, हे मुर्ख! इसा राती तू मरी जा; तां तालू जडा कुछ तू गठेरया है, सै कुसदा होणा? 21 “इयां ही उस माणुए ने भी होणा है जडा सब कुछ अपने ताईं गठेरदा, पर परमेस्वरे दिया सेवा करणे ताईं अपनी क्षमता कने धन दौलत खर्च नी करदा।” 22 फिरी उनी अपने चेलयां ने बोलया, ताईं तां मै तुहांजो बोलदा है, अपनी जिन्दगी दी चिंता मत करा, की असां क्या खांगे; ना ही अपने शरीर दी की असां क्या पांगे। 23 क्योंकि रोटिया ला

जिन्दगी कने कपडयां ला शरीर जादा बदीकरी है। 24 कोयां पर ध्यान दिया; ना सै रातें न, ना सै बडदे न, न उना बाल खेत; ना उना दे गोदाम होंदे न जिथू से गठेरी सकन, तमी परमेस्वर उना जो पालदा है। तुहाडी कीमत पछियां ला भी बदीकरी है। 25 तुसां चे ऐसा कुण है, जडा चिंता करणे ने अपणिया जिन्दगिया च इक घडी भी बधाई सकदा है? 26 इस ताईं अगर तुसां सबना ला छोटा कम्म भी नी करी सकदे, तां जिन्दगी च दुजियां गल्लां दी कजो चिंता करदे न? 27 “जंगली फुलां दे बारे च सोचा की सै कियां बडुदें न, सै ना तां मेहनत करदे न, कने ना ही कपडे पादे न, तमी मै तुसां ने बोलदा है, की जालू राजा सुलेमान बाल धन दौलत थी, तालू भी उनी जंगली फुलां चे कुसी साईं भी कपडे नी पायो थे।” 28 इस ताईं अगर परमेस्वर दरबडे दे घाए जो, जडा अज है, कने कल अमी च फुकया जाणा, तमी परमेस्वर घाए जो इतणी सुन्दरता दिन्दा है, तां हे अल्पविश्वासियो, तां उनी पक्का तुहाडी देखभाल करणी है, तुहाडा भरोसा इतणा घट कजो है? 29 कने तुसां इसा गल्लां दिया तोपा च मत रिया, की क्या खांगे कने क्या पीगे, कने ना ही शक करा। 30 क्योंकि जडे लोक परमेस्वरे जो नी जाणदे सै इना चिजां जो तोपदे रेंदे न; कने तुहाडा पिता जाणदा है, तुहांजो इना चिजां दी जस्रत है। 31 पर उदे राज्य दिया तोपा च रिया, तां ऐ चिजां भी तुहांजो मिली जाणियां। 32 तुसां मेरे ताईं भेडां दे झुण्ड साईं न, इस ताईं कुसा भी गल्ला दे बारे च मत डरा; क्योंकि तुहाडे परमेस्वर पिता जो ऐ खुशी है, की तुहांजो राज्य दे। 33 अपणिया जमीन जयादात जो बेचिकरी दान करी दीया; कने अपने ताईं ऐसे बटुए बणां, जडे पराणे नी होंदे, इदा मतलब की स्वर्गं च ऐसा धन गठेरा जडा घटदा नी है कने जिसदे नेडे चोर नी जांदा है, कने खराब करणे बाला कीडा नी लगदा। 34 क्योंकि जिथू तुहाडा धन है, ओथू तुहाडा मन भी लगया रेंदा है। 35 हमेशा सेवा करणे ताईं तैयार रिया कने सारी रात तुहाडे दिव्ये बलदे रेंन। 36 कने तुसां उना माणुए साईं बणा, जडे अपने मालिके जो निव्याला दे होन, की सै बियाह ला कालू बापस ओंगा; की सै जालू आई करी दरबाजा खट खटागां तां झट उदे ताईं खोली देन। 37 धन्य न सै सेवक, जिना जो मालिक आई करी उदे बापस ओणे दी निव्याल रखदे दिखे; मै तुहांजो ने सच्च बोलदा, की उनी इक सेवके साईं कपडे पाई करी उना जो रोटी खाणां बठणा, कने अपु उना जो खांगे ताईं परोसणा। 38 अगर सै अधिया राती या ब्यागा पेहर च आई करी उना जो जागदा दिखे, तां सै सेवक धन्य न। 39 पर तुसां ऐ जाणी लिया, की अगर घरे दा मालिक जाणदा, की चोरे कुसा घडिया ओणा है, तां सै जागदा रेंदा, कने अपने घरे च चोरी नी होणा दिन्दा। 40 तुसां भी मेरे बापस ओणे ताईं तैयार रिया; क्योंकि मै, माणुए दे पुत्रे ऐसिया घडिया स्वर्गं ला ओणा जालू तुसां मेरे ओणे दी उम्मीद नी कितियो होणी है। 41 तालू पतरसे बोलया, “प्रभु जी, क्या ऐ कहाणी तू सांझो ही बोला दा है की सबना जो बोलदा है।” 42 प्रभु यीशुए बोलया, “सै भरोसे लाइक कने अकला बाला भंडारी कुण है, मालिक जिसयो नोकरां-चाकरां दा सरदार बणाए ताकि सै उना जो टेमे दा खांगे पिणे दा समान दे।” 43 धन्य है

सै सेवक, जिसयो उदा मालिक आई करी ऐसा ही करदा दिखे। 44 मैं तुहांजो ने सच्च बोलदा; उनी उसयो अपणिया सारिया संपतिया दा मालिक बनाई देणा। 45 पर अगर सै सेवक सोचना लगगे, की मेरे मालिके जो ओणे च हल्ले बडा बकत है, कने सै दासां कने दासियाँ जो मारणा-कुटणा कने खाणां-पिणा कने शराबी होणा लगगे। 46 तां उस दासे दे मालिके ऐसे रोजे ओणा है जिस दिने सै उसयो निय्याला दा नी होणा, कने ऐसी घडी जिसा जो सै जाणदा ना होणा, ताल् उदे मालिके ओणा, उसयो खरियाँ झिडकां देईकरी उदी गिणती अक्विवासियां सोगी करी देणा। 47 कने सै सेवक जडा मालिके दी इच्छा जाणदा था, कने तैयार नी रिया कने ना उदिया मरजिया चलाया, उनी बडी मार खाणी। 48 पर जिसयो पता नी होईकरी मार खाणे जोगा कम्म करे उनी घट मार खाणी, तांई तां जिसयो जादा दितया है उसला जादा मंगया जाणा है; कने जिसयो जादा सौंपया है, उसला जादा दा हिसाब लेणा है। 49 मैं धरतिया पर अगग लगाणा आया है; बस ऐ ही चांदा है, की हुण ही लगी जांदी! 50 मिंजो जल्द ही इक भयंकर पीड झेलणा पोणी है; कने जाल् दीकर सै पीड नी झलगा ताल् दीकर मैं बडा बेचेन है। 51 तुसां क्या सोचदे न की मैं धरतिया पर लोकां बिच मेल मिलाप करणा आया है? मैं बोलदा है, नी मैं लग करणा आया है। 52 क्योकि अगर कुसी इकी घरे दे पंज जणे न, तां उना अपु चे बख रेणा है, तिन्ना जाणया जडे मिंजो पर भरोसा नी करदे उना दां जणयां दा बिरोध करणा जडे मिंजो पर भरोसा करदे न। 53 पिता पुत्रे ने, कने पुत्रे पिता ने बेर रखणा; माता कुडिया ने, कने कुडिया माता ने, ससु नुआ ने, कने नुआ ससु ने बैर रखणा है। 54 कने यीशुऐ भिडा ने भी बोलया, जाल् तुसां बदलां जो पशचिम ला उददे दिखदे न, तां झट बोलदे न, की बरखा होणी है, कने इयां ही होंदा है। 55 कने जाल् दक्षिणी होआ चलदी दिखदे न तां बोलदे की ल् चलणी, कने इयां ही होंदा है। 56 हे कपटियाँ, तुसां धरती कने अम्बरे दे स्पे च भेद करी सकदे न, पर इस युगे च परमेस्वर क्या करा दा है, उदे बारे च भेद कजो नी जाणदे न। 57 तुसां जो अपु ही फेस्ला करणा चाईदा की तुहाडे तांई क्या ठीक है? 58 जाल् त् अपने मुई सोगी न्याय करणे बाले बाल चलया है, तां रस्ते च ही उसला छुटणे दी कोसिस करी ले इयां ना हो, की सै तिजो जजे बाल लेई जाए, कने जज सिपाई बाल देई दे कने सिपाई तिजो जेला च पाई दे। 59 मैं तुहांजो बोलदा है, कि जाल् दीकर त् दमडी-दमडी नी देई दिंगा ताल् दीकर ओथु ला नी छुटी सकणा है।

13 उस बेले कुछ लोक आई रे, कने उना यीशुऐ ने बोलया, की रोमी राज्यपाल पिलातुसे गलील प्रदेशे दे थोडे लोकां दी हत्या करी दितियो थी, जाल् से मंदिर च बलि चढा दे थे। 2 ऐ सुणीकरी यीशुऐ उना जो जबाब च ऐ बोलया, “क्या तुसां ऐ समझदे न, की ऐ गलील प्रदेशे दे लोक, बाकी सारयां गलीली लोकां ला जादा पापी थे की उना पर ऐ मुशकिल पेई?” 3 मैं तुसां ने बोलदा, की नी थे; पर अगर तुसां भी अपने पापां जो नी मनगे कने मन नी बदलगे तां तुसां भी इयां ही खत्म होणा है। 4 या क्या तुसां समजदे न, की उना ठारा जणयां दे बारे च तुहाडा क्या बोलणा है जाल् उना पर शीलुह दा

गुम्मत पिया, कने सै दबुई करी मरी गे: क्या सै यरुशलेम शेहरे दे होर सारे रेणे बालयां ला जादा पापी थे? 5 “मैं तुसां ने बोलदा है, की नी थे; पर अगर तुसां मन नी बदलया तां तुसां भी इना सांई ही खत्म होणा।” 6 फिरी उनी ऐ कहाणी भी सुणाई, की कुसकी अंगूरा दे बागे च इक अंजूरि दा रख लगया था: सै उदे च फल तोपणा हर साल आया, पर नी मिल्ले। 7 ताल् उनी बागे दे रखबाले जो बोलया, दिख मैं तिन्ना सालां ला इस अंजूरि दे रखे च फल तोपणा ओंदा है, पर मिलदे नी न, इसयो बडी दे क्योकि ये खरिया जमिना जो खराब करा दा है। 8 “उनी उसयो जबाब दिता, की हे मालिक इसयो इस साल तां रेंपी दे; की मैं इदे चारो पासे खूणी करी खाद पां। 9 अगली बरी अगर ऐ फलगा तां ठीक नितां इसयो बडी दियां।” 10 सब्ने दे रोजे यीशु इकी यहदी जंज घर च उपदेश दे दा था। 11 कने ओथु इक जनानी थी, जिसा जो ठारां सालां ला इक बुरी आत्मा बिकलांग करी रखया था, कने सै बडी जादा कुबडी होई गियो थी, कने कुसी भी तरीके ने सिदी नी होई सकदी थी। 12 यीशुऐ उसा जो दिखीकरी सदया, कने बोलया, “हे नारी, त् इसा अपणिया बिमारिया ला छुटी गेई।” 13 ताल् उनी उसा पर हथ रखे, कने सै झट सीधी होई गेई, कने परमेस्वरे दी बडाई करणा लगगी। 14 इस तांई की यीशुऐ उसा जो सब्ने दे रोजे ठीक किता था, यहदी जंज घरे दा सरदार लोकां ने बोलणा लगगा, “इक हफ्ते च छे रोज न, जिना च असां कम्म करी सकदे न, इना रोजा च आई करी ठीक होआ; पर सब्ने दे रोजे नी।” 15 ऐ सुणीकरी प्रभु यीशु जबाब दिता, “हे कपटियाँ, क्या सब्ने दे रोजे तुसां सारे जणे अपने दांदा या गधे जो बेकां ला खोलिकरी पाणी पिणा नी लेई जांदे?” 16 ऐ जनानी जडी अब्राहमे दे बंशज है, जिसयो शैताने ठारां सालां ला बन्नी रखया था, क्या ठीक नी था की सब्ने दे रोजे अपने बंधने ला छुडाई जांदी? 17 जाल् उनी ऐ गल्लां बोलियाँ, तां उदे सारे बिरोधी शरमिंदा होई गे, कने सारी भीड उना महान कम्मा ने जडे सै करदा था, खुश होई। 18 फिरी यीशुऐ बोलया, “परमेस्वरे दा राज्य कुसदे सांई है? कने मैं उदी तुलना केसने करे?” 19 “सै राईया दे इकी दाणे सांई है, जिसयो इकी माणुऐ लेईकरी अपणिया जमिना च राया है: कने सै बडोईकरी रख बणी गिया; कने अम्बरे दे पंछियां उदियां डालियाँ पर अपने घोंसले बणाए।” 20 उनी फिरी बोलया, मैं परमेस्वरे दे राज्य दी तुलना केसने करे? 21 “सै खमिरे सांई है, जिसयो इकी जनानिया लेईकरी बडे सारे आटे च पाया, कने होंदे-होंदे सारा अटा खमीर बणी गिया।” 22 सै शेहर-शेहर, कने अपने चेलयां सोगीं ग्रं-ग्रं होईकरी उपदेश दिन्दा होया यरुशलेम शेहर दे पासे जा दा था। 23 कने कुंनकी यीशुऐ पुछया, “प्रभु जी, क्या परमेस्वरे कुछ लोकां जो ही अनन्तकाल दी सजा ला बचणा है?” उनी उना जो बोलया, 24 परमेस्वरे दे राज्य च जाणे दी कोशिश करा, क्योकि परमेस्वरे दे राज्य च अंदर जाणा सुंगडे दरवाजे ला अंदर जाणे सांई है, क्योकि मैं तुसां ने बोलदा है, की मतयाँ अंदर जाणे दी कोशिश करणी है, पर जाई नी सकणा है। 25 जाल् परमेस्वर जडा घरे दा मालिक है उठी करी दरवाजा बंद करी बैठया हो, कने तुसां बाहर खडोई करी दरवाजा खट खटाई

करी कने बिनती करी बोलन, प्रभु जी, साडे तांई खोली दे, कने सै जबाब दे की मैं तुहांजो नी जाणदा, तुसां कुथु ला आयो न? 26 “तालू तूसां बोलणा लगणा, की असां तेंरे सामणे खादा पीता कने तू साडे बजारां च उपदेश दिता।” 27 पर परमेश्वरे बोलणा, मैं तुसां ने बोलदा है, मैं नी जाणदा तुसां कुथु ला न। हे बुरे कम्म करणे बालयां, तुसां सारे मिंजो ला दूर होई जा। 28 ओथु रोणा कने दंद पीणे: जालू तूसां पूर्वज अब्राहम कने इसहाक कने याकूब कने सारे परमेश्वरे दे संदेश देणेबालयां जो परमेश्वरे दे राज्य च बैठया कने अपने आपे जो बाहर कडया दिखणा। 29 तालू पुरे संसारे ला लोक आई करी परमेश्वरे दे राज्य दिया दावता च हिस्सेदार होंगे। 30 “कने दिखा, जडे पिछले न, उना पेहले होई जाणा, कने जडे पेहले न, उना पिछले होणा।” 31 उसा घडिया कितणे ही फरीसियां आई करी उसयो बोलया, ऐथू ला निकली करी चली जा; क्योंकि राजा हेरोदेस तिजो मारी देणा चांदा है। 32 उनी उना ने बोलया, जाई करी उस माणुए जो बोली दिया जडा लोमडियां सांई चलाक है, की दिख मैं अज कने कल सारी बुरी आत्मा जो कडदा कने बिमारां जो ठीक करदा है कने तिजे रोजे अपना कम्म पूरा करणा है। 33 तमी मिंजो अज कने कल कने परसु सफर करणा जरूरी है, क्योंकि इक परमेश्वरे दा संदेश देणेबाला सिर्फ यरूशलेम शेहेरे च ही मारया जाणा है। 34 “हे यरूशलेम शेहेर दे लोको! तुसां इना परमेश्वरे दा संदेश देणेबालयां जो मारी दिता है, जडे पेहले रेंदे थे कने उना लोकां जो पथरां ने मारदे न जिना जो तुहाडे बाल भेजया; कितणी ही बरी मैं ऐे चाया, की जियां मुर्गी अपण्यां बचयां जो अपने फंगा थले गिठे करदी है, तियां ही मैं भी तेंरे बचयां दी रखबाली करे, पर तू ऐे नी चाया।” 35 “दिखा, तुहाडा मंदिर तुहाडे तांई उजाडी छडया है, कने मैं तुसां ने बोलदा है; जालू दीकर तुसां नी बोलगे, की धन्य है सै, जडा प्रभु दे नाऐे ने ओंदा है, तालू दीकर तुसां मिंजो कदी नी दिखणा है।”

14 फिरी यीशु सन्ते दे रोजे फरीसियां दे सरदारां चे कुसकी दे घरे रोटी खाणां खाणे तांई गिया: कने सै यीशु जो ढंगे ने ताका दे थे की कोई गलती तोपी सकन। 2 ओथु इक माणु था, जिसदे हथ कने पैर सूजी गियो थे। 3 इसा गल्ला पर यीशुएे व्यवस्था जो सिखाणे बालयां कने फरीसियों ने बोलया, “क्या सन्ते दे रोजे लोकां जो ठीक करणे दी अनुमति व्यवस्था च है, की नी है?” 4 पर सै चुपचाप ही रे। तालू यीशुएे उस पर हथ रखीकरी ठीक किता, कने जाणा दिता। 5 कने उना जो बोलया, “मन्नी लिया कि तुसां चे कुसकी दा जागत या दांद सन्ते दे रोजे खुऐे च पेई जा कने उसयो उस रोजे झट बाहर ना कडे?” 6 सै इना गल्लां दा कोई भी जबाब नी देई सके। 7 तालू उनी दिखया, की सदयो लोक कियां सै जगा चुणी लेंदे जिथू सबते खास लोक बोंदे न, तां यीशुएे उना जो इक कहाणी सुणाई करी उना ने बोलया, 8 जालू कोई तिजो बियाये दिया धामा च सदगा, तां तुसां उना खास आसना च मत बोंदा, कुथकी इयां ना हो की उनी तिजो ला भी बडे खास बंदे जो न्युंदू दितियो हो। 9 कने जिनी तिजो कने उसयो दोनो जो न्युंदू दितियो है, सै आई करी तिजो ने बोले, की इसयो जगा दे, तालू तिजो शरमिदा होईकरी

सारयां ला पिच्छे बालिया जगा च बोणा पोऐे। 10 पर जालू तिजो सदगे, तां सारयां ला पिच्छे बालिया जगा जाई करी बेई जा, की जालू सै, जिनी तिजो सदया हे सै ओऐे, कने तिजो ने बोले की हे मित्र, अगरे जाई करी खास बाली जगा च बैठ; तालू तेंरे सोगी बोणे बालयां दे सामणे तेंरी बडाई होंगी। 11 “क्योंकि जडा कोई अपने आपे जो बडा महान बणांगा, उसयो छोटा किता जाणा; कने जडा कोई अपने आपे जो छोटा बणांगा, सै सबते महान कितया जाणा।” 12 तालू यीशुएे अपने न्युंदू देणेबाले फरीसियो जो भी बोलया, “जालू तू दिने दा या राती दा खाणां खांगा, तां अपने दोस्तां या भाईयां या रिशतेदारां या अमीर पडोसियां जो मत सददा, की इयां ना हो, की सै भी तिजो सदन, कने जडा तू खाणा खुआया उदा बदला होई जाऐे।” 13 “पर जालू तू रोटी खाऐे, तां गरीबां जो, लंगडयां जो कने अन्नयां जो सदी लियां। 14 तालू तू धन्य होणा, क्योंकि उना बाल तिजो देंणे तांई कुछ नी है, पर जालू धर्मी लोकां दे फिरी जिन्दा होई जाणा तालू परमेश्वरे तुहांजो इदा इनाम देणा।” 15 उदे सोगी रोटी खाणे बालयां चे इकी ऐे गल्लां सुणि करी उसयो बोलया, “धन्य है सै, जडा परमेश्वरे दे राज्य दिया धाम च शामिल होंगा।” 16 उनी उसयो बोलया, कुनकी माणुएे बडी बडी धाम दिती कने मतयां जो सदया। 17 जालू खाणां तैयार होई गिया, तां उनी अपने नोकरे जो भेजया कि जिना जो न्युंदू दितियो उना लोकां जो बोली ओआ, की ओआ, खाणां तैयार है। 18 पर सै सारे दे सारे माफी मंगणा लगगे, पेहले माणुएे उसला बोलया, मैं खतर खरीदया है कने जरूरी है की मैं उसयो दिखें; मैं तिजो ने बिनती करदा है, की मिंजो माफ करी दे। 19 दूऐे माणुएे बोलया, मैं पंज जोडी दांद खरिदयो न, कने उना जो परखणा जाणा है; मैं तिजो ने बिनती करदा है की मिंजो माफ करी दे। 20 इकी होरनी बोलया, की मैं बियाह कितया है, इस तांई मैं नी आई सकदा है। 21 उनी सेवके आई करी अपने मालिके ने ऐे गल्ल सुणाई। तालू घरे दे मालिके गुस्से च आई करी बोलया, शेहेरे दे बजारां कने गलियां च जाई करी झट कंगालां, टुडे, लंगडयां कने अन्नयां जो ऐथू लेंई ओआ। 22 सेवके फिरी बोलया, हे मालिक, जियां तू बोलया था, तियां ही कितया है; फिरी भी जगा है। 23 “मालिके सेवके ने बोलया, सडकां कने बागां च जाई करी लोकां जो मजबूर करी के लेई आएे ताकि मेरा घर भरई जा। 24 क्योंकि मैं तुसां ने बोलदा है, की पेहले सदयो होऐे लोकां चे कोई भी मेरिया रोटिया जो नी चखगा।” 25 कने जालू मती भीड यीशुएे सोगी चलियो थी, तां उनी पिच्छे मुडी करी उसला बोलया। 26 “जडे लोक मेरे बाल ओंदे न, सै तालू दीकर मेरे चले नी बणी सकदे, जालू दिकर अपने माता-पिता कने घरे बाली कने बच्चे कने भाई बंहेण कने अपने आपे ला जादा प्यारा मिंजो ने नी करदे।” 27 जडा मेरिया बजा ला दुख सेहन कने मरणे तांई तैयार नही है, सै भी मेरा चेला बणने दे लायक नही है। 28 “अगर तुसां चे कोई इक बडा बडा घर बणाणा चांदा हो, तां उनी सबते पेहले बेईकरी इसा गल्ला दा हिसाब लाणा की इसयो बणाणे च कितणा खर्चा ओणा, कने दिखणा की इसयो पूरा करणे तांई पूरा पैसा है की नी।” 29

अगर उनी इयां नी किता, तां उनी जालू नियां पाई करी घरे जो पूरा तैयार नी करी सकणा, तां सारे दिखणे बाले ऐ बोलिकरी उदा मजाक उडाणा, 30 की इनी माणुऐ घर बाणाणा तां शुरू किता, पर पूरा बणाई नी सकया? 31 “अगर इक राजा दस हजार माणुआं जो लेईकरी दुऐ राजे ने लडना चलया हो, जडा बी हजार माणुआं जो लेईकरी उस पर हमला करणा ओआ दा हो, तां सबते पेहले बेईकरी इसा गल्ला पर बिचार करे की जडा बी हजार लेईकरी मिजो ने लडना ओआ दा है, क्या मैं उदा सामणा करी सकदा है की नी?” 32 नितां उदे दूर रेदे ही, उसला संधी करणे दे बारे च गल्ल बात करणे तांई सै दूतां जो भेजे। 33 इयां ही तुसां चे जडा कोई अपना सब कुछ छडी दे, सै ही मेरा चेला होई सकदा है। 34 लूणं तां खरा होंदा है, पर अगर उदा स्वाद बिगडी जा, तां उदा स्वाद कियां नमकीन करणा? 35 “सै तां ना जमिना दे ना तां खादी दे कम्मे ओदा है: उसयो तां लोक बाहर फेकी दिन्दे न। जिस बाल सुणने तांई कन्न न सै ध्यान लाईकरी गल्ला जो सुणे, कने इसा गल्ला जो समझी ले।”

15 सारे कर लेणेबाले कने पापी लोक यीशु बाल ओदे थे ताकि उदी सुणन। 2 कने फरीसी कने व्यवस्था जो सिखाणे बाले बोलणा लग्ये, “ऐ तां पापी लोकां ने मिलदा है कने उना सोगी खाणा खांदा है।” 3 तालू उनी उना जो ऐ कहाणी सुणाई; 4 “अगर तुसां चे कुसी बाल सो भेडां होन, कने उना चे इक गबाची जाये तां सै उना नडिनुऐ भेडां जो सुनसान जगा च छडी करी, उसा गवाचिया जो तालू दीकर तोपे जालू दीकर सै मिल्ली न जा।” 5 कने जालू मिली जांदी है, तां सै बडिया खुशिया ने उसा जो मुंडे पर चुकी लेंदा है। 6 कने अपने घरे आई करी दोस्तां कने पडोसियां जो गिठे करी के बोलदा है, मेरे सोगी खुशी मना क्योंकि मेरी गबाचियो भेड मिली गई है। 7 मैं तुसां ने बोलदा है; की इयां ही इक मन बदलने बाले पापिये दे बारे च स्वर्ग च इतणी ही खुशी होणी, जितनी की उना नडिनुऐ धर्मियां दे बारे च नी होंदी जडे सोचदे न की सै धर्मी न, कने जिना जो पश्चाताप दी जरूरत नी है। 8 तालू यीशुऐ इक होर कहाणी सुणाई अगर कुसी जनानिया बाल दस चांदी दे सिक्के होन, कने उना चे इक सिक्का गबाची जाऐ; तां सै दिय्या वाली करी कने पूरे घरे च बोखरिया ने सोतया, तालू दीकर सै ध्यान लगाई करी तोपदी रेई जालू दीकर तोपी ना ले। 9 कने जालू मिली जांदा है, तां सै अपणियां सेलियां कने पडोसियां जो गठेरी करी बोलदी है, की ओआ मेरे सोगी खुशी मना क्योंकि मेरा गबाचया सिक्का मिली गया है। 10 “मैं तिजो ने बोलदा है; की इयां ही इक पापी माणु जालू अपने पापां जो मन्नी लेंदां हैं, तां परमेस्वरे दे स्वर्गदूत उस पापी तांई खुशी मनादे न।” 11 फिरी उनी इक होर कहाणी सुणाई, इकी माणुऐ दे दो पुत्र थे। 12 उना चे छोटे जागते पिता ने बोलया, पिता जी, की जडा हिसा मेरा जमीन जयादात च है, सै हण मिजो देई दिया। कने पिता उना जो अपणी सारी जमीन जयादाद दोनो जागतां बिच बंडी दिती। 13 “कने कुछ दिना बाद की छोटा पुत्र सारा कुछ गठेरी करी दूर कुसी देशे जो चली गया कने ओथु बुरे कम्मा कने खाणे पिणे च अपणी सारी धन दौलत उडाई दिती।” 14 जालू सै

सारा कुछ खचीं बैठा, कने उसी देशे बडा बडा अकाल पेई गया, कने उस बाल खाणे पिणे जो कुछ नी बचया। 15 कने सै उसी देशे दे रेहणे बाले इक माणुऐ दे घरे कम्म करणे तांई गया। उनी उसयो अपने खतरां च सुअरां जो चुगाणे तांई भेजया। 16 कने सै इतणा भूखा था, की सै उना फलियां जो खाणे ने इतणा खुश था जिना जो सूअर खांदे थे, क्योंकि उसयो कोई कुछ नी दिन्दा दा खाणे जो। 17 जालू उसयो समझ आई तां सोचणा लग्या कने बोलणा लग्या, की मेरे पिता दे कितणे ही मजदूरां जो खाणे ला जादा रोटी मिलदी है, पर मैं ऐथू भूखा मरा दा। 18 मैं हण उठी करी री अपने पिता बाल जाणा है कने बोलणा की पिता जी मैं परमेस्वर दे खिलाफ च कने तेरिया नजरा च पाप कितया है। 19 हण इसी जोगा नी है की तेरा पुत्र बणे, मिजो अपने इकी मजदूरे सांई ही रखी ले। 20 तालू उनी उस देशे जो छडी दिता कने अपने पिता बाल जाणे तांई बापस चली पिया, सै अजे दूर ही था, की उदे पिता जो उसयो दिखीकरी तरस आई गया, कने उस पासे दोडी करी उसयो गल्ले लाई लिया, कने बडे चूमे ले। 21 पुत्रे उसला बोलया, पिता जी, मैं परमेस्वरे दे खिलाफ च कने तेरिया नजरा च पाप कितया है; कने मैं हण तेरा पुत्र होणे जोगा नी रिया है। 22 पर पिता अपने नोकरां ने बोलया, झट छेल दे कपडे कडी करी इसयो पेहना, कने इदिया उंगलियां च गुन्डिया कने पैरां च जतियां पेहना, 23 कने इक बडी बडी धाम तैयार करा ताकि असां खाई करी खुशी मना। 24 क्योंकि मैं सोचया था की मेरा ऐ पुत्र मरी गया है, पर ऐ मरया नी है: गबाची गया था, पर हण मिली गया है। कने सै खुशी मनाणा लाग्ये। 25 जालू ऐ सब होआ दा था पर उदा जेठा पुत्र खतरां च कम्म करा दा था। कने सै जालू घरे बखे पुज्जा, तां उनी गाणे-बजाणे कने नचणे दा रोल्ला सुणया। 26 कने उनी इकी नोकरे जो सदीकरी पुछया, ऐ क्या होआ दा है? 27 उनी उसला बोलया, तेरा भाई घर बापिस आया है, कने तेरे पिता बड्डी धाम तैयार कितयो है, क्योंकि सै भला चंगा घर बापस आया है। 28 ऐ सुणिकरी उसयो बडा गुस्सा आई गया कने सै घरे अंदर नी जादा था, इस तांई उदा पिता बाहर आई करी उसयो अंदर चलणे तांई मनाणा लग्या। 29 उनी पिता जो जबाब दिता, की दिख; की मैं इतणे सालां ला तेरी सेबा करा दा है, कने कदी तेरी गल्ल नी टाल्ली, तमी तू मिजो अजे दीकर कदी तू मिजो कुछ खरा नी दिता, की मैं अपने दोस्तां सोगी खुशी मनां। 30 पर जालू तेरा ऐ पुत्र आया, जिनी तेरी सारी धन दौलत कन्जरियां पिच्छे उडाई करी आया है, तां तू इदे तांई बडी धाम लगायी। 31 “उनी उसला बोलया, मेरा पुत्र तू हेमेशा मेरे सोगी है; कने जडा कुछ मेरा है सै सब कुछ तेरा ही है। 32 पर हण तिजो खुशी मनाणी कने मगन होणा चाईदा क्योंकि तेरा ऐ भाई मरी गया था पर ऐ मरया नी है: गबाची गया था, पर हण मिली गया है।”

16 फिरी उनी चेलयां जो भी कहाणी सुणाई, कुसकी इक अमीर बन्दे दा इक भंडारी था, कने लोकां उदे सामणे उस पर इलजाम लगाया की ऐ तेरिया धन दौलत जो उडाई दिन्दा है। 2 कने उनी अमीर बंदे अपने भंडारी जो सदीकरी बोलया, ऐ क्या है

जड़ा मैं तेरे बारे च मैं क्या सुणादा है? तू मेरे पैसयां दा क्या कितया है सारा हिसाब दे; क्योंकि तू अजे बाद भंडारी नी है। 3 “तालू भंडारी सोचणा लग्गा, की हुण मैं क्या करे? क्योंकि मेरा मालिक मिंजो भंडारी दे कम्मे ला कडा दा है: कोई मेहनत बाला कम्म तां मिंजो ला होंदा नी, कने भीख मंगणे ने मिंजो शर्म ओदी है।” 4 मिंजो पता है की क्या करणा ताकि जालू मिंजो भंडारिये दे कम्मे ला कडया जांगा तां लोक मेरी मदद करन। 5 कने उनी अपने मालिके दे देणदारां जो इक-इक करी के सदया कने पेहले ला पुछया, की तिजो पर मेरे मालिके दा कितणा कर्ज है? 6 उनी बोलया, 3,700 लिटर तेल, तालू उनी उसला बोलया, की अपणी खाता बही ले कने बेईकरी झट 1,850 लिटर तेल लिखी दे। 7 फिरी दुज्जे ला पुछया, तिजो पर कितणा कर्ज है? उनी उसला बोलया, 20,000 किलो कणक, तालू उनी उसयो बोलया, अपना बही खाता ले कने 16,000 किलो कणक लिखी दे। 8 मालिके उस अधर्मी भंडारी दी तारीफ किती, की उनी चलाकिया ने कम्म कितया है; क्योंकि इसा तुनिया दे लोक अपने बकते दे लोकां सोगी व्यवहार करणे च ज्योति दे लोकां ला जादा चलाक न। (aiōn g165) 9 कने मैं तुसां दे बोलदा है, की संसारिक पेसे ने अपने ताई मित्र बणाई लिया; ताकि जालू ऐ पैसा नी रेंगा तां अनन्तकाल दे घरे च तुहांजो रेहणे ताई जगा दे। (aiōnios g166) 10 जडा छोटिया-छोटिया गल्लां च भरोसे दे लायक है, सै बडियां गल्लां च भी भरोसे दे लायक है: छोटिया-छोटिया गल्लां च भरोसे दे लायक नी है, सै बडियां गल्लां च भी भरोसे दे लायक नी है। 11 इस ताई जालू तुसां संसारिक पैसे च भरोसे दे लायक नी, तां तुहांजो स्वर्ग दा धन कुनी देणा? 12 अगर तुसां होरसी दे पैसे च भरोसे दे लायक बणी रे, तां जडा तुहाडा है, उसयो तुहांजो कुण दिगा? 13 “कोई सेवक दो मालिकां दी सेबा नी करी सकदा: क्योंकि उनी इकी ने बेर कने इकी ने प्यार रखणा; या इकी ने मिली की रेंगा कने दुज्जे जो बुरा समझणा: तुसां परमेस्वर कने धन दौलत दोनो दी सेबा नी करी सकदे।” 14 फरीसी जडे लालची थे, ऐ सारियां गल्लां सुणिक्री उदा मजाक उडाणा लग्गे। 15 यीशुऐ उना ने बोलया, “तुसां तां माणुऐ दे सामणे अपने आपे जो सही दसदे न: पर परमेस्वर तुहाडे मने जो जाणदा है, जडी चीज आदमियां दिया नजरा च बडी जरूरी है, सै परमेस्वरे दिया नजरा च बुरी है।” 16 जालू यहन्ना बपतिस्मा देणेबाला आया, उसला पेहले मूसा दी व्यवस्था कने परमेस्वरे दा संदेश देणेबाले तुहाडे मार्गदर्शक थे, पर परमेस्वरे दे राज्य दा शुभसमाचार दा प्रचार सुणाया जादा है, कने हर कोई परमेस्वरे दे राज्य अंदर जाणे ताई उताबले न। 17 “परमेस्वरे दिया व्यवस्था दे इक बिन्दुऐ दे मिटी जाणे ला, अम्बर कने धरतिया दा खत्म होई जाणा असान है।” 18 उदाहरण ताई जडा कोई अपणिया घरे बालिया जो छडी करी दुजिया ने बियाह करदा है, सै ब्यभिचार करदा है, कने जडा कोई ऐदिया जनानिये ने बियाह करदा है, सै भी ब्यभिचार करदा है। 19 यीशुऐ इक होर कहाणी सुणाई इक अमीर माणु था सै बडे मेणे कने मलमले दे कपडे पेहनदा था कने हर रोज शानदार खाना खादां कने ठाठ बाठ ने रेंदा था। 20

कने लाजर नाऐ दा इक गरीब जिदे शरीर च फोड़े थे उसयो लोक उस अमीर माणुऐ दे घरे बाहर छडी दिन्दे थे। 21 कने सै चांदा था, की अमीर माणुऐ दे खाने बाद बचयो जुटे टुकडयां ने अपना पेट भरे, कने कुते भी आई करी उदे जखमा जो चटदे थे। 22 कने इयां होया की सै गरीब मरी गया, कने स्वर्गदूत लाजर जो पूर्वज अब्राहम बाल लेई गया। कने सै अमीर भी मरया कने दबी दिता, 23 कने पताल च पीडा ने तडफदे होऐ उनी उपर दिखया कने दूरे ला लाजर जो अब्राहमे दे बखे बैठया दिखया। (Hadēs g86) 24 कने उनी जारे ने अबाज लाईकरी बोलया, हे पिता अब्राहम, मिंजो पर दया करी के लाजरे जो मिंजो बाल भेजी दे, ताकि सै मिंजो अपणिया उंगलियां दे सिरे जो सेडी करी मेरिया जीभा जो ठंडा करे, क्योंकि मैं इसा अग्गी ने तडपा दा है। 25 पर अब्राहमे बोलया, हे पुत्र याद कर, की तू अपणिया जिंदगियां च खरियाँ चिजा लेई बैठया है, कने तियां ही लाजर जो सारियां बुरियां चिजां पर इसयो हुण ऐथु शांति मिल्ला दी है, कने तू तडपा दा है। 26 कने इना सारियां गल्लां जो छडी करी साडे कने तुहाडे बिच इक बडी बड्डी खाई है ताकि जडा ऐथु ला उस पर जाणा चा सै ना जाई सके, कने ना कोई ओथु ला इस पार साडे बाल आई सके। 27 उनी बोलया, हे पिता जी, मैं तिजो ने बिनती करदा है, की तू लाजर जो मेरे पिता दे घरे भेज, 28 क्योंकि मेरे पंज भाई न, मैं चांदा है की लाजर जाऐ कने मेरे भाइयां जो चेताबनी दे, इयां ना होऐ की सै भी इसा पीडा दिया भयानक जगा च ओन। 29 अब्राहमे उसला बोलया, उना बाल चेताबनी देणे ताई तां मूसा दी व्यवस्था कने परमेस्वरे दा संदेश देणेबाले न, उना जो इना जो सुणना चाईदा। 30 “उनी बोलया, नि, पिता अब्राहम; पर अगर कोई उना जो चेताबनी दे, तां उना अपने पापां दा पश्चाताप करणा है। 31 अब्राहमे उसयो बोलया, जद सै मूसा कने परमेस्वरे दा संदेश देणेबालयां दी नी मदे न, तां अगर कोई मरयां चे जिन्दा होई जा तां उना उदी गल्लां दा भी भरोसा नी करणा।”

17 फिरी यीशुऐ अपने चेलयां बोलया, ऐ गल्लत ता पक्की है कि परिक्षां माणुऐ पर जस्त्र ओणियां न जडा उना जो पाप करणे दी बजा बणगा, पर हाय उसी माणुऐ पर, जिदिया बजा ने सै ओदियां न। 2 पर जडा कोई इना छोटयां चे कुसी इकी जो भी भरोसे ला भटकांदा है या उना दे पाप करणे दी बजा बणदा है, उदे ताई तां खरा होंदा, कि उदे गले च बड़े घराटे दा पथर लटकाया जाऐ, कने डुणे समुद्रे च डोबया जाऐ। 3 “ध्यान रखा; अगर तेरा मसीह भाई गलत कम्म करे तां उसयो समजाआ, कने अगर सै पछतांगा तां उसयो माफ करी दे।” 4 “अगर सै दिन भर च सत बरी तिजो ने गलत करे कने सतों बरी तैरे बाल आई करी बोले, की मैं पछतादां है, तां उसयो माफ करी दे।” 5 तालू प्रेरितां प्रभु यीशु ने बोलया, “साडे भरोसे जो होर जादा बढा कने मजबूत करा।” 6 प्रभुऐ बोलया, अगर तुहाडा भरोसा राईया दे दाणे बराबर भी होंदा, तां अगर तुसां इस तुते दे स्खे जो बोलदे की तू जडा ला उखडी करी समुद्रे च लगी जा, तां उनी तुहाडी मनी लेणी। 7 अगर तुहाडा सेवक हल जोती करी, या भेडां चुगाई करी बापस घरे जो ओऐ, तां उसयो बोले, झट आ कने

रोटी खाई ले? 8 ना, उनी तां इयां बोलणा, की मिजो ताई रोटी बना कने जालू दीकर मैं रोटी खां तालू दीकर मेरी सेबा करणे ताई तैयार रे इदे बाद तू भी खाई लिया? 9 क्या तुसां अपने सेवके जो उस कम्मे जो करणे ताई धन्यवाद नी करगे जडा तुसां उसयो करणे ताई बोलया था? 10 “इयां ही जालू तुसां सै सब कुछ करी लिया हो जडा तुसां जो करणे ताई बोलया था, तां तुसां जो ऐ बोलणा चाईदा, असां निकम्मे सेवक न; की जडा सांझो करणा चाईदा था सेई असां कितया है।” 11 जालू यीशु कने उदे चले यरूशलेम शेहरे जाणे बाले रस्ते पर चलयो थे, सै सामरियां कने गलील प्रदेश ला होईकरी जा दे थे। 12 कने कुसकी गांए ला जांदे बेले उसयो दस कोढी मिल्ले। 13 कने उना दुरे ला ही खडोई करी, “जोरे ने बोलया, यीशु जी, मालिक जी, सांझो पर दया कर।” 14 यीशुए उना जो दिखीकरी बोलया, “यरूशलेम दे मंदिर च जाओ; कने अपने आपे जो याजकां जो दस्सा कि तुसां खरे होई गियो न” कने सै जांदे-जांदे ही ठीक होई गे। 15 तालू उना चे इकी ऐ दिखया की मैं ठीक होई गिया है, सै जोरे ने बोली करी परमेश्वरे दी बडाई करदा यीशुए बाल बापस आया; 16 कने यीशुए दे पैरां पर झुकी करी धन्यावाद करणा लग्गा; कने सै सामरी था। 17 इसा गल्ला पर यीशुए बोलया, क्या सै दसो जणे ठीक नी होऐ, तां सै होर नौ जणे कतां न? 18 “क्या इस गैर यहदी जो छडी करी कोई होर नी निकलया, जडा परमेश्वरे दी बडाई करदा है?” 19 तालू यीशुए उसला बोलया, “उठी करी चली जा; क्योंकि तू भरोसा कितया है की तू ठीक होई गिया है।” 20 जालू फरीसियां उसयो पुछया, की परमेश्वरे दा राज्य कालू ओणा है? तां यीशुए उना जो जबाब दिता, “परमेश्वरे दा राज्य इयोदिया नी है, जिसयो तुसां दिखी सकदे न। 21 कने लोकां ऐ नी बोलणा, की दिखा, ऐथू है, या ओथू है। क्योंकि दिखा, परमेश्वरे दा राज्य तुहाडे बिच है।” 22 कने यीशुए चेलयां ने बोलया, सै दिन ओणे न, जिना च तुसां माणुए दे पुत्रे दे रोजां चे इकी रोजे जो दिखणा चाणा है, पर नी दिखी सकणा है। 23 लोकां तुसां ने बोलणा, दिखा मसीह ओथू है! या दिखा ऐथू है! पर तुसां चली मत जांदे कने पिच्छे ही मत होई जांदे। 24 क्योंकि जियां बिजली अम्बरे दे इकी छोरे ला दुए छोरे दीकर चमकदी है, तियां ही मैं माणुए दे पुत्रे भी अपने रोजे च सामणे ओणा है। 25 पर पेहले बडा जरूरी है, की सै बडे जादा दुख झेले, कने उसयो इसा पीढी दे लोक निच बोलन। 26 जियां साडे पूर्वज नूह दे रोजां च होया था, तियां ही माणुए दे पुत्रे दे रोजां च होणा है। 27 जिस रोजे दीकर नूह जहाजे पर नी चढया, उस दिने दीकर लोक खांदे पिंदे थे, कने उना च बियाह शादियां होदिया थियां; तालू जल-प्रलय आई कने सब कुछ खत्म करी दिता। 28 कने तियां रिती ला ही साडे पूर्वज लूत दे रोजां च होया था जडा सदोम शेहरे च रे दा था, की लोक खांदे-पिंदे कने लेंग देंग करदे, कने पेड लागाने कने घर बनादें थे; 29 पर जिस रोजे लूत सदोमे ला निकलया, उस रोजे अम्बरे ला अग्ग गन्धक बरसी कने सारे लोकां जो जडे शेहर च रेदे थे खत्म करी दिता। 30 कने सै रोज भी इयोदिया होणा, जालू मैं माणुए दे पुत्रे इयां ही इकदम दोबारा बापिस ओणा है। 31 उस रोजे

जडा छती पर होंगा, कने उदा समान घरे हो, तां सै उसयो लेणे ताई थले ना उतरे, कने तियां ही जडा खेतरे जो गिया हो सै बापस नी ओऐ। 32 साडे पूर्वज लूत दी घरे आली जो याद रखा, की उसा कने क्या होया था। 33 जडा कोई अपने प्राणा जो बचाणा चांहगा, उनी परमेश्वरे सोगी आत्मिक जिन्दगी जिणे दा मोका खोई देणा है। जडा कोई मेरे ताई अपनी जान गबांगा उसयो परमेश्वरे सोगी सदा ताई दी जिन्दगी मिलणी। 34 मैं तुसां ने बोलदा है, उसा राती दो माणु इकी मंझे पर होणे, पर इक लेई जाणा कने दुज्जे जो छडी देणा है। 35 “दो जनानिया सोगी चक्की पिचो दियां होणियां, इक लेई जाणी कने दुई छडी देणी। 36 (दो जणे खेतरे च होणे न, इक लेई जाणा कने दूजा छडी देणा।)” 37 ऐ सुणीकरी उना उसला पुछया, हे प्रभु ऐ कुथु होणा है? उनी उना ने बोलया, हर कोई जाणदा है ऐ कुथु होणा है तियां सारे जाणदे न जिथू लाश है, ओथु इल्लां गिठियां होदियां न।

18 फिरी यीशुए अपने चेलयां जो इदे बारे बोलया की रोज प्राथना करणा कने कदी हिम्मत नी छडणी चाईदी, इस ताई उना ने ऐ कहाणी सुणाई: 2 “कुसकी शेहरे च इक न्यायधीश रेदा था; सै ना परमेश्वरे ला डरदा था ना कुसी माणुए दी परवाह करदा था।” 3 कने उसी शेहरे च इक बिधवा भी रेदी थी: जडी उदे बाल आई करी बोलदी थी, की मेरा न्याय करी के मिजो दुशमणे ला बचाई ले। 4 कने बडे दिना दीकर तां मनया नी पर आखरी च मने च सोची करी बोलया, मैं ना परमेश्वरे ला डरदा, कने ना आदमियां दी परवाह करदा है; 5 तमी ऐ बिधवा मिजो तंग करदी रेदी है, इस ताई मैं इसा दा न्याय करणा है, कुथी इयां ना हो की बार-बार आई करी आखरी च मिजो बुरी तरह थकाई दे। 6 प्रभु ने बोलया, सुंणा, की इनी अधमी न्यायधीशे क्या बोलया है, उस बारे च ध्याने ने सोचा। 7 क्या परमेश्वर अपने चुणयो लोकां दा न्याय नी करणा, जडे रात-दिन उदे सामणे रोंदे न; परमेश्वरे उना दी मदद करणे च देर नी करणी है? 8 “मैं तुसां ने बोलदा है; उनी झट उना दा न्याय करणा; तमी जालू मैं, माणुए दे पुत्रे बापस धरती ओणा, तां मिजो हेरानी होंदी है की क्या मिजो धरतिया पर ऐसा माणु मिलगा जडा मिजो पर भरोसा करदा हो।” 9 कने यीशुए उना लोकां ने जडे अपने बारे च सोचदे न, की असां धर्मी न, कने दुजयां जो निच बोलदे थे, ऐ कहाणी सुणाई 10 “दो माणु मंदरे च प्राथना करणा गे; इक फरीसी था कने दूजा कर लेणे बाला था। 11 फरीसी खडोई करी अपने मने च इयां प्राथना करणा लग्गा, की हे परमेश्वर, मैं तेरा धन्यवाद करदा है, की मैं होरनी माणुए सांई बुरा करणे बाला, अन्यायी कने व्यभिचारी नी है, कने ना ही इस कर लेणेबाले सांई है। 12 मैं हफते च दो बरी बरत रखदा है; मैं अपणिया कमाईया दा दसमां हिंसा भी तुसां जो दिन्दा है। 13 पर कर लेणेबाले दुर खडोई करी, स्वर्ग पासे दिखणा भी नी चाया, पर सै दुखे ने अपणिया छतिया पिटी-पिटी करी बोलणा लग्गा, हे परमेश्वर मैं पापी है, मिजो पर दया कर, मिजो माफ कर। 14 यीशुए बोलया मैं तुसां ने बोलदा है, की ऐ चुंगी लेणे वाला था ना की फरीसी माणु जडा परमेश्वरे सामणे धर्मी दसया; क्योंकि जडा कोई अपने आपे जो बडा महान बाणागा, सै छोटा करी देणा है; कने

जड़ा अपने आपे जो छोटा बनागा, उसयो आदर मान मिलणा।” 15 फिरी लोक अपने बचयां जो यीशुए बाल लोणा लगे, ताकि सै उना पर हथ रखे; कने चेलयां दिखीकरी उना जो डांटया। 16 यीशुए बचयां जो अपने बाल सदीकरी बोलया, बचयां जो मना मत करा कने इना जो मेरे बाल ओणा दिया, क्योकि परमेश्वरे दा राज्य उना दा है जड़ा इना बचयां साई है। 17 मै तुसां ने सच्च बोलदा है, परमेश्वरे अपने राज्य च सिर्फ उना लोकां जो ओणा देणा है जड़े परमेश्वरे दे राज्य जो बचयां साई अपनांदा है। 18 कुंनकी यहूदी अधिकारिये उसला पुछया, “उत्तम गुरु जी, मै क्या कम्म करां की परमेश्वर मिंजो हमेशा दी जिन्दगी दे?” (aiōnios g166) 19 यीशुए उसयो बोलया, तुसां मिंजो कजो उत्तम बोलदे न, उत्तम तां सिर्फ इक ही है, सै परमेश्वर है। 20 तू परमेश्वरे दे हुक्मा जो तां जाणदा है की: “व्यभिचार नी करणा, झूठी गबाई नी देंणी, अपने माता पिता दा आदर करणा।” 21 उनी बोलया, “मै तां इना सबना हुक्मा जो तां बचपन ला मनदा आया है।” 22 ऐ सुणीकरी, यीशुए उसला बोलया, तिजो च अजे भी इक गल्ला दी कर्मी है, जा, कने जड़ा कुछ तेरा है उसयो बेची करी गरीबां जो देई दे, तां तिजो स्वर्गे दा धन मिलणा, इयां करणे बाद आ कने मेरा चेला बणिगा। 23 सै ऐ सुणीकरी बड़ा उदास होई गया, क्योकि सै बड़ा अमीर था। 24 यीशुए उसयो दिखीकरी बोलया, अमीरां दा परमेश्वरे दा राज्य च जाणा बड़ा मुशकिल है। 25 ऊंटे दा सुइया दे नाके चे निकलना असान है, पर अमीरां दा परमेश्वरे दा राज्य च जाणा बड़ा भरी मुशकिल है। 26 कने सुणने बालयां बोलया, “अगर ऐसा है तां कुण अपने पापां दी सजा मिलणे ला बची सकदा है?” 27 यीशुए जबाब दिता, “जड़ा माणुए ला नी होई सकदा है सै परमेश्वरे ला होई सकदा है।” 28 पतरसे यीशुए जो पुछया, दिख, असां तां घर-बार छडी करी तेरे पिच्छे चलयो न। 29 यीशुए उना जो जबाब दिता, “मै तुसां ने सच्च बोलदा है, जिनी भी परमेश्वरे दा राज्य ताई घर, या घरे बाली, या भाई, या माता पिता, या बाल बचयां जो छडी दितया हो। 30 कने इस बेले केई गुणा जादा मिलणा; पर परलोके च हमेशा दी जिन्दगी मिलणी।” (aiōn g165, aiōnios g166) 31 फिरी यीशुए बाहरां चेलयां जो एकांत च लेईजाई करी उना ने बोलया, दिखा, असां यरूशलेम शहरे जो जाणा है, कने जितणियां भी गल्लां मेरे, माणुए दे पुत्रे ताई परमेश्वरे दा संदेश देणेबालयां लिखियां न सै सारियां पुरियां होणियां न। 32 “क्योकि सै होर जातियां दे हथे देई देणा है। कने उना मेरा मजाक उडाणा है, कने मेरी निंदा करी के मिंजो पर थुकणा, 33 कने मिंजो कोड़े मारणे, कने मिंजो मारी देणा है, कने मै तिजे दिने मै मरयां चे जिंटे होई जाणा है।” 34 कने चेलयां इना गल्लां चे कोई भी गल्ल नी समझ आई: कने ऐ गल्ल उना च ही लक्की रेई, कने जड़ा बोलया था सै उना दिया समझा च नी आया। 35 जालू यीशु यरीहो शहरे दे बखे पुज्जा, तां इक अन्ना सडका कंडे बेईकरी भिख मंगा दा था। 36 कने भिडा दी चलने दी अबाज सुणीकरी पुछणा लग्गा, ऐ क्या होआ दा है? 37 उना उसयो दसया, “नासरत दा यीशु मसीह जा दा है।” 38 तालू उनी अबाज लाईकरी बोलया, “हे यीशु, राजा

दाऊदे दे बंशज, मिंजो पर दया कर।” 39 जड़े अगे-अगे चलयो थे, सै उसयो डांटणा लगे की चुप रे: पर सै होर जोरे ने बकणा लग्गा, “हे राजा दाऊदे दी बंशज मिंजो पर दया कर।” 40 तालू यीशुए ऐ सुणया कने स्की करी बोलया, “उसयो ऐथू लोआ।” कने तालू सै बखे आया तां यीशुए उसयो पुछया, 41 “तू क्या चांदा है की मै तेरे ताई करे?” अन्ने उसने बोलया, गुरु जी, ऐ की मिंजो मिलणा लगी पोए। 42 यीशुए उसयो बोलया, “दिखणा लग, तेरे भरोसे जड़ा मिंजो पर है तिजो ठीक करी दिता है।” 43 कने सै झट मिलणा लगी पिया; कने परमेश्वरे दी बडाई करदा होया उदे पिच्छे चली पिया, कने सारे लोका ऐ दिखीकरी परमेश्वरे दी स्तुति किती।

19 यीशु यरीहो शहर ला होईकरी जा दा था। 2 कने दिखा, जककई नापे दा इक माणु था जड़ा चुंगी लेणेबालयां दा सरदार कने अमीर था। 3 सै यीशुए जो दिखणा चांदा था की सै कुण दिया है? पर भिडा दिया बजा ने सै दिखी नी सका दा था। क्योकि सै छोटे कदे दा माणु था। 4 तालू सै उसयो दिखणे तांई अगे दोड़ी करी इक गल्लर दे स्खे पर चडी गया, क्योकि यीशु उसी रस्ते ला जाणे बाला था। 5 जालू यीशु उसा जगा पर पुज्जा जिथू जककई था, तां यीशुए उपरे पासे दिखीकरी बोलया, हे जककई, झट उतरी आ; क्योकि अज मिंजो तेरे घरे रेंणा जरूरी है। 6 सै झट स्खे ला उतरया कने यीशुए जो खुशिया ने अपने घरे जो लेई गया, कने खुशिया सोगी उदा स्वागत किता। 7 ऐ दिखीकरी सारे लोक बूडबडाणा लगे, “की सै तां इक पापी माणुए दे घरे चली गया है।” 8 जककई खणे दे बकते खडोई करी यीशु ने बोलणा लग्गा, “प्रभु जी, दिख मिंजो बाल जड़ा कुछ है सै गरीबां जो दिन्दा है, कने अगर मै लोकां ला चुंगी लेणे च बेईमानी कितियो है तां उसयो चार गुणा बापस करी दिन्दा है।” 9 तालू यीशुए उसला बोलया, अज इसी घरे दे लोकां बिच उद्गार आया है, क्योकि ऐ भी अब्राहमे दा बंशज है। 10 “क्योकि मै, माणुए दा पुत्र गवाचयां जो तोपणा कने उना जो अनन्त सजा ला बचाणे तांई आया है।” 11 जालू लोक ऐ गल्लां सुंणा दे थे तां यीशुए उना जो इक कहाणी सुणाई, इस तांई की सै यरूशलेम शहरे दे नेडे था, कने लोकां जो लगया की परमेश्वरे दा राज्य बस हुण ओणे बाला है। 12 यीशुए बोलया, इक अमीर माणु दूर देशे जो चलया ताकि राजपद पाई करी बापस आई जा। 13 कने उनी अपने दस सेवकां जो दस मुहरां दितियां, कने उना ने बोलया, मेरे बापस ओणे दीकर लेण देण करनयो। 14 पर उदे शहरे बाले उसला बैर रखदे थे, उदे पिच्छे संदेश देणेबाले दूतां ने बोली भेजया, की असां नी चांदे न की ऐ सांझो पर राज करे। 15 जालू सै राजपद लेईकरी बापस आया, तां इयां होया की उनी अपने सेवकां जो जिना जो मुहरां दितियां थियां, अपने बाल सदया ताकि पता लगे की लेणे देणे ने उना क्या-क्या कमाया है। 16 तालू पेहले आई करी बोलया, हे मालिक तेरियां मुहरां ने मै दस होर मुहरां कमाईया न। 17 उनी उसला बोलया, उत्तम सेवक, बडा खरा किता, तू बडे ही थोडे च भरोसे बाला निकलया हुणे ला तू दसां नगां दा अधिकारी। 18 दुज्जे आई करी बोलया, हे मालिक तेरियां मुहरां ने मै पंज होर मुहरां कमाईया न। 19 उनी उसला बोलया, जा तू

भी पंजा नगरां दा अधिकारी। 20 कने तिजे आई करी बोलया, हे मालिक दिख, तेरी मोहर ऐ है, जिसा जो मैं गमछे च बनी करी रखया था। 21 क्योंकि मैं तिजो ला डरदा था, क्योंकि तू बड़ा सकत माणु है: जडा तू नी रखया होंदा उसयो तू चुकी लेंदा, कने जडा तू नी राया है, उसयो तू बडदा है। 22 उनी उसला बोलया, हे निकम्मे सेवक, मैं तेरियां ही गल्लां ने तिजो दोषी बणादा है: तू मिंजो जाणदा था की मैं सकत माणु है, जडा मैं नी रखदा है उसयो चुकी लेंदा है, कने जडा मैं नी राया उसयो बडी लेंदा है? 23 तां तू मेरे पैसे बयाजे पर महाजना बाल कनी रखी दिते, इयां करदा तां मैं आई करी बयाजे समेत लेई लेंदा। 24 कने जडे लोक उदे बखे खडोतयो थे, मालिके उना ने बोलया, इसला मुहरां जो लेई लिया, कने जिसदे बाल दस मुहरां न उसयो देई दिया। 25 उना मालिके ने बोलया, हे मालिक, उस बाल दस मुहरां तां हेन। 26 मालिके उना जो बोलया, “जिना बाल समझणे दी इच्छा है जडा परमेस्वर सिखांदा है, उसयो परमेस्वरे होर समझ देणी, पर जडा समझणे दी इच्छा नी रखदा, की मैं क्या सिखांदां, तां थोडा जडा उसयो समझ आया से भी उसला लेई लेणा।” 27 “पर मेरे उना बैरियां जो जडे नी चांदे थे की मैं उना दा राजा बणा, उना जो मेरे सामणे लेई ओआ कने मारी दिया।” 28 ऐ गल्लां बोली करी यीशु अपने चेलयां सोगी यरूशलेम शेहरे दे पासे उना दे अगे-अगे चलया। 29 कने सै जालू जैतून स्खां दे पाहडे पर बैतफगे कने बैतनिय्याह गांऐ दे बखे पुज्जा, तां उनी अपने दों चेलयां जो ऐ बोली करी भेजया, 30 सामणे दे ग्रां च जा, कने ओथु पुजदे ही तहांजो इक गधिया दा बच्चा बननया मिलणा है, उदे उपर हिली कोई नी बैठया था, सै खुडे च बननया होणा उसयो खोली करी लेई ओआ। 31 “कने अगर कोई तहांजो ला पुच्छे, की कजो खोला दे न, तां ऐ बोली देणा, कि प्रभु जो इसदी जरूरत है।” 32 जडे चेले भेजयो थे, उना जाई करी सियुदा ही दिखया, जियां यीशुऐ बोलया था। 33 जालू सै गधे दे बच्चे जो खोला दे थे, तां उदे मालिके उना ला पुछया, “इसयो कजो खोला दे न?” 34 उना बोलया, “प्रभु जो इसदी जरूरत है।” 35 सै उसयो यीशुऐ बाल लेई आये कने अपने कपडे उदे उपर पाई दिते कने यीशु उस पर बैठी गया। 36 जालू यीशु गधे पर बेईकरी जा दा था, तां मतयां लोकां अपने कपडे रस्ते च बछाई दिते। 37 यरूशलेम शेहरे जांदे बेले जालू यीशु जैतून स्खां दे पाहडे दिया उतराईया च पुज्जा, तां चेलयां दी सारी मंडली उना सारे अनाखे कम्मा दिया बजा ने जडे उना दिखयो थे, खुश होईकरी जोरे ने सारे परमेस्वरे दी स्तुति करणा लग्गे: 38 “धन्य हो सै राजा, जडा प्रभु दे नाऐ ने ओदा है। स्वर्गे च शांति कने अम्बरे च महिमा हो।” 39 तालू भिडा चे कितणे ही फरीसी उसयो बोलणा लग्गे, “गुरू जी, अपने चेलयां जो ऐ गल्लां बोलणे तांई डांट।” 40 यीशुऐ जबाब दिता, “मैं तुसां ने बोलदा है, अगर ऐ लोक चुप रे, तां पथरां बोली पोणा है।” 41 जालू यीशु यरूशलेम शेहरे बखे आया तां उस शेहरे जो दिखीकरी रोया। 42 कने बोलया, की तेरे तांई कितणा भला होंदा, कि तू, इस रोजे तू परमेस्वरे दिया शांतिया दियां गल्लां समझदा जडियां तिजो शान्ति दिन्दियां, पर हण सै तेरिया नजरा ला

लुक्की गियां न। 43 “क्योंकि सै दिन तिजो पर ओणे न जालू तेरे दुशमणा हर तरफ ला शेहर पर हमला करणा है, कने चारो पासे ला तहांजो दबाई देणा है। 44 तेरे दुशमणा पूरी तराह ने शेहरे जो खत्म करी देणा कने तेरे सारे लोकां जो मारी देणा, कने तिजो च पथरे पर पथर भी नी छडणा है; क्योंकि तू सै मोका नी पछेणया जालू परमेस्वर तिजो बचाणे तांई आया था।” 45 तालू सै मंदरे च जाई करी बेचणे बालयां जो बाहर कडणा लग्गा। 46 कने यीशुऐ उना जो बोलया, पबित्र शाब्द च लिखया है की, मेरा घर प्राथना दा घर होणा, पर तुसां तां इसयो डाकुआं ला भस्ईयो गुफा सांई बणाई दितया है। 47 कने सै हर रोज मंदरे च उपदेश दिन्दा था: कने बड़े याजक कने यहूदी व्यवस्था जो सिखाणे बालयां कने बड़े लोक उसयो मारणे दा मोका तोपदे रेंदे थे। 48 पर कोई तरिका नी तोपी सके; की ऐ कियां करणा, क्योंकि सारे लोक उसयो बड़े चाऐ ने सुणदे थे।

20 इक रोज ऐसा होया की जालू यीशु लोकां जो मंदरे च उपदेश दे दा था, कने श्भसमाचार सुणा दा था, तां बड़े याजक कने यहूदी व्यवस्था जो सिखाणे बाले कने यहूदी अगुवे यीशुऐ बाल आया। 2 कने बोलणा लग्गे, “सांझो दस, तू इना कम्मा जो कुस अधिकारे ने करदा है, कने सै कुण है, जीनी तिजो ऐ हक दितया है?” 3 यीशुऐ उना जो जबाब दिता, “मैं भी तुसां ला इक सबाल पुछदा है, मिंजो दसा तां मैं भी दसगा: 4 यहून्ना जो लोकां जो बपतिस्मा देणे तांई कुनी भेजया था? क्या सै परमेस्वरे भेजया था या माणुऐ? मिंजो दसा।” 5 तालू सै अपु चे बोलणा लग्गे कि अगर असां ऐ बोलया कि, “परमेस्वर जडा स्वर्गे च है उनी भेजया है, तां यीशुऐ सांझो ला पुछणा, कि तुसां यहून्ना पर भरोसा कन्नी किता?” 6 “अगर असां बोलया, माणुऐ दिया तरफा ला, तां सारे लोकां सांझो पथर मारणे, क्योंकि सारे लोक सची जाणदे न की यहून्ना सच्चा परमेस्वरे दा संदेश देणेबाला था।” 7 उना जबाब दिता, “असां नी जाणदे, की सै कुसदिया तरफा ला था।” 8 यीशुऐ उना ने बोलया, “तां मैं भी नी दसणा की मैं ऐ कम्म कुसदे हके ने करदा है।” 9 तालू यीशु लोकां जो इक कहाणी सुणाणा लग्गा, इकी माणुऐ अंगरा दा बाग लगाया, कने किसाना जो उदा ठेका देईकरी कने मतयां रोजां तांई परदेस जो चली गया। 10 फिरी जालू अंगर पक्की गे, तां उनी अपना इक नोकरे जो ठेकेदारे बाल अपना अंगरे दे बागे दा हिस्सा लोणे तांई भेजया। पर ठेकेदारां उसयो पकडया कने मारी कुटी करी बिना कुछ दितयो खाली हथ भेजी दिता। 11 फिरी मालिके इक होर नोकर भेजया, कने उना उसयो भी मारी कुटी करी कने बेजती करिके खाली हथे भेजी दिता। 12 फिरी मालिके तिजे नोकरे जो भेजया, कने उना उसयो भी मारी कुटी करी बाहर कडी दिता। 13 “तालू अंगरा दे बागे दे मालिके बोलया, मैं क्या करे? मैं अपने प्यारे पुत्रे जो उना बाल भेजदा है शायद सै मेरे पुत्रे दा आदर करन।” 14 जालू ठेकेदारां उसयो दिखया तां अपु चे बिचार करणा लग्गे, ऐ तां बारिस है; ओआ, असां इसयो मारी दिन्दे, ताकि सब कुछ साडा होई जा। 15 कने उना उसयो अंगरा दे बागे ला बार कडी करी मारी दिता: तां दाखे दे बागे दे मालिके उना सोगी क्या करणा? 16 “उनी आई

करी उना ठेकेदारों दा नाश करणा, कने अंगूरा दे बागे जो कुसकी होरसी जो देई देणा। ऐ सुणीकरी लोकां बोलया, हे परमेस्वर इयां मत करदा।” 17 उनी उना पासे दिखीकरी बोलया, फिरी पबित्र शान्न च ऐ क्या लिखया है: जिसी पथरे जो राजमिथियां बेकार बोलया था, सेई कुणे दा सिरा बनया। 18 “जड़ा कोई उस पथरे पर पोंगा उदे टोटे-टोटे होई जाणे, कने जिदे पर सै पोंगा, उनी सै पिई देणा।” 19 तालू ही बड़े याजक कने यहूदी व्यवस्था जो सिखाणे बाले यीशुऐ जो पकड़ना चादे थे, क्योंकि सै समझी गे, की उनी सांझो पर ऐ कहाणी बोलियो है, पर सै लोकां ला डरदे थे। 20 सै यीशुऐ जो फसाणे दिया ताका च थे। कने उना गुप्तचर भेजे, की सै धर्मी दा भेस बनाई करी उदी कोई गल्ल पकड़न, ताकि उसयो राज्यपाल कने अधिकारियां दे हथे देई दें। 21 उना उसला ऐ पुछया, गुरू जी, असां जाणदे न की, तुसां हमेशा सच्च बोलदे न कने सिखांदा भी है, कने कुसदा भी पक्षपात नी करदा है; कने परमेस्वरे दा रस्ता सच्चाईया ने दसदा है। 22 “इस तांई सांझो दस की महाराजा जो कर देणा ठीक है की नी?” 23 उनी उना दी चलाकी दिखीकरी उना ने बोलया, 24 इक दीनार मिंजो दस्सा। इस पर कुसदी छाप कने ना है? उना बोलया, “महाराजा दा।” 25 यीशुऐ उना ने बोलया, “तां जड़ा महाराजा दा है, उसयो महाराजा जो दिया कने जड़ा परमेस्वरे दा है उसयो परमेस्वरे जो दिया।” 26 सै लोका सामणे उसा गल्ला जो पकड़ी नी सके, कने उदे जबाबे ने हेरान होईकरी चुप होई गे। 27 फिरी सद्की जड़े बोलदे न, की मरयां दा जिन्दा होणा हेई नी, उना चे थोडयां यीशुऐ बाल आई करी पुछया। 28 गुरू जी, मूसा दिया व्यवस्था च साडे तांई ऐ लिखया है, “अमार कुसकी दा भाई अपणिया घरे वालिया दे होंदे बिना बच्चे दे मरी जा, तां उदा भाई उदिया घरे वालिया जो ब्याई ले, कने उदे तांई बंश पैदा करे।” 29 इक घरे च सत भाई थे, पेहला भाई बियाह करिके बिना ओलादी दे मरी गया। 30 तां दुऐ भाईऐ उसा ने ही बियाह करी लिया कने से भी बिना ओलादी मरी गया, 31 कने इयां ही तिजे भाई ने होया कने सतां भाईयां उसा ने बियाह किता कने सतो भाई बिना ओलादी मरी गे। 32 बादे च सै जनानी भी मरी गई। 33 हण, सांझो दस सतां भाईयां उसा जनानिया ने बियाह कितया था, जालू सै मरणे दे बाद फिरी जिन्दे होंगे, तां सै जनानी कुदी घरे बाली होणी? 34 यीशुऐ उना ने बोलया, इसी युगे दे लोकां च तां बियाह होंदे न। (aiōn g165) 35 पर जिना लोकां इस लाइक होणा है, की उसी युगे च कने मरयां चे जिन्दे होणा है, उना च बियाह नी होणे न। (aiōn g165) 36 फिरी उना मरणा भी नी; क्योंकि सै स्वर्गदूते सांई होणे, कने मरयां चे जिन्दा होणे ने सै परमेस्वरे दी ओलाद होणे न। 37 पर इसा गल्ला जो की मरयो होऐ भी जिन्दा होई जादे न, मूसे झाडी बालिया कथा च सिखाया है, इस तांई “सै परमेस्वर जो अब्राहम दा परमेस्वर, कने इसहाक दा परमेस्वर, कने याकूब दा परमेस्वर बोलदा है।” 38 “परमेस्वर तां मुर्दयां दा नी पर जिंदाया दा परमेस्वर है: क्योंकि उदे तांई सारे जिंदे न।” 39 तालू ऐ सुणिक्री कितणयां ही व्यवस्था जो सिखाणे बालयां बोलया, “गुरू जी, तू ठीक बोलया है।” 40 कने उना जो होर कुछ पछणे दी हिम्मत नी होई। 41 फिरी

यीशुऐ उना ला पुछया, मसीह जो राजा दाऊदे दा बंशज कियां बोलदे न? 42 राजा दाऊदे अपु भजन संहिता दिया कताबां च बोलया है: “प्रभुऐ मेरे प्रभु ने बोलया, 43 तू मेरे सिंहासने दे सजे पासे बो, जालू दीकर मैं तेरे बैरियां जो तेरे पैरां हेठ करी दें।” 44 “राजा दाऊद तां उसयो प्रभु बोलदा है तां सै फिरी उदा बंशज कियां होया?” 45 जालू सारे लोक सुणा दे थे, तां यीशुऐ अपने चेलयां ने बोलया। 46 “व्यवस्था जो सिखाणे बालयां ला साबधान रिया, जड़े लोकां जो दसणे तांई लम्बे कने मंगे कपडे पाणा पसंद करदे, कने उना जो बड़ा पसंद है की लोक उना जो बजारां च नमस्ते करन, कने यहूदी जंज घरां च कने खांदे बेले खास-खास आसना पर बोणा पसंद करदे न। 47 सै धोखे कने वेईमानिया ने विधवां दे घरां दी चिजां पर कब्जा करी लेंदे न। कने लोकां जो दसणे तांई बड़ी देरा दीकर प्राथना करदे न, परमेस्वरे ला इना जो बड़ी बुरी सजा मिलणी है।”

21 फिरी यीशुऐ मंदरे दे भंडारे दे सामणे बेईकरी अमीरां जो अपना-अपना दान पेटिया च पांदे दिखया। 2 इतणे च इक गरीब बिधवा आई करी दो तांबे दे सिक्के पाये, जिना दी कीमत बड़ी घट थी। 3 तालू उनी बोलया, मैं तुसां ने सच्च बोलदा है, की इना गरीब बिधवा सबना ला बर्दीकरी इस भंडारे च पाया है। 4 क्योंकि सबना अपने भंडारे चे थोडा दिया दिता, पर इना गरीब बिधवा इसा बाल जितना भी था सारा ही पाई दिता है। 5 जालू कुछ चले मंदरे दे बारे च गल्लां करा दे थे, की सै कदे छेल पथरां ने कने चढाईयां चिजां ने सवारया है, तां यीशुऐ बोलया, 6 “सै दिन ओणे न, जिना चिंजा दी तुसां बड़ी तारीफ करा दे न, इक दिन ओणा है इना भवना दे इक भी पथरे पर पथर नी रेणा है, जड़ा डायी नी जाणा है।” 7 चेलयां यीशुऐ ला पुछया, “गुरू जी, सांझो दस ऐ सब कुछ कालू होणा है? कने जालू ऐ सब कुछ पूरा होणेबाला होंगा तां उदा क्या निशान होणा है?” 8 यीशुऐ बोलया, ध्यान रखयो की तुहांजो कोई धोखा न दे। मते सारे लोकां मेरे नाए ने दाबा करिके ओणा है। उना बोलणा है, मैं मसीहा हूँ; कने ऐ भी बोलणा की टेम नेडे आई गया है: तुसां उना पिच्छे मत चली जांदे। 9 जालू तुसां लडाईयां, कने दंगया दियां गल्लां सुणगे तां डरी मत जांदे; क्योंकि इना दा होणा जरूरी है, पर तालू संसारे दा खात्मा नी होणा है। 10 तालू यीशुऐ उना ने बोलया, क्योंकि जातियां ने जातियां ने कने राज्य ने राज्यां ने इक दुजे ने लडाईयां करणियां न। 11 कने हर कुथी हिलण होणे न कने अकाल पोणे, कने महामारियां पोणिया न, कने अम्बरे च गल्लां कने बड़े-बड़े निशाण प्रगट होणे न। 12 पर इना सबना गल्लां ला पेहले उना लोकां तुहांजो कैदी बनाना कने यहूदी जंज घरे च देणा कने तुहांजो मार पोणी, कने मेरिया बजा ने तुहांजो हाकिमा कने राजयां दे सामणे न्याय तांई पेश किते जाणे न, 13 पर ऐ तुहाडे तांई गबाई देणे दा मोका बणी जाणा है। 14 इस तांई सब अपने-अपने मने च पेहले ही ठाणी लिया की असां जबाब देणे दी चिंता नी करणी है। 15 क्योंकि मैं तुहांजो ऐसे बोल कने दिमाग दिगा, की तुहाडे सारे बिरोधियां सामणा कने टाल्ली नी सकणा है। 16 कने तुहाडे माता-पिता कने भाई कने रिश्तेदारां, कने दोस्तां भी तुहांजो पकड़ाणा है;

एथू दीकर की तूहांजो चे कितणयां जो मरवाई देणा है। 17 कने मेरे डरदे थे। 3 कने शैतान यहदा च बडी गिया, इसयो इस्करियोती भी नाए दिया बजा ला सबना लोकां तूहांजो ने बैर करणा है। 18 पर बोल्दे न कने सै बाहरां चेलयां चे इक था। 4 उनी जाई करी बडे तूहाडे सेरे दा, इक बाल भी बांका नी होणा। 19 पर जडा जिंदगी दे याजकां कने सरदारां ने गलबात किती, की उसयो कियां उना दे हथे अंत दीकर मिंजो पर भरोसा रखगा सै ही बचाया जाणा है। 20 जालू पकड़ा। 5 सै खुश होए, कने उसयो पेसे देणे दा बचन दिता। 6 उनी तूसां यस्शलेम जो सेना ने धरिया दिखन, तां समझी लिया की उदा मन्नी लिया, कने मोका तोपणा लग्गा, की बिना बुरा कितयो यीशुए बिनाश होणेबाला है। 21 यहदिया प्रदेशे दे लोकां जो जान बचाणे ताई उना दे हथे पकड़ाई दे। 7 तालू अखमीरी रोटिया दे त्योहारे दा दिन पहाडा जो नसणा पोणा। कने जडे यस्शलेम दे अंदर हॉन सै बाहर आया, जिदे च फसह दे मेमने दी बलि देणा जरूरी थी। 8 कने यीशुए नसी जान; कने जडे ग्रां च हॉन सै उना च मत जांदे। 22 क्योकि ऐ पतरस कने यहन्ना जो ऐ बोली करी भेजया, “जाई करी साडे खाणे बदला लेणे दे ऐसे रोज होणे न, जिना च सारियां लिखियाँ होइयां ताई फसह दा खाणा तैयार करा।” 9 उनी यीशुए पुछया, “तू कुथु गल्लां पुरियां होणियां न। 23 ऐ उना जनानिया ताई बडा बुरा बकत चांदा है, की असां फसह दा खाणा तैयार करन?” 10 उनी अपने दो होणा जडियां लैरथियां न, कने उना जनानियां ताई जडियां नियाणे जो चेलयां जो ऐ बोली करी भेजया, की यस्शलेमे शेहरे जो जा, कने दूध पियादियां न। क्योकि देशे च बडा बडा क्लेश कने इना लोका पर बडी मुसीबत होणी है। 24 उना जो तलबारां ने मारयां जाणा है, अथु तूहांजो इक माणु घडे चुकी करी चलया मिलणा, उदे पिच्छे कने केई देशां दे लोक गुलाम बनाई करी लेई जाणे न, कने जालू चली जानयो। 11 कने सै जिस घरे जो जांगा, उस घरे दे मालिके जो दालयो: की गुरु जी ने पूछया है, की मेरा कने मेरे चेलयां दा फसह दा खाणा खाने बाला कमरा कुथु है? 12 “उनी तूहांजो इक उपरे बाकी जातियां दा बकत पूरा नी होंगा, तालू दीकर यस्शलेम आला सजया सजया कने तैयार कितया बडा कमरा दसी देणा है, कने तूसां अथु साडे ताई तैयारी करा।” 13 उना जाई करी, जियां बाकी जातियां दा गुलाम रेणा है। 25 कने सुरज कने चन्द्रमा कने यीशुए उना ने बोलया था, सियुदा ही था, कने उना उसा जगा फसह तारयां च अनोखे निशाण मिलणे न, कने धरतिया पर, देशे-देशे दे दा खाणा तैयार किता। 14 जालू बकत होया, तां यीशु बारह प्रेरितां लोकां जो परेशानी होणी है; क्योकि उना उफणदे समुद्रे दियां लेहरां सोगी रोटी खाणां बैठा। 15 कने यीशुए उना ने बोलया, “की मिंजो ने घबराई जाणा है। 26 कने डरे दिया बजा ने कने दुनिया च ओणे बडी इच्छा थी, की दूख भोगणे कने मरणे ला पहले फसह दे त्योहारे बा लियां घटना दी राह दिखदे-दिखदे लोकां दीया जानी च जान नी दा खाणा तूहाडे सोगी खां। 16 क्योकि मै तूसां ने बोलदा है, की रेंणी हे क्योकि अम्बरे दियां शक्तियाँ हिलाईयां जाणियां न। 27 जालू दीकर सै परमेख्वरे दे राज्य च पूरा नी होंगा तालू दीकर मै बदले पर ओदे दिखणा है। 28 “जालू ऐ गल्लां होणा लगन, तां सीधे फसह दे त्योहारे दा खाणा दुबारा नी खंगा।” 17 तालू उनी अंगूर दे होईकरी अपने सिरे जो उपरे उठाणा; क्योकि तूहाडा छुटकारा नेडे रस दा कटोरा लेईकरी परमेख्वरे दा धन्याबाद किता कने बोलया, जो दिखा। 29 यीशुए उना जो इक कहाणी सुणाई, अंजरी कने सारे सखां “इसयो लिया कने अपु चे बंडी करी पी लिया। 18 क्योकि मै तूसां तां गमियां ओणे बालियां न, तां ने बोलदा है, की जालू दीकर परमेख्वरे दा राज्य नी ओगा तालू दीकर न। 31 इयां ही जालू तूसां ऐ गल्लां होंदे दिखन, तां समझी लिया की मै अंगूरा दा रस कदी नी पिंगा।” 19 फिरी उनी रोटी लेई, कने परमेख्वरे दा राज्य नेडे है। 32 “मै तूसां ने सचच बोलदा है, कि जालू धन्याबाद करिके तोडी, कने उना जो ऐ बोली करी दिती, ऐ मेरा दीकर ऐ सारियां गल्लां पुरियां नी होई जांदियां न, तालू दीकर इस शरीर है, जडी तूहाडे ताई दितया जांदा है: मिंजो याद करणे ताई ऐई पीछिया दा अंत नी होणा है।” 33 “अम्बर कने धरती खत्वम होई कर-करा। 20 इयां ही उनी खाणां खाणे बाद कटोरा भी ऐ बोलदे जाणे, पर मेरियां बोलियां गल्लां कदी नी टलनिया न, सै हमेशा दिता, ऐ अंगूर दे रसे दा कटोरा मेरे उस खने च नोई बाचा है जडा रेंणियां न।” 34 इस ताई साबधान रिया, ऐसा ना हो की तूहाडे मन तूहाडे ताई भाया जाणा है। 21 पर दिखा, मिंजो पकड़वाणे बाले दा नशे च संसारे दियां मोहमाया च कने इसा जिन्दगिया दिया चिंता च हथ मेरे सोगी मेरिया थालिया च है। 22 “क्योकि मिंजो, माणुए दे सुस्त होई जान, कने सै दिन तूहांजो पर फंदे साई इकदम आई पोए। 23 तालू सै अपु चे बोलणा जिसदिया बजा ने पकड़ाया जांदा है।” 23 तालू सै अपु चे बोलणा पोणा है। 36 “इस ताई जागदे रिया कने हर बेले प्राथना करदे रिया लगे की, “असां चे कुण है, जडा ऐ कम्म करगा?” 24 उना चे ऐ ताकि तूसां ओणे बालियां परेशानियां ला बचणे कने मिंजो माणुए दे भी बेहस होई की, सांझो चे कुण बडा समझया जांदा है? 25 यीशुए पुत्रे दे सामणे खडोणे लाइक बणन।” 37 कने सै दिने मंदरे च उपदेश उना ने बोलया, बाकी जातियां दे राजे उना पर प्रभुता करदे न; जडे उना पर हक रखदे न, उना जो उपकारक बोलदे न। 26 पर तूसां ऐ दे मत बणदे; नितां जडा तूसां चे बडा है, सै छोटे दे बराबर कने जडा सबते बडा है सै सेबक दे बराबर बणे। 27 क्योकि बडा कुण है; सै जडा रोटी खाणां बैठया या सै जडा सेवा करदा है? क्या सै नी जडा रोटिया खाणां बैठया है? पर मै तूहाडे बिच सेवके सांई है। 28 पर

22 अखमीरी रोटिया दा त्योहारे जिसयो फसह बोलदे न, नेडे ही था। 2 कने बडे याजक कने व्यवस्था जो सिखाणे बाले इसा गल्ला दिया तोपा च थे की, उसयो कियां मारन, पर सै लोकां ला

तुसां ही न, जडे मेरियां परिक्षां च लगातार मेरे सोगी रे; 29 कने जियां मेरे पिता मिजो तांई इक राज्य दितया है, तियां ही मैं भी तुहाडे तांई राज्य दिन्दा है। 30 ताकि तुसां मेरे राज्य च मेरिया मेजा पर खा पिया, कने सिंहसनां पर बेईकरी इम्प्राएले देशे दे बाहरां गोत्रों दे लोकां दा न्याय करा। 31 “शमौन, हे शमौन, दिख, शैताने तुसां लोकां जो परखणे तांई परमेश्वर ला आज्ञा मगी लियो है, कि भलाई जो बुराई ला बख करणा जियां किसान कणका ला भुए जो बख करदा है। 32 पर मैं तेरे तांई परमेश्वरे ला प्रार्थना किती है, की तेरा भरोसा मिजों ला नी जा: कने जालू तू फ्रदाताप करे, तां अपने भाईयां जो भी मिजों पर भरोसा करणे तांई मजबूत करे।” 33 पतरसे यीशुए बोलया, “प्रभु जी, मैं तेरे सोगी जेला जाणे कने मरणे जो भी तैयार है।” 34 पर यीशुए बोलया, “हे पतरस मैं तिजो ने बोलदा है, की अज मुर्गे तालू दीकर बांग नी देणी जालू दीकर तू तिन्न बरी मिजो पछेणने ला मना करी बोणा है।” 35 कने यीशुए उना ने बोलया, “जालू मैं तुहांजो बट्टे, कने झोली, कने जुते बिना शुभसमाचार प्रचार करणे भेजया था, तां क्या तुहांजो कुसा भी चिजा दी कमी होई थी?” उना बोलया, “नी होई कुसा भी चिजा दी।” 36 उनी उना ने बोलया, “पर हुण लोक साडे खिलाफ न हुण जिसदे बाल बट्टा है से उसयो लेई ले, कने तियां ही झोली भी, कने जिसदे बाल तलबार नी है सै बाहरे दे कपडे बेची करी खरीदी ले।” 37 क्योंकि मैं तुसां ने बोलदा है, की ए जडा पबित्र शास्त्र च लिखया है सै पूरा हो की, “सै अपराधियां सांई मनया गिया है, उदा पूरा होणा जरूरी है: क्योंकि मेरे बारे जडियां गल्लां लिखियां न सै पुरियां होणे बालियां न।” 38 चेलयां बोलया, “प्रभु जी, दिख, ऐथू दो तलबारां न।” यीशुए उना ने बोलया, “बतेरियां न।” 39 तालू सै बाहर निकली करी रोजे सांई जैतून रुखां दे पाहडे पर गिया, कने चले उदे पिच्छे गे। 40 उसा जगा पर पुज्जी करी यीशुए उना ने बोलया, “प्रार्थना करा, की तुसां दी परख न होऐ।” 41 फिरी यीशु थोडा अगगे गिया, कने गोडे भार बेईकरी प्रार्थना करणा लग्गा, 42 “पिता जी अगर तू चा तां इस कटोरे जो बखे ला हटाई ले, पर तमी मेरी नी पर तेरी इच्छा पुरी हो।” 43 तालू स्वर्गे दे इक स्वर्गदूते ओथु प्रगट होया जडा उसयो सामर्थ्य दिन्दा था। 44 कने सै बडा परेशान कने व्याकुल होईकरी कने दुखे ने प्रार्थना करणा लग्गा; कने उदा पसीना मना की खुने दियां बडियां-बडिया बूदा सांई धरतिया पर पोआ था। 45 तालू सै प्रार्थना ला उठया कने अपने चेलयां बखे आई करी उना जो उदासिया दे मारयो सुतया दिखया। 46 कने उना ने बोलया, “कजो सोआ दे न? उठा, प्रार्थना करा, की तुहाडी परख न होऐ।” 47 जालू यीशु ए बोला दा ही था, की दिखा मते सारे लोक आए, यहदा जडा बाहरां चेलयां च इक था सै अगगे-अगगे ओआ दा था, सै यीशुए दे बखे आया, ताकि उदा चूमा लेई सके। 48 यीशुए उसयो बोलया, “हे यहदा, क्या तू चूमा लेईकरी मिजो, माणुए दे पुत्रे जो पकड़वा दा है?” 49 उदे साथियां जालू दिखया की क्या होणे वाला है, तां बोलया, “प्रभु जी, क्या असां तलबार चलान?” 50 कने चेलयां चे इकी महायाजके दे नोकरे पर तलबार चलाई करी उदा सजा कन

उडाई दिता। 51 इस पर यीशुए बोलया, “हुण बस करा।” कने उदा कन छुई करी उसयो ठीक किता। 52 तालू यीशुए बड़े याजकां कने मंदरे दे रखबालयां दे अगुवां कने यहदी अगुवां जो बोलया, तुसां क्या तलबारां कने डांगा लेईकरी मिजो डाकुआं सांई पकड़ना आयो न। 53 “मैं जालू हर रोज मंदरे च बेईकरी उपदेश दिन्दा था, तालू तां तुसां मिजो नी पकड़या; पर ए तुहाडा बकत है, कने नेहरे दा हक है।” 54 फिरी सै उसयो पकड़ी करी लेई चले, कने महायाजक दे घरे जो लेई आये कने पतरस दूरे-दूरे ला ही उना दे पिच्छे चलया था। 55 कने जालू सै अंगणे च अगग वाल्ली करी गिठे बैठे, तां पतरस भी उना दे बिच बेई गिया। 56 कने इक दासिया उसयो अग्गी दी लौई च बैठया दिखीकरी कने उदे पासे दिखीकरी बोलणा लग्गी, “ऐ भी तां यीशुए सोगी था।” 57 पर पतरसे ऐ बोली करी मना किता, की मैं इसयो नी जाणदा। 58 थोडी देरा बाद फिरी कुनकी होरनी उसयो दिखीकरी बोलया, “तू भी तां उना च है।” पतरसे बोलया, “सै माणु मैं नी है।” 59 कोई इक घंटे बाद इक होर माणू बोलणा लग्गा, “पक्का ऐ भी उना सोगी ही था; क्योंकि ऐ भी गलीली है।” 60 पतरसे बोलया, “मिजो नी पता की ऐ क्या बोला दा है?” पतरसे दे इयां बोलदे ही, मुर्गे झट बांग देई दिती। 61 तालू प्रभु यीशुए मुडी करी पतरसे पासे दिखया, कने पतरसे जो सै गल्ल याद आई जडी उनी बोलियो थी, “अज मुर्गे जो बांग देणे ला पहले, तू तिन्न बरी मिजो मना करणा है।” 62 कने पतरस बाहर निकली करी बडा भरी रोणा लग्गा। 63 जिना माणुआं यीशुए जो पकड़या था, सै उदा मजाक उडाई करी उसयो कुटणा लग्गे; 64 कने उदियां हखी पर पट्टी बन्नी करी पुछया, “अगर तू परमेश्वरे दा संदेश देणेवाला है! तां सांझो दस कुनी तिजो मारया।” 65 कने उना होर भी बुरियां गल्लां उदे बारे च बोलियां। 66 जालू ब्याग होई तां यहदी अगुवां कने बड़े याजक कने व्यवस्था जो सिखाणे बाले गिठे होऐ, कने उसयो अपणिया महासभा च आंणी करी पुछया, 67 अगर तू मसीह है, तां सांझो ने बोली दे। यीशुए उना ने बोलया, “अगर मैं तुहांजो ने बोले तां तुसां मनणा नी। 68 अगर मैं कोई सबाल पृछां, तां तुसां जबाब नी देणा। 69 पर हुणे ला मैं, माणुए दे पुत्रे सबते शक्तिशाली परमेश्वरे दे सजे पासे बेई रेणा।” 70 इस पर सारयां बोलया, “तां तू क्या परमेश्वरे दा पुत्र है?” यीशुए उना ने बोलया, “तुसां अपु ही बोलदे न, क्योंकि मैं है।” 71 तालू उना बोलया, “हुण सांझो गबाई दी क्या जरूरत है क्योंकि असां अपु ही इदे मुए ला सुणी लिया है।”

23 तालू सारी सभा उठी करी उसयो पिलातस बाल लेई गेई। 2 कने सै ऐ बोली करी उस पर दोष लगाणा लग्गे, “असां इसयो साडे लोकां जो बेहकां दे कने महाराजा जो कर देणे ला मना करदे, कने अपने आपे जो मसीह, कने राजा बोलदे सुणया है।” 3 पिलातसे उसला पुछया, “क्या तू यहदियां दा राजा है?” उनी उसयो जबाब दिता, “तू अपु ही बोला दा है।” 4 तालू पिलातसे बड़े याजकां कने लोकां ने बोलया, “मिजो इस माणुए च कोई दोष नी मिलदा है।” 5 पर सै होर भी दबाब पाई करी जोरे ने बोलणा लग्गे, “यहदिया प्रदेशे दे सारे लोकां च इदिया शिक्षा दिया बजा

ने दंगे हो दे न, कने गलील प्रदेश च भी इयां ही किता कने हण एथ् आई गिया है।” 6 ऐ सुणीकरी पिलातुसे पुछ्या, “क्या ऐ माणु गलील प्रदेश दा रेणे बाला है?” 7 कने ऐ जाणी करी की सै उस प्रदेश दा है जिथ् राजा हेरोदेस राज करदा है, तां उसयो हेरोदेसे बाल भेजी दिता, क्योकि उना दिना राजा हेरोदेसे भी यस्सलेम च था। 8 हेरोदेस यीशुऐ जो दिखीकरी बडा खुश होया, क्योकि सै उसयो बडे रोजां ला दिखणा चांदा था: उनी उदे बारे च सुणाया था, कने हेरोदेस यीशुऐ ला कुछ चमत्कार दिखणे दी आस रखदा था। 9 तां जडे लोक सुके सखे सांई न उना ने क्या कुछ नी करणा।” 32 सै सै उसला मतियां गल्लां पुछदा रिया, पर उनी उना दा कोई भी जबाब नी दिता। 10 कने बड़े याजक कने व्यवस्था जो सिखाणे बाले खडोई करी पुरे जोर शोर लाईकरी उस पर दोष लांदे रे। 11 तालू राजा हेरोदेसे अपने सिपाईयां सोगी उदी बेजती करिके उदा मजाक उडाया, कने चटकिले कपडे पहनाइ करी उसयो पिलातुस बाल बापस भेजी दिता। 12 उस बकते दीकर पिलातुस कने हेरोदेस इकी दुरे दे दुशमण थे, पर दोनो उसी रोजे मित्र बणी गे। 13 पिलातुसे बड़े याजकां कने सरदारां कने लोकां जो सदीकरी बोलया, 14 तुसां इस माणुऐ जो मेरे बाल लेई आये कने बोलया की दंगा कराणे तांई लोकां जो भटकांदा था। पर दिखा, मै तुहाडे सामणे इसदी जाँच किती, पर जिना गल्लां दा तुसां इदे पर दोष लगा दे न, मिजो उना गल्लां दे बारे च उदे च कोई भी दोष नी मिल्ला है; 15 कने ना ही हेरोदेसे उस पर कोई दोष लाया, क्योकि उनी इसयो साडे बाल बापस भेजी दितया है क्योकि इनी माणुऐ ऐसा कुछ नी कितया की इसयो मौत दी सजा मिल्ले। 16 “इस तांई मै इसयो कोडे मरवाई करी छडी देणा है।” 17 पिलातुस फसह दे त्योहारे दे बेले उना दे इकी केदिये जो छडी दिन्दा था। 18 तालू सारे मिली करी बोलणा लगणे, इसयो मौत दी सजा दिया, कने साडे तांई बरअब्बा जो छडी दे। 19 सै कुसकी दंगे दिया बजा ने जडा शेहरे च होया था, कने हत्या दिया बजा ने जेला च पाया था। 20 पर पिलातुसे यीशुऐ जो छडणे दिया इच्छा ने लोका जो फिरी समझाया। 21 पर सै जोरे-जोरे ने बोलणा लगणे, “इसयो सूली पर चढाई दिया! इसयो सूली पर चढाई दिया।” 22 उनी तिजी बार फिरी बोलया, “कजो उनी क्या बुरा कितया है? पर मिजो इदे च मौत दी सजा देंणे जोगी कोई गल्लन नी मिल्ला दी है, मै इसयो मारी कुटी करी छडी देणा है।” 23 पर सै चिलाई-चिलाई करी पिच्छे ही पेई गे, की इसयो सूली पर चढाई दिया, कने सै होर जोरे-जोरे ने बोलणा लगणे। 24 पिलातुसे हुकम दिता, की इना दिया बिनतिया दे अनुसार करा। 25 कने उनी उस माणुऐ जो जडा दंगे कने हत्या दिया बजा ने जेला च था, जिसयो सै मंगदे थे, छडी दिता; कने यीशुऐ जो उना दिया इच्छा अनुसार उना जो देई दिता। 26 जालू सिपाई यीशुऐ जो लेई चलयो थे, तां उना शमौन नापे दे इक कुरेनी जो जडा गांऐ ला ओआ दा था, उसयो पकडी करी उस पर सूली लदी दिती ताकि उसयो यीशुऐ दे पिच्छे-पिच्छे लेई चले। 27 कने लोका दी बडी बडी भीड उना दे पिच्छे चली पेई, कने उना चे जनानिया भी मतियां थियां, जडियां उदे तांई छातिया पिटी करी रोआ दियां थियां। 28 यीशुऐ उना पासे मुडी करी बोलया, “हे यस्सलेम शेहरे दियां कुडियो, मेरे तांई मत रोआ; पर अपने तांई कने अपने बचयां तांई रोआ।” 29 क्योकि दिखा, सै दिन दुख भरे दिन ओणे न, जिना च लोकां बोलणा है, “धन्य न सै जनानियां जिना दे कदी बच्चे नी थे, कने जिना कदी बच्चे जम्मे नी, जिना ना कदी उना जो दूध पियाया।” 30 उस बेले, उना लोकां पहाडा ने बोलणा लगणा है, की सांझो पर पेई जा, कने पहाडियां ने की सांझो ढकी लिया। 31 “क्योकि अगर सै मिजो इस तरीके ने मारदे न जडा हरे सखे सांई है, तां जडे लोक सुके सखे सांई न उना ने क्या कुछ नी करणा।” 32 सै होर दो माणुआं जो यीशुऐ सोगी मारणे तांई लेई चले जिना बुरे कम्म कितयो थे। 33 जालू सै उसा जगा पर पुज्जे जिसा जो खोपडी बोलदे न, तां उना ओथु उसयो कने उना दो बुरे कम्म करणे बालयां जो भी इकी जो सजे पासे कने दुज्जे जो खबे पासे सूली पर लटकाया। 34 तालू यीशुऐ बोलया, “हे पिता, इना जो माफ कर, क्योकि ऐ जाणदे नी न की ऐ क्या करा दे न?” कने उना पर्चियां पाई करी उदे कपडे बंडी ले। 35 लोक खडोई करी दिखा दे थे, कने सरदार भी मजाक करिके बोलदे थे, इनी होरां जो बचाया, अगर ऐ परमेस्वरे दा मसीह है, कने उदा चुण्यां होया है, तां अपने आपे जो बचाई ले। 36 सिपाई भी बखे आई करी यीशुऐ जो पिणे तांई सिरका देईकरी उदा मजाक करिके बोलदे थे। 37 “अगर तू यहदियां दा राजा है, तां अपने आपे जो बचा।” 38 कने उदे उपर इक दोष पत्र भी लगाया था: “ऐ यहदियां दा राजा है।” 39 जडे बुरे कम्म करणे बाले यीशुऐ सोगी लटकाये थे, उना चे इकी निंदा करिके बोलया, “क्या तू मसीह नी है? तां फिरी अपने आपे जो कने सांझो बचा।” 40 इसा गल्लां पर दुज्जे उसयो डांटया, “क्या तू परमेस्वरे ला भी नी डरदा है?” तिजो भी तां से ही सजा मिलियो है, 41 “कने सांझो तां न्याय दे अनुसार सजा मिलियो है, क्योकि सांझो तां अपने कम्मा दा ठीक फल मिला दा है; पर इनी तां कोई गलत कम्म नी कितया है।” 42 तालू उनी बोलया, “यीशु जी, जालू तू अपने राज्य च राजा होईकरी ओगा, तां मिजो याद रखयां।” 43 यीशुऐ उसला बोलया, “मै तिजो ने सच्च बोलदा है की अज ही तू मेरे सोगी स्वर्गलोक च होणा है।” 44 कने लगभग दोपेहर ला लेईकरी तिन्न बजे दीकर सारे देशे च नेहेरा रिया, 45 कने सुरजे दी लोओ चली गई, कने मंदरे दा मोटा परदा बिचे ला फटी करी दो टुकडे होई गिया, 46 कने यीशुऐ जोरे ने बोलया, “पिता, मै अपनी आत्मा तेरे हथां च दिन्दा है।” ऐ बोली करी अपने प्राण छडी दिते। 47 सुबेदारे जडा कुछ होया था दिखीकरी परमेस्वरे दी बडाई किती, कने बोलया, पका ऐ कोई धर्मी माणु था। 48 भीड जडी ऐ दिखणे तांई गिटी होईयो थी, इसा घटना जो दिखीकरी छातियां पिटदे होए अपने घरां जो बापस चली गई। 49 कने यीशुऐ दे सारे जाणने पछेणने बाले मित्र, कने जडियां जनानिया गलील प्रदेश ला उदे सोगी आईयां थियां, दूर खडोई करी जडा कुछ होया था सारा कुछ दिखा दियां थियां। 50 कने ओथु यूसुफ नापे दा इक माणु था सै महासभा दा सदस्य था कने सज्जन कने धर्मी था। 51 कने सै यहदी अगुवां दे बिचारां कने उना दे कम्मा ला खुश नी था; कने सै यहदियां दे शेहर अरिमतिया शेहरे दा रेहणे बाला कने परमेस्वरे दे

राज्य दी नियाल्ल रखणे बाला था। 52 उनी पिलातुस दे बाल जाई करी यीशुए दी लाश मंगी, 53 कने लाशा जो सूली ला उतारी करी मलमले दिया चादरा च लपेटया, कने उसयो इक कबरा च रखया, जडी पथरे च खणियो थी; कने उसा च कदी भी कोई नी रखया था। 54 सै रोज शुक्रवार था, जडा तैयारी वाला दिन था कने सब्ते दा रोज शुरू होणेबाला था। 55 कने उना जनानियां जडियां उदे सोगी गलील प्रदेशे ला आईयां थियां, पिच्छे-पिच्छे जाई करी कबर दिखी कने ऐ भी की उदी लाश कियां रखी है। 56 कने अपने घरां जो बापस आई करी उना सुगंध बालियां चिजां कने इत्र यीशुए दिया लाशा पर मलणे तांई तैयार किता; कने सब्ते दे रोजे उना मूसा दिया व्यवस्था दे अनुसार अराम किता।

24 पर हबते दे पेहले रोजे सै बडी ब्यागा ही उना सुगंधित चिजां जो जडियां उना तैयार कितियां थियां, लेईकरी कबरां पर आईयां। 2 कने उना दिखया की कबरा दे दरबाजे ला पथर पेहले ला ही हटया होया है, 3 कने सै अंदर गियां कने दिखया पर यीशुए दी लाश ओथु नी थी। 4 जालू सै इसा गल्ला ने हेरान थियां तां दिखा, दो माणु चिट्टे चमकाले कपडे पायो उना बखे खडोतयो थे। 5 जालू सै डरी गियां, कने उना मु धरतिया पास हेठ करी दिते; तां उना स्वर्गदूतां जनानिया ने बोलया, “तुसां जिन्दया जो मरयां चे कजो तोपदे न?” 6 “सै ऐथू नी है, पर जिन्दा होई गिया है। याद कर उनी गलील प्रदेशे च रेदे बेले तुसां ने बोलया था, 7 की जरूरी हे, की मै, माणुए दा पुत्र पापियां दे हथे पकडया जा, कने सूली पर चडाया जाये, कने तिजे दिने मरयां चे जिन्दा होई जाये।” 8 तालू यीशुए दियां गल्लां उना जो याद आईयां। 9 कने कबरा ला बापस आई करी उना गयारां चेलयां जो, कने बाकियां सबना जो, ऐ सारियां गल्लां सुणाई दीतियां। 10 जिना प्रेरितां ऐ गल्लां बोलियां, सै मरियम मागदलीनी कने योअन्ना कने याकूबे दी मां मरियम कने उना सोगी दियां सारियां जनानिया भी थियां। 11 पर उना दियां गल्लां उना जो कहाणियां सांई लगियां, कने चेलयां उना दा भरोसा नी किता। 12 तालू पतरस उठी करी दोडी करी यीशुए दिया कबरा पर गिया, कने निठे होईकरी अंदर दिखया ओथु उनी सिर्फ बस कपडे पियो दिखे, कने जडा होया उसला हेरान होईकरी बापस घरे चली गिया। 13 उसी रोजे यीशु दे दो चले इम्माऊस नाए दे इक गांए जो चलयो थे, जडा यरूशलेम शेहरे ला कोई गयारा किलो मीटर दूर था। 14 कने सै इना सारियां गल्लां पर अपु चे गल्ल बात करा दे थे, जडियां होईयां थियां। 15 कने सै जालू अपु चे गल्ल बात कने पूछताछ करा दे थे, तां यीशु अपु आई करी उना सोगी चलणा लग्गा। 16 पर परमेश्वरे उना जो यीशुए जो पछेणे ला रोकी रखया था, ताकि सै उसयो पछेणी नी सकन। 17 तालू यीशुए उना ने पुछया, “ऐ क्या गल्लां न, जडियां तुसां चलदे-चलदे अपु चे करा दे न?” सै स्की गे कने उना दे मु बडे उदास लग्गा दे थे। 18 ऐ सुणीकरी, उना चे क्लियुपास नाए दे इकी माणुए बोलया, “शायद तू यरूशलेम च किल्ला ही परदेसी है, की जिसयो पता नी है की, पिछले इना रोजां च ऐथू क्या-क्या होया है?” 19 यीशु उना ला पुछया, “क्या-क्या होया है?” उना उसला बोलया, नासरत गां दे

यीशु दे बारे च जडा असल च परमेश्वरे कने सारे लोका दे बखे कम्म कने बचन च सामर्थी परमेश्वरे दा संदेश देणेबाला था। 20 बडे याजकां कने साडे सरदारां उसयो पकडाई दिता, की उसयो मारणे दा हुकम दिता; कने उसयो सूली पर चढाई दिता। 21 पर सांझो आस थी, की इनी ही इस्राएले देश दे लोकां जो रोम देश ला छुटकारा देणा, कने इना सारियां गल्लां दे सिवा इसा गल्लां जो अज तिजा दिन होई गिया। 22 कने हुण केई जनानिया सांझो हेरानिया च पाई दिता है, जडियां अज ब्यागा कबरा पर गियां थियां। 23 कने जालू उना जो उदी लाश नी मिल्ली, तां ऐ बोलदियां आईयां, की असां जो स्वर्गदूतां दे दर्शण होए, उना बोलया की यीशु जिन्दा है। 24 “तालू साडे साथियां चे केई कबरा पर गे कने जियां उना जनानिया बोलया था, तियां ही ओथु था; पर यीशुए जो उना नी दिखया।” 25 तालू यीशुए उना दोनो चेलयां ने बोलया, “हे मूखीं, जडा कुछ परमेश्वरे दा संदेश देणेबालयां दिया कताबां च लिखया है तुसां लोकां जो इना सारियां गल्लां पर भरोसा करणा बडा कठिन लगदा है।” 26 “ऐ जरूरी था, की मसीह ऐ सारे दुख झेले कने फिरी करी अपणिया महिमा च प्रवेश करे।” 27 तालू यीशुए उना जो पुरे पबित्र शास्त्रां च, उनी मूसा ला शुरू करिके सारे परमेश्वरे दा संदेश देणेबालयां जितणियां गल्लां उदे बारे च बोलियां दियां, सै उना जो समजाइयां। 28 इतणे चे सै उस गांए बखे पुज्जे, जिथू सै चलयो थे, कने यीशुए दे व्यवहारे जो दिखीकरी ऐसा लग्गा था, की सै चेलयां ला अगे बदणा चांदा है। 29 पर उना ऐ बोली करी उसयो रोकया, “साडे सोगी रे; क्योकि संज होई चलियो है, कने दिन बडा डली गिया है।” तालू सै उना सोगी रहणे तांई अंदर गिया। 30 जालू यीशु उना सोगी रोटी खाणां बैठा, तां उनी रोटी लेईकरी धन्यवाद किता, उसा जो तोडी करी उना जो देणा लग्गा। 31 तालू उना दियां हखी खुली गियां; कने उना उसयो पछेणी लिया, कने सै उना दी हखी अगे ला गायब होई गिया। 32 उना अपु चे बोलया, “जालू सै रस्ते च सांझो ने गल्लां करा दा था, कने सांझो पबित्र शास्त्रां दा मतलब समझा दा था, तां क्या साडे मना च उतेजना नी जागी?” 33 सै उसी बेले उठी करी यरूशलेम शेहरे जो बापस चली गे, कने उना गयारां चेलयां कने उदे साथियां जो गिठे दिखया। 34 जडे गिठे होयो थे सै ऐ बोला दे थे, “प्रभु सची जिन्दा होई गिया है, कने शमौने जो मिलया है।” 35 तालू उना रस्ते दियां गल्लां उना जो दसियां कने ऐ भी बोलया की जालू सै रोटी तोडा दा था तां उना उसयो पछेणी लिया की सै यीशु है। 36 सै ऐ गल्लां करा दे ही थे, की यीशु अपु ही उना बिच प्रकट हुआ; कने उना ने बोलया, “तुहांजो शांति मिल्ले।” 37 पर सै घबराई गे, कने डरी गे, कने सोचणा लग्गे की असां भूते जो दिखा दे न। 38 यीशुए उना ने बोलया, कजो घबरा दे न? कने तुहाडे मने च कजो शक होंदा है? 39 “मेरे हथ कने पैरां जो दिखा, की मैं सै ही है, मिंजो छुई करी दिखा; क्योकि भुत दी हड्डी कने मास नी होंदा है जियां मिंजो च दिखदे न।” 40 ऐ बोली करी उनी उना जो अपने हथ पैर दस्से। 41 जालू खुशिया दे मारे उना जो भरोसा नी होया की यीशु जिन्दा है, कने हेरान होआ दे थे, तां यीशुए उना ला पुछया, “क्या

ऐथू तुहाडे बाल कुछ खाणे जो है?” 42 उना उसयो भुनियो मछिया दा टुकडा दिता। 43 यीशुए सै मछिया दा टुकडा लेईकरी उना दे सामणे खादा। 44 फिरी यीशुए उना ने बोलया, “ऐ मेरियां सै गल्लां न, जडियां मै तुहाडे सोगी रेईकरी तुहांजो ने बोलियां थियां, की जस्री हे, की जितणियां गल्लां मूसा दिया व्यवस्था कने परमेश्वरे दा संदेश देणेबालयां कने भजना दियां कताबां च मेरे बारे च लिखियां न, सै सारियां सच्च साबित होन।” 45 तालू यीशुए उना जो पबित्र शास्त्र समझणे तांई मदद किती। 46 कने उना ने बोलया, की पबित्र शास्त्रां च ऐसा लिखया है की मसीह जो दुख झेलणे न, कने तिजे दिने मरयां चे जिन्दा होई जाणा है, 47 कने यरूशलेम शेहरे ला लेईकरी सारियां जातियां दे पापां दी माफी तांई शुभसमाचार दा प्रचार उदे नाए ने होणा है। 48 “तुसां इना सारियां गल्लां दे गवाह न। 49 कने मै अपु तुहांजो पर पबित्र आत्मा जो भेजणा है, जिसदा बायदा मेरे पिता कितया है। तालू दीकर शेहरे च इंतजार करणा होणा जालू दीकर तुहांजो स्वर्गे ला सामर्थ्य नी मिलदी।” 50 तालू सै उना जो बैतनिय्याह गांए दीकर शेहर ला बाहर लेई गया, कने उना जो हथ चुकी करी आशीष दिती; 51 कने उना आशीष दिन्दे ही उना ला लग होई गया कने स्वर्गे जो चली गया। 52 कने सै उसयो दण्डवत करिके बडिया खुशिया ने यरूशलेम शेहरे जो बापस चली गे। 53 कने सै लगातार मंदरे च जाई करी परमेश्वरे दी स्तुति करदे थे।

यूहन्ना

1 इस सारे संसारे दे बणने ला पेहले बचन था, कने बचन परमेश्वरे सोगी था कने सै बचन परमेश्वर था। 2 बचन इस सारे संसारे दे बणने ला पेहले ला ही परमेश्वरे सोगी था। 3 परमेश्वरे सारा कुछ उसी बचन ने ही बणाया है कने जडा कुछ भी बणाया है इदे चे कोई भी चीज बचन बिना नी बणियो है। 4 साडी शारीरिक कने आत्मिक जिन्दगी उना च ही थी, कने सै जिन्दगी सारे लोकां जो लौ दिन्दी जोत थी। 5 कने लौ नेहरे च चमकदी है; कने नेहरा उसा लौइ जो बुझाई नी सकया। 6 परमेश्वरे यूहन्ना नापे दे इक माणुपे जो भेजया। 7 सै लौइ दे बारे च दसणे ताई आया था ताकि सारे लोक उदे जरिये उसा जोती पर भरोसा करन। 8 यूहन्ना अपु तां सै लो नी था, पर सै उसा लौ दी गबाई देणा आया था। 9 “सै जडी सच्ची लौ है” जडी हर इक माणुपे जो लौ करदी है, सै संसार च ओणे बाली थी। 10 सै संसार च था, कने संसार उदे ने पैदा होया है, कने संसारे दे लोकां उसयो नी पछेणया। 11 सै अपने लोकां च आया पर उसयो उदे अपने लोकां नी अपनाया। 12 पर जितणया उसयो अपनाया, उनी उना जो परमेश्वरे दी ओलाद होंगे दा हक दिता, मतलब की सै जडे उस पर भरोसा रखदे नः 13 सै ना तां माता-पिता दी इच्छा ला, कने ना तां माणुपे दिया इच्छा ने, ना शरिर दिया इच्छा ने, ना इक माणुपे दिया ओलाद दी इच्छा ने, पर परमेश्वरे ला पैदा होया है। 14 कने बचन इक माणु बणया कने असां लोकां बिच रिया, कने असां उदी ऐसी महिमा दिखी, जदेई पिता दे इकलोते दी महिमा। जो पिता परमेश्वरे ला सचाइया कने अनुग्रह ने भरपूर होईकरी आया। 15 यूहन्ना उदे बारे च गबाई दिती, कने पुकारी करी बोलया, की ऐ सेई है, जिदे बारे च मै बोलया था, की उनी मेरे बाद ओणा है, सै मिजो ला भी बदीकरी है, क्योंकि सै मिजो ला पेहले इस संसारे च मोजूद था। 16 क्योंकि उदी परीपूर्णता ने सांझो सारयां जो मिलया है मतलब अनुग्रह पर अनुग्रह। 17 व्यवस्था तां मूसा ने दितियो है, पर परमेश्वरे यीशु मसीह दे जरिये अनुग्रह कने सचाई दर्सी। 18 परमेश्वरे जो कुनी भी कदी नी दिखया है, सिर्फ उदे इकलोते पुत्रे जडा असल च परमेश्वर है, कने पिता परमेश्वर दे सबसे नेडे है, उनी सांझो दसया है, की परमेश्वर कदिया है। 19 यूहन्ना दी गबाई ऐ है, की जालू यहूदी अगुवां यरूशलेम शेहरे ला याजकां कने लेविंयां जो उसला ऐ पुछणे ताई भेजया, “तू कुण है?” 20 यूहन्ना उना जो साफ-साफ बोलया, “मै मसीह नी है।” 21 तालू उना उसला पुछया, “तां फिरी कुण है? क्या तू परमेश्वरे दा संदेश देणेबाला एलिय्याह है?” उनी बोलया मै नी है। तां क्या तू सै परमेश्वरे दा संदेश देणेबाला है जिसदा पिता परमेश्वरे बायदा कितया था? उनी जबाब दिता की, “नी।” 22 तालू उना यूहन्ना ला पुछया, “तां फिरी है कुण तू। ताकि असां अपने भेजणे बालयां जो जबाब देई सकन। तू अपने बारे च क्या बोलदा है?” 23 उनी बोलया, “जियां यशायाह परमेश्वरे दा संदेश देणेबाला बोलया है, की मै सुनसान जगा च इक हक पाणे बाले दी अबाज है की तूसां प्रभुपे दा रस्ता सीधा करा।” 24 ऐ लोक फरीसियां दे

पासे ला भेजयो थे। 25 उना उसला ऐ सबाल पुछया, की अगर तू मसीह नी है, कने ना एलिय्याह है, कने ना ही सै परमेश्वरे दा संदेश देणेबाला है जडा ओणे बाला था, तां फिरी तू बपतिस्मा कजो दिन्दा दिन्दा है, पर तुहाडे बिच इक माणु खडोतया है, जिसयो तूसां नी जाणदे न। 27 मतलब की मेरे बाद ओणे बाला है, मै तां उदे जुतयां दे तस्मे खोलणे दे कारील नी है। 28 ऐ गल्लां यरदने खड्डा दे पार बैतनिय्याह शेहर च होईयां, जिथ यूहन्ना लोकां जो बपतिस्मा दिन्दा था। 29 यूहन्ने दुज्जे रोजे यीशुपे जो अपने पासे ओदे दिखीकरी बोलया, “दिखा, ऐ परमेश्वरे दा मेमना है, जिनी संसारे दे पाप चुकी लेई जाणे न। 30 ऐ सेई है जिदे बारे च मै बोलया था, की इकी माणुपे मेरे पिच्छे ओणा है, सै मिजो ला भी बडा है, क्योंकि सै मिजो ला भी पेहले था। 31 कने मै उसयो पछेणदा नी था की सै मसीह था, इसाएल देश दे लोकां जो ऐ दसणे ताई की सै कुण है, तां मै पाणिए ने बपतिस्मा दिन्दा आया।” 32 कने यूहन्ने ऐ गबाई दिती की, मै बिब्र आत्मा जो कबतुरे सांई स्वर्ग ला उतरदे दिखया है, कने सै उस पर स्की गई। 33 पर मै तां उसयो पछेणदा नी था सै मसीह था, पर जिनी मिजो पाणिए ने बपतिस्मा देणा भेजया, उनी ही मिजो ने बोलया, की जिस पर तू आत्मा जो उतरदे कने स्कदे दिखगा; सेई बिब्र आत्मा ने बपतिस्मा देणेबाला है। 34 कने मै दिखया, कने गबाई दिती है की मै तूसां ने सच्च-सच्च बोलदा की ऐई परमेश्वरे दा पुत्र है। 35 दुज्जे रोजे फिरी यूहन्ना कने उदे दो चले खडोतयो थे। 36 कने यीशु चलया था, तां उनी उदे पासे नजर करिके बोलया, “दिखा, ऐ परमेश्वरे दा मेमना है।” 37 तालू सै दोनो चले यूहन्ना दी गल्ल सुणीकरी यीशुपे दे पिच्छे चली पे। 38 यीशुपे पिच्छे मुडी करी उना जो पिच्छे ओदे दिखीकरी उना ला पुछया, तूसां कुदिया तोपा च न? उना उसला बोलया, “गुरू जी, तू कुथु रेंदा है?” 39 यीशु मसीह उना ने बोलया, “चला दिखी लिया।” तालू उना आई करी उदे रेहणे दी जगा दिखी, कने उस रोजे सै सोगी रे; कने ऐ दोपहर दे लगबग चार बजयो थे। 40 उना दोना चे इक तां शमौन पतरस दा भाई अन्दियास था, जडे यूहन्ना दियां गल्लां सुणीकरी उदे पिच्छे आया था। 41 उनी पेहले अपने सगे भाई शमौन ने मिली करी उसला बोलया, की सांझो मसीह मिली गया है। 42 अन्दियास शमौने जो यीशुपे बाल लेई आया: यीशुपे उस पासे नजर करिके बोलया, तू यूहन्ना दा पुत्र शमौन है, तिजो पतरस बोलणा है। 43 दुज्जे रोजे यीशुपे गलील प्रदेशे जो जाणे दा फेसला किता, कने फिलिप्पुस ने मिली करी बोलया, “मेर चले बणने ताई मेरे पिच्छे चली पो।” 44 फिलिप्पुस तां अन्दियास कने पतरसे दे शेहर बैतसैदा दा रेंणेबाला था। 45 फिलिप्पुसे नतनएल ने मिली करी बोलया, “सांझो सै माणु मिल्ली गया है जिदे बारे च मूसा दिया व्यवस्था च कने परमेश्वरे दा संदेश देणेबालयां लिखया था। सै नासरत शेहरे ला यूसुफे दा पुत्र यीशु है।” 46 नतनएले उसला बोलया, क्या कोई खरी चीज भी नासरत शेहर ला निकली सकदी है? फिलिप्पुसे उसला बोलया, “चली करी दिखी ले।” 47 यीशुपे नतनएल जो अपने बाल ओदे दिखीकरी उदे

बारे च बोलया, दिखा, ऐ सची इम्राएल दा भरोसे बाला बंशज है: इदे च कोई कपट नी है। 48 नतनएले यीशुए जो बोलया, “तू मिंजो कियों जाणदा है?” यीशुए उसयो जबाब दिता, फिलिप्पुसे तिजो जालू सदया, उसला पेहले जालू तू अंजरी दे रूखे थले था, तालू मैं तिजो दिखया था। 49 नतनएले उसयो जबाब दिता, “गुरु जी, तू परमेश्वरे दा पुत्र है; तू इम्राएल दा महाराजा है।” 50 यीशुए उसयो जबाब दिता, “मैं तां तिजो ने बोलया, की मैं तिजो अंजरी दे रूखे थले दिखया, क्या तू तां भरोसा करा दा है? तू इसला भी बड़े कम्म दिखणे ना।” 51 फिरी यीशुए उसयो बोलया, “मैं तुसां ने सच्च-सच्च बोलदा है की तुसां स्वर्गो जो खुलया कने परमेश्वरे दे स्वर्गदूते जो उपर जांटे कने मिंजो, माणुए दे पुत्रे उपर उतरदे दिखणा।”

2 फिरी दो दिन बाद गलील प्रदेशे दे काना शेहर च कुसकी दा बियाह था, कने यीशुए दी माता भी ओथु थी। 2 यीशु कने उदे चले भी उसी बियाह च सदया थे। 3 जालू दाखरस घटी गया, तां यीशुए दिया माता उसला बोलया, “की इना बाल दाखरस नी रिया।” 4 यीशुए उसला बोलया, “माता जी तुसां मिंजो कजो दस्सा दे? अजे मेरा टेम नी आया है की लोक मिंजो मसीह से स्पे च पछेणन।” 5 पर उदिया माता सेवकां ने बोलया, “जडा कुछ सै तुहांजो बोलगा, सेई करनयो।” 6 ओथु यहूदियां दे अपने धार्मिक रिबाजां दे अनुसार हथ धोणे दा रिबाज था। उना हथ धोणे तांई पथरे दे छे घडे रखयो थे। जिना च लगभग सौ-सबा-सौ लिटर पाणी ओदा था। 7 यीशुए उना ने बोलया, “घडयां च पाणी भरी दिया।” उना घडयां जो उपरे दीकर भरी दिता। 8 तालू यीशुए उना जो बोलया, “हूण पाणी निकाली करी धामा दे प्रधाने बाल लेई जा।” सेवकां तियां ही कितया जियां उना जो करणे तांई बोलया। 9 जालू धामा दे प्रधाने सै पाणी चखया, तां सै दाखरस बणी गया था कने उसयो नी पता था की सै कुथु ला आया है; पर जिना सेवकां पाणी कडया था सै जाणदे थे, तां धामा दे प्रधाने लाडे जो सदीकरी, उसयो बोलया। 10 हर इक माणू पेहले सबना ला खरा दाखरस दिन्दा है, कने जालू लोक उसयो पी करी रजी जांटे न, तालू घटिया बाला धाखरस दिन्दा है; पर तू सबना ला बढिया दाखरस हले दीकर रखया है। 11 यीशुए गलील प्रदेशे दे काना शेहर च अपना ऐ पेहला चमत्कार दसी करी अपना महिमा दसी कने उदे चेलयां उस पर भरोसा किता की सै ही मसीह है। 12 इदे बाद सै कने उदी माता, उदे भाई, उदे चले, कफरनहम शेहर जो गे कने ओथु थोडे दिन रे। 13 यहूदियां दा फसह दा त्योहारे नेडे था, कने यीशु यरूशलेम शेहर जो गया। 14 कने उनी मंदरे च दांद, कने भेडां, कने कब्रतरां जो बेचणे बालयां जो बैठया दिखया। 15 तालू उनी रसियां जो कोडा बणाई करी, सारियां भेडां कने दांदा जो मंदरे ला कडी दिता, कने साहकारां दे पेसे खलारी दिते, कने पिढां जो पुठा सुटी दिता, 16 कने कब्रतरां बेचणे बालयां ने बोलया, “इना जो ऐथू ला लेई जा। मेरे पिता दे घरे जो व्यापारे दा घर मत बणा।” 17 तां उदे चेलयां जो याद आया की पबित्र शास्त्र च लिखया है, “तैरे घरे दा जन्म मेरे अंदर अगुी सांई बलदा है।” 18 इस पर यहूदी अगुवां उसला बोलया, “तू सांझो क्या चमत्कार दसी सकदा है की जिसने

साबित हो की तिजो परमेश्वरे दिया तरफा ला हक है।” 19 यीशुए उना जो जबाब दिता, “इसी मंदरे जो तोडी दीया, कने मैं इसयो उना रोजां च दोबारा बणाई दिगा।” 20 यहूदी अगुवां बोलया, “इस मंदरे जो बणाणे जो छयाली साल लगयो न, कने तू क्या इसयो उना रोजां शरीर था। 22 जालू यीशु मरी करी जिंदा होया था, तालू उदे चेलयां जो याद आया था की उनी ऐ बोलया था; कने पबित्र शास्त्र कने सै बचन जडा यीशुए बोलया था, उस पर भरोसा किता। 23 जालू यीशु यरूशलेम शेहर च फसह दे त्योहारे च था, तां मतयां उना चमत्कारां जो जडे सै दसदा था दिखीकरी उस पर भरोसा किता। 24 पर यीशुए भरोसा नी किता की उना उस पर भरोसा कितया है, 25 कने उसयो कुसदी भी जरूरत नी थी जडा उसयो लोकां दे बारे च दस्से क्योकि सै जाणदा था की उना दे दिलां च कने उना दे क्या इरादे न?

3 फरीसियां चे नीकुदेमुस नाए दा इक माणु था, जडा यहूदियां दा धार्मिक अगुवा था, सै इक फरीसी था। 2 उनी राती यीशुए बाल आई करी उसयो बोलया, “गुरु जी, असां जाणदे न, की परमेश्वरे तुहांजो सांझो सिखाणे तांई भेजया है, क्योकि कोई भी इना चमत्कार जो जडे तू दसदा है, अगर परमेश्वर दा साथ ना हो तां नी दसी सकदा है।” 3 यीशुए उसयो जबाब दिता, “मैं तिजो ने सच्च-सच्च बोलदा है, अगर कोई नोए सिरे ला नी जम्मे तां सै परमेश्वरे दा राज्य नी दिखी सकदा है।” 4 नीकुदेमुसे उसला बोलया, “माणु जालू बड्डा होई जांदा है तां सै कियों जन्म लेई सकदा है? क्या सै अपणिया माता दे पेटे च दुज्जी बरी जाई करी जन्म लेई सकदा है?” 5 यीशुए जबाब दिता, मैं तिजो ने सच्च-सच्च बोलदा है, जालू दीकर कोई माणु पाणिए कने पबित्र आत्मा ने नी पैदा होए तालू दीकर सै परमेश्वरे दे राज्य च प्रवेश नी करी सकदा है। 6 माणु अपने बचयां जो जन्म दिन्दे न। फिरी भी सिर्फ परमेश्वरे दी आत्मा ही तुसां जो परमेश्वरे दी ओलाद दे स्पे च बदली सकदा है। 7 हेरान मत हो, की मैं तिजो ने बोलया, तिजो दोबारा ला पैदा होणा जरूरी है। 8 हवा जिस पासे चांदी है उस पासे चलदी है, कने तू उदी अबाज सुणदा है, पर ऐ पता नी की सै कुथु ला ओदी है कने कुस पासे चली जांदी है? जडा कोई पबित्र आत्मा ने जमया है सै ऐदिया ही है। 9 नीकुदेमुसे उसयो जबाब दिता, “क्या ऐ गल्लां होई सकदियां न?” 10 ऐ सुणीकरी तां असल च इना गल्लां जो समझणा चाईदा है? 11 मैं तिजो ने सच्च-सच्च बोलदा है की सांझो जडा पता है, सै बोलदे न, पर जिसयो असां दिखदे न उदी गबाई दिन्दे न, कने असां जडा बोलदे न उस पर तुसां भरोसा नी करदे न। 12 जालू मैं तुसां ने धरतिया पर होणे बालियां गल्लां बोलियां, तां तुसां भरोसा नी किता, अगर मैं तुसां जो दस्से की स्वर्गं च क्या होणा है, तां क्या तुसां भरोसा करगे? 13 कोई स्वर्गं पर नी गया, “पर सिर्फ मैं, माणुए दा पुत्र स्वर्गं ला थल्ले आया है।” 14 कने जियां मूसे सुनसान जगा च पितल दे सपे जो उपर चढाया, तियां ही जरूरी है की मैं, माणुए दे पुत्रे जो भी उपर चढाया जाऐ। 15 ताकि जडा कोई मिंजो पर भरोसा करे उदे च उसयो हमेशा

दी जिन्दगी मिल्ले। (aiōnios g166) 16 “क्योंकि परमेश्वरे संसारे दे लोकां ने ऐसा प्यार किता की उनी अपना इकलोता पुत्र देई ता, ताकि जडा कोई उस पर भरोसा करे, उदा नाश ना होऐ, पर उसयो हमेशा दी जिन्दगी मिल्ले। (aiōnios g166) 17 क्योंकि परमेश्वरे अपने पुत्रे जो संसारे दे लोकां पर सजा देणे तांई नी भेजया है, पर इस तांई भेजया की उदे जरिये संसारे दे लोकां दा उद्धार होऐ। 18 जडा परमेश्वरे दे पुत्रे पर भरोसा करदे न, उस पर सजा दा हुकम नी होंदा, पर जडे परमेश्वरे दे पुत्रे पर भरोसा नी करदे न, सै दोषी न क्योंकि उनी परमेश्वरे दे इकलोते पुत्रे दे नाऐ पर भरोसा नी किता। 19 कने सजा दा हुकम देणे दी बजा ऐ की लौ संसारे च आई है, कने लोकां नेहरे जो लौइ ला जादा प्यार किता क्योंकि उना दे कम्म बुरे थे। 20 क्योंकि जडा कोई बुराई करदा है, सै लौइ ने बेर रखदा है, कने लौइ च नी ओदा है, इयां ना हो कि उदे कम्मा पर दोष लगन। 21 पर जडा सचाइया पर चलदा है सै लौइ च ओदा है, ताकि उदे कम्म प्रगत होन जडा परमेश्वरे चांदा की सै करन।” 22 इदे बाद यीशु कने उदे चले यहदिया प्रदेश च आये; कने सै ओथु उना सोगी रेईकरी बपतिस्मा देणा लग्गा। 23 कने यहन्ना भी ऐनान गां च जडा सामरिया इलाके दे शालेम शहर दे नेडे है ओथु बपतिस्मा दिन्दा था। क्योंकि ओथु मता पांणी था, कने लोक आई करी बपतिस्मा लेंदे थे। 24 क्योंकि यहन्ना तालू दीकर जेला च नी पाया था। 25 ओथु यहन्ना दे चेलयां दा कुसकी यहदिये सोगी रिबाजा दे हिसावे ने शूदी दे बारे च बेहस होई। 26 कने यहन्ना दे चेलयां उस बाल आई करी उसला बोलया, “गुरू जी, जडा माणु यरदन खड्वा दे पारले पासे तेरे सोगी था, जिसदे बारे च तुसां गबाही दिती थी; दिख, सै बपतिस्मा दिन्दा है, कने सब उस बाल ओदे ना।” 27 यहन्ने जबाब दिता, जालू दीकर माणुऐ जो स्वर्गे ला ना दितया जाऐ, उसयो तालू दीकर कुछ नी मिल्ली सकदा। 28 तुसां अपु मेरे गबाह न की क्या बोलया था, की मैं मसीह नी है, पर उदे पहले भेजया गया है। 29 लाडा लाडिये ने बियाह करी लेंदा है, पर लाडे दा मित्र सोगी खडोई करी उदी सुणदा है, लाडे दियां गल्लां ने बडा खुश होदा है; तियां ही मेरा दिल खुश होई गया है। 30 जस्री है सै होर जादा खास होई जा कने मैं घट खास होई जां। 31 “जडा स्वर्गे ला ओदा है सै सबना ला बडा है, जडा धरतिया ला ओदा है सै धरतिया दा है; कने धरती दियां गल्लां करदा है: जडा स्वर्गे ला ओदा है, सै सबना ला उपर है। 32 जडा कुछ उनी दिखया, कने सुणाया है, उदी गबाई दिन्दा है; पर बडे घट लोक उदे संदेश जो मंदे ना। 33 पर जिना लोकां उदा संदेश मन्नी लिया उनी इसा गल्ला पर प्रमाण देई दिता की परमेश्वर सच्चा है। 34 क्योंकि जिसयो परमेश्वरे भेजया है सै परमेश्वरे दे बचना दा प्रचार करदे न क्योंकि ऐ सेई है जिसयो परमेश्वरे बिना नापी-तोली करी पबित्र आत्मा दिन्दा है। 35 पिता परमेश्वर पुत्रे ने प्यार करदा है, कने उनी सारियां चिंजा उदे हथां च देई दितियां। 36 जडा परमेश्वरे दे पुत्रे पर भरोसा रखदा है, हमेशा दी जिन्दगी उदी है; पर जडा पुत्रे जो नी मनदा है, उसयो अनन्त जिन्दगी नी मिलणी, पर परमेश्वरे दी सजा उसयो मिलणी है।” (aiōnios g166)

4 फिरी जालू यीशुऐ जो पता लग्गा की फरीसियां सुणाया है की यीशु यहन्ना ला जादा चले बणांदा कने बपतिस्मा दिन्दा है। 2 यीशु नी पर उदे चले बपतिस्मा दिन्दे थे, 3 तालू सै यहदिया प्रदेश जो छडी करी फिरी अपने चेलयां सोगी गलील प्रदेशे दे इलाके जो चली गया, 4 कने उसयो सामरियां प्रदेश ला होईकरी जाणा जस्री था, क्योंकि परमेश्वर भी ऐई चांदा था। 5 तांई तां सै सामरिया प्रदेश दे खूखार शेहरे दीकर आया, जडा उसा जमिना दे बखे है जडी याकूबे अपने पुत्र यूसुफे जो दितियो थी। 6 कने याकूबे जडा खु ओथु बणाया था, सै हले दीकर भी ओथु ही था। कने यीशु रस्ते च थकी करी उस खुऐ पर इयां ही बेई गया। कने ऐ गल्ल दोपहर दे बकते होई थी। 7 इतणे च इक सामरी जनानी पांणी भरना आई। यीशुऐ उसा जो बोलया की “मिंजो पीणे तांई पांणी दे।” 8 क्योंकि उदे चले तां शेहरे च खाणा खरीदणा गियो थे। 9 इना सामरी जनानिया उसला बोलया, तू यहदी होईकरी सामरी जनानिया ला पांणी कजो मंगा दा है? क्योंकि यहदी सामरियां सोगी कुछ भी रिशता नी रखदे। 10 यीशुऐ जबाब दिता, “तू नी जाणदी है की परमेश्वर तिजो क्या देणा चांदा, कने ऐ भी नी जाणदी की कुण तिजो ला पांणी मंगा दा है। अगर तू जाणदी, तां तू मिंजो ला मंदादी, कने मैं तिजो जिन्दगिया दा पांणी दिन्दा जडा जिन्दगी दिन्दा है।” 11 जनानिया उसला बोलया, प्रभु जी, तेरे बाल पांणिए भरने तांई तां कुछ हे भी नी है, कने खु तां बडा डुगा है; तां फिरी सै जिन्दगिया दा पांणी तेरे बाल कुथु ला आया? 12 क्या तू साडे पूर्वज याकूबे ला बडा है, जिनी सांझो ऐ खु दिता; कने उनी कने उदे बचयां कने डंगरां समेत इस खुऐ ला पीता? 13 यीशुऐ उसा जो जबाब दिता, जडा कोई इस पांणिए जो पिगा उसयो फिरी त्रे लग्गी पांणी, 14 पर जडा कोई उस पांणिए जो पिगा जडा मैं उसयो देणा, तां उनी फिरी अनन्तकाल दीकर कदी त्रिणा नी होणा। जडा पांणी मैं उसयो दिगा, सै उदे च इक पांणिए दा खु बणी जाणा, जडा उस पांणिए जो दिन्दा रेंदा है कने उसयो हमेशा दी जिन्दगी देणी। (aiōn g165, aiōnios g166) 15 उना जनानिया उसला बोलया, “प्रभु जी, सै पांणी मिंजो दे ताकि मिंजो त्रे ना लग्गे कने ना पांणी भरणे तांई बार-बार इतणी दुरे जो ओऐ।” 16 यीशुऐ उसा जो बोलया, “जा, अपने घरे बाले जो ऐथु सदी लेई ओ।” 17 जनानिया जबाब दिता, “मेरा घरे बाले नी है।” यीशुऐ उसा ने बोलया, “तू ठीक बोलदी है, की मेरा घरेबाला नी है। 18 क्योंकि तू पंज घरे बाले करी बेठिइयो है, कने हुण तू जिस माणुऐ बाल है सै भी तेरा घरेबाला नी है; ऐ तू सच्च बोलया है।” 19 जनानिया उसला बोलया, “प्रभु जी, मिंजो लगदा है तू परमेश्वरे दा संदेश देणेबाला है। 20 साडे सामरी पूर्वज इसी पाहेडे पर परमेश्वरे दी भक्ति करदे थे, कने तुसां यहदी लोक बोलंदे न की सै जगा जिथु अराधना करणी चाईदी सै यरूशलेम शहर च है।” 21 यीशुऐ उसा ने बोलया, “हे जनानिये, मेरिया गल्लां पर भरोसा कर की सै बकत ओणा है, ना तां तुसां इसी पाहेडे पर पिता दी भक्ति करणी है ना तां यरूशलेम शहर च। 22 तुसां सामरी लोक जिसयो नी जाणदे न, उदी भक्ति करदे न; कने असां यहदी लोक जिसयो जाणदे न उदी अराधना करदे न; क्योंकि

उद्धार करने वाले यहूदियों के ही ओणा है। 23 पर सै बकत ओणा है, कितयो थे, उना सारयां कम्मा जो दिखया था, क्योकि सै भी त्योहारे मतलब अजे भी है, जिदे क सच्चे भक्त पिता परमेश्वरे दी भक्ति आत्मा कने सचाइया ने करणी है, क्योकि पिता परमेश्वर अपने ताई एदे ही अराधना करने बालयां जो तोपदा है। 24 परमेश्वर आत्मा है, कने जरूरी है की उदी अराधना करने वाले आत्मा कने सचाइया ने भक्ति करन।” 25 जनानिया उसला बोलया, “मै जाणदी है की मसीह जिसयो ख्रिस्तस बोलदे न, ओणे बाला है; जालू उनी ओणा है, क्योकि सै मरणे बाला था। 48 यीशुए उसयो बोलया, जालू तुसां तां उनी सांजो सारियां गल्लां दसी देणियां न।” 26 यीशुए उसा ने बोलया, “मै जडा तिजो ने बोला दा है, सेई है।” 27 इतणे च उदे चेले आई गे, कने हेरान होणा लग्गे की सै जनानिया ने गल्लां करा दा है; पर तमी कुनी नी पुछया, तू क्या चांदा है? “कने कजो इसा ने गल्लां करा दा है?” 28 तालू सै जनानी अपणा घडा छडी करी शेहरे जो चली गई, कने लोका ने बोलणा लग्गी, 29 “ओआ, इक माणुए आई रे कने बोलणा लग्गे, “तेरा जागत जिन्दा है।” 52 उनी उना ला जो दिखा, जिनी सब कुछ दसी दिता जडा मै कितया। कुथी ऐई तां मसीह नी है?” 30 तालू सै शेहरे ला निकली करी यीशुए जो दिखणा ओणा लग्गे। 31 इतणे च उदे चेले आई करी उसला बिनती करणा लग्गे, “गुरु जी, कुछ खाई ले।” 32 पर यीशुए उना ने बोलया, “मेरे बाल खांणे ताई ऐसा खांणा है जिसयो तुसां नी जाणदे न।” 33 तालू चेलयां अपु चे बोलया, “क्या कुनी इदे ताई कुछ खांणे जो लांदया है?” 34 यीशुए उना ने बोलया, मेरा खांणा परमेश्वरे दी इच्छा दा पालन करणा है जिनी मिंजो भेजया है, कने उस कम्मे जो पूरा करणा है जडा उनी मिंजो सौपया। 35 क्या तुसां नी बोलदे, बडाई करणे जो अजे भी चार महीने पियो न? दिखा, मै तुसां ने बोलदा है, अपणियां हखी खोला कने ओणे बाले लोकां जो दिखा। सै खतरां च पकियो फसला साई न, कने बडाई ताई तैयार न। 36 पेहले ला ही बडणे बाले कम्म करा दे न कने उना जो अपणी मजदूरी मिल्ला दी है। कने बी राणे बाला कने बडणे बाला दोनो मिलिकरी खुशी मनान। (aiōnios g166) 37 क्योकि इसा गल्ला पर ऐ कहावत ठीक बोदी है: राणे बाला कोई होर है कने बडणे बाला कोई होर है। 38 मै तुहांजो उस खेतेरे जो बडणे ताई भेजया जिस च तुसां मेहनत नी कितियो होरनी मेंहनत कितियो है, “तुसां उसा फसला जो गटेरणा (जिस ताई उना कम्म कितया है)।” 39 कने उस शेहरे दे मतयां सामरियां उसा जनानिया दे बोलणे ने यीशुए पर भरोसा किता; जिना ऐ बोलया था, की उनी सब कुछ दसी दिता, जडा मै कितया है। 40 जालू से सामरी उदे बाल आये, तां उसला बिनती करणा लग्गे की साडे ऐथू रे। तां सै ओथु दो रोज रिया। 41 कने उदे संदेश दिया बजा ने मतयां यीशुए पर भरोसा किता। 42 कने उना जनानिया बोलया, हण असां तेरे बोलणे ने ही भरोसा नी करदे न, क्योकि असां अपु ही सुणी लिया, कने असां जाणदे न की ऐई सच्ची दा संसारे दा उद्धार करणे बाला है। 43 फिरी सै उना दो रोजां बाद सै ओथु ला निकली करी गलील प्रदेश जो गया। 44 क्योकि यीशुए अपु ही बोलया था की परमेश्वरे दा संदेश देणेबाले दी अपने देशे च इज्जत नी होंदी है। 45 जालू सै गलील प्रदेश गया, तां गलील बासी खुशिया ने उसला मिल्ले; क्योकि जितणे भी कम्म उनी यरूशलेम शहर च त्योहारे बेले

5 इना गल्लां दे बाद यहूदियां दा इक त्योहार होया, कने यीशु यरूशलेम शहर जो गया। 2 यरूशलेम च भेडां दे फाटके बखे इक तलाब है जिसयो इब्रानी भाषा च बैतहसदा बोलदे न, कने उदे चारो पास्से पंज बरांडे न। 3 उना च मते बीमार, अन्ने, लंगडे कने सुकयो अंगा बाले, पाणिऐ हिलणे दिया आसा च ओथु बेई रेदे थे। 4 क्योकि परमेश्वरे दे नियुक्त बकते पर स्वर्गदूत तलाब पर उतरी करी पाणिऐ जो हिलादे थे: पांणी हिलणे बाद जडा कोई भी पेहले अंदर जांदा था सै ठीक होई जांदा था चाऐ उदी कोई भी बिमारी हो। 5 ओथु इक माणु था, सै ठतियां सालां ला बीमारिया च था। 6 यीशुए उसयो पिया दिखीकरी कने जाणी करी की ऐ इसा हालता च बडे रोजां ला है, उसला पुछया, “क्या तू ठीक होणा चांदा है?” 7 उनी बिमारे जबाब दिता, “प्रभु जी, मेरे बाल कोई माणु नी है, की जालू पांणी हिले, तालू मिंजो तलाब दे अंदर जाणे ताई मदद करे, मै तलाब दे अंदर जाणे दी कोशिश करदा है, हमेशा मेरे पुजणे ला पेहले ही कोई होर मेरला पेहले तलाब अंदर चली जांदा है।” 8 यीशुए उसला बोलया, “उठ, अपणिया चटाईया जो चुकी करी हंड फिर।” 9 सै माणु झट ठीक होई गया, कने अपणिया चटाईया जो चुकी करी चलणा फिरणा लग्गी पिया। 10 जिस रोजे ऐ सब होया सै सब्ते दा दिन था। इस ताई यहूदी अगुवे उसला जडा ठीक होया था, बोलणा लग्गे, “मूसा दिया व्यवस्था दे अनुसार सब्ते दे रोजे, तिजो चटाईया जो चुकी करी लेई जाणा ठीक नी है।” 11 उनी उना जो जबाब दिता, “जिनी मिंजो ठीक किता उनी मिंजो बोलया है, अपणिया चटाईया चुकी करी चल फिर।” 12 उना उसला पुछया, “सै कुण माणु है जिनी तिजो ऐ बोलया, चटाई जो चुक कने चल फिर?” 13 पर जडा ठीक होई गया था, सै नी जाणदा था की सै कुण है;

क्योंकि उसा जगा पर भीड़ होणे दिया बजा ने यीशु ओथु भिडा ने मिली गया कने उना जो मिल्ला नी। 14 कुछ बकते बाद सै यीशुए जो मंदरे दे अंगणे च मिला, तालू उनी उसला बोलया, “दिख, तू तां ठीक होई गया है; हण दोबारा पाप मत करदा, इयां ना हो की इसला भी बडी मुसिबत तिजो पर आई जा।” 15 उनी माणुए जाई करी यहदी अणुवां ने बोलीं दिता की जिनी मिंजो ठीक कितया है सै यीशु है। 16 इसा बजा ने यहदी अणुवे यीशुए जो सताणां लग्गे, क्योकि सै ऐसे-ऐसे कम्म सब्ते दे रोजे करदा था। 17 इसा गल्लां पर यीशुए उना ने बोलया, मेरा पिता परमेस्वर हले दीकर कम्म करदा है कने मिंजो भी कम्म करणा चाईदा। 18 यीशुए ऐ बोलया इसा बजा ने यहदी अणुवे उसयो होर भी जादा मारणे दी कोशिश करणा लग्गे, की सै सिर्फ ऐई नी की सब्ते दे दिने दे रिबाजे जो तोडा दा, पर सै परमेस्वरे जो भी अपना पिता बोली करी, अपने आपे जो परमेस्वर दे बराबर बोला दा था। 19 इसी पर यीशुए उना ने बोलया, मैं तुसां ने सच्च-सच्च बोलदा है, मैं अपु ला कुछ नी करी सकदा है, सिर्फ सेई जडा सै पिता परमेस्वर जो करदे दिखदा है, क्योकि जिना-जिना कम्मा जो सै करदा है उना जो मैं भी तियां ही करदा है। 20 इस तांई पिता परमेस्वर मिंजो ने प्यार करदा है कने जडे-जडे कम्म सै अपु करदा है, सै सारे उसयो दसदा है; कने उनी इना ला भी बढे कम्म उसयो दसणे न, ताकि तुसां हेरान होन। 21 क्योकि जियां मेरा पिता परमेस्वर मरयां लोकां जो जिन्दा करदा है, तियां ही मैं भी जिना जो चांदा है उना जो जिन्दा करदा है। 22 पिता परमेस्वर कुसी दा भी न्याय नी करदा है, पर न्याय करणे दा सारा कम्म मिंजो देई दितया है, 23 इस तांई जियां सारे लोक पिता परमेस्वर दा आदर करदे न तियां ही मेरा भी आदर करन जडा मेरा आदर नी करदा, सै पिता परमेस्वर दा आदर भी नी करदा है जिनी उसयो भेजया है। 24 मैं तुसां ने सच्च-सच्च बोलदा है, जडा मेरा बचन सुणीकरी मेरे भेजणे बाले पर भरोसा करदा है, हमेशा दी जिन्दगी उदी है, कने उसयो सजा नी मिलणी है पर सै तां अनन्त मौता ला बची गया है कने उनी पेहले ला ही जिन्दगी च प्रवेश करी लिया है। (aiōnios g166) 25 “मैं तुसां ने सच्च-सच्च बोलदा है, सै बकत ओणा है, कने हण है, जिदे च मरयां परमेस्वरे दे पुत्र, मेरी अबाज सुणी, कने जडे सुणगे उना हमेशा तांई जी पोणा है।” 26 क्योकि जियां पिता परमेस्वर अपने अंदर जिन्दगी रखदा है, तियां ही उनी अपने पुत्र, जो भी हक दितया है की सै अपने आपे च जिन्दगी रखे; 27 क्योकि मैं माणुए दा पुत्र है, इस तांई पिता परमेस्वरे मिंजो सारे लोकां जो न्याय करणे दा अधिकार दितया है। 28 इसला हेरान मत होआ, क्योकि सै बकत ओणा है, की सै सारे लोक जडे मरी गियो न, उना मेरी मतलब की, माणुए दे पुत्रे दी अबाज सुणीकरी जिन्दे होई जाणा है। 29 जिना बाल अच्छी जिन्दगी थी, उना हमेशा दी जिन्दगी तांई जिन्दे होई जाणा है, सै जडे बुराई च जिन्दगी बितान्दे न, उना दोषी होणे तांई जी पोणा है। 30 “मैं अपने आपे ला कुछ नी करी सकदा; मैं लोकां दा न्याय तियां ही करदा है जियां पिता परमेस्वर मिंजो उना दा न्याय करणे तांई बोलदा है, कने मेरा न्याय सही है; क्योकि मैं अपना मरजी नी, पर

अपणे भेजणे बाले दी मजीं चांदा है। 31 अगर मैं अपु ही अपना गबाई दें, तां मेरी गबाई सच्ची नी है। 32 इक होर है जडा मेरा पिता परमेस्वर है, सै भी मेरे बारे च गबाई दिन्दा है, कने मैं जाणदा है की मेरी जडी सै गबाई दिन्दा है, सै सच्ची है। 33 तुसां यहन्ना बपतिस्मा देणेबाले बाल संदेश देणेबाले भेजे कने उनी सचाइया दी गबाई दितियो है। 34 पर मैं अपने बारे च माणुआं दी गबाई नी चांदा है; तमी मैं इसा गबाई दे बारे च दसया है जडी यहन्ना दिती थी ताकि तुहाडा उद्धार होऐ। 35 यहन्ना इक दिव्ये सांई था; कने तुहांजो थोडिया देरा तांई उदिया लौई च, मगन होणा खरा लग्गा। 36 पर मेरे बाल यहन्ना ला भी बढी गबाई है: क्योकि जडा कम्म पिता परमेस्वरे मिंजो पूरा करणे तांई दितया सै मेरे बारे च गबाई दिन्दा है। जडा कम्म मैं करी सकदा है, सै गबाई दिन्दा है की मिंजो पिता परमेस्वरे भेजया है। 37 कने पिता परमेस्वर जिनी मिंजो भेजया है, उना ही मेरी गबाई दितियो है तुसां ना तां उदी कदी अबाज सुणी, कने ना उसयो आमणे सामणे दिखया है। 38 कने उदे संदेशा जो मने च टिकाई करी नी रखदे, क्योकि जिसयो परमेस्वरे भेजया है तुसां उदा भरोसा नी करदे। 39 तुसां पबित्र शाखां च ध्याने ने पढी करी तोपदे न, क्योकि तुसां समझदे न की उना ने हमेशा दी जिन्दगी मिलदी है, कने ऐ सेई बचन है, जडा मेरी गबाई दिन्दा है; (aiōnios g166) 40 पर ऐ सब होणे पर भी अनन्त जिन्दगी पाणे तांई मेरे बाल नी ओणा चांदे न। 41 मैं माणुए ला आदर दी आस नी रखदा है। 42 क्योकि मैं तुसां जो जाणदा है की तुसां अपने मने च परमेस्वरे तांई प्यार नी रखदे न। 43 मैं अपने पिता परमेस्वर दे अधिकारे ने आया है, कने तुसां मिंजो अपनादे नी अगर कोई होर अपने ही अधिकारे ने ओऐ, तां उसयो तुसां अपनाई लेंदे न। 44 तुसां मिंजो पर भरोसा नी करी सकदे न, क्योकि तुसां इकी दुज्जे ला अपना आदर मान चांदे न, कने तुसां इकलोते परमेस्वरे ला आदर मान पाणे दी कोशिश नी करदे न। 45 ऐ मत समझा, की मैं पिता परमेस्वरे दे सामणे तुसां पर दोष लगा दा: मूसा, जिस पर तुसां आस रखियो है, उनी तुसां पर दोष लगाणे न। 46 क्योकि अगर तुसां मूसा दा भरोसा करदे, तां मेरा भी भरोसा करदे, इस तांई की उनी भी मेरे बारे च पबित्र शाखा च लिखया है। 47 क्योकि तुसां उदियां लिखियां गल्लां दा भरोसा नी करदे, तां तुसां पक्का ही मेरियां गल्लां दा भी नी करी सकदे।”

6 इना गल्लां दे बाद यीशु गलील झिला च मतलब की तिबिरियासे दिया झिला बखे गया। 2 कने बडी भरी भीड़ उदे पिच्छे चली पेई क्योकि जडे अनोखे कम्म सै बिमारां पर दसदा था सै उना जो दिखदे थे। 3 तालू यीशु पहाडे पर चडी करी अपनायां चेलयां सोगी ओथु बैठा। 4 कने यहदियां दे फसह दा त्योहारे नेडे ही था। 5 तालू यीशुए नजरा चुकी करी मती भरी भिडा जो अपने बाल ओदे दिखया, कने फिलिप्पुस ने बोलया, “असां इना जो खाणे तांई रोटी कुथु ला खरदी लोणी?” 6 पर यीशुए ऐ गल्ल उसयो पररखणे तांई बोली; क्योकि सै अपु जाणदा था की मैं क्या करणा है। 7 फिलिप्पुसे उसयो जबाब दितया, “इतणी रोटियां दी कीमत दो सो दिना दिया मजदुरिया दे बराबर होणी, सै भी उना तांई पूरी नि होणी की

उना चे हर इकी जणे जो थोड़ी-थोड़ी मिल्ली जा।” 8 उदे चेलयां उसयो दिखीकरी तिजो पर भरोसा करन? तू कुण दिया कम्म दसदा चे शमैन पतरस दे भाई अन्दियासे उसयो बोलया, 9 “ऐथू इक जागत है जिदे बाल जौ दियां पंज रोटियां न कने दो मखियां न, पर ऐ शन्न च लिखया है, मूसा उना जो खांणे ताई स्वर्गे ला रोटी दिती।” 31 साडयां पूर्वजां सुनसान जगा च मन्ना खादा; जियां पबित्र इतणे लोका ताई काफी नी है। 10 यीशुए बोलया, “लोकां जो बठाई दिया।” उसा जगा पर मता घा था: तालू सै लोक बैठी गे, कने सै गिणतिया च लगबग पंज हजार थे। 11 तालू यीशुए रोटियां लियां, कने धन्यबाद करिके जडे बैठयो थे उना जो बंडी दितियां: कने तियां ही मखियां जो भी जितणियां सै चांदे थे बंडी दितियां। 12 जालू सै खाई करी रजी गे तां उनी अपने चेलयां ने बोलया, “बचयां टुकडयां जो गठेरी लिया, ताकि कुछ बर्बाद ना होऐ।” 13 उना सै रोटियां दे टुकडे गठेरे, कने सै पंज रोटियां दे टुकडे जडे खांणे बालयां ला बची गियो थे उना ने बाहरा टोकरीयां भरियां। 14 तालू जडा अनोखा कम्म उनी करी के दसया उसयो दिखीकरी लोक बोलणा लगे; की सै परमेश्वरे दा संदेश देणेबाला है जडा संसारे च ओणे बाला था, सै पका ऐई है। 15 यीशु ऐ जाणी करी की लोक मिंजो राजा बणाणे ताई आई करी पकडना चांदे न, फिरी पहाडे पर किला ही चली गिया। 16 फिरी जालू संज होई, तां उदे चले झिला कंडे पर आये, 17 कने किस्तिया पर चढी करी झिला पार कफरनहम शहर जो जाणा लगे: उस बेले नेहरा होई गिया था, कने यीशु हले दीकर उना बाल नी पुजया था। 18 कने तुफने दिया बजा ने झिला च लेहरां उठणा लगियां। 19 जालू सै चलदे-चलदे लगबग चार मील निकली गे, तां उना यीशुए जो झिला पर चलदे कने किस्तिया बखे ओदे दिखया, कने चले डरी गे। 20 पर यीशुए उना ने बोलया, “मै है; डरा मत।” 21 सै उसयो किस्तिया पर चढणे ताई तैयार होऐ कने झट सै किस्ति उसा जगा जाई पुज्जी जिसा जगा सै चलयो थे। 22 दुज्जे रोजे उना भिडा, जडी झिला पार खडोतियो थी, ऐ दिखया की ऐथू इकी जो छडी करी होर कोई लोकी किस्ति नी थी, कने यीशु अपणयां चेलयां सोगी इसा किस्तिया पर नी चढया था, बस उदे चले ही गियो थे। 23 होर लोकी किस्तियां तिबिरियास शहरे ला उसा जगा पर आईयां, जिथू उना प्रभु दा धन्यबाद करणे बाद रोटी खादी थी। 24 जालू भिडा दिखया, की ऐथू ना यीशु है, ना उदे चले, तां सै भी लोकियाँ-लोकियाँ किस्तिया पर चढी करी यीशुए जो तोपदे कफरनहम शहर च जाई पुज्जे। 25 कने झिला दे पार उसला मिली करी उसयो बोलया, “गुरू जी, तू ऐथू कालू आया?” 26 यीशुए उना जो जबाब दिता, “मै तुसां ने सच्च-सच्च बोलदा है, तुसां मिंजो इस ताई नी तोपा दे की तुसां अनोखे कम्म दिखयो, पर इस ताई की तुसां रोटियां खाई करी रजी गे। 27 खतम होणे बाले खांणे पिच्छे मेहनत मत करा, पर उस खांणे ताई करा जडा हमेशा दिया जिन्दगिया दीकर रेंदा है, जडा मै माणुए दे पुत्रे तुहांजो ऐ खाणा देणा है, क्योंकि पिता परमेश्वरे मिंजो ऐसा करणे दा हक दितया है।” (aiōnios g166) 28 उना यीशुए ला पुछया, “परमेश्वरे दा कम्म करणे ताई असां क्या करन?” 29 यीशुए उना जो जबाब दिता, “परमेश्वर चांदा है की तुसां उस पर भरोसा करन जिसयो उनी भेजया है।” 30 तालू उना उसला पुछया, “फिरी तू कुण दिया चमत्कार दसदा है, कि असां उसयो दिखीकरी तिजो पर भरोसा करन? तू कुण दिया कम्म दसदा है? 31 साडयां पूर्वजां सुनसान जगा च मन्ना खादा; जियां पबित्र शन्न च लिखया है, मूसा उना जो खांणे ताई स्वर्गे ला रोटी दिती।” 32 यीशुए उना बोलया, “मै तुसां ने सच्च-सच्च बोलदा है तुहांजो सै रोटी स्वर्गे ला मूसा नी दितियो, पर मेरे पिता परमेश्वर तुहांजो स्वर्गे ला सच्ची रोटी दिन्दा है। 33 क्योंकि परमेश्वरे दी रोटी सेई है, जडी स्वर्गे ला उतरी करी संसारे दे लोकां जो जिन्दगी दिन्दी है।” 34 तालू उना उसला बोलया, “प्रभु जी, ऐ रोटी सांझो रोज ही दे करा।” 35 यीशुए उना ने बोलया, “रोटी जडी हमेशा दी जिन्दगी दिन्दी है सै रोटी मै है: जडा मेरे बाल ओगा उनी कदी भूखे नी होणा कने जडा मिंजो पर भरोसा करणा, सै कदी तरिणा नी होणा। 36 पर मै तुसां ने पहले ही बोलया था, की तुसां मिंजो दिखी भी लिया है तमी भरोसा नी करदे। 37 जडा कुछ पिता परमेश्वरे मिंजो दिन्दा है, सै सब मेरे बाल ओगा है, कने जडा कोई मेरे बाल ओगा उसयो मै कदी नी कडगा। 38 क्योंकि मै अपनी इच्छा नी, पर अपने भेजणे बाले दी इच्छा पुरी करणे ताई स्वर्गे ला उतरया है। 39 कने मेरे भेजणे बाले दी इच्छा ऐ है की जडा कुछ उनी मिंजो दितया है, उदे चे मै कुछ नी गवां पर उसयो आखरी रोजे इसयो फिरी ला जिन्दा करे। 40 क्योंकि मेरे पिता परमेश्वरे दी इच्छा ऐ है, की जडा कोई मिंजो दिखदा है, कने मिंजो पर भरोसा करे, उसयो हमेशा दी जिन्दगी मिल्ले; कने मै उसयो आखरी रोजे फिरी जिन्दा करी दिंगा।” (aiōnios g166) 41 तालू यहूदी अगुवे उस पर बुडबडणा लगे, इस ताई की उनी बोलया था, “जडी रोटी स्वर्गे ला उतरियो है सै मै है।” 42 कने उना बोलया, “क्या ऐ यूसुफे दा पुत्र यीशु नी है, जिसदे माता-पिता जो असां जाणदे न? तां सै कजो बोलदा न की मै स्वर्गे ला उतरया है?” 43 यीशुए उना जो जबाब दिता, “अपु चे मत बुडबुडा। 44 कोई मेरे बाल नी आई सकदा है, जालू दीकर पिता परमेश्वर, जिनी मिंजो भेजया है, उसयो अपने बाल खिची नी ले; कने मै उसयो आखरी रोजे फिरी जिन्दा करी देणा है। 45 परमेश्वरे दा संदेश देणेबालयां लेखां च ऐ लिखया है, सै सारे परमेश्वरे दीया तरफा ला सिखाए होणे न। जिनी कुनी पिता परमेश्वर ला सिखया कने सुणया है, सै मेरे बाल ओदा है। 46 कुनी भी पिता परमेश्वर जो नी दिखया। मै किल्ला ही है, जडा परमेश्वर दिया तरफा ला आया है, जिनी उसयो दिखया है। 47 मै तुसां ने सच्च-सच्च बोलदा है, की जडा कोई मिंजो पर भरोसा करदा है, हमेशा दी जिन्दगी उदी है। (aiōnios g166) 48 रोटी जडी जिन्दगी दिन्दी है सै मै है। 49 तुहाडे पूर्वजां सुनसान जगा च मन्ना खादा कने मरी गे। 50 ऐ जिन्दगी दी रोटी है जडी स्वर्गे ला उतरदी है ताकि माणु इसयो खा कने कदी मेरे ना। 51 जिन्दी रोटी जडी स्वर्गे ला उतरी सै मै है। अगर कोई इसा रोटिया चे खा, तां हमेशा जिन्दा रेणा, कने जडी रोटी मै संसारे दिया जिन्दगिया ताई दिंगा, सै मेरा मास है।” (aiōn g165) 52 इस पर यहूदी अगुवे ऐ बोली करी अपु चे लडना लगे, “ऐ माणु सांझो क्रियां अपना मास खांणे जो देई सकदा है?” 53 यीशुए उना ने बोलया, “मै तुसां ने सच्च-सच्च बोलदा है जालू दीकर मेरा, माणुए

दे पुत्रे दा मास नी खागे, कने उदा खून नी पीगे, तुसां च जिन्दगी नी करदे थे। 54 जडा मेरा मास खांदा है, कने मेरा खून पिंदा है, हमेशा दी जिन्दगी उदी ही है, कने न्याये दे रोजे उसयो फिरि जिन्दा करणा। (aiōnios g166) 55 क्योंकि मेरा शरीर सच्चि खांणे दी चीज है कने मेरा खून भी सच्चि पिणे दी चीज है। 56 जडा मेरा मास खांदा है कने मेरा खून पिंदा है सै मिंजो च टिकी रेंदा है, कने मै उदे च रेंदा है। 57 मेरा पिता परमेश्वर जिनी मिंजो भेजया है, सै जिन्दगी दिन्दा है। जियां उनी मिंजो जिन्दगी दितियो, तियां ही मै भी उस माणुए जो जिन्दगी देणी जडा मेरे शरीर जो खांदा है। 58 ऐ सै रोटी है, जडी स्वर्गे ला उतरी होई है; पर तुहाडे पूर्वजां मन्ना खादा, कने मरी गे: जडा कोई ऐ रोटी खांगा, उनी हमेशा जिदे रेंगा। (aiōn g165) 59 ऐ गल्लां उनी कफरनहम शेहरे दे इक यहदी जंज घर च उपदेश दिन्दे बेले बोलियां। 60 तांई तां यीशुए दे चेलयां चे मतयां ऐ सुणीकरी बोलया, ऐ समझणा बडा मुश्किल है; की कुण इसयो मन्नी सकदा है? 61 यीशुए अपने मने च ऐ जाणी करी की मेरे चेले अपु चे इसा गल्ला दे बारे च बुडबुडा दे न, उना ला पुछया, “क्या ऐ गल्ल तुहांजो मिंजो पर भरोसा करणे ला रोकदी है? 62 कने अगर तुसां मिंजो माणुए दे पुत्रे जो स्वर्गे जांदे दिखगे, जिथु सै पेहले था, तां क्या होंगा? 63 परमेश्वरे दी आत्मा तां जिन्दगी देणेबाली है, शरीर ने कोई फायदा नी है: जडियां गल्लां मै तुसां ने बोलियाँ सै पबित्र आत्मा ने बोलियां न, कने ऐ गल्लां माणुआं जो जिन्दगी दीदियां न। 64 पर तुसां चे कितणे ऐसे न जडे भरोसा नी करदे न।” क्योंकि यीशु तां पेहले ही जाणदा था की जडे भरोसा नी करदे न, सै कुण न; कने कुनी उसयो पकडवाणा है। 65 कने यीशुए बोलया, इसी तांई मै तुसां ने बोलया था की जालू दीकर पिता परमेश्वर दिया तरफा ला ऐ बरदान ना होऐ, तालू दीकर सै मेरे बाल नी आई सकदा है। 66 इसी पर उदे चेलयां चे मते बापस फिरि गे कने उदे बाद कदी उस सोगी नी चले। 67 तालू यीशुए उना बाहरां चेलयां ने बोलया, “क्या तुसां भी चली जाणा चांदे न?” 68 शमौन पतरसे उसयो जबाब दिता, प्रभु जी, असां कुसदे बाल जाणा? हमेशा दिया जिन्दगिया दियां गल्लां तां तैरे बाल ही न। (aiōnios g166) 69 कने असां भरोसा कितया है, कने जाणी गियो न, की परमेश्वरे दा पबित्र जन कने मसीहा तू ही है जिसयो परमेश्वरे भेजया है। 70 यीशुए उसयो जबाब दिता, “क्या मै तुसां बाहरां चेलयां जो नी चुणयां है? तमी तुसां च इक माणु बुरा है।” 71 ऐ उनी शमौन इस्करियोती दे पुत्र यहूदा दे बारे च बोलया, क्योंकि ऐई जडा उना बाहरां च था, जिनी उसयो पकडवाणा था।

7 इना गल्लां बाद यीशु गलील प्रदेश च गुमदा रिया, क्योंकि यहदी अगुवे उसयो मारणे दी कोशिश करा दे थे, इस तांई सै यहूदिया प्रदेश च गुमणा नी चांदा था। 2 कने यहदी लोकां दा इक त्योहारे ओणे बाला था जिसयो झोपड़ियां दा त्योहार बोलन्दे थे। 3 इस तांई यीशुए दे भाईयां उसयो बोलया, “ऐथु ला यहूदिया प्रदेश जो चली जा, की जडे कम्म तू करदा है, उना जो तैरे चेले भी दिखन। 4 क्योंकि कोई भी जडा प्रसिद्द होणा चांदा है सै लुकी करी कम्म नी करदा, अगर तू ऐ कम्म करदा है, तां अपने आपे जो संसारे च सबना

दे सामणे कर।” 5 क्योंकि यीशुए दे भाई भी उस पर भरोसा नी करदे थे। 6 तालू यीशुए उना ने बोलया, “मेरा बकत हले नी आया है; पर तुहाडे तांई कोई भी बकत सही है। 7 संसारे दे लोक तुसां ने बैर नी करी सकदे न, पर सै मिंजो ने बैर करदे न, क्योंकि मै उदे खिलाफ ऐ गबाई दिन्दा है, की उना दे कम्म बुरे न। 8 तुसां त्योहारे जो जा; मै हले इसी त्योहारे जो नी जांणा, क्योंकि हले दीकर मेरा बकत पूरा नी होया है।” 9 सै उना ने ऐ गल्लां बोली करी गलील प्रदेश च ही रिया। 10 पर जालू उदे भाई त्योहारे जो चली गे, तां सै बादे च लुकी करी ओथु गिया। 11 यहदी लोक त्योहारे च ऐ बोली करी यीशुए जो तोपणा लग्गे की सै कुथु है? 12 कने लोकां च उदे बारे च लुकी-लुकी करी मतियां गल्लां बोलियां: कुछ बोलन्दे थे की, “सै भला माणु है।” कने कितणे ही बोलन्दे थे, की नी सै लोकां जो भटकांदा है। 13 यहदी अगुवे दे डरे दिया बजा ने कोई भी माणु उदे बारे च खुली करी नी बोलदा था। 14 कने जालू त्योहारे दा अधा रोज होई गिया; तां यीशु मंदरे च जाई करी उपदेश देणा लग्गा। 15 तालू यहदी लोक हेरान होईकरी बोलणा लग्गे, की ऐ माणु बिना पबित्र शास्त्र पढयो ज्ञानी कियां बणी गिया? 16 यीशुए उना जो जबाब दिता, “मेरा उपदेश मेरा अपणा नी है, पर परमेश्वरे दिया तरफा ला है जीनी मिंजो भेजया है। 17 अगर कोई उदिया इच्छा पर चलणा चा, तां उनी जाणी लेंणा की मेरी शिक्षा परमेश्वरे दिया तरफा ला ओदी है, पर उपदेशे दे बारे च जाणी लेंणा की सै परमेश्वरे दिया तरफा ला है। 18 जडा अपणिया तरफा ला कुछ बोलदा है, सै अपणी ही इज्जत मान चांदा है; पर जडा अपने भेजणे बाले दा इज्जत मान चांदा है सै ही सच्चा है, कने उदे च धोखा नी है। 19 क्या मूसा परमेश्वरे दा संदेश देणेबाले तुहांजो व्यवस्था नी दितियो है? तमी तुसां चे कोई भी व्यवस्था पर नी चलदा है। तुसां कजो मिंजो मारी देणा चांदे न?” 20 लोका जबाब दिता; “तिजो च बुरी आत्मा है! कुंण तिजो मारणा चांदा है?” 21 यीशुए उना जो जबाब दिता, “मै इक कम्म सब्ते बाले दिने किता, कने तुसां सारे हेरान होई गे। 22 इसा बजा ने मूसा तुहांजो खतने दा हुकम दितया है, ऐ नी की सै मूसा दिया तरफा ला है पर ऐ पूर्वजां ला चली आईयो है, कने सब्ते दे रोजे तुसां माणुए दा खतना करदे न। 23 जालू सब्ते दे रोजे माणुए दा खतना करदे न ताकि मूसा दिया व्यवस्था दा हुकम न टली जा, तां तुसां मिंजो पर कजो इस तांई गुस्सा करदे न, की मै सब्ते दे रोजे इकी माणुए जो पुरी तरा ठीक किता। 24 तुसां बाहरी रूप दिखीकरी न्याय मत करा, पर सच्चाईया ने न्याय करा।” 25 तालू कितणे यरूशलेम शेहर दे रेणेबाले बोलणा लग्गे, “क्या ऐ सै ही नी है, जिसयो साडे अगुवे मारणे दी कोशिश करा दे न? 26 पर दिखा, सै तां शरेआम गल्लां करदा है कने कोई उसयो कोई कुछ नी बोलदा है; क्या होई सकदा की यहदी अगुवां सच्चि जाणी लिया है की, ऐई मसीह है? 27 इसयो तां असां जाणदे न, की ऐ कुथु दा है; पर मसीह जालू ओणा है, तां कुसयो नी पता होणा है सै कुथु दा है।” 28 तालू यीशुए मंदरे च उपदेश दिन्दे होऐे जौरे ने बोलया, “तुसां मिंजो जाणदे न, कने ऐ भी जाणदे न की मै कुथु दा है: मै तां अपु ला नी आया है पर

मिंजो भेजणे बाला भरोसेमंद है, उसयो तुसां नी जाणदे न। 29 पर मै उसयो जाणदा है; क्योंकि मै उदिया तरफा ला है कने मिंजो उनी ही भेजया है।” 30 इसा गल्ला पर अगुवां उसयो पकडना चाया पर तमी कुनी भी उसयो गिरफ्तार नी किता, क्योंकि उदा मरणे दा सही बकत हले दीकर नी आया था। 31 कने भिडा चे मतयां यीशुए पर भरोसा किता, कने बोलणा लग्गे, की जालू मसीहे ओणा है, तां उनी क्या इंदे भी जादा अनोखे कम्म दसणे जडे इनी दसे न? 32 फरीसियां लोका जो उदे बारे च ऐ गल्लां बल्ले-बल्ले करते सुणाया; कने बहु याजकां कने फरीसियां उसयो पकडने तांई मंदरे दे रखबाले भेजे। 33 इस पर यीशुए बोलया, “मै थोडिया देरा दीकर तुहाडे सोगी है; फिरी मै अपने भेजणे बाले दे बाल बापस चली जाणा है। 34 तुसां मिंजो तोपणा है, पर मै मिलणा नी है; कने जिथू मै है, ओथु तुसां आई नी सकदे।” 35 यहदी अगुवां अपु चे बोलया, इनी कुथु जाणा की सांझो इनी मिलणा ही नी है। क्या सै उना बाल जांगा जडे यूनान शेहरे च लग-लग जगा च रेंदे न, कने यूनान दे लोकां जो भी उपदेश दिगा? 36 सै क्या बोलणा चांदा है, जडी उनी बोली, की तुसां मिंजो तोपणा है, पर मै नी मिलणा है: कने जिथू मै है, ओथु तुसां नी आई सकदे? 37 फिरी त्योहारे दे आखरी रोजे, जडा खास दिन है, यीशु खडोता कने जेरे ने बोलया, “अगर कोई त्रिणा है तां मेरे बाल ओए कने पाणी पिये? 38 जडा मिंजो पर भरोसा करणा, जियां पबित्र शाखां च लिख्या है, उदे मने चे पाणिये दियां खड्डां जडियां जिन्दगी दिन्दियां सै चली पोणियां न।” 39 जालू यीशुए ऐ गल्ल बोली, तां सै पबित्र आत्मा दे बारे च बोला दा था, सै उना सारयां जो मिलदा है जडे उस पर भरोसा करदे थे, क्योंकि पबित्र आत्मा हल्ले दीकर नी उतरया था। क्योंकि परमेख्वरे हले दीकर यीशु दी महिमा जो प्रगत नी कितया था। 40 तालू भिडा चे केई लोकां ऐ सुणीकरी बोलया, “सच्ची ऐई है सै परमेख्वरे दा संदेश देणेबाला है, जिसदी असां उम्मीद रखियो है।” 41 लोकां बोलया, ऐ मसीह है, पर कुनी बोलया, “कजो? क्या मसीह गलील प्रदेश ला ओणा है? 42 पर पबित्र शाखां च लिखया है, की मसीहे दाऊदे दे बंशे ला कने बैतलहम शेहरे ला ओणा है, जिथू दाऊद रेंदा था?” 43 इयां यीशुए दिया बजा ने लोकां च फूट पेई गई। 44 उना चे कितणे ही उसयो पकडणा चांदे थे, पर कोई भी उसयो गिरफ्तार नी करी सकया। 45 तालू सपाई बहु याजकां कने फरीसियां बाल बापस आए, कने उना सिपाईयां ला पुछया, “तुसां उसयो कनी लंदा?” 46 सिपाईयां जबाब दिता, की कुनी माणुए कदी भी ऐदिया गल्लां नी बोलियां। 47 फरीसियां उना जो जबाब दिता, “क्या तुसां भी भटकी गियो न? 48 क्या सरदारां या फरीसियां चे कुनी भी उस पर भरोसा किता है? 49 पर ऐ लोक जडे मूसा दी व्यवस्था जो नी जाणदे, उना जो परमेख्वरे श्राप दितया है।” 50 नीकुदेससे, (जडा राती यीशुए बाल आया था कने उना चे इक था), उना ने बोलया, 51 “क्या साडी व्यवस्था कुसी माणुए जो जालू दीकर पेहले उदे बारे च सुणीकरी समझी ना ले की सै क्या करदा है, उसयो सजा दिन्दी है?” 52 उना उसयो जबाब दिता, “क्या तुमी गलील प्रदेशे दा है? पबित्र शाखां

च तोप कने तां तिजो पता चलणा, की गलील दे इलाके ला कोई परमेख्वरे दा संदेश देणेबाले प्रगत नी होणा है।” 53 तालू सारे अपने-अपने घरे जो चली गे।

8 पर यीशु अपने चेलयां सोगी जैतून रूखां दे पाहडे पर गिया। 2 यीशु अगली ब्यागा तडके मंदरे दे अंगणे च बापस आया, कने मते सारे लोक उदे बाल आये; कने सै बेठी करी उना जो उपदेश देणा लग्गा। 3 जालू सै बोला दा ही था, तां धार्मिक व्यवस्था जो सिखाणे बाले कने फरीसी इक जनानिया जो लेई आये जडी व्यभिचार च पकडियो थी, कने उसा जो सामणे खरेडी करी यीशुए बोलया, 4 “गुरू जी, ऐ जनानी व्यभिचार करदे पकडियो है। 5 व्यवस्था च मूसा सांझो हुकम दितया है की ऐसे माणुए जो पथर मारी करी मारी दिया: तां तू क्या बोलदा है की सांझो क्या करणा चाईदा?” 6 उना यीशुए जो परखणे तांई ऐ गल्ल बोली थी ताकि उना जो यीशुए पर दोष लाणे तांई कोई गल्ल मिल्ले, पर यीशु झुकी करी उंगलियां ने जमिना पर लिखणा लग्गा। 7 जालू सै उसला पृछेदे, तां उनी सिधे होईकरी उना ने बोलया, “तुसां चे जिनी भी कदी पाप नी कितया है, सै ही पेहले इसा जो पथर मारे।” 8 कने फिरी झुकी करी उंगलियां ने जमिना पर लिखणा लग्गा। 9 पर ऐ सुणीकरी बडयां ला लेईकरी छोटयां दीकर सारे इक-इक करी के निकली गे क्योंकि सै जाणदे थे की सै पापी न, कने सिर्फ यीशु कने सै जनानी ओथु रेई गई। 10 यीशुए सिधे होईकरी उसा ने बोलया, “हे जनानी, सै कुथु गे? क्या कुनी तिजो सजा देणे दा हुकम नी दिता?” 11 उना बोलया, “प्रभु जी, कुनी भी नी।” यीशुए बोलया, “मै भी तिजो सजा देणे दा हुकम नी दिन्दा; हुण बापस घरे चली जा, कने हुण देवारा कदी जिंदगी च पाप मत करदी।” 12 तां यीशुए लोकां ने फिरी बोलया, “संसारे दी लौ मै है; जडा मेरियां गल्लां पर चलगा, उनी नेहरे च नी चलणा है, कने उसयो सै लौ मिलणी जडी हमेशा दी जिन्दगी दिन्दी है।” 13 फरीसियां उसला बोलया; “तू अपनी गबाई अपु ही दिन्दा है, तेरी गबाई सच्ची नी है।” 14 यीशुए उना जो जबाब दिता, “अगर मै अपनी गबाई अपु दिन्दा है, तमी मेरी गबाई ठीक है, क्योंकि मै जाणदा है, की मै कुथु ला आया है कने कुथयो जाणा है? पर तुसां नी जाणदे की मै कुथु ला आंदा है या कुथयो जाणा है। 15 तुसां लोक इन्सानां सोच ने बाकी लोकां दा न्याय करदे न; मै कुसदा भी न्याय नी करदा है। 16 कने अगर मै न्याय करे भी तां मेरा न्याय सच्चा है; क्योंकि मै किल्ला नी है, पर मै पिता परमेख्वरे सोगी है, जिनी मिंजो भेजया है। 17 कने मूसा दिया व्यवस्था च लिखया भी है; दो जणया दी गबाई मिली करी ठीक होंदी है। 18 इक तां मै अपु अपनी गबाई दिन्दा है, कने द्वा मेरा पिता परमेख्वर मेरी गबाई दिन्दा है जिनी मिंजो भेजया है।” 19 उना यीशुए ला पुछया, तेरा पिता कुथु है? यीशुए जबाब दिता, “ना तुसां मिंजो जाणदे न, ना तुसां मेरे पिता परमेख्वर जो, अगर मिंजो जाणदे होदें तां मेरे पिता परमेख्वर जो भी जाणदे।” 20 ऐ गल्लां उनी मंदरे दे अंगणे च उपदेश दिन्दा भंडार घरे च बोलियां, कने कुनी भी उसयो नी पकडया; क्योंकि उदे मरणे दा बकत हले दीकर नी आया था। 21 यीशुए फिरी उना ने बोलया, “मै

चली जाणा है, कने तुसां मिजो तोपणा है कने तुसां अपने पाप माफ होयो बिना ही मरी जाणा। जिथू मैं जांदा है, ओथू तुसां नी आई सकदे न।” 22 इस पर यहूदी अगुवां बोलया, क्या इनी अपने आपे जो मारी लेणा है, की ऐ बोला दा है, “जिथू मैं जांदा है ओथू तुसां नी आई सकदे न?” 23 यीशुऐ उना ने बोलया, “तुसां इस संसारे च पैदा होयो न, पर मैं स्वर्ग ला आया है, तुसां इस संसारे द न, मैं संसारे दा नी है। 24 इस ताई मैं तुसां ने बोलया, कि तुसां अपने पापां माफ होयो बिना ही मरी जाणा है, अगर तुसां भरोसा नी करदे की मैं सै ही है जडा ओणे बाला है, तां तुसां मरी जाणा, कने तुहाडे पाप माफ नी किते जाणे न।” 25 यहूदी अगुवां उसला पुछया, “तू कुण है?” 26 यीशुऐ उना ने बोलया, जालू ला मैं उपदेश देणा शुरू कितया है तालू ला मैं दसदा आया है की मैं सेई है। 26 मिजो तुहाडे न्याय दे बारे च तुसां जो मता कुछ बोलणा है, पर मिजो भेजणे बाला सच्चा है। कने जडा मैं उसला सुणदा है, सै ही संसारे दे लोकां जो बोलदा है। 27 सै हले दीकर ऐ नी समझी सके थे की सांझो ने पिता परमेश्वर दे बारे च बोला दा है। 28 तालू यीशुऐ बोलया, “जालू तुसां मिजो, माणुऐ दे पुत्रे जो उपर चढांगे, जालू ला मैं उपदेश देणा शुरू कितया है तालू ला मैं दसदा आया है की मैं सेई है, कने अपने आपे ला कुछ नी करदा है, पर जियां मेरे पिता परमेश्वरे मिजो सिखया है, तियां ही ऐ गल्लां बोलदा है। 29 कने मिजो भेजणे बाला मेरे सोगी है, उनी मिजो किल्ला नी छडया; क्योंकि मैं हमेशा ला ही कम्म करदा है, जिस ने सै खुश होंदा है।” 30 मतयां लोकां जिना यीशु जो ऐ गल्लां बोलदे सुणया, उस पर भरोसा किता। 31 तालू यीशुऐ उना यहूदी लोकां ने जिना उस पर भरोसा कितया था, बोलया, “अगर तुसां मेरी गल्लां च बणी रेंगे, तां सच्ची मेरे चले न। 32 तुसां सच्च जो जाणना, कने सच्च ने तुहांजो अजाद करणा।” 33 उना उसयो जबाब दिता, “असां तां अब्राहम दे बंशज न, कने कदी कुसदे गुलाम नी रे; फिरी तू कजो बोला दा, की तुसां अजाद होई जाणा?” 34 यीशुऐ उना जो जबाब दिता, “मैं तुसां ने सच्च-सच्च बोलदा है की जडा कोई पाप करा दा है सै पापे दा गुलाम है। 35 कने सेवक हमेशा घरे च नी रेंदा है; पर पुत्र हमेशा घरे च रेंदा है। (aiōn g165) 36 इस ताई अगर पुत्र तुहांजो अजाद करणा तां, तुसां सच्ची दे अजाद होणा है। 37 मैं जाणदा है की तुसां अब्राहम दे बंशज दे न; तमी मेरे उपदेशां दा पालन नी करणा, ताई तां तुसां मिजो मारी देणा चांदे न। 38 मैं उना चिंजा जो दस्सा दा है जिना जो मैं दिखया है जालू मैं पिता परमेश्वरे सोगी था, कने तुसां सै ही करदे रेंदे न जडा तुसां अपने पिता ला सुणया है।” 39 उना उसयो जबाब दिता, “साडा पूर्वज तां अब्राहम है।” यीशुऐ उना ने बोलया, अगर तुसां अब्राहम दे बंशज होंदे, तां जडा अब्राहम करदा था सै कम्म तुसां भी करदे। 40 अब्राहमे जडा किता, सै करणे दिया बजाऐ तुसां मिजो मारणे दी कोशिश करा दे न, जिनी तुहांजो सच्चा बचन सुणया जडा परमेश्वरे ला सुणया ऐसा तां अब्राहमे नी कितया था। 41 तुसां अपने पिता सांई कम्म करदे न, उना उसयो बोलया, “असां व्यभिचारे ने नी जमयो न, साडा सिर्फ इक ही पिता है सै ही परमेश्वर है।” 42 यीशुऐ उना ने बोलया,

“अगर परमेश्वर तुहाडा पिता होंदा, तां तुसां मिजो ने प्यार रखदे; क्योंकि मैं परमेश्वरे दिया तरफा ला आया है; मैं अपणिया इच्छा ने नी आया है, उनी ही मिजो भेजया है। 43 जडा मैं कुछ बोलदा है सै तुसां कजो नी समझदे न? इस ताई तुसां मेरे संदेश जो मनणे ताई मना करदे न। 44 तुसां अपने पिता शैताने ला न, कने अपने पिता दियां जसतां जो पूरा करणा चांदे न। सै तां शुरू ला ही हत्याया है, कने सै कदी भी सच्चा नी था, क्योंकि सच्च उदे अंदर है ही नी: जालू सै जठ बोलदा है, तां सै अपने सभावे ने जठ बोलदा है; क्योंकि सै जठा है, बल्कि जठ दा पिता है। 45 पर मैं सच्च बोलदा है, इस ताई तुसां मेरा भरोसा नी करदे? 46 तुसां चे कुण मिजो पापी साबित करी सकदा है? अगर मैं सच्चा है, तां तुसां मिजो पर भरोसा कनी करदे? 47 जडा कोई भी परमेश्वरे ने रिश्ता रखदा है, सै परमेश्वरे दियां गल्लां सुणदा है; कने तुसां इस ताई नी सुणदे क्योंकि तुहाडा परमेश्वरे सोगी कोई रिश्ता नी है।” 48 ऐ सुणीकरी यहूदी अगुवां उसयो बोलया, “क्या असां ठीक नी बोलदे न, की तू सामरी है, कने तेरे अंदर बुरी आत्मा है?” 49 यीशुऐ जबाब दिता, “मिजो च बुरी आत्मा नी है; पर मैं अपने पिता परमेश्वर दा आदर करदा है, कने तुसां मेरा निरादर करदे न। 50 मैं अपना आदर मान नी चांदा है, पर इक है जडा चांदा है मिजो आदर मान मिल्ले, कने सै सेई है जडा न्याय भी करदा है। 51 मैं तुसां ने सच्च-सच्च बोलदा है, अगर कोई माणु मेरियां शिक्षा पर चलगा, तां उनी कदी नी मरणा है।” (aiōn g165) 52 यहूदी अगुवां उसयो बोलया, “हुण सांझो पता लगी गिया की तिजो अंदर बुरी आत्मा है: अब्राहम मरी गिया है, कने परमेश्वरे दा संदेश देणेबाले भी मरी गियो न कने तू बोलदा है, अगर कोई मेरे संदेश जो मनगा तां उनी अनन्तकाल दीकर मरणा नी है।” (aiōn g165) 53 साडा पूर्वज अब्राहम तां मरी गिया है, क्या तू उसला भी बडा है? कने परमेश्वरे दा संदेश देणेबाले भी मरी गियो न, तू अपने आपे जो क्या समझदा है। 54 यीशुऐ जबाब दिता, “अगर मैं अपु अपनी तारीफ करूं, तां मेरी तारीफ कुछ नी, पर जडा मिजो आदर मान दिन्दा है, सै मेरा पिता परमेश्वर है, कने जिसयो तुसां बोलदे न, की सै तुहाडा परमेश्वर है। 55 कने तुसां तां उसयो नी जाणया, पर मैं उसयो जाणदा है, कने अगर मैं बोले की मैं उसयो नी जाणदा है, तां मैं तुहाडे सांई जठा बणना: पर मैं उसयो जाणदा कने उदे हुकम मनदा है। 56 तुहाडा पूर्वज अब्राहम मेरा दिन दिखणे दिया आसा च बडा मगन था; कने उनी दिखया कने खुश होया।” 57 यहूदी अगुवां उसयो बोलया, “हले दीकर तू पंजा सालां दा भी नी है, फिरी भी तू अब्राहम जो दिखया है?” 58 यीशुऐ उना ने बोलया, मैं तुसां ने सच्च-सच्च बोलदा है, अब्राहम पैदा होणे ला पेहले, मैं है। 59 तालू लोकां यीशुऐ जो मारणे ताई पथर चुके, पर यीशु लुकी करी मंदरे ला निकली गिया।

9 फिरी यीशुऐ जांदे बेले इक माणुऐ जो दिखया, जडा जमदा ही अन्ना था। 2 कने उदे चेलयां उसला पुछया, “गुरू जी, कुनी पाप कितया था की ऐ अन्ना जमया, इनी माणुऐ, या उदे माता पिता?” 3 यीशुऐ जबाब दिता, ना तां इनी पाप कितया था, ना तां इदे

माता पिता: पर ऐ इस ताई अन्ना जमया, की परमेश्वरे दी शक्ति इदे च प्रगत होऐ। 4 जिनी मिंजो भेजया है; सांझो झट ही उदे दितयो कम्मा जो पूरा करणा है: सै रात ओणे बाली है जिदे च कोई कम्म नी करी सकदा है। 5 जालू दीकर मै संसारे च है, तालू दीकर संसारे दी लौ मै है। 6 ऐ बोली करी उनी जमिना पर थूक्या कने उसी थूके ने मिटी सेडी कने सेई मिटी उस अन्ने दिया हखी पर लगाई करी। 7 उसयो बोलया, “जा, कने अपना मु शीलोह दे कुण्डे च धोई ले” (शीलोह दे कुण्डे दा मतलब है भेजया है) तां उनी जाई करी धोता, कने जालू सै घरे जो बापस ओणा लग्गा तां उसयो मिलणा लगी पिया। 8 तालू उदे पडोसी कने होर लोक जिना उसयो पेहले भीख मंगदे दिखया था, इक दुज्जे ने बोलणा लग्गे, “क्या ऐ सै ही नी है, जडा बेईकरी भीख मंगदा था?” 9 केईयां लोका बोलया, ऐ सैई है, होरनी बोलया, नी, पर उदे सांई है उनी बोलया, “मै सेई है जडा बेईकरी भीख मंगदा था।” 10 तां सै उसला पुछणा लग्गे, “तेरियां हखी दी लौ कियां बापस आई?” 11 उनी जबाब दिता, “यीशू नाऐ दे इकी माणुऐ मिटी सेडी, कने मेरियां हखी पर लगाई करी मिंजो बोलया, शीलोह दे कुण्ड च जाई करी मु धोई ले, मै गिया कने धोई करी मिंजो मिलणा लगी पिया।” 12 उना उसयो पुछया, सै माणु कुथु है? उनी बोलया, “मै नी जाणदा।” 13 लोक उस माणुऐ जो जडा पेहले अन्ना था उसयो फरीसियाँ बाल लेई गे। 14 जिस दिने यीशुऐ मिटी सेडी करी उदियां हखी ठीक कितियां थियां सै सब्ते दा रोज था। 15 फिरी फरीसियां भी उसयो पुछया; तेरी हखी कियां ठीक होईयां? उनी उना जो बोलया, “उनी मेरी हखी पर मिटी लाई, फिरी मै धोई लेई, कने हुण मिंजो मिलणा लगी पिया।” 16 इस पर केई फरीसी बोलणा लग्गे, “ऐ माणु परमेश्वरे दिया तरफा ला नी है, क्योकि सै सब्ते दे रोजे जो नी मंनदा है।” होरनी बोलया, इस सांई पापी माणु इस तरीके ने चमत्कार कियां दस्सी सकदा है? इसा गल्ला जो लेईकरी उना च फुट पेई गेई। 17 उना उस अन्ने ने फिरी बोलया, उनी तेरियां हखी ठीक कितियां न, तू उदे बारे च क्या बोलदा है? उनी बोलया, “सै परमेश्वरे दा संदेश देणेबाला है।” 18 पर यहदी अगुवां जो भरोसा नी होया की ऐ अन्ना था कने हुण दिखणा लगी गिया है जालू दीकर उदे माता पिता जो सदया जिदियां हखी ठीक होईयां थियां। 19 कने उना ला पुछया, “क्या ऐ तुहाडा पुत्र है, इसयो तुसां बोलदे थे की अन्ना जमया था? फिरी इसयो कियां मिलणा लगी पिया है?” 20 उदे माता पिता जबाब दिता, “असां तां जाणदे न की ऐ साडा पुत्र है, कने अन्ना जमया था। 21 पर असां ऐ नी जाणदे की हुण कियां करी इसयो मिलणा लगी पीया है; कने ना ऐ जाणदे की कुनी इसदियां हखी ठीक कितियां; सै अपने जबाब देणे तांई काफी बडा है; उसी ला पूछी लिया; उसी ला पुछी लिया उनी अपने बारे च अपु बोली देणा है।” 22 ऐ गल्लां उदे माता पिता तां बोलियां क्योकि सै यहदी अगुवां ला डरदे थे; क्योकि यहदी अगुवे एका करी के बैठयो थे, की अगर कोई भरोसा करे की सै मसीह है, तां सै यहदी जंज घर ला कडी देणा। 23 इसा बजा ने उदे माता पिता बोलया की सै सबालां दा जबाब देणे तांई बतेरा बडा है,

उसला ही पूछी लिया। 24 तालू यहदी अगुवां उस माणुऐ जो फिरी सदया जडा अन्ना था उसयो बोलया, “परमेश्वरे दे सामणे बायदा कर की तू सच्च बोलगा; असां तां जाणदे न की सै माणु पापी है।” 25 उनी जबाब दिता, “मै नी जाणदा सै पापी है या नी: मै तां बस इक गल्ल जाणदा है की मै अन्ना था कने हुण दिखदा है।” 26 उना उसला फिरी पूछया, “उनी तेरे ने क्या किता? उनी तिजो कियां ठीक किता?” 27 उनी उना ने बोलया, “मै तां तुसां ने बोली बैठया है, कने तुसां नी सुणाया; हुण दुई बरी कजो सुणना चांदा न? क्या तुसां भी उदे चले बणना चांदे न?” 28 तालू उना उसयो बुरा भला बोलया कने बोलया, तू ही उदा चेला है; असां तां परमेश्वरे दे संदेश देणेबाले मूसा दे चले न। 29 असां जाणदे न की परमेश्वरे मूसा ने गल्लां कितियां न; पर इस माणुऐ जो नी जाणदे न की कुथु ला आया है। 30 उनी उना जो जबाब दिता, ऐ तां हेरानिया दी गल्ल है की तुसां नी जाणदे कुथु दा है पर तमी उनी मेरियां हखी ठीक करी दितियां। 31 असां जाणदे न की परमेश्वर पापियां दी नी सुणदा है पर अगर कोई परमेश्वरे दा भक्त हो, कने उदिया इच्छा पर चलदा है, तां सै उदी सुणदा है। 32 जालू ला इस संसारे जो बणया है तालू ला ऐ कदी नी सुणाया, की कुनी भी जनमे दे अन्ने दियां हखी ठीक कितियो होन। (aiōn g165) 33 अगर ऐ माणु परमेश्वरे दिया तरफा ला नी होंदा, तां उनी कुछ भी नी करी सकणा था। 34 उना उसयो जबाब दिता, तू तां बिलकुल पापां च जमया है, तू क्या सांझो सिखा दा है? तालू उना उसयो यहदी जंज घर ला बाहर कडी दिता। 35 यीशुऐ सुणाया, की उना उसयो यहदी जंज घरे ला बाहर कडी दितया है; कने जालू उसला मिलया तां बोलया, “क्या तू परमेश्वरे दे पुत्रे पर भरोसा करदा है?” 36 उनी जबाब दिता, “श्रीमान जी, मिंजो दस की ऐ परमेश्वरे दा पुत्र कुण है, ताकि मै उस पर भरोसा करी सके?” 37 यीशुऐ उसला बोलया, मै, “तू मिंजो पेहले भी दिखया है कने मै ही सै परमेश्वरे दा पुत्र है, जडा हुण तिजो ने गल्लां करा दा है।” 38 उनी बोलया, “प्रभु जी, मै तिजो पर भरोसा करदा है।” कने उसयो दण्डवत किता। 39 तालू यीशुऐ बोलया, “मै इस संसारे च इस न्याय जो करणे तांई आया है: ताकि अन्ने लोकां जो मिलणा लगी पोणा कने जिना लोकां जो मिलदा है सै अन्ने होई जाणे।” 40 जडे फरीसी उदे सोगी थे, उना ऐ गल्लां सुणीकरी उसला बोलया, “क्या तू बोला दा है की असां भी अन्ने न?” 41 यीशुऐ उना ने बोलया, अगर तुसां अन्ने होंदे तां पापी नी होणा था पर हुण बोलदे न, की सांझो मिलदा है, इस तांई तुहाडे पाप माफ नी किते जाणे न।

10 “मै तुसां ने सच्च-सच्च बोलदा है, की अगर कोई भेडां दिया गुराला दे दरबाजे ला नी अंदर ओऐ, पर होर कुसी पासे ला चढी करी अंदर ओऐ, सै चोर कने डाकू है। 2 पर जडा दरबाजे चे चांदा है सै भेडां दा पुआल है। 3 उदे तांई द्वारपाल दरबाजा खोली दिन्दा है, कने भेडां उदी अबाज पछेणदियां न, कने सै अपणियां भेडां जो ना लेई-लेईकरी सददा है कने बाहर लेई जांदा है। 4 कने जालू सै अपणियां सारियां भेडां जो बार कडी बाँदा है, तां उना दे अग्गे-अग्गे चलदा है, कने भेडां उदे पिच्छे-पिच्छे चली पोदिया न; क्योकि सै

उदी अबाज पछेणदियां न। 5 पर सै होरसी दे पिच्छे नी जांदियां, पर उना ला नठदियां न, क्योंकि सै होरसी दी अबाज नी पछेणदियां न।” 6 यीशुए उना ने ऐ कहाणी बोली, पर सै नी समझे की ऐ बोलणे दा क्या मतलब है। 7 तालू यीशुए उना ने फिरी बोलया, मैं तुसां ने सच्च-सच्च बोलदा है, की भेडां दा मैं ही दरबाजा है जिदे चे भेडां अंदर ओदियां न। 8 जितणे मिजो ला पेहले आये; सै सारे चोर कने डाकू न, पर मेरियां भेडां उना दी नी सुणी। 9 मैं ही दरबाजा है; अगर कोई मिजो चे अंदर जा तां परमेश्वरे उदा उद्धार करणा कने उनी अंदर बाहर ओदे जांदे रेणा कने उसयो खाणे पिणे जो मिलदी रेणी। 10 चोर सिर्फ भेडां जो चोरणे कने मारणे कने खत्म करणे ताई ओदा है। पर मैं इस ताई आया की उना जो सच्चाई च जिन्दगी कने भरपूरी दी जिन्दगी मिल्ले। 11 खरा पुआल मैं है; खरा पुआल भेडां ताई अपणी जान देई दिन्दा है। 12 भाडे पर रखयो होया मजदूर जालू सै भेडिये जो ओदे दिखणा तां उनी नठी जाणा। उनी भेडां जो छडी देणा क्योंकि सै उना दा पुहाल नी है कने भेडां उदियां नी न। इस ताई भेडिया उना पर हमला करदा है कने झुण्ड जो बखेरी दिन्दा है। 13 सै इस ताई नठी जांदा है की सै भाडे दा मजदूर है, कने उसयो भेडां दी चिंता नी है। 14 खरा पुआल मैं है, मैं अपणियां भेडां जो जाणदा है कने मेरियां अपणियां भेडां मिजो जाणदियां न, 15 जियां पिता परमेश्वर मिजो जाणदा है, कने मैं पिता परमेश्वरे जो जाणदा है। कने मैं भेडां ताई मरणे ताई तैयार है। 16 कने मेरियां होर भी भेडां न, जडियां इसा गुराला दियां नी न, मिजो उना जो लोणा भी जरूरी है, उना मेरी अबाज पछेणनी है; तां फिरी इक झुण्ड कने इक ही पुआल होणा है। 17 मैं अपणिया मरजिया ने जान दिन्दा है, इस ताई पिता परमेश्वर मिजो ने प्यार करदा है, ताकि मैं दोबारा जिन्दा होई जा। 18 कोई मेरिया जिन्दगिया जो मिजो ला नी लेई सकदा है, इसयो मैं अपणिया इच्छा ने दिन्दा है। मिजो अपणी जिंदगी देणे दा भी हक है, कने उना जो फिरी बापस लेणे दा भी हक है: क्योंकि ऐ सेई हुकम है जडा मिजो मेरे पिता परमेश्वरे ला मिलया है। 19 इना गल्लां दिया बजा ने यहदी लोकां च फिरी फुट पेई गई। 20 उना चे मते बोलणा लग्गे, इदे च बुरी आत्मा है, कने सै पागल है; इसदी मत सुंगा? 21 होरनी बोलया, ऐ गल्लां ऐसे माणुए दियां नी न जिदे च बुरी आत्मा हो: इक बुरी आत्मा कदी भी नी इक अन्ने माणुए दी हखी ठीक करी सकदी है? 22 यस्सालेम शेर च यहदी मंदरे दी स्थापना दा त्योहार था, कने सर्दियां दी रित थी। 23 यीशु मंदरे दे अंगणे च घुमा दा था, जिसयो लोक सुलैमान राजे दा ओसारा बोलदे न। 24 तालू यहदी अगुवां उसयो घरोटी लिया कने पुछया, “तू सांझो बडे लम्बे बकते दीकर दुबिधा च रखया है। हुण सांझो साफ-साफ दस। क्या तू मसीह है।” 25 यीशुए उना जो जबाब दिता, “मैं तुसां ने बोली दितया है, कने तुसां मेरा भरोसा करदे ही नी न, जडे कम्म मैं अपणे पिता परमेश्वरे दे हके ने करदा है सै ही मेरे गबाह न। 26 पर तुसां इस ताई मेरा भरोसा नी करदे न क्योंकि तुसां मेरियां भेडां चे नी न। 27 मेरियां भेडां मेरी अबाज पछेणदियां न, कने मैं उना जो जाणदा है, कने सै मेरे पिच्छे-पिच्छे चलदियां न। 28 मैं उना

जो हमेशा दी जिन्दगी दिन्दा है, कने उना दा कदी नाश नी होणा, कने कोई उना जो मेरे हथां ला नी खोई सकदा है। (aiōn g165, aiōnios g166) 29 मेरा पिता परमेश्वर, जिनी उना जो मिजो दितया है, सबना ला बडा है, कने कोई उना जो पिता परमेश्वरे दे हथे ला खोई नी सकदा। 30 मैं कने पिता परमेश्वर इक ही न।” 31 यहदी अगुवां उसयो मारणे ताई फिरी पथर चुके। 32 इस पर यीशुए उना ने बोलया, “मैं पिता परमेश्वरे दिया तरफा ला तुहांजो मते भले कम्म दसयो न, उना चे कुस कम्म ताई तुसां मिजो पथर मारा दे न?” 33 यहदी अगुवां यीशुए जबाब दिता, “भले कम्म ताई असां तिजो पथर नी मारा दे न, पर परमेश्वरे दी निंदा करणे दिया बजा ने कने इस ताई की तू माणु होईकरी अपणे आपे जो परमेश्वरे बोलदा है।” 34 यीशुए उना जो जबाब दिता, क्या पबित्र शास्त्र च ऐसा नी लिखया है की परमेश्वरे अपणे लोकां दे अगुवां ने बोलया की, तुसां ईश्वर न? 35 तुसां जाणदे न की पबित्र शास्त्र च कुछ भी बदलया नी जाई सकदा। इस ताई अगर उदे लोकां दे अगुवां जो “ईश्वर” बोलया गया हो। 36 तां जालू मैं बोलदा है, मैं परमेश्वरे दा पुत्र है तां तुसां मिजो कजो बोलदे न, “तू निंदा करा दा है।” मैं सै ही है जिसयो पिता परमेश्वरे लग कितया कने मिजो संसार च भेजया है। 37 अगर मैं अपणे पिता दा कम्म नी करदा तां, तुसां मेरा भरोसा मत करा। 38 पर अगर मैं करदा है, तां चाऐ मेरा भरोसा ना भी करा, पर उना कम्मा दा तां भरोसा करा, तालू तुसां जो पता चलणा कने समझणा की पिता परमेश्वर मिजो च रेंदा है, कने मैं पिता परमेश्वर च रेंदा है। 39 तालू उना फिरी यीशुए जो पकड़ने दी कोशिश किती पर सै उना दे हथे ला बची करी निकली गया। 40 फिरी यीशु यरदने खड्डा दे पार उसा जगा पर चली गया, जिथू यहन्ना पेहले बपतिस्मा दिन्दा था, कने ओथु रिया। 41 कने मते लोक उदे बाल आई करी उसला बोलदे थे, “यहन्ना तां कोई चमत्कार नी दसया, पर जडा कुछ यहन्ना इदे बारे च बोला दा सै सारा सच्च था।” 42 कने ओथु मतयां उदे पर भरोसा किता।

11 बैतनिय्याह गां च इक लाजर नाऐ दा माणु बीमार था। मरियम कने मार्था उदियां बेहणा थियां। 2 ऐ सै ही मरियम थी जिना बादे च प्रभुए दे पैरा उपर इन्न नियोरी करी उदे पैरां जो अपणे बाला ने पुंजया था, उसा दा ही भाई लाजर बीमार था। 3 उसा दिया बेहणा यीशुए जो बोली भेजया, “प्रभु जी, दिख, जिसयो तू प्यार करदा है, सै बीमार है।” 4 ऐ सुणीकरी यीशुए बोलया, “ऐ बिमारी मौत ने नी मुकणी, पर परमेश्वरे दिया महिमा ताई है, ताकि उसला मिजो, परमेश्वरे दे पुत्रे दी महिमा हो।” 5 कने यीशु मार्था कने उदी बेहण कने लाजरे ने प्यार करदा था। 6 पर उनी सुणाया, की सै बीमार है, जिसा जगा सै था, ओथु दो रोज होर स्की गया। 7 फिरी दो दिन बाद उनी चलयां ने बोलया, “ओआ, असां फिरी यहदिया प्रदेश दे इलाके दे बैतनिय्याह शेहरे जो चलदे न।” 8 चलयां उसयो बोलया, “गुरू जी, हुणीं तां यहदी अगुवे तिजो पथर मारणा चांदे थे, क्या फिरी भी तू ओथु चलया है?” 9 यीशुए जबाब दिता, “क्या दिने दे बाहरा घंटे नी होंदे न? अगर कोई दिने चले, तां उसयो ठोकर नी

लगदी, क्योंकि सै इस संसारे दी लौई ने मतलब की सूरजे दी लौई ने लग्गे। 36 तालू यहदी लोक बोलणा लग्गे, “दिखा, सै उसने कदेया दिखदे न। 10 पर अगर कोई राती जो चले, तां उसयो ठोकर लगणी, “इनी तां क्योंकि तालू उदे च लौ नी है।” 11 इदे बाद यीशुए उना ने बोलया, “साझा मित्र लाजर सोई गया है, पर मै उसयो जगाणा चलया है।” 12 तालू चेलयां उसयो बोलया, “प्रभु जी, अगर सै सोई गया है, तां उनी ठीक ठाक होई जाणा।” 13 यीशुए तां उदिया मौता दे बारे च बोलया था: पर सै समझे की उनी निद्रां ने सोई जाणे दे बारे च बोलया। 14 तालू यीशुए उना ने साफ बोली दिता की, लाजर मरी है, क्योंकि उसयो मरयो चार रोज होई गियो न।” 40 यीशुए उस जो गया है। 15 कने मै तुहाडे फायदे तांई खुश है की मै ओथु नी था जिसने तुसां भरोसा करन। पर हण ओआ, असां उदे बाल चलदे न। 16 तालू थोमा जिसयो दिदुमुस बोलदे न, अपने सोगी बाले चले ने बोलया, “ओआ, असां भी उदे सोगी मरणे तांई चलदे न।” 17 जालू यीशुए जो बैतनिय्याह गां च आई करी ऐ पता चला की उसयो चार दिन पेहले ही कबरा च दफनाई दितया है। 18 बैतनिय्याह गां यरूशलेम शहर दे नेडे लगभग कोई तिन किलो मीटर था। 19 कने मते यहदी लोक मार्था कने मरियम बाल उदे भाईए दे बारे च शान्ति देणे तांई आयो थे। 20 जालू मार्था यीशुए दे ओणे दी खबर सुणीकरी यीशुए ने मिलाणा गेई, पर मरियम घरे बेई रेई। 21 मार्था यीशुए जो बोलया, “प्रभु जी, अगर तू ऐथू होंदा, तां मेरा भाई कदी नी मरदा। 22 कने हण भी जाणदी है, की जडा कुछ तू परमेश्वरे ला मंगगा, परमेश्वरे तिजो देणा।” 23 यीशुए उसा जो बोलया, “तेरा भाई फिरि जिंदा होई जाणा।” 24 मार्था उसयो बोलया, मै जाणदी है, “न्याय दे रोजे जालू हर कोई जिन्दा होई जाणा तालू उनी भी जिन्दा होई जाणा।” 25 यीशुए उसा ने बोलया, “मै सै है जडा मरयो लोकां जो जिन्दगी च बापस लोंदा है, जडा कोई मिंजो पर भरोसा करदा है सै अगर मरी भी जा तमी, उनी जी पोणा। 26 कने जडा कोई मिंजो पर भरोसा करदा है सै जिन्दा है, कने उनी अनन्तकाल दीकर नी मरणा। मार्था तू क्या इसा गल्ला पर भरोसा करदी है?” (aiōn g165) 27 उनी उसयो बोलया, “हॉ, प्रभु जी, मै भरोसा करी लिया है, की परमेश्वरे दा पुत्र मसीह जडा संसारे च ओणे बाला था, सै तू ही है।” 28 ऐ बोली करी सै चली गेई, कने अपणी बेंहण मरियम जो होले करी सदीकरी बोलया, “गुरू ऐथू ही है, कने तिजो सदा दा है।” 29 सै सुणदे ही झट उठी करी उदे बाल आई। 30 (यीशु हले दीकर भी गांए ला बाहर ही था, पर उसा ही जगा च था जिथू मार्था उसला मिल्ली थी)। 31 तालू जडे यहदी लोक मरियम सोगी उसा दे घरे थे, कने उसा जो दिलासा देदे थे, कने दिखया की मरियम झट उठी करी बाहर चली गेई। इस तांई सै उसा दे पिच्छे-पिच्छे गे, ऐ सै समझीकरी की सै कबरा पर रोंणे तांई जा दी है। 32 जालू मरियम ओथु पुज्जी जिथू यीशु था, तां उसयो दिखदे ही उदे पैरां च पेईकरी बोलया, “प्रभु जी, अगर तू ऐथू होंदा तां मेरा भाई नी मरदा।” 33 जालू यीशुए उसा जो कने उसा सोगी आयो यहदी लोकां जो रोंदे दिखया, तां यीशुए बड़ा ही दुखी होईकरी उना ला पुछया, 34 कने बोलया, तुसां उसयो कुथु दफनाया है? उना उसयो बोलया, “प्रभु समझदे न? क्या सै त्योहारे च नी ओगा?” 57 कने बड़े याजकां कने जी, चली करी दिखी ले।” 35 यीशुए दियां हखी चे आंसू निकलना

फरीसियां ऐ हुकम दितया था, की अगर कुस्यो पता लग्गे की यीशु कुथु है तां दसनयो, ताकि उसयो गिरफ्तार करी सकन।

12 फिरी यीशु फसह दे त्योहारे ला छे रोज पेहले बैतनिय्याह ग्रां च आया, जिथु लाजर जो मरयां चे जिन्दा कित्ता था। 2 ओथु उना उदे तांई धाम तैयार कित्ती, कने यीशुऐ जो आदर मान देगे तांई मार्यां सेबा करा दी थी, कने लाजर भी उना चे इक था, जडे उदे सोगी रोटी खाणे तांई बैठयो थे। 3 तालू मरियमा जटामासी दा अधा सेर मेहगा इन्न लेईकरी यीशुऐ दे पैरां पर नियोरया, कने अपने बालां ने उदे पैर पुंजे, कने इन्ने दिया खुशबुआ ने सारा घर सुगन्धित होई गिया। 4 पर उदे चेलयाँ चे यहदा इस्करियोती नाऐ दा इक चेला था जडा उसयो पकडवाणा चांदा था, बोलणा लग्गा, 5 “ऐ इन्न तिनसो दीनारां च बेची करी गरीबां जो कनी देई दित्ता?” 6 उनी ऐ गल्ल इस तांई नी बोली की, की उसयो गरीबां दी चिंता थी, पर इस तांई की से चोर था कने उदे बाल उना दे पैसयां दी थेली रेंदी थी, कने उसा च कोई कुछ पांदे थे, सै कडी लेंदा था। 7 यीशुऐ बोलया, “इसा जो तंग मत करा, इना बकत ला पहले मिंजो दफनाणे दी तैयारी तांई ऐ करा दी है। 8 गरीबां तां तुहाडे सोगी हमेशा रेंणा है, पर मै तुहाडे सोगी हमेशा नी रेंणा।” 9 जालू लोकां सुणया की यीशु ओथु था तां तालू लोकां दी बडी भीड ओथु आई। सै सिर्फ यीशु जो ही नी पर लाजर जो भी दिखणा आयो थे जिसयो उनी मरयां चे जिन्दा कितया था। 10 तालू बड्डे याजकां लाजरे जो भी मारणे दी योजना बनाई। 11 क्योकि उदिया बजा ने मते लोक उना जो नी अपनांदे थे, क्योकि उना यीशुऐ पर भरोसा कितया। 12 दुज्जे दिने मतयां लोका जडे त्योहरे च आयो थे, ऐ सुणीकरी, की यीशु यस्शलेम शहर च ओआ दा है। 13 इस तांई उना खजूरी दियां डालियाँ लियां, कने उसला मिलणे तांई निकले, कने चिलाणा लग्गे, “होशाना। इझाएले दा राजा धन्य हो, जडा प्रभु दे नाऐ ने ओंदा है।” 14 जालू यीशुऐ जो इक गधे दा बच्चा मिल्ला तां सै उस पर बैठी करी यस्शलेम शहर च आया, ऐ तियां ही होया जियां की पबित्र शास्त्र च लिखया है। 15 “हे यस्शलेम शहर दे लोकां, मत डरा; दिख तेरा राजा गधे दे बच्चे च सवार होईकरी ओआ दा है।” 16 यीशुऐ दे चले, ऐ गल्लां पेहले नी समझे थे; पर जालू यीशुऐ दी महिमा प्रगट होई, तां उना जो याद आया, की जडा कुछ भी यीशुऐ ने होया सै ठीक तियां ही होया जियां की पबित्र शास्त्र च लिखया था; कने लोका उदे कने ऐदिया व्यवहार कितया था। 17 तालू भिडा दे लोकां जडे उस बेले यीशुऐ सोगी थे, सै दुज्जे लोकां जो दसणा लग्गे की उनी लाजरे जो कबरा ला सदीकरी, उसयो जिन्दा करी दित्ता। 18 मते लोक यीशुऐ ने मिलणे तांई आऐ, क्योकि उना इस चमत्कार दे बारे च सुणाया था। 19 तालू फरीसियां अपु चे बोलया, “सोचा असां कुछ नी करी सकदे न, दिखा, संसार च हर कोई उदे पिच्छे होई चलयया है।” 20 ओथु कुछ यूनानी लोक थे जडे फसह दे त्योहारे बेले भक्ति करणे तांई यस्शलेम शहर च आयो थे। 21 उना गलील प्रदेश दे बैससैदा शहरे दे रेणेबाले फिलिप्पुस दे बाल आई करी उसला बिनती कित्ती, “श्रीमान असां यीशुऐ ने मिलणा चांदे न।” 22 फिलिप्पुसे आई करी

अन्दियास ने बोलया; तालू अन्दियास कने फिलिप्पुसे दोनो जाई करी यीशुऐ जो बोलया। 23 इस पर यीशुऐ उना जो बोलया, सै बकत आई गिया है, की मेरी, माणुऐ दे पुत्रे दी महिमा हो। 24 मै तुसां ने सच्च-सच्च बोलदा है, की जालू दीकर कणका दा दाणा जमिना च पेईकरी मरी नी जांदा है, सै किला ही रेंदा है पर जालू मरी जांदा है, तां मते फल दिन्दा है। 25 जडा अपने प्राणा ने प्यार करदा है, सै उना जो गबाई दिन्दा है; पर जडा इस संसारे च अपने प्राणा जो प्यार नी करदा है; तां उनी हमेशा दिया जिन्दिगिया तांई उदी रक्षा करणी है। (aiōnios g166) 26 अगर कोई मेरी सेबा करे, तां मेरा चेला बणे; कने जिथु मै है ओथु मेरे सेवके भी होणा; अगर कोई मेरी सेबा करे, तां पिता परमेश्वरे उदा आदर करणा। 27 हुण मै बडा बेचन होआ दा है। इस तांई मै क्या बोले? पिता जी, मिंजो इसा दुखे दिया घडिया ला बचाई ले? पर मै संसार च इस तांई आया की दुख झेले कने मरी जां। 28 हे पिता परमेश्वर तू प्रगट कर की तू कितणा महिमामय है। तालू ऐ आकाशवाणी होई, “मै प्रगट कितया है की मै कितणा महिमा बाला है कने मै ऐ फिरी प्रगट करणा।” 29 तालू सै लोक जडे खडोई करी अबाज सुणा दे थे, उना बोलया, की बदल गरजया, कने होरनी बोलया, “कोई स्वर्गदूत उसने बोलया।” 30 इसी पर यीशुऐ बोलया, “ऐ अबाज तुहाडे भले तांई थी, मेरे तांई नी है। 31 हुण सै बकत है जालू परमेश्वरे संसारे दे लोकां दा न्याय करणा, कने हुण सै बकत है जालू यीशुऐ इस संसारे दे सरदार शैताने दी शक्ति जो खत्म करणा। 32 कने अगर मै धरतिया ला उपर चढाया जांगा, तां सारयां जो अपने बाल लेई ओणा।” 33 इयां बोली करी उनी ऐ प्रगट करी दित्ता, की सै कियां मरणे बाला था। 34 इसा पर लोका उसला बोलया, “असां पबित्र शास्त्र दी ऐ गल्ल सुणियो है, की मसीहे हमेशा जिन्दा रेंणा है, फिरी तू कजो बोला दा है, की माणुऐ दे पुत्रे जो उच्चे पर चडाणा जरूरी है? ऐ माणुऐ दा पुत्र कुण है?” (aiōn g165) 35 यीशुऐ उना ने बोलया, “(लौ) हुण थोडिया देरा दीकर तुहाडे बिच है, जालू दीकर लौ तुहाडे सोगी है तालू दीकर चली रिया; इयां ना होए की नेहेरा तुहांजो घेरी ना ले; जडा नेहरे च चलदा है उसयो नी पता होदा की कुथयो चलयया है। 36 जालू दीकर लौ तुहाडे सोगी है, लौ पर भरोसा करा की तुसां लौ दी ओलाद बणन।” ऐ गल्लां बोली करी यीशु चली गिया कने अपने आपे जो उना ला लुकाई रखया। 37 कने यीशुऐ उना दे सामणे इतणे चमत्कार दस्से, तमी उना उदे पर भरोसा नी कित्ता; 38 ऐ इस तांई होया ताकि जडा यशायाह परमेश्वरे दा संदेश देणेबाले बोलया था सै सच्च होई जा; “प्रभु जी, साडे संदेश पर कुनी भरोसा कित्ता है? कने परमेश्वर दी पराक्रमी शक्ति कुदे पर प्रगट होई?” 39 इसा बजा ने सै भरोसा नी करी सके, क्योकि यशायाहे फिरी बोलया: 40 परमेश्वरे उना दी हखी अनिया करी दितियां ताकि सै दिखी नी सकन, कने उना दे दिमाग बंद करी दिते ताकि सै समझी नी सकन। नितां उना मिंजो पर भरोसा करी लेणा कने मै उना जो ठीक करी दिन्दा। 41 यशायाहे ऐ गल्लां इस तांई बोलियां, की उनी बकते ला पेहले उदी महिमा दिखी, कने उदे बारे च गल्लां कितियां। 42 मते अगुवां भी उदे पर भरोसा कित्ता, पर

फरीसियां दिया बजा ने सबना सामणे नी मंनदे थे, इस डरे ने नी जालू यीशु उना दे पैरां जो धोई बैठा तां से अपने बाहरे बाले कपड़े की उना जो यहूदी जंज घर ला कडी दिगे। 43 क्योंकि उना जो परमेश्वरे दी तारीफ ला, माणुए दी तारीफ जादा प्यारी लगदी थी। 44 यीशुए भिडा जो पुकारी करी बोलया, “जडा मेरे पर भरोसा करदा है, सै सिर्फ मिंजो पर नी पर मिंजो भेजणे बाले परमेश्वरे पर भरोसा करदा है। 45 कने जडा मिंजो दिखदा है, सै मिंजो भेजणे बाले परमेश्वरे जो दिखदा है। 46 मै संसारे च इक लौ बणी करी आया है ताकि जडा मिंजो पर भरोसा करगा सै कदी नेहे च नी रेंगा। 47 अगर कोई मेरियां गल्लां सुणीकरी उना दा पालन नी करे, तां मै उसयो दोषी नी बोलणा है, क्योंकि मै संसारे दे लोकां जो दोषी ठहराणे तांई नी आया, पर संसारे दा उद्धार करणे तांई आया है।” 48 जडा मिंजो तुच्छ समझदा है कने मेरियां गल्लां जो नी मंनदा है, उना दा न्याय करणे बाला तां इक ही है, मतलब की जडा बचन मै बोलया है, उनी उसयो आखरी दिना च दोषी बणाणा। 49 क्योंकि मै अपने हक ने ए गल्लां नी कितियां न, पर पिता परमेश्वर जिनी मिंजो भेजया है उनी मिंजो हुकम दितया है की क्या-क्या बोलें? 50 कने मै जाणदा है, की उदे हुक्मा जो मनणा हमेशा दिया जिन्दगिया दा रस्ता है, इस तांई मै तुसां जो सेई बोलदा है जडा पिता परमेश्वर मिंजो बोलदा है। (aiōnios g166)

13 फसह दे त्योहरे ला पहले जालू यीशुए जाणी लिया, की मेरा सै बकत आई गिया है की मै संसारे जो छडी करी अपने पिता परमेश्वर बाल बापस चली जां, यीशु अपने चेलयां सोगी हमेशा प्यार करदा रिया, जडे संसार च यीशुए सोगी थे, जदिया प्यार सै करदा था, आखरी दीकर सियुदा ही प्यार रखदा रिया। 2 यीशु कने उदे चेले राती दा खाणा खा दे थे। शैताने पहले ही यीशुए जो धोखा देणे तांई शमौन दे पुत्र यहूदा इस्करियोती दे मने च ए पाई दितया था, की उसयो पकडवाई दे। 3 जालू यीशु ए जाणदा था की पिता परमेश्वरे मिंजो हर चिजा पर हक दितया है कने मै परमेश्वरे दे बखे ला आया है, कने परमेश्वरे बाल बापस जाणा है। 4 खाणा खांदे बेले उठी करी यीशुए अपने बाहरी कपड़े खोलीं दिते, कने अंगोछा लेईकरी अपना लक्के च बन्नी लिया। 5 तालू भांडे च पाणी लेईकरी चेलयां दे पैर धोई करी कने जडा अंगोछा लक्के च लपेटया था उसला पुंजणा लग्गा। 6 जालू यीशु शमौन पतरसे दे बखे आया तालू पतरसे उसयो बोलया, “प्रभु जी, तू कजो मेरे पैरां धोणा लगया है?” 7 यीशुए उसयो जबाब दितया, “जडा मै करदा है, तू हण इदा मतलब नी जाणदा है, पर कुछ बकते बाद जाणना है।” 8 पतरसे उसयो बोलया, मै तुसां जो अपने पैरां जो कदी नी धोणा देणा। ए सुणीकरी यीशुए उसयो बोलया, “अगर तू मिंजो अपने पैर नी धोणे नी दिते, तां तू मेरा चेला नी है।” (aiōn g165) 9 शमौन पतरसे उसयो बोलया, “प्रभु जी, तां मेरे पैर ही नी बल्कि हथ कने सर भी धोई दे।” 10 यीशुए उसयो बोलया, “इक माणु जडा नोहोई बैठया है, सै बिलकुल साफ है, उसयो सिर्फ अपने पैरा जो धोणे दी जरूरत है। कने तुसां सारे शूद्र न सिर्फ इकी जो छडी करी।” 11 सै तां अपयां पकडाणे बाले जो जाणदा था तांई तां उनी बोलया, “तुसां सारे दे सारे शूद्र नी ना।” 12 जालू यीशु उना दे पैरां जो धोई बैठा तां से अपने बाहरे बाले कपड़े पाई करी फिरी बेई गिया कने उना ने बोलणा लग्गा, “क्या तुसां समझे की मै तुहाडे सोगी क्या कितया है? 13 तुसां मिंजो गुरू, कने प्रभु, कने ठीक ही बोलदे न, क्योंकि मै तुहाडा गुरू कने प्रभु है। 14 अगर मै प्रभु कने गुरू होईकरी तुहाडे पैर धोते, तां तुहांजो भी नम्र होईकरी इक दुज्जे दे पैर धोई करी मिंजो ला सिखणा चाईदा। 15 क्योंकि मै तुहांजो इक नमूना दर्सी दितया है, की जियां मै तुहाडे सोगी किता, तुसां भी तियां ही करा। 16 मै तुसां ने सच्च-सच्च बोलदा है, नोकर अपने मालिके ला बडा नी होंदा, कने ना भेजया होया अपने भेजणे बाले ला बड्डा होंदा। 17 हण तां तुसां इना गल्लां जो जाणदे न, तां इना जो करा ताकि तुसां भी धन्य होन। 18 मै तुसां सबना दे बारे च नी बोला दा है: जिना जो मै चुणयां है, उना जो मै जाणदा है: पर ए इस तांई होआ दा है ताकि पबित्र शास्त्रां च जडा लिखया है सै पूरा हो, जिनी मेरे सोगी रोटी खादी, उनी मिंजो धोखा दितया है। 19 हण मै तुहांजो उदे होणे ला पहले दर्सी दिन्दा है ताकि जालू होई जांगा तां तुसां भरोसा करनयो की मै सेई है। 20 मै तुसां ने सच्च-सच्च बोलदा है, की जडा मेरे भेजयां जो अपनांदा है, सै मिंजो भी अपनांदा है, कने जडा मिंजो अपनांदा है, सै मेरे भेजणे बाले जो भी अपनांदा है।” 21 ए गल्लां बोलणे बाद यीशु बडा ही दुखी होया कने अपने चेलयां जो दसया, “मै तुसां ने सच्च-सच्च बोलदा है, की तुसां चे इकी जणे मिंजो पकडाणा है।” 22 चेले ए शक करदे होए, इकी दुरे पासे दिखणा लग्गे, ए कुसदे बारे च बोला दा है। 23 उदे चेलयां चे इक जिसने यीशु प्यार रखदा था, यीशुए दे बखे बैठया था। 24 तालू शमौन पतरसे उदे पासे इशारा करी के पुछया, “दर्सी दे तां, सै कुसदे बारे च बोला दा है?” 25 तालू उनी भी यीशुए दे बखे जाई करी पुछया, “प्रभु जी, सै कुण है?” 26 यीशुए जबाब दितया, “जिसयो मै ए रोटिया दा टुकडा चटनिया च डोबी करी दिंगा, सै ही है।” कने उनी टुकडा चटनिया च डोबी करी शमौन दे पुत्र यहूदा इस्करियोती जो दितया। 27 कने जियां ही यहूदा टुकडा खादा, यीशुए उसयो बोलया, “जडा तू हण करणा जा दा है, सै झट कर, तालू ही शैतान उदे च बडी गिया। 28 खाणा खाणे बालयां चे बाकी कुसियो भी पता नी था की यीशुए उसयो ऐसा कजो बोलया। 29 यहूदा बाल पैसयां दी थेली रेंदी थी, इस तांई कुनी-कुनी समझया, की यीशु उसयो बोला दा है, की जडा कुछ सांझो त्योहारे तांई चाईदा सै खरीदी ले, या गरीबां जो कुछ दे। 30 तालू सै रोटी दे टुकडे जो खाई करी झट बाहरे जो चली गिया, कने राती दा बकत था। 31 जालू सै बाहर चली गिया तां यीशुए बोलया, हण मेरी, माणुए दे पुत्रे दी महिमा होई, कने परमेश्वरे दी महिमा मिंजो च होई; 32 कने परमेश्वरे अपने पुत्रे दी महिमा करणी, कने तोल्ली ही करणी है। 33 हे प्यारे बच्चो, मै होर थोडी देर तुहाडे बखे है; फिरी तुसां मिंजो तोपणा, कने जियां मै यहूदियां जो बोलया, जिथू मै जाणा, ओथू तुसां नी आई सकदे न, तियां ही मै हण तुहांजो भी बोलदा है। 34 मै तुहांजो इक नौआं हुकम दिन्दा है, इक दुज्जे ने तियां ही प्यार करा: जियां मै तुसां ने प्यार करदा है, तियां ही तुसां भी इक दुज्जे

ने प्यार करा।” 35 अगर तुसां इक दुज्जे ने प्यार करगे, तां हर कुसी जो पता चलणा की तुसां मेरे चले न। 36 शमौन पतरसे उसयो बोलया, “प्रभु जी, तू कुथु जाणा है?” यीशुए जबाब दिता, जिथु मैं जाणा है, ओथु तू मेरे पिच्छे नी आई सकदा? पर बादे च तुसां मेरे पिच्छे ओणा। 37 पतरसे उसयो बोलया, “प्रभु जी, हुण मैं तेरे पिच्छे कनी आई सकदा है? मैं तां तेरे ताई अपणी जान देणे ताई तैयार है।” 38 यीशुए जबाब दिता, क्या तू मेरे ताई मरणा है? मैं तिजो ने सच्च-सच्च बोलदा है की मुर्गे जो बांग देणे ला पेहले तू मिंजो तिन्न बरी बोलणा की तू मिंजो नी जाणदा।

14 “तुहाडा मन दुखी ना हो, तुसां परमेश्वरे पर भरोसा रखा कने मिंजो पर भी भरोसा रखा। 2 मेरे पिता परमेश्वर दे घरे रेहणे दियां मतियां जगा न, अगर नी हुदियां, तां मैं तुसां ने बोली दिन्दा क्योकि मैं तुहाडे ताई जगा तैयार करणा जांदा है। 3 मेरे जाणे कने तैयारी करणे बाद, तां मैं फिरी आई करी तुहांजो अपणे सोगी लेई जांगा, ताकि जिथु मैं रं ओथु ही तुसां भी रेन। 4 उसा जगा दा रस्ता जिथु मैं जाणा है ओथु दा रस्ता तुसां जाणदे ना।” 5 थोमे उसला बोलया, “प्रभु जी, सांझो नी पता तू कुथु जाणा है, तां सांझो रस्ता कियां पता होंगा?” 6 यीशुए उना जो बोलया, “रस्ता कने सचाई कने जडा जिन्दगी दिन्दा है सै सै ही है, मेरे बिना कोई भी पिता परमेश्वरे बाल नी पुज्जी सकदा है। 7 अगर तुसां मिंजो जाणया होंदा, तां मेरे पिता परमेश्वरे जो भी जाणदे, कने हुण उसयो जाणदे भी हेन, कने उसयो दिखया भी है।” 8 फिलिप्पुसे उसला बोलया, “प्रभु जी, पिता परमेश्वर दे दर्शन करवाई दे: इतणा ही साडे ताई काफ़ी है।” 9 यीशुए उसयो बोलया, हे फिलिप्पुस, मैं इतणे रोजां ला तुहाडे सोगी है, क्या तू मिंजो नी जाणदा? जिनी मिंजो दिखया है उनी पिता परमेश्वर जो भी दिखया है: तू कजो बोला दा की पिता परमेश्वर दे दर्शन करवाई दे? 10 क्या तू भरोसा नी करदा है, की मैं पिता परमेश्वर च है, कने पिता परमेश्वर मिंजो च है। ऐ गल्लां जडियां मैं तुसां ने बोला दा है, अपणिया तरफा ला नी बोला दा, पर पिता परमेश्वरे मिंजो च रेईकरी जडा चांदा है सै ही करदा है। 11 मेरा ही भरोसा करा, की मैं पिता परमेश्वर च है; कने पिता परमेश्वर मिंजो च है; नितां जडे चमत्कार मैं कितयो न उना दिया बजा ने मेरे पर भरोसा करा। 12 मैं तुसां ने सच्च-सच्च बोलदा है, की जडा मिंजो पर भरोसा करदा है, ऐ कम्म जडे मैं करदा है उनी भी करणे, क्योकि मैं पिता परमेश्वर बाल जाणा है। 13 कने जडा कुछ तुसां मेरे नाए ने मंगगे, सेई मैं करगा ताकि पुत्रे दे जरिये पिता परमेश्वर दी महिमा होए। 14 अगर तुसां मिंजो ला मेरे नाए ला कुछ मंगगे, तां मैं सै पूरा करणा। 15 अगर तुसां मिंजो ने प्यार करदे न, तां मेरे हुकमा जो मनगे। 16 कने मैं पिता परमेश्वर ने बिनती करगा, की सै तुहांजो इक होर मददगार दे, ताकि सै हमेशा तुहाडे सोगी रे। (aiōn g165) 17 सै सच्च दी आत्मा, जडी पबित्र आत्मा है, सै परमेश्वरे दे बारे च सच्च जो प्रगट करदा है, क्योकि संसार ना पबित्र आत्मा जो दिखदा है कने ना उसयो जाणदा है: तुसां पबित्र आत्मा जो जाणदे न, क्योकि सै तुहाडे सोगी रेंदा है कने उनी तुसां च होणा है। 18 “मैं

तुहांजो अनाथ नी छडणा है, मैं तुहाडे बाल बापस ओणा। 19 थोडे ही बकते च संसारे दे लोकां मिंजो नी दिखणा, पर तुसां मिंजो दिखणा क्योकि मैं फिरी ला जिन्दा होणा है, इस ताई तुसां भी जिन्दा रेंणा है। 20 जिस रोजे मैं जिन्दे होईकरी बापस ओणा उसी दिने तुहांजो पता लगणा, की मैं अपने पिता परमेश्वर च है कने तुसां मिंजो च न, कने मैं तुसां च है। 21 जडे मेरे हुकमा जो जाणदा है, कने सै हुकमा जो मंनदा है, सै ही मिंजो ने प्यार करदा है, कने मैं भी उसला प्यार करणा है कने जडा मिंजो ने प्यार करदा है, उसला मेरे पिता परमेश्वरे भी प्यार करणा, कने मैं उसला प्यार रखणा, कने मैं अपने आपे जो उदे पर प्रगट करणा है।” 22 उनी यहदे जडा इस्करियोती नी था, उनी बोलया, “प्रभु जी, क्या होया की तू अपने आपे जो सांझो पर प्रगट करणा चांदा है, कने संसारे दे लोकां पर नी?” 23 यीशुए उसयो जबाब दिता, मैं अपने आपे जो ऐसे लोकां जो दसदा है जडे कोई मिंजो ने प्यार करदे न, कने मेरियां सिखाईयां गल्लां जो मंदे न। कने मेरे पिता उसने प्यार रखणा कने असां आई करी उदे सोगी रेणा है। 24 जडा मिंजो ने प्यार नी करदा, सै मेरी सिखाईयां गल्लां जो नी मंनदा है, कने जडा मेरी शिक्षा तुसां सुणदे न, सै मेरियां नी न पर मेरे पिता परमेश्वर दी शिक्षा न, जिनी मिंजो भेजया है। 25 ऐ गल्लां मैं तुहाडे सोगी रेईकरी तुसां ने बोलियां न। 26 मददगार मतलब की पबित्र आत्मा जिसयो पिता परमेश्वरे मेरी जगा लेणे ताई भेजणा है, पबित्र आत्मा तुहांजो सारियां गल्लां सिखाणियां न, कने जडा कुछ मैं तुसां ने बोलया है, सै सब कुछ तुहांजो याद करणा है। 27 मैं तुहांजो शांति दिन्दा है, मैं अपणी शांति तुहांजो दिन्दा है; ऐ सै शांति नी है जडी संसार देई सकदा है। तुसां अपणे मने जो दुखी कने डरया होया मत होणा दिया। 28 तुसां सुणया, की मैं तुहांजो ने बोलया, “मैं जाणा है। कने तुहाडे बाल फिरी बापस आई जाणा है अगर तुसां मेरे ने प्यार करदे न, तां इसा गल्लां ने खुश होंदे न, की मैं पिता परमेश्वर बाल जाणा है क्योकि पिता परमेश्वर मिंजो ला बडा महान है।” 29 कने मैं हुण ऐ सब गल्लां होणे ला पेहले तुहांजो ने बोली दितियां न, की जालू सै होई जांगियां, तां तुसां मिंजो पर भरोसा करन। 30 हुण मेरे बाल तुसां ने तुहाडे सोगी गल्लां करणे ताई जांदा बकत नी क्योकि इसी संसारे दे सरदारो शैताने ओणा है, कने मिंजो पर उदा कोई हक नी है। 31 मैं तियां ही करदा है जियां पिता परमेश्वरे मिंजो हुकम दिता, ऐ इस ताई की संसार दे लोकां जो पता लग्गे की मैं पिता परमेश्वरे ने प्यार करदा है। कने जियां पिता परमेश्वर मिंजो हुकम दिन्दा, मैं तियां ही करदा है। उठा, ऐथु ला चलदे न।

15 सच्ची दाखा दी बेल मैं हे; कने मेरा पिता परमेश्वर किसान है। 2 हर इक डाली जडी मिंजो ने लगियो है, कने नी फल्दी है, उस जो सै बडी दिन्दा है, कने जडी डाली फल्दी है उसा जो सै छांडदा है ताकि सै होर जादा फले। 3 जडी शिक्षा मैं तुसां जो दितियो है, उसा दिया बजा ने तुसां शूद न। 4 तुसां मिंजो च बणी रिया, कने मैं तुहांजो च: जियां कोई डाली अगर दाखा दिया बेला ला टूटी जा, तां सै अपु नी फली सकदी, तियां ही तुसां मिंजो च बणी नी रेंगे तां, तुसां कुछ नी करी सकदे। 5 मैं दाख बेल है: कने तुसां डालियां

न; जडा मिंजो च बणी रेंदा है, कने में उदे च, सै मता फलदा है, कयोकि मिंजो ने लग होईकरी तुसां कुछ नी करी सकदे। 6 अगर कोई मिंजो च बणी नी रे, तां उसा डालियाँ जो बड़ी करी फेंकी दिन्दे न, कने जालू सै डालियाँ सूकी जांदियां न; कने लोक उना जो गठेरी करी अगी च पाई दिन्दे न, कने सै फकुई जान्दियां न। 7 अगर तुसां मिंजो ने बणी रेन, कने मेरियां शिक्षा च तुसां बणी रेगे तां तुसां जडा चांगे से मंगा कने सै तुहाडे तांई होई जाणा। 8 मेरे पिता परमेस्वर दी महिमा इसी ने होंदी है, की तुसां बडा जादा फल लोंगे, ऐई तुहाडा मेरे चले होणे दा सबूत है। 9 जियां पिता परमेस्वरे मिंजो ने प्यार रख्या, तियां ही मैं भी तुहांजो ने प्यार किता, मेरे प्यारे च बणी रिया। 10 अगर तुसां मेरे हुकमा जो मनगे, तां मेरे प्यारे च बणी रेणा जियां की मैं अपने पिता परमेस्वरे दे हुकमा जो मनया है, कने उदे प्यारे च बणी रेंदा है। 11 मैं ऐ गल्लां तुहांजो इस तांई बोलियां न, ताकि तुसां च भी सेई खुशी हो जडी मिंजो च है, कने तुहाडी खुशी पुरी होई जा। 12 मेरा हुकम ऐ है, की जियां मैं तुसां ने प्यार रख्या है तियां ही तुसां भी इकी दुज्जे ने प्यार रखा। 13 कुसी बाल ऐ दसणे तांई की सै अपने मित्रां ने प्यार करदा है, इसला बडा होर कोई तरिका नी है की सै अपने मित्रां जो बचाणे तांई अपणी जान देई दे। 14 जडा भी हुकम मैं तुहांजो दिन्दा है, अगर तुसां उसयो करन, तां तुसां मेरे मित्र न। 15 हुण मैं तुहांजो सेवक नी बोलणा, कयोकि सेवक नी जाणदा है, की उदा स्वामी क्या करदा है: पर मैं तुहांजो मित्र बोलया है, कयोकि मैं जडियां गल्लां अपने पिता परमेस्वरे ला सुणियां, सै सारियां तुहांजो दस्सी दितियां न। 16 तुसां मिंजो नी चूंणया है पर मैं तुहांजो चूंणया है कने तुहांजो नियुक्त कितया है ताकि तुसां जाई करी फल देन; कने तुहाडा फल टिकाऊ रे, ताकि तुसां मेरे चले न, इस तांई जडा कुछ तुसां मेरे ना ने मंगे, सै तुहांजो दे। 17 इना गल्लां दा हुकम मैं इस तांई दिन्दा है, ताकि तुसां इकी दुज्जे ने प्यार रखन। 18 अगर संसार दे लोक तुहांजो ने बैर रखदे न, तां तुसां जाणदे न, की इना तुसां ला पेहले मिंजो ने भी बैर रख्या। 19 अगर तुसां संसारे दे लोकां सांई होंदे, तां संसारे दे लोक अपणयां ने प्यार करदे न, पर इसा बजा ने की तुसां इस संसारे दे लोकां ने रिशता नी रखदे, कने मैं तुहांजो इस संसारे ला चूंणया है, इस तांई संसारे दे लोक तुहांजो ने बैर रखदे न। 20 जडा मैं तुसां जो दसया है, सेवक अपने मालिके ला बडा नी होंदा है, इसयो याद रखा अगर उना मिंजो सताया, तां तुहांजो भी सताणा है; अगर उना मेरियां शिक्षा जो मनया, तां तुहाडी शिक्षा जो भी मनणा। 21 पर ऐ सारा कुछ लोकां इसा बजा ने तुहाडे सोगी करणा कयोकि तुसां मेरे चले न, कने सै मेरे भेजणे बाले परमेस्वरे जो नी जाणदे न। 22 अगर मैं नी ओदा कने उना ने गल्लां नी करदा, तां सै पापी नी बणदे पर हुण उना जो उना दे पापां तांई कोई भाना नी। 23 जडा मिंजो ने बैर रखदा है, सै मेरे पिता परमेस्वर ने भी बैर रखदा है। 24 अगर मैं उना च सै चमत्कार नी करदा, जडे कुनी होरनी नी किते तां सै पापी नी बणदे, पर हुण उना मिंजो दिखी लिया है फिरी भी सै मिंजो कने मेरे पिता परमेस्वरे दोनो ने बैर करदे न। 25 ऐ इस तांई होया की जडा उना दे पबित्र शास्त्र च लिखया है ऐ इना गल्लां

जो पूरा करदा है, उना बिना कुसी बजा ने मिंजो ने नफरत किती। 26 पर जालू सै मददगार ओगा, जिसयो मैं तुहाडे बाल पिता परमेस्वरे दिया तरफा ला भेजगा, मतलब की सच्च दी आत्मा जडी पिता परमेस्वरे दिया तरफा ला निकलदी है, तां उनी मेरी गबाई देंगी। 27 कने तुसां भी गबाह न कयोकि तुसां शुरू ला मेरे सोगी न।

16 ऐ गल्लां मैं तुहांजो ने इस तांई बोलियां की कुथी तुसां भरोसा करणा ना छडी देन। 2 उना तुहांजो यहदी जंज घर ला कडी देणा, कने सै बकत ओणा है, की अगर कोई तुहांजो मारी दिगा, तां तुहाडे हत्यारे ऐ समझणा है की सै परमेस्वरे दी सेबा करा दा है। 3 कने उना ऐ इस तांई करणा कयोकि उना ना पिता परमेस्वर जो जाणया है कने ना ही मिंजो जाणदे न। 4 पर मैं ऐ गल्लां इस तांई तुसां ने बोलियां, ताकि जालू उना दा बकत ओऐ तां तुहांजो याद आई जा, मैं ऐ सब तुसां जो शुरू च इस तांई नी बोलया, कयोकि उस बकत मैं तुहाडे सोगी था। 5 हुण मैं अपने भेजणे बाले बाल जाणा है कने तुसां चे कोई मिंजो ला नी पूछदा है, की मैं कुथु चलया है? 6 पर मैं जडियां ऐ गल्लां तुसां ने बोलियां न, इस तांई तुहाडा मन बडा दुखी होया है। 7 तमी मैं तुसां ने सच्च बोलदा है, की मेरा जाणा तुहाडे तांई खरा है, कयोकि अगर मैं नी जांगा, तां उनी दिलासा देणेबाले तुहाडे बाल नी ओणा, पर अगर मैं जांगा, तां उसयो तुहाडे बाल भेजी दिगा। 8 कने उनी आई करी संसारे दे लोकां जो पाप कने धार्मिकता कने न्याय दे बारे च यकीन दिलाणा। 9 पापे दे बारे च यकीन दिलाणा की सै मिंजो पर भरोसा करणे ने मना करदे न; 10 कने ऐ साबित करदा है की यीशु धर्मी था, इस तांई की मैं पिता परमेस्वर बाल चलया है, कने तुसां मिंजो फिरी नी दिखणा है, 11 कने न्याय दे बारे च भी यकीन दिलाणा की इस संसारे दे सरदार शैताने जो दोषी ठहरया है। 12 मैं तुहांजो ने होर भी मतियां गल्लां बोलणा चांदा है, पर हले तुसां इना जो सेहन नी करी सकदे न। 13 पर जालू सै मतलब की सच्च दिया आत्मा ओणा है, तां आत्मा तुसां जो परमेस्वर दे बारे च जडा सच्च है सै समझणा है, कयोकि उनी अपने अधिकारे ने नी बोलणा है, पर जडा कुछ परमेस्वरे ला सुणगा, सै ही उनी बोलणा है, कने होणे बालियां गल्लां तुहांजो दसणियां। 14 उनी मेरी महिमा करणी, कयोकि उसयो मेरिया तरफा ला जडा मिलया है, उनी तुसां जो सै ही सिखाणा। 15 जडा कुछ पिता परमेस्वर दा है, सै सब मेरा है; तांई तां मैं बोलया था की, उनी मेरियां गल्लां चे लेईकरी तुहांजो दसणा है। 16 “थोडे बकते च तुसां मिंजो नी दिखणा, कने फिरी थोडी देरा च तुसां मिंजो दिखणा है।” 17 तालू उदे कितणयां ही चेलयां अपु चे बोलया, “ऐ क्या है, जडा सै सांझो ने बोला दा है, थोडे बकते च तुसां मिंजो नी दिखणा, कने फिरी थोडी देरा च तुसां मिंजो दिखणा है? कने ऐ इस तांई की मैं पिता परमेस्वर बाल चलया है?” 18 चले इकी दुज्जे ला पुछदे रे, “की सै क्या बोला दा है। क्या है ऐ थोडे बकत बाद जिसदे बारे च सै बार-बार बोला दा है।” 19 यीशुऐ ऐ जाणी करी, की सै मिंजो ला इना गल्लां दा मतलब पूछणा चांदे न, उना जो बोलया, क्या तुसां अपु चे मेरिया इना गल्लां दे बारे च पूछा दे न, थोडे बकते च तुसां मिंजो नी दिखणा, कने फिरी थोडी देरा च

तुसां मिजो दिखणा हे? 20 मै तुसां ने सच्च-सच्च बोलदा हे; मेरिया धरतिया पर तेरी महिमा किती हे। 5 इस तांई पिता परमेस्वर तू मिजो मौता दे बाद तुसां रोंणा कने दुखी होणा हे, पर संसारे दे लोकां खुश अपणी महिमा ने महिमित कर, महिमा जडी संसारे दे होणे ला पेहले होणा हे: तुसां जो दुख होणा, पर जालू मै मरी करी दुबारा जिन्दा होणा मेरी महिमा तरे सोगी थी। 6 मै तुसां जो उना चेलयां पर प्रगट कितया तालू तुहाडा दुख खुशी च बदली जाणा। 21 जालू जनानी बच्चे जो हे, जडे तुसां मिजो संसारे चे दितयो न। सै तुहाडे थे, कने तू उना जो जमणा लगदी है तां उसा जो बडी पिढ होदी है, क्योकि उसा दे मिजो दिता। कने उना तरे बचना जो मनया है। 7 हुण सै जाणी गियो न, की जडा कुछ तू मिजो दितया है, सब कुछ तेरिया तरफा ला है। दुखे दी घडी आईयो हे, पर जालू सै बच्चा जमनी बोदी है तां इसा 8 क्योकि जडा संदेश तू मिजो दिता, मै उना जो उना बाल देई दिता खुशिया ने की संसारे च इक माणू पैदा होया है, उस दुखे जो फिरी कने उना इना गल्लां पर भरोसा किता: कने सच्ची जाणी लिया है, कदी याद नी करदी। 22 इयां ही हुण तुहांजो भी दुख है, पर मै तुसां की मै तेरिया तरफा ला आया है, कने भरोसा करी लिया है की तू ही ने फिरी मिलणा है कने तुसां खुश होणा; कने तुहाडी खुशी तुहांजो ला मिजो भेजया है। 9 मै उना तांई बिनती करदा है, सिर्फ उना तांई ही कुनी नी खोणी। 23 जालू मिजो तुसां दोबारा दिखणा तालू मिजो करदा है जडे तू मिजो दितयो न क्योकि सै तरे न। पर जडे संसारे ने ला कुछ नी पूछणा: मै तुसां ने सच्च-सच्च बोलदा है, अगर पिता रिशता रखदे न उना तांई बिनती नी करदा है। 10 कने जडा कुछ मेरा परमेस्वर ला कुछ मंगणे, तां उनी मेरे चेले होणे दिया बजा ने तुहांजो है सै सब कुछ तेरा है; कने जडा तेरा है सै मेरा है; इना ने मेरी महिमा देणा। 24 हले दीकर तुसां मेरे नाणे ने पिता परमेस्वर ला कुछ नी प्रगट होई है। 11 हुण मै संसारे च नी रेंणा है, कने मै तरे बाल ओआ मंगया; पर मंगणे तां मिलणा ताकि तुहाडी खुशी पूरी होई जा। 25 दा है पर मेरे चेलयां इस संसारे च रेणा है; हे पबित्र पिता, अपणे नाणे 'मै तुहांजो ने ऐ गल्लां कहाणियां च बोलियां न, पर सै बकत ओणा दिया शक्तिया ने उना दी रक्षा कर, ताकि उना दा इक ही मन हो है, की मै तुसां ने होर कहाणियां च नी बोलणा है पर खुली करी पिता जियां साडा इक ही मन है। 12 जालू मै उना सोगी था, तां मै तरे उस परमेस्वर दे बारे च दसणा। 26 उस बेले तुसां अपु मेरे नाणे ने मंगणा, नाणे ने जडा तू मिजो दितया है, उना दी रक्षा किती। मै उना दी देख क्योकि तुसां मेरे चेले न कने मै तुसां जो बोलदा है, की मै तुहाडे तांई रेख किती, कने बिनाशे दे पुत्रे जो छडी करी उना चे कूसदा भी नाश तां अपु ही तुसां ने प्यार करदा है, इस तांई की तुसां मिजो ने प्यार नी होया, इस तांई की पबित्र शास्त्रे च लिखियो गल्ल पुरी हो। 13 पर रख्या है, कने ऐ भी भरोसा किता की, मै पिता परमेस्वर दिया तरफा हुण मै तरे बाल ओणा है, कने ऐ गल्लां मै संसारे च रेंदे होए बोलदा ला निकलया है। 28 मै पिता परमेस्वर ला निकली करी संसारे च है, ताकि उना जो मेरी खुशी भरपूरी ने मिल्ले। 14 मै तेरा संदेश उना आया है, फिरी संसारे जो छडी करी पिता परमेस्वर बाल जाणा है।" बाल पुजाई दितया है, कने संसारे दे लोकां उना ने बैर किता, क्योकि 29 उदे चेलयां बोलया, "दिख, हुण तां तू खुली करी बोला दा है, जियां मै संसार दा नी है, तियां ही से भी संसारे दे नी न। 15 मै ऐ कने कोई कहाणी नी बोली।" 30 हुण असां जाणी गियो न, की तू बिनती नी करदा, की तू उना जो संसारे ला चुकी ले, पर ऐ की तू उना दी शैताने ला रक्षा कर। 16 जियां मै संसारे दा नी है, तियां ही से भी इस संसारे दे नी न। 17 तेरा बचन सत्य है। उना जो सच्चाई च अपणे तांई लग कर। 18 जियां तू मिजो संसारे च भेजया, तियां ही मै अपणे तांई लग कर। 18 जियां तू मिजो संसारे च भेजया है। 19 कने मै उना दे फायदे तांई अपणे भी इना जो संसारे च भेजया है। 19 कने मै उना दे फायदे तांई अपणे आपे जो पबित्र करदा है ताकि सै भी सच्च ने पबित्र होन। 20 मै बस अपणे चेलयां तांई ही बिनती नी करदा है, पर जडे इना दी शिक्षा ने मिजो पर भरोसा करणे उना तांई भी बिनती करदा है। 21 की सै सारे इक होन; जियां पिता तू मिजो च है, कने मै तिजो च है, तियां ही सै भी सांझो च होन, इस तांई की संसार दे लोक भरोसा करन, तू ही मिजो भेजया है। 22 कने सै महिमा जडी तू मिजो दिती, कने मै उना जो दितियो है की सै तियां ही इक होन जियां असां इक न। 23 मै उना च कने तू मिजो च ताकि सै सिद्ध होईकरी इक होई जान, कने संसार जाणे की तू ही मिजो भेजया है, कने जियां तू मिजो ने प्यार रख्या है, तियां ही उना ने भी प्यार रख। 24 पिता परमेस्वर, मै चांदा है की जिना जो तू मिजो दितयो है, जिथू मै है, ओथू भी मेरे सोगी होन ताकि सै मेरिया उसा महिमा जो दिखन जडी तू मिजो दितयो है, क्योकि तू मिजो संसारे दे बणने ला पेहले ला ही मिजो ने प्यार रख्या है। 25 हे धार्मिक पिता, संसारे दे लोकां तिजो नी जाणया, पर मै तिजो जाणदा है कने चेलयां भी जाणया की तू मिजो भेजया है। 26

17 यीशुऐ अपणे चेलयां ने ऐ गल्लां बोलणे बाद कने अपणियां नजरां स्वर्गे पासे करिके बोलया, पिता परमेस्वर, सै बकत आई गिया है, की तू अपणे पुत्रे दी महिमा कर, ताकि पुत्र भी तेरी महिमा करे, 2 क्योकि तू मिजो सारयां लोकां पर हक दितया है, की जिना जो तू मिजो दितया है, उना सबना जो सै हमेशा दी जिन्दगी दे। (aiōnios g166) 3 कने हमेशा दी जिन्दगी ऐ है कि लोक तिजो जाणी सकन यानी कि इकलोते सच्चे परमेस्वर जो। कने ऐ भी की सै मिजो जाणन, यानी यीशु मसीह जो, जिसयो तू भेजया है। (aiōnios g166) 4 जडा कम्म तू मिजो करणे जो दितया था, उसयो पूरा करिके मै

कने मै तेरा ना उना जो दसया कने दसदे रेंणा है ताकि जडा प्यार तिजो मिजो ने था, सेई उना चे रे कने मै उना च रेणा।

18 जालू यीशुएे प्राथना करणे बाद अपने चेलयां सोगी किद्रोन दे नाल्ले पार गया। ओथु इक बाग था, यीशु कने उदे चले उस बागे दे अंदर गो। 2 उसयो पकड़वाणे बाला यहदा भी उसा जगा जो जाणदा था, क्योंकि यीशु ओथु अपने चेलयां सोगी जांदा था। 3 तालू यहदा, सिपाईयां दी इक टोलिया सोगी कने बड़े याजकां कने फरीसियां दे सेवकां जो लेईकरी उस बागे च आया कने हथां च दिव्ये, मशालां, कने हथियार लियो थे। 4 तालू यीशु, उना सबना गल्लां जो जाणी करी जडियां उसने होंणे बालियां थियां, अगो आई करी उना ला पुछया, की कुसयो तोपा दे न? 5 उना उसयो जबाब दिता, “नासरत नगर ला यीशुएे जो।” यीशुएे उना जो बोलया, की मै ही यीशु है। उसयो पकड़वाणे बाला यहदा भी उना सोगी खडोतया था। 6 यीशुएे जो ऐसा बोलदे ही, की मै ही नासरत दा यीशु है, सै पिच्छे हटी करी धरतिया पर ढेई पे। 7 तालू यीशुएे उना ला फिरी पुछया की, तुसां कुसयो तोपा दे न, “उना बोलया, नासरत नगर दे यीशु जो।” 8 यीशुएे जबाब दिता, “मै तां तुसां जो बोली बैठया है की हों मै ही यीशु है, अगर तुसां मिजो तोपा दे न तां इना लोकां जो जाणा दिया, ऐ मेरे चले न।” 9 ऐसा इस तांई होया की, यीशुएे जडा पेहले बोलया था सै सच्च होई जा: “जिना जो तू मिजो दितया है उना चे मै इकी जो भी नी गबाया है।” 10 तालू शमौन पतरसे अपनी तलवार कडी कने, महायाजके दे इकी नोकरे पर चलाई दिती कने उस दा इक कन उडाई दिता। उस सबके दा ना मलखुस था। 11 तालू यीशुएे पतरसे ने बोलया, “अपणिया तलवारा जो मयाना च रख। जडा कटोरा मेरे पिता परमेश्वरे मिजो दितया है, क्या मै उसयो नी पिये?” 12 तालू सिपाईयां कने उना दे सबेदारां कने यहदी अगुवां दे नोकरां यीशु जो पकड़ी करी बन्नी दिता, 13 कने पहले उसयो हन्ना बाल लेई गे, क्योंकि सै उस साले दे महायाजक कैफा दा सौरा था। 14 ऐ सेई कैफा नाएे दा इक माणु था, जिनी यहदी अगुवां जो सलाह दिती थी की साडे लोकां तांई मरण इक माणुएे दा खरा है। 15 शमौन पतरस कने इक होर चेला भी यीशुएे दे पिच्छे चली पे, इस चले जो महायाजक जाणदे पछेणदे थे। इस तांई सै यीशुएे पिच्छे-पिच्छे महायाजक दे अंगणे दीकर गया, 16 पर पतरस बाहर दरबाजे पर खडोई रिया, तालू सै दूज्जा चेला जिसयो महायाजक जाणदे थे सै बाहर आया, कने उनी दरबाजे पर खडोतियो नोकराणियां जो बोली करी पतरसे जो अंदर लेई ओदा। 17 उना नोकराणिया जडी दरबाजे पर खडोतियो थी, पतरसे जो बोलया, “की तू भी इस माणुएे दे चेलयां चे तां नी ऐ?” उनी बोलया, “मै नी है।” 18 सर्दियां दिया बजा ने मंदरे दे रखबाले कने सिपाई अगु बाली करी तपा दे थे, कने पतरस भी उना सोगी खडोई करी अगु तपा दा था। 19 तालू महायाजके यीशुएे ला उदे चले कने उदे उपदेशां दे बारे च पूछताछ किती। 20 यीशुएे उसयो जबाब दिता, “मै सबना च खुली करी गल्लां कितियां, मै यहदी जंज घर कने मंदरे च जाई करी हमेशा उपदेश दिता जिथू यहदी गिठे होंदे थे, कने कुछ भी लुकी करी कुछ

नी बोलया। 21 तू मिजो ला ऐ सबाल कजो पछा दा है? सुणने बालयां ला पुछ की मै उना ने क्या बोलया है। सै जाणदे न की मै क्या-क्या बोलया है।” 22 जालू यीशुएे ऐसा बोलया, तां बखे खडोतयो मंदरे दे रखबालयां चे इकी रखबाले, यीशुएे जो थपड मारी करी बोलया, “क्या तू महायाजक जो इयां जबाब दे दा?” 23 यीशुएे उसयो जबाब दिता, अगर मै गलत बोलया, तां साबित कर की मै गलत बोलया; पर अगर खरा बोलया है तां मिजो कजो मारा दा है। 24 यीशुएे अजे भी बनया ही था, कने हन्ने उसयो तियां ही कैफा महायाजक बाल भेजी दिता। 25 शमौन पतरस खडोई करी अगु तपा दा था, तालू उस सोगी खडोतयो लोकां उसयो पुछया की, “कुथी तू भी तां उदे चेलयां चे तां नी है?” उनी बोलया, “मै नी है।” 26 महायाजक दे नोकरां चे इकी नोकरे, जडा उदा रिशतेदारां चे था, कने उदा कन पतरसे बडी दितया था, उनी बोलया की तिजो तां मै यीशुएे सोगी बागे च नी दिखया था? 27 पतरसे फिरी मना करी दिता, कने तालू झट मुर्गे बांग देई दिती। 28 फिरी यहदी लोक यीशु जो कैफा बाल लेई आएे कने किल्ले जो लेई गे, ऐ रोमी राज्यपाल पिलातुस दा मेहल था, कने ब्यागा दा बकत था पर सै अपु किले अंदर नी गे अगर जांदे तां उना अशुद्ध होई जाणा था, क्योंकि पिलातुस यहदी नी था। अगर अशुद्ध होई जांदे तां फसह दी रोटी नी खाई सकदे थे। 29 तालू पिलातुस बाहर निकली करी उना बाल आया कने बोलणा लग्गा, “तुसां इस माणुएे पर कुसा गल्लां दा आरोप लग्गा दे न?” 30 उना उसयो जबाब दिता, अगर ऐ अपराधी माणु नी होंदा तां असां इसयो तैरे बाल नी लोंदे। 31 पिलातुसे उना जो बोलया, “तुसां ही इसयो लेईजाई करी अपणिया व्यवस्था दे अनुसार इसयो सजा दिया।” यहदी अगुवां उसयो बोलया, “की सांझो कोई हक नी है की असां कुसी जो मौत दी सजा देई सकन।” 32 ऐ इस तांई होया की यीशु दी सै गल्ल पुरी हो जडी उनी ऐ इशारा करदे बोली थी मेरी मौत कियां कुस तरीके ने होणी है। 33 तालू पिलातुस फिरी किल्ले दे अंदर गया, कने यीशुएे जो अंदर सदीकरी पुछया, “तू क्या यहदी लोकां दा राजा है?” 34 यीशुएे जबाब दिता, “तू क्या ऐ गल्ल अपणिया तरफ ला बोला दा है, की कुनी होरनी ऐ गल्ल तिजो मेरे बारे च बोली है?” 35 पिलातुसे जबाब दिता, “तू जाणदा है की मै यहदी नहीं है? तेरिया ही जाति कने बड़े याजकां तिजो मेरे हथे दितया है, तू क्या कितया है?” 36 यीशुएे जबाब दिता, मेरा राज्य इस संसारे दा नी है, अगर मेरा राज्य इस संसारे दा होंदा तां मेरे चेलयां लडणा था, कने मै यहदी अगुवां दे हथे गिरफ्तार नी होंदा: पर मेरा राज्य ऐथू दा नी है। 37 पिलातुसे उसयो बोलया, तू क्या राजा है? यीशुएे जबाब दिता, “तू बोलदा है, की मै राजा है, मेरा जन्म लेणा कने संसार च ओणे दी बजा ऐ है की मै सच्च दे बारे च सिखाई सके। जडा कोई परमेश्वरे ने सच्चा प्यार करदा है, कने मेरा बचन सणदा है।” 38 पिलातुसे उसयो बोलया, “सच्च क्या है?” ऐ बोली करी सै फिरी यहदी अगुवां बाल चली गया कने उना ने बोलया, “मिजो उदे च कोई भी दोष नी लग्गा दा है। 39 पर तुहाडा ऐ रिबाज है की मै फसह दे त्योहारे च तुहाडे तांई इक कैदी छडी दें। तुसां क्या चांदे

न की मैं तुहाड़े ताई यहदियां दे राजे जो छडी दें?” 40 ताल् उना फिरी जोरे ने बोलया, “इसयो नी, पर साडे ताई त् बरअब्बा जो छडी दे।” कने बरअब्बा इक डाकू था।

19 इसा गल्ला पर पिलातसे सिपाईयां जो हुकम दिता की यीशुए जो लेई जा कने कोडे मारा। 2 कने सिपाईयां कंडयां दा मुकट बनाया कने उदे सिरे पर रखया, कने उसयो बैगणी कपडे पेनाए, 3 कने उदे बखे आई करी बोलणा लग्गे, नमस्ते, यहदियाँ दे राजा कने उसयो थपड मोरे। 4 ताल् पिलातसे फिरी बाहर निकली करी लोंका ने बोलया, “मैं उसयो तुहाड़े बाल फिरी लोंदा है, ताकि तुहांजो पता लग्गे की मिंजो इदे च कुछ भी गलत नजर नी आया।” 5 ताल् यीशुए जो कंडयां दा मुकट कने बैगणी कपडे पेनाइ करी बाहर लांदा कने पिलातसे उना ने बोलया, “इस माणुए जो दिखा।” 6 जाल् बड़े याजकां कने मंदरे दे रखबालयां उसयो दिखया, तां चीलाई करी बोलया, “इसयो सूली पर चढा, सूली पर चढा!” पिलातसे उना जो बोलया, “तुसां ही इसयो सूली पर चढा, क्योंकि मिंजो इदे च कुछ भी गलत नी मिल्ला है।” 7 यहदी अगुवां उसयो जबाब दिता, “साडी भी व्यवस्था है कने उसा व्यवस्था दे अनुसार सै मारी देणे दे जोगा है क्योंकि उनी अपने आपे जो परमेच्वरे दा पुत्र बोलया है।” 8 जाल् पिलातसे ऐ गल्ल सुणी तां सै होर भी जादा डरी गया। 9 कने फिरी किले दे अंदर गया कने यीशुए जो बोलया, “तू कुथु दा है? पर यीशुए उसयो कोई भी जबाब नी दिता।” 10 पिलातसे उसयो बोलया, “मिंजो ने कनी बोला दा है? क्या तू जाणदा नी की तिजो छडणे दा हक मिंजो है कने तिजो सूली पर चडाणे दा हक भी मिंजो है।” 11 यीशुए जबाब दिता, “अगर तिजो परमेच्वर दिया तरफा ला नी दितया होंदा, तां तेरा मिंजो पर कोई हक नी होंदा, इस ताई जिनी मिंजो तेरे हथे पकडाय है, उदा पाप जादा है।” 12 ऐ जबाब सुणीकरी पिलातसे उसयो छडणा चाया, पर यहदियां चीलाई-चीलाई करी बोलया, “अगर तू इसयो छडी दिंगा तां तू महाराजा कैसरे दा मित्र नी है; जडा कोई भी राजा होणे दा दाबा करदा है कने अपने आपे जो राजा बोलदा है सै महाराजा दा दुश्मण है।” 13 ऐ गल्लां सुणीकरी पिलातसे यीशुए जो बाहर लेई आया कने न्याय दे सिंहासने पर बैठा, कने सै जगा इक चबूतरा था जिसयो इब्रानी भाषा च गबबता बोलदे न। 14 ऐ फसह दे त्योहारे दे हफते सबते दिया तयारियां दा रोज था कने दोपहर दे बकते: ताल् उनी यहदी लोकां जो बोलया, “ऐ ही है, तुहाडा राजा।” 15 पर सै चिलाणा लग्गे, इसयो मारी दे, इसयो मारी दे! कने इसयो सूली पर चढा। पिलातसे उना जो बोलया, क्या मैं तुहाड़े राजे जो सूली पर चढा? बड़े याजकां जबाब दिता, “महाराजा जो छडी करी साडा होर कोई राजा नी है।” 16 ताल् पिलातसे यीशुए जो उना दे हबाले करी दिता ताकि सै उसयो सूली पर चडाण। 17 ताल् सै यीशुए जो लेई गे। उना यीशुए ला अपणी सूली अपु चुकबाई कने उसयो यरूशलेम शेहर दे बाहर खोपडी नाए दिया जगा जो लेई गे, कने जिसयो इब्रानी भाषा च गुलगुता बोलदे न। 18 ओथु उना उसयो कने उदे सोगी दो माणुए जो सूली पर चढाया, इकी जो इक पास्से कने, दुजे जो दुए पास्से, कने बिच यीशुए जो। 19

कने राज्यपाल पिलातसे इक्की फटिया पर लिखी करी सूलिया पर लगाई दिती कने उसा पर ऐ लिखया था, “नासरत दा यीशु मसीह यहदियाँ दा राजा।” 20 ऐ फटी मते यहदियाँ पढी क्योकि जिथु यीशुए जो सूली पर चढाया था सै जगा यरूशलेम शेहरे दे बखे थी कने इब्रानी भाषा च कने लतीनी भाषा कने यूनानी भाषा च लिखियो थी। 21 ताल् यहदियाँ दे बड़े याजक पिलातसे बोलया, “यहदियां दा राजा मत लिख पर ऐ की उनी बोलया, मैं यहदियाँ दा राजा है।” 22 पिलातसे जबाब दिता, “मैं जडा लिखी दितया है, सै नी बदलया जाणा है।” 23 जाल् सिपाई यीशुए जो सूली पर चडाई बैठे, तां उदे कपडे लेईकरी उना चार हिसयां च किते, चारो सिपाईयां तांई इक-इक हिसा कने कुरता भी लेई लिया, पर कुरते जो सितया नी था पर सै उपरे लेईकरी थले दीकर इक ही कपडे ने बुणया था। 24 इस ताई उना अपु चे बोलया, “असां ऐ नी फाडना, पर इदे पर पर्चियां पांटे न की ऐ कुसदा होणा।” ऐ इस ताई होया, ताकि पबित्र शास्त्रे च लिखया गया सच्च हो, “उना मेरे कपडे अपु चे बंडी ले कने मेरे कपडयां पर पर्चियां पाईयां, कने सिपाईयां इयां ही कित।” 25 पर यीशुए दे सूली बाल उदी माता कने उदिया माता दी बेहण, क्लोपास दी घरे बाली मरियम कने मगदल ग्रां दी मरियम खडोटियो थी। 26 यीशुए अपणिया माता जो कने उस चलेले जो जिसने सै प्यार रखदा था उसयो बखे खडोटया दिखीकरी अपणी माता ने बोलया, “हे नारी, दिख, ऐ तेरा पुत्र है।” 27 ताल् उनी चले बोलया, “ऐ तेरी माता है।” कने उसी बेले सै चेला, उसा जो अपने घरे लेई गया। 28 इदे बाद यीशुए ऐ जाणी करी की मेरा सारा कम्म खत्म होई गया है; इस ताई की पबित्र शास्त्रां दियां गल्लां सच्च साबित होन बोलया, “मैं तरिणा है।” 29 ओथु इक सिरके ने बर्या बांदा रखया था, तां उना चे कुनकी सिरके ने सेडयो स्पजे जो जुफे दे स्खे दे डंडे पर रखीकरी उदे मुए ने लाया। 30 जाल् यीशुए सै सिरका चखया, तां बोलया, “पूरा होया,” कने सर झुकाई करी अपने प्राण छडी दिते। 31 हुण ऐ तैयारिया दा दिन था, कने अगले दिन सब्त कने फसह दोनो ही थे। ऐ यहदी लोकां तांई इक खास दिन था, सै नी चांदे थे इस दिने लाशा सूली उपर रेन। इस ताई उना पिलातसे ने बोलया की उना माणुआं दियां जंगा तोडी दिया ताकि उना दी मौत झट होई जा ताकि लाशां जो थले उतारया जाई सके। 32 तां सिपाईयां आई करी पेहेले बाले दियां जंगा तोडियां फिरी दुजे दियां भी, जडे यीशुए सोगी सूली पर चढायो थे। 33 पर जाल् यीशुए बाल आई करी दिखया की सै मरी गया है, तां उदियां जंगा नी तोडियां। 34 पर सिपाईयां चे इक्की बरछे ने उदा पंजर बेधया कने उदे च खून कने पाणी निकलया। 35 जिनी माणुए ऐ सब दिखया, उनी ऐ गबाई दिती है, ताकि तुसां भी यीशुए पर भरोसा करी सकन। कने उदी गबाई सच्ची है, कने सै जाणदा है, की सच्च बोला दा है। 36 ऐ गल्लां इस ताई होईयां की पबित्र शास्त्रे च जडा लिखया है सै सच्च होई जा, “उदी कोई हड्डी नी तोडी जाणी।” 37 फिरी इक होर जगा पबित्र शास्त्रे च लिखया है, “जिसयो उना बेधया है, उदे पर नजर करणी।” 38 इना गल्लां दे बाद अरिमतिया शेहरे दे यूसुफे, जडा यीशुए दा चेला था, (पर यहदी अगुवां दे डरे ने इसा

गल्ला जो लुकाई रखदा था), उनी पिलातसे ने बिनती कृती, की मैं यीशुए दिया लाशा जो लेई जां, कने पिलातसे उदी बिनती सुणी, कने सै आई करी उदी लाशा जो लेई गया। 39 नीकुदेमुस भी जडा पेहले यीशुए बाल राती गया था कने लगबग तेती किलो गन्धरस कने एलवा लेई आया। 40 तालू इना दोनों यीशुए दी लाश लेई कने यहदियां दे रिबाजे ने उस पर सै मुस्का बालियां चिंजा लगाई करी कपडे दियां पट्टियां च लपेटया। 41 उसा जगा पर जिथू यीशु सूली पर चडया था, ओथु इक बारी थी; कने उसा सो बारिया च इक नोई कबर थी, उसा च पेहले कदी कोई नी दफनाया था। 42 इस ताई उना यीशुए जो उसा कबरा दिया गुफा च रखी दिता क्योंकि सै बखे ही थी कने सै यहदियां दे सब्त दी तैयारिया दा दिन भी था।

20 तुओरे ब्यागा तडके मरियम जडी मगदल गां दी थी, सै कने उसा सोगी होर भी जनानियां कबरा पर आईयां, उना कबरा दे दरबाजे ला पथरे जो हटया दिखया। 2 तालू सै दोडी कने शमौन पतरसे कने उसी दुऐ चले बाल जिसने प्रभु प्यार रखदा था, आई करी बोलया, “सै प्रभु यीशुए दी लाशा जो कबरा ला कडी लेई गे; कने मैं नी जाणदी की उसयो कुथु रखया है।” 3 तालू पतरस कने सै दुज्जा चेला कबरा पासे चली पे। 4 कने दोनो सोगी-सोगी दोडयो थे, पर दुआ चेला पतरसे ला तेज दौडी करी पेहले कबरा पर पुज्जी गया। 5 कने निठा होईकरी अंदर दिखया की ओथु कपडे दियां पट्टियां दा डेर लगया था: पर सै अंदर नी गया। 6 तालू उदे पिच्छे-पिच्छे शमौन पतरस भी पुज्जी गया कने कबरा दे अंदर गया कने कपडे पियो दिखे। 7 कने सै अंगोछा जडा सिरे पर लपेटया था, सै कपडे सोगी नी पिया था पर सै इक लग जगा च मिल्ला। 8 तालू दुआ चेला भी जडा कबरा च पेहले पुजया था, अंदरे जो गया कने दिखीकरी भरोसा किता कि यीशु मरयां चे जिन्दा होई गया था। 9 पबित्र शास्त्रां च यीशु दे बारे च ऐ लिखया था की उनी मरणे बाद जिन्दा होणा है, पर सै हले दीकर नी समझी पायो थे। 10 तालू सै चले अपने घरे जो बापस चली गे। 11 पर मरियम रौंदी होई कबरा दे बाहर ही खडोई रेई कने रौंदे-रौंदे कबरा पासे निठे होईकरी, 12 दो स्वर्गदूतां जो चमकदे कपडे पाई करी इकी जो सोंदिया कने दुज्जे जो पोंदियां बैठया दिखया, जिथू यीशुए दी लाश रखियो थी। 13 स्वर्गदूतां मरियम ला पुछया, ओ जनानिये, तू कजो रोआ दी है? उनी उना जो बोलया, “सै मेरे प्रभु दिया लाशा जो चुकी लेई गे कने मिंजो नी पता की उसयो कुथु रखया है।” 14 ऐ बोलणे दे बाद सै पिच्छे मुडी कने यीशुए जो खडोतया दिखया कने पछेणया नी की सै यीशु है। 15 यीशुए उसा ने बोलया, जनानिये तू कजो रौंदी है? कुसयो चे दो जणे होर गिठे होए थे। 3 शमौन पतरसे उना जो बोलया, मैं तोपा दी है? उना माली समझीकरी उसयो बोलया, “श्रीमान जी, अगर तू उदे शरिरी जो चुकया है तां मिंजो दसी दे की कुथु रखया है कने मैं उसयो लेई जांगी।” 16 यीशुए उसा जो बोलया, मरियम। उना उस पासे मुडी करी उसला इन्नानी भाषा च बोलया, गुरू जी। 17 यीशुए उसा जो बोलया, “मेरे पैरां च पेईकरी मिंजो मत रोक क्योंकि मैं हले दीकर उपर पिता परमेस्वर बाल नी गया है, कने मेरे चेलयां बाल जाई करी उना जो बोली दे, की मैं अपने पिता, कने

तुहाडे पिता, कने अपने परमेस्वर, कने तुहाडे परमेस्वरे बाल उपर चलया है।” 18 मरियम जडी मगदल गां दी थी उना जाई करी चेलयां जो दसया, “मैं प्रभु जो दिखया, कने उनी मिंजो ने गल्लां कितियां।” 19 उसी तुओरे दिया संज्ञा बेले सारे चले इकी जगा गिठे होए, उना दरबाजे बंद करी ले क्योंकि यहदी अगुवां ला डरयो थे, तालू यीशु आया कने बिच खडोई करी उना जो बोलया, “तुहांजो शांति मिल्ले।” 20 कने ऐ बोली करी उनी अपने हथां कने पैरां दे जखम दस्से: तालू चले प्रभु जो दिखीकरी खुश होए। 21 यीशुए फिरी उना जो बोलया, “तुहांजो शांति मिले; जियां पिता परमेस्वरे मिंजो संसार च भेजया है, तियां ही मैं भी तुहांजो संसारे च भेजा दा है।” 22 ऐ बोली करी उनी उना पर फुंक मारी कने बोलया, “पबित्र आत्मा जो अपनाओ। 23 अगर तुसां कुसी दे पाप माफ करगे, उना दे पाप माफ होए न, कने जिना दे पाप तुसां माफ नी करगे, उना अपने पापां च फसी रेणा है।” 24 पर बाहरां चेलयां चे इक माणु थोमा जिसयो दिदुमुस बोलदे न, जालू यीशु आया तां सै उना सोगी नी था। 25 जालू होर चले उसला बोलणा लगगे, असां प्रभु जो दिखया है, तालू उनी उना जो बोलया, “जालू दीकर मैं उदे हथां च मेखां दे जखम कने उना मेखां दे छेदां च कने उदे पसलियां च हथ नी पाई लेंगा, तालू दीकर मैं भरोसा नी करणा की सै मरयां च जिन्दा होई गया है।” 26 अठां रोजा बाद उदे चले फिरी घरे अंदर थे, कने थोमा उना सोगी था, कने दरबाजे बंद थे, तालू यीशुए आई करी कने बिच खडोई करी बोलया, “तुहांजो शांति मिल्ले।” 27 तालू उनी थोमा जो बोलया, अपणिया उंगलियां ने मेरे हथां जो छूईकरी दिख कने अपने हथे जो अगगे करी के मेरियां पसलियां च पा; कने शक करणा बंद कर कने भरोसा कर की मैं मरयां चे जिन्दा होई गया है। 28 ऐ सुणीकरी थोमे जबाब दिता, “मेरे प्रभु जी, मेरे परमेस्वर।” 29 यीशुए उसयो बोलया, “तू तां मिंजो दिखीकरी भरोसा किता है। धन्य न सै जडे बिना दिखयो मिंजो भरोसा करदे न।” 30 यीशुए होर भी चमत्कार चेलयां दे सामणे दस्से, जडे इसा कताबां च नी लिखयो न। 31 पर ऐ इस ताई लिखयो न, ताकि तुसां भरोसा करन, की यीशु ही परमेस्वरे दा पुत्र मसीह है: कने उस पर भरोसा करी के उदे नाए ने तुहांजो हमेशा दी जिन्दगी मिल्ले।

21 इना गल्लां दे बाद यीशुए अपने आपे जो तिबिरियास झिला दे बखे चेलयां जो दर्शन दिते कने इस तरीके ने दर्शन दिते। 2 शमौन पतरस कने थोमा जिसयो दिदुमुस बोलदे न, कने गलील प्रदेश दे काना शेहरे दा नतनएल कने जब्दी दे पुत्र, कने उदे चेलयां चे दो जणे होर गिठे होए थे। 3 शमौन पतरसे उना जो बोलया, मैं मछियां पकडना चलया है। उना उसला बोलया, “असां भी तेरे सोगी चलदे न।” तां सै निकली करी किस्तिया पर चडी गे, पर उसा राती उना कुछ नी पकडया। 4 अगले दिने ब्याग होंदे ही यीशु कनारे पर खडोतया था, पर चेलयां उसयो पछेणया नी की ऐ यीशु है। 5 तालू यीशुए उना जो बोलया, हे मेरे प्यारो, क्या तुहाडे बाल कुछ खाणो जो है? उना जबाब दिता, “नी।” 6 यीशुए उना जो बोलया, “किस्तिया दे सजे पासे जाल फेंका, तां मिलणियां।” तालू

उना जाल फेंकया, कने हुण मछियां जादा होणे दिया बजा ने उना ला ओणे दीकर जिन्दा रे, तां तिजो इसला क्या?" 24 जिनी माणुणे ऐ जाल नी खिची होया। 7 इस ताई उस चेले ने जिसने प्रभु प्यार सब कुछ दिखया, उनी ऐ गबाई दिती है, ताकि तुसां भी यीशु पर रखदा था पतरसे जो बोलया, "ऐ तां प्रभु है।" जालू शमौने ऐ सुणया भरोसा करी सकन। कने उदी गबाई सचची है। कने असां जाणदे न की प्रभु यीशु है, तां उनी अपने सै कपडे पाई ले जडे उनी कम्म की सै सचचाईया ने बोलदा है। 25 यीशुऐ होर भी मते कम्म किते, करदे बेले उतारी दितयो थे कने पाणिये च छाल देई दिती। 8 पर अगर उना सारे कम्मा जो लिखया जांदा, तां मिंजो लगदा की सारे होर चेले डोंगिया पर मछियां ने भरुऐ जाले जो खिज्जी लेई आऐ, संसार च इतणी भी जगा नी होणी थी की उना सारियां कताबां जो क्योकि सै कनारे ला जादा दूर नी थे, कोई सो मीटर दूर थे। 9 जालू रखी सके। सै कनारे पर पुज्जे, तां उना कोलयां दिया अग्गी पर मछियां कने उदे बखे रोटियां रखियां दिखियां। 10 यीशुऐ उना जो बोलया, "जडियां मछियां तुसां हुण पकडिया न, उना चे थोडिया लेई ओआ।" 11 शमौन पतरसे डोंगिया पर चढी करी इकसो त्रियूँजा मछियां ने भरया जाल कनारे पर खिचया, कने इतणियां मछियां होणे ने भी जाल नी फटया। 12 यीशुऐ उना जो बोलया, "ओआ रोटी खाई लिया।" कने चेलयां चे कुसयो भी होंसला नी होया, की उसला पुछन, तू कुण है? "क्योकि सै जाणदे थे की ऐ प्रभु ही है।" 13 यीशुऐ रोटी लेईकरी उना जो दिती, कने तियां ही मच्छी भी दिती। 14 ऐ तिजी बरी है की यीशुऐ मरी करी जिंदा होणे बाद चेलयां जो दर्शन दिते न। 15 रोटी खाणे बाद यीशुऐ शमौन पतरसे जो पुछया, हे यहन्ना दे पुत्र शमौन, क्या तू सचची इना बाकियां ला जादा मिंजो ने प्यार करदा है? उनी यीशुऐ जो बोलया, हां प्रभु; तू तां जाणदा है, की मैं तिजो पर भरोसा रखदा है, उनी उना जो बोलया, "मेरे छेलुआं दी रखबाली कर।" 16 यीशुऐ फिरी दूजी बरी उसयो पुछया, "हे यहन्ना दे पुत्र शमौन, क्या तू मिंजो ने प्यार रखदा है?" उनी उसयो बोलया, "हों, प्रभु तू तां जाणदा हे की मैं तिजो ने प्यार करदा है?" उनी उसयो बोलया, "मेरियां भेडां दा पुआल बण।" 17 यीशुऐ तीजी बरी उसयो पुछया, "यहन्ना दे पुत्र शमौन, क्या तू मिंजो ने प्यार करदा है?" पतरस उदास होई गया, की उनी उसयो तीजी बरी ऐसा बोलया, "क्या तू मिंजो ने प्यार करदा है।" कने उनी बोलया, "प्रभु जी, तू तां सब कुछ जाणदा है की मैं तिजो ने प्यार करदा है।" यीशुऐ उसला बोलया, "मेरियां भेडां जो चुगा।" 18 "मैं तुसां ने सचच-सचच बोलदा है, जालू तू जवान था, तां अपने लक्के जो बन्नी करी जिथू चांदा था, ओथु गुमदा था; पर जालू तू बुडा होइ जाणा, तां तू अपने हथां जो फेलांगा, कने कोई तिजो बन्नी लेंगा कने तिजो ओथु लेई जाणा जिथू तू जाणा नी चांदा।" 19 यीशुऐ ऐसा ऐ दसणे ताई बोलया की पतरसे कियां मरणा कने परमेवरे दी महिमा करणी है; ऐ बोली करी, उसयो बोलया, "मेरा चेला बणी रे।" 20 पतरसे मुडी करी उस चेले जो पिच्छे ओदे दिखया जिसने यीशु प्यार रखदा था। ऐ सै ही है जिनी फसह दी रोटी खाणे बेले यीशुऐ बखे बेईकरी पुछया था, "प्रभु जी, तिजो पकडाणे बाला कुण है?" 21 उसयो दिखीकरी पतरसे यीशुऐ जो बोलया, "प्रभु जी, इदे सोगी क्या होणा है?" 22 यीशुऐ उसयो बोलया, "अगर मैं चां की सै मेरे ओणे दीकर जिन्दा रे, तां तिजो क्या? तू मेरा चेला बणी रे।" 23 ताई तां भाईयां च ऐ गल्ल फेली गेई की उनी दुज्जे चेले नी मरणा है; तमी यीशुऐ उसयो ऐ नी बोलया, की इनी नी मरणा है, पर ऐ की "अगर मैं चां की ऐ मेरे

प्रेरितां दे कम्म

1 प्रिय थियुफिल्स, मैं अपणिया पेलिया कताबा च उना सारियां गल्लां दे बारे च दसया है, जडियां यीशुए स्वर्ग च जाणे ला पहले करणा कने सिखाणियां शुरू कीतियां। 2 पर परमेस्वरे दे जरिये यीशुए जो स्वर्ग च चुकणे ला पहले, यीशुए दुख झेले कने मरी गया। उनी मते पक्के सबुतां ला उनी अपने आपे जो जिन्दा दसया, कने चालियां रोजां दीकर सै उना चुण्यां चेलयां जो मिलदा रिया, कने परमेस्वरे दे राज्य दियां गल्लां करदा रिया। यीशुए पबित्र आत्मा दिया सहायता ला प्रेरितां जो हुकम दिता कने उदे बाद परमेस्वरे उसयो स्वर्ग च चुकी लिया। 4 इक बरी यीशुए चेलयां ला मिली करी उना जो हुकम दिता की, “यस्शलेमे शेहरे ला बाहर मत जांदे, पर उस दान दी नियाल रखा जडा मेरे पिता परमेस्वरे तुहांजो देंगे दा बायदा कितया था, तुसां मिंजो उदे बारे च पहले भी बोलदे सुणया है। 5 यहून्ने तां पाणिणे ला बपतिस्मा दितया है, पर थोडे रोजा बाद परमेस्वरे तुहाडे सोगी रेणे तांई पबित्र आत्मा जो भेजणा।” 6 बादे च जालू प्रेरित दोबारा यीशुए जो मिल्ले, तां उना यीशुए जो पुछया, “प्रभु जी, क्या तू हुण ही इस बकत इस्त्राएले जो रोमियां दी गुलामी ला अजाद करणे कने साडे राज्य जो फिरी ला बसाणे दी योजना बना दा है?” 7 यीशुए उना जो बोलया, “ऐ सारियां चिंजा कालू होणियां कने कुस बकत होणियां, ऐ सब कुछ तय करणे दा हक सिर्फ मेरे पिता परमेस्वर जो है, ऐ सब कुछ जाणे दी तुहांजो जरूरत नी है। 8 पर जालू पबित्र आत्मा तुहाडे पर ओणा तालू तुहांजो शक्ति मिलणी; कने यस्शलेमे शेहरे च कने सारे यहूदिया कने सामरिया प्रदेशां च, कने संसारे दियां हर जगा दे लोकां मेरे बारे च गबाही देंगी है।” 9 ऐ बोली करी उना दे दिखदे-दिखदे ही परमेस्वर यीशुए जो स्वर्ग च लेई गया, कने इक बदले दिया बजा ला सै उसयो दिखी नी सके। 10 उदे जांदे बेले जालू सै अम्बरे पासे दिखा दे थे, तां अचानक दो माणु चिंटे कपडे पाई करी उना बखे प्रगत होए। 11 कने बोलणा लगे, “हे गलीली प्रदेशे दे माणुआं, तुसां कजो खडोई करी अम्बरे पासे दिखा दे न? ऐई यीशु, जिसयो परमेस्वर स्वर्ग लेई गया है, जियां तुसां उसयो स्वर्ग जांदे दिखया तियां ही उनी फिरी ओणा है।” 12 ऐ सारियां गल्लां जैतुन नाए दे पहाडे पर होईयां जडा यस्शलेमे शेहरे ला लगभग इक किलो मीटर दिया दुरिया पर था कने प्रेरित पहाडे ला यस्शलेमे शेहरे जो बापस आई गे। 13 कने जालू प्रेरित शेहरे च पुज्जे तां सै उपरे बाले कमेरे च गे, जिथू सै रे दे थे। जडे प्रेरित ओथु मोजूद थे सै ऐ न पतरस कने यहून्ना कने याकूब कने अन्धियास कने फिलिप्पस कने थोमा कने बरतुल्लै कने मती कने हलफईए दा पुत्र याकूब, शमौन जडा क्रान्तिकारी था कने याकूब दा पुत्र यहूदा थे। 14 ऐ सारे हमेशा गिठे होंदे थे कने सारे इक मन होईकरी लगातार प्रार्थना करदे थे। उना चे यीशु दे भाई कने यीशुए माता मरियम कने कुछ जनानियां भी थियां जिना यीशुए दी सहायता कितियो थी। 15 कने उना रोजां च इक रोज, जालू लगभग इक सौ बी मसीह भाई बेहण गिठे थे, तां पतरस उना दे बिच खडोई करी बोलणा लग्गा। 16

हे मसीह भाईयो बेहणो, पबित्र आत्मा बडे पहले राजा दाऊदे दे जरिये यहूदा दे बारे च दसया था, जिनी यीशुए जो गिरफ्तार करणे बालयां दी अगुवाई कीती। ऐ जरूरी था की यहूदा दे बारे च पबित्र शास्त्रे च लिखिया लेख पूरा हो। 17 बेशक यहूदा सांझो चे इक था, कने इसा सेवकाईया च भी हिस्सेदार बणया। 18 जियां की तुसां जाणदे न की उस पेसे ला जडे यहूदा यीशुए जो चलाकिया ला पकड़णे तांई लियो थे, उनी उस पेसे ला इक खेतर लिया। जालू यहूदा फा लेई लिया तां सै थल्ले सिरे भार पेई गया कने उदा पेट फटी गया, कने उदियां सारियां आंतडियां बाहर आई गियां। 19 कने इसा गल्ला दे बारे च यस्शलेमे शेहरे दे सारे लोकां जो पता लग्गी गया, इस तांई सै लोक उस जगा जो अपणी भाषा च हलकदमा मतलब की खूदे दा खेतर बोलणा लग्गी पे। 20 क्योकि राजा दाऊदे भजन सहिता दिया कताबा च लिखया है, “उदा घर उजडी जा कने उस घरे च कोई नी बसे,” कने राजा दाऊदे दुज्जी जगा च ऐ भी लिखया है की, “उदी जगा कोई होर लेई ले।” 21 इस तांई ऐ जरूरी है की प्रभु यीशु जो मरयां चे जिन्दे होणे दा, साडे सोगी गबाह बणने तांई इक माणुए जो चुण्यां जा। सै माणु ऐसा होणा चाईदा जडा प्रभु यीशु दे सारे कम्मा दे बकते च मतलब की प्रभु यीशु जो यहून्ना ला बपतिस्मा लेणे ला लेईकरी उसयो स्वर्ग च जाणे दीकर साडे सोगी था। 23 तालू उना दो जणयां जो खरेडया इक यूसुफे जो, जिसयो बरसब्बास बोलदे न, जिदा दुआ ना युसतुस है, कने दुआ मत्तियाह जो। 24 कने ऐ बोली करी प्रार्थना कीती, “प्रभु जी, तू तां सारयां दे मना जो जाणदा है, ऐ प्रगत कर की इना दों जणयां चे तू कुण चुण्यां है, 25 की सै इस सेबा दे कम्मे जो कने उस प्रेरित दी सै खाली जगा ले, जिसा जगा जो यहूदा छडी करी चली गया जिथू उसयो जाणा चाईदा।” 26 तालू उना दोनो दे बारे च चिठियां पाईयां, कने चिठी मत्तियाह दे नाए दी निकली, कने सै उना गयारां प्रेरितां दे सोगी गिणया गया।

2 जालू यहूदियां दे पिन्केकुस्ते त्योहारे दा दिन आया, तां सारे भरोसा करणे बाले इकी जगा पर गिठे थे। 2 तालू अचानक अम्बरे ला इक अबाज सुणोई, सै अबाज तेज होआ सांई थी, कने उसा ने सारा घर जिथू सै बैठयो थे गूजी पिया। 3 तालू उना दे सामणे अग्गी सांई चीजां दा झुण्ड प्रगत होया जडा जीभा दे अकारे दा लंगा दा था, जडा लग होईकरी उना चे हर इक माणुए पर स्कदी गई। 4 कने सै सारे पबित्र आत्मा ला भस्ई गे, कने जियां ही पबित्र आत्मा उना जो बोलणे दी शक्ति दिती, सै होर-होर भाषा च बोलणा लगे। 5 उस बकत परमेस्वरे दा डर मनणे बाले केई यहूदी थे, जडे की संसारे दे हर इक देशे ला त्योहारे मनाणे तांई आयो थे कने यस्शलेमे शेहरे च रेंदे थे। 6 जालू उस तेज होआ दी अबाज होई थी तां भीड लग्गी गई कने लोक हेरान होई गे, क्योकि हर इक अपणी-अपणी भाषा च चेलयां जो बोलदे सुणा दे था। 7 कने सै सारे हेरान होईकरी बोलणा लगे, “दिखा, ऐ जडे लोक इस तरिके ला बोला दे न ऐ गलील प्रदेशे दे बासी न।” 8 तां ऐ क्या होआ दा है, जडा सांझो चे हर इक जणा इना जो अपणी-अपणी बोली च गल्लां करदे होये सुणा दे है! 9 असां चे कुछ लोक पारथी इलाके ला न; कने कुछ मेदी कने कुछ लोक

एलामी कने मेसोपोटामिया कने यहूदिया प्रदेशे कने कपपूदकिया कने पुन्तस कने आसिया प्रदेश, 10 कने फ्रूगिया कने पंफूलिया कने मिस्र देश कने लीबिया देशे कुछ इलाकयां दे न। जडे कुरेने शेहर दे बखे न, कने इना सारे देशां दे रेणेबाले कने रोम शेहर ला ओणे बाले लोक, 11 मतलब की क्या यहूदी, कने क्या ही होर जातियां दे लोक जिना यहूदी धर्म अपनाई लिया था, केती टापू दे लोक कने अरबी देश दे लोक भी न, पर अपणिया-अपणिया बोलिया च उना ला परमेश्वरे दे चमत्कारी कम्मा दी चर्चा सुणदे न। 12 कने सै सारे हेरान होए, कने उना जो समझ नी ओआ दा था की क्या होआ दा है। 13 पर केईयां मजाक करदे होए बोलया, “सै तां नोईया शराबा दे नशे च न।” 14 पतरस उना गयरां प्रेरितां सोगी खडोता, कने जौरे ला बोलणा लग्या, “तुसां लोक जडे साडे सांई यहूदी न कने यस्शलेम शेहरे दे बासियां, मेरियां गल्लां ध्याने ला सुणा मै तहांजो दसदा है की इसा घटना दा क्या मतलब है। 15 तहांजो लगदा है की असां नशे च न, पर असां नशे नी न क्योंकि हले तां ब्यागा दे नौ बजे न। 16 पर एे चमत्कार जडा साडे सोगी होया है, एे उसा गल्ला जो पूरा करदा है, जडी योएल परमेश्वरे दा संदेश देणेबाले दे जरिये पबित्र शास्त्र च परमेश्वरे बोलियो है: 17 परमेश्वर बोलदा है की, ‘आखरी दिना च ऐसा होणा है, की मै अपणी आत्मा सारे माणुए जो देणी है कने तहाडे पुत्रां कने कुडियां भविष्यवाणियां करणियां, कने तहाडे जवाना दर्शण दिखणे कने तहाडे बूढे मर्दा सुपने दिखणे।’ 18 उना दिना च मै अपने नोकरां कने नोकराणियां जो अपणी आत्मा देणी, कने उना भविष्यवाणियां करणी। 19 कने मै उपर अम्बरे च अनोखे कम्म, कने थले धरतिया पर चमत्कार, मतलब की खून कने अग्य कने धूरे दे बदल दसणे। 20 प्रभु दा दिन ओणे ला पेहले सूरजे नेहरा होई जाणा कने चांदे खूने सांई होई जाणा। सै दिन महान कने तेजस्वी दिन होणा। 21 कने जडा कोई प्रभुएे दा ना लेंगा, उदा उद्धार होणा।” 22 हे इस्राएल दे लोको इना गल्लां जो सुणा: परमेश्वरे नासरत दे यीशु मसीह दे जरिये चमत्कार कने अनोखे कम्म किते कने तुसां अपु जाणदे न की एे सच्च है। इयां करिरी परमेश्वरे तुसां जो दसया की यीशु परमेश्वरे दा भेजया माणु है। 23 उसयो ही, जालू सै परमेश्वरे दी बणाईयो योजना कने पेहले ला ही ज्ञाने दे अनुसार पकडया गया, तां तुसां उसयो बुरे लोकां दे हथां ला किल्लां ठोकी करी सूली पर चढाई करी मारी दिता। 24 फिरी भी परमेश्वरे उसयो मरणे दे बाद फिरी ला जिन्दा करी दिता। यीशु मरी गया था पर परमेश्वरे उसयो मुर्दा रेणे ला बचाई लिया क्योंकि उदे तांई मरया रेणा संभव नी था। 25 क्योंकि राजा दाऊद यीशुएे दे बारे च बोलदा है, “मै प्रभु जो हमेशा अपने सामणे दिखदा रिया क्योंकि सै मेरे सजे पाससे है, ताकि मै उना लोकां ला नी डेरें जडे मिंजो नुक्सान पूजाणा चांदे न। 26 मेरा मन बडा खुश होया, कने मै खुशिया ला बोलदा है; कने मेरे शरिरी जो भी आस लग्गी रेणी। 27 क्योंकि तू मिंजो मुर्दा नी रेणा देणा। कने ना ही अपने पबित्र जण दिया लाशा जो सडना देणा। (Hades g86) 28 तू मिंजो जिन्दगिया दा रस्ता दसया है; तू मिंजो अपणिया मोजुदगी च खुशिया ला भरी देणा।” 29 “हे मसीह भाईयो, मै उन कलपति राजा दाऊदे

दे बारे च पुरिया हिम्मत ला बोली सकदा है की सै मरी गया है कने दबया भी है कने उदी कबर अजे दीकर भी साडे बिच है। 30 सै परमेश्वरे दा संदेश देणेबाला भी था, कने सै जाणदा था की परमेश्वरे मिंजो ने कसम खाई करी बायदा कितया है, “मै तेरे बंशे चे इकी माणुए जो तेरे सिंहासने पर बठांगा।” 31 एे जाणी करी की भविष्य च परमेश्वर क्या करणा जा दा था, राजा दाऊदे यीशु मसीह जो मरणे बाद जिन्दा होणे दी गल्ल किती है। उनी बोलया ना तां उनी उसयो मुर्दा रेणा दिता, कने ना ही अपने पबित्र जण दिया लाशा जो सडना दिता। (Hades g86) 32 इसी यीशुएे जो परमेश्वरे जिन्दा कित, जिदे असां सारे गबाह न। 33 हुण सै स्वर्गे च परमेश्वरे दे सजे हथे सबना ला बूढे इज्जता दे पदे पर बैठया है। कने पिता परमेश्वरे जदिया उसला बायदा कितया था, उनी अपना पबित्र आत्मा यीशुएे जो दिता कने यीशुएे उदारता ला सै पबित्र आत्मा सांडो दिता है, जिचां की तुसां अज दिखदे कने सुणदे न। 34 क्योंकि राजा दाऊद यीशु मसीह सांई शरिरी च स्वर्गे पर नी चढया; पर सै अपु ही बोलदा है, प्रभु परमेश्वरे मेरे प्रभु ला बोलया; मेरे सजे पाससे बैठ, 35 जालू दीकर मै तेरे दुश्मणा जो तेरे पैदां थले दिया चौकिया सांई नी बणाई दे। 36 इस तांई इस्राएले दे सारे लोक इसा गल्ला दे बारे च पका ही जाणी लेन: की परमेश्वरे इसी यीशुएे जो जिसयो तुसां सूली पर चढाया, उसयो प्रभु भी कने मसीह भी बणाया। 37 जालू लोकां एे सुणया तां उना अपने आपे जो दोषी महसूस कित, कने सै पतरस कने बाकी प्रेरितां ला पूछणा लग्ये, “हे मसीह भाईयो, असां क्या करन?” 38 पतरसे उना जो बोलया, “मन बदला, कने तुसां सारे अपने-अपणे पापां दी माफी तांई यीशु मसीह दे नाएे ला बपतिस्मा लिया; तां तुसां जो पबित्र आत्मा दा दान मिलणा। 39 क्योंकि एे प्रतिज्ञा तुसां, कने तहाडिया ओलादा कने उना सारे दुरे-दुरे दे लोकां तांई भी है जिना जो साडे प्रभु परमेश्वरे अपने बाल सदया।” 40 पतरसे होर भी मतियां गल्लां दी गबाई देईकरी उना जो समझाया कने बिनती किती की अपने इस्राएली साथियां सांई मत बणा जडे परमेश्वरे पर भरोसा नी करदे कने परमेश्वरे ला बिनती करा की सै तहांजो बचाए। 41 कने जडा कुछ पतरसे बोलया, उस पर जिना भरोसा कित कने उना बपतिस्मा लिया; कने उसी दिने लगभग तिन जार माणु उना ने शामिल होई गे। 42 कने सै प्रेरितां ला शिक्षा लेंगे च, उना सोगी संगती रखणे च, प्रभु भोज कने प्राथना करणे च लीन रेणा लग्ये। 43 कने प्रेरित जडे अनोखे कम्म कने अनोखे चमत्कार करदे थे, इना ला यस्शलेम शेहर दे लोक डेरें कने हेरान होए। 44 कने सै सारे भरोसा करणे बाले गिठे रेदे थे, कने जडा कुछ भी उना बाल होंदा था सै सब कुछ सांझा करदे थे। 45 कने सै अपणिया-अपणिया जगा जमिना कने समाने जो बेची करी जदेई जिसयो जरूरत होंदी थी उसयो बंडी दिन्दे थे। 46 कने सै हर रोज इक मन होईकरी मंदरे च गिठे होंदे थे, कने रोटी खाणे तांई कने प्रभु भोज तांई इक दुज्जे दे घरे साफ मने ला खुशिया ला गिठे होंदे थे। 47 कने परमेश्वरे दी स्तुति करदे थे, कने सारे लोक उना ला खुश थे; कने जिना दा उद्धार होंदा था, उना जो प्रभु हर रोज उना च मिलाई दिन्दा था।

3 इक दिन पतरस कने यहून्ना दोपहर दे तिन बजे प्राथना दे बेले मंदरे जो चलये थे। 2 कने लोक इकी जन्म ला ही लंगड़े जो लोआ दे थे, जिसयो सै रोज ही मंदरे दे उस दरबाजे बाल बैठाई दिन्दे थे जिसयो सुंदर दरबाजा बोलदे न, ताकि सै मंदर जाणे बालयां ला भीख मंगी सके। 3 जालू उनी पतरस कने यहून्ना जो मंदरे च जांदे दिखया, तां उनी उना ला भीख मंगी। 4 पतरसे कने यहून्ने उदे पास्से ध्याने ला दिखीकरी बोलया, “साडे पास्से दिख।” 5 सै उना ला कुछ मिलणे दी आसा च उना पास्से दिखणा लग्गा। 6 तालू पतरसे बोलया, “चांदी कने सोना तां साडे बाल है नी, पर जडा मेरे बाल है सै तजो दिन्दा है; नासरत दे यीशु मसीह दे नाए ला उठ कने चल फिर।” 7 कने पतरसे उदा सजा हथ पकड़ी करी उसयो उठायो; कने झट उदे पैरा कने गोडयां च जोर आई गया। 8 कने सै उछली करी खडोई गया, कने चलणा फिरणा लगी पिया; कने चलदा, कने छलांगा मारदे परमेस्वरे दी स्तुति करदा होया उना सोगी मंदरे दे अंगणे च गया। 9 सारे लोकां उसयो चलदे फिरदे कने परमेस्वरे दी स्तुति करदे दिखीकरी, 10 उसयो पछेणी लिया की सै ही लंगडा भिखारी है, जडा मंदरे दे सुंदर दरबाजे पर बेईकरी भीख मंगदा था; कने इसा घटना ला जडी उदे सोगी होईयो थी, बडे हेरान होए। 11 सै उस ओसारे च थे जिसयो सुलैमान दा ओसारा बोलदे न, कने सै लंगडा भिखारी जडा ठीक होई गया था सै पतरस कने यहून्ने दा साथ नी छडा दा था। सै सारे लोक उना पासे दौड़े कने उसयो दिखीकरी बडे हेरान होए। 12 ए दिखीकरी पतरसे लोकां जो बोलया, हे इस्राएलियां, तुसां इस माणुए पर कजो हेरान होआ दे, कने साडे पास्से कजो घुरा दे न, जियां मन्ना की असां ही अपणिया भक्तिया कने शक्तिया ने इसयो चलणे फिरणे जोगा बणाई दितया है। 13 साडा परमेस्वर कने जडा अब्राहम, इसहाक, याकूब, कने साडे पूर्वजां दा भी परमेस्वर है उनी अपने सेवक यीशुए दी महिमा किती, पर तुसां यीशुए जो मरवाणे तांई रोमी अधिकारियां बाल पकडाई दिता, कने जालू पिलातुसे उसयो छडणे दा बिचार किता, तालू तुसां उदे सामणे यीशुए जो नकारी दिता। 14 तुसां यीशु मसीह जो नी अपनाया, जडा पबित्र कने धर्मी था। कने तुसां पिलातुसे ला चांदे थे की इक हत्यारे जो तुहाडे तांई छडी दिया। 15 कने तुसां उसयो जडा हमेशा दी जिन्दगी दिन्दा है मारी दिता, पर परमेस्वरे उसयो फिरी ला जिन्दा किता, कने इसा गल्ला दे असां गबाह न। 16 यीशुए दे नाए पर भरोसा करणे दे जरिये ही इस माणुए जो ताकत मिल्ली है, जिसयो तुसां जाणदे न कने हुण तुहाडे सामणे है। ए यीशु दा ना है कने जडा भरोसा उदे जरिये ओंदा है जिनी उसयो बिलकुल ठीक-ठाक करी दितया है, जियां की तुसां अपु भी दिखी सकदे न। 17 कने हे भाईयो, मै जाणदा है की जालू तुसां कने तुहाडे अगुवां यीशु मसीह जो मारी दिता तालू तुसां उदे बारे च अनजाण थे की सै कुण था। 18 पर जिना गल्लां जो सारे परमेस्वरे अपने संदेश देणेबाले दे जरिये पेहले ही दसया था, की उदे मसीह जो दुख होणा कने सै मारी देणा है; तुहाडे जरिये परमेस्वरे इना गल्लां जो पूरा करी के दसया। 19 इस तांई मन बदला कने परमेस्वर बाल बापस ओआ ताकि तुहाडे

पाप मिटी जान, तालू परमेस्वरे दिया तरफा ला आत्मिक शान्ति दा बकत ओणा। 20 कने उनी यीशुए जो भेजणा, जडा सै मसीह है जिसयो परमेस्वरे तुहाडे तांई चुणया है। 21 यीशुए दा स्वर्गे च रेणा उस बेले दीकर जरूरी है जालू परमेस्वर उना सारियां चिंजा जो नोआ बणाई दींगा जडियां उनी बणाईयां न। बडे बकत पेहले परमेस्वरे लोकां जो ए दसणे तांई पबित्र परमेस्वरे दे संदेश देणेबाले दे जरिये ऐसा करणे दा बायदा किता। (aiōn g165) 22 जियां की मूसा बोलया, “प्रभु परमेस्वरे तुहाडे भाईयां च तुहाडे तांई मिजो सांई इक परमेस्वरे दा संदेश देणेबाला भेजणा,” जडा कुछ सै तुसां ने बोलगा, उदी सुणनयो। 23 पर हर इक माणु जडा उस परमेस्वरे दा संदेश देणेबाले दी नी सुणे, लोकां च उदा नाश होई जाणा। 24 कने शमूएल ला लेईकरी उदे बाद बालयां दीकर जितणे भी परमेस्वरे दे संदेश देणेबालयां ए गल्ल बोली उना सारयां इना दिना दा संदेश दितया है। 25 तुसां सारे परमेस्वरे दे संदेश देणेबालयां दी ओलाद कने उस बायदे दे हिस्सेदार न, जडा परमेस्वरे तुहाडे पूर्वजां ला किता, जालू उनी अब्राहमे जो बोलया, “तेरे खानदाने ला धरतिया दे सारे घरानया जो आशीष मिलणी।” 26 जालू परमेस्वरे अपने सेवक यीशुए जो चुणया, कने उनी उसयो सबना ला पेहले तुसां इस्राएली लोकां बाल भेजया, ताकि परमेस्वर तुसां च हर इक जणे जो पाप दे रस्ते ला दुरे करिरी आशीष दे।

4 जालू पतरस कने यहून्ना लोकां जो ए बोला दे थे, तां याजक कने मंदरे दे रखबालयां दा सरदार कने सदूकी उना बाल आए। 2 क्योकि सै बडे गुस्सा होए की पतरस कने यहून्ना लोकां जो यीशुए दे बारे च सिखान्दे थे, की जडे लोक मरी गियो न परमेस्वरे उना जो फिरी जिन्दा करी देणा, जियां उनी यीशुए जो मरयां च फिरी जिन्दा करी दिता। 3 कने उना पतरस कने यहून्ना जो गिरफ्तार करी अगले रोजे दीकर जेला च रखया क्योकि संज होई गियो थी। 4 पर संदेश सुणने बालयां च मतयां यीशुए पर भरोसा किता, उना भरोसा करणे बाले माणुआं दी संख्या लगभग पंज हजार होई गई। 5 अगले रोजे उना दे सरदार कने यहूदी अगुवे कने व्यवस्था जो सिखाणे बाले यरूशलेम शहर च इकी जगा पर गिठे होए। 6 कने जडे लोक ओथु गिठे होए उना च महायाजक हन्ना कने सारे महायाजके दे घराने दे लोक, जिना च कैफा, यहून्ना, सिकन्दर भी ओथु थे। 7 कने पतरस कने यहून्ना जो बिच खरेडी करी पछणा लगे, “इस माणुए जो ठीक करणे तांई कुनी शक्ति कने हक दिता?” 8 तालू पतरसे पबित्र आत्मा ला भर्से करी उना जो बोलया, “हे लोकां दे सरदारो कने यहूदी अगुवां, 9 असां इक कमजोर माणुए दी भलाई किती है, कने अज सांझो ला इदे बारे च पछताछ करा दे न, की सै कियां ठीक होया। 10 तां तुसां सब कने सारे इस्राएले दे लोक जाणी लिया की ए नासरत दे यीशु मसीह दे नाए ला ठीक होया है। इसी यीशुए जो तुसां सुली पर चढाया था, पर परमेस्वरे उसयो मरयां च जिन्दा किता। अज उसी दे नाए ने ए माणु तुहाडे सामणे भला चंगा खडोतया है। 11 यीशु मसीह सै ही पथर है जिसयो तुसां मिश्रियाँ फेंकी दितया था कने सेई पथर कुंणे दा सिरा बणी गया। 12 यीशु जो छडी करी होर

कुसी दुज्जे ला उद्धार नी है; क्योंकि स्वर्गो दे हेठ माणुए चे कोई होर दुआ ना नी दितया है, जिसला असां उद्धार पाई सकन।” 13 जाल् उना पतरसे कने यहन्ना दी हिम्मत दिखी, कने उना जो ऐ पता लग्गा की ऐ पढ्यो लिखयो नी न कने आम माणु न, फिरी उना जो ऐहसास होया, ऐ इस ताई है क्योंकि ऐ यीशुए सोगी थे। 14 पर उस माणुए जो जडा खरा होया था, पतरस कने यहन्ना सोगी खडोतया दिखीकरी, सै सभा उना दे खिलाफ कुछ नी बोली सकी। 15 पर उना जो महासभा ला बाहर जाणे दा हुकम देईकरी, सै अपु चे बिचार बिमर्श करणा लगे, 16 “असां इना माणुए सोगी क्या करन? क्योंकि ऐ तां साफ है की इना ऐ अदभुत चमत्कार कितया है कने सारे यस्त्रालेम शेहर दे रेणे बालयां जो पता है, कने असां ऐ दाबा नी करी सकदे की ऐ गल्ल नी होइयो है। 17 पर लोकां च ऐ गल्ल होर जादा नी फेलणा चाइदी, असां इना जो धमकाने, की ऐ इसी नाए ला फिरी कुसी माणुए ने गल्ल ना करन।” 18 ताल् उना पतरस कने यहन्ना जो सदया कने चेताबनी देईकरी बोलया, “यीशुए दे नाए ला कुछ नी बोलणा कने ना सिखाणा।” 19 पर पतरस कने यहन्ने उना जो जबाब दिता, “तुसां ही न्याय करा, की क्या ऐ परमेश्वरे दिया नजरा च ठीक है, की असां परमेश्वरे दिया गल्लां ला बडी करी तुहाडियां गल्लां मनन? 20 क्योंकि ऐ तां सांझो ला होई नी सकदा, की जडा असां दिखया कने सुणाया है, सै ना बोलन।” 21 ताल् उना पतरस कने यहन्ना जो दुबारा धमकाया कने छडी दिता। ऐ प्रेरित लोकां बिच मशहर थे इसा बजा ला उना जो इना प्रेरितां जो सजा देंगे दा कोई तरिका नी मिला, इस ताई की जडी घटना होईयो थी उदिया बजा ला सारे लोक परमेश्वरे दी बडाई करदे थे। 22 सै माणु, जडा अदभुत चमत्कारे ला ठीक होया था, उदी उग्र चाली सालां ला जादा थी। 23 पतरस कने यहन्ना छुटी करी अपने साथियां बाल आये, कने जडा कुछ बड़े याजकां कने यहूदी अगुवां उना ने बोलया था, उना जो सुणाई दिता। 24 ऐ सुणीकरी, उना इक मन होईकरी उच्चिया अबाज ला परमेश्वरे ला प्राथना किती, “हे प्रभु, तू ही है जिनी स्वर्ग कने धरती कने समुंद्रे कने जडा कुछ उना च है बणाया है।” 25 तू पबित्र आत्मा ला अपने सेवक कने साडे पूर्वज राजा दाऊदे दे मुए ला बोलया, “होरनी जातियां कजो गुस्सा कितो? कने देशां-देशां दे लोकां कजो बेकार गल्लां सोचियां? 26 कने राजा दाऊदे ऐ भी बोलया था की, धरतिया दे राजयां अपने आपयो तैयार करणा, कने हाकिमा, प्रभु कने उदे मसीह दे बिरोध च गिठे होणा।” 27 कने ऐ गल्ल यस्त्रालेम शेहरे च सच्च होई की तेरे पबित्र सेवक यीशुए दे खिलाफ, जिदा तू अभिषेक कितो, राजा हेरोदेसे कने पुन्तियस पिलातस राज्यपाल भी होर जातियां कने इसाएलियां सोगी इसी शेहरे च गिठे होए, 28 उना सेई कितया जडा तेरिया शक्तिया कने इच्छा पेहले ही तय करी लिया था की होणा चाईदा। 29 प्रभु जी हुण, उना दियां धमकियां जो सुण कने अपने दासां जो ऐ बरदान दे की तेरा बचन बडिया हिमतां ने सुणान। 30 कने ठीक करणे ताई अपना हथ गां कर ताकि चमत्कार कने अनोखे कम्म तेरे पबित्र सेवक यीशु दे नाए ला होन। 31 जाल् सै प्राथना करी

बैठे, तां सै जगा जिथू सै गठयो थे हिली पेई, कने सै सारे पबित्र आत्मा ला भरई गे, कने परमेश्वरे दा बचन हिम्मत ने सुणादे गे। 32 भरोसा करणे बालयां दी मंडली इक चित कने इक मने दे थे, उना दा सब कुछ साझे दा था कने ऐथू दीकर की कोई भी अपणिया धन दौलता पर अपना होणे दावा नी करदा था। 33 कने प्रेरित बडिया शक्तिया ला प्रभु यीशुए दे मरी करी जिन्दा होणे दी गबाई दिन्दे कने उना सारयां पर परमेश्वरे दा बडा अनुग्रह था। 34 कने उना चे कोई भी गरीब नी था, क्योंकि जिना बाल जमीन या घर थे, सै उना जो बेची करी, बिकियां चिजां दे पैसे लोंदे थे कने उसयो प्रेरितां बाल जमा करवाई दिन्दे थे। 35 कने जदई जिसयो भी जरूरत होंदी थी उसयो बंडी दिन्दे थे। 36 कने यूसुफ नाए दा इक माणु था, सै लेवी गोत्र दा था कने साइप्रस टापू ला था। जिदा ना प्रेरितां बरनबास रख्या, जिदा मतलब ऐसा माणु जडा दुजयां जो प्रोत्साहित करदा है। 37 उदे बाल कुछ जमीन थी, जिसा जो उनी बेचया, कने सै पैसे लोकां जो बंडणे ताई प्रेरितां जो देई दिते।

5 हनन्याह नाए दे इकी माणुए, कने उदिया घरे बालिया सफरीा अपणिया जमिना दा छोटो दिया हिस्सा बेचया। 2 कने हनन्याये जो जडे पैसे बेची करी मिल्ले उदे चे उनी कुछ अपने ताई रखी लिया; कने ऐ गल्ल उदी घरे बाली भी जाणदी थी कने उना बाकी बचयो पैसे प्रेरितां जो देई दिते। 3 पर पतरसे बोलया, “हे हनन्याह! जडा शैताने तेरे मने च पबित्र आत्मा ला झूठ बोलणे दा बिचार पाया है कने तू अपणी बेचियो जमिना दे पैसे चे इक हिस्सा अपने ताई रखी लिया है?” 4 क्या बेचणे ला पेहले सै जमीन तेरी नी थी? कने जाल् जमीन बिकी गेई तां उसा दी कीमत क्या तेरे बशे च नी थी? तिजो इस बुरे कम्मे दे बारे च कदी नी सोचना चाईदा था! तू सांझो ला नी, पर परमेश्वरे ला झूठ बोलया। 5 ऐ गल्लां सुणदे ही हनन्याह जमिना पर पेई गया, कने सै मरी गया; कने जिना भी इस बारे च सुणया सै सारे डरी गे। 6 फिरी जवान माणु आऐ कने उसयो कफन च लपेटया करी कने बाहर लेईजाई करी दबी दिता। 7 लगबग तिन घंटे बाद उदी घरे बाली अंदर आई, ओथु जडा कुछ होया था उसा जो नी पता था। 8 ताल् पतरसे उसा जो बोलया, “क्या तुसां दोना सै जमीन इतणे च ही बेचियो थी?” उना बोलया, “हाँ, इतणे च ही।” 9 पतरसे उसा जो बोलया, “ऐ क्या गल्ल है, की तुसां दोना प्रभुए दिया आत्मा जो परखने ताई इक सलाह कितयो है? दिख, जिना जवान माणुआं तेरे घरे बाले जो दबया है सै दरबाजे बार खडोतयो न, कने इना तिजो भी बाहर लेई जाणा।” 10 ताल् सै झूठ जमिना पर पेई गेई, कने मरी गेई, कने उना जवान माणुआं अंदर आई करी दिखया तां सै मरी गियो थी, कने उना उसा जो बाहर लेईजाई करी उसा दे घरे बाले दे बखे दबाई दिता। 11 कने कलीसिया दे सारे लोक कने जितणयां इना गल्लां जो सुणया सै बडे डरी गे। 12 प्रेरित मते चिन्न कने अदभुत कम्म लोकां दे बिच करदे थे, कने जडे मसीह च भरोसा करणे बाले थे। सै अक्सर सारे इक चित होईकरी सुलैमाने दे ओसारे च गिठे होंदे थे। 13 पर जिना हल्ले दीकर यीशुए पर भरोसा नी कितया था उना चे कुसयो भी ऐ हिम्मत नी होंदी थी की, उना

सोगी जाई मिलन; फिर भी लोक उना दी बडी इज्जत करदे थे। 14 कने प्रभु पर भरोसा करणे बाले मर्दा कने जनानियां दी गिणती बददी ही गई। 15 जडा कुछ प्रेरित करा दे थे उसा बजा ला लोक बिमारां जो सडका पर आंणी करी, मंझे कने पन्दी पर सुआई दिन्दे थे, ताकि जालू पतरस उस रस्ते ला जांगा, तां उदा प्रछोंआ उना चे कुसकी पर पेई जा। 16 कने यस्शलेम शेहरे दे अखे बखे दे नगरां दे लोक भी गिठे होंदे थे। कने सै बिमारां कने बुरियां आत्मा ला सताए लोकां जो लोंदे थे, कने सै सारे ठीक होई जांदे थे। 17 तालू महायाजक कने सारे यहदी अगुवां दी टोली जिना जो सदकी बोलेदे न दे, सै प्रेरितां ला जलन करणा लग्गे। 18 तां अगुवां मंदरे दे रखबालयां जो हुकम दिता की प्रेरितां जो पकडी करी जेला च बंद करी दिया। 19 पर राती दे बकत प्रभु दे इकी स्वर्गदूते जेला दे दरबाजे खोली करी उना जो बाहर कडया कने प्रेरितां जो बोलया, 20 “जा कने मंदरे च खडे होईकरी, लोकां जो इस हमेशा दिया नोईया जिन्दगिया दा पूरा संदेश सुणा।” 21 कने प्रेरित बडी ब्यागा ही मंदरे च गे जियां उना जो स्वर्गदूते दसया था जाई करी सिखाणा शुरू क्तिता। जालू महायाजक कने उदे सार्थी आए कने उना महासभा जो कने इस्त्राएलियां दे सारे यहदी अगुवां जो गिठा क्तिता, कने जेला च बोली भेजया की प्रेरितां जो लोआ। 22 पर मन्दरे दे रखबालयां ओथु पुजिकरी दिखया की सै जेला च नी न, कने उना बापस आई करी दसया, 23 “जेल ढंगे ला बंद थी, कने बाहर दरबाजे पर पेहेरेदार खरेडयो थे, पर जालू असां दरबाजा खोलया, तां अंदर कोई नी था।” 24 जालू मंदरे दे रखबालयां दे सरदारां कने बड़े याजकां ऐ खबर सुणी, तां हेरान होई गे कने उलझन च पेई गे की इदा क्या नतीजा होणा। 25 इतणे च कुनकी आई करी उना जो दसया, “दिखा, जिना जो तुसां जेला च बंद कितया था, सै माणू मंदरे च खडोई करी उपदेश देद न।” 26 जालू उना ऐ सुणया, तालू मंदरे दे रखबालयां दा सरदार कुछ रखबालयां जो सोगी लेईकरी मंदरे च गिया, कने प्रेरितां जो पकडी करी महासभा च लेई आया, पर उना सोगी कोई जोर जबरदस्ती नी क्तिती, क्योंकि रखबाले लोकां ला डरा दे थे की लोक पथर मारी-मारी करी उना जो मारी ना देन। 27 जालू उना प्रेरितां जो महासभा दे सामणे खरेडया तालू महायाजके उना ला पुछया, 28 “क्या असां तुहांजो हुकम नी दितया था, की तुसां इस नाए ला शिक्षा मत दिन्दे? फिरी भी, तुसां सारे यस्शलेम शेहरे जो अपणिया शिक्षा ला भरी दिता है कने तुसां उस माणुए दी हत्या दा दोष जबरदस्ती सांझो पर लांणा चांदे न।” 29 तालू पतरसे कने, बाकियां प्रेरितां जबाब दिता, “माणुए दे हुकमे ला बदीकरी परमेश्वरे दे हुकमे जो मनणा ही साडा कम्म है। 30 साडे पूर्वजां दे परमेश्वरे यीशुए जो मरयां चे जिन्दा करी दिता, जिसयो तुसां सूली पर लटकई करी मारी दितया था। 31 उसयो ही परमेश्वरे प्रभु कने उद्धार करणे बाला बणाया है, कने अपने सजे हथे ने सारयां ला उच्चे सिंहासने पर बेठाया है, ताकि इस्त्राएले दे लोक अपने बुरे सोच बिचार कने बुरे रस्तयां जो छडी करी परमेश्वरे बाल मुडी ओन कने उदे जरिये उना जो अपने पापां दी माफी मिलले। 32 असां कने पबित्र आत्मा भी इना गल्लां दे

गबाह न, जिसा जो परमेश्वरे उना जो दितया है, कने जडे उदा हुकम मंदे न।” 33 जालू महासभा दे लोकां ऐ सुणया तां उना जो बडा जादा गुस्सा आई गिया, कने प्रेरितां जो मारी देणा चांदे थे। 34 पर गमलीएल नाए दा इक फरीसी था, जडा व्यवस्था जो सिखाणे बाला कने सारे लोक उसयो बडा मंदे थे, उनी महासभा च खडाई करी प्रेरितां जो थोडिया देरा तांई बाहर करी देणे दा हुकम दिता। 35 तालू उनी महासभा दे लोकां जो बोलया, “हे इस्त्राएलियो, जडा कुछ भी इना माणुए ला करणा चांदे न सोची समझीकरी करनयो। 36 क्योंकि इना रोजां ला पेहेले थियुदास ऐ बोलदा था, की मैं भी कुछ है; कने कोई चारसो माणू उदे सोगी होई गे, पर सै मारी दिता, कने जितणे लोक उदी मंदे थे सारे तितर बितर होई गे कने खत्म होई गे। 37 उदे बाद जन्मगणना दे दिना च गलील प्रदेशे दा बासी यहदा आया, कने कुछ लोक अपने पासे करी ले, सै भी मरी गिया, कने जितणे लोक उदे चले थे, सारे लोक तितर बितर होई गे। 38 इस तांई तां मैं हण तुसां जो बोला दा है, इना माणुए ला दूर ही रिया कने उना ला कोई कम्म मत रखा; क्योंकि अगर ऐ कम्म कने योजना माणुए दिया तरफा ला होंदी तां इना अपने आप ही खत्म होई जाणा; 39 पर अगर परमेश्वरे दिया तरफा ला है, तां तुसां कदी नी मिटाई सकणा है, कुथी इयां ना हो की तुसां परमेश्वरे ला लडने बाले बंगन।” 40 तालू महासभा गमालिएल दी गल्ल मनी लेई, कने इस तांई प्रेरितां जो सदीकरी मारया कुटया; कने उना जो ऐ हुकम दिता की सै हण यीशुए दे नाए च कुछ मत बोलदे कने फिरी उना जो छडी दिता। 41 कने जालू सै महासभा जो छडी करी चली गे, तालू प्रेरित इसा गल्ला ला खुश होए की परमेश्वरे उना जो यीशुए तांई बेइजत होणे जोगे समझया। 42 कने हर रोज मंदरे च कने घरे-घरे च, प्रेरित लोकां जो सिखांदे रे कने श्भसमाचार दा प्रचार करदे रे की यीशु ही मसीह है।

6 उना रोजां च चेलयां दी गिणती लगातार बदा दी थी, तालू यूनानी बोली बोलणे बाले यहदी विश्वासी इज्जानी बोली बोलणे बाले यहदी विश्वासियां दे खिलाफ शिकायत करणा लग्गे, की रोज खाणा कने पेसे बंडदे बकते यूनानी बिधवां जो सबना सांई खाणा कने पेसे नी दिन्दे। 2 तालू बाहरां प्रेरितां यस्शलेम शेहर दे बाकी चेलयां दी मंडलिया जो अपने बाल सदीकरी बोलया, “असां प्रेरितां जो अपना बकत परमेश्वरे दा बचन सिखाणे च लाणा चाईदा, ना की खुआणे पियाणे दी सेवा करणे च। 3 इस तांई हे मसीह भाईयो, अपने चे सत ऐसे माणुआं जो चुणा जिना दे बारे च सब जाणदे न की सै पबित्र आत्मा ने कने अक्ला ने भस्यो न, ताकि असां ऐ जिम्मेदारी उना जो देई देंन। 4 पर असां तां प्राथना, बचन दा प्रचार कने शिक्षा देणे च लगी रेन।” 5 ऐ गल्ल सारिया मंडलिया जो खरी लग्गी, कने उना स्तिफनुस नाए दे इक माणुए जो जडा भरोसे कने पबित्र आत्मा ला भर्से गिया था, कने फिलिप्पुस कने प्रूखुस कने निकानोर कने तीमोन कने परमिनास कने अन्ताकिया बासी नीकुलास जो जडा यहदी धर्म च आई गिया था, इना जो चुणी लिया। 6 कने इना जो सै प्रेरितां दे सामणे लेई आये कने उना तांई प्राथना क्तिती कने उना पर

हाथ रखीकरी उस कम्मे ताँई नियुक्त किता। 7 कने परमेश्वरे दा बचन फेलदा गिया कने यरूशलेम शेहरे च चेलयां दी गिणती बददी गई, कने केई यहदी याजकां भी यीशु मसीह पर भरोसे दे इस संदेशे जो मन्नी लिया। 8 स्तिफनुस अनुग्रह कने शक्तिया ला भरई करी लोकां च बहु-बहु अंगोखे कम्म कने चमत्कार दसदा था। 9 पर कुछ लोक जडे उस यहदी जंज घरे दे थे, जिसयो गुलाम मुक्त यहदी जंज घर बोलदे थे, सै स्तिफनुसे दे खिलाफ होई गे। कने इना चे कुछ लोक कुरेने कने सिकंदरिया दे शहरां ला आयो थे, कने कुछ लोक किलिकिया प्रदेश कने आसिया प्रदेश ला आयो थे। ऐ लोक स्तिफनुसे सोगी बेहस करणा लगगे। 10 स्तिफनुसे जडा कुछ भी बोलया सै उदा जबाब नी देई सके क्योंकि पबित्र आत्मा उसयो बडी ही समझा ला बोलणे च सहायता किती। 11 इस ताँई गुलाम मुक्त लोकां छुपके ला केई मर्दा जो रिश्वत देईकरी स्तिफनुसे दे बारे च झूठ बोलणे ताँई भडकाया, “की असां इसयो मूसा कने परमेश्वरे दे खिलाफ च निंदा करदे सुणाया है।” 12 कने उना स्तिफनुसे दे खिलाफ लोकां जो, यहदी अगुवां जो, कने व्यवस्था जो सिखाणे बालयां जो भडकाया कने उना आई करी स्तिफनुसे जो पकड़या कने उसयो महासभा दे सामणे लेई आये। 13 कने ओथु जूठे गबाह पेश किते, जिना स्तिफनुसे पर ऐ इलजाम लाया, “ऐ माणु इस पबित्र मन्दिर कने मूसा दिया व्यवस्था दे खिलाफ बोलणा नी छडदा है। 14 क्योंकि असां इसयो ऐ बोलदे सुणाया है, की नासरत बासी यीशुऐ इस मंदरे जो ढाई देणा है, कने रीती रिबाजां जो बदली देणा है जडे मूसा सांझो दितयो न।” 15 तालू सारयां लोकां जडे महासभा च बैठयो थे, उदे पासे घुरी करी दिखया तां उदा मु स्वर्गदूते दे मुऐ साँई चमका दा था।

7 तालू महायाजके स्तिफनुसे ला पूछया, “क्या ऐ इलजाम सच्च न?” 2 उनी बोलया, “हे भाईयो कने पितरो सुणा, साडे पूर्वज अब्राहम जो हारान गां च आई करी बसणे ला पेहले जालू सै मेसोपोटामिया प्रदेश च था; कने तेजोमय परमेश्वरे उसयो दर्शन दिते। 3 कने उसयो बोलया, ‘तू अपने देशे कने अपने रिशतेदारां ला निकली करी उसी देशे जो चली जा, जिसयो मैं तिजो दसगा।’ 4 तालू सै कसदियो दे देशे ला निकली करी हारान गांऐ च जाई बसया; कने उदे पिता दिया मौता दे बाद परमेश्वरे उसयो ओथु ला आणी करी इस देशे च बसाया जिदे च हुण तुसां बसदे न, 5 पर परमेश्वरे उसयो ऐथु विरासत च कुछ नी दिता, ऐथु दीकर की इक फुट जगा भी नी दिती, कने उस बेले उदी कोई ओलाद भी नी थी। फिर भी परमेश्वरे बायदा किता, की मैं ऐ देशे तरे कने तरे बाद तरे बंशे दे हथे दिगा।” 6 कने परमेश्वरे ऐ भी बोलया, तरे बंशे दे लोक पराये देशे च परदेशी होणे, कने उना लोकां उना जो गुलाम बणाई लेणा, कने चारसो सालां दीकर उना सोगी बुरा बर्ताब करणा। 7 फिरी परमेश्वरे बोलया, “जिसा जातियां दे उना गुलाम होणा है, उना जो मैं सजा देणी, कने उना उस देशे ला निकली करी इसी इझाएल च मेरी भक्ति करणी।” 8 कने परमेश्वरे अब्राहम सोगी इक बायदा किता कने उसने बोलया की सै अपने घरे दे सारे मर्दा दा खतना बायदे दे चिन्ह

दे तौर पर करबाऐ; कने बादे च जालू इसहाक पैदा होया, तां अठमे रोजे उदा खतना किता, कने इसला बाद ऐ परमपरा चलदी रेई कने इसहाक ला याकूब कने याकूब ला साडे बारा पूर्वज पैदा होऐ। 9 जलन दिया बजा ने यूसुफे दे भाईयां उसयो मिस्र देशे जाणे बालयां जो इक गुलाम दे स्मे च बेची दिता, पर परमेश्वर उदे सोगी था। 10 कने परमेश्वरे यूसुफे जो उदे सारियां मुसीबतां ला छुड़ाई करी मिसरे दे राजा फिरौन दे अगगे अनुग्रह कने अकल दिती, कने फिरौन राजे उसयो मिस्र देशे पर कने अपने सारे घरे दा अधिकारी बणाया। 11 जालू यूसुफ मिस्र देशे दा गवर्नर था तालू सारे मिस्र कने कनान देशे च अकाल पिया; जिसने बडा भरी क्लेश होया, कने साडे पूर्वजां जो खाणे जो नी मिलदा था। 12 पर याकूबे ऐ सुणाया, की मिस्र देशे च अनाज है, उना साडे पूर्वजां जो अनाज लेणे ताँई भेजया कने सै यूसुफे ने मिल्ले कने अनाज खरीदया पर उना यूसुफे जो नी पछेणया। 13 कने दुई बरी जालू सै अनाज लेणा गे, तां यूसुफ अपने भाईयां जो दसया की मैं तुहाडा भाई यूसुफ है, कने यूसुफे दे परिबार दे बारे च फिरौन जो पता लगगी गिया। 14 तालू यूसुफे अपने पिता याकूब कने अपने सारे रिशतेदारां जो, जडे पचतर माणु थे, उना जो मिस्र देश च ओणे ताँई बुलाबा भेजया। 15 तालू याकूब मिस्र देश गिया; कने ओथु कुछ बकते बाद सै कने साडे बाप दादे मरी गे। 16 कने उदे बंशज याकूब कने उदे पुतां दियां लाशां जो साडे देश कनान च लेई गे, कने याकूब दिया लाशा जो उसा कबरा च दफनाया, जिसा जो अब्राहमे इक सही कीमता च खरीदया था, कने उना याकूब दे पुतां जो शकेम शेहरे दिया उसा जमिना च दफनाया, जिसयो याकूबे हामौर दे पुतां ला खरीदया था। 17 पर जालू उस बायदे जो पूरा होणे दा बकत नेडे आया जडा परमेश्वरे अब्राहम ने कितया था, तां मिस्र देश च लोक बदी गे, कने मते सारे होई गे। 18 तालू मिस्र देश च दूआ राजा राज करणा लगगा जडा यूसुफे जो नी जाणदा था। 19 उनी साडिया जातियां सोगी चलाकी करिरी साडे पूर्वजां ला इसा हदा दीकर बुरा व्यवहार कितया की, उना दे माता पिता जो अपने बचयां जो फेकणा पेई गिया ताकि सै मरी जान। 20 कने उस बेले मूसा पैदा होया, कने सै परमेश्वरे दिया नजरा च बडा ही छेल था; कने उसयो उना तिन मिहनयां दीकर उसयो उदे माता-पिता लुकाई करी पालया। 21 पर जालू सै उसयो होर जादा लुकाई नी सके, तां उना उसयो घरे बाहर रखी दिता कने तालू फिरौने दीया कुडिया उसयो गोद लेई लिया, कने उसयो अपने पुत्रे साँई पालया। 22 कने मूसा जो मिस्रियां दी सारी बिधा पडाई, कने सै बडा ही प्रभावशाली तरीके ने गल्लां कने कम्म करदा था। 23 जालू मूसा चालियां सालां दा होया, तां उदे मने च आया की अपने इझाएली रिशतेदारां ने मिल्ले। 24 कने उनी ओथु इक मिस्री माणुऐ जो इक इझाएली माणुऐ सोगी बदसलूकी करदे दिखया, कने उसयो बचाया, कने मिस्री माणुऐ जो मारी करी उदा बदला लिया। 25 उनी सोचया, की मेरे भाईयां समझणा की परमेश्वरे मेरे हथे ने उना जो गुलामी ला अजाद करदा, पर उना नी समझया। 26 दुऐ रोजे मूसा दो इझाएलियां बाल आया जडे अपु चे लडा दे थे, कने उना बिच सुला करणे ताँई

ऐ बोलया, की हे मर्दौं, तुसां तां भाई-भाई न, तुसां कजो इकी दुऐ जो मारा दे न? 27 पर जडा अपने पडोसीऐ जो मारा दा था, उनी मूसा जो धक्का दिता कने बोलया, तिजो कुनी सांझो पर राजा कने न्याय करणे बाला बणाया है? 28 क्या जियां कल तू मिस्र देशे दे माणुऐ जो मारी दिता क्या मिंजो भी मारणा चांदा है? 29 ऐ गल्ल सुणीकरी, मूसा मिस्र देशे ला नठया कने मिघान देशे च परदेसी बणी करी रेणा लग्गा: कने ओथु उदे दो पुत्र पैदा होए। 30 मिघान देशे च पुरे चाली साल रेहणे बाद, मूसा जो परमेश्वरे इक स्वर्गदूते दे स्पे च सीनि पहाडे दिया सुनसान जगा च जलदिया झाडिया दिया अग्गी बिच दर्शण दिते। 31 जालू मूसा उसा अग्ग लागिओ झाडिया जो दिखया जडी भस्म नी होआ दी थी, तां सै हेरान होया, कने जालू दिखणे तांई बखे गिया, तां प्रभु दी ऐ अबज सुणोई, 32 “मै तेरे पूर्वज, अब्राहम, इसहाक कने याकूब दा परमेश्वर है, जिदी सै अराधना करदे थे।” इसहाक कने याकूब दा परमेश्वर है, जिदी सै अराधना करदे थे।” तालू तां मूसा डरे ने कमी पिया, ऐथू दीकर की उसयो दिखणे दी दी चौकी है, मेरे तांई तुसां कदिया मंदर बणागे? कने मिंजो अराम हिम्मत नी रेई। 33 तालू प्रभुऐ उसयो बोलया, अपने पैरां ला ज़तयां उतारी दे, क्योंकि जिसा जगा तू खडोतया है, सै पबित्र जगा है। 34 कने उना दी तकलीफ कने उना दे रोणे जो सुणया है, इस तांई उना जो छुड़ाणे तांई उतरया है। हुण आ, मै तिजो मिस्र देशे च भेजणा। 35 ऐ सै ही मूसा है जिसयो इस्राएलियां नकारी दितया था कने जिना बोलया, तिजो कुनी सांझो पर राजा कने न्याय करणे बाला बणाया है? उसयो ही परमेश्वरे राजा कने छुड़ाणे बाला बणाई करी, उस स्वर्गदूते दे जरिये भेजया जिनी उसयो झाडिया च दर्शण दिते थे। 36 लाल समुंद्रे पर कने सुनसान जगा च चालियां सालां दीकर अदभुत कम्म कने चिन्ह दस्से। 37 ऐ सेई मूसा हे, जिनी इस्राएली लोकां जो बोलया, परमेश्वरे तुहाडे भाईयां च तुहाडे तांई मिंजो सांई इक परमेश्वरे दा संदेश देणेबाला बणाणा है। 38 मूसा इक अगुवे दे स्पे च साडे पूर्वजां दे सोगी था जालू सै सुनसान जगा च गिठे थे, तालू स्वर्गदूते सीनि पहाडे पर मूसा ने गल्लां कितियां, कने ओथु मूसा जो जिन्दगी देणेबाले बचन मिल्ले कने उनी सै बचन सांझो दीकर पूजाऐ। 39 पर साडे पूर्वज उदी मनणा नी चांदे थे; सै मने-मने च ही मिस्र देशे जो बापस जाणा चांदे थे, 40 कने उना मूसा दे भाई हास्रन ने बोलया, साडे तांई ऐसा देवता बणा, जडा मिस्र देशे जो बापस जाणे तांई साडे अगे-अगे चले; क्योंकि ऐ मूसा जडा सांझो मिस्र देशे ला कडी लेई आया है, असां नी जाणदे उसयो क्या होया है। 41 उना रोजां च उना इक बछडे दी मूर्ति बणाई करी, उदिया मूर्तियां अगे बलि चढाई, कने अपने हथां दे कम्मा पर खुश होणा लगे। 42 फिरी परमेश्वरे उना जो अम्बरे दे तारे, चन्द्रमा, सूरजे जो अपने देवतयां दे स्पे च पूजणे तांई छडी दिता, जियां परमेश्वरे दे संदेश देणेबालयां दीया कताबा च परमेश्वरे बोलया है, हे इस्राएल दे लोको, क्या तुसां सिर्फ मेरे तांई ही चालियां सालां दीकर सुनसान जगा च पशु बलि कने अन्नबली चडादें रे? 43 नहीं, तुसां उस तम्बूऐ जो डोता जिदे च तुहाडे देवता मोलेक दी मूर्ति थी; कने तुसां अपने देवता रिफान दे

तारे जो चुकया, मतलब की उना मूर्तियां जो जिना जो तुसां भक्ति करणे तांई बणाया था। इस तांई मै तुहांजो बाबेल देश च गुलाम बानाणा। 44 गबाई दा तम्बू रेगिस्तान च साडे पूर्वजां बिच था; जियां की परमेश्वरे मूसा जो बोलया, जडा अकार तू दिखया है, उदे सांई इसयो बणा। 45 बडे सालां बाद उसी तम्बूऐ जो साडे पूर्वज यहोशुऐ सोगी ऐथू लेई आये। उस बकत ऐ देश होरनी जातियां दे हथे च था, पर परमेश्वरे उना जो साडे पूर्वजां दे सामणे ला कडी दिता, कने सै तम्बू राजा दाऊदे दे बकते दीकर रिया। 46 दाऊद पर परमेश्वरे अनुग्रह किता; दाऊदे याकूब दे परमेश्वरे जो रेहणे तांई मंदर बणाने दी बीनती किती। 47 पर जिनी परमेश्वरे दे मंदरे जो बणाया सै दाऊदे दा पुत्र सुलैमान था। 48 पर परमेश्वर हथा ने बणायो मंदरा च नी रेंदा है, जियां की यशायाह परमेश्वरे दे संदेश देणेबाले बोलया की, 49 परमेश्वर बोलदा है, स्वर्ग मेरा सिहांसन है कने धरती मेरे पैरां थल्ले परमेश्वर बोलदा है, स्वर्ग मेरा सिहांसन है कने धरती मेरे पैरां थल्ले करणे दी कुण देई जगा होणी? 50 मै खुद स्वर्ग कने धरती दोनो जगा पर सब कुछ बणाया है। 51 “हे जिदी लोको, तुसां परमेश्वरे दियां गल्लां मनणे कने सुणने ला मना करदे न, तुसां हमेशा पबित्र आत्मा दा बिरोध करदे न। जियां तुहाडे पूर्वज करदे थे, तियां ही तुसां भी करदे न। 52 तुहाडे पूर्वजां परमेश्वरे दे संदेश देणेबालयां च हर कुसी जो सताया कने जिना ऐ भविष्यबाणी किती की मसीह जडा धर्मी है ओणा है, उना जो भी मारी दिता, पर जालू मसीह आया, तां तुसां उसयो धोखा दिता कने उदी हत्या करी दिती। 53 तुहांजो स्वर्गदूते दी बणाईयो व्यवस्था तां मिली, पर उदा तुसां पालन नी किता।” 54 ऐ गल्लां सुणीकरी यहूदी अगुवे स्तिफनुसे पर बडे जादा गुस्सा होए कने स्तिफनुसे पर ददां जो पिणा लगे। 55 पर स्तिफनुसे पबित्र आत्मा ने भरई करी स्वर्ग पासे दिखया कने परमेश्वरे दिया महिमा जो कने यीशुऐ जो परमेश्वरे दे सजे पासे खडोतया दिखीकरी, 56 बोलया, “दिखा, मै स्वर्ग जो खुलया कने माणुऐ दे पुत्रे जो परमेश्वरे दे सजे पासे खडोतया दिखा दा है।” 57 जालू उना ऐ सब सुणया तालू उना जोरे ला चिलाया कने अपने कना पर हथ रखी ले, ताकि सै स्तिफनुसे दी नी सुणन कने गिठे होईकरी स्तिफनुसे पर टूटी पे। 58 कने उसयो यरूशलेम शेहरे दे बाहर कडी करी पथर मारणा लगे, कने स्तिफनुसे पर इल्जाम लगाणे बाले लोकां अपने बाहरे बाले कपडे खोली करी शाऊले नाऐ दे जवान आदमिये बाल रखी दिते। 59 कने सै स्तिफनुसे जो पथर मारदे रे, कने सै ऐ बोली करी प्राथना करदा रिया, “प्रभु यीशु, मेरिया आत्मा जो लेई ले।” 60 फिरी गोडे भार बेईकरी जोरे न पुकारया, “प्रभु जी, इस पापे तांई इना जो सजा मत दिन्दे।” कने ऐ बोली करी मरी गिया।

8 शाऊल स्तिफनुसे दिया हत्या च पूरा सहमत था। उसी रोजे ला यरूशलेम शेहरे दिया कलीसिया पर बडा जुल्म होणा लग्गा कने प्रेरितां जो छडी करी सारे दे सारे यहूदिया प्रदेशे च कने सामरिया प्रदेशां च तितर बितर होई गे। 2 कने कुछ मर्दा जडे परमेश्वरे दी इज्जत करदे थे उना स्तिफनुसे जो दफनाई दिता, कने उदे तांई मते रोये। 3 शाऊल कलीसिया जो सता दा था, कने घरे-घरे जाई

करी विश्वासी मर्दा कने जनानिया जो घसीटी-घसीटी करी जेलां च पाई दिन्दा था। 4 जडे भरोसा करणे बाले तितर बितर होयो थे, सै जिथ कुथ भी गे लगातार शुभसमाचार सुणादे गे। 5 कने फिलिप्पुस सामरिया प्रदेशे दे इक शेहरे च जाई करी लोकां च मसीह दा प्रचार करणा लग्गा। 6 जालू उना फिलिप्पुसे जो बोलदे सुणया कने उदे कितयो चिन्हा जो दिखया, तां उना सारयां मिलिकरी उदे संदेशे जो ध्याने ला सुणया। 7 क्योकि जालू फिलिप्पुसे हुकम दिता तां मतयां चे बुरियां आत्मा जोरे ने चिलांदिंयां होइयां निकली गियां कने मते लकवे दे रोगी कने लंगडे भी ठीक होए। 8 तां उस शेहरे दे मते सारे लोक खूश होए। 9 उस शेहरे च इक शमौन नाए दा माणु था, कने सै काफी बकत ला सामरियां दे लोकां पर जादू टोंणा करा दा था, सै उदी काबिलियत ला बडे हेरान थे, कने सै दावा करता था की सै इक महान आदमी है। 10 कने सारे छोटयां ला लेईकरी बडे दीकर उसयो इज्जता ने बोलदे थे, “एए माणु परमेश्वरे दी सै शक्ति है, जिसयो महान बोलदे ना।” 11 उनी मते रोजां ला उना जो अपने जादू दे कम्मा ने हेरान करी रखया था, तां तां सै उसयो बडे मंदे थे। 12 पर जालू लोकां परमेश्वरे दे राज्य कने यीशु मसीह दे ना दा शुभसमाचार फिलिप्पुस ला सुणया कने भरोसा किता, तालू सारे मर्दा कने जनानिया बपतिस्मा लिया। 13 तालू शमौने अपु भी फिलिप्पुसे दे शुभसमाचार पर भरोसा किता कने बपतिस्मा लेईकरी हर जगा फिलिप्पुसे सोगी जाणा लग्गा कने चमत्कार कने बडे-बडे कम्म होंदे दिखीकरी सै हेरान होंद था। 14 जालू यरूशलेम शेहर च प्रेरितां सुणयां की सामरिया प्रदेश दे लोकां परमेश्वरे दा बचन मन्नी लिया है तां पतरसे कने यूहन्ना जो उना बाल भेजया। 15 कने उना ओथु जाई करी उना तां प्राथना किती ताकि उना जो पबित्र आत्मा मिल्ले। 16 क्योकि पबित्र आत्मा हले दीकर उना च कुसदे पर भी नी उतरया था, उना तां बस यीशुए दे नाए ने बपतिस्मा लिया था। 17 तालू पतरस कने यूहन्ने तिना पर हथ रखे कने उना जो पबित्र आत्मा मिल्ली। 18 जालू शमौने दिखया की प्रेरितां दे हथ रखणे ने पबित्र आत्मा मिलदी है, तां उनी पेसे देईकरी बोलया, 19 “ए शक्ति मिंजो भी दिया, ताकि मै जिसदे पर हथ रखें, उसयो पबित्र आत्मा मिल्ले।” 20 पतरसे उसयो बोलया, “तू कने तेरे पेसे दोनों नाश होन, क्योकि तू परमेश्वरे दा दान पैसां ने खरीदणे दा बिचार किता। 21 इसा सेबा च ना तेरी हिस्सेदारी है, ना हिस्सा है; क्योकि तेरा मन परमेश्वरे दे सामणे सच्चा नी है। 22 इस तांई तू अपने मने ला इसा बुरिया सोचा जो कडी दे कने प्रभु ने प्राथना कर, तां होई सकदा प्रभु तेरी इसा बुरिया सोचा तांई तिजो माफ करे। 23 तू अपने पापां ला पञ्चाताप कर क्योकि तू कडवाट ने भ्रूया है कने पाप ने जकडया होया है।” 24 शमौने जबाब दिता, “तुसां मेरे तांई प्राथना करा ताकि जडियां गल्लां तुसां बोलियां न, ऐसा कुछ भी मेरे सोगी न हो।” 25 पतरस कने यूहन्ना उस शेहरे च गबाई दिती कने प्रभु दे बचना दा प्रचार किता कने फिरी यरूशलेम शेहरे जो बापस चली गे। कने जांदे-जांदे बेले सामरिया प्रदेशे दे मतयां ग्रां च शुभसमाचार दा प्रचार किता। 26 फिरी प्रभु दे इकी स्वर्गदूते फिलिप्पुसे जो बोलया, “उठी

करी दक्षिणे पासे उस रस्ते पर जा, जडा यरूशलेम शेहरे ला गाजा शेहर जो जांदा है, एरेगिस्तानी रस्ता है।” 27 फिलिप्पुस उठी करी चली पिया, कने उसयो रस्ते च इक माणु मिल्ला सै इक खोजा कने कूशियां दी राणी कन्दाके दा मंत्री कने खजांची था, कने भक्ति करणे तांई यरूशलेम शेहर आया था। 28 कने सै रथे पर अपने देशे जो बापस चलया था, कने परमेश्वरे दा संदेश देणेबाले यशायाह दी कताबा जो जोरे ने पढा दा था। 29 तालू पबित्र आत्मा फिलिप्पुसे ने बोलया, “नेडे होईकरी इसी रथे ने चली पो।” 30 फिलिप्पुस दोडी करी उस रथे बखे आया कने उसयो परमेश्वरे दा संदेश देणेबाले यशायाह दी कताबां जो पढदे सुणया, तां उसला पुछया, “तू जडा पढा दा है क्या उसयो समझदा भी है?” 31 उनी बोलया, “मै इसयो नी समझी सकदा जालू दीकर मिंजो कोई इसयो समझांगा नी।” कने उनी फिलिप्पुसे ने बीनती किती की, रथे पर चडी करी मेरे बखे बो। 32 पबित्र शास्त्रे दा जडा अध्याय सै पढा दा था, सै ए था, “उसयो भेडां सांई मारणे तांई लेई गे, कने जियां मेमना ऊन कतरने बाले दे सामणे चुपचाप रेंदा है, तियां ही जालू लोकां उसयो दुख दिता तां उनी भी अपना मु नी खोलया, 33 उदिया दीनता दिया बजा ला उदी बेईजती किती कने उसयो न्याय नी मिल्ला, शायद कोई भी उदे बंशजा दे बारे च नी दस्सी सकदा है, क्योकि इदे ला पहले की धरती पर उदा कोई बंश होंद, लोकां उसयो मारी दिता।” 34 इसी पर खोजे फिलिप्पुसे ला पुछया, “मै तिजो ने बीनती करता है, मिंजो ऐ दस की परमेश्वरे दा संदेश देणेबाला कुसदे बारे च बोला दा है, अपने या कुसी होरसी दे बारे च?” 35 तालू फिलिप्पुसे बोलाणा शुरू किता, कने इस पबित्र शास्त्रे ला शुरू करिरी उसयो यीशुए दा शुभसमाचार सुणया कने उनी खोजे ऐ गल्लां समझी लियां कने यीशुए पर भरोसा किता। 36 रस्ते च चलदे-चलदे सै कुसकी तलाबे बाल पुज्जे, तालू खोजे बोलया, “दिख ऐथू तलाब है, हण मिंजो बपतिस्मा लेणे तांई क्या कमी है?” 37 फिलिप्पुसे बोलया, “अगर तू सारे मने ने भरोसा करदा है तां लेई सकदा है।” उनी जबाब दिता “मै भरोसा करदा है की यीशु मसीह ही परमेश्वरे दा पुत्र है।” 38 तालू उनी रथ खरेडने दा हुकम दिता, कने फिलिप्पुस कने खोजा दोनो तलाबे दे पाणिए च उतरी गे, कने फिलिप्पुसे उसयो बपतिस्मा दिता। 39 जालू सै तलाबे ला निकली करी उपर आये, तां प्रभुए दी आत्मा फिलिप्पुसे जो चुकी लेई गेई, कने खोजे उसयो दोबारा नी दिखया, कने सै खूश होया की प्रभुए उसयो बचाया है कने अपने देशे जो बापस चली गिया। 40 फिरी फिलिप्पुस अशदोह शेहर च प्रगट होया कने तालू ओथु ला यात्रा शुरू किती कने ग्रां-ग्रां च कने नगरां-नगरा च शुभसमाचार दा प्रचार करदा रिया जालू दीकर सै कैसरिया शेहरे च नी पूजी गिया।

9 शाऊल पर हले दीकर प्रभु यीशु दे चेलयां जो धमकाणे कने मारणे दा खून सबार था, इस तांई सै महायाजक बाल गिया। 2 कने उसला दमिशक शेहरे दे यहूदी जंज घरा दे नाए पर अधिकार पत्र मंगे, की कोई भी मर्द कने जनानी जडे यीशु मसीह दी शिक्षा जो मंदे न उना जो बन्नी करी यरूशलेम शेहर जो लेई ओए। 3 पर जालू शाऊल कने उदे साथी दमिशक शेहरे बखे पुज्जे, तां अचानक

अम्बरे ला शाऊले दे चारो पासे इक लौ चमकी, 4 सै धरती पर पेई मते रोज होई गे, तां यहदियां मिली करी उसयो मारणे दी तरकीब
गिया, कने अबाज सुणी, जडी उसयो बोला दी थी, “हे शाऊल, हे बणाईं। 24 कने सै उसयो मारणे तांई दिन रात फाटकां पर इंतजार
शाऊल मिंजो कजो सता दा है?” 5 शाऊले पुछया, “प्रभु जी, तू करदे रे, पर उना दी तरकीब शाऊले जो पता चलती गई। 25 इक
कुण है?” उनी बोलया, “मैं यीशु है, जिसयो तू सता दा है।” 6 पर राती चले शाऊले जो पथरे दिया उचिया दिबारा पर लेईं आये, जडी
हुण उठी करी शहरे जो जा, कुनी तिजो दस्सी देणा, की तिजो क्या शहरे दे चारो पासे बणियो थी। तालू उना दिबारां दे खुले हिस्से ला
करणा है। 7 जडे माणु उदे सोगी थे, चुपचाप रेईं गे, क्योंकि उना रस्सियां दे सहारे इक बडिया दिया टोकरिया च उसयो थले उतारी
जो अबाज सुणोदी थी, पर कोई मिलदा नी था। 8 तालू शाऊल दिता। इयां करिरी सै दमिश्क शेहरे ला बची करी निकली गया। 26
धरती ला उठया, पर जालू हखी खोलियां तां उसयो कुछ भी नी शाऊल यरूशलेम शेहरे जो गया कने ओथु पुज्जी करी उनी चेलयां
मिल्ला दा था कने सै उदा हथ पकडी करी दमिश्क शेहर लेईं गे। 9 कने सै तिन्ना रोजां दीकर दिखी नी सकया, कने ना उनी कुछ उना जो भरोसा नी होंदा था, की सै भी चेला है। 27 पर बरनबासे
उसयो अपणे सोगीं प्रेरितां बाल लेईंजाईं करी उना जो बोलया, की इनी कियां दमिश्क शेहर जाणे बाले रस्ते च प्रभु जो दिखया, कने
“हांजी प्रभु जी।” 11 तालू प्रभु यीशुए उसयो बोलया, “उठी करी प्रभु यीशुए उसला गल्लां कितियां; कने फिरी दमिश्क शेहरे च इनी
सीधा नाए दिया गलिया च जा, कने यहदा दे घरे शाऊल नाए दे कितणिया हिम्मता ला यीशुए दे नाए दा प्रचार किता। 28 प्रेरितां
इकी तरसुस शेहरे दे बासिये जो पूछी ले; क्योंकि सै प्राथना करा दा बरनबास पर यकीन किता, इस तांई शाऊल स्की गया कने उना
है, 12 उनी दर्शण च दिखया है की हनन्याह नाए दे इकी माणुए सोगी यरूशलेम शेहरे दियां हर जगा पर गया कने बिना डरयो यीशु
आई करी उस पर हथ रखे ताकि सै दोबारा दिखणा लग्गी पोए।” मसीह दे बारे च प्रचार करदा था। 29 कने यूनानी बोलीं बोलणे बाले
13 हनन्याह जबाब दिता, “प्रभु जी, मैं इस माणुए दे बारे च मतयां यहदियां सोगीं गल्ल बात कने बेहस करदा था; पर सै उसयो मारणे
लोकां ला सुणया है, की इनी यरूशलेम शेहर च तरे पबित्र लोकां दी कोशिश करणा लग्गे। 30 तालू बाकी चेलयां जो इसा गल्ला दे
सोगी बडा बुरा कितया है; 14 कने ऐथु भी इसयो बड़े याजकां दिया बारे च पता चला तां सै शाऊले जो कैसरिया शेहरे च लेईं आये, कने
तरफा ला हक मिलया है, की जडे लोक तिजो पर भरोसा करदे न, ओथु उना उदे तांई जहाजे ला तरसुस शेहर जाणे दा इंतजाम किता,
उना जो बन्नी करी यरूशलेम शेहर जो लेईं जा।” जडा उदा अपना शेहर था। 31 इयां सारे यहदिया प्रदेश, कने गलील
15 पर प्रभुए उसयो बोलया, “तू चलती जा; क्योंकि ऐं तां, मैं होरनी जातियां, कने प्रदेश, कने सामरी प्रदेशां च कलीसिया जो चैन मिल्ला, कने सै
राजयां, कने इझ्राएलियां दे सामणे मेरे बारे च प्रचार करणे कने मेरी मुजबुत होंदे गे, कने सै प्रभु यीशु मसीह दे डरे च जिन्दगी जिन्दे थे
सेबा करणे तांई चूणया है। 16 कने मैं उसयो दसणा है, की लोकां जो कने उना जो पबित्र आत्मा दे जरिये सहायता मिल्ली कने मतयां
मेरे बारे च प्रचार करणे दिया बजा ला उसयो कदिया-कदिया दुख लोकां यीशु मसीह पर भरोसा किता। 32 फिरी इयां होया की पतरस
झेल्णा पोणा है।” हर प्रदेशे च फिरदा होया, इक रोज लुद्दा शेहरे च रेणेबाले पबित्र लोकां ला मिलणे तांई उना बाल पुज्जा। 33 ओथु उसयो ऐनियास
17 तालू हनन्याह उठी करी उस घरे च आया, नाए दा इक लकवे दा रोगी माणु मिल्ला, सै अठां सालां ला मंजे पर
जिथु शाऊल रे दा था, कने उदे पर अपना हथ रखी करी बोलया, पिथा था। 34 पतरसे उसयो बोलया, “हे ऐनियास। यीशु मसीह तिजो
“हे भाई शाऊल, प्रभु यीशुए मिंजो तरे बाल भेजया है, जडा तिजो इस तांई भेजया ताकि तू फिरी दिखी सके, कने पबित्र आत्मा ने भरईं ठीक करदा है। उठ कने, अपना बछण चुक।” तालू सै झट उठी
जाए।” 18 कने झट उदियां हखी ला छिलकयां सांईं कुछ पिया, खडोता। 35 उसयो ठीक होया दिखी करी सारे लुद्दा कने शारोन
कने उसयो मिलणा लग्गी पिया, कने सै उठया कने उनी बपतिस्मा शहरां दे सारे रेहणे बालयां प्रभु यीशुए पर भरोसा किता। 36 याफा
लिया, 19 फिरी खांणा खाई करी उसयो जोर आया। सै केईं रोजां शहरे च इक तबीता नाए दी जनानी रेदी थी, जडी यीशुए पर भरोसा
दीकर उना चेलयां सोगीं रिया जडे दमिश्क शेहर च थे। 20 कने करदी थी, जिसा दा यूनानी भाषा च ना “दोरकास” था। (जिदा
झट दमिश्क शेहरे दे यहदी जंज घरां च यीशुए दा प्रचार करणा लग्गी मतलब की इक हिरण।) कने सै बडे भरी भले कम्म कने गरीबां दी
पिया, की यीशु ही परमेच्वरे दा पुत्र है। 21 कने सारे सुणनेबाले हेरान सहायता करदी थी। 37 उना रोजां च ही जालू पतरस लुद्दा शेहरे
होई करी बोलणा लग्गे, “क्या ऐ सेईं माणु नी है, जडा यरूशलेम च था, तालू तबीता बीमार होई करी मरी गई, कने लोकां उसा जो
शेहरे च उना जो सतांदा था, जडे लोक यीशु नाए दे बंदे पर भरोसा नोहाईं करी उपरे बाले कमेरे च रखी दिता। 38 लुद्दा शेहर याफा
करदे थे, कने ऐथु भी तांई ही आया था, की उना लोकां जो बन्नी शेहर दे नेडे था, चेलयां ऐ सुणी करी की पतरस ओथु है तां दो माणु
करी बड़े याजकां बाल लेईं जाए?” 22 पर शाऊल प्रचार करणे च भेजी करी उसला बिनती किती की, “साडे बाल ओणे जो देर मत
होर भी जादा सामर्थी होंदा गया, कने इसा गल्ला दा सबूत देईं- कर।” 39 तालू पतरस उठी करी उना सोगीं चली पिया, कने जालू
देईं करी की यीशु ही मसीह है, दमिश्क शेहरे दे रेहणे बाले यहदियां पुज्जी गया, तां सै उसयो उसी उपरे बाले कमेरे च लेईं गे। कने
दा मु बंद करदा रिया। 23 जालू शाऊले जो दमिश्क शेहरे च रेदे होए सारियां बिधवा रोंदिया उदे बाल आईयां, कने जडे कपडे दोरकास

उना सोगी रेंदे बणायो थे, उना जो दसणा लगियां। 40 ताल् पतरसे सारयां जो बाहर करी दिता, गोडयां दे भार बेईकरी प्राथना किति, कने लाशा पासे दिखीकरी बोलया, “हे तबीता उठ।” ताल् उना अपणिया हखी खोली दितियां, कने पतरसे जो दिखीकरी उठी बैठी। 41 उनी हथ देईकरी उसा जो उठया कने पबित्र लोकां कने बिधवां जो सदीकरी उसा जो जिन्दा करी दसया। 42 ऐ गल्ल सारे याफा शहर च फेली गेई, कने मतयां प्रभु यीशु पर भरोसा किता। 43 कने पतरस याफा शेहरे च शमौन नाऐ दे कुसकी चमडे दा धंधा करणे बाले दे ओथु मते रोजां दीकर रिया।

10 कैसरिया शेहरे च कुरनेलियुस नाऐ दा इक माणु था, सै इतालियानी नाऐ दिया पलटना दा सुबेदार था। 2 सै परमेश्वरे दा भक्त था, कने सै कने उदा सारा खानदान परमेश्वरे ला डरदा था, कने सै गरीब यहदी लोकां जो बडा दान दिन्दा था, कने हर बकत परमेश्वरे ला प्राथना करणा लगी रेंदा था। 3 इक रोज, उनी दिने दे लगभग तिन बजे दे करीब इक दर्शण च बिलकुल साफ दिखया की परमेश्वरे दे इकी स्वर्गदूते उदे बाल अंदर आई करी बोलया, “हे कुरनेलियुस।” 4 कुरनेलियुसे स्वर्गदूते जो ध्याने ला दिखया कने डरीकरी बोलया, प्रभु जी क्या हुकम है? उनी उसयो बोलया, “तेरियां प्राथना कने तेंरे दान याद तांई परमेश्वरे सामणे पुज्जे न। 5 हुण याफा शहर च माणु भेजी करी शमौन जो, जिसयो पतरस बोलदे न, सदी ले। 6 सै शमौन, चमडे दा धंधा करणे बाले दे ओथु परोंणा है, जिसदा घर समुद्रे बखे है।” 7 जाल् सै स्वर्गदूत जिनी उसला गल्लां कितियां थियां चली गया, तां उनी दो सेवकां कने इक भक्त सिपाइऐ जो सदया जडे उदी सेवा तांई ओथु रेंदे थे, 8 कने उसयो सारियां गल्लां दसी करी याफा शेहरे जो पतरसे जो लोंगे तांई भेजया। 9 दुऐ रोजे कुरनेलियुस दे भेजयो सै तिन माणु चलदे-चलदे लगभग दोपेरा दे बकत शेहरे बखे पुज्जे, तां उसी बकत पतरस छती पर प्राथना करणा चढया। 10 उसयो भूख लग्गी कने सै कुछ खांणा चांदा था, कने जाल् सै खांणा तैयार करा दे थे, तां सै बेसुध होई गया। 11 कने उनी दिखया, की अम्बर खुली गया, कने इक बडिया चादरा सांई कोई चीच चारो कुंणा ला रस्सिया ला बनियो धरती पासे उतरा दी है। 12 जिसा च धरतिया दे सै चारा पैरां बाले कने रेंगेबाले जानवर कने अम्बरे दे पंछी थे, जिना दे बारे च मूसा दिया व्यवस्था च लिख्या है की सै अशुद्ध कने अपबित्र न कने यहदिया जो इना जो खाणे तांई मना है। 13 कने उसयो इक अबाज सुणोई, “हे पतरस उठ, मार कने खा।” 14 पर पतरसे बोलया, “नी प्रभु, कदी नी, क्योंकि मैं कदी भी कोई अपबित्र या अशुद्ध चीच नी खादियो है।” 15 फिरी दूजी बरी उसयो अबाज सुणोई, “जडा कुछ परमेश्वरे शुद्ध करी दितया है, उसयो अशुद्ध मत बोल।” 16 तिन बरी इयां ही होया, ताल् सै चादर अम्बरे जो बापस चली गया। 17 जाल् पतरस अपने मने च परशानिया च था, की ऐ जडा मैं दर्शण दिखया ऐ क्या है? उसी बकत सै माणु जिना जो कुरनेलियुसे भेजया था, शमौने दे घरे दा पता लगाई करी दरबाजे पर आई खडोते। 18 कने पुकारी करी पृछणा लग्गे, “क्या शमौन जिसयो पतरस बोलदे न, ऐथु

प्रोंणा है?” 19 पतरस जडा उस दर्शने दे बारे च सोचा दा ही था, की पबित्र आत्मा उसयो बोलया, “दिख, तिन माणु तिजो तोपा दे न। 20 भले ही सै होर जाति दे न, उठी करी थले जा, कने बिना सोचया उना सोगी चली जा, मैं ही उना जो भेजया है।” 21 ताल् पतरसे थले उतरी करी उना माणुऐ जो बोलया, “दिखा जिसयो तुसां तोपा दे न, सै मैं ही है, तुहाडे ओणे दी क्या बजा है?” 22 उना बोलया, कुरनेलियुस सुबेदार जडा धर्मी कने परमेश्वरे ला डरने बाला कने सारिया यहदी जाति च सुनाम माणु है, उसयो इक पबित्र स्वर्गदूते ऐ बोलया है, की तिजो अपने घरे सदीकरी तिजो ला उपदेश सुणे। 23 ताल् उनी उना जो अंदर सदीकरी उना जो रेहणे तांई जगा दिती। कने दुऐ रोजे सै उना सोगी गया, कने याफा शेहरे दे मर्सीह भाईयां चे कुछ उदे सोगी चली पे। 24 तिजे रोजे सै कैसरिया शेहरे च पुज्जे, कने कुरनेलियुस अपने रिशतेदारां कने प्यारे दोस्तां जो गिठे करिरी उना दा इंतजार करा दा था। 25 जाल् पतरस अंदर ओआ दा था, तां कुरनेलियुस उसने मिल्ला, कने उदे पैरां च पेईकरी नमस्ते किता। 26 पर पतरसे उसयो चुकी करी बोलया, “खडा हो, मेरी अराधना मत कर मैं भी तां माणु ही है।” 27 कने उसने गल्लां करदे अंदर गया, कने मतयां लोकां जो गिठे दिखीकरी 28 पतरसे उसयो बोलया, तुसां जाणदे न, की होरनी जातियां दी संगती करणा या उना दे ओथु जाणा भी असां यहदियां तांई साडिया व्यवस्था दे खिलाफ है। पर परमेश्वरे मिंजो दसया है कुसी भी माणुऐ जो अपबित्र या अशुद्ध नी बोलणा। 29 इस तांई जाल् मिंजो सदया ताल् मैं बिना कुछ बोलयो चली आया। हुण मैं पृछदा है की मिंजो कुसी कम्मे तांई सदया है? 30 कुरनेलियुसे बोलया, तिन रोज पेहले, इसी बकत, मैं अपने घरे च लगभग दोपेरा दे तिन बजे दे करीब प्राथना करा दा था, तां इक मर्द चमकीले कपडे पाई करी, मेरे सामणे आई खडोता। 31 कने उनी मिंजो बोलया, “हे कुरनेलियुस, तेरी प्राथना सुणी लियो है कने तेंरे दान परमेश्वरे दे सामणे याद किते गे न। 32 इस तांई कुसकी जो याफा शहर भेजी करी शमौने जो जिसयो पतरस बोलदे न, सद। सै समुद्रे दे बखे शमौन जडा चमडे दा धंधा करणे बाले दे घरे च परोंणा है, जाल् उनी ओणा, तां उनी तिजो परमेश्वरे दिया तरफा ला इक संदेश दसणा। 33 तां मैं झट तेंरे बाल लोक भेजे, कने त् खरा किता की जडा त् आई गया। हुण असां सारे ऐथु परमेश्वरे दे सामणे न, ताकि जडा कुछ परमेश्वरे तिजो बोलणे तांई बोलया है, असां उसयो सुणा।” 34 ताल् पतरसे मु खोली करी बोलया, हुण मिंजो पक्का यकीन होया, की परमेश्वर कुसदा भी पक्ष नी करदा, 35 हर जातियां च जडा परमेश्वरे ला डरदा है कने धर्म दे कम्म करदा है, उसयो परमेश्वर अपनाई लेंदा है। 36 तुसां उस संदेश जो जाणदे न जडा परमेश्वरे सांझो, मतलब की इस्राएल दे लोकां जो भेजया। उनी शान्ति दे बारे च शभसमाचार सुणया जडी लोकां जो यीशु मर्सीह पर भरोसा करणे ला मिली सकदी है। सै सारयां दा प्रभु है। 37 तुहांजो उस बचने दे बारे च पता है, जडा यहून्ना दे बपतिस्मा दे प्रचारे बाद गलीले प्रदेश ला शुरू होईकरी सारे यहदिया प्रदेशे च फेली गया, 38 तुसां नासरत बासी यीशुऐ दे बारे च जाणदे न की

परमेश्वर कियं पबित्र आत्मा कने शक्तिया ला उदा अभिषेक किता; सै भलाई करदा कने जिना जो शैताने तंग कितया था, उना सारयां जो ठीक करदा गया, क्योकि परमेश्वर उदे सोगी था। 39 कने असां प्रेरितां उना सारियां चीजां दे बारे च लोकां जो दसया, जडियां यीशुए साडे यहदिया प्रदेश कने यरूशलेम शेहरे च कितियां, कने यरूशलेम शेहर च यहदी अगुवां उसयो सूली पर लटकाई करी मारी दिता। 40 पर उसयो परमेश्वरे तिजे रोजे मरयां चे जिन्दा करी दिता, कने उसयो प्रगत भी किता है। 41 सारयां लोकां उसयो नी दिखया, पर उना गबाहां जो जिना जो परमेश्वरे पेहले ही प्रेरित चुणी लिया था, मतलब की सांझो जिना मरयां चे जिन्दा होणे बाद उदे सोगी खादा पीता। 42 कने उनी सांझो हुकम दिता की सारे लोकां जो शुभसमाचार दा प्रचार करा कने गबाई दिया, की यीशु सेई है जिसयो परमेश्वरे जिंदे कने मरयां दा न्याय करणे तांई बणाया है। 43 उदी सारे परमेश्वरे दे संदेश देणेबाले गबाई दिन्दे न की जडा कोई उदे पर भरोसा करगा, उसयो जडा मसीहे सूली पर किता उदिया बजा ला ही पापां दी माफी मिलणी है। 44 जालू पतरस ऐ गल्लां बोला दा ही था की सारे बचन सुणेने बालयां पर पबित्र आत्मा उतरी आई। 45 कने जितणे भी यहदी भरोसा करणे बाले पतरसे सोगी आयो थे, सै सारे हेरान होऐ की होरनी जातियां जो भी पबित्र आत्मा दा तोफा दिता है। 46 क्योकि उना जो भांति-भांति दियां बोलियां कने परमेश्वरे दी बड़ाई करदे सुणाया। इस पर पतरसे बोलया, 47 "क्या इना जो हुण कोई पाणिऐ ला रोकी सकदा है की इना जो बपतिस्मा ना मिल्ले, जिना जो साडे सांई परमेश्वरे दिया तरफा ला पबित्र आत्मा मिलियो है?" 48 कने पतरसे उना जो हुकम दिता जडे लोक कुरनेलियुस दे घरे गठुयो थे की यीशु मसीह दे नाऐ ने बपतिस्मा लिया। तालू उना पतरसे ला बिनती किती की थोडे रोज होर रेई जा साडे सोगी कने इस तांई सै कुछ रोजां तांई रेई पिया।

11 प्रेरितां कने चेलयां जडे यहदिया प्रदेशे च थे, उना सुणाया, की होरनी जातियां भी परमेश्वरे दा बचन मनी लिया है। 2 कने जालू पतरस यरूशलेम शेहर च आया, तां यहदी विश्वासी उसला शिकायत करणा लग्गे, 3 "तू होर जातियां दे लोकां दे घरे जाई करी उना सोगी रोटी खादी।" 4 तालू पतरसे उना जो शुरू ला सारियां गल्लां सुणाईयां, जडियां ओथु होइयां थियां; 5 "मै याफा शेहरे च प्राथना करा दा था, कने बेसुध होईकरी इक दर्शन दिखया, की इक बडिया चादरा सांई कोई चीच चारो कुंणा ला रस्सियां ला बन्ईयो अम्बरे ला धरती पासे उतरी करी मेरे बाल आई। 6 जालू मै उस पर ध्यान दिता, तां मै धरतिया दे चारा पैरां बाले जानवर कने जंगली जानवर कने रंगणेबाले जीव कने अम्बरे दे पंछी दिखे; 7 कने मै इक अब्राज सुणी जडी मिंजो बोला दी थी की, हे पतरस उठ मार कने खा। 8 मै बोलया, 'नी प्रभु जी! क्योकि कोई अपबित्र या अशुद्ध चीज मेरे मुऐ च कदी नी गेई।' 9 इदे जबाब च अम्बरे ला दूजी अब्राज आई, जडा कुछ परमेश्वरे शुद्ध बणाया है, उसयो अशुद्ध मत बोला। 10 तिन बरी ऐदिया होया, तालू सारा कुछ अम्बरे पासे दोबारा चली गया। 11 कने इत तिन माणू जडे कैसरिया शेहरे ला मेरे बाल

भेजयो थे, सै घरे दे दरबाजे पर आई खडोते, जिस घरे च असां थे। 12 तालू पबित्र आत्मा मिंजो बेझिझक उना सोगी चली जाणे जो बोलया, कने ऐ छे भाई भी मेरे सोगी चली पे, कने असां उस माणुऐ दे घरे पुज्जी गे। 13 कने उनी दसया, की मै स्वर्गदूते जो अपने घरे खडोतया दिखया, जिनी मिंजो बोलया, याफा शेहर जो इक माणू भेजी करी शमौने जो जिसयो पतरस बोलदे न, सदी ले। 14 उनी तिजो ने ऐसिया गल्लां बोलणियां न, जिना ने परमेश्वरे तिजो कने तै सारे घराने दे लोकां जो बचणा। 15 जालू मै गल्लां करणा लग्गा तां पबित्र आत्मा उना पर तियां ही उतरी, जियां शुरू च पिन्तेकुस दे त्योहारे दे बकत सांझो पर उतरियो थी। 16 तालू मिंजो प्रभु दा सै बचन याद आया, जडा उनी बोलया, यहून्ना तां पाणिऐ ला बपतिस्मा दिता, पर परमेश्वरे तुहाडे सोगी रेणे तांई पबित्र आत्मा जो भेजणा। 17 इस तांई ऐ साफ है की परमेश्वरे उना होर जातियां जो भी सेई दान दिता, जडा सांझो प्रभु यीशु मसीह दे नाऐ पर भरोसा करणे ला मिल्ला, तां मै कुण था जडा परमेश्वरे जो रोकी सकदा था?" 18 ऐ सुणीकरी, यहदी विश्वासी चुप रे, कने परमेश्वरे दी बड़ाई करी बोलणा लग्गे, "तां परमेश्वरे होर जातियां जो भी हमेशा दी जिन्दगी अपने बुरे कम्मा जो छडी करी यीशु मसीह पर भरोसा करणे ने दान दिता है।" 19 स्तिफनुसे दे मारे जाणे बाद, केई यीशु मसीह पर भरोसा करणे बालयां यरूशलेम शेहरे जो छडी दिता कने तितर बितर होई गियो थे, सै चलदे-चलदे फीनीके इलाके कने साइप्रस द्वीप कने सीरिया प्रदेशे दे अन्ताकिया शेहर च पुज्जे, पर यहदियां जो छडी करी कुसी होरसी जो परमेश्वरे दा बचन नी सुणां दे थे। 20 पर उना च कुछ विश्वासी साइप्रस बासी कने कुरेनबासी थे, जडे अन्ताकिया शेहरे च आए कने होर जातियां जो भी प्रभु यीशु दे शुभसमाचार दियां गल्लां सुणाणा लग्गे। 21 कने प्रभु दिया शक्तिया दा हथ उना पर था, कने मते लोकां उना दे प्रचार पर भरोसा किता कने प्रभु यीशु मसीह पर भरोसा करणा लग्गी पे। 22 तालू इना होईयां गल्लां दी खबर यरूशलेम शेहरे दिया कलीसिया सुणी, कने उना बरनबास जो अन्ताकिया शेहर भेजया। 23 सै ओथु पुज्जी करी, कने परमेश्वरे दे अनुग्रह जो दिखीकरी खुश होया, सारयां जो उपदेश दिता की तन मन लाईकरी प्रभु सोगी लिपटी रिया। 24 बरनबास इक भला माणू था, कने पबित्र आत्मा कने भरोसे ने भरई गया था, कने होर मते लोकां प्रभु यीशु मसीह पर भरोसा किता। 25 तालू बरनबास अन्ताकिया शेहर छडी करी शाऊल जो तोपणे तांई तरसुस शेहर जो चली गया। 26 कने जालू उसने मिल्ला तां उसयो अन्ताकिया शेहर जो लेई आया, कने इयां होया की शाऊल कने बरनबास इक साले दीकर कलीसिया सोगी मिलदे कने मते लोकां जो यीशु मसीह दे बारे च सिखांदे रे, कने चेलयां जो सारयां ला पेहले अन्ताकिया शेहर च ही मसीही बोलया। 27 उना रोजां च केई भरोसा करणे बाले जडे परमेश्वरे दा संदेश देणेबाले थे, यरूशलेम शेहर ला अन्ताकिया शेहर जो आए। 28 उना चे अगबुसे नाऐ दे परमेश्वरे दा संदेश देणेबाले खडे होईकरी पबित्र आत्मा दिया प्रेरणा ला ऐ दसया, की सारे संसारे च बडा बडा अकाल पोणा है, कने सै अकाल सम्राट क्लौदियुस दे

बेले पिया। 29 तालू चेलयां यहदिया प्रदेश दे मसीह पर भरोसा करणे बालयां तांई अपणी पौच दे साबे ला सहायता देणे दा फेसला किता। 30 कने उना इयां ही किता, कने बरनबास कने शाऊल दे हथे अगुवां बाल कुछ पैसे भेजी दिते।

12 उस बकत हेरोदेस राजे कलीसिया दे कुछ लोकां जो दुख देणे तांई बन्दी बनाई लिया। 2 कने उनी प्रेरित याकूबे जो तलवारा ला मरवाई दिता, जडा प्रेरित यहून्ना दा भाई था। 3 जालू उनी दिखया, की यहदी लोक इसला खुश होंदे न, तां उनी पतरसे जो भी पकडी लिया। सै अखमीरी रोटिया दे त्योहारे दा बकत था। 4 कने राजा हेरोदेसे उसयो पकडी कर जेला च पाई दिता, कने उदी रखबालिया तांई, चार-चार सिपाईयां दे चार दलां दा पेहरा लाइ दिता। कने सै चांदा था की फसह दे त्योहारे बाद लोकां सामणे उदा न्याय करे। 5 पतरसे जो कुछ दिना तांई जेला च रखया, पर कलीसिया उदे तांई मन लाईकरी परमेश्वरे ला प्रार्थना करा दी थी। 6 कने जालू राजा हेरोदेसे उदा न्याय करणे तांई उसयो लोकां सामणे लोंगे बाला था, उसला इक रात पेहेले पतरस दों सुंगला ला बनुया, दों स्पाईयां दे बिच सुतया था, कने पहरे दार दरबाजे पर जेला दी रखबाली करा दे थे। 7 तां अचानक प्रभु दा इक स्वर्गदूत पतरसे बखे आई खडोता कने उस कोठरी च इक चमकीली लौ होई गेई, कने उनी पतरसे दियां पसलिया पर हथ मारी करी उसयो जगाया, कने बोलया, “उठ, जल्दी उठ।” कने उदे हथां ला सुंगल खुली करी पेई गे। 8 तालू स्वर्गदूते उसयो बोलया, “लके बन, कने अपने जुतयां पाई ले।” उनी तियां ही किता, फिरी स्वर्गदूते उसयो बोलया, “अपणे बाहरी कपडे जो पाई करी भेरे पिच्छे चली पो।” 9 सै निकली करी उदे पिच्छे चली पिया, पर सै ऐ नी जाणदा था की जडा कुछ स्वर्गदूत करा दा है, ऐ सच्च था, पर सै ऐ समझा दा था की मै दर्शन दिखा दा है। 10 तालू सै चली करी पेहेले कने दुणे पहरे ला निकली करी उस लोहे दे फाटके पर पुज्जे, जडा शेहरे पासे लेई जांदा था, सै फाटक उना तांई अपु ही खुली गिया, कने सै निकली करी इकी गलिया च होईकरी गे, इतणे च स्वर्गदूत उसयो छडी करी चली गिया। 11 तालू पतरसे होशा च आई करी बोलया, “हुण मिजो सच्च पता लगी गिया है, की प्रभुऐ अपणा स्वर्गदूत भेजी करी मिजों राजा हेरोदेसे दे हथे ला छुडाई लिया है, कने यहदी अगुवां दी सारी आस तोडी दिती।” 12 ऐ जाणी करी की परमेश्वरे उसयो बचाई लिया है, तां सै मरियम दे घरे गिया, जडी यहून्ना दी माता थी, कने उदा दुज्जा ना मरकुस भी था। ओथु मते चेले गिठे होईकरी प्रार्थना करा दे थे। 13 जालू पतरसे बाहरे बाले दरबाजे जो खडकाया तां स्टे नाऐ दी इक दासी सुणने तांई आई। 14 कने पतरसे दी अबाज पछेणी करी, खुशिया दे मारे उना दरबाजा नी खोलया, पर दोडी करी अंदर गेई, कने दसया की पतरस दरबाजे पर खडोतया है। 15 उना उसा जो बोलया, तू पागल है। पर सै अडी रेई की सै पतरस ही है, तालू उना बोलया, “सै पतरसे दा स्वर्गदूत होणा।” 16 पर पतरस दरबाजा खडकांदा रिया कने उना दरबाजा खोलया, कने उसयो दिखीकरी हेरान होई गे। 17 तालू पतरसे उना जो हथे ला इशारा किता की चुप

रिया, कने उनी दसया की प्रभुऐ क्रियां मिजो जेला ला कडी लयोदा है। फिरी बोलया, “याकूब कने भाईयां जो ऐ गल्ल दसी दिनयो।” तालू पतरस निकली करी दुज्जी जगा जो चली गिया। 18 ब्यागा जेला दे सिपाईयां च बडा हल्ला पेई गिया की, पतरस कृशु गिया। 19 जालू राजा हेरोदेसे उसयो तोपणे दा हुकम दिता पर सै तोपी नी सके, तां पहरे दारां ला पूछताछ किती कने जालू सै जबाब नी देई सके तां उना जो मारणे दा हुकम देई दिता, कने पतरस यहदिया प्रदेशे जो छडी करी कैसरिया शेहरे च जाई करी रेंणा लगा। 20 राजा हेरोदेस सूर कने सैदा शेहरे दे लोकां ला बडा जादा गुस्सा था। इस तांई उना शेहरां दे लोक राजा हेरोदेस ला मिलणे तांई इक मन होईकरी आये। सारायां ला पेहेले, उना बलास्तुस ला सहायता मंगी जडा राजे दा खास कर्मचारी था। तां उना राजा हेरोदेसे ला शान्ति स्थापना तांई बोलया क्योकि सै अपने खांगे पिणे दियां जुस्तरतां तांई राजे दे देशे पर निर्भर थे। 21 जिस रोजे राजा हेरोदेसे उना शेहरे दे लोकां ने मिलणे दा फेसला किता, उस रोजे सै राज कपडे पाई करी सिहांसने पर बैठा, कने प्रजा जो भाषण देणा लग्गा। 22 कने लोक उदी बडाई करणे तांई ऐ बोलणा लग्गे कि, “ऐ तां माणुऐ दी नी, पर कुसी देवते दी अबाज है।” 23 उसी बेले प्रभुऐ दे इकी स्वर्गदूते आई करी राजा हेरोदेस पर वार किता क्योकि उनी परमेश्वरे दी महिमा नी किती कने उदे शरि च कीडे पेई गे कने सै मरी गिया। 24 पर परमेश्वरे दा बचन फलदा गिया कने भरोसा करणे बालयां दी गिणती बददी गेई। 25 जालू बरनबास कने शाऊले यहदिया प्रदेशे च अपणी सेवा दे कम्मे जो पूरा करी लिया तां सै यरुशलैम शेहरे ला अन्ताक्रिया शेहरे जो मुडी आए। यहून्ना जिसयो मरकुस भी बोलदे न सै सोगी था।

13 अन्ताक्रिया शेहरे दिया कलीसिया च परमेश्वरे दा संदेश देणेबाले कने गुथे थे; मतलब की बरनबास कने शमौन जिदा दुज्जा ना निगर भी था; कने लुकियुस कुरेनी शेहर, कने चौथाई देशे दे राज हेरोदेसे दा दूथ भाई मनाहेम कने शाऊल। 2 जालू सै बरत रखीकरी प्रभु दी भक्ति करा दे थे, तां पबित्र आत्मा बोलया, “भेरे तांई बरनबास कने शाऊल जो मेरी सेवा करणे तांई लग करा जिदे तांई मै उना जो सदया है।” 3 तालू उना बरत कने प्रार्थना करिरी कने उना पर हथ रखीकरी उना जो परमेश्वरे दा कम्म करणे तांई भेजया। 4 शाऊल कने बरनबास पबित्र आत्मा दे जरिये भेजे गे, सै अन्ताक्रिया शेहर ला सिलुकिया शेहरे दिया बन्दरगाह जो गे, कने ओथु ला जहाजे पर चढी करी साइप्रस टापू दी सलमीस बंदरगाह जो चली गे। 5 सलमीस शेहर च पुज्जी करी, उना परमेश्वरे दा बचन यहदी जंज घरां च सुणाया, कने यहून्ना जिसयो मरकुस भी बोलदे थे सै उना दी सहायता करणे तांई उना सोगी था। 6 इदे बाद उना पुरे टापूऐ च इक शेहर ला दुज्जे शेहर दी यात्रा किती कने आखिर च पाफुस शेहरे च पुज्जे। ओथु उना जो बार-यीशु नाऐ दा इक जादूगर मिल्ला जडा यहदी कने झूठा संदेश देणेबाला था। 7 सै टापूऐ दे राज्यपाल सोगी था, जिदा ना सिरगियुस पौलुस था, कने सै बडा बुद्धिमान माणू था। राज्यपाले बरनबास कने शाऊल जो परमेश्वरे दा बचन सुणने तांई अपने बाल सदया। 8 पर जादूगर बार-यीशु,

जिसया युनानी भाषा च एलीमास बोलते न, उना दा बिरोध करदा करणे कने परमेश्वरे पासे फिरणे कने बपतिस्मा लेंणे दी जरूरत है। 25 रिया, उदी कोशिश थी की सै राज्यपाल जो यीशु मसीह पर भरोसा करणे ला रोके। 9 तालू शाऊले जिदा ना पौलस भी है, पबित्र आत्मा ला भरई करी जादूरे पासे इक टक लाईकरी दिखीकरी बोलया, 10 “हे सारे कपट कने चलाकिया ला भस्यो शैताने दी ओलाद, सारिया धार्मिकता दे दुशमण, क्या तू प्रभु दिया सचाइया जो भ्रष्ट करणा नी छडणा? 11 हुण दिख, प्रभु तिजो सजा देणे बाला है, कने तू थोडे बकते ताई अन्ना रेणा कने तू सूरजे जो नी दिखी सकणा।” तालू इट है। 27 यरूशलेम शेहरे दे लोकां कने उदे अगुवां मसीह जो पछेणया धुंधलापन कने उदे अग्रे नेहेरा होई गिया, कने सै रूमां प्रां टटोलणा लग्गा ताकि कोई उदा हथ पकडी करी उदी सहायता करे। 12 तालू राज्यपाले जडा कुछ होया था, दिखीकरी कने प्रभु दियां शिक्षा ला हेरान होईकरी उनी यीशु मसीह पर भरोसा किता। 13 पौलस कने उदे साथियां पाफुस शेहरे ला समुंद्री यात्रा शुरू किती कने सै पंफूलिया प्रदेशे दे पिरागा शेहरे च जाई पुज्जे, कने यहून्ना मरकुस उना जो छडी करी यरूशलेम शेहरे जो बापस आई गिया। 14 कने पिरागा शेहरे ला अग्रे चली करी गलातिया प्रदेशे दे पिसिदिया जिल्ले दे बखे अन्ताकिया शेहर च पुज्जे; कने सब्बे दे रोजे च यहूदी जंज घर च जाई करी बैठी गे। 15 मूसा दी व्यवस्था कने परमेश्वरे दे संदेश देणेबालयां दी कताबां ला पढने बाद यहूदियों दे जंज घरे दे सरदारों उना जो बोली भेजया, “हे भाईयो, अगर तुसां चे कुसी बाल लोकां जो शिक्षा देणे ताई तुहाडे मने च कोई बचन है तां बोला।” 16 तालू पौलस खडा होया कने उना जो हथे ला चुप रेणे दा इशारा करिरी बोलया, “हे इस्राएलियां, कने परमेश्वरे ला डरने बाले होर जाति दे लोको, सुणा।” 17 इना इस्राएली लोकां दे परमेश्वरे साडे पूर्वजां जो चूणी लिया है, कने जालू ऐ मिस्र देशे च परदेसी होईकरी रेदे थे, तां उना जो गिणतिया च बदाई दिता; कने उना जो अपणिया शक्तिया ला उस देशे ला कडी लांदा। 18 कने सै कोई चालियां साला दीकर सुनसान जगा च उना दी सेहदां रिया, चाहे सै बार-बार परमेश्वरे दे हुकम दे खिलाफ जांते थे। 19 कने कनान देशे च सत जातियां जो खत्म करिरी उना दा इस्राएली लोकां जो बिरासत च देई दिता। 20 साडे पूर्वजां मिस्र देशे च पुजणे बाद चार सौ पजां सालां बाद कनान देशे पर अधिकार करणा शुरू किता, इदे बाद परमेश्वरे दे संदेश देणेबाले शमूएल दे ओणे दीकर परमेश्वरे इस्राएल दे लोकां पर राज करणे ताई मुखिए नियुक्त किते। 21 जालू शमूएल हले दीकर उना दा अगुवा ही था, उना इक राजा मंगया, तालू परमेश्वरे बिन्यामीन दे गोत्र चे इक माणुए जो मतलब की क्रीश दे पुत्र शाऊले जो उना दा राजा बणाया, उनी चालियां सालां दीकर इस्राएल दे लोकां पर राज किता। 22 फिरी परमेश्वरे शाऊल जो राजे दे पद ला हटाई करी उदिया जगा पर दाऊदे जो उना दा राजा बणाया, जिदे बारे च उनी गबाई दिती, मिंजो इक माणु, यिश्शै दा पुत्र दाऊद, मेरे मने दिया इच्छा दा माणु मिली गिया है। उनी मेरियां सारियां इच्छा पुरियां करणियां। 23 उदे ही बंशे चे परमेश्वरे अपने बायदे दे अनुसार इस्राएले ताई इक उद्धारकर्ता, मतलब की यीशु भेजया। 24 जिदे ओणे ला पेहले यहून्ने प्रचार किता की सारे इस्राएली लोकां जो अपने पापां दा पन्हाताप निकला दे थे, तां लोक उना ला बिनती करणा लगे की, अगले सब्बे

दे रोजे ऐ गल्लां सांझो दोबारा सुणानयो। 43 जालू सभा खत्म होई, तां मते यहूदी कने मते होर जातियां दे लोक जडे यहूदी मते चे आयो थे पौलुस कने बरनबासे पिच्छे चली पे, कने उना जो गल्लां करिरी समझाया, की परमेश्वरे दे अनुग्रह च बणी रिया। 44 अगले सन्वे दे रोज शेहरे दे लगभग सारे लोक परमेश्वरे दा बचन सुणने जो गिठे होई गे। 45 पर जालू यहूदी अगुवां बडिया भिडा जो दिखया तां से प्रेरितां ला जलना लगे, कने पौलुसे दे बचना दे बिरोध च बोल्या कने उदी बेईजती कीती। 46 तालू पौलुस कने बरनबासे बिना डरयो बोल्या, जरूरी था, की परमेश्वरे दा बचन पेहेले तुहांजो सुणया जांदा, पर तुसां उसयो नकारी दिता, कने अपने आपे जो हमेशा दिया जिन्दगिया दे लायक नी समझदे न, तां हुण, असां होरनी जातियां बाल जांणा। (aiōnios g166) 47 क्योकि प्रभु यीशुऐ सांझो ऐ हुकम दितया है, “मै तिजो होरनी जातियां तांई ज्योति बणाया है, तुहांजो संसार च हर जगा लोकां जो दसणा है की मै कियां उना जो बचाई सकदा है।” 48 ऐ सुणीकरी होर जातियां खुश होइयां, कने सै परमेश्वरे दे बचने दी बडाई करणा लगे, कने जितणे लोक हमेशा दिया जिन्दगिया तांई बणायो थे, उना भरोसा किता। (aiōnios g166) 49 तालू प्रभु यीशु दा बचन उस इलाके च सारे पासे फेलणा लग्गा। 50 पर यहूदियां दे अगुवां भक्त कने कुलीन जनानिया जो कने शेहरे दे बडे लोकां जो भडकाया, कने पौलुस कने बरनबास पर हमला करवाई करी उना जो सीमा दे बार कडी दिता। 51 तालू पौलुस कने बरनबासे उना सामणे अपने पैरां दी धुड झाडी, उना जो ऐ दसणे तांई की परमेश्वरे उना जो ठुकराई दितया है कने उना जो सजा देंगी। फिरी सै इकुनियुम शेहरे जो चली गे। 52 कने चेले अन्ताकिया शेहरे च आनंद ला कने पबित्र आत्मा ने भरई गे।

14 इकुनियुम शेहर च ऐसा होया की पौलुस कने बरनबास यहूदी जंज घर च सोगी-सोगी गे, कने ऐसियां प्रभावशाली गल्लां कितियां की, यहूदियां कने होर जातियां दोना चे मतयां यीशु पर भरोसा किता। 2 पर भरोसा नी करणे बाले यहूदियां होरनी जातियां दे मन मसीह भाईयां दे खिलाफ च भडकाए, कने उना दे मना च इना दे खिलाफ जहर भरी दिता। 3 कने पौलुस कने बरनबास मते रोजां दीकर ओथु रे, कने प्रभु यीशु दे भरोसे पर हिम्मत ला गल्लां करदे रे: कने प्रभु यीशुऐ उना जो अदभुत चिन्न चमत्कार करणे दी शक्ति दिती, ऐसा करी के यीशुऐ ऐ साबित किता की जिस अनुग्रह दे बारे च सै प्रचार करा दे न सै सच्चा है। 4 पर शेहरे दे लोकां च फुट पेई गियो थी, इसला कितणे ही तां यहूदियां पासे, कने कितणे ही प्रेरितां दे पासे होई गे। 5 तालू होर जातियां कने यहूदी लोकां अपने सरदारां सोगी मिली करी उना पर हमला कने पथर मारणे फेसला किता। 6 जालू पौलुस कने बरनबास जो इसा गल्ला दे बारे च पता लग्गी गिया, कने सै लुकाउनिया प्रदेशे दे लुक्का कने दिखे शेहरां च, कने अखे बखे दे इलाके च नठी गे। 7 पौलुस कने बरनबासे ओथु पुज्जी करी लोकां जो शुभसमाचार सुणया। 8 लुक्का शेहर च इक माणू बैठया था, उदे पैर कमजोर थे। सै जन्मे ला ही लगडा था, कने कदी नी चलया था। 9 सै पौलुसे जो गल्लां करदे सुणादा था कने पौलुसे

दिखया की उनी भरोसा करी लिया है कने सै खरा होई सकदा है। 10 कने जोरे ला बोल्या, “अपणे पैरां भार सीधा खडा हो।” तालू सै उछली करी चलणा फिरणा लग्गी पिया। 11 लोकां पौलुस दा ऐ कम्म दिखीकरी लुकाउनिया बोलिया च जोरे ने बोल्या, “देवता माणूऐ दे स्पे च साडे बाल आया है।” 12 कने उना बरनबास जो यूनानी देवता ज्यूस दा ना दिता कने पौलुस जो हिर्मिस दा ना दिता, क्योकि पौलुस मुख्य संदेश देणे बाला था। 13 कने ज्यूसे दे उस मंदरे दा पुजारी जडा उना दे शेहरे सामणे था, दांद कने फुलां दे हार फाटके पर लेई आया क्योकि सै लोकां सोगी बलि चढाणा चांदा था। 14 पर बरनबास कने पौलुस प्रेरितां जालू सुणया, तां सै बडे परेशान होऐ कने अपने कपडे फाडी दिते, कने भिडा च चली गे, कने पुकारी करी बोलणा लग्गे, 15 “हे लोको, तुसां क्या करदे न? असां भी तुहाडे सांई दुखे सुख भोगणे बाले माणू न, कने तुहांजो शुभसमाचार सुणादे न, ताकि तुसां इना बेकार दियां चीजां ला लग होईकरी जिदे परमेश्वरे पासे आई जा, जिनी स्वर्ग कने धरती कने समुंद्रे कने जडा कुछ उना च है बणाया है। 16 उनी होए युगां च सारियां जातियां जो अपने-अपणे रस्ते च चलणा दिता। 17 सै हमेशा अपने होणे दा सबूत उना खरियां चीजां ला दिन्दा है जडा सै करदा है, कने अम्बरे ला बरखा कने फलां बाली रित देईकरी तुहाडे तांई खांणा कने तुहाडे मना जो खुशिया ला भरदा रिया।” 18 ऐ बोली करी भी उना लोकां जो बडी मुशकिला ला रोकया की उना तांई बलिदान मत करा। 19 पर कितणे ही यहूदियां अन्ताकिया कने इकुनियुम शेहरां ला आई करी लोकां जो अपने पासे करी लिया, कने पौलुसे जो पथरा ने मारया कने उसयो मरया समझीकरी घसीटी करी शेहरे बाहर लेई गे। 20 पर जालू चेले उदे चारो पासे आई खडोते, तां सै उठी करी शेहरे जो बापस मुडी गिया कने दूरे रोजे बरनबासे सोगी दिखे शेहरे जो चली गिया। 21 पौलुस कने बरनबास दिखे शेहरे दे लोकां जो शुभसमाचार सुणाई करी कने मते चेले बणाई करी। तालू सै लुक्का शेहरे जो बापस चली गे। कने फिरी ओथु ला इकुनियुम शेहरे जो गे, कने फिरी सै पिसिदिया प्रदेश दे अन्ताकिया शेहरे जो गे। 22 कने हर शेहरे च चेलयां दे मना जो मजबूत करदे रे कने ऐ शिक्षा दिन्दे थे, की भरोसे च बणी रिया, कने ऐ बोलदे थे, “सांझो मते दुख झेली करी परमेश्वरे दे राज्य च दाखल होंणा पोंणा।” 23 कने उना हर इक कलीसिया च उना तांई अगुवे बणाऐ, कने प्रार्थना कने बरत करिरी उना जो प्रभु जो सौंपया जिदे पर उना भरोसा कितया था। 24 कने पिसिदिया प्रदेश ला होंदे होए सै पंफुलिया जिल्ले च जाई पुज्जे; 25 कने उना पंफुलिया जिल्ले दे पिरागा शेहरे च परमेश्वरे दे बचने दा प्रचार किता कने अन्तलिया शेहरे जो आई गे। 26 कने अन्तलिया शेहरे ला जहाजे पर अन्ताकिया शेहर जो मुडी आये, जिथू ला उना जो परमेश्वर दे अनुग्रह च सौंपीकरी उस कम्मे तांई भेजया था जिसयो उना जो पूरा किता। 27 अन्ताकिया शेहरे च पुज्जी करी उना कलीसिया गठेरी कने दसया, की परमेश्वरे साडे सोगी होईकरी कदे बहु-बहु कम्म किते कने कियां परमेश्वरे होर

जातियां जो यीशु मसीह पर भरोसा करने दे काबिल बनाया। 28 ओथु पौलुस कने बरनबास चेलयां सोगी मते रोज रे।

15 कुछ यहदी मसीह पर भरोसा करने वाले यहदिया प्रदेशे ला अन्ताकिया शेहरे जो आए कने भरोसा करने बालयां जो सिखाणा लमगे: “अगर मूसा दिया व्यवस्था दे रिबाजे ला तुहाडा खतना नी होऐ तां तुहाडा उद्गार नी होई सकदा।” 2 जालू पौलुस कने बरनबास दा उना सोगी झगडा कने बडी बेहस होई तां कलीसिया दे अगुवां पौलुस कने बरनबास जो कने उना सोगी कुछ होर चेलयां जो यरूशलेम शेहरे जो जाणे तांई चुण्या, ताकि सै इसा गल्ला दे बारे च प्रेरितां कने कलीसिया दे अगुवां सोगी चर्चा करन। 3 कलीसिया उना जो यात्रा तांई पैसे कने रोटीयां दा इंतजाम कराई करी भेजया, कने सै फीनीके कने सामरिया प्रदेशां ला होंदे होऐ कने ओथु दे भरोसा करणे बालयां जो दसया की होर जातियां दे लोकां क्रियां अपने पापां जो मन्नी लिया कने गलत कम्मा जो छडी करी यीशु मसीह पर भरोसा किता है। ऐ शुभसमाचार सुणीकरी सारे भरोसा करणे बाले भाई बडे खुश होए। 4 जालू सै यरूशलेम शेहरे च पुज्जे, तां कलीसिया कने प्रेरित कने अगुवे उना सोगी खुशिया ला मिल्ले, कने पौलुस कने बरनबासे दसया की परमेश्वरे उना सोगी होईकरी कदे-कदे कम्म किते थे। 5 पर फरीसियां दे दले दे लोकां चे जिना भरोसा कितया था, उना चे कितणयां ही उठी करी बोलया, “होर जातियां जो खतना कराणे कने मूसा दी व्यवस्था जो मनणे दा हुकम देणा चाईदा।” 6 तालू प्रेरित कने अगुवे इसा गल्ला दे बारे च बिचार करणे तांई गिठे होऐ। 7 तालू पतरसे बडी लम्बी बेहस होई जाणे बाद खडोई करी उना जो बोलया, “हे मसीह भाईयो, तुसां जाणदे न, कि मते रोज होऐ न, की परमेश्वरे तुसां चे मिंजो चूणी लिया है, ताकि मेरे जरिये होर जातियां शुभसमाचार दा बचन सुणीकरी भरोसा करन।” 8 कने मने जो जाणने बाले परमेश्वरे उना जो भी साडे सांई पबित्र आत्मा दिता, इयां करिके उनी दसया की उनी होर जातियां जो अपने लोक होणे तांई चुणी लिया है। 9 कने भरोसे दे जरिये उना दे मन शूद्र करिरी सांझो च कने उना च कोई भी फरक नी रखया। 10 तां हुण तुसां कजो परमेश्वरे जो परखदे न, की साडी यहदी व्यवस्था कने रिती रिबाजां जो मणने तांई इना होर जातियां दे भरोसा करणे बालयां पर भारी बोज पान, जिसयो ना साडे बाप दादे चुकी सकदे थे कने ना असां चुकी सकदे न। 11 इयां करणा ठीक नी है, साडा भरोसा तां ऐ है कि जियां उना जो प्रभु यीशु दे अनुग्रह ला उद्गार मिलणा, तियां ही सांझो भी मिलणा, ना की मूसा दिया व्यवस्था जो मन्नी करी। 12 तालू सारी सभा चुपचाप होईकरी बरनबास कने पौलुस दी सुणना लगगी, जियां ही उना अदभुत चिन्न चमत्कारां दे बारे दसया जडे परमेश्वरे उना दे जरिये होर जातियां च किते। 13 जालू उना बोलणा बंद किता, तां याकूब बोलणा लगगा, “हे मसीह भाईयो, मेरी सुणा।” 14 शमौन पतरसे समझाया, कि परमेश्वरे पहली बरी होर जातियां चे कुछ लोकां जो अपने लोक होणे तांई चुणी करी उना जो आशीष दिती। 15 कने होर जातियां दा परमेश्वरे दे लोक बणना ऐ उसा गल्ला ला सहमत होंदा है, जिदे बारे च परमेश्वरे दे संदेश देणेबालयां पबित्र

शास्त्र च बडे पेहले लिखया था। 16 “तालू मैं बापस ओणा कने दाऊद दे राज्य जो दुबारा बणाणा जडा उदे दुशमणा वरबाद करी दितया है, कने उसयो दुबारा बणाई देणा। 17 इस तांई होर सारे लोक कने सारियां होर जातियां दे लोक जिना जो मैं अपने लोक होणे तांई चुण्या है, उना प्रभु जो तोपणा, 18 ऐ सेई प्रभु बोलदा है जडा बडे पेहले ला इना गल्लां दा समाचार दिन्दा आया है। (aiōn g165) 19 इस तांई मेरा बिचार ऐ है, कि सांझो होर जातियां तांई परमेश्वरे बाल मुडना कठिन नी बणाणा चाईदा; 20 पर असां उना जो इक चिट्ठी लिखी भेजन, की सै उस खाणे जो ना खान जिसयो लोकां मूर्तियां जो चढाया हो, कने ना व्यभिचार करदे कने ना ही गल्लां घोटी करी मारयो जानवरां दा मॉस खांदे कने ना ही खून खांदे। 21 क्योकि पूराणे बकते ला शेहरे-शेहरे च मूसा दिया इस व्यवस्था दे प्रचार करणे बाले होंदे आये न, कने सै हर सब्ते दे रोजे यहदी जंज घरां च पढी जांदी है।” 22 तालू यरूशलेम शेहरे दिया सारिया कलीसिया कने प्रेरितां कने अगुवां जो ऐ खरा लगगा, कि अपने चे कुछ माणुआं जो चुणी करी पौलुस कने बरनबासे सोगी अन्ताकिया शेहरे जो भेजन, उना इस तांई यहदा जो, जिसयो बरअब्बा भी बोलदे न, कने सीलास जो चुण्या, कने ऐ दोनों कलीसिया च सारयां ला इज्जतदार अगुवे थे। 23 कने सै इसा चिठिया जो अपने सोगी लेई गे जिना च लिखया था की, “ऐ चिट्ठी प्रेरितां कने अगुवां दिया तरफा ला है जडे तुहाडे भाई न, असां अन्ताकिया शेहरे दे कने सीरिया कने किलिकिया प्रदेशां दे होर जातियां दे लोकां जो जडे यीशु मसीह पर भरोसा करदे न, उना जो नमस्ते भेजदे न। 24 असां सुणाया है कि, साडे ऐथू यरूशलेम ला कुछ अगुवे ओथु गे कने उना दियां गल्लां ला तुहांजो बुरा लगगा कने तुसां दुखी होऐ, पर असां उना जो हुकम नी दितया था। 25 इस तांई असां इक मन होईकरी यहदा कने सीलास जो चुणने दा फेसला लिया, ताकि उना जो अपने प्यारे भाई बरनबास कने पौलुसे सोगी तुहाडे बाल भेजन। 26 ऐ तां ऐसे माणु न, जिना अपने प्राण साडे यीशु मसीह दी सेवा तांई खतरे च पायो न। 27 कने असां यहदा कने सीलास जो भेजया है, जिना तुहाडे सामणे अपने मुऐ ला ऐ गल्लां दस्सी देणियां न। 28 पबित्र आत्मा जो कने सांझो भी ऐ ठीक लगगा कि इना जरूरी गल्लां जो छडी करी, तुहांजो पर होर बोझ ना पान; 29 कि तुसां मूर्तियां अग्रे चढायो खाणे जो मत खांदे, कने व्यभिचार कने गला घोटी करी मारयो जानवरां दा मॉस कने उना दा खून मत खांदे। अगर तुसां इना ला दूर रेगे तां तुहाडा भला होणा। शुभकामना।” 30 फिरी कलीसिया उना जो ओथु ला भेजी दिता कने अन्ताकिया शेहरे च पुज्जे, कने सभा जो गठेरी करी उना जो चिट्ठी देई दिती। 31 कने सै उस उपदेशे जो पढी करी बडे खुश होए। 32 कने यहदा कने सीलासे जडे अपु भी परमेश्वरे दे संदेश देणेबाले थे, मतियां गल्लां ला भरोसा करणे बाले भाईयां जो शिक्षा देईकरी प्रोत्साहित कने मजबूत किता। 33 (यहदा कने सिलास थोडे हपते ओथु रे, कने मसीह भाईयां उना जो शांति दी आशीष देईकरी यरूशलेम शेहरे दिया कलीसिया च बापस भेजी दिता।) 34 पर सीलासे अन्ताकिया शहरे च रेणे दा फेसला किता, इस तांई

यहदा किल्ला ही यरूशलेम शेहरे जो बापस चली गिया। 35 कने पौलुस कने बरनबास अन्ताकिया शेहरे च रेई पे, कने होर मते लोकां सोगी प्रभु यीशु दे बचना दी शिक्षा कने शुभसमाचार सुणादें रे। 36 थोडे बकत बाद पौलुसे बरनबासे जो बोलया, “जिना-जिना शेहरां च असां प्रभु दे बचन सुणायो थे, ओआ, ओथु बापस जाई करी अपणे विश्वासी भाईयां जो दिखदे न कि सै कदे न।” 37 तालू बरनबासे यहन्ना जो जिसयो मरकुस बोलदे न, सोगी लेई जाणे दा बिचार किता। 38 पर पौलुसे बोलया यहन्ने हार मन्नी लियो है कने सांझो छडी करी चली गिया है जालू असां पंफुलिया इलाके च थे, इस तांई उसयो सोगी लेई जाणा खरा नी समझया। 39 ऐसी बेहस होई कि पौलुस कने बरनबास इकी दुज्जे ला लग होई गे, कने बरनबास, मरकुस जो लेईकरी जहाजे पर साइप्रस टापु जो चली गिया। 40 पर पौलुसे सीलास जो चूणी लिया, कने मसीह भाईयां उना जो परमेश्वरे दे अनुग्रह च सौपी दिता कने फिरी सै दोनों ओथु ला अन्ताकिया शेहरे ला चली गिया। 41 कने फिरी सै पुरे सीरिया कने किलिकिया प्रदेशां च गे कने कलिसियां दे भरोसा करणे बालयां जो प्रोत्साहित करदे गे।

16 फिरी पौलुस दिखे कने लुक्का शेहरे च भी गे, कने ओथु तीमुथियुस नापे दा इक चेला था। उदी माता यहदी विश्वासी थी, पर उदा पिता यूनान देशे दा था। 2 सै लुक्का इकुनियुम शहरां दे भरोसा करणे बाले भाईयां चे इज्जतदार था। 3 पौलुसे दी इच्छा थी कि तीमुथियुस उदे सोगी चले, कने उनी तीमुथियुस दा खतना इस तांई करायो ताकि उस जगा दे यहदी लोक उदी सुणन, क्योंकि सै सारे जाणदे थे, कि उदा पिता यूनानी था। 4 पौलुस कने उदे सोगी शेहरे-शेहरे जाई करी सै उना नियमां जो जडियां यरूशलेम शेहरे दे प्रेरितां कने अगुवां बणाईयां थियां, उना जो विश्वासियां बाल पुजादे थे ताकि सै उना नियम दा पालन करन। 5 इयां कलीसिया भरोसे च मजबूत होंदी गेई कने हर रोज गिणतिया च बददी गेई। 6 कने सै फ्रुगिया कने गलातिया प्रदेशां चे होईकरी गे, क्योंकि पब्लि आत्मा उना जो आसिया प्रदेशे च बचन सुणणे तांई मना किता। 7 कने उना मूसिया प्रदेशे दे बखे पुज्जी करी, बितूनिया प्रदेश जाणा चांदे थे; पर यीशुए दिया आत्मा उना जो जाणा नी दिता। 8 तां सै मूसिया प्रदेशे ला होईकरी बंदरगाह बाले शहर त्रोआस जो आये। 9 ओथु पौलुसे राती इक दर्शन दिखया कि इक मकिदुनी प्रदेशे दा मर्द खडोतया, कने उसला बिनती करी के बोलदा है, “समुन्द्रे पार उतरी करी मकिदुनिया प्रदेशे च आ, कने साडी सहायता कर।” 10 जालू पौलुसे ऐ दर्शन दिखया, तालू असां झट मकिदुनिया प्रदेशे जो जाणे दी योजना बणाई, ऐ समझीकरी कि परमेश्वरे सांझो शुभसमाचार सुणणे तांई सदया है। 11 इस तांई असां त्रोआस शेहरे ला जहाजे जरिये सुमानाके टापु च आये कने दुज्जे रोजे नियापुलिस शेहरे दिया बंदरगाह च आये। 12 ओथु ला असां फिलिपी शेहरे च पुज्जे, जडा मकिदुनिया प्रदेशे दा मुख्य शहर, कने रोमियां दी बस्ती है, कने असां उस शेहरे च थोडे रोजां दीकर रे। 13 सब्दे दे रोजे असां शेहरे दे फाटके बाहर खड्डा बखे ऐ सोची करी गे कि ओथु यहदियो दी

प्राथना करणे दी जगा होणी, कने बेईकरी उना जनानिया ने गल्लां करणा लग्गे, जडियां ओथु गठुइयां थियां। 14 कने ओथु इक लुदिया नापे दी जनानी उना दे बचन सुणा दी थी जडी थुआतीरा शेहरे ला बैजणी कपडे बेचदी थी, सै परमेश्वरे दी भक्त थी, कने परमेश्वरे उसा दा मन खोलया, ताकि सै पौलुसे दियां गल्लां पर ध्यान लगाए। 15 कने जालू उना अपणे पुरे टब्बरे समेत बपतिस्मा लिया, तां उना बिनती किती, “अगर तुसां मिजो परमेश्वरे पर भरोसा करणे बाली समझदे न, तां मेरे घरे रेंणा चला,” “कने सै सांझो मनाई करी अपणे घरे लेई गेई।” 16 इक रोज जालू असां प्राथना करणे बालिया जगा जो चलयो थे, तां सांझो इक दासी मिली, जिसा च इक ऐसी बुरी आत्मा थी, जिदिया सहायता ला सै भविष्य दिखी लेंदी थी, कने सै अपणे स्वामियां तांई मतां कुछ कमाई लोंदी थी। 17 सै पौलुसे कने साडे पिच्छे आई करी चिलाणा लग्गी, “ऐ माणु परम प्रधान परमेश्वरे दा दास है, सै तुसां जो दसा दे न कि कियां बची सकदे न।” 18 सै मते रोजां दीकर इयां ही करदी रेई, कने पौलुस दुखी होई गिया, कने मुडी करी बुरी आत्मा जो बोलया, “मै तिजो यीशु मसीह दे नापे ने हुकम दिन्दा है, कि इसा के निकली जा, कने सै तालू ही निकली गेई।” 19 जालू उसा दे मालिके दिखया कि, साडिया कमाईया दी आस तां चली गेई, तां सै पौलुस कने सीलासे जो पकडी करी चौके च प्रधाना बाल खिची लेई गे। 20 कने उना जो फौजदारिया दे हाकिमा बाल लेईजाई करी बोलया, “ऐ लोक जडे यहदी न, साडे शेहरे च बडा हंगामा करा दे न, 21 कने ऐसे तरीके दसा दे न, जिना जो अपनाना कने मनणा रोम देश च रेणे बालयां तांई ठीक नी है।” 22 तालू लोकां दी भीड पौलुस कने सीलासे दे बरोध च गिठी होईकरी चडी आई, कने हाकिमा उना दे कपडे फाडी करी उतारी दिते, कने उना जो डंडे मारणे दा हुकम दिता। 23 कने मते डंडे मारी करी उना जो जेला च पाई दिता, कने जेल अधिकारिये जो हुकम दिता कि साबधानी ला उना दी रखबाली करा। 24 कने ऐसा हुकम मिलणे ला उनी उना जो अंदरे बालिया कोठडिया च रखया कने उना दे पैरां जो लकडिया दियां बेडियां ला जकडी दिता। 25 लगबग अधिया राती पौलुस कने सीलास प्राथना करदे होए परमेश्वरे दे भजन गा दे थे, कने कैदी उना दी सुणा दे थे। 26 कने इतणे च अचानक इक बडा बडा हिलण होया; ऐथू दीकर कि जेला दियां नियां भी हिली गिईयां, झट सारे दरबाजे खुली गे, कने सारयां दे बंधन खुली गे। 27 कने दरोगा उठी होया, कने जेला दे दरबाजे खुले दिखीकरी समझया कि सारे कैदी नठी गियो न, कने सै तलबारा कडी करी अपणे आपे जो मारणा लग्गा। 28 पर पौलुसे जौरे ने पुकारी करी बोलया, “अपणे आपे जो कुछ मत करदा, क्योंकि असां सारे ऐथू ही न।” 29 तालू सै दिव्या मंगाई करी अंदरे गिया कने कमदा होया पौलुसे कने सीलासे अग्रे पेई गिया, 30 कने उना जो बार आंणी करी बोलया, “हे सज्जो, उद्धार पाणे तांई मै क्या करे?” 31 उना बोलया, “प्रभु यीशु पर भरोसा कर, तां तेरा कने तैरे घराने दा उद्धार होणा।” 32 कने उना उसयो कने उदे सारे घरे दे लोकां जो प्रभु दे बचन सुणाए। 33 कने राती उसी बेले उना जो लेईजाई करी उना दे

जखम धोते, कने उनी कने उदे लोकां उसी बेले बपतिस्मा लिया। 34 कने उनी उना जो अपने घरे लेईजाई करी, उना अगगे खांणा रखया, कने सारे घराने समेत परमेस्वर पर भरोसा करिरी खुशी मनाई। 35 जालू अगलिया ब्यागा हकीमा सिपाईयां जो ऐ बोली भेजया कि उना माणुऐ जो छडी दिया। 36 दारोगे ऐ गल्ल पौलुसे जो सुणाई, “कि हाकिमा तुहांजो छडी देंणे दा हुकम भेजी दितया है, इस ताई हुण निकली करी शांतिया ने चली जा।” 37 पर पौलुसे उना जो बोलया, “उना सांझो जडे रोम देश च रेणेबाले माणु न, बिना दोष साबित कितयो सांझो लोकां दे सामणे मारया कने जेला च पाया, कने हुण क्या सै चुपचाप बाहर निकाली देणा चांदे न? ऐसा नी होणा, पर सै अपु आई करी सांझो बार लेई जान।” 38 सिपाईयां ऐ गल्लां हाकिमा ने बोली दीतियां, कने सै ऐ सुणीकरी की सै रोम देशे दे नागरिक न, सै डरी गे, 39 कने आई करी उना ला माफी मंगी कने बार लेईजाई करी बिनती कीती कि शेहरे ला चली जा। 40 सै जेला ला निकली करी लुदिया दे ऐथु गे, कने चेलयां ला मिली करी उना जो शांति दिती, कने चली गे।

17 फिरी पौलुस कने सीलास अम्फिपुलिस शेहर कने अपुल्लोनिया शेहरे ला होईकरी थिस्सलुनीके शेहरे च आए, जिथु यहदी जंज घर था। 2 कने पौलुस रोजे सांई उना बाल गया, कने तिन सबतां दे रोजां पर पबित्र शांणां ला उना सोगी चर्चा कीती। 3 कने उना गल्लां दा मतलब खोली-खोली करी समझांदा था कि मसीह जो दुख होणा, कने मरयां च जिन्दा होणा जरूरी था; “ऐई यीशु जिदे बारे च मैं प्रचार करता है, सेई मसिहा है।” 4 उना चे कुछ यहदियां, कने परमेस्वर दा डर मनणे बाले यूनानियां कने मतियां खास जनानिया भरोसा उना दे बचना पर भरोसा करी लिया, कने पौलुसे कने सीलासे सोगी जुडी गे। 5 पर यहदियां जलना ने भरई करी बजासु लोकां चे केई बुरे माणुऐ जो अपने सोगी लेई लिया, कने भीड लगाई करी शेहरे च दंगे करणा लगणे, कने उना यासोने दे घरे पर हमला किता, सै पौलुस कने सीलासे जो लोकां दे सामणे लोणा चांदे थे। 6 कने सै उना जो नी मिल्ले, कने सै चिलांदे होऐ यासोन कने उदे कुछ मसीह भाईयां जो शेहरे दे हाकिमा सामणे खिची लेई आये, “ऐ लोक जिना सारियां जगा च परेशानी पाईयो है, ऐथु भी आयो न।” 7 कने यासोने उना दा अपने घरे च स्वागत किता, कने ऐ सारे महाराजा कैसरे दे हुकमा दा बिरोध करदे न कने बोलदे न कि इक होर राजा है जिदा ना यीशु है। 8 जालू लोकां कने शेहरे दे हाकिमा ऐ गल्लां सुणियां तां सै परेशान होई गे। 9 कने उना यासोन कने बाकी लोकां जो जमानता पर छडी दिता। 10 चेलयां झट रातो रात पौलुस कने सीलास जो बिरिया शेहरे च भेजी दिता, कने सै ओथु पुज्जी करी यहदी जंज घर च गे। 11 ऐ लोक तां थिस्सलुनीके शेहरे दे यहदियां लोकां ला खुले दिले दे थे कने उना बडिया लालसा ला बचन जो अपनाया कने रोज पबित्र शांणां च इना गल्लां जो तोपदे रेंदे कि ऐ गल्लां ऐसियां हेन कि नी न। 12 इस तांई उना चे मतयां, कने यूनान देशां दियां इज्जतदार जनानिया चे कने मर्दां चे मतयां भरोसा किता। 13 पर जालू थिस्सलुनीके शेहरे दे यहदियां जो पता चला कि

पौलुस बिरिया शेहरे च भी परमेस्वर दा बचन सुणा दे है, तां सै ओथु आई करी भी लोकां जो भडकाणा कने हंगामा करणा लागे। 14 तालू चेलयां झट पौलुसे जो ओथु ला भेजी दिता कि तू समुद्रे कंडे चली जा; पर सीलास कने तीमुथियुस बिरिया शेहरे च ही रेंदे गे। 15 सै लोक जडे पौलुसे जो लेई चलयो थे, सै उस सोगी एथेस शेहरे दीकर गे, पर पौलुस दे इसी हुकमे सोगी सै बिरिया शेहरे जो मुडी गे कि सीलास कने तीमुथियुस जो झट ही उदे बाल भेजी दिया। 16 जालू पौलुस एथेस शेहरे च उना दा इंतजार करा दा था, तां शेहरे जो मूर्तियां ला भुस्या दिखीकरी उदा मन बडा दूखी होया। 17 इस तांई सै हर सब्त दे दिन यहदी जंज घरे च यहदियां कने परमेस्वर दा डर मनणे बाले होर जाति दे लोकां सोगी बाद-बिबाद करदा कने चौका पर जडे भी लोक मिलदे थे, उना ला हर रोज चर्चा करदा था। 18 तालू सै गुरु जडे इपिकरी कने स्तोईकी करी के जाणे जांदे थे, इना चे कुछ उसला बेहस करणा लगणे, कने केईयां बोलया, ऐ बकवास करणे बाला क्या बोलणा चांदा है? पर दूजयां बोलया, ऐ कुसी होरसी देशे दे देवतयां दा प्रचारक लग्ना दा है, क्योकि सै यीशु दा कने मरयां चे जिन्दा होणे दा शुभसमाचार सुणादां था। 19 तालू सै उसयो अपने सोगी अरियुपगुस नाये दे यहदी महासभा जो लेई गे कने पुछया, “क्या असां जाणी सकदे न, कि ऐ जडी नोई शिक्षा तू सिखा दा है, सै क्या है? 20 क्योकि तू सांझो अनोखियां गल्लां सुणादा है, इस तांई असां जाणना चांदे न की इना सारियां गल्लां दा क्या मतलब है?” 21 इस तांई की सारे एथेस शेहरे दे बासी कने परदेसी जडे ओथु रेंदे थे, नोईयां-नोईयां गल्लां बोलणे कने सुणने दे सिवा होर कुसी कम्मे च बकत नी बितांदे थे। 22 तालू पौलुसे अरियुपगुस नाये दी सभा दे बिच खडोई करी बोलया, हे एथेस शेहरे दे लोको, मैं दिखा दा है कि तुसां हर गल्ला च देवतयां जो बडा मंदे न। 23 क्योकि मैं गुमदे होऐ तुहाडियां अराधना करणे बालियां चीजां जो दिखा दा था, तां इक ऐसी वेदी भी मिली, जिसा पर लिखया था, “अनजाणे ईश्वरे तांई।” इस तांई तां जिसयो तुसां बिना जाणयो अराधना करदे न, मैं तुसां जो उदा समाचार सुणादा है। 24 जिनी परमेस्वर धरतिया कने उदियां सारियां चीजा जो बणाया है, सै स्वर्ग कने धरतिया दा मालिक होईकरी हथे ला बणायो मंदरा च नी रेंदा है। 25 ना ही कुसी चिजा दिया जरूरता दिया बजा ला उसयो माणुऐ दिया सहायता दी जरूरत नी है, क्योकि सै तां अपु ही सारयां जो जिन्दगी कने सारयां प्राणियां जो सांस कने सब कुछ दिन्दा है जडा उना जो जरूरत है। 26 उनी शुरू च इक ही माणुऐ ला सारे माणुआं दियां सारियां जातियां सारिया धरतिया पर रेणे तांई बणाईयां न; कने उनी माणुऐ जो जिणे तांई उना दी उमर कने उना दिया जगा जो तय कितया, 27 परमेस्वर इस तांई किता ताकि लोक उसयो तोपन, कने होई सकदा है। सै उना जो तोपदे-तोपदे मिली जाए, असल च सै सांझो ला कुसी ला भी दूर नी है। 28 क्योकि सै सेई है जडा साडे जिणे कने चलणे-फिरणे दी बजा बणदा है कने सै बणादां है जडे असां असल च हेन; कने ठीक तियां ही जदिया तुहाडे कवियां बोलया भी है, “असां तां उदे ही वंश भी न।” 29 इस तांई परमेस्वर दी ओलाद

होईकरी सांझो ऐ समझणा ठीक नी कि परमेश्वर, सोने या चांदी या पथरे साई है, जडे माणुऐ दिया सोचा कने कारिगिरिया ला बणायो न। 30 इस ताई परमेश्वरे लोका दिया अज्ञानता दे युगां उपर ध्यान नी दिता, पर हण हर जगा सारे माणुआं जो, अपने पापां जो मन्नी करी कने गलत कम्मा जो छडी देणे दा हुकम दिन्दा है। 31 क्योंकि उनी इक दिन तय कितया है, जिदे च उनी उस माणुऐ जरिये धार्मिकता ला संसारे दा न्याय करणा है, जिसयो उनी नियुक्त कितया है, कने उसयो मरयां च जिन्दा करी के, इसा गल्ला दा सबूत सारयां लोकां जो देई दितया है। 32 कितणे ही लोक उस बकत मजाक उड़ाणा लग्गे, जालू उनी मरयां च जिन्हे होणे दी गल्ल बोली, पर कितणे ही बोल्णा लग्गे, “ऐ गल्लां असां तिजो ला फिरी कदी सुणो।” 33 ऐ सुणी करी पौलुस उना दे बीचे ला चली गया। 34 पर कुछ लोक उस सोगी मिली गे, कने प्रभु पर भरोसा किता; जिना च दियुनुसियुस जडा अरियुपगुस दा सदस्य था, कने दमरिस नाऐ दी इक जनानी थी, कने उना सोगी होर भी कुछ लोक थे।

18 इदे बाद पौलुस एथेंस शोहरे जो छडी करी कुरिन्थुस शोहरे जो आया। 2 कने ओथु उसयो अक्विला नाए दा इक यहदी मिल्ला, जिदा जन्म पुनतुस प्रदेश च होया था; कने अपनी घरे बाली प्रिस्किल्ला सोगी इतालिया प्रदेश ला थोडे बकत पेहेले ही आया था, क्योंकि महाराजा क्लौदियुसे सारे यहदियां जो रोम देशे ला निकली जाणे दा हुकम दितया था, उसी हुकमे दिया वजा ला सै कुरिन्थुस शोहरे जो आये। 3 पौलुस उना ला मिलणा गया। पौलुस कने अक्विला दा इक ही कारोबार था; इस ताई तां सै उना सोगी रेईकरी काम करणा लग्गा, सै दोनों तम्बू बणाणे बाले थे। 4 कने पौलुस हर सन्ने दे रोजे यहदी जंज घर च चर्चा करिरी यहदियां कने यूनानियां जो भी यीशु मसीह पर भरोसा करणे ताई समझांदा था। 5 जालू सीलास कने तीमुथियुस मकिदुनिया प्रदेशे ला आये, तां पौलुसे तम्बूआं बणाणे दा काम छडी दिता कने अपना सारा बकत बचन सुणाणे च कने यहदियां जो गबाई देणे च लाई दिता कि यीशु ही मसीहा है। 6 पर जालू यहदी पौलुस दी बेइज्जती कने बिरोध करणा लग्गे, तां उनी अपने कपडयां दी धूड झाडी करी ऐ दसया की परमेश्वरे उना ला खुश नी है कने बोल्णा, “परमेश्वरे दे संदेश जो नी मनणे दिया बजा ला तुसां अपु ही उसा सजा ताई जिम्मेवार न, जडा तुसां जो परमेश्वर दी तरफा ला मिलणी है। मैं निर्दोष है। हुणे ला मैं होर जातियां बाल जाणा कने उना जो परमेश्वरे दे संदेश दा प्रचार करणा।” 7 कने पौलुस होर जाति दे लोकां जो बचन दी शिक्षा देणे ताई यहदियां दे जंज घरे ला चली करी तितुस युस्तुस नाऐ दे इक होर जाति दे माणुऐ दे घरे होर जातियां दे लोकां जो बचन दी शिक्षा देणा आया, कने सै माणु परमेश्वरे दी अराधना करदा था, कने उदा घर यहदी जंज घरे ला नेडे ही था। 8 तालू यहदियों दे जंज घरे दे सरदार क्रिस्पुसे अपने सारे परिवारे समेत प्रभुऐ पर भरोसा किता; कने मतयां कुरिन्थुस शोहरे च रेणे बालयां लोकां पौलुसे जो सुणीकरी भरोसा किता कने बपतिस्मा लिया। 9 कने प्रभुऐ राती जो दर्शन देईकरी पौलुसे ने बोल्णा, “डर मत, बोली जा चुप मत रे; 10 क्योंकि मैं तेरे

सोगी है, कने कोई तिजो पर हमला करी कि तेरा नुकसान नी करी सकदा है, क्योंकि इस शोहरे च मते ऐसे लोक न जडे मेरे लोक न।” 11 ताई तां पौलुस ओथु डेड सालां दीकर परमेश्वरे दा बचन सिखांदा रिया। 12 जालू गल्लियो अखाया प्रदेशे दा हाकिम था तां यहदी लोकां गिठे होईकरी पौलुसे दे खिलाफ खडे होई गे, कने उसयो कचेरी च लेई गे कने बोल्णा लग्गे, 13 “कि परमेश्वरे दी भक्ति ऐसिया रितिया ला करा, जडा व्यवस्था ला बिलकुल उलटा है।” 14 जालू पौलुस बोल्णा ही लग्गा, तालू ही गल्लिया यहदियां ला बोल्णा, “हे यहदियों, अगर ऐ कोई अन्याय या बुराईया दी गल्ल होंदी तां ठीक था कि मैं तुहाडी सुणदा। 15 पर अगर ऐ बाद-बिबाद अखरां कने ना दा है, कने तुहाडे यहदी दी व्यवस्था दे बारे च है, तां तुसां ही जाणा; क्योंकि मैं इना गल्लां दा न्यायी नी बणना चांदा।” 16 कने गल्लियो हुकम दिता कि सै उना जो कडी दे कने उनी उना जो कचेरिया ला कडी दिता। 17 तालू सारे लोकां यहदियों दे जंज घरे दे सरदार सोस्थिनेस जो पकडी करी कचेरिया सामणे ही मारणा शुरू करी दिता। पर गल्लिया इसा गल्ला दी कोई भी चिंता नी किती। 18 पौलुस मते रोजां दीकर कुरिन्थुस शोहरे च रिया, फिरी मसीह भाईयां ला विदा लेईकरी क्रिछिया शोहरे दिया बंदरगाह च जहाज तोपणे ताई चली गया। कने उसी शोहरे च पौलुसे अपना मुंडन कराई लिया, क्योंकि उनी इक सुखण सुखियो थी। बादे च सै पाणिये दे जहाजे ला सीरिया प्रदेश जो चली गया। उदे सोगी प्रिस्किल्ला कने अक्विला भी थे। 19 कने सै इफिसुस शोहरे च आये कने पौलुसे प्रिस्किल्ला कने अक्विला जो ओथु ही छडी दिता। कने अपु इफिसुस शोहरे दे यहदी जंज घर च जाई करी यहदियां ने बाद-बिबाद करणा लग्गा। 20 उना उसला बिनती किती की, “साडे सोगी थोडे रोज होर रेई ले।” पर सै नी मनया; 21 पर पौलुस उना ला ऐ बोली करी विदा होया की, “अगर परमेश्वरे चाया तां मैं तुहाडे बाल फिरी ओगा।” तालू सै इफिसुस शोहरे ला जहाजे पर चडी करी चली गया; 22 कने सै कैसिरिया शोहरे च उतरी करी यरूशलेम शोहरे जो गया कने ओथु सै कलीसिया दे लोकां ला मिली करी अन्ताकिया शोहरे च आया। 23 फिरी थोडे हपते ओथु रेईकरी अन्ताकिया शोहरे ला चली गया, कने गलातिया कने फ्रुगिया इलाकयां ला जांटे बेले ओथु दे सारे चेलयां जो मजबूत करदा गया। 24 अपुल्लोस नाऐ दा इक यहदी जिसदा जन्म सिकंदरिया शोहरे च होया था, सै बडा अकला बाला माणु था कने पबित्र शाळां जो ढंगे ने जाणदा था, सै इफिसुस च आया। 25 उनी प्रभु दे रस्ते दी शिक्षा लियो थी, कने मन लाईकरी यीशुऐ दे बारे च सुणदा कने सिखांदा था, पर सै सिर्फ यहन्ना दे बपतिस्मे दी गल्ल जाणदा था। 26 सै यहदी जंज घरां च बिना डरयो बोल्णा लग्गा, जालू प्रिस्किल्ला कने अक्विला उदियां गल्लां सुणीकरी, तां उना उसयो अपने घरयो सदया कने परमेश्वरे दा रस्ता उसयो होर भी ढंगे ला दसया। 27 कने जालू अपुल्लोस अखाया प्रदेशे जो जाणा चांदा था, तां मसीह भाईयां उसयो प्रोत्साहित करिरी चेलयां जो लिखया कि सै उसला अच्छे ला मिलन, कने उनी ओथु पुज्जी करी उना लोकां दी बडी सहायता किती जिना

अनुग्रह दिया बजा ला भरोसा कितया था। 28 क्योंकि सै सरेआम साबित करदा था की यहदियां दी शिक्षा गलत है कने पबित्र शास्त्रे ला इदे सबूत भी दिन्दा था कि यीशु ही सै मसीहा है।

19 कने जाल् अपुल्लोस कुरिन्थुस शेहरे च था, तां पौलुस सडका दे जरिये अंदरूनी इलाके ला होईकरी इफिसुस शेहरे जो आया कने उदी मुलाकात कुछ चेलयां ला होई। 2 उनी बोलया, क्या तुहांजो भरोसा करदे बेले पबित्र आत्मा मिल्ली? उना उसयो बोलया, “असां तां पबित्र आत्मा दे बारे च सुणया भी नी है।” 3 ताल् पौलुसे उना जो पुछया, “तां फिरी तुहाडा बपतिस्मा कियां होया?” उना बोलया, “असां यहून्ना दा बपतिस्मा लिया।” 4 पौलुसे बोलया, “यहून्ना उना लोकां जो बपतिस्मा दिता जिना पाप करणा छडी दितयो थे कने परमेश्वरे पासे मुडीं गे, पर उनी इम्राएल दे लोकां जो बोलया कि उसी इकी पर किस्वास करा जडा मेरे बाद ओणे बाला है, सै ही यीशु है।” 5 ऐ सुणीकरी उना प्रभु यीशु दे नाऐ दा बपतिस्मा लिया। 6 कने जाल् पौलुसे उना पर हथ रखया, तां उना पर पबित्र आत्मा उतरी, कने सै होर-होर बोलियां च बोलणा कने भविष्यवाणी करणा लग्ये। 7 सै सारे लगभग बारा मर्द थे। 8 कने ताल् पौलुस यहदी जंज घरे च जाई करी बिना डरयो तिन्न मिनयां दीकर बोलदा रिया, कने परमेश्वरे दे राज्य दे बारे च बेहस करदा कने समझांदा रिया। 9 पर उना बिचे ला कुछ लोक बडे जिदी थे उना भरोसा करणे ला मना करी दिता, कने लोकां सामणे यीशु मसीह दे इस रस्ते जो बुरा भला बोलणा लग्ये, इस तांई पौलुस अपने चेलयां जो सोगी लेईकरी ओथु ला चली गया, कने हर रोज तरनुस दे स्कूले च जाई करी भरोसा करणे बालयां जो परमेश्वरे दे बारे शिक्षा दिन्दा कने समझांदा था। 10 दो सालां दीकर ऐई होंदा रिया, कने आसिया प्रदेश दे रेहणे बाले सारयां यहदियां कने सारे युनानियां प्रभु दा बचन सुणी लिया। 11 कने परमेश्वर पौलुसे दे जरिये अनोखे चमत्कार दसदा था। 12 ऐथु दीकर कि रूमालां कने तौलियां जो उदे शरीर ला छुआई करी बिमारां पर रखदे थे, तां उना दियां बिमारियां खरियां होई जांदिंयां थियां; कने बुरियां आत्मा उना ला निकली जांदिंयां थियां। 13 पर कुछ यहदी मर्द जडे जादू टोणा करिरी बुरियां आत्मा जो कडदे थे, सै यीशु दा ना बुरियां आत्मा जो कडणे तांई करदे थे, कने सै ऐ बोलदे थे की, “मै तुहांजो उस यीशु मसीह दे नाऐ ला जिदा प्रचार पौलुस करदा है बाहर निकलने दा हुकम दिन्दा है।” 14 कने स्किक्वा नाऐ दे इक यहदी बडे याजके दे सत्त पुत्र थे, जडे इयां ही करदे थे। 15 पर बुरियां आत्मा जबाब दिता, “यीशुऐ जो मै जाणदी है कने पौलुसे जो भी जाणदी है, पर तू कुण है?” 16 कने उनी माणुऐ जिदे च बुरी आत्मा थी; उना पर झपटी करी, उना जो काबू करी लिया, कने उना दी ऐसी हालत किती, कि सै नंगे कने जख्मी होईकरी उसी घरे ला नठी गे। 17 कने जाल् ऐ गल्ल इफिसुस शेहरे दे रेहणे बाले सारे यहदी कने युनानी जाणी गे, कने से सारे डरी गे; कने प्रभु यीशुऐ दे नाऐ दी महिमा किती। 18 कने जिना भरोसा कितया था, उना चे मतयां लोकां आई करी सबना सामणे अपने गलत कम्मा जो मन्नी लिया। 19 कने जादू टोणा

करणे बालयां चे मतयां अपणियां-अपणियां पोथियां गिठियां करिरी सारे सामणे फुकी दितियां; कने जाल् उना दी कीमत जोडी, तां सै पंजा झार चादिदे दे सिक्का बराबर निकली। 20 इयां मतयां लोकां प्रभु यीशु दे बचना दे बारे च सुणया, कने बचन शक्तिशाली तरिके ला उना दियां जिंदगियां जो बदलदा गया। 21 जाल् ऐ गल्लां होई गियां तां पौलुसे मकिदुनिया प्रदेश कने अखाया प्रदेश दे भरोसा करणे बालयां ला मिलणे बाद यरूशलेम शेहरे जो जाणे दा फेसला किता, कने उनी बोलया, “यरूशलेम शेहरे जो जाणे बाद मिंजो रोम शेहरे जो जाणा भी जरूरी है।” 22 इस तांई उनी अपने साथियां चे तीमुथियुस कने इरास्तुस जो मकिदुनिया प्रदेश अपु ला पेहेले भेजी दिता, कने अपु कुछ बकत आसिया प्रदेश दे इफिसुस शेहरे च रेई पिया। 23 उस बेले यीशु मसीह दे रस्ते दे बारे च बडा हंगामा होया। 24 क्योंकि देमेत्रियुस नाऐ दा इक चांदा दा कारीगर था, जडा अरतिमिस युनानी देवी दे मंदरे दे चांदा दे ढांचे बणवादे था, कने कारीगरां जो उना बणणे तांई बडे पैसे दिन्दा था। 25 दिमेत्रियुसे अपने कारीगरां जो सदया कने इयोदियां चीजां दे कारीगरां जो गिठे करिरी बोलया, “हे भाईयो, तुसां जाणदे न कि इसी कम्मे ला सांझो कितणा पैसा मिलदा है। 26 कने तुसां दिखदे कने सुणदे न कि सिर्फ इफिसुस शेहरे च ही नी, बल्कि सारे आसिया प्रदेश दे सारे गां च, इनी पौलुसे ऐ बोली करी मते लोकां जो समझाया कने भटकाया भी है, कि जडी हथां दी कारीगिरी है, सै ईश्वर नी है। 27 कने सिर्फ इसा इकी गल्ला दा ही डर नी है, कि साडे इस कम्मे दी इज्जत मान चली जाणा; बल्कि ऐ की हुण लोकां महान देवी अरतिमिसा दे मंदरे जो भी महत्व नी देणा कने खुद देवी अरतिमिस जिसा जो पूरे आसिया प्रदेशे च कने सारे संसारे दे लोक पूजदे न उसा दी इज्जत मान नी होणा।” 28 सारे कारीगर ऐ सुणीकरी गुस्से च आई गे कने चीलाई-चीलाई करी बोलणा लग्ये, “इफिसियां दी अरतिमिस, महान है।” 29 शेहरे दे केई होर लोकां चिल्लाणे दियां अबाजां सुणियां कने सै भी जाई करी भिडा सोगी मिली गे कने सारे शेहरे च हंगामा होई गिया कने लोकां गयुस कने अरिस्तर्खुस कने मकिदुनिया प्रदेशे दे रेणे बालयां जो जडे पौलुसे सोगी यात्री थे, पकडी लिया, कने गिठे होईकरी रंगशाला च दोडी गे। 30 पौलुस भी रंगशाला दे अंदर जाई करी लोकां ला गल्ल बात करणा चांदा था, पर चेलयां उसयो जाणा नी दिता। 31 आसिया दे हकीमा चे भी उदे दोस्तां उसयो बोली भेजया कने बिनती किती, की रंगशाला दे अंदर जाई करी अपणी जान खतरे च मत पांदा। 32 रंगशाला दे अंदर, सारे लोक चिल्ला दे थे, कोई कुछ बोला दा था कने कोई कुछ होर। सारा कुछ गड बड था, कने मते लोक तां ऐ जाणदे भी नी थे कि असां कजो गिठे होयो न। 33 ताल् यहदी लोकां सिकन्दरे जो भिडा चे धक्का देईकरी अग्ये करी दिता, कने सिकन्दरे लोकां जो चुप रेणे तांई हथे ला इशारा किता कने लोकां जो समझणे दी कोशिश किती कि क्या होआ दा है। 34 पर जाल् उना जो पता लग्या कि सै यहदी है, कने जडे मसीही लोकां सांई मूर्तिपूजा नी करदे थे, तां सारे दे सारे इकी अबाजा च कोई दो घंटे दीकर चिलांदे रे, “इफिसियां दी अरतिमिस, महान है।” 35 ताल् शेहरे दे

मंत्रिऐ लोकां जो शांत करिरी बोलया, “हे इफिसियों दे वासियों, सारे जाणदे न कि इफिसुस शेहरे दे लोक महान देवी अरतिमिस दे मंदरे दी कने उदिया मूर्तिया दी रखबाली करदे न जड़ी अम्बरे ला पियो थी। 36 जालू कोई इना गल्लां ला इनकार नी करी सकदा है, तां ठीक है कि तुसां चुप रिया; कने बिना सोचया बिचारयो कुछ मत करा। 37 क्योंकि तुसां इना माणुऐ जो लेईकरी आयो न, जडे ना ता मंदरे जो लटणे बाले न, कने ना ही साडिया देविद्या दी बुराई करणे बाले न। 38 इसी वजा ला अगर देमेत्रियुस कने उदे साथी कारीगरां जो कुसी ला कोई दिक्कत है तां कचेरी खुली है, उना दे मुकदमे दा इन्साफ करणे तांई अधिकारी भी हेन; ओथु लोक इकी दुज्जे पर इलजाम लगाई सकदे न। 39 पर अगर तुसां कुसी होर गल्ला दे बारे च कुछ पूछणा चांदे न, तां शेहरे दिया सभा च फेसला होणा। 40 क्योंकि मिजों डर है की राज्यपाले इस सारे हंगामे दे बारे च सुणना कने बोलणा कि असां रोमी सरकार दे खिलाफ विद्रोह करणे दी कोशिश करा दे थे। इस तांई कि इदी कोई बजा नी है, कि असां इसा भिडा दे गिठे होणे दा जबाब नी देई सकणा।” 41 कने ऐ बोली करी उनी सभा जो बीदा किता।

20 जालू हंगामा स्की गया तां पौलुसे चेलयां जो सदीकरी उत्साहित किता, कने उना जो अलविदा बोली करी मकिदुनिया प्रदेश जो चली गया। 2 सै उस सारे प्रदेशे चे होईकरी कने चेलयां जो बडा उत्साहित करिरी सै यूनान प्रदेश च आया। 3 तिन महीने रेईकरी जालू सै ओथु ला जाजे पर सीरिया प्रदेश जो जांणा लगया था, पर उनी सुणया कि यहदियां उसयो रस्ते च मारणे दी सलाह बणाईयो है, इस तांई उनी फेसला किता की मकिदुनिया प्रदेशे ला बापस ओदे होए सीरिया प्रदेशे जो जाऐ। 4 इसा यात्रा च बिरिया शेहरे दे वासी पुर्सदा दा पुत्र सोपत्रुस कने थिस्सलूनिकिया शेहरे ला अरिस्तार्खुस कने सिकुन्दुस कने दिरबे शेहरे दा गयुस, कने तीमुथियुस कने आसिया प्रदेशे दा तुखिकुस कने नुफिमस उदे सोगी चली पै। 5 कने सोगी यात्री सांझो ला अग्रे चली गे कने त्रोआस शेहरे च पुज्जी करी सांझो नियालना लग्गे। 6 कने अखमीरी रोटियां दे त्योहारे दे बाद फिलिप्पी शेहरे ला जाजे पर चडई करी उना बाल पंजा रोजां बाद त्रोआस शेहरे च पुज्जे, कने सत रोज ओथु ही रे। 7 हफते दे पेहले रोजे असां जालू प्रभु भोज खाणे तांई गिठे होए, तां पौलुसे जिनी दुऐ रोजे चली जाणा था, उना ला गल्लां कितियां, कने अधिया राती दीकर उना जो उपदेश दिन्दा रिया। 8 जिस उपरे बाले कमरे पर असां गिठे होयो थे, ओथु मते दिव्ये बल्यो थे। 9 कने सुतुरखुस नाऐ दा इक जवान खिडकिया च बेईकरी निद्रा ने झुला दा था, कने जालू पौलुस बडिया देरा दीकर गल्लां करदा रिया, तां सै निद्रा दे झुटारे ने तिजिया मंजली ला पेई गया, कने जालू कुछ लोकां आई करी उसयो चुक्या तां तालू दिकर सै मरी गया था। 10 पर पौलुस थले उतरया कने उदे बाल जाई करी उसयो गले ने लाईकरी बोलया, “घबरा मत; क्योंकि ऐ हल्ले भी जिंदा है।” 11 कने उनी दुबारा उपर जाई करी प्रभु भोज किता, कने अगली भयागा होणे दिकर गल्लां करदा रिया; कने फिरी सै चली गया। 12 फिरी सै उस जवाने जो ओथु ला जिन्दा

लेई गे, कने बडे खुश होऐ। 13 पौलुसे अस्सुस शेहरे तांई जमिनी यात्रा करणे दा फेसला किता, बाकी असां लोक समुन्द्री जाजे ला अग्रे चली गे, कने असां ओथु ला उसयो अपने सोगी जहाजे च लेई जाणे दी योजना बणा दे थे। 14 जालू पौलुस अस्सुस शेहरे च सांझो मिल्ला तां असां उसयो जाजे पर चढाई करी मिल्लेने शेहरे जो आयो। 15 दुऐ रोजे ओथु ला यात्रा करदे होये असां खियुस टापू च पुज्जे कने उसला अगले रोजे उदे बखे ला होईकरी सामुस टापू च पुज्जे कने उसला अगले रोजे मीलेतुस शेहरे जो आए। 16 क्योंकि पौलुसे इफिसुस शेहरे च नी जाणे दा फेसला किता क्योंकि सै आसिया प्रदेशे च होर जादा बकत नी बिताणा चांदा था, ताकि कुथी ऐसा ना होए कि, उसयो आसिया शेहरे च देर लग्गे; क्योंकि सै जल्दिया च था, कि अगर होई सके, तां सै पिन्तेकुस्त दे त्योहारे बाले रोजे यरूशलेम शेहरे च बकते पर पुज्जे। 17 कने जालू असां मीलेतुस शेहरे च उतरे, तालू पौलुसे इफिसुस शेहरे दिया कलीसिया दे अग्लां जो संदेशा गलाई भेजया की, सै आई करी उसयो मिलन। 18 जालू सै उदे बाल आये, तां उनी उना जो बोलया, “तुसां जाणदे न, कि मैं कियां तुहाडे सोगी रिया, पेहले ही रोजे ला जालू मैं आसिया प्रदेशे च पुज्जा, तां मैं सारा बकत तुहाडे सोगी ही बिताया। 19 मतलब की बडिया दीनता ला, कने रोई-रोई करी, कने उना परीक्षां च जडियां यहदी लोकां दिया साजिशा दिया बजा ला मिजो पर आईयां, मैं तमी प्रभु दी सेवा करदा रिया। 20 कने जडियां-जडियां गल्लां तुहाडे फायदे दियां थियां, उना जो दसणे तांई कने लोका दे सामणे कने घरे-घरे जाई करी सिखाणे ला भी कदी नी डरया। 21 कने यहदी लोकां कने होर जातियां सामणे गबाई दिन्दा रिया कि परमेश्वरे सामणे अपने पापां जो मनी लिया कने गलत कम्मा जो छडी दिया, कने साडे प्रभु यीशु पर भरोसा करा। 22 कने हुण, मैं पबित्र आत्मा दे जरिये मजबूर होईकरी यरूशलेम शेहरे जो चलया है, कने मिजो नी पता कि ओथु मिजो पर क्या-क्या बितणी है, 23 सिर्फ ऐई कि पबित्र आत्मा हर शेहरे च चेताबनी देईकरी मिजो ला बोलदा है कि बंधन कने क्लेश तिजो तांई तैयार न। 24 पर मिजो अपणी जिन्दगी ला कोई प्यार नी है, मैं तां बस अपणिया उसा दोडा जो, कने उस सेवा जो पूरा करणा चांदा, जडी मिजो परमेश्वरे दे अनुग्रह दे श्भसमाचार पर गबाई देणे तांई प्रभु यीशुऐ ला मिलियो है। 25 कने मैं तुसां सारयां बिच परमेश्वरे दे राज्य दा प्रचार किता, कने हुण मैं जाणदा है तुसां चे कोई भी मिजो दुबारा नी दिखणा। 26 इस तांई अजे दे दिन तुसां ला गबाई देईकरी बोलदा है, कि तुसां च अगर कोई भी यीशु पर भरोसा कितयो बिना मरी जादां है, तां से मेरी गलती नी है। 27 क्योंकि मैं तुसां जो सै सब कुछ दसया है जडा परमेश्वर चांदा है कि तुसां जाणन। 28 इसी तांई अपणी कने अपने झूडे दी देखभाल करा; जिना च पबित्र आत्मा तुहांजो अगुवा बणाया है ताकि तुसां परमेश्वरे दिया कलीसिया दी रखवाली करन, क्योंकि परमेश्वरे उना जो अपने पुत्रे दा खून देईकरी खरीदया है। 29 मैं जाणदा है, कि मेरे जाणे बाद तुसां बिच झूटे गुरूआं ओणा है कने उना भरोसा करणे बालयां दा बडा नुकसान करणा। सै उना फाडने बाले भेडियां सांई होणे जडे भेडां जो मारी

दिन्दे न। 30 ऐथु दिकर की त्हाडे अपने भरोसा करणे बालयां दे दले चे ऐसे लोक ओणे न, जिना चेलयां जो अपने पिच्छे खीचणे ताई उल्टियां सिदियां गल्लां करणियां न। 31 इस ताई ध्यान रखा, कने याद रखा कि मैं तिन्ना सालां दीकर रात दिन रोई-रोई करी, हर इकी जो चेताबनी देणा नी छडया। 32 कने हण मैं तुहांजो परमेश्वरे जो, कने उदे अनुग्रह दे बचना जो सौपी दिन्दा है; जडा तुसां दे भरोसे जो मजबूत करी सकदा है, कने परमेश्वरे तुसां जो सै बिरासत देणी जिसा दा बायदा उनी उना सारयां लोकां ला कितया है जडे उदे जरिये पबित्र कितयो न। 33 मैं कुदे भी सोने, चांदी या कपडे दा लालच नी कित। 34 तुसां तां अपु ही जाणदे न कि इना हथां ही मेरी कने मेरे साथियां दी जरूतां पुरियां कितियां न। 35 मैं तुहांजो सब कुछ करिरी दसया है की, कडी मेहनत करिरी सांझो कमजोरां दी सहायता करणी चाईदी कने प्रभु यीशु दे बचना जो याद रखणा जरूरी है, प्रभुऐ अपु ही बोलया है: लेणे ला देणा धन्य है।” 36 ऐ बोली करी उनी घुटणे टेके कने उना सबना सोगी प्रार्थना किती। 37 तालू सै सारे बडे रोए कने पौलुसे दे गले लगी करी उसयो चुमणा लगगे। 38 सै खासकर इसा गल्ला ताई दुखी थे, जडी उनी बोली थी, तुसां मिंजो फिरी दुबारा नी दिखणा। कने उना उसयो जाजे दीकर पूजाया।

21 असां जालू उना ला विदा लेईकरी समुंद्री यात्रा शुरू किती, तां असां सीधे रस्ते ला कोस टापु च आऐ, कने दुरे रोजे रूदुस टापु च, कने ओथु ला पतरा शेहरे च पुज्जी गे; 2 कने पतरा शेहरे ला इक जाज सांझो फीनीके प्रदेश जो जांदा होया मिल्ला, कने असां उदे पर चढी करी यात्रा शुरू करी दिती। 3 असां खबे पासे साइप्रस टापु दिखया कने असां ओथु ला निकली करी सीरिया प्रदेशे दिया सीमा पासे अग्रे चली गे कने सूर शेहरे च जाई पुज्जे क्योकि ओथु जाजे ला समान उतारणा था। 4 कने ओथु असां कुछ चेलयां जो तोपया कने असां ओथु उना सोगी सत रोजां दीकर रे। उना पबित्र आत्मा दे जरिये हर बार पौलुसे ला यरूशलेम शेहरे जो नी जाणे दी विनती करदे रे। 5 सत रोज बाद जालू ओथु ला साडे जाणे दा बकत आया, कने सै सारे जनानिया कने बचयां समेत सांझो शेहरे ला बारे दीकर पुजाया कने असां समुंद्रे बखे घुटणे टेकी करी प्रार्थना किती। 6 तालू इकी दुज्जे ला विदा होईकरी, असां तां जाजे पर चढी गे, कने सै अपने-अपने घरे जो बापस चली गे। 7 जालू असां सूर शेहरे ला शुरू कितियो यात्रा पुरी करिरी असां पतलिमथिस शेहरे च पुज्जे, कने मसीही भाईयां जो नमस्ते करिके उना सोगी इक रोज रे। 8 दुरे रोजे असां ओथु ला चली करी कैसरिया शेहरे च आये, कने फिलिप्पुस शुभसमाचार प्रचार करणे बाले दे घरे जाई करी रे, सै उना सतां मर्दां चे इक था जिना जो यरूशलेम शेहरे च प्रेरितां विधवां दी देखभाल करणे तांई चुणयां था। 9 उदियां चार कुआरियां कुडियां थियां; जडियां भविष्यवाणी करदियां थियां। 10 जालू सांझो कैसरिया शेहरे च रेंदे होए मते रोज होई गे, तां ओथु अगबुसे नाए दा इक परमेश्वर दा संदेश देणे वाला यहूदिया प्रदेशे ला आया। 11 उनी साडे बाल आई करी पौलुसे दा कमरबंद लिया, कने उसयो अपने हथा पैरां च बन्नी करी बोलया, “कि पबित्र आत्मा ऐ बोलदी

है, कि जिस माणुए दा ऐ कमरबन्द है, उसयो यरूशलेम शेहरे च यहूदियां इयां ही बनणा है कने होर जातियां दे हथे देई देणा है।” 12 असां जालू ऐ गल्लां सुणियां, तालू असां कने ओथु दे लोकां पौलुसे ला बिनती किती कि, यरूशलेम शेहरे जो मत जांदा। 13 पर पौलुसे जबाब दिता, तुसां क्या करा दे न, रोई-रोई करी मेरा मन तोडा दे न? मैं तां प्रभु यीशुए दे नाए तांई यरूशलेम शेहरे च सिर्फ बनणे तांई ही नी बल्कि मरणे तांई भी तैयार है। 14 जालू सै नी मनया तां असां ऐ बोली करी चुप होई गे, “प्रभुऐ दी इच्छा पुरी हो।” 15 थोडे रोजां बाद असां तैयारी किती कने यरूशलेम शेहरे जो चली पे। 16 कैसरिया शेहरे दे भी कुछ चले साडे सोगी चली पे, कने सै सांझो मनासोन नाए दे बंदे दे घरे लेई गे, जडा यरूशलेम शेहरे च रेंदा था कने साइप्रस टापु दा था, सै सबना ला पेहले दे चेलयां चे इक था। 17 असां जालू यरूशलेम शेहरे च पुज्जे, तां भरोसा करणे बाले भाईयां साडा बडिया खुशिया ला स्वागत कित। 18 दुरे रोजे पौलुस सांझो सोगी याकुबे दे घरे गिया, जिथु सारे अगुवे गिठे होयो थे। 19 तालू पौलुसे उना जो नमस्कार कित, कने जडे-जडे कम्म परमेश्वरे पौलुसे दिया सेवकाईया दे जरिये होरनी जातियां च कितयो थे, सै सारे कम्म इक-इक करिरी उना जो दस्से। 20 अगुवां ऐ सुणीकरी परमेश्वरे दी महिमा किती, फिरी उना बोलया, हे भाई पौलुस, तू जाणदा है न, कि यहूदियां चे केई हजारों लोकां भरोसा कित है; कने सै सारे मूसा दिया व्यवस्था दा पालन बडिया बफादारिया ला करदे न। 21 कने कुछ लोकां उना यहूदियां जो दसया जिना दा तरे बारे च ऐ विश्वास है, कि तू होर जातियां च रेणेबाले यहूदियां जो मूसा दी व्यवस्था जो छडी देणे तांई सिखांदा है, कने बोलदा है, कि ना बचयां दा खतना करा कने ना ही इना यहूदी रिती-रिवाजां पर चला। 22 तां फिरी क्या करणा चाईदा? उना जो पक्का ऐ पता लगगी जाणा है कि तू ऐथु आया है। 23 इस तांई जडा असां तिजो बोलदे न, सै कर। साडे ऐथु चार माणु न, उना जो सै मन्नत पूरी करणी है जडी उना परमेश्वरे दे सामणे मनियो है। 24 उना जो लेईकरी उना सोगी अपने आपे जो शूद्र करणे दिया बिधिया जो पूरा कर; कने उना तांई खर्चा दे, ताकि सै सिर मुंडवाई सकन। तालू सारयां जो पता लगणा, कि जडियां गल्लां उना तरे बारे च सुणियां न, सै गल्लां सच नी न, कने तू अपु भी मूसा दिया व्यवस्था जो मन्नी करी उदे अनुसार चलदा है। 25 पर उना होर जातियां दे बारे च जिना भरोसा कितया है, असां ऐ फेसला करिरी चिठ्ठी लिखी भेजी है, की सै उस खाणे जो ना खान जिसयो लोकां मूर्तियां जो चढाया हो, कने व्यभिचार मत करदे कने गल्लां घोटी करी मारयो जानवरां दा मांस कने खून मत खांदे। 26 दुरे रोजे पौलुसे उना माणुआं सोगी जाई करी अपु जो शूद्र कित, तां सै मंदरे जो गे, कने ऐ घोषणा किती, कि शूद्र दे रोज काल मुकणे न, मतलब की उना चे हर इकी तांई भेंट चढाणे दे दिन काल पुरे होंगे। 27 जालू सै सत रोज पुरे होणे बाले थे, तां आसिया प्रदेशे दे कुछ यहूदियां पौलुसे जो मंदरे च दिखीकरी सारयां जो भडकाया, फिरी पौलुसे जो पकडी लिया कने चिल्लाणा लगगे, 28 “हे इस्राएलियां, सहायता करा; ऐ सै ही माणु है, जडा हर जगा साडे यहूदी लोकां दे,

कने मूसा दिया व्यवस्था दे कने इसा जगा दे खिलाफ च सारे लोकां जो सिखांदा है, ऐथु दीकर की होर जाति दे लोकां जो भी इस मंदरे च आंगी करी इस पबित्र जगा जो अपबित्र करी दिता है।” 29 उना ऐसा बोलया क्योकि इसला पेहले इफिसस शेहरे दे वासी त्रुफिमस जो पौलस सोगी शेहरे च दिखया था, कने समझादे थे कि पौलस जो उसयो मंदरे च लेई आया है। 30 तालू शेहरे च हल्ला पेई गया, कने लोक दोडी करी गिठे होऐ, कने पौलसे जो पकडी करी मंदरे बार घसीटी लेई आये, कने झट दरबाजे बंद करी दिते। 31 जालू सै पौलसे जो मारी देंणे दी कोशिश करा दे थे, तां रोमी सिपाईयां दे सरदारे जो खबर पुज्जी कि यरूशलेम शेहरे च मते सारे लोक हंगामा करा दे न। 32 तालू सै झट सिपाईयां कने सुबेदारां जो लेईकरी उना बाल आया; कने लोकां दिया भीडा सरदारे जो कने सिपाइयां जो दिखीकरी पौलसे जो मारणा बंद करी दिता। 33 तालू पलटना दे सरदारे पौलसे बाल आई करी उसयो पकडी लिया; कने दो सुंगला ला बनणे दा हुकम देईकरी पृछणा लग्गा, “ऐ कुण है, कने इनी क्या कितया है?” 34 पर भिडा चे कोई कुछ बोलणा लग्गा कने कोई कुछ, कने जालू रोले दिया बजा ला सचचाई पता नी लग्गी, तां उसयो किले च लेई जांणे दा हुकम दिता। 35 जालू सै पोडियां पर पुज्जा, तां इयां होया कि भिडा दिया बजा ला सिपाईयां जो उसयो चुकी करी लेई जांणा पिया। 36 क्योकि लोकां दी भीड ऐ बोली करी पिच्छे पियो थी, इसयो मारी दिया। 37 जालू सै पौलसे जो किले च अंदर लेई जाणा लगयो थे, तां उनी पलटना दे सरदारे जो बोलया, क्या मिंजो इजाजत है कि मैं तिजो कुछ बोले? उनी बोलया, “क्या तू यूनानी भाषा जाणदा है? 38 क्या तू से मिश्र देशे दा माणु नी है, जिनी कुछ बकत पेहले सरकारा दे खिलाफ बिरोध कितया था कने चार जार आतंकियो जो सुनसान जगा च लेई गया था?” 39 पौलसे बोलया, “नी, मैं तां इक यहदी है, कने किलिकिया प्रदेशे दे खास तरसूस शेहरे दा रेणे बाला है। कने मैं तिजो ला बिनती करदा है, कि मिंजो लोकां ने गल्लां करणा दे।” 40 जालू उनी हुकम दिता, तां पौलसे पथरे दिया पोडियां पर खडोई करी लोकां जो चुप रेणे तांई हथे ला इशारा कित्ता। तालू सै चुप होई गे, तां सै इब्रानी भाषा बोलणा लग्गा।

22 “हे भाईयो कने बजुर्गी सुणा, जडे इल्जाम मिंजो पर लगयो न, उदे बचाव च मैं कुछ तुहाडे सामणे बोलणा है।” 2 सै ऐ सुणीकरी कि सै सांझो ला इब्रानी भाषा च बोला दा है, सै होर भी चुप होई गे। तालू उनी बोलया: 3 मैं यहदी है, मेरा जन्म किलिकिया प्रदेशे दे तरसूस शेहरे च होया है; पर इस शेहरे च गमलीएल दे पैरां बाल बेईकरी शिक्षा लियो है, कने पूर्वजां दी व्यवस्था भी मिंजो ठीक रीतिया ला सिखाई; कने हुण जदिया उत्साह परमेश्वरे तांई तुहाडा है, तदिया ही मेरा भी था। 4 मैं प्रभु यीशु मसीह दे रस्ते जो खत्म करणे तांई इदे चेलयां जो बड़ा सताया। मैं मर्द कने जनानिया दोनो जो बन्नी करी, जेला च पाई करी, उना जो मरवाई भी दिता। 5 खुद महायाजक कने अगुवां दी सारी सभा भी गबाह न कि, मैं उना ला यहदी भाईयां तांई चिठियां लेईकरी दमिशक शेहरे जो चलया था,

ताकि जडे ओथु न उना जो सजा देंणे तांई बन्नी करी यरूशलेम शेहरे जो लेई ओऐ। 6 जालू मैं चलदे-चलदे दमिशक शेहरे बखे पुज्जा, तां इयां होया कि लगबग दोपर दे बकते अचानक अम्बरे ला मेरे चारो पासे इक लौ चमकी। 7 कने मैं जमिना पर पेई गया: कने ऐ अबाज सुणोई, हे शाऊल, हे शाऊल, तू मिंजो कजो तंग करदा है? 8 मैं जबाब दिता, हे प्रभु जी, तू कुण है? उनी मिंजो बोलया, मैं नासरत शेहरे दा रेणे बाला यीशु है, जिसयो तू तंग करदा है। 9 कने मेरे साथियां लौ चमकदी तां दिखी, कने जडा मिंजो सोगी बोला था उना उदी अबाज सुणी, पर सै समझी नी सके की अबाजा मिंजो ला क्या बोलया। 10 तालू मैं बोलया, प्रभु जी मैं क्या करे? प्रभुऐ मिंजो ने बोलया, उठी करी दमिशक शेहरे जो जा कने जडा कुछ तू करणा है सै तिजो ओथु दर्सी देणा है। 11 जालू उसा लौई दिया चमका दिया बजा ला मिंजो कुछ भी मिल्ला दा नी था, तां मैं अपने साथियां दा हथ पकडी करी दमिशके शेहरे जो आया। 12 तालू हनन्याह नाऐ दा व्यवस्था दे अनुसार इक धर्मी माणु, जडा ओथु रेणेबाले सारे यहदियां च इज्जतदार था, सै मेरे बाल आया, 13 कने मेरे बखे खडोई गया कने मिंजो ला बोलया, हे भाई शाऊल, दुबारा दिखणा लग्गी पो। तालू ही मेरियां हखी खुली गियां कने मिंजो दुबारा मिलणा लग्गी पिया। 14 तालू उनी बोलया, साडे बाप दादयां दे परमेश्वरे तिजो इस तांई चुणया है ताकि तू उदिया इच्छा जो जांणे, कने उस धर्मी जन जो दिखे, कने उदी अबाज सुणे। 15 क्योकि तू उदिया तरफा ला सारे माणुआं सामणे इना गल्लां दा गबाह होणा, जडियां तू दिखियां कने सुणियां न। 16 हुण कजो देर करा दा है? उठ, कने बपतिस्मा ले, कने प्रभु दा ना लेईकरी अपने पापां जो धोई ले। 17 मैं जालू फिरी यरूशलेम शेहरे च आई करी मंदरे च प्राथना करा दा था, तां मैं बेसुध होई गया। 18 कने मैं प्रभु जो दिखया कने उसयो ऐ बोलदे सुणया, “झट पट करिरी यरूशलेम शेहरे ला निकली जा; क्योकि जडे लोक ऐथु न उना मेरे बारे च तेरी गबाई नी मनणी है।” 19 मैं बोलया, प्रभु जी मिंजो समझ नी आया की यरूशलेम शेहरे च यहदियां मिजो पर भरोसा कनी करणा क्योकि सै तां अपु ही जाणदे न की मैं तिजो पर भरोसा करणे बालयां जो जेला च पांदा कने मारदे-मारदे यहदी जंज घरां ला लेई जांदा था। 20 कने जालू तेरे गबाह स्तिफनुसे जो मारा दे थे, तालू मैं भी ओथु खडोतया था, कने उसा गल्ला ला राजी था, कने उसयो मारणे बालयां दे कपडयां दी रखवाली करा दा था। 21 कने प्रभुये मिंजो बोलया, तू चलती जा: क्योकि मैं तिजो होरनी जातियां बाल दूर-दूर भेजणा है। 22 ऐथु दीकर तां लोक पौलसे दिया गल्ला जो धयाने ला सुणदे रे पर, फिरी सै जोरे ला बोलणा लग्गे, “ऐसे माणुऐ जो मारी दिया, इदा जिन्दा रेंणा ठीक नी।” उना ऐसा इस तांई बोलया क्योकि सै नी मंदे थे की परमेश्वर यहदियां जो छडी करी कुसी होरसी जातिया जो बचाई सकदा है। 23 जालू सै चिलांदे कने अपने कपडे फेंकदे कने अपना गुप्सा दसणे तांई होआ च धुड उडादे थे; 24 तां पलटना दे सूबेदारे बोलया, “इसयो किले च लेई जा; कने कोडे मारी करी परखा, ताकि मैं भी जांणे कि लोक कुसा बजा ला इदे खिलाफ ऐसा बोला दे न।” 25 जालू सै उसयो कोडे

मारणे तांई बन्ना दे थे तां पौलुसे उस सुबेदारो ने बोलया जडा उदे बखे खडोतया था, “क्या ऐ ठीक कि तुसां इक रोमी माणुऐ जो, बिना दोष साबित होयो कोडे मारन?” 26 सुबेदारो ऐ सुणीकरी सरदारो बाल जाई करी बोलया, “तू ऐ क्या करा दा है? ऐ तां रोमी माणु है।” 27 तालू सरदारो उदे बाल आई करी बोलया, मिंजो दस, क्या तू रोमी है? “उनी बोलया, हॉ।” 28 ऐ सुणीकरी सरदारो बोलया, मैं रोमी होणे दा पद मते पेसे देईकरी लिया है। पौलुसे बोलया, “मैं तां जमदा ही रोमी है।” 29 तालू जडे लोक उसयो परखा दे थे, सै झट उदे बखे ला हटी गे; कने सरदार भी ऐ जाणी करी कि ऐ रोमी है, कने मैं उसयो बनया है, सै डरी गे। 30 सुबेदार ऐ जाणना चांदा था कि यहूदी लोक उदे पर कजो दोष ला दे न, इस तांई उनी बड़े याजकां कने सारिया महासभा जो गिठे होणे दा हुकम दिता। उना जो रिहा किता, पौलुसे जो थले आंणी करी उना दे सामणे खडा किता।

23 पौलुसे महासभा पासे ध्यान लाईकरी दिखया, कने बोलया, “हे भाईयो, मैं अजे दीकर परमेश्वरे तांई बिलकुल सच्ची अंतरात्मा ला जिन्दगी कटी है।” 2 पौलुसे जडा बोलया सै सुणीकरी हनन्याह महायाजके, उना जो जडे उदे बखे खडोतयो थे, पौलुस दे मुऐ पर थपड मारणे दा हुकम दिता। 3 तालू पौलुसे उना जो बोलया, “हे पाखंडी, परमेश्वरे तिजो मारणा। तू मूसा दी व्यवस्था दे अनुसार मेरा न्याय करणे जो बैठया है, कने फिरी भी मिंजो मारणे दा हुकम देईकरी व्यवस्था दे खिलाफ जा दा है?” 4 जडे बखे खडोतयो थे, उना बोलया, “क्या तू परमेश्वरे दे महायाजक दी बेईजती करदा है?” 5 पौलुसे बोलया, “हे भाईयो, मैं नी जाणदा था, कि ऐ महायाजक है, क्योंकि पबित्र शास्त्र च लिखया है, अपने लोकां दे प्रधाने जो बुरा मत बोल।” 6 तालू पौलुसे ऐ जाणी करी, कि कुछ सदकी लोक न कने कुछ फरीसी लोक न, महासभा च पुकारी करी बोलया, “हे भाईयो, मैं फरीसी कने फरीसियां दे बंशे दा है, कने मेरा मुकदमा इस तांई होआ दा है क्योंकि मिंजो आस है की परमेश्वरे मरयो लोकां जो दुबारा जिन्दा करणा।” 7 जालू उनी ऐ गल्ल बोलतीं तां फरीसियां कने सदकियां च होणा लग्गी, कने सभा च फुट पेई गेई। 8 क्योंकि सदकी लोक ऐ भरोसा करदे न की लोकां मरणे बाद जिन्दा नी होंगा, ना कोई स्वर्गदूत न कने ना आत्मा है; पर फरीसी लोक इना सबना पर भरोसा करदे न। 9 तालू बडा रोला पिया कने कुछ व्यवस्था जो सिखाणे बाले जडे फरीसी थे, उठी करी ऐ बोली करी बेहस करणा लग्गे, “सांझो इस माणुऐ च कोई बुराई नी मिली है, कने होई सकदा है की इक आत्मा या स्वर्गदूते उसला गल्ल किती हो।” 10 जालू लडाई बडी बदी गेई, तां पलटना दे सरदारो इसी डरे ला कि सै पौलुसे दे टोटे-टोटे नी करी दें, इस तांई उनी पलटना जो हुकम दिता की सभा दे लोकां बीचे ला पौलुसे जो बचाई करी किले च लेई जा। 11 उसा ही राती प्रभु यीशुऐ पौलुस दे बखे आई करी बोलया, “हे पौलुस, हिम्मत रख; क्योंकि जियां तू यरूशलेम शहरे च मेरी गबाई दितियो है, तियां ही तिजो रोम शहरे च भी मेरी गबाई देंगी पोणी है।” 12 जालू भ्याग होई तां कुछ यहूदी माणुआं गिठे होईकरी सलाह किती, कने कसम खादी कि जालू दीकर असां पौलुसे जो

मारी ना देन, अगर असां खादा या पीता तां सांझो पर लानत है। 13 जिना ऐ कसम खादियो थी, सै चालियां जणयां ला जादा थे। 14 उना बड़े याजकां कने यहूदी अगुवां बाल आई करी बोलया, “असां ऐ कसम खादियो है कि जालू दीकर असां पौलुसे जो मारी नी दें, तालू दीकर असां अगर कुछ भी चखन तां सांझो पर लानत है। 15 इस तांई हुण तुसां कने महासभा मिलिकरी पलटना दे सरदारो जो समझा कि पौलुसे जो तुहाडे बाल लेई ओऐ, भाना मारा कि तुसां उदे बारे च हार भी ठीक तरीके ला जांच करणा चांदे न, कने असां उदे पूजणे ला पेहले ही उसयो रस्ते च मारणे तांई तैयार रेंगे।” 16 पर पौलुसे दे भांजे सुणया कि यहूदी लोक उसयो मारणे दी योजना बणा दे न, तां उनी किले च जाई करी पौलुसे जो खबर दिती। 17 पौलुसे सुबेदारां चे इकी जो सदीकरी बोलया, “इसी जवाने जो पलटना दे सरदारो बाल लेई जा, ऐ उसला कुछ बोलणा चांदा है।” 18 इस तांई सुबेदार पौलुसे दे भांजे जो पलटना दे सरदारो बाल लेईजाई करी बोलया, “केदी पौलुसे मिंजो सदीकरी बिनती किती, कि ऐ जवान पलटना दे सरदारो ला कुछ बोलणा चांदा है, इसयो उस बाल लेई जा।” 19 पलटना दे सरदारो उसयो हथ पकडी करी, कने उसयो लग लेईजाई करी पुछया, “तू मिंजो ला क्या बोलणा चांदा है?” 20 उनी बोलया, “यहूदियां गिठे होईकरी योजना बणाईयो, कि तिजो ला बिनती करन कि कल पौलुसे जो महासभा च लोऐ, कने ऐसा लग्गे कि तू होर ठीक ढंगे ला उदी जांच करणा चांदा है। 21 पर कृपा करिरी तू उना दिया बिनतिया पर ध्यान मत दिन्दा, क्योंकि उना चे चालियां ला जादा माणु पौलुसे जो मारणे दिया ताका पर न, उना ऐ कसम खादियो है कि जालू दीकर असां पौलुसे जो नी मारणे, तालू दीकर ना खाणा है ना पिणा है, कने सै हुण तैयार न कने तेरे बचने दा इंतजार करा दे न।” 22 तालू पलटना दे सरदारो जवाने जो ऐ हुकम देईकरी भेजया, “कुसी ला मत बोलदा कि तू मिंजो ला ऐ गल्लां बोलियां न।” 23 तालू पलटना दे सरदारो दो सुबेदारां जो सदीकरी बोलया, “अज राती नौ बजे दीकर दो सो सपाई, सत्तर सवार, कने दो सो भाले बाले, केसरिया शेहरे जो जाणे तांई तैयार रखा।” 24 कने पौलुसे दिया सवारिया तांई घोडे जो तैयार रखा ताकि उसयो फेलिक्स राज्यपाले बाल ठीक-ठाक पुजाई सकन। 25 पलटना दे सरदारो राज्यपाले जो इक चिट्ठी भी लिखी: 26 “महाप्रतापी फेलिक्स राज्यपाले जो क्लौदियुस लुसियास दिया तरफा ला नमस्कार; 27 इस माणुऐ जो यहूदी पकडी करी मारणा चांदे थे, पर जालू मिंजो पता लग्गा कि ऐ रोमी है, तां पलटन भेजी करी छुडाई लांदा। 28 कने मैं जाणना चांदा था, कि सै इस पर कुसा बजा ला दोष लांदे न, इस तांई उसयो उना दी महासभा च लेई गया। 29 तालू मैं जाणी लिया, कि सै अपणिया यहूदी व्यवस्था दे विवादां दे बारे च उदे पर दोष लगा दे न, पर ऐ कोई ऐसा दोष नी है, जिदे तांई उसयो मौत दी सजा या जेल होऐ। 30 कने जालू मिंजो दसया कि सै इस माणुऐ जो मारणे दिया ताका पर न, तां मैं झट उसयो तेरे बाल भेजी दिता, कने उना यहूदियां जो जिना उस पर दोष लाया है हुकम दिता, कि तेरे सामणे उदे पर दोष लान।” 31 सिपाइयां जो जडा हुकम दितया था तियां ही सै पौलुसे जो लेईकरी

रातो रात अन्तिपत्रिस शेहरे च लेईं आणे। 32 दुणे रोजे उना घुडसवारां जो पौलुसे सोगी कैसरिया शेहर जाणे तांई छडी दिता कने सपाईं अपु पैदल यरूशलेम शेहरे दे किले जो मुडीं आणे। 33 उना कैसरिया शेहरे च पुज्जी करी राज्यपाले जो चिठ्ठी दिती; कने पौलुसे जो भी उदे सामणे खडा किता। 34 राज्यपाले चिठ्ठी पढी करी पुछ्या, “ऐ कुसी देशे दा है? कने जालू ऐ सब जाणी लिया कि सै किलिकिया प्रदेशे दा है।” 35 तां उसयो बोलया, “जालू सै लोक ओगे जिना तिजो पर दोष लाया है, तालू मैं तेरा मुकदमा सुणना है।” कने उनी पौलुसे जो राजा हेरोदेसे दे किले च पेहेरे च रखणे दा हुकम दिता।

24 पंजा रोजा बाद हनन्याह महायाजक केईं यहदी अगुवां कने तिरतुल्लस नाणे दे बकिले जो सोगी लेईं करी कैसरिया शेहरे च आया; उना राज्यपाले दे सामणे पौलुसे पर दोष लाणे। 2 जालू पौलुसे जो ओथु सदया, तां तिरतुल्लसे उस पर दोष लाईं करी बोलया, “हे महाप्रतापी फेलिक्स, तेरिया बजा ला असां बडिया शातिया ला रे दे न, कने तेरे इंतजाम ला इसा जातियां तांई कितणियां बुराइयां सुधरा दियां न। 3 इसयो असां हर जगा कने हर तरीके ला धन्याबाद सोगी मदे न। 4 पर मैं तेरा जादा बकत नी लेंणा चांदा है, मैं तिजो ला बिनती करदा है, कि कृपा करिरी थोडी देर साडी सुणी ले। 5 ऐ माणु संसारे दे सारे यहदियां बिच मतभेद कने मुसीबत पैदा करा दा है, कने ऐ इक ऐसे कुपंथे दे अगुवां चे भी है, जिस पंथे जो लोक नासरत दे यीशुदे दे पिच्छे चलणे बाला पंथ बोलदे न। 6 उनी मंदरे जो अशुद्ध करणा चाया, कने तालू असां उसयो बंदी बणाई लिया। असां उसयो अपणिया व्यवस्था दे अनुसार सजा देणा चांदे थे; 7 पर पलटना दे सरदारे लुसियासे आई करी जबरदस्ती उसयो साडे हथा ला छुडाई लिया, 8 कने इदे पर दोष लाणे बालयां जो तेरे बाल ओणे दा हुकम दिता। इना सारियां गल्लां जो जिना दे बारे च असां उदे पर दोष ला दे न, तू अपु ही उसयो जाँची करी सच्चाईया जो जाणी लेंणा है।” 9 यहदियां भी उदा साथ देईं करी बोलया, ऐ गल्लां बिलकुल ठीक न। 10 जालू राज्यपाले पौलुसे जो बोलणे तांई इशारा किता तां उनी जबाब दिता: “मैं ऐ जाणी करी कि तुसां इस देशे दा बडे सालां ला न्याय करा दा है, इस तांई मैं खुशिया ला अपणा जबाब दिन्दा है।” 11 तू अपु ही पता लगाई सकदा है, कि जालू ला मैं यरूशलेम शेहरे च अराधना करणा मन्दरे च आया है, मिंजो बारा रोजां ला उपर नी होऐ न। 12 उना मिंजो ना मंदरे च, न यहदी जंज घरां च, कने ना शेहरे च कुसी ने बेहस करदे या ना भिडा जो गिठा करदे दिखया; 13 कने ना ही सै उना गल्लां जो, जिना दे बारे च सै हुण मिंजो पर दोष ला दे न, तेरे सामणे सचच साबित करी सकदे न। 14 पर मैं तेरे सामणे ऐ मनी लेंदा है, कि मैं मसीह दे पंथे दा चेला होईं करी अपणे पूर्वजां दे परमेश्वरे दी सेवा करदा है, जिसी पंथे जो ऐ माणु यहदी झूठा पंथ बोलदे न: कने जडियां गल्लां मूसा दिया व्यवस्था च कने परमेश्वरे दा संदेश देणेबालयां दियां कताबां च लिखियां न, उना पर भरोसा करदा है। 15 कने परमेश्वरे पर आस रखदा है, जडी सै अपु भी रखदे न, कि परमेश्वरे धर्मी कने अधर्मी दोनो जो मरयां चे जिन्दा करी देणा। 16 इस तांई मैं अपु भी परमेश्वरे कने लोकां सामणे अपणी

अंतरात्मा जो निर्दोष रखणे दी पूरी कोशिश करदा है। 17 मतयां सालां बाद मैं अपणे गरीब लोकां जो दान कने परमेश्वरे जो बलिदान चडाणे तांई यरूशलेम शेहरे च आया था। 18 उसी बकत उना मिंजो मंदरे च शुद्ध होणे दे रिबाजां जो पूरा करदे दिखया। ओथु ना तां कोई भिड थी कने ना ही कोई हल्ला था। 19 पर ओथु आसिया प्रदेशे दे कुछ यहदी लोक थे, जिना हंगामा किता। अगर मैं कुछ गलत कितया था, तां उना जो मिंजो पर दोष लाणे तांई ऐथू तेरे सामणे होणा चाईंदा था। 20 या इना माणुआं जो अपु ही बोलणा चाईंदा, कि जालू मैं महासभा दे सामणे खडोतया था, तां उना जो मिंजो पर कुण दिया दोष मिल्ला? 21 सिर्फ इक दोष है जडा सै मेरे खिलाफ लाईं सकदे न, सै ऐ है जालू मैं अंगणे च जोरे ला बोलया था, “पर ऐ मुकदमा मेरे पर इस तांई चलया है क्योकि मैं भरोसा करदा है की परमेश्वरे उना लोकां जो जडे मरी गियो न दुबारा जिन्दा करणा।” 22 राज्यपाल फेलिक्से जडा इसी पंथे दियां गल्लां जो अच्छे ला जाणदा था, उनी सुणवाई जो ऐ बोली करी स्थगित करी दिता, “कि जालू पलटना दा सरदार लुसियास ओगा, तां तुहाडिया गल्लां दा न्याय करगा।” 23 कने सूबेदार जो हुकम दिता, कि पौलुसे जो थोडी छुट देईं करी उसयो पेहेरे च रखा, पर उदे दोस्तां चे कुसयो भी इदी सेवा करणे ला मत रोकदे। 24 थोडे रोजां बाद राज्यपाल फेलिक्स अपणी घरे बाली दूसिल्ला जो, जडी यहदी थी, सोगी लेईं करी पौलुसे ला मिलणा आया कने पौलुसे जो सदया, कने उस भरोसे दे बारे च उसला सुणया जडा यीशु मसीह पर है। 25 जालू पौलुसे धार्मिकता कने अपणी इच्छां पर काबू रखणा कने परमेश्वरे जरिये होणे बाले न्याय दे बारे च दसणा शुरु किता, तां फेलिक्से डरी करी जबाब दिता, “इस बकत तां तू जा; जालू मेरे बाल बकत होणा तां मैं तिजो दुवारा सदी लेंगा।” 26 हालांकि फेलिक्स उना गल्लां दे बारे च डरदा था जडियां पौलुसे बोलियां थियां, फिरी भी सै पौलुसे जो सददा था, कने उस सोगी गल्लां करदा था क्योकि सै सोचदा था की सै जेला ला छुटणे तांई उसयो कुछ पैसे दिंगा। 27 पर जालू दो साल बीती गे, तां पुरकियुस फेस्तुस, फेलिक्से दिया जगा पर राज्यपाल बणी गिया, कने फेलिक्स यहदियां जो खुश करणे दिया इच्छा ला पौलुसे जो केदी ही छडी गिया।

25 उना रोजां बाद राज्यपाल फेस्तुस दे स्पे च यहदिया प्रदेशे च आया। फिरी सै कैसरिया शेहरे ला यरूशलेम शेहरे जो गिया। 2 तालू बडे याजकां, कने यहदियां दे अगुवां, उदे सामणे पौलुसे पर दोष लाणे; 3 कने उसला बिनती किती की उना दा समर्थन करे कि सै पौलुस जो यरूशलेम शेहरे च सदे, क्योकि उना उसयो रस्ते च ही मारी देंगे थी योजना बणाईयो थी। 4 फेस्तुसे जबाब दिता, “पौलुस कैसरिया शेहरे च केदी है, कने मैं अपु जल्दी ओथु जाणा है।” 5 फिरी बोलया, “तुसां ने जडे बडे माणु न, सै मेरे सोगी चलन, कने अगर उनी माणुऐ कुछ गलत कम्म कितया है, तां उस पर दोष लगान।” 6 यरूशलेम शेहरे च कोई अठ स रोज रेईं करी सै कैसरिया शेहरे जो गिया: कने दुणे रोजे न्याय-आसने पर बेईं करी पौलुसे जो लोणे दा हुकम दिता। 7 जालू सै आया, तां यहदी अगुवे

जड़े यरूशलेम शेहरे ला आयो थे, उना अखे बखे खडोई करी उदे पर बड़े भरी दोष लाए, पर उना बाल इना दोषां जो सच्च साबित करणे ताई कोई सबूत नी था। 8 पर पौलसे जबाब दिता, “मैं ना तां यहूदियां दिया व्यवस्था दे कने ना मंदरे दे, कने ना महाराजा कैसरे दे खिलाफ कोई अपराध कितया है।” 9 तालू फेस्तसे यहूदी अगुवां जो खुश करणे दिया इच्छा ला पौलसे जो पुच्छया, “क्या तू चांदा है की तरे इना दोषां दी सुणवाई मेरे सामणे यरूशलेम शेहरे च हो?” 10 पौलसे बोलया, “मैं महाराजा कैसरे दे न्याय-आसने सामणे खडोतया है: ठीक ऐई है की मेरे मुकदमे दी सुणवाई ऐथू ही होणा चाईदी। मैं यहूदी लोकां दे खिलाफ कोई भी अपराध नी कितया है, कने इसा गल्ला जो तू भी अच्छे ला जाणदा है। 11 अगर अपराधी है कने मौत दी सजा देणे जोगा कोई कम्म कितया है, तां मैं मरणे ला नी मकरदा है; पर जिना गल्लां दा ऐ मिंजो पर दोष ला दे न, अगर उना चे कोई गल्ल सच्च नी है, तां कुसी जो भी ऐ हक नी है की मिंजो इना दे हथे देई दे। मेरी बिनती है की मेरा न्याय महाराजा दे हथे ला होणा चाईदा।” 12 तालू फेस्तसे अपणिया सभा सोगी बिचार करिरी जबाब दिता, “तू महाराजा कैसरे दे हथे ला न्याय होंणे दी मांग कितती है, तां तिजो महाराजा कैसरे बाल ही भेजणा है।” 13 थोडे रोज होणे बाद राजा अग्रिप्पे कने उदी छोटी बेहण बिरनीके कैसरिया शेहरे च आई करी राज्यपाल फेस्तसे ला मिल्ले। 14 उना जो ओथू मते रोज रेहणे बाद फेस्तसे उना ने पौलसे दे बारे च दसया, “इक माणू है, जिसयो फेलिक्स केदी छडी गया है। 15 जालू मैं यरूशलेम शेहरे च था, तां बड़े याजकां कने यहूदी अगुवां उस पर दोष लाए कने चांटे थे, कि उसयो मौत दी सजा हुकम मिल्ले। 16 पर मैं उना जो जबाब दिता, कि रोमियां दा ऐ रिबाज नी है, कि कुसी माणूऐ जो सजा देणे ताई सौपी दें, जालू दीकर आरोपी जो अपने दोष लांणे बालयां सामणे खडे होईकरी दोषां दे जबाब देणे दा मोका ना मिल्ले। 17 इस ताई जालू यहूदी अगुवे मेरे सोगी ऐथू कैसरिया शेहरे च आये, तां मैं कोई देर नी कितती, कने दुऐ ही रोजे न्याय-आसने पर बेईकरी, पौलसे जो अदालता च लोंणे दा हुकम दिता। 18 जालू उस पर दोष लांणे बाले खडुते, तां उना ऐसिया बुरियां गल्लां दा दोष नी लाया, जदिया मैं समजदा था। 19 पर उना बिच अपने धर्म जो लेईकरी कने यीशू नाऐ दे माणूऐ दे बारे च कुछ झगडा था, जडा मरी गया था, पर पौलस दाबा करदा था की यीशू जिन्दा है। 20 क्योंकि मिंजो नी पता था की इना गल्लां दी जांच पडताल कियां करे, इस ताई मैं पौलसे जो पुच्छया, क्या तू यरूशलेम च शेहरे च मुकदमे दी सुणवाई ताई राजी है। 21 पर जालू पौलसे बिनती कितती की महाराजा कैसर ही मेरा न्याय करे, तां मैं हुकम दिता, कि जालू दीकर मैं उसयो महाराजा कैसरे बाल नी भेजे, उदी रखबाली कितती जाऐ।” 22 तालू अग्रिप्पे फेस्तसे जो बोलया, “मैं भी उस माणूऐ दी सुणना चांदा है।” उनी बोलया, “तू कल सुणी लियां।” 23 दुऐ रोजे, जालू अग्रिप्पे कने बिरनीके बडी धूम धाम ला आई करी पलटना दे सरदारां कने शेहरे दे खास-खास लोकां सोगी दरबारे च पुज्जे। तालू फेस्तसे हुकम दिता, कि सै पौलसे जो लेई ओआ। 24 फेस्तसे बोलया, “हे राजा

अग्रिप्पे, हे सारे लोक जड़े ऐथू साडे सोगी न, तुसां इसी माणूऐ जो दिखा दे न, जिदे बारे च सारे यहूदियां यरूशलेम शेहरे च कने ऐथू भी चिलाई-चिलाई करी मिंजो ला बिनती कितती, कि इदा जिन्दा रेणा ठीक नी है। 25 पर मैं जांणी लिया कि उनी ऐदिया कुछ नी कितया है कि इसयो मौत दी सजा मिल्ले; कने जालू की उनी अपु ही बिनती कितती की महाराजा धिराज मेरा न्याय करे, तां मैं उसयो भेजणे दा फेसला कितता। 26 पर मिंजो उदे बारे च कोई भी पक्की गल्ल नी लगी कि महाराजा जो लिखें, इस ताई तां मैं उसयो तुहाडे सामणे कने खास करिरी राजा अग्रिप्पे तरे सामणे लांदा है, ताकि जांचणे बाद मिंजो कुछ लिखणे जो मिल्ले। 27 क्योंकि केदिये जो भेजणा कने जड़े दोष उदे पर लायो न, उना जो नी दसणा, मिंजो ठीक नी लग्गा दा है।”

26 राजा अग्रिप्पे पौलसे जो बोलया, “तिजो अपने बारे च बोलणे दी इजाजत है।” तालू पौलसे हथ चुकी करी लोकां जो शांत कितता, तालू सै अपने बचाव च बोलणा लग्गा, 2 हे राजा अग्रिप्पे, जितणियां गल्लां दा यहूदी अगुवे मिंजो पर दोष लांटे न, अज तरे सामणे उना दा जबाब देणे ताई मैं अपने आपयो जो धन्य समझदा है, 3 क्योंकि तू यहूदियां दे सारे रिबाजां कने समस्यां जो अच्छे ला जाणदा है। इस ताई मैं बिनती करदा है, अच्छे ला मेरी सुणी ले। 4 जदिया मेरा चाल-चलण बचपन ला लेईकरी अजे दीकर अपने लोकां च कने यरूशलेम शेहरे च था, ऐ सब यहूदी जाणदे न। 5 सै मिंजो तालू ला जाणदे न जालू मैं बच्चा था, सै चांटे न तां इसा सच्चाईया दी गबाई भी देई सकदे न की, मैं फरीसियां दा इक सदस्य रिया है, जडा साडे धर्म दा सारयां ला कट्टर पंथ है। 6 अज मैं परमेख्वरे जरिये साडे पूर्वजां जो दितयो बायदे दिया आसा दिया बजा ला ऐथू दोषिऐ दे स्मे च खडोतया है। 7 उसी बायदे जो पूरा होणे दी आसा च, साडे बारा गोत्र अपने सारे मने ला दिन रात परमेख्वरे दी सेवा करदे आये न। हे राजा, ऐ उसा आशा दिया बजा ला है की परमेख्वरे सेई करणा जडा उनी बायदा कितया था की ऐ यहूदी मिंजो पर दोष ला दे न। 8 तालू पौलसे सुणने बालयां च सारे यहूदियां जो बोलया, तुसां लोक भरोसा करदे न की परमेख्वर मरयां जो दुबारा जिन्दा करी सकदा है, तां तुसां इसा गल्ला पर भरोसा करणे जो कजो मना करदे न की उनी यीशू मसीह हो मरयां च जिन्दा कितता? 9 “मेरा भी पक्का भरोसा था कि नासरत बासी यीशूऐ दे खिलाफ मिंजो मता कुछ करणा चाईदा।” 10 कने मैं यरूशलेम शेहरे च इयां ही कितया; कने बड़े याजकां ला हक पाई करी बड़े पबित्र लोकां जो जेला च पाया, कने जालू उना जो मारी दिन्दे थे, तां मैं भी उना दे खिलाफ अपनी सेहमती दिन्दा था। 11 कने मैं हर यहूदी जंज घर च उना जो सजा दिलादां कने उना जो यीशूऐ दी निंदा करणे ताई मजबूर करदा था, ऐथू दीकर गुस्से ला ऐसा पागल होई गया था कि दुज्जे शहरां च जाई करी उना जो तंग करदा था। 12 “इसी ही मकसेदे सोगी जालू मैं बड़े याजकां ला अधिकार कने हुकम दी चिठी लेईकरी दमिशके शेहरे जो चलया था; 13 तां हे राजा, रस्ते च लगभग दोपेरा दे बेले मैं अम्बरे ला सूरजे दिया चमका ला भी जादा चमकदी इक लौ अपने

कने अपने सोगी चलणे बालयां दे चारो पासे चमकदी दिखी। 14 कने जालू असां सारे धरती पर डेई पे, तां मै इब्रानी भाषा च, मिंजो ला बोलदे इक अबाज सुणी, 'हे शाऊल, हे शाऊल, तू मिंजो कजो तंग करदा है? हरबरी जालू तू मिंजो दुखी करणे दी कोशिश करदा है, तालू तू अपु जो ही दुखी करदा है।' 15 मै बोलया, प्रभु जी, तू कुण है? प्रभुए बोलया, मै यीशु है जिसयो तू तंग करदा है। 16 पर तू उठ, अपने पैरां पर खडा हो; क्योंकि मै तिजो दर्शन इस तांई दिता है ताकि तिजो उना गल्लां दा भी सेवक कने गबाह बणां, जडियां तू दिखियां न, कने उना दा भी जिना तांई मै तिजो दर्शन देणा है। 17 कने मै तिजो तेरे लोकां ला कने होर जातियां ला बचादा रेंगा, जिना बाल मै तिजो इस तांई भेजणा है। 18 कि तू उना दियां हखी खोले, ताकि सै नेहरे ला लौई पासे, कने शैताने दे अधिकारे ला परमेश्वरे पासे ओन; तां परमेश्वरे उना दे पाप माफ करणे, कने उना लोकां सोगी बिरासत मिल्ले, जडे मिंजो पर भरोसा करणे ला पबित्र होयो न। 19 इस तांई हे राजा अग्रिप्पा, मै उस स्वर्गीय दर्शन दी गल्ला दा पालन किता, 20 मै पेहले दमिश्के शेहरे दे, फिरी यरुशलैम शेहरे दे रेणे बालयां जो, फिरी सारे यहूदिया प्रदेश च कने होर जातियां जो प्रचार किता, कि पाप करणा छडी दिया कने परमेश्वरे पासे फिरी करी ऐसे कम्म करा ताकि तुहाडिया जिन्दगिया ला पता लग्ये की तुसां अपने पापां ला पश्चाताप करी लिया है। 21 इसा गल्ला दिया बजा ला यहूदी मिंजो मंदरे च पकडी करी मारी देणे दी कोशिश करा दे थे। 22 पर परमेश्वरे दिया सहायता ला मै अजे दीकर ठीक है कने छोटे बड़े सारायं दे सामणे गबाई दिन्दा है। कने मै इना गल्लां दे सिवा कुछ नी बोलणा है, सै परमेश्वरे दे संदेश देणेबालयां कने मूसा भी बोलया है कि होणे बालियां न, 23 कि मसीह जो दुख झेलणा पोणा है, कने सै मरायां चे जिन्दा होणेबाला पैला जन होणा, इस तरीके ला उनी यहूदियां च कने होर जातियां च ज्योति दा प्रचार किता।" 24 जालू पौलुस इसा रीतिया ला जबाब दे दा था, तां फेस्तुसे जोरे ला बोलया, "हे पौलुस, तू पागल है। मतिया बिधा तिजो पागल करी दितया है।" 25 पर उनी बोलया, "हे महाप्रतापी फेस्तुस, मै पागल नी है, पर सच्चाईया कने अकली दियां गल्लां बोला दा है। 26 राजा भी ऐ गल्लां जाणदा है जिदे सामणे मै बिना डरयो बोला दा है, कने मिंजो भरोसा है इना गल्लां चे कोई भी गल्ल उसला छुपियो नी है, क्योंकि जडा यीशुए सोगी होया सै गुप्त च नी होया है। 27 हे राजा अग्रिप्पे, क्या तू परमेश्वरे दा संदेश देणेबालयां दा भरोसा करदा है? हां, मै जाणदा है, कि तू भरोसा करदा है।" 28 हुण अग्रिप्पे पौलुसे जो बोलया, "कि तू क्या थोडे दे समझाणे ला मिंजो मसीही बणाणां चांदा है?" 29 पौलुसे बोलया, "मेरी परमेश्वरे ला ऐ प्राथना है कि क्या थोडे च, कने क्या मते च, सिर्फ तू ही नी, पर जितणे भी लोक मेरी सुणदे न, मेरे इना बंधणा जो छडी करी मेरे सांई मसीह पर भरोसा करणे बाले होई जान।" 30 तालू राजा अग्रिप्पा कने राज्यपाल फेस्तुस कने उदी छोटी बेहण बिरनीके कने उदे सोगी बैठयो सारे उठी होए कने चली गे; 31 जालू सै बाहर जा दे थे, सै इक दुज्जे ला बोलणा लग्ये, "इनी माणुए ऐसा कोई अपराध नी

कितया है जिदिया बजा ला उसयो मौत दी सजा या जेल हो।" 32 राजा अग्रिप्पे राज्यपाल फेस्तुसे जो बोलया, "अगर ऐ माणु महाराजा कैसरे ला अपने न्याय दी मांग नी करदा, तां छुटी सकदा था।"

27 जालू फेस्तुस राज्यपाले ऐ गल्ल पक्की किती कि असां जाजे पर इतालिया प्रदेशे जो जाणा है, तां उना पौलुसे कने कुछ होर केदियां जो भी युलियुस नाए दे महाराजा औरगुस्तुसे दिया पलटना दे इक सरदारे दे हथे सौंपी दिता। 2 अद्रमुलियुम शेहरे दे इक जाजे पर जडा आसिया प्रदेशे दे कंठे दिया जगा जो जाणे तांई तैयार था, असां उस पर चढी करी समुंद्री यात्रा शुरू किती, कने अरिस्तर्खुस नाए दा इक माणु जडा मकिदुनी प्रदेशे दे थिस्सलनीके शेहरे दा बासी था, सै साडे सोगी था। 3 दुपे रोजे असां सैदा शेहरे च पुज्जी गे कने युलियुसे पौलुसे पर कृपा करिरी उसयो दोस्तां बाल जाणा दिता ताकि उना ला जरूरी चीजां लेई ओए। 4 ओथु ला असां दुबारा यात्रा शुरू किती कने होआ दा सख उलटा होणे दिया बजा ला असां साइप्रस टापू दिया आडा च होईकरी चले; 5 कने असां समुंद्री यात्रा करदे होए किलिकिया प्रदेश कने पंफुलिया शेहरे दे तट दे बखे ला होईकरी लूसिया प्रदेशे दे मुरा शेहरे च पुज्जे। 6 ओथु सुबेदारे जो सिक्ंदरिया शेहरे दा इक जाज इतालिया प्रदेशे जो जांदा होया मिल्ला, कने उनी सांझो उस जाजे पर चढाई दिता। 7 असां बडे रोजा दीकर बले-बले यात्रा किती। साडा कनिदुस शेहरे दीकर पुजणा मुशकिल होई गिया था क्योंकि होआ उलटी दिशा च चलिया थी, इस तांई असां क्रेते टापू दिया आडा च, सलमोने दे इक छोटे दे टापू दे बखे ला होईकरी अग्ये बदे। 8 कने मुशकिला ला उदे किनारे-किनारे चली करी शुभलंगरबारी नाए दिया इक्की जगा च पुज्जे, जिथू ला लसया शेहर नेडे था। 9 जालू मते रोज बिति गे थे, कने समुंद्री यात्रा हुण बडी खतरनाख होई गियो थी क्योंकि सर्दियां दे मौसमे च होणे बाला पश्चाताप दी बलि दा त्योहारे होई गिया था, कने ऐ सेई मौसम था ऐसा मौसम शुरू होई गिया था जालू समुन्द्र च मौसम बडा तूफानी होई जांदा है, इस तांई पौलुसे उना जो चेताबनी देईकरी बोलया, 10 "हे सज्जनो, मिंजो ऐसा लग्गा दा है कि साडी ऐ यात्रा बडी नुकसानदायक है। ना सिर्फ जाजे कने समाने दा पर साडे प्राणा दा भी नुकसान होणेबाला है।" 11 पर सुबेदारं जाजे दे कपताने कने जाजे दे मालिके दियां गल्लां जो पौलुसे दियां गल्लां ला बदीकरी मनया। 12 कने ऐ शुभलंगरबारी बन्दरगाह सर्दियां कटणे तांई खरी नी थी; इस तांई मतयां दा बिचार होया कि ओथु ला अग्ये चली करी कुसी तरिके ला होई सके तां फिनिक्स बन्दरगाह च पुज्जी करी सर्दियां कटन। ऐ तां क्रेते टापू दी इक बन्दरगाह है जिसा दा दरबाजा दक्षिण-पश्चिम कने उत्तर-पश्चिम दिशा च है। 13 जालू थोडी-थोडी दक्षिण होआ चलणा लग्गी, तां उना सोचया की उना दी योजना पूरी करणे तांई ठीक बकत है, इस तांई उना लंगर चुकया कने क्रेते टापू दे किनारे ला होंदे होए अग्ये बढणा लग्ये। 14 पर अचानक क्रेते टापू दिया जमिना ला इक बडा तूफान उठया, जिसयो उतरपूर्वी तूफान बोलदे न। 15 जालू तूफान जाजे ला टकराया, तां जाज तूफाने अग्ये नी टिकी सकया, इस तांई असां उसयो होआ दे साबे जाणा दिता,

कने इयां ही होआ सोगी चलदे गो। 16 ताल् असां कौदा नाए दे इक टापूए दिया अडा च अग्रे बदे कने बडिया मुशकिला ला जाजे दी जीवनरक्षक किस्तिया जो बचाया। 17 फिरी जाजे च कम्म करणे बालयां जीवनरक्षक किस्तिया जो चुकी करी ठीक किता, कने उना मजबूती ताई पतवार जो चारो पासे ला रस्सियां ला बन्नी दिता, कने सुरतिस दिया खाडिया दिया रेटा च फसी जाणे दे डरे ला, उना लंगरे जो थोडा थले उतारी करी जाजे जो होआ दे बहाबे सोगी-सोगी रूडने ताई छडी दिता। 18 कने जाल् दुज्जे रोजे सांझो तुफाने दिया बजा ला धक्के लगे लगणा, तां सै जाजे ला माल फेकणा लगगे; 19 कने तरिऐ रोजे उना अपणे हथा ला जाजे दा साजो समान भी फेकी दिता। 20 कने जाल् मतयां रोजां दीकर ना सूरज ना तारे मिल्ले, कने तूफान लगातार चलया था, तां आखरी च साडे बचणे दी सारी आस खत्म होंदी गई। 21 जाल् उना मते रोजां दीकर कुछ नी खादा, तां पौलसे उना दे बिच खडोई करी बोलया, “हे लोको, तुहांजो मेरी सलाह मनणी चाईदी थी, क्रेते टापू ला अग्रे नी जांदे, तां ना ऐ मुसीबत ओदी कने ना ऐ घाटा होंदा। 22 पर मै हूण तुसां जो समझांदा है कि हिम्मत रखा, क्योंकि तुसां चे कुसी दे भी प्राण नी जाणे, पर सिर्फ जाजे दा नाश होणा। 23 क्योंकि परमेश्वर जिदा मै है, कने जिदी सेबा मै करदा है, उदे स्वर्गदूते पिछली राती मेरे बाल आई करी बोलया, 24 हे पौलस, डर मत। तिजो महाराजा कैसरे दे सामणे खडा होणा जरूरी है। कने परमेश्वरे सबना जो बचाई लेंणा है जडे तेरे सोगी यात्रा करा दे न। 25 इस तांई, हे भाईयो, हिम्मत रखा; क्योंकि मै परमेश्वरे पर भरोसा करदा है, कि जियां मिंजो ला बोलया है, तियां ही होणा है। 26 पर साडा जाज कुसी टापूए पर टकराई टूटी जाणा।” 27 जाल् चौदमी रात होई, कने असां अद्रिया समुद्रे च भटका दे थे, तां अधिया राती जाजे च कम्म करणे बालयां अणदाजा लाया कि असां कुसी देशे दे बखे पुजणे बाले न। 28 उना समुद्रे दी गेहराई नापी तां सेंती मीटर निकली कने थोडा अग्रे जाई करी फिरी नापया तां सताईस मीटर निकलया। 29 ताल् पथरीली जगा ला टकराणे दे डरे ला उना जाजे दे पिच्छे चार लंगर पाए, कने ब्याग होणे दी कामना करदे रे। 30 पर जाजे पर कम्म करणे बाले जाजे ला नठणा चांदे थे, कने उना जाजे दे सामणे लंगर पांणे दे बहाने जान बचाणे बाली किस्ती समुद्रे च उतारी दिती; 31 तां पौलसे सिपाईयां कने सुबेदारां जो बोलया, “अगर ऐ जाजे पर नी रे, तां तुसां भी नी बची सकदे।” 32 ताल् सिपाईयां रसियां बडी करी सै किस्ती फेकी दिती। 33 जाल् ब्याग होणे बाली थी, तां पौलसे ऐ बोली करी, सबना जो रोटी खाणे तांई बिनती किती, “अज चौदा रोज होए कि तुसां चिंता करिरी भूखे रे, कने कुछ नी खादा। 34 इस तांई तुहांजो ला बिनती करदा है कि कुछ खाई लिया, जिसला तुसां बची सकन, क्योंकि तुसां चे कूसदा भी कोई बाल बांका नी होणा।” 35 कने ऐ बोली करी उनी रोटी लेईकरी सबना दे सामणे परमेश्वरे दा धन्याबाद किता कने तोडी करी खाणा लगगा। 36 ताल् उना सारयां जो हिम्मत मिल्ली कने रोटी खाणा लगगे। 37 असां सारे मिली करी जाजे पर दो सो छिहतर जणे थे। 38 जाल् सै रोटी खाई करी रजी गो, तां कणका

जो समुद्रे च फेकी करी जाजे जो हलका करणा लगगे। 39 जाल् दिन निकलया, तां उना उसी देशे जो नी पछेणया, पर इक खाडी दिखी जिसा दा चौरस किनारा था, कने बिचार किता कि होई सके तां जाजे जो ओथु लेईकरी चलन। 40 ताल् उना लंगरा जो खोली करी समुद्रे च छडी दिता कने उसी बेले पाल दे रस्से खोली दिते, कने होआ दे सामणे अगला पाल चढाई करी किनारे पासे चले। 41 पर जाज रेते दे डेरे ला टकराई गिया कने जाजे दा अगला हिस्सा रेटे च फसी गिया, पर जाजे दा पिछला हिस्सा लेहरां दे जोरे ला टटणा लगी पिया। 42 ताल् सपाइयां दा ऐ बिचार होया कि केदियां जो मारी देन, ऐसा ना होए कि कोई तेरी करी नठी जा। 43 पर सुबेदारां पौलसे जो बचाणे तांई उना जो इस बिचार ला रोकया, कने ऐ बोलया, कि जडे तेरी सकदे न, सै पहले छाल देईकरी किनारे जो निकली जा। 44 कने बाकी कोई पटरां पर, कने कोई जाजे दियां होर चीजा दे सहारे निकली जा, कने इसा रीतिया ने सारे जमिना पर बची निकले।

28 जाल् असां सारे सलामत बची करी किनारे पर पूजी गो, ताल् सान्झो पता लगगा कि इस टापूए दा ना माल्टा था। 2 कने ओथु रेणेबाले लोक बडे दयालु थे, क्योंकि उना बरखा कने ठंड दिया बजा ला अग वाली करी साडा स्वागत किता। 3 जाल् पौलसे लकडियां बटोली करी अग्गी पर रखियां, अग्गी दे सेके ला इक सप्प निकलया कने उदे हथे ने लिपटी गिया। 4 जाल् ओथु दे रेणे बालयां उस कीडे जो उदे हथे च लटकया दिखया, तां अपु चे बोलया, “सच्ची ऐ माणु हत्यारा है, कि समुद्रे च तां बची गिया, पर साडी न्याये दी देवी नी चांदी की ऐ जिन्दा रे।” 5 ताल् उनी कीडे जो अग्गी पर झटकी दिता, कने उसयो कोई नुक्सान नी होया। 6 पर सै लोक नियाला दे कि उनी सूजी जाणा है, या इकदम थले पेई कि मरी जाणा है, पर जाल् सै मतिया देरा दीकर दिखदे रे कने दिखया कि उसयो कुछ नी होया है, तां उना लोकां दे बिचार ही बदलूई गो कने बोलाणा लगगे, “ऐ तां कोई देवता है।” 7 उसा जगा दे अखे बखे उस टापूए दे प्रधान पुबलियुसे दी जमीन थी: उनी सांझो अपणे घरे लेईजाई करी तिन रोज साडी खातिरदारी किती। 8 पुबलियुसे दे पिता जो बुखार कने पेचिश बिमारी थी। पौलसे उदे बखे जाई करी प्राथना किती, कने उदे पर हथ रखीकरी उसयो ठीक किता। 9 जाल् इयां होया, तां उस टापूए दे बाकी बिमार लोक भी पौलसे बाल आये, कने ठीक होई गो। 10 उना साडी बडी इज्जत किती, कने तिन मिहने बाद जाल् असां जाणा लगगे, तां जडा कुछ साडे तांई जरूरी था, उना जाजे पर रखी दिता। 11 असां तीन मिहने बाद सिक्ंदरिया जाजे पर यात्रा शुरू किती। ऐ जाज सदियां दिया बजा ला इस टापूए पर स्कया था, कने जाजे दे अगले हिस्से पर इक जोडी देवतयां दा इक निशाण दियुसकुरी बणया था। 12 सुरकुसा शेहरे च लंगर पाई करी असां तिन्न दिन दीकर स्करी रे। 13 असां ओथु ला अग्रे चली करी रेगियुम शेहरे च पुज्जे; इक दिन बाद दक्षिण होआ चली, तां असां दुज्जे रोजे पुतियुनी शेहरे च पुज्जे। 14 ओथु सांझो कुछ मसीह भाई मिल्ले, उना दे बोलाणे ला असां ओथु सत रोज रे; ओथु ला असां जमिनी रस्ते ला रोम शेहरे पासे चले। 15 रोम

शेहरे दे कुछ मसीही भाईयां सुणया की असां ओथु ओआ दे न, सै सांझो ला मिलणा कने सांझो रोम शेहर लेई जाणे तांई अप्पियुस शेहरे दे बजार कने तीन-सराए शेहरे दीकर आए, उना जो दिखीकरी पौलुसे परमेश्वरे दा धन्याबाद किता कने बडा खुश होया। 16 जालू असां रोम शेहरे च पुज्जे, तां पौलुसे जो इक सपाईए सोगी जडा उदी रखबाली करदा था, किले रेणे दा हुकम मिल्ली गिया। 17 तिन्ना रोजां बाद उनी यहदी अगुवां दी इक सभा सदी, कने जालू सै गिठे होए तां उना जो बोलया, “हे यहदी भाईयो, मैं अपने लोकां दे या अपने पूर्वजां दे रीती रिबाजां दे खिलाफ च कुछ नी किता, फिरी भी मिजो केदी बणाई करी यरुशलेम शेहरे ला रोमी सरकार दे हथे देई दिता। 18 उना मिजो जाँची करी छडी देणा चाया, क्योंकि मिजो च मौत दी सजा देणे जोगा कोई दोष नी था। 19 पर जालू यहदी अगुवे इदे खिलाफ च बोलणा लगगे, तां मिजो बिनती करणा पेई की महाराजा कैसर मेरा न्याय करे; इस तांई नी कि मिजो अपने लोकां पर कोई दोष लांणा था। 20 इस तांई मैं तुहांजो सदया है, ताकि तुसां ला मिल्ले कने गलबात करे; क्योंकि इस्त्राएले दिया आसा तांई जडी की मसीह है, मैं इना जंजीरा ला जकडया होया है।” 21 उना उसयो बोलया, “ना सांझो कोई तरे बारे च यहदिया प्रदेशे दे लोकां ला कोई चिठी मिली, कने ना साडे भाईयां चे कुनी भी आई करी तरे बारे च दसया, कने ना बुरा बोलया। 22 पर तेरा बचार क्या है? सेई असां सुणना चांदे न, क्योंकि असां जाणदे न, हर जगा इस मते दे बारे च लोक बिरोध करदे न।” 23 तालू यहदी लोकां जडे पौलुसे सोगी थे, उना उदे तांई इक दिन तय किता, कने मते भरी लोक उना बाल गिठे होए। कने पौलुस ब्यागा ला लेईकरी संझा दीकर मूसा दी व्यवस्था ला कने परमेश्वरे दा संदेश देणेबालयां दियां कताबां ला परमेश्वरे दे राज्य दी गबाई, कने यीशुए दे बारे च समझाई-समझाई करी दसदा रिया। 24 तालू थोडे लोकां पौलुसे दियां गल्लां पर भरोसा किता, कने केईयां भरोसा नी किता। 25 जालू सै अपु चे सेमत नी होए, तां पौलुसे दिया इसा इकी गल्ला पर चली गे, “पबित्र आत्मा यशायाह परमेश्वरे दा संदेश देणेबाले दे जरिये तुहाडे पूर्वजां ला ठीक बोलया है, 26 जाई करी इना लोकां ने बोल: कि सुणदे तां रेणा, पर समझणा नी है, दिखदे तां रेणा है, पर जाणना नी है; 27 क्योंकि इना लोकां दा मन मोटा। कने उना दे कन भारी होई गियो न, कने उना अपणियां हखी बंद कितियां न, इयां ना हो कि सै हखी ला दिखन, कने कना ला सुणन, कने मने ला समझन कने बदली जान, कने मैं उना जो ठीक करे। 28 इस तांई तुसां जाणा, कि परमेश्वरे दे इस उद्वारे दी कथा होर जातियां बाल भेजइयो है, कने उना मनणी।” 29 जालू उनी ऐ बोलया तां यहदी अपु चे बेहस करणा लगगे कने ओथु ला चली गे। 30 कने सै पुरे दो साल अपने खर्चे पर किराए दे घरे च रिया, उना सबना दा स्वागत करदा था जडे उसला मिलणा ओंदे थे, 31 कने बिना रोक टोक कने बिना डरयो होईकरी परमेश्वरे दे राज्य दा प्रचार करदा कने प्रभु यीशु मसीह दियां गल्लां सिखांदा रिया।

रोमियो

1 ऐ चिट्ठी पौलस दिया तरफा ला है, जड़ा प्रभु यीशु मसीह दा सेवक है, कने परमेस्वरे उसयो प्रेरित होणे ताई चुणया है, कने परमेस्वरे दा शुभसमाचार दा प्रचार करणे ताई नियुक्त कितया है। **2** पबित्र शास्त्र च परमेस्वरे अपने संदेश देणेबालयां दे जरिये बडे पहेले ही शुभसमाचार दा वायदा कितया था, **3** ऐ शुभसमाचार उदे अपने पुत्र, साडे प्रभु यीशु मसीह दे बारे च है, उदा जन्म इक इन्सान दे स्पे च राजा दाऊदे दे बन्शे च होया था, **4** कने पबित्र आत्मा दिया शक्तिया ला जालू सै मरयां चे जिन्दा होया तालू उनी साबित किता की सै परमेस्वरे दा पुत्र है। कने सै यीशु मसीह साडा प्रभु है। **5** मसीह दे जरिये मिंजो अनुग्रह कने प्रेरिताई परमेस्वरे ला मिली ताकि उदे नाऐ दिया बजा ने सारियां जातियां दे लोक मसीह पर भरोसा करन कने उदे हुकमा जो मनन, **6** तुसां खिवासी जडे रोम शहर च रेंदे न इना ही लोकां च शामिल न जिना जो परमेस्वरे यीशु मसीह दे होणे ताई चुणया है। **7** ऐ चिट्ठी रोम शहर च रेणेबाले उना सारयां दे ना है जिना ने परमेस्वर प्यार करदा है, कने अपने पबित्र लोक होणे ताई सदया है, साडे पिता परमेस्वरे कने प्रभु यीशु मसीह दिया तरफा ला तुसां जो अनुग्रह कने शांति मिलदी रे। **8** पहेले मै तुसां सारयां ताई यीशु मसीह दे जरिये अपने परमेस्वरे दा धन्यवाद करदा है, क्योंकि मती सारियां जगां दे लोक तुसां दे यीशु मसीह पर भरोसे दे बारे च गल्लां करा दे न। **9** परमेस्वर जिसदी सेबा मै अपने पुरे मने ने उदे पुत्रे दे बारे च शुभसमाचार दा प्रचार करदा है, सेई मेरा गबाह है, की मै अपनी प्राथना च तुसां लोकां जो लगातार याद करदा है, **10** कने हर रोज बिनती करदा है, की परमेस्वरे दी इच्छा ने कुसी ना कुसी तरीके ने आखरी च तुसां ने मिलणे दा मौका मिल्ले। **11** क्योंकि मै तुसां ने मिलने दी बडी इच्छा है, ताकि मै तुसां जो कोई आत्मिक बरदान दे जिंसने तुसां भरोसे च होर भी मजबूत होई जान, **12** मेरे बोलने दा मतलब ऐ की मै तुसां जो उत्साहित करी सके क्योंकि तुसां जाणदे न की मै कियां भरोसा किता कने तुसां मिंजो उत्साहित करी सकन क्योंकि मै जाणदा है की तुसां कियां भरोसा किता। **13** कने हे मसीह भाईयो, मै चांदा है की तुसां जाणी लिया की मै तुसां बाल बार-बार ओणा चांदा, की जियां मै होर जातियां च मसीह ताई चले बणाऐ, तियां ही तुसां च भी चले बणन, पर हले दीकर इदे च स्काबट ओदी रेई। **14** मेरी जिम्मेबारी सारयां लोकां जो शुभसमाचार सुणणे दी है, चाऐ सै यूनानी भाषा जाणने बाले होन या नी जाणने बाले होन कने चाहे समझदार होन या नासमझ होन। इस ताई मेरी रोम शेहरे च तुसां ने मिलणे दी बडी इच्छा है। **15** इस ताई मै तुसां जो भी जडे रोम शेहरे च रेंदे न, शुभसमाचार सुणणे जो भरपूर तैयार है। **16** क्योंकि मै मसीह दे शुभसमाचार च घमंड करदा है, क्योंकि शुभसमाचार दी शक्ति ने ही परमेस्वरे शुरु ला यहदियां जो बचाया कने हण सारे संसारे दे लोकां जो बचांदा है। **17** क्योंकि शुभसमाचार च परमेस्वर दी धार्मिकता दे बारे च दसया है, ऐ धार्मिकता शुरु ला लेईकरी आखरी दीकर भरोसे दे जरिये होंदी

है, जियां पबित्र शास्त्र च लिखया है, “जड़ा माणु भरोसे दे जरिये परमेस्वरे सोगी सही बणी रेंदा है, उनी ही जिन्दा रेणा।” **18** परमेस्वरे दा गुस्सा तां, जडे बुराई कने अधार्मिक कम्म करदे न उना लोकां पर स्वर्ग ला प्रकट होंदा है, जडे बुरे कम्म करणे दे जरिये लोकां जो परमेस्वरे दिया सच्चाईयां जो जाणने ला रोकदे न। **19** इस ताई की सै परमेस्वरे दे ज्ञाने दे बारे च असांनी ने समझी सकदे न, क्योंकि परमेस्वरे ऐ ज्ञान उना पर प्रगट कितया है। **20** क्योंकि परमेस्वरे दी हमेशा दी शक्ति कने चरित्र जो दिखी नी सकदे, पर संसार दी शुरुआत ला ही परमेस्वरे इना जो अपनी सृष्टिया ने दसया है, इस ताई उना बाल कोई भाना नी है की सै परमेस्वर जो नी जाणदे। (aidios g126) **21** इसा बजा ने की परमेस्वरे जो जाणने पर भी उना परमेस्वरे दे स्पे च इज्जत नी दिती, कने सोचणा लग्गे की ऐ बेकार गल्लां न, ऐथू दीकर की उना जो जियां सोचणा चाईदा तियां नी सोचया पर बेकार गल्लां सोचदे रे। **22** सै अपने आपे जो बुद्धिमान जताई करी मुख बणी गे, **23** कने हमेशा जिन्दा रेणेबाले परमेस्वरे दिया महिमा जो हमेशा जिन्दा नी रेणेबाले, कने पंछियां, कने चारां पैरां बाले, कने रेंगेणेबाले जानवरां दियां मुर्तियां सांई बदली दिता कने इना दी पूजा करणा लग्गे। **24** इसा बजा ला परमेस्वरे उना जो उना दे मने दिया इच्छा अनुसार यौन अशुद्धता ताई छडी दिता, ताकि सै अपु चे बुरे कम्म करी के अपने शरीरां दी अनादर करन। **25** क्योंकि सै परमेस्वरे दे बारे दिया सच्चाईया पर भरोसा करणे जो मना करदे न, कने सै उसयो मदे जडा चुट है। कने उना संसारे दी पूजा कने सेबा किती, कने ना की उस सृष्टिकर्ता दी सेबा किती। उस सृष्टिकर्ता दी जिनी सारे संसारे दियां चिजां जो बणया है, उदी महिमा सदा होंदी रे। आमीन। (aiōn g165) **26** इस ताई तां परमेस्वरे उना जो उना दे बुरे बिचारां दे बशे च छडी दिता, ऐथू दीकर उना दियां जनानिया मर्दा सोगी जायज रिशतयां जो दूजियां जनानियां सोगी नाजायज रिशतयां च बदली दिता। **27** तियां ही मर्द भी जनानिया सोगी जायज रिशता छडी करी अपु चे व्यभिचार करिरी बरबाद होणे लग्गे, कने मर्दा-मर्दा सोगी व्यभिचार करिके अपने ही शरीर च अपणिया इसा गलतिया दी ठीक सजा मिल्ली। **28** क्योंकि जालू उना परमेस्वरे जो अपनाणा मुखता समझया, तां परमेस्वरे भी उना जो सारे नकम्मे कम्म करणे ताई उना दे नकम्मे मने दे बशे च छडी दिता। **29** इस ताई सै हर तरा दे गलत कम्मा च, बुराई च, कने लालच, कने बैरभाव ने भईई गे; कने जलन, कने हत्या, कने लडाई झगडे, कने धोखा, कने जलन ने भईई गे, कने चुरालखोर, **30** गप्पां मारणे बाले, कने होरनी दी बेस्ती करणे बाले, लडाके, घमंडी, झूठे, डिगमार, बुरियां गल्लां करणे बाले, कने माता पिता दी गल्ल नी मनणे बाले, **31** बेअकले, धोखेबाज, दया भाव नी है कने निर्दयी होई गियो न। **32** सै तां परमेस्वरे दे नियम जो जाणदे न की ऐसा कम्म करणे बाले मौत दी सजा जोगे न, तमि ना सिर्फ अपु ऐसे कम्म करदे न कने करणे बालयां ने खुश भी होंदे न।

2 इस ताई तू सोचदा है की, तू ऐसे लोकां दी निंदा करी सकदा है, जडे दुज्जयां पर दोष लांदे न; क्योंकि जिसा गल्ला पर तू दुज्जे

पर दोष लांदा है, उसा ही गल्ला च तू अपने आपे जो दोषी बणांदा है, क्योंकि तू जडा दोष लांदा है सेई कम्म तू अपु करदा है। 2 कने असां जाणदे न की परमेस्वर ऐसे बुरे कम्म करणे बालयां जो न्याय अनुसार सजा दिन्दा है। 3 कने तू जडा ऐसे-ऐसे कम्म करणे बालयां पर दोष लांदा है, कने अपु सेई कम्म करदा है; तू क्या ऐ कुछ जाणदा है कने तू जडा बोलदा है सै सच्च है। 21 इस तांई तू समझदा है की तू परमेस्वरे दिया सजा ला बची जाणा है? 4 तू क्या परमेस्वर दी भलाई, कने सेहनशीलता, कने धीरज रूपी धने जो बेकार समझदा है? क्या ऐ नी समझदा की परमेस्वरे दी भलाई तिजो अपणे पापां जो मनणा कने गलत कम्मा जो छडणा सिखांदी है? 5 पर क्योंकि तू जिदी कने अपणे पापां दा पञ्चाताप करणे ला मना करी दिता, जिस रोज परमेस्वरे अपणा गुस्सा दसणा, उस रोज सच्चा न्याय होणा, जालू परमेस्वरे न्याय करणा तालू परमेस्वरे होर भी जादा दर्दनाक सजा देणी। 6 परमेस्वरे हर इकी जो उदे कम्मा दे अनुसार इनाम देणा है। 7 जडे खरे कम्मा जो मेहनत करदे होऐ महिमा, कने आदर, कने अमरता दीया तोपा च न, उना जो परमेस्वरे हमेशा दी जिन्दगी देणी है; (aiōnios g166) 8 पर जडे मतलबी न कने सच्च जो नी मदे न, पर बुरे कम्मा जो करदे न, उना पर परमेस्वरे दा गुस्सा कने प्रकोप पोणा है। 9 दुख कने मुशकिलां हर इक उस माणुऐ पर ओणियां न जडे बुरा करदे न, परमेस्वरे पेहले यहदियां दा न्याय करणा है कने बादे च उना दा न्याय करणा जडे यहदी नी न; 10 पर महिमा कने इज्जत कने शांती हर इकी जो मिलणी है, जडा भला करदा है, परमेस्वरे सारयां ला पेहले यहदी लोकां जो देणा फिरी उना लोकां जो देणा जडे यहदी नी न। 11 क्योंकि परमेस्वर सबना सोगी इकोदिया व्यवहार करदा है। 12 इस तांई की होर जाति दे लोकां बिना मूसा दी व्यवस्था मिलयो ही पाप किता, उना जो बिना व्यवस्था दे ही परमेस्वरे सजा देणी, कने जिना यहदी लोकां मूसा दी व्यवस्था मिलणे बाद पाप किता, उना जो परमेस्वरे मूसा दी व्यवस्था दे अनुसार सजा देणी; 13 क्योंकि परमेस्वरे दी नजरा च धर्मी लोक सै नी न, जडे मूसा दी व्यवस्था जो सुणनेवाले न, पर परमेस्वरे दी नजरा च धर्मी लोक सै न जडे व्यवस्था दा पालन करदे न। 14 फिरी जालू होर जातियां दे लोक जिना बाल मूसा दी व्यवस्था नी है, पर स्वभाबे ने ही इना कम्मा जो करदे न जडे मूसा दी व्यवस्था च लिखयो न, तां उना बाल मूसा दी व्यवस्था नी होणे पर भी से साबित करदे न की उना दे मने च ही व्यवस्था है। 15 सै दसदे न की परमेस्वरे दी व्यवस्था उना दे मना च लिखियो है, क्योंकि उना दे अंतरात्मा भी ऐई गबाई दिन्दी है की ऐ सच्च है, क्योंकि उना दे बिचार ही उना जो दसदे न की सै सही करा दे न की गलत करा दे न। 16 ऐ सच्च उस रोज सामणे आई जाणा, जालू परमेस्वरे यीशु मसीह दे जरिये जिसदा मै श्भसमाचार सुणादा है सारे माणुआं दी गुण गल्लां दा न्याय करणा है। 17 अगर तू अपने आप जो यहदी बोलदा है, कने व्यवस्था पर भरोसा रखदा है, कने घमंड करदा है की तू परमेस्वर दा खास जन है, 18 कने तिजो परमेस्वर दी इच्छा पता है, तू खरियाँ-खरियाँ गल्लां दा साथ दिन्दा है, क्योंकि तिजो इना दे बारे च मूसा दी व्यवस्था च सिखाया है; 19 कने तिजो इसा गल्ला

दा पक्का पता है की, तू अन्ने लोकां जो परमेस्वर दा रस्ता दसदा है, कने तू उना लोकां तांई लौई सांई है जडे नेहरे च रेंदे न, 20 कने बेअकलां जो सिखाणे बाला, कने बचयां दा गुरू है। तिजो पक्का पता है क्योंकि मूसा दी व्यवस्था तेरे बाल है, कने तू पूरी तरा सब कुछ जाणदा है कने तू जडा बोलदा है सै सच्च है। 21 इस तांई तू जडा बाकियां जो शिक्षा दिन्दा है, सै शिक्षा अपने आपे जो कनी दिन्दा? तू जडा चोरी नी करणे दी शिक्षा दिन्दा है, कने अपु ही चोरी करदा है। 22 तू जडा ऐ सिखांदा है, “व्यभिचार मत करा,” अपु ही तां व्यभिचार करदा है! तू जडा मूर्तियाँ ने नफरत करदा है, अपु ही तां मंदरा जो लुटदा है! 23 तू इसा गल्ला पर घमंड करदा है की तेरे बाल परमेस्वरे दी व्यवस्था है, क्या तू अपु ही व्यवस्था जो नी मन्नी करी, परमेस्वरे दा अनादर नी करदा? 24 “क्योंकि तुसां यहदियां दिया बजा ने, होर जाति दे लोक परमेस्वरे दे बारे च बुरियां गल्लां करदे न,” तुहाडे इना कम्मा दिया बजा ने पबित्र शास्त्र दियां गल्लां सच्च होइयां न। 25 मै तिजो समझांदा है, की तेरा खतना होणे दा फायदा तालू ही है अगर तू व्यवस्था जो पूरा करे, पर अगर व्यवस्था च जियां लिखया तू तियां नी करे, तां तुसां खतना होयो यहदी लोक भी होर जातियां सांई न जिना दा खतना नी होया। 26 तां इदा मतलब है की अगर कोई माणु जिदा खतना नी होया कने सै व्यवस्था दे नियमा जो मनदा है, तां परमेस्वर ऐसे माणुऐ जो भी उस माणुऐ सांई दिखदा है जिदा खतना होया है। 27 कने जडा माणु शरीरिक स्पे च बिना खतना रिया सै अगर व्यवस्था जो मनदा है, तां क्या उनी तिजो पर जिस बाल मूसा दी व्यवस्था है कने खतना होणे पर भी व्यवस्था जो नी मनदा है, दोष नी लाणा? 28 क्योंकि सच्चा यहदी सै नी जडा यहदी पैदा होया कने जिदा खतना होया। 29 क्योंकि इक सच्चा यहदी सै है जिदा मन परमेस्वरे सोगी सही है कने सच्चा खतना सिर्फ मूसा दे नियम-कानून मनणे नी है, पर मने दा बदलना है जडा की परमेस्वरे दी आत्मा ने होंदा है। ऐसे लोकां दी महिमा लोकां दे जरिये नी पर परमेस्वरे दिया तरफा ला होंदी है।

3 तां कोई बोली सकदा है की अगर खतना होई जाणे पर भी परमेस्वर यहदियां जो अपनांदा नी तां यहदी दा यहदी होणे दा क्या फायदा, कने खतने दा क्या फायदा? 2 हौं, इदा बडा फायदा है। क्योंकि सारयां ला जरूरी गल्ल ऐ है की, परमेस्वरे दा बचन यहदियों जो दितया है। 3 अगर कुछ यहदी परमेस्वर सोगी बफादार नी भी निकले तां भी क्या है? क्या इदा मतलब ऐ है की परमेस्वरे भी अपने वायदे ला मुकरी जाणा जडा उनी यहदी लोकां ने किता? 4 नी बिलकुल भी नी! परमेस्वर हमेशा सच्च बोलदा है, कने हर इक माणु झूठा होऐ, जियां पबित्र शास्त्र च परमेस्वरे दे बारे च लिखया है, “जिसने तू अपणियां गल्लां च धर्मी होऐ कने न्याय करदे बेले तेरी जय होऐ!” 5 पर अगर साडे बुरे कम्म परमेस्वरे दी धार्मिकता दसदे न, तां असां क्या बोलणा? क्या ऐ गलत है की परमेस्वर गुस्सा होई जाऐ कने सांझो सजा दे? (ऐ तां मै माणुऐ दिया रीतिया पर बोलदा है।) 6 नी बिलकुल भी नी! अगर परमेस्वर साडा यहदियां दा न्याय करणे च सही नी है, तां सै सारे संसारे दे लोकां दा न्याय कियां करणा?

7 कुछ लोक बोली सकदे न, “पर अगर मेरा झूठ परमेश्वरे दिया सच्चाईया जो उजागर करदा है कने उसयो होर जादा महिमा मिलदी है तां सै कियां मेरा न्याय करी सकदा है कने मिंजो इक पापी दे स्मे च दोषी बणाई सकदा है?” 8 असां बोली सकदे न की “चला असां बुरे कम्म करन, ताकि इदे च कोई भलाई निकले?” जियां की सांझो पर ऐई दोष लाग्गदे भी न, कने थोड़े बोलदे न की इना दा ऐई बोलणा है। पर जड़े मेरे बारे च इयुदियां गल्लां करदे न सै सजा दे काबिल न। 9 तां फिरी क्या होया? क्या असां यहदी लोक होर जातियां दे लोकां ला खरे न? नी बिलकुल भी नी! क्योंकि असां यहदियाँ कने होर जातियां दोनो पर ऐ दोष लाई बैठयो न की सै सारे लोक पाप दिया शक्तिया दे बशे च न। 10 जियां पबित्र शास्त्र च लिखया है: “परमेश्वर दे सामणे कोई भी धर्मी नी है, इक भी नी।” 11 ऐथू कोई भी माणु नी है जडा समझी सके की क्या सही है; कोई भी परमेश्वरे जो नी जाणना चांदा। 12 सारे परमेश्वरे ला दूर चली गे, कने सारे दे सारे परमेश्वरे तांई निकमे बणी गे; भलाई करणे बाला कोई भी नी, इक भी नी। 13 उना दा गला खुलियो कबरा सांई है जिसा ला बडी बद्बू ओंटी है: क्योंकि सै अपणी जिबा ने बुरा बोलदे न, कने जडा बोलदे न सै सांपे दे जेहरे सांई खतरनाख होंदा है। 14 कने उना दे भाषण श्राप कने कड़वाट ने भश्यो न। 15 सै हत्या करणे तांई फुलीले न। 16 जिथू कुथी सै जांदे न सै बुराई कने दुख जो लेई ओंदे न। 17 सै नी जाणदे न की कियां शांति ने जि न। 18 उना च परमेश्वर दा डर है ही नी। 19 असां जाणदे न, की व्यवस्था जडा कुछ भी बोलदी है सै उना ने ही बोलदी है, जड़े व्यवस्था दे अधीन न, इस तांई की लोकां जो भाना बणाने ला रोकया जाये, कने सारे संसार दे लोक परमेश्वर दे सामणे हिसाब देणेबाले होई जान। 20 क्योंकि व्यवस्था च दितयो हुकमा जो मनणे ने कोई भी माणु परमेश्वरे सामणे धर्मी नी बणदा, क्योंकि मूसा दी व्यवस्था सांझो दसदी है की असां पापी न। 21 पर हण बिना मूसा दी व्यवस्था दे हुकमा जो मनयो परमेश्वर दी धार्मिकता प्रकट होई है, ऐ मूसा की व्यवस्था कने परमेश्वरे दे संदेश देणेबालयां दियां कताबां च लिखया है की असां कियां परमेश्वरे दे जरिये धर्मी बणे, 22 मतलब की परमेश्वरे दे सामणे धर्मी तालू बणदे न जालू असां यीशु मसीह पर भरोसा करदे न। क्योंकि हण यहदी कने होर जाति च कोई फरक नी है। 23 इस तांई की सारयां पाप कितया है कने परमेश्वरे दी उस महिमा ला दूर न जडी परमेश्वर दिदा है, 24 पर परमेश्वरे दे अनुग्रह ने उनी सांझो यीशु मसीह दे जरिये पाप दी सजा ला अजाद किता जडा यीशु मसीह च है, परमेश्वर सांझो बिना कुछ कितयो धर्मी घोषित करी दिन्दा है। 25 परमेश्वरे यीशु मसीह जो सूली पर चढना दिता ताकि उदा खन लोकां दे पापां जो माफ करणे दा जरिया बणी सके, जड़े उस पर भरोसा करदे न। परमेश्वरे ऐसा ऐ दसणे तांई किता की सै धर्मी है। पूराणे बकते च परमेश्वरे सबर रखीकरी लोकां दे पापां जो अणदिखा किता, पर हण सै लोकां दे पापां ने निपटदा है, ताकि सै अपणी धार्मिकता दस्सी सके। इयां परमेश्वर साबित करदा है की सै धर्मी है कने यीशु पर भरोसा करणे बालयां जो भी धर्मी बणादा है। 27 तां हण ऐसा कुछ है

जिस पर असां घमंड करन? नी, ऐसा कुछ नी जिदे बारे च असां घमंड करी सकन। कुण दे नियमा दिया बजा ने? क्या साडे व्यवस्था दे कम्मा जो पूरा करणे ने? नी, पर यीशु मसीह पर भरोसा करणे दी दिया बजा ने। 28 इस तांई असां जाणदे न की परमेश्वरे सांझो यीशु मसीह पर भरोसा करणे ने धर्मी घोषित करी दितया है, ना कि मूसा दी व्यवस्था जो मनणे ने। 29 परमेश्वर सिर्फ यहदियां दा ही परमेश्वर नी है, पर होर जातियां दा भी परमेश्वर है। 30 क्योंकि इक ही परमेश्वर है, जिनी खतने बालयां जो भरोसे ने कने जिना दा खतना नी होया उना जो भरोसे दे जरिये धर्मी घोषित किता है। 31 तां क्या असां व्यवस्था जो भरोसे दे जरिये बेकार बणादे न? नी बिलकुल भी नी! पर असां तां व्यवस्था जो उसा दा सही महत्व देदे न।

4 तां असां यहदी होणे दे नाते अपने पूर्वज अब्राहमे दे बारे च क्या बोलन? की उसयो कुसा बजा ला धर्मी गिणया? 2 क्योंकि अगर अब्राहम भले कम्मा ने धर्मी बणदा, तां सै घमंड करी सकदा था, पर हण सै परमेश्वरे सामणे अपने भले कम्मा पर घमंड नी करी सकदा। 3 पबित्र शास्त्र क्या बोलदा है? ऐ की “अब्राहमे परमेश्वरे दे वायदे पर भरोसा किता, कने इसी ने ही परमेश्वरे अब्राहमे जो धर्मी बणाया।” 4 कम्म करणे बाले दी मजदूरी देणा दान नी है, पर ऐ हक समझया जांदा है। 5 कुण परमेश्वर दा अनुग्रह पाणे तांई कम्म नी करदा है, पर जडा पापी लोकां जो धर्मी ठहरणे बाले परमेश्वरे पर भरोसा करदा है, उदा भरोसा उदे तांई धार्मिकता गिणया जांदा है। 6 जियां पबित्र शास्त्र च दाऊद उना आशीषां दे बारे च लिखदा है, जडियां उना लोकां जो मिलदियां न जिना जो परमेश्वरे धर्मी बणाई दिता, चाहे उना धर्मी बणने तांई कोई कम्म नी किता, दाऊद भी इना जो धन्य बोलदा है; 7 “धन्य सै न, जिना दे अधर्म परमेश्वरे माफ किते, कने जिना दे पाप भुलाई दिते। 8 धन्य न सै माणु परमेश्वर जीना दे पापां दा लेखा जोखा नी रखदा।” 9 तां क्या ऐ धन्य बचन खतने बालयां तांई ही है, या जिना दा खतना नी होया है उना तांई भी है? असां ऐ बोला दे न की पबित्र शास्त्र क्या बोलदा है, अब्राहमे परमेश्वरे दे वायदे पर भरोसा किता, कने इसी ने ही परमेश्वरे अब्राहमे जो धर्मी बणाया। 10 तां सै धर्मी कालू बणया? क्या खतना होणे ला पेहले या खतना होणे बाद? अब्राहम खतना होणे ला बाद नी, पर खतना होणे ला पेहले धर्मी बणया। 11 परमेश्वरे उसयो पेहले ही अपनाई लिया था कने उसयो धर्मी घोषित करी दितया था, जबकि उदा हले भी खतना नी होया था, खतने दा निशाण उस अपनाणे दी मोहर है। इस तांई सै उना लोकां दा पूर्वज है जिना बाल भरोसा है पर उना दा खतना नी होया है। इना जो इना दे भरोसे दिया बजा ने धर्मी गिणया जांदा है। 12 कने अब्राहम उना खतना कितयो लोकां दा पूर्वज होया, जड़े ना सिर्फ खतने पर आस रखदे न, पर उना बाल सियुदा ही भरोसा है, जडा साडे पूर्वज अब्राहमे खतना करणे ला पेहले कितया था। 13 परमेश्वरे अब्राहम कने उदे बंशजा ने बायदा किता की सै पूरे संसार दे वारिस होणे न, परमेश्वरे ऐ बायदा इस तांई नी किता की अब्राहमे मूसा दे हुकमा जो मनया, पर अब्राहमे जो भरोसे दिया बजा ने परमेश्वरे धर्मी बणाया। 14 क्योंकि अगर

परमेश्वरे दा अब्राहम कने उदे बंशजा जो संसार देणे दा वायदा सिर्फ परमेश्वरे सांझो दितियो है उदे जरिये परमेश्वरे साडे मना जो प्यार ने उना ही लोकां तांई है जडे मूसा दी व्यवस्था दे हुकमा जो मंटे न, तां भरोसा बेकार है कने परमेश्वरे दे बायदे दा भी कोई मतलब नी रिया। 15 परमेश्वर तां उना लोकां जो सजा दिन्दा जडे व्यवस्था जो पूरी तरा नी मंटे, पर जिथु व्यवस्था है ही नी, ओथु व्यवस्था दा उलंघन भी नी हौंदा। 16 इस तांई लोकां जो परमेश्वरे दा बायदा उना दे भरोसे दे जरिये मिल्ला। ऐ इस तांई होया की परमेश्वरे दा वायदा अनुग्रह दे जरिये मिल्ले, तालू अब्राहम दे सारे बंशा बाल ऐ वायदा हो, ऐ सिर्फ उना तांई ही नी है जडे मूसा दी व्यवस्था पर चलदे न, पर हर इक उस माणु तांई जडा अब्राहमे सांई भरोसे सोगी जिन्दगी जिंदा है, जडा असां सारयां दा पूर्वज है। 17 जियां पबित्र शास्त्रां च लिखया है, “मै तिजो मतियां जातियां दा पूर्वज बणाया है” परमेश्वरे दे सामणे अब्राहम साडा पिता है। उना उस परमेश्वरे पर भरोसा किता, जडा मरयां जो फिरी जिन्दा करदा है कने जडियां चीजां मोजूद भी नी न, उना दा ना इयां लेंदा है, की जियां की सै चीजां मोजूद न। 18 परमेश्वरे अब्राहम जो बोलया की सै तिजो मते सारे बंशज दिगा, पर अब्राहमे सोचया की मै बडा बुद्धा होई गया है, क्योकि उस बकत सै लगबग सौ सालां दा होई गया था कने सारा भी बच्चे पैदा नी करी सकदी थी। तां ऐ पक्का ही था की अब्राहम कदी भी मतियां जातियां दा पिता नी बणी सकदा था, पर फिर भी अब्राहम अपने भरोसे च कमजोर नी होया कने सै लगातार भरोसा रखदा रिया कने उम्मीदा जो टूटणा नी दिता। 20 कने ना ही अविश्वासी होईकरी परमेश्वरे दे बायदे पर शक किता, पर भरोसे च मजबूत होईकरी परमेश्वरे दी महिमा किती, 21 कने पक्का यकीन किता की जिसा गल्ला दा परमेश्वरे वायदा कितया है, सै इस बायदे जो पूरा करणे दे भी काबिल है। 22 उदे भरोसे दिया बजा ने ही परमेश्वरे अब्राहमे जो धर्मी बणाया, 23 कने इस बचन कने भरोसे दिया बजा ने ही परमेश्वरे अब्राहमे जो धर्मी बणाया, “ना सिर्फ उदे तांई लिखया गया,” 24 बल्कि साडे तांई भी जिना जो परमेश्वरे धर्मी घोषित करणा, मतलब की अगर असां परमेश्वरे पर भरोसा करगे, जिनी साडे प्रभु यीशु मसीह जो मरयां चे जिन्दा किता, तां असां भी भरोसे दिया बजा ने धर्मी मन्ने जाणे। 25 यीशु मसीह साडे पापां तांई मरी गया, कने परमेश्वरे उसयो दुबारा जिंदा किता ताकि परमेश्वर सांझो धर्मी बणाए।

5 इस तांई असां भरोसे ने धर्मी बणे, क्योकि जडा प्रभु यीशु मसीह साडे तांई कितया है, उदे जरिये असां परमेश्वरे सोगी शांति ने रेन, 2 क्योकि साडे भरोसे दिया बजा ला यीशु मसीह सांझो इस अनुग्रह च लेईकरी आया जिथु असां हुण न, कने असां पूरी हिम्मत कने खुशिया ने परमेश्वरे दी महिमा च हिस्सेदार होणा। 3 सिर्फ ऐ ही नी, बल्कि सांझो दुखां च भी खुश रेणा चाईदा, क्योकि असां जाणदे न की दुख सेहणे ने असां होर जादा सहनशील बणदे न, 4 परमेश्वरे सांझो अपनाई लिया क्योकि असां दुखां च सेहणा सीखी लिया है, कने परमेश्वर सांझो अपनांदा है इस तांई सांझो आस है; 5 कने आस ने सांझो शर्मिंदगी नी हौंटी, क्योकि पबित्र आत्मा जडी

परमेश्वरे सांझो दितियो है उदे जरिये परमेश्वरे साडे मना जो प्यार ने भरी दितया है। 6 क्योकि जालू असां कमजोर थे, तालू मसीह परमेश्वरे दे चुणयो बकत पर बुरे लोकां तांई मरया। 7 ऐ कुसी तांई कठिन है की कोई धर्मी माणुऐ तांई अपना जान देई दे, होई भी सकदा है की भले माणुऐ तांई अपना जान देणे दी इच्छा रखे। 8 पर परमेश्वर सांझो पर अपने प्यार दी भलाई इस तरीके ने प्रगट करदा है, की जालू असां पापी ही थे तालू मसीह साडे तांई मरया। 9 जालू असां हुण धर्मी बणे क्योकि यीशु मसीह साडे तांई मरया कने साडे पापां तांई अपना खून बहाया, तां सांझो यकीन है की मसीहे सांझो परमेश्वरे दे गुस्से ला बचाणा? 10 क्योकि जालू असां परमेश्वरे दे दुश्मन ही थे तमी उदे पुत्र यीशु दे मरणे ने साडा मेल परमेश्वरे सोगी होया, इस तांई सांझो पक्का पता है की हुण साडा मेल शान्ति ने परमेश्वरे सोगी है, मसीहे सांझो बचाणा क्योकि मसीह जिन्दा है। 11 कने सिर्फ ऐ ही नी, पर हुण तां साडे प्रभु यीशु मसीह दे जरिये परमेश्वरे ने साडा मेल होई गया है, इस तांई असां परमेश्वर च खुश न। 12 इस तांई जालू इक माणुऐ दिया बजा ने पाप संसार च आया, आदम पेहला माणु है जिसयो परमेश्वरे बणाया कने आदमे पाप किता कने मरी गया, कने जिसदी बजा ने सै सारे लोक जडे इस संसार च पैदा होए, सै सारे मरे, क्योकि सब पापी बणी गे। 13 मूसा दी व्यवस्था दिते जाणे ला पेहेले ही लोकां पाप किता, पर इसयो पाप नी गिणया क्योकि तालू कोई व्यवस्था नी थी कने कोई नियम भी नी टुटया था। 14 तमी आदम ला लेईकरी मूसा दीकर सारयां लोकां पाप किता कने सारे मरी गे, जिना आदम सांई कुसी तरा दे हुकम नी मनणे ने पाप नी कितया था। आदम दे पापे इना सारयां लोकां पर प्रभाव पाया, ठीक तियां ही जियां मसीहे किता जडा उदे बाद आया। 15 पर आदम दा पाप उस बरदान सांई नी है जडा परमेश्वर सांझो अपने अनुग्रह ला दिन्दा है, क्योकि इक माणुऐ दा पाप मते लोकां तांई मौत लेईकरी आया। पर परमेश्वरे दा अनुग्रह बडा महान है, जडा उनी सांझो दितया है, उदी कीमत मतयां लोकां तांई उसला बडी जादा है। यीशु मसीह इक माणुऐ दे स्पे च अपने अनुग्रह ला जडा किता, उनी इसयो संभव किता। 16 जडा तोफा परमेश्वर सांझो दिन्दा है सै आदम दे पाप सांई नी है, क्योकि इक पाप सजा लेईकरी आया, पर चाहे असां मते सारे पाप किते न, परमेश्वरे सांझो सै तोफा दिता जिसने असां धर्मी बणदे न। 17 क्योकि जालू इक माणुऐ दे पापां दिया बजा ने मौत सारे लोकां पर आई गेई, तां जिना लोकां जो अनुग्रह कने धार्मिकता दा वरदान मता सारा मिलदा है उना जो इक माणुऐ दे, मतलब की यीशु मसीह दे जरिये हमेशा दी जिन्दगी मिलणी कने उना राज्य भी करणा। 18 इस तांई जियां इक पाप सारे माणुआं तांई सजा लेईकरी आया, तियां ही इक धार्मिकता दा कम्म भी सारयां लोकां तांई धर्मी बणने दी बजा बणी जडा जिन्दगी दिन्दा है। 19 क्योकि जियां इक माणुऐ दे हुकम नी मनणे ने मते लोक पापी बणे, तियां ही इक माणुऐ दे हुकम मनणे ने मते लोकां धर्मी बणना है। 20 मूसा दी व्यवस्था दिती गेई ताकि सारे लोक जाणी सकन की सै कितणे पापी न, पर जालू लोकां पाप पर पाप किते, तां परमेश्वरे

अपणी दया कने अनुग्रह होर भी जादा दसया, 21 जियां सारयां पाप किता कने सारे मरी गे, तियां ही साडे प्रभु यीशु मसीह दे जरिये परमेव्हे दे अनुग्रह ने उना जो धर्मी बणाणा कने उना जो हमेशा दी जिन्दगी देणी। (aiōnios g166)

6 तू सोचदा है, की अगर परमेव्हे अपने अनुग्रह ने साडे पापां जो माफ करी दितया है, पर असां ऐसा ना सोचन, चला असां पाप करदे रेन ताकि अनुग्रह होर जादा हो। 2 नी बिलकुल भी नी! अगर असां पाप तांई इक बरी मरी गे तां सांझो लगातार पाप नी करणा है। 3 असां जाणदे न की जालू असां यीशु मसीह सोगी इक होंगे तांई बपतिस्मा लिया, तां असां यीशु मसीह सोगी मरी गे। 4 जालू असां बपतिस्मा लिया तां ऐसा था जियां असां मसीह सोगी मरी गे कने उस सोगी दफनाई दिते, ताकि जियां मसीहा पिता परमेव्हर दिया महिमा दे जरिये मरयां चे जिन्दा किता, तियां ही असां भी नोई जिन्दगिया जो नोए तरीके ने जिन। 5 क्योंकि अगर असां बपतिस्मे जरिये यीशु दी मौता च उदे सोगी इक होई गे, तां पक्का है की असां उदे जिन्दे होणे पर उदे सोगी इक होई जाणा। 6 क्योंकि असां जाणदे न की साडा पराणा पापी सभाव यीशु मसीह सोगी सूली पर चढाया गया, ताकि शरीर दा पापी सभाव खत्म होई जाऐ, कने असां अग्ने जो पाप दे गुलाम नी रेन। 7 क्योंकि जालू असां मसीह सोगी मरी गे तां असां पाप दी शक्ति ला मुक्त होई गे। 8 इस तांई अगर असां मसीह सोगी मरी भी गे, तां साडा भरोसा ऐ भी है की उदे सोगी जीणा भी है, 9 क्योंकि असां जाणदे न की, मसीह मरी करी जिन्दा होया कने फिरी कदी नी मरणा है। मौत दा उस पर कोई हक नी है। 10 क्योंकि यीशु मसीहा जडा मरी गया तां पाप तांई इक ही बरी मरी गया; पर जडी जिन्दगी सै जी दा है, सै परमेव्हर दे आदर तांई जिंदा है। 11 इयां ही तुसां भी अपने आपे जो पापे दी शक्ति तांई मरया होया समझा, पर परमेव्हे तांई यीशु मसीह जो इज्जत देणे तांई जिया। 12 इस तांई पापी इच्छां जो अपणिया जिन्दगिया पर राज करणा मत दिया, ताकि तुसां अपणियां पापी इच्छा दे अनुसार कम्म ना करन। 13 कने ना अपने शरीर दे अंगा जो बुरे कम्मा तांई इस्तेमाल करा, पर अपने आपे जो मरयां चे जिन्दा समझीकरी अपने आपे जो परमेव्हे जो दिया, कने अपने शरीर दे अंगा जो धार्मिकता दे कम्मा जो पूरा करणे तांई अपणी जिन्दगी परमेव्हे जो दिया। 14 तां तुसां पर पाप दी शक्तिया राज्य नी करणा, क्योंकि तुसां मूसा दी व्यवस्था दे अधीन नी पर परमेव्हर दे अनुग्रह दे अधीन न। 15 तां क्या होया? अगर हुण असां व्यवस्था दे अधीन नी न पर परमेव्हे दे अनुग्रह दे अधीन न, तां सांझो पाप नी करणा चाईदा। 16 तुसां ऐ जाणदे न की जालू तुसां अपने आपे जो कुसी दा गुलाम बणाई दिन्दे न, तां फिरी सै माणु तुहाडा मालिक है कने तुसां जो सै करणा चाईदा जडा सै बोलदा है: तुसां पाप दे गुलाम बणी सकदे न, जडा तुसां जो मौता पासे लेई जांदा है, या तुसां परमेव्हे दे गुलाम बणी सकदे न, जडा तुसां जो धार्मिक जिंदगी जिणे च अगुवाई करदा है। 17 तुसां जडे पाप दे गुलाम थे, पर हुण तुसां उस शिक्षा जो मंदे न जडी तुसां जो मिल्ली है, इदे तांई मै परमेव्हर दा धन्यावाद करदा है, 18

परमेव्हे तुसां जो पाप दी शक्ति ला अजाद करी दिता कने तुसां परमेव्हर दे गुलाम बणी गे, की सै करणे तांई जडा सही है। 19 मै गुलामी दा ऐ उदाहरण तुसां जो इस तांई दिता ताकि तुसां असांनी ने समझी सकन की मै क्या सिखा दा है। जियां तुसां अपने शरीर दे अंगा जो बुरे कम्म कने अपवित्रता दी गुलामी तांई देई दिता, तियां ही हुण अपने शरीर दे अंगा जो भले कम्म कने पबित्रता दे गुलाम होणे तांई देई दिया। 20 जालू तुसां पाप दे गुलाम थे, तां तुसां दी भले कम्मा जो करणे दी कोई इच्छा नी थी। 21 तुसां बुरे कम्म किते, कने तुसां हुण इना कम्मा ला शर्मिदा होंदे न। तां तुसां जो क्या मिल्ला? ऐसे कम्म सिर्फ मौत लेईकरी ओंदे न। 22 पर हुण पाप ला अजाद होईकरी कने परमेव्हे दे गुलाम बणी करी तुसां दे ऐसे कम्म जिन्दगी च पबित्रता लेईकरी ओंदे न, कने उना दा अंत हमेशा दी जिन्दगी है। (aiōnios g166) 23 क्योंकि पाप दा नतीजा मौत है, पर सै बरदान जडा परमेव्हर सांझो दिन्दा है, सै हमेशा दी जिन्दगी है जडी साडे प्रभु यीशु मसीह च है। (aiōnios g166)

7 हे मसीह भाईयो, तुसां जाणदे न (मै व्यवस्था जो जाणने बालयां जो बोलदा हे) की जालू दीकर माणु जिन्दा रेंदा है, तालू दीकर ही उस व्यवस्था दा अधिकार उस पर है? 2 उदाहरण तांई, व्यवस्था दे अनुसार इक माणु दे दी घरे बाली उदी ही घरे बाली बणी की रे जालू दीकर उसा दा घरेबाला जिन्दा है, पर जालू उसा दा घरेबाला मरी गया, तां सै कुसी होरसी ने बियाह करणे तांई अजाद है, पर अगर सै अपने घरे बाले दे होंदे होए कुसी होरसी माणुए सोगी चली जाऐ, तां उसयो व्यभिचारणी बोलदे न। 4 तां हे मेरे मसीह भाईयो, जालू तुसां मसीह सोगी मरी गे, तां तुसां व्यवस्था दे अधिकार तांई भी मरी गे। हुण तुसां मसीह दे न जडा मरयां चे जिन्दा होई गया ताकि तुसां परमेव्हे तांई फलदायक जिन्दगी जी सकन। 5 क्योंकि जालू असां पापी सभाव दे बशे होंदे न, तां पापी इच्छां साडे अंदर कम्म करदियां न कने व्यवस्था इना पापी इच्छां जो जगाई दिदिया न कने मौत दा फल पैदा करणे तांई साडे शरीर च कम्म करदियां न। 6 पर असां व्यवस्था तांई मरी गे जिना सांझो गुलाम बणया था, पर हुण व्यवस्था ला अजाद होई गे न, हुण असां लिखियो व्यवस्था जो परमेव्हे दी सेबा मन्नी करी नी करदे न, पर आत्मा दियां गल्लां जो मनी करी नोए तरीके ने सेबा करी सकदे न। 7 तां असां क्या बोलणा? क्या व्यवस्था पाप है? नी बिलकुल भी नी! पर व्यवस्था ने मिंजो पता चला की पाप क्या है। मिंजो समझ आया की लालच करणा पाप है क्योंकि ऐ व्यवस्था च लिखया है, की लालच मत कर। 8 पर पापे इना हुकमा दा इस्तेमाल करिके मिंजो च हर तरह दा लालच पैदा किता, क्योंकि बिना व्यवस्था दे पाप मुर्दा है। 9 मै तां व्यवस्था बिना जाणयो जिन्दा था, पर जालू मै व्यवस्था जो जाणी लिया, तां पाप करणे दी इच्छां मेरे अंदर बदी गियां, कने मै परमेव्हे ला लग होई गया। 10 कने सेई हुकम जिना जो परमेव्हे मिंजो जिन्दगी देणे तांई दितया था, इना ही मिंजो परमेव्हर ला लग करी दिता। 11 क्योंकि पापे इना हुकमा दा इस्तेमाल करिके मिंजो धोखा देई दिता, कने उनी ही मिंजो परमेव्हे ला लग करी दिता। 12 इस

ताई व्यवस्था पाप नी पर पबित्र है, कने हुकम पबित्र, धर्मी कने सही नतीजा मौत है, पर अगर तुसां अपने मने जो पबित्र आत्मा दे बशे च है। 13 क्या व्यवस्था जडी खरी थी, मिंजो परमेव्हे ला लग होणे रखगे तां उदा इनाम जिन्दगी कने शांति है। 7 क्योंकि पापी सभाब दे दी बजा बणी? सै जडी खरी थी, मिंजो परमेव्हे ला दूर करणे दी बशे च रेणा तां परमेव्हे ने बैर रखणा है, क्योंकि पापी सभाब ना तां परमेव्हे दिया व्यवस्था दे अधीन है, कने ना ही उदिया व्यवस्था दा पालन करी सकदा है। 8 कने जडे पापी सभाब दे बशे च न, सै परमेव्हे जो खुश नी करी सकदे। 9 पर जालू परमेव्हे दी आत्मा कने हुकम दस्सी दिता की पाप बुरा है। 14 क्योंकि असां जाणदे न तुसां च बसदी है, तां तुसां पापी सभाब दे बशे च नी न, पर आत्मा दे की व्यवस्था तां आत्मिक है, पर मै शारीरिक माणु कने पाप दा बशे च न। अगर कुसी च मसीह दी आत्मा नी है तां सै मसीह दा नी गुलाम है। 15 कने जडा मै करदा है उसयो नी जाणदा, क्योंकि जडा है। 10 अगर मसीह तुसां च है, तां पाप दिया बजा ने शरीर मरया मै चांदा है सै नी करदा, बल्कि सै ही करदा है, जिसला मै नफरत होणे पर भी धार्मिकता दिया बजा ने तुहाडी आत्मा जिन्दा है। 11 करदा है। 16 कने अगर, जडा मै नी चांदा है सेई बुरे कम्म मै करदा कने अगर परमेव्हे दी आत्मा जिना यीशुए जो मरी करी जिन्दा है, तां मै मनी लेंदा है की व्यवस्था खरी है। 17 तां ऐसी हालत च किता जडी तुसां च बसियो है; तां जिनी यीशु मसीह जो मरयां चे जडा बुरे कम्म करणे बाला है सै मै नी, पर पाप है जडा मिंजो च जिन्दा किता उनी तुहाडे मरणे बाले शरिरे जो अपणिया आत्मा दे बसया है। 18 क्योंकि मै जाणदा है, की मेरे पापी सभाब च कुछ भी जरिये जिन्दा करणा। 12 तां हे मसीह भाईयो, सांझो हुकम मनणा खरा नी है, भले कम्म करणे दी इच्छा तां मिंजो च है, पर भले कम्म चाईदा, पर सै नी जडा साडा पापी सभाब चांदा है की असां करन। मिंजो ला होंदे नी। 19 क्योंकि जिस खरे कम्मे दी इच्छा मै करदा 13 क्योंकि अगर तुसां पापी सभाब दे अनुसार जिन्दगी जीगे, तां है, सै तां नी करदा, पर जिसा बुराईया दी इच्छा नी करदा, सेई करदा तुसां परमेव्हे ला लग होई जाणा, अगर तुसां पबित्र आत्मा दिया है। 20 पर अगर मै सेई करदा है जिसदी इच्छा नी करदा है, तां शक्तिया ला सै सब करणा बंद नी करगे जडा तुहाडा पापी सभाब करणा चांदा है, तां तुसां जिन्दा रेणा। 14 इस तांई की जितणे लोक परमेव्हे दिया आत्मा दे चलाणे ने चलदे न, से ही परमेव्हे दे बच्चे न। 15 क्योंकि तुसां जो गुलामी दी आत्मा नी मिलियो है, की तुसां फिरी परमेव्हे ला डरन, पर तुहांजो परमेव्हे दी आत्मा मिल्ली है जालू उनी तुसां जो अपने बच्चे होणे तांई गोद लिया, जिसने असां हे बापू, हे पिता बोली करी पुकारदे न। 16 पबित्र आत्मा अपु ही साडिया आत्मा सोगी गबाई दिन्दा है, की असां परमेव्हे दी ओलाद न। 17 कने अगर ओलाद न, तां वारिस भी न, बल्कि परमेव्हे दे वारिस कने मसीह सोगी वारिस न, अगर असां यीशु सांई दुखां जो सेहन करदे न। तां असां भी उदी महिमा च हिस्सा लेणा। 18 मिंजो पक्का यकीन है, की जिना दुख तकलिफां जो असां इस बकत सेहन करा दे न, ऐ दुख तकलीफ उस महिमा दे सामणे बडे घट न जडी सांझो परमेव्हे बादे च देणे बाला है, 19 क्योंकि सारी सृष्टि बडिया आसा सोगी उस बकत दा इंतजार करा दी है, जालू परमेव्हे प्रगट करणा है की उदे बच्चे कुण न। 20 क्योंकि परमेव्हे जडा कुछ भी संसार च बनाया, सै बेकार होई गया, इस तांई नी होया की सै चांदे थे, पर ऐ इस तांई होया की परमेव्हे ऐसा किता। पर फिर भी इक आस है। 21 की संसार उस दिने दा इंतजार करा दा है, जालू संसारे मौत कने बिनाश दी गुलामी ला अजाद होई जाणा कने परमेव्हे दे बचयां दी महिमामय आजादी च हिसेदार होंगा। 22 क्योंकि असां जाणदे न, जालू ला आदमे पाप किता, तालू ला लेइकरी हुणे दीकर जितणियां भी चीजां जो परमेव्हे बनाया, सै पीडा ने इयां चिखदियां न जियां इक जनानी बच्चे जो जमणे बकत चिखदी है। 23 कने सिर्फ संसार ही नी जडा पीडा सेहन करा दा है, पर असां भी पबित्र आत्मा जरिये होणे बाली महिमा दा स्वाद चखणा है, हालांकि असां अंदर-अंदर ही पीडा सेहन करदे न; पर

8 इसा बजा ला हुण जडे यीशु मसीह च न, उना जो सजा दा हुकम नी है। 2 क्योंकि पबित्र आत्मा तुसां जो सै जिन्दगी दिन्दा है, जडी यीशु मसीह ला ओदी है कने सै तुसां जो पाप कने मौत ला अजाद करदी है। 3 क्योंकि जडा कम्म मूसा दी व्यवस्था साडा पापी सभाब होणे दिया बजा ने नी करी सकी, सै परमेव्हे किता, मतलब की अपने ही पुत्रे जो साडे पापी शरीर सांई बनाई करी साडे पापां तांई बलिदान होणे तांई भेजी दिता, परमेव्हे मसीह दे शरीर च पाप जो सजा दिती। 4 इस तांई की व्यवस्था जडी धर्मी होणे तांई जिना गल्लां दी मांग करदी है, पर असां पापी सभाब दे अनुसार नी पर पबित्र आत्मा दे अनुसार चली करी इना गल्लां जो पूरा करदे न। 5 क्योंकि जडे लोक पापी सभाब दे बशे च रेंदे न, सै पापी गल्लां दे बारे च सोचदे न, पर जडे पबित्र आत्मा दे बशे च रेंदे न सै उना गल्लां दे बारे च बिचार करदे न जडियां आत्मा जो खुश करदियां न। 6 अगर तुसां अपने मन जो पापी सबाभे दे बशे च रखदे न तां उदा

असां हण भी उस बकते दा इंतजार करदे न जाल् परमेस्वर सांझो अपने बच्चे होणे ताई उपर लेई जाणा है कने साडे शरि जो उना सारियां बुरियां चीजां ला छुटकारा देई देणा कने सांझो नोए शरीरां जो देईकरी साडे शरीरां जो अजाद करणा है। 24 परमेस्वरे जाल् सांझो बचाया ताल् सांझो ऐ आस दिती, की हल्ले दीकर सांझो सै सब कुछ नी मिल्ला जिसदा परमेस्वरे वायदा कितया, इस ताई सांझो अजे भी आस है की सै सब कुछ मिलणा है। इस ताई हण असां सबर रखीकरी इंतजार करदे न जाल् दीकर सै मिल्ला ना जाए। क्योंकि कोई भी उसा चिजा जो पाणे दी इच्छा नी करदा जडी पेहले ला ही उदे बाल है। 26 इयां ही पबित्र आत्मा भी साडी ताल् सहायता करदा है जाल् असां अपने परमेस्वरे पर भरोसे च कमजोर होंदे न, क्योंकि असां नी जाणदे की प्राथना कियां करणा चाईदी, पर पबित्र आत्मा अपु ही रोई-रोई करी साडे ताई बिनती करदी है, सै असां दस्सी नी सकदे न। 27 कने मना जो जाणने बाला परमेस्वर जाणदा है, की पबित्र आत्मा क्या बोला दी है? क्योंकि सै पबित्र लोकां ताई परमेस्वरे दिया इच्छा अनुसार बिनती करदा है। 28 कने असां जाणदे न, की जडे लोक परमेस्वरे ला प्यार रखदे न, उना लोकां ताई सारियां गल्लां मिलिकरी भलाई जो ही पैदा करदियां न, मतलब की उना ताई जडे उदिया इच्छा अनुसार चुणयो न। 29 क्योंकि जिना जो उनी पेहले ला ही चुणया है, उना ताई पेहले ला ही निर्णय भी लिया है, की सै उदे पुत्रे साईं बणी जान ताकि सै मते भाईयां चे जेठा पुत्र बनन। 30 फिरी जिना ताई परमेस्वरे पेहले ला ही तय कितया है, उना जो ही चुणया भी, कने जिना जो चुणया है, उना जो धर्मी भी बनाया है, कने जिना जो धर्मी बनाया, परमेस्वरे अपणी महिमा उना सोगी बंडणी है। 31 तां असां इना गल्लां दे बारे च सोची करी इसी नतीजे पर ओदे न, अगर परमेस्वर साडे पासे है, तां कोई भी दुशमण सांझो हराई नी सकदा। 32 जिनी परमेस्वरे अपने इकलोते पुत्रे जो साडे ताई बलिदान करी दिता, कने साडे ताई उसयो दुशमणा दे हथे देई दिता, तां उनी सांझो सै सब कुछ भी देणा जिसदा उनी सांझो ने वायदा कितया है। 33 कोई भी परमेस्वरे दे सामणे सांझो पर दोष नी लगाई सकदा, क्योंकि सेई है जडा अपने सोगी सांझो धर्मी बनादा है। 34 कोई भी साडी बुराई नी करी सकदा, क्योंकि ऐ यीशु मसीह है, जडा साडे ताई मरी गया कने मरी करी जिन्दा होई गया था, कने जडा साडे ताई परमेस्वरे ला बिनती करदा है। 35 कोई भी सांझो मसीह दे प्यार ला लग नी करी सकदा, ना ही दुख, ना ही मुसिबतां, ना ही सताया जाणा, ना ही अकाल, ना ही गरीबी, ना ही खतरा, कने ना ही तलवार इना चे इक भी नी। 36 जियां पबित्र शास्त्र च लिखया है, “परमेस्वरे ताई हर दिन लोक सांझो जानी ला मारणे दी धमकी दिन्दे। सांझो बलि देणे बालियां भेडां साईं समझया गया।” 37 पर इना सारे बुरे हालातां च उदे जरिये साडी पूरी जित है, जिनी सांझो ने प्यार किता है। 38 क्योंकि मैं पक्का जाणदा है की, कुछ भी सांझो प्यार करणे बाले मसीह ला दूर नी करी सकदा, इसला कोई फरक नी पौंदा की असां जिन्दे न या मुर्दा, स्वर्गदूत, अधिकारी, कने अम्बरे दियां शक्तियां इस काबिल नी की उदे प्यार

ला लग करी सकन कने जडा कुछ हण होआ दा है कने जडा कुछ अगे होणा, कने सारे संसारे च जडा सब कुछ है इस काबिल नी है की सांझो परमेस्वरे दे प्यारे ला जडा साडे प्रभु यीशु मसीह च है लग करी सके।

9 हण कुछ भी नी है जडा सांझो परमेस्वरे दे प्यार ला लग करी सकदा है, तां फिरी कजो इस्लामी लोक, मेरे यहदी भाई परमेस्वरे ला लग न? मेरा मन मेरे अपने लोकां ताई बडा दुखी होंदा है, क्योंकि मैं ऐथु दीकर चांदा की अपने लोकां दा उद्धार करणे ताई मैं मसीह ला लग होई जां कने अरोपी बणी जां, मैं ऐ करणे ताई तैयार भी है। मैं मसीह जो गबाह मन्नी करी सच्च बोला दा है। पबित्र आत्मा कने मेरी अंतरात्मा भी ऐ जाणदे न की मैं झूठ नी बोला दा है। 4 से मेरे साईं इस्लामी लोक न, इना जो परमेस्वरे अपने गोद लियो बच्चे होणे ताई चुणया, महिमा, बाचा, मूसा दी व्यवस्था, परमेस्वरे दी भक्ति कने बायदा उना दी है। 5 अब्राहम, इसहाक कने याकूब उना दे पूर्वज न, जडे शरीरिक तौर पर प्रभु यीशु मसीह दे भी पूर्वज न कने पिता परमेस्वर जडा सबना पर राज करदा है, उदी महिमा युगां-युगां दीकर होंदी रे। आमीन। (aion g165) 6 पर ऐ नी की, परमेस्वरे अपने वायदे पुरे नी करी सकया, इस ताई होया की जडे इस्लामे दे बंशज न सै असल च सारे इस्लामी नी न; 7 कने अब्राहम दे बंशे च पैदा होणे ने ही सारे उदी सच्ची ओलाद नी बणदे, क्योंकि परमेस्वरे अब्राहम ने बोलया “जडे इसहाक दे बंश च पैदा होंदे न, सेई तरे बंश मन्ने जाणे न।” 8 मतलब की जडे शरि ने पैदा होंदे न, सै परमेस्वरे दी ओलाद नी है, पर सिर्फ बायदा कितयो ओलाद ही अब्राहम दे बंश मन्ने जान। 9 क्योंकि बायदे दा बचन ऐ है, “मैं अगले साल इस बकत दुबारा ओणा कने ताल् सारा जो इक पुत्र होणा।” 10 कने सिर्फ ऐई नी, पर रिबका दे जुडवा जागां दा इक ही पिता था, साडा पूर्वज इसहाक। 11 कने ऐथु दीकर उना दे पैदा होणे ला पहले परमेस्वरे रिबका ने बोलया, की उदे बडे जागते छोटे जागदे दी सेवा करणी। परमेस्वरे ऐसा इस ताई बोलया की परमेस्वर अपणी इच्छा ने ही चुणदा है, ऐ इस ताई नी होया की इना बचयां चे कुनी कुछ कितया था, पर परमेस्वर ही है जडा ऐ चुनवा करदा है। 13 जियां पबित्र शास्त्र च लिखया है, “मैं याकूबे ने प्यार किता, पर एसाब ने प्यार नी किता।” 14 तां असां इदे बारे च क्या बोलन? क्या परमेस्वरे उना लोकां जो चुणने च अन्याय करदा है जिना जो सै चुणना चांदा है? नी बिलकुल भी नी! 15 क्योंकि परमेस्वरे मूसा ला बोलया, “मैं जिस पर दया करणा चांगा उस पर दया करणी, कने जिस कुसी पर कृपा करणा चांगा उस पर कृपा करणी।” 16 इस ताई परमेस्वर उसी जो ही चुणदा है जिस पर दया दसणा चांदा है, परमेस्वरे दा चुणना इसा गल्ला पर निर्भर नी करदा है की लोक क्या चांदे न या क्या करणे दी कोशिश करदे न। 17 क्योंकि पबित्र शास्त्र च परमेस्वरे मिस्र दे राजा फिरौन जो बोलया, “मैं तिजो इसी ताई राजा बनाया है, की तिजो पर अपणी शक्ति दस्से, कने मेरे नाए दा प्रचार सारे संसार दे लोकां च हो।” 18 कने सै जिसयो चांदा हे, उस पर दया करदा हे, कने जिसयो चांदा हे, उसयो जिद्दी बणाई दिन्दा है। 19 फिरी कुछ लोकां

मिंजो ने बोलना, “अगर ऐसा है तां परमेश्वर कियों बोली सकदा है की असां गलत न? क्योकि कोई भी उसयो नी रोकी सकदा जडा सै करणा चांदा है।” 20 हे भाई, तू कुण है, जडा परमेश्वरे ने बेहस करदा है? क्या बणाई होई चीज बणाणे बाले पुच्छी सकदी है, “की तू मिंजो ऐसा कजो बणाया?” 21 कुम्हारे जो क्या मीटिया पर हक नी, की सै इकी ही मीटिया ला, इक बांडा आदर तांई, कने दूजा अनादर तांई बणाए, 22 तां इदे च कुण देई हेरानी दी गल्ल है की परमेश्वरे अपना गुस्सा दसणे तांई कने अपणी शक्ति प्रगट करणे दिया इच्छा ला गुस्से दे भांडयां दी, जडे विनाश तांई तैयार कितयो थे, बडे सबर ने सेहन किती। 23 जिना लोकां पर परमेश्वर दया करगा, जिना जो उनी अपणी महिमा च हिस्सेदारी तांई पेहले ही चुणया है, उना पर अपणिया बड्डी जादा महिमा दे धने जो प्रगट करणे दी इच्छा किती? 24 मतलब की असां पर जिना जो उनी ना सिर्फ यहदियां चे बल्कि होर जातियां चे भी चुणया। 25 जियां होर जातियां दे बारे च, परमेश्वर उदा संदेश देणेबाले होशे दिया कताबां च भी बोलदा है, “जड्डी मेरी प्रजा नी थी, उना जो अपणी प्रजा बोलणा, कने जडे मेरे प्यारे लोक नी थी, उना जो मैं प्यारे बोलणा; 26 कने इयां होणा की जिसा जगा च परमेश्वरे उना जो ऐ बोलया था, की तुसां मेरे लोक नी न, उसा ही जगा च जिन्दा परमेश्वरे उना जो अपणी संतान बोलणा।” 27 कने परमेश्वरे दा संदेश देणेबाले यशायाह इस्त्राएल दे लोकां बारे च पुकारी करी बोलदा है, “चाए इस्त्राएले दे लोक गिणतिया च समुद्रे कंडे दिया रेता सांई मते भरी न, तमी उना चे थोडे ही बचणा।” 28 क्योकि प्रभुऐ जल्दी ही संसारे लोकां ना न्याय सच्चाईया ने करणा। 29 जियां परमेश्वरे दा संदेश देणेबाले यशायाह पेहले भी बोलया था, “अगर सबते शक्तिशाली प्रभु इस काबिल नी बणादां की साडे कुछ बंश होन, तां असां सदोम कने अमोरा शेरां दे लोकां सांई खत्म होई जांदे।” 30 तां असां इदे बारे च क्या बोलन? ऐ की होर जातियां अपने आप जो परमेश्वरे सोगी ठीक करणे दी कोशिश नी करदे थे, पर परमेश्वरे उना जो अपने सोगी धर्मी बणाया क्योकि उना उस पर भरोसा कित्ता; 31 पर इस्त्राएली लोक, जडे मूसा दी व्यवस्था जो मन्नी करी परमेश्वरे दे जरिये धर्मी होणा चांदे थे, पर सै धर्मी बणने च सफल नी होए। 32 ऐ कियों होई सकदा है? इस तांई की इस्त्राएली लोक भरोसे ने नी, पर भले कम्मा धर्मी होणा चांदे थे: उना मसीह जो नी अपनाया जिदी उस पथरे सोगी तुलना करी सकदे न जिसला लोकां जो ठोकर लगदी है। 33 जियां पबित्र शास्त्र च लिखया है, “दिखा मै यस्त्रलेम शहर च लोकां जो ठोकर लगणे तांई इक पथर रखा दा है जिसला लोकां डेई पोणा है, कने जडा इस पर भरोसा करगा, उनी शर्मिदा नी होणा।”

10 हे मसीह भाईयो, मेरे मने दी इच्छा कने इस्त्राएली लोकां तांई परमेश्वरे ने ऐ मेरी प्राथना है, की परमेश्वर उना जो बचाई ले। 2 क्योकि मै उना दी गबाई दिन्दा है, की सै परमेश्वरे तांई उत्साहित रेंदे न, पर परमेश्वर दी सेवा करणे दी उना दी समझ सही नी है। 3 क्योकि इस्त्राएली लोक परमेश्वरे दिया उसा धार्मिकता ला अनजाण होईकरी कने अपने ही तरीके ने धर्मी बणने दी कोशिश करदे न,

उना अपने आपे जो परमेश्वरे दिया धार्मिकता दे अधीन नी कित्ता। 4 क्योकि व्यवस्था दा मकसद हण पूरा होई गया है की मसीह आई गया है। इस तांई हर कोई जडा मसीह पर भरोसा करदा है, उसयो परमेश्वर धर्मी बणादा है। 5 क्योकि मूसा व्यवस्था ला मिलियो धार्मिकता दे बारे च परमेश्वरे दे बचन च ऐ लिखया है, “की जडा माणु इना गल्लां जो मनदा है, उसयो इसी ने ही जिन्दगी मिलणी।” 6 पर जड्डी धार्मिकता सांझो मसीह पर भरोसा करणे ने मिलदी है, इदे बारे च पबित्र शास्त्र ऐ बोलदा है, “तू अपने मने च ऐ मत बोलदा की कुण स्वर्ग पर चढगा कने मसीह जो थले धरती पर उतारगा?” 7 या कुण अधोलोक च उतरगा कने कुण मसीह जो मरयां चे जिन्दा करिरी उपर लेई ओगा? (Abyssos g12) 8 क्या है इदा मतलब? “ऐ की परमेश्वरे दा बचन तेरे बाल है, तेरे मुऐ कने तेरे मने च,” ऐ सेई भरोसे दा संदेश है, जडा असां प्रचार करदे न। 9 इस तांई अगर तू अपने मुऐ ला यीशु मसीह जो प्रभु मन्नी लेदां है कने अपने मने ने भरोसा करे, की परमेश्वरे उसयो मरयां चे जिन्दा कितया है, तां पक्का परमेश्वरे तिजो बचणा। 10 जालू असां अपने मने ला भरोसा करदे न तां असां परमेश्वरे असां परमेश्वर दी नजरा धर्मी बण्पदे न, कने जडा भरोसा असां अपने मने च कितया उसयो मुऐ ला बोलदे न, तां असां बचाये जाणे न। 11 क्योकि परमेश्वरे दा संदेश देणेबाले यशायाह पबित्र शास्त्र च मसीह दे बारे च ऐ लिखदा है, “जडा कोई उस पर भरोसा करगा उनी शर्मिदा नी होणा।” 12 यहदियां कने होर जातियां च कोई फरक नी, क्योकि परमेश्वर सारयां दा प्रभु है, कने जडे भी उसला सहायता मंगदे न, सै उना जो बचादां है। 13 क्योकि पबित्र शास्त्र च ऐ लिखया है “जडा कोई भी उसला सहायता मंगदा है प्रभु उना जो बचादां है।” 14 पर इसला पेहले की लोक प्रभु ला सहायता मंगन, उना जो प्रभु पर भरोसा करणा है, इसला पेहले की सै प्रभु पर भरोसा करन, उना जो उदे बारे च सुणना है कने लोक प्रभु दे बारे च सुणन, तां कुसी जो उना जो यीशु मसीह पर भरोसा करणे दे बारे च दसणा है। 15 कने इसला पेहले कोई जाई करी उना जो बोले, की उस माणुऐ जो प्रचार करणे तांई भेजणा चाईदा, इस तांई पबित्र शास्त्र च लिखया है, “क्या ही छेल उना दे पैर न जडे शुभसमाचार लेईकरी ओदे न।” 16 पर सारयां उस शुभसमाचार पर भरोसा नी कित्ता। परमेश्वरे दा संदेश देणेबाले यशायाह बोलदा है, “हे प्रभु, थोडे लोकां साडे संदेश पर भरोसा कित्ता है?” 17 इस तांई भरोसा तालू ओदा है जालू असां संदेश सुणदे न, कने यीशु मसीह दे बचन सुणने ला ओदा है। 18 पर मै बोलदा है, की इस्त्राएली लोकां पक्का ही यीशु मसीह दे संदेश दे बारे च सुणया है, क्योकि ऐ पबित्र शास्त्र च लिखयां है, “उना दे बचन सारिया धरती पर न, कने उना दे बचन धरतिया दे कुणे-कुणे दीकर पुज्जी गियो न।” 19 मै फिरी बोलदा है, की ऐ सच्च है की इस्त्राएल दे लोक मसीह दे संदेश दे बारे च समझदे थे, पेहले तां प्रभुऐ मूसा दे जरिये ऐ बोलया, “तुसां यहदी लोकां मेरा होर जातियां तांई प्यार दिखीकरी जलना है, मै तुसां जो मुख होर जातियां ला गुस्सा चडाणा।” 20 फिरी परमेश्वरे दा संदेश देणेबाला यशायाह बडिया हिम्मत ला ऐ बचन सुणया की, “जडे

मिंजो नी तोपदे थे, उना मिंजो पाई लिया; कने जडे मिंजो पूछदे भी नी थे, उना पर मैं प्रगट होई गया।” 21 पर परमेस्वरे संदेश देणेबाले यशयाह दे जरिये इस्राएली लोकां दे बारे च बोलया है, “मैं सारा दिन अपने हथ इक हुकम नी मनणे बाली कने बेहस करणे बाली प्रजा पासे फेलादां रिया की सै मेरे पासे मुडन।”

11 इस तांई मैं पुछदा है, क्या परमेस्वरे अपणिया प्रजा जो छडी दिता? नी बिलकुल नी! मैं भी तां इस्राएली है; अब्राहम दे बंश कने बिन्यामीन दे गोत्र दा है। 2 परमेस्वरे अपणिया उस प्रजा जो नी छडया, जिसा जो उनी पेहेले ला ही चुणया था: तुसां जाणदे न की पबित्र शास्त्र परमेस्वरे दा संदेश देणेबाले एलिय्याह दे बारे च क्या बोलदा है: की सै इस्राएली लोकां दे खिलाफ परमेस्वरे ने बिनती करदा है। 3 उनी बोलया “प्रभु जी, उना तेरे संदेश देणेबालयां जो मारी दिता, कने उना तेरिया वेदिया जो डाई दितया है, मैं ही सिर्फ किला बचया जडा तिजो पर भरोसा करदा है, सै मिंजो भी मारणे तांई तोपा दे न।” 4 पर परमेस्वरे एलिय्याह ने बोलया, “मैं अपने तांई सत हजार माणुए जो रखया है, जडे बाल देवता दी मूर्तिया अगे नी झुके।” 5 इयां ही हुण भी, परमेस्वर दे अनुग्रह ने ऐथू थोडे दे यहदी न जिना जो परमेस्वरे अपने सच्चे लोक होणे तांई चुणया है। 6 परमेस्वरे उना जो अनुग्रह दे जरिये चुणया है, ऐ भले कम्म करणे ने नी होया है। अगर ऐ भले कम्मा ने है, तां अनुग्रह फिरी अनुग्रह नी रिया। 7 इदा नतीजा ऐ होया: की इस्राएली लोकां परमेस्वर दिया नजरा च धर्मी बणने दी कोशिश किती, पर कामयाब नी होऐ, पर जिना लोकां जो परमेस्वरे चुणया, सै परमेस्वरे दिया नजरा च धर्मी बणे। दुजयां जो जिद्दी बणाई दिता कने उना परमेस्वरे दी सुणने ला मना करी दिता। 8 जियां पबित्र शास्त्र च यशयाय लिखया है, “परमेस्वरे उना जो हले दीकर सुस्त दिमाग दितया है, उना दियां हखी तां हेन पर उना जो सच्चाई नी मिलदी कने कन्ना ला सुणदे तां हेन, पर समझदे नी न।” 9 कने राजा दाऊद बोलदा है, “मैं विनती करदा है की उना लोकां दियां सारियां आशीषां उना जो खत्म होणे दी बजा बणी जा, ऐथू दीकर की सै उजडी जान कने उना जो सजा मिल्ले। 10 कने उना दियां हखी अनिया होई जान, ताकि सै दिखी नी सकन, कने हर बकत अपणी मुसीबतां च दबुई रेन।” 11 तां मैं पुछदा है, की उना क्या इस तांई: “क्या इस्राएली लोक ठोकर लगणे दिया बजा ने हमेशा तांई खत्म होई गियो न? नी बिलकुल नी! पर उना दे अविश्वास दिया बजा ने होर जातियां जो उद्धार मिल्ला, ताकि इस्राएली लोकां जो होर जातियां ला जलन हो।” 12 अगर इस्राएली लोकां दा अविश्वास होर जातियां दी भलाई दी बजा बणदा है, तां इस्राएली लोकां दा परमेस्वरे बाल बापस ओणे पर बडा अच्छा होणा। 13 मैं होर जातियां ने ऐ गल्लां बोलदा है। हुण जालू मैं होर जातियां तांई प्रेरित है, मिंजो अपणी सेबकाई पर घमंड है। 14 ताकि मैं कियां भी करिरी यहदी लोकां जो जलन करवाई करी उना चे केईयां जो बचाई सके। 15 क्योंकि जालू की उना दा परमेस्वरे जो छडी जाणे दिया बजा ने संसारे दे लोकां दा परमेस्वरे सोगी मेल होया था, तां उना दा मसीह जो अपनाणा, इक मरयो होऐ माणुए सांई होणा जडा

दुबारा जिन्दा होई गया है। 16 मैं इस्राएली लोकां दे बारे च तुसां जो इक उदाहरण दिन्दा है। ऐ साडा इस्राएली लोकां दा रिबाज है, असां जालू रोटी बणाने तांई आटा गुनदे न, तां असां परमेस्वरे जो भेंट चढाणे तांई मुठी भर आटा लेंदे न, अगर सै इक मुठी परमेस्वरे दी है, तां इदा मतलब है की पूरा आटा भी परमेस्वरे दा है। तियां अगर स्खे दी जड परमेस्वरे दी है, तां इदा मतलब है की स्खे दियां सारियां डालियां भी परमेस्वरे दियां न। 17 इस्राएली लोक इक अच्छे जैतून स्खे दियां डालियां सांई न कने उना दे पूर्वज अब्राहम, इसहाक कने याकूब उस स्खे दियां जडा सांई न। होर जातियां जंगली जैतून स्खे दियां डालियां सांई न, जडियां कलम करी के उना बडियां डालियां दिया जगा च उस अच्छे जैतून स्खे च लाइयां न, हुण सै डालियां उस स्खे दिया जडा दियां हिस्सेदार न। 18 तां तू अपने आप जो उना बडियां डालियां ला जादा मत समझदे। अगर तू जादा समझदा है, तां याद रख की तू जडा जो नी सम्भालदा, पर जड तिजो सम्भालदी है। 19 तां तू अपने मने च ऐ मत सोचदा की परमेस्वरे इस्राएली लोकां जो उना डालियां सांई ठुकराई दिता जडियां इक स्खे ला तोडी दितियां जांदितां, ताकि सै होर जातियां जो अपनाई सके, जडियां उना डालियां सांई न जिना जो कलम कितया है। 20 ऐ सच्च है, सै तां अविश्वास दिया बजा ने तोडियां, पर तू अपने भरोसे दिया बजा ने टिकी रेंदा है, इस तांई घमंड मत कर, पर परमेस्वरे दा डर मन, 21 क्योंकि जालू परमेस्वरे असली डालियां पर दया नी किती, तां तिजो पर भी दया नी करणी। 22 इस तांई तू परमेस्वरे दिया कृपा कने सकताई पर बिचार कर! पर जडे डेई पियो न उना पर सकताई कने तिजो पर दया, अगर तू उदिया दया च बणी रे, नी तां तू भी कटी करी लग करी देणा। 23 अगर इस्राएली लोक भी भरोसा करणा शुरू करगे तां उना जो फिरी ला कलम लगाई देणे न, क्योंकि परमेस्वर उना जो फिरी कलम करी सकदा है। 24 कुसी जंगली डालिया दा अच्छे स्खे दा हिस्सा बणना स्भाभिक नी है। कने तुसां जडे यहदी नी न इक जंगली जैतून स्खे ला बडियां डालियां सांई न कने इक अच्छे जैतून स्खे ने जुडी गियो न। पर सै यहदी इक डालिया सांई न जडी अच्छे स्खे च बडूई थी, उना जो पक्का ही दुबारा ला अपने स्खे ने जोडया जाई सकदा है। 25 हे मेरे मसीह भाईयो, मैं नी चांदा की तुसां इसा गल्ला ला अनजाण रिया, इयां ना हो की तुसां अपने पर घमंड करणा लगी पो न, ऐ सच्च है की इस्राएल दे केई लोक भरोसा करणे तांई तैयार नी न, पर जालू परमेस्वरे पर भरोसा करणे बाली होर जातियां दे लोकां दी संख्या पूरी होई जांगी, तां इस्राएल दे लोकां भरोसा करणा कने परमेस्वरे बाल बापस आई जाणा। 26 इयां होणे बाद सारे इस्राएली लोकां दा उद्धार होणा, जियां पबित्र शास्त्र च लिखया है, “छुडणे बाले यरूशलेम शेहर ला ओणा है, कने अभक्ति जो याकूबे दे बंश ला दूर करणा। 27 कने उना सोगी मेरा ऐई बायदा होणा, जालू की मैं उना दे पापां जो माफ करी देणा।” 28 यहदी लोक परमेस्वरे दे दुश्मण न, क्योंकि सै शुभसमाचार पर भरोसा नी करणा चांदे न, कने ऐ तुहाडे तांई फायदा बणी गया है। पर परमेस्वर उना ने प्यार करदा है क्योंकि परमेस्वरे उना जो अपने तांई चुणी

लिया। इसा गल्ला दा परमेश्वरे उना पूर्वजां ने वायदा कितया था। 29 क्योंकि परमेश्वर अपने बरदाना ने, कने बुलाहट ला कदी भी अपना मन नी बदलदे। 30 क्योंकि जियां होर जातियां दे लोकां पेहले परमेश्वरे दा हुकम नी मनया पर इस्राएली लोकां दे हुकम नी मनणे दिया बजा ला हुण तुसां पर दया होई है। 31 तियां ही उना भी हुण हुकम नी मनया की तुसां पर जडी दया हौदी है इसला उना पर भी दया हो। 32 क्योंकि परमेश्वरे सारायां जो हुकम नी मनणे दी आजादी दिन्दा है, ताकि परमेश्वर सारायां लोकां पर अपनी दया दस्सी सके। (e1e5e5 g1653) 33 वाह, परमेश्वरे दे अनुग्रह दा धन कने अकल, कने ज्ञान कितणा ही गंभीर है! कोई भी उदे सोच बिचार जो नी जाणी सकदा, कने ना ही उदे रस्तयां जो जाणी सकदा है! 34 “प्रभु दे बिचारां जो कोई भी नी जाणी सकदा, ना ही कोई उदा सलाहकार बणी सकदा है,” 35 कने कुनी भी परमेश्वरे जो कुछ नी दितया की परमेश्वरे जो सै उसयो बापस करणा पोए। 36 क्योंकि सब कुछ परमेश्वरे ला ओदा है। उनी सब कुछ बनाया है, सब कुछ उदा है। उदी महिमा युगां-युगां दीकर हौदी रे। आमीन। (ai0n g165)

12 इस ताई हे मसीह भाईयो, मै तुसां ला परमेश्वरे दी दया याद करवाई करी बिनती करदा है, की तू अपनी जिन्दगिया जो जिन्दी, पबित्र, कने परमेश्वरे जो खुश करणे बाला बलिदान करिरी चढा; परमेश्वरे दी सेवा करणे दा ऐई सही तरिका है। 2 कने इस संसारे दे लोकां साई मत बना; पर तुहाडे सोचणे दे तरीके जो परमेश्वरे जो बदलना दे ताकि तुहाडा चाल चलण भी बदली जाए, इयां करिके तुसां जो पता लगी जाणा की परमेश्वर क्या चांदा है, कने उदिया नजरा च क्या भला, सिद्ध कने सही है। (ai0n g165) 3 क्योंकि मै उस अनुग्रह दिया बजा ला जडा परमेश्वरे ला मिजो मिलया है, तुसां च हर इकी जो बोलदा है, की जियां समझणा चाईदा, उसला बदीकरी कोई भी अपने आपे जो ना समझे; पर जियां परमेश्वरे हर इकी दे उदे भरोसे दे अनुसार बंडया है, तियां ही अच्छी समझा ने अपने आपे जो समझा। 4 क्योंकि जियां साडे इक शरि च मते भरी अंग न, कने सारे अंगा दा कम्म इकोदिया नी है; 5 तियां ही, असां जाल् मसीह पर भरोसा करदे न, असां सारे मसीह दे शरि दे अंग न, कने असां सारे इक दुज्जे ने जुडयो न। 6 कने जाल् की उस अनुग्रह दे अनुसार जडा परमेश्वरे सांझो दितया है, सांझो लग-लग बरदान मिलयो न। तां जिसयो भविष्यद्वाणी दा बरदान मिलया हो, उसयो सै बोलणा चाईदा जिसदा उसयो भरोसा है की सै परमेश्वरे उसयो बोलया है। 7 अगर दुज्जयां दी सहायता करणे दा बरदान मिलया हो, तां इस कम्मे च लगी रे, अगर कोई सिखाणे बाला हो, तां सिखाणे च लगी रे; 8 अगर कुसी जो लोकां जो उत्साहित करणे दा बरदान मिलया हो, सै उत्साहित करणे च लगी रे, अगर कुसी जो दुज्जयां दी जुर्रता जो पूरा करणे दा बरदान हो, तां उस दान जो जादा ला जादा दे कर, अगर कुसी जो अगुवाई करणे दा बरदान मिलया हो, तां सै पूरी लगन ने करे, जडा दया करे, सै खुशिया ने दया करे। 9 दुज्जयां ने प्यार करणे दा दिखाबा ना करे, बुराईया ने नफरत करा, जडा परमेश्वरे दिया नजरा च अच्छा है, उसयो करणे च लगी रिया। 10 परिवारे

साई इक दुज्जे ने प्यार करा; अपु चे इकी दुज्जे दी इज्जत बदीकरी करा। 11 सकत मेहनत करा कने आलसी मत बना; उत्साह च बणी रिया, पुरे मने ने प्रभु दी सेवा करदे रिया। 12 तुहाडे बाल जडी आस है, उदे च खुश रिया; कला कलेश च सबर रखा, हर बकत प्राथना च लगी रिया। 13 पबित्र लोकां जो जडा कुछ जरूरी हो, उना दी सहायता करा; मेहमाना दा आदर सत्कार करदे रिया। 14 अपरयो जो परेशान करणे बालयां जो आशीष दिया; आशीष दिया पर श्राप नी। 15 खुशी मनाणे बालयां सोगी खुशी मना, कने रोंगे बालयां सोगी रोआ। 16 इक दुज्जे दा उतणा ही ध्यान रखा जितणा की अपना रखदे न; घमंड मत करा, पर गरीबां ने मिली जुली करी रिया; अपने आपे जो अकलमंद मत समझा। 17 बुराईया दे बदले कुसी ने बुराई मत करा; जडियां गल्लां सारे लोकां ताई खरियां न, उना दी चिंता करा। 18 जिथू दीकर होई सके, तुसां सबना लोकां सोगी मेल जोल रखा। 19 हे प्यारो अपना बदला मत लेंदे; पर परमेश्वरे जो अपने ताई बदला लेणा दिया, क्योंकि पबित्र शास्त्र च प्रभु बोलदा है, “बदला लेणा मेरा कम्म है, प्रभु बोलदा है मै ही बदला देणा।” 20 पर पबित्र शास्त्र च ऐ भी लिखया है, “अगर तेरा दुशमन भूखा है तां उसयो खाणां दे, अगर प्यासा है तां उसयो पाणी पिया; क्योंकि इयां करणे ने तू उसयो शर्मिंदा करी देणा।” 21 बुराईया जो अपने पर जितणा मत दिया पर भलाईया ने बुराईया जो जीती लिया।

13 हर इक माणु शासन दे अधिकारियां दे अधीन रे; क्योंकि सारे अधिकार परमेश्वर दिया तरफा ला होंदे न; कने जडे अधिकार न, सै परमेश्वरे ही दितयो न। 2 इस ताई जडा कोई ऐसे लोकां दा बिरोध करदा है जिना बाल शासन करणे दा अधिकार है, सै परमेश्वरे दे नियमा दा बिरोध करदा है, कने बिरोध करणे बालयां जो सजा मिलणी। 3 क्योंकि अगर कोई अच्छे कम्म करदा है तां, उना जो अधिकारियां ला डरने दी जरूरत नी है; अगर सै बुरे कम्म करदा है तां उसयो डरने दी जरूरत है, अगर तुसां अधिकारियां ला डरणा नी चांदे न तां भले कम्म करा जिसला सै तुहाडी तारीफ करन। 4 क्योंकि अधिकारी लोक तेरिया सहायता ताई परमेश्वरे दे सेवक न। पर अगर तू बुराई करे, तां तू डर; क्योंकि अधिकारियां बाल तुसां जो सजा देणे दा हक है कने सै परमेश्वरे दे सेवक न, जिना जो इस ताई भेजया है की सै उना लोकां जो सजा देन जडे गलत कम्म करदे न। 5 तुसां जो ऐसा सिर्फ सजा ला बचणे ताई ही नी करणा चाईदा, पर इस ताई भी की तुहाडी अंतरात्मा साफ रे। 6 इस ताई करी भी दिया, क्योंकि शासन करणे बाले परमेश्वरे दे सेवक न, कने हमेशा अपनी जिम्मेबारियां जो निभाणे च अपनी जिन्दगी लाई दिन्दे न। 7 इस ताई जिसयो जडा मिलणा चाईदा, तुसां जो सै उसयो देणा चाईदा; जिसयो कर चाईदा, उसयो कर दिया, जिसयो चुंगी चाईदी, उसयो चुंगी दिया; जिसला डरणा चाईदा उसला डरा; जिसदी इज्जत करणा चाईदी उदी इज्जत करा। 8 तुसां सारायां जो सिर्फ इक ही गल्ला दा कर्जदार होणा चाईदा कने सै ऐ है, की तुसां सारे इक दुज्जे ने प्यार रखा; क्योंकि जडा दुज्जयां ने प्यार रखदा है, उनी ही व्यवस्था पूरी किती है। 9 क्योंकि मूसा दी व्यवस्था च मते हुकम न, “व्यभिचार

नी करणा, हत्या नी करणी, चोरी नी करणी, लालच नी करणा,” भाई जो बुरा समझदा है? साड़ा सारयां दा परमेश्वरे न्याय करणा। इना जो छडी के होर कोई भी हुकम हो तां सारयां दा निचोड इस 11 क्योंकि पबित्र शास्त्र च लिखया है, “प्रभु बोलदा है, मैं अपणी हुकम च है, “की जितणा अपने आपे ने प्यार करदे न, दुज्जयां ने न, कने हर इक माणुए परमेश्वरे जो अपनाणा।” 12 असां चे हर भी उतणा ही प्यार करा।” 10 प्यार पडोसियां दी कुछ बुराई नी इकी जणे जो अपने-अपणे करमा दा लेखा परमेश्वरे जो देणा पोणा। करदा, जडा प्यार करदा है, सै व्यवस्था जो पूरा करदा है। 11 तुसां 13 तां असां अग्रे ला इकी दुज्जे पर दोष नी लान, पर तुसां ऐई चे हर इक जणे जो इक दुज्जे ने प्यार करदे रेणा चाईदा क्योंकि सै टांणी लिया की कोई भी अपने भाई या बेहणा दे पाप करणे दी बजा बकत नेडे है, जालू परमेश्वरे सांझो इसा बुरिया दुनिया ला बचाणा ना बणे। 14 मैं जाणदा है, कने प्रभु यीशु ला मिंजो ऐ पक्का होया है। जालू असां पैली बरी यीशु मसीह पर भरोसा किता, उस बकते है, की सारे खाने बालियां चीजां ठीक न, पर जडा उसयो अशुद्ध ला जागणा कने साबधान रेणा चाईदा। 12 “इसा बुरी दुनिया च समझदा है, उदे ताई अशुद्ध है। 15 अगर तेरा भाई या बेहण तेरे खाने रेणे दा साड़ा बकत लगभग खत्म होई गया है इक रात साईं, जडी दिया बजा ला उदास होंदा है तां तेरे अंदर प्रभु दा प्यार नी है, तां लगभग खत्म होई गेई है, कने सै बकत भी नेडे है जालू मसीहे अपने खाने दिया बजा ला उदा विनाश मत कर, जिदे ताई मसीह बापस ओणा है।” सांझो उना चीजां जो भी करणा बंद करी देणा मरी गया था। 16 इस ताई भले ही जडा तुसां करा दे न सै खरा है, चाईदा जडियां बुराईयां ने जुडियां न, कने सांझो लौई च इस्तेमाल पर अगर कोई उसयो बुरा मनदा है, तां उस कम्मे जो मत करा। 17 होणे बाले हथियारां दा इस्तेमाल करणा चाईदा। 13 असां जो लौई च क्योंकि परमेश्वरे दा राज्य सिर्फ खाने पिणे दे बारे च नी है, पर रेणेबाले लोकां साईं अपना चाल चलन ठीक करणा चाईदा, ना की पबित्र आत्मा च धार्मिकता, शांति कने खुशी च है। 18 जडा कोई इस तरीके ने मसीह दी सेवा करदा है, परमेश्वर उसला खुश होंदा है कने लोक भी उदे बारे च खरा बोलदे न। 19 इस ताई सांझो हमेशा कने लोक भी उदे बारे च खरा बोलदे न। 19 इस ताई सांझो हमेशा सेई करणे दी कोशिश करणी चाईदी जडा लोकां बिच शांति दी बजा बणे कने इक दुज्जे जो भरोसे च मजबूत करे। 20 तुहाडे खाने पिणे दिया चिजां ला परमेश्वरे दा कम्म ना बिगडे, सब कुछ ठीक तां है, पर कुछ ऐसी चीज खाना गलत है अगर सै दुज्जे माणुए जो पाप करणे दी बजा बणे। 21 खरा तां ऐ है, की तू ना मांस खाये, कने ना दाखरस पिए, कने ना कुछ ऐसा करे, जिसने तेरा भाई या बेहण पाप करे। 22 तुसां भरोसा करी सकदे न, की तुसां जडा करा दे न, उस सोगी कुछ भी गलत नी है, पर इसयो अपने कने परमेश्वरे दे बिच रखा। धन्य है सै, जडा उसा गल्ला च, जिसयो सै ठीक समझदा है, अपने आप जो दोषी नी बणादा। 23 पर साडे मने च कुछ भी खाने दे बारे च शक है कने आखरी च अगर असां फिरी उसयो खाई लेंदे न, तां असां गलत न, क्योंकि सांझो जडा साडे मने च भरोसा है उदे अनुसार नी किता है, कने अगर तुसां कुछ सै करदे न जडा तुसां जो लगदा है की ठीक नी है, तां तुसां पाप करदे न।

14 जडा मसीह भाई भरोसे च कमजोर है उदियां मानयता दे बारे च कुसी भी शके दे विना ही अपनाई लिया, उदे सोगी बेस मत करा की क्या करणा चाईदा या क्या नी करणा चाईदा। 2 क्योंकि इकी जो भरोसा है, की सब कुछ खाना ठीक है, पर जडा भरोसे च कमजोर है, सै सिर्फ साग पते ही खांदा है। 3 जडे मास खांदा न, सै मास नी खाने बालयां जो नीच ना समझन कने मास नी खाने बाला, मास खाने बालयां पर दोष ना लाए; क्योंकि परमेश्वरे दोनों जो अपनांदा है। 4 इस ताई तिजो कुसी दे भी सेवके दा न्याय नी करणा चाईदा, उदा सफल होणा या नी होणा दोनों उदे मालिके ने ही सम्बन्ध रखदा है, उनी पक्का ही सफल होई जाणा क्योंकि प्रभु उसयो सफल करी सकदा है। 5 इयां ही कोई तां इक दिने जो दुज्जे दिने ला बदिया मंदा है, कने कोई सारे दिना जो इकोदे मंदा है, हर इक जो यकीन होणा चाईदा की जडा सै सोचदा है सै सही है या नी। 6 जडा कोई कुसी दिने जो मनदा है, सै इस ताई करदा है क्योंकि सै प्रभु दी इज्जत करणा चांदा है, जडे मास खांदा न, सै भी प्रभु ताई खांदा न, क्योंकि सै परमेश्वरे दा धन्यवाद करदा है, कने जडा मास नी खांदा है, सै प्रभु ताई नी खांदा है कने परमेश्वरे दा धन्यावाद करदा है। 7 असां सारे प्रभु दे न। इस ताई साडी जिन्दगी च कने साडिया मौत च सांझो सिर्फ प्रभु जो खुश करणा चाईदा ना की अपु जो। 8 क्योंकि अगर असां जिदे न, तां प्रभु ताई जिदे न, अगर असां मरदे न, तां प्रभु ताई मरदे न; तां असां जिन या मरन, असां प्रभु दे ही न। 9 क्योंकि मसीह इसी ताई मरया कने फिरी जिन्दा होई गया क्योंकि सै सेई है, सै जिन्दे कने मरयो दोनों दा प्रभु है। 10 तू कजो अपने मसीह भाईए पर दोष लगांदा है? या तू कजो अपने मसीह

15 असां जडे भरोसे च पक्के न, असां जाणदे न, की इना गल्लां ला कुछ खास फरक नी पोंदा है, पर असां सिर्फ अपने आप जो खुश करणे ताई ऐसा नी करी सकदे। सांझो उना लोकां दे शक कने कमियां दे बारे च बिचार करणा चाईदा जडे इना गल्लां जो गलत मंदा न। 2 असां चे हर इक जो ऐसा करणा चाईदा जडा साथी मसीह भाई या बेहणा जो खुशी दे कने दुज्जयां जो भरोसे च मजबूत करणे च सहायता करा। 3 क्योंकि मसीहे अपने आपे जो खुश नी किता, पर जियां पबित्र शास्त्रां च लिखया है, “तेरी निंदा करणे बालयां मेरी निंदा भी किती।” 4 जितणियां गल्लां पेहले ला पबित्र शास्त्रां च लिखियां न, सै साडिया ही शिक्षा ताई लिखियां न ताकि असां सबर कने पबित्र शास्त्र ला मिलणे बाले होसले दे जरिये आस रखी सकन ताकि परमेश्वरे जडा बायदा कितया था, सै करणा। 5 मैं प्राथना

करदा है की परमेश्वर तुसां जो सबर कने उत्साहित करे, की तुसां यीशु मसीह सांई बणी करी अपु चे इक जुट होईकरी रेन। 6 ताकि तुसां सारे सोगी मिली करी साडे प्रभु यीशु मसीह दे पिता परमेश्वरे दी महिमा करन। 7 इस तांई इक दुज्जे जो अपनाई लिया जियां मसीहे तुसां जो अपनाई लिया है; ताकि लोक परमेश्वरे दी तारीफ करन। 8 मै बोलदा है, की जडे बायदे पूर्वजां जो दितयो थे, उना वायदयां जो सच्च करणे तांई कने ऐ दसणे तांई की परमेश्वर भरोसे दे लायक है, मसीहा यहदी लोकां दा सेवक बनया। 9 कने होर जातियां भी परमेश्वरे दी दया दिया बजा ने परमेश्वरे दी स्तुति करन, जियां पबित्र शास्त्र च लिखया है, “इस तांई मै कने होर जातियां दे लोकां च तेरी स्तुति करांगा, कने तेरे भजन गांगा।” 10 पबित्र शास्त्र च ऐ भी लिखया है, “होर जातियां दे सारे लोक, परमेश्वरे दी प्रजा सोगी खूशी मना।” 11 कने फिरी ऐसा भी लिखया है, “हे होर जातियां दे सारे लोको, प्रभु दी स्तुति करा; कने हे राज्य-राज्य दे सारे लोको; उदी स्तुति करा।” 12 कने फिरी परमेश्वरे दा संदेश देणेबाला यशायाह भी बोलदा है, “यिश्शै दी इक जड पैदा होणी है, कने होर जातियां पर शासन करणा, उस पर होर जातियां दे लोकां आस रखणी की उनी सांझो बचाणा।” 13 मै प्राथना करदा है की परमेश्वर जडा साडा दाता है, तुसां जो पूरे तरीके ला खूशी कने शांति दा आनंद लेणे तांई सहायता करी सके, ताकि पबित्र आत्मा दिया शक्तिया ने तुहाडी आस बददी जा। 14 हे मेरे मसीह भाईयो; मै अपु भी तुसां दे बारे च पक्का जाणदा है, कने तुसां भी अच्छे ने जाणदे न की परमेश्वर कया चांदा है, की तुसां जो कया करणा चाईदा कने इक दुज्जे जो सिखाई सकदे न। 15 तमी मै कुथी-कुथी तुसां जो याद दिलाणे तांई तुसां जो बडी हिममत करिके लिखया है, ऐ उस अनुग्रह दिया बजा ने होया है, जडा परमेश्वरे ला मिंजो मिलया है। 16 ताकि मै होर जातियां तांई मसीह यीशु मसीह दा सेवक होईकरी मै इक याजक सांई परमेश्वरे ला मिलियो शुभसमाचार सुणाणे दी सेवा करदा है; ताकि होर जातियां जो परमेश्वरे दे सामणे भेंट दे स्पे च दितया जाए जिनसे सै खुश है, कने जिना जो पबित्र आत्मा पबित्र बनाया है। 17 मै यीशु मसीह दिया बजा ने हर इक उसा गल्ला दे बारे च जडी परमेश्वरे दी सेवा ने जुडियो है उसा पर घमंड करी सकदा है। 18 क्योंकि जडा मसीहे मेरे तांई कितया है, इसा ही बजा ने मै ऐ हिमता ने बोली सकदा है की मै होर जाति दे लोकां जो परमेश्वरे दे हुकमा दा पालन करबाणे दे काबिल है। जालू सै मेरियां गल्लां जो सुणदे न कने मेरे कम्मा जो दिखदे न तां सै यीशु मसीह पर भरोसा करदे न। 19 पबित्र आत्मा दे जरिये मिंजो दितियो शक्ति ने मै अनोखे कम्म कने चमत्कार करदा है, इस तांई जिथू भी मै यरूशलेम ला इलिरिकम दीकर गिया है, ओथु मै सारे लोकां जो, यीशु मसीह दे बारे च शुभसमाचार सुणादा है। 20 पर मेरे मने दी इच्छा ऐ है, की शुभसमाचार दा प्रचार उना जगां च हो, जिथू यीशु मसीह दे बारे च हले दीकर सुणया ना हो; मै ओथु शुभसमाचार दा कम्म नी करी सकदा जिथू कुनी होरनी पेहले ही शुरू करी दितया हो। 21 मै उसा गल्ला जो पूरा करणा चांदा है जडा पबित्र शास्त्र च लिखया है, “जिना जो शुभसमाचार दे बारे च

दसया ही नी है, उना दिखणा है कने जिना कदी उदे बारे च सुणाया नी है, उना भी समझणा।” 22 ऐ सेई बजा है की तुसां ने मिलणे तांई मेरे ओणे च मुशकिल ओदी रेई। 23 पर हण इना प्रदेशां च, मै अपना कम्म पूरा करी लिया है, कने बडे सात्तां ला मिंजो तुहाडे बाल ओणे दी इच्छा है। 24 इस तांई जालू मै इसपानिया देश जो जांगा तां तुहाडे बाल होंदा जांगा क्योंकि मिंजो आस है, की उस यात्रा च तिजो ने मिल्ले, कने तुहाडे सोगी संगती करिके खुश होई जां, मै चांदा है की तुसां मिंजो मेरी इसपानिया देश दी यात्रा तांई सहायता करन। 25 पर हण तां मै परमेश्वरे दे पबित्र लोकां ने मिलणे तांई यरूशलेम शहर जो चलया है। 26 क्योंकि मकिदुनिया कने अख्या प्रदेशे दे लोकां ऐसा करणा इक खरी गल्ल समझी, की जडे यरूशलेम शहर दे परमेश्वरे दे लोक न कने गरीब न उना तांई कुछ चंदा भेज न। 27 उना ऐ खुशिया ने कितया है, सै यरूशलेम शेहरे दे लोकां दे कर्जदार न, क्योंकि होर जातियां जो यरूशलेम शहर च रेणेबाले विक्वासियां ला खुशखबरी दी आत्मिक आशीषां मिलियां न, इस तांई उना जो लगदा है की इदे बदले च उना दी कुछ चंदा देईकरी सहायता करी सकदे न। 28 इस तांई मै सबते पेहले यरूशलेम शहर चलया है ताकि उना जो ऐ गठेरेया चंदा देई सके। उदे बाद, फिरी मै रोम देश च आई करी तुसां ने मिलणे बाद इसपानिया देश जो जाणा। 29 कने मै जाणदा है, की जालू मै तुहाडे बाल ओणा, तां मसीह दी खास आशीष जो तुहाडे सोगी बंडगा। 30 कने हे मसीह भाईयो; प्रभु यीशु मसीह च साडे भरोसे कने पबित्र आत्मा सांझो जडा प्यार दितया है उदिया बजा ने, मै तुसां ने बिनती करदा है की तुसां मेरे तांई परमेश्वरे ला बडी इमानदारिया ने प्राथना करा। 31 की मै यहदिया प्रदेशे दे अक्विसियां ला बची रे, कने इस तांई भी प्राथना करा की ओथु दे विक्वासी भी मेरे इस तोफे जो ग्रहण करी लेन जडा मै अपणे सोगी यरूशलेम शहर जो लेई चलया है। 32 कने मै परमेश्वरे दिया इच्छा ने तुहाडे बाल खुशिया ने आई करी तुहाडे सोगी अराम करे। 33 मै प्राथना करदा है की परमेश्वर, जडा शांति दिन्दा है, तुसां सारयां सोगी हो। आमीन।

16 मै तुसां ने फीबे तांई बिनती करदा है, जडी साडी साथी विक्वासी बेहण है कने क्रिखिया शहर दिया कलीसिया दी सेविका है, मै चांदा है की तुसां इसा दी इज्जत करा। 2 जडा प्रभु दा है, उदा स्वागत करा; कने जिना गल्ला च उसा जो तुहाडी सहायता चाईदी होंगी, तां उसा दी सहायता करा; क्योंकि उना मतयां दी सहायता कितियो है कने मेरी भी। 3 बेहण प्रिस्का कने उसा दे घरे बाले अक्विला जो मेरी तरफा ला नमस्कार जडे यीशु च मेरे सोगी प्रभु दी सेवा करदे न। 4 उना मेरी जान बचाणे तांई अपणी जान खतरे च पाई थी, कने सिर्फ मै ही नी पर होर जातियां दियां सारियां कलीसियां भी उना दा धन्यवाद करदियां न। 5 कने उसा कलीसिया जो भी नमस्कार जडी उना दे घरे च गिठी होंदी है। मेरे प्यारे इपेनितुस जो नमस्कार जडा आसिया प्रदेश ला मसीह पर भरोसा करणे बाला पेहला माणू है। 6 मरियम जो नमस्कार, जिना तुहाडे तांई बडी मेहनत कितियो है। 7 भाई अन्दरनिकुस कने बेहन युनियास जो नमस्कार, जडे मेरे यहदी विक्वासी भाई न, कने जडे

मेरे सोगी जेला च थे, कने प्रेरित उना जो अच्छे ने जाणदे न, कने मिंजो ला पेहले मसीह पर भरोसा करदे थे। 8 अम्पलियातुस जो नमस्कार, जडा प्रभु च मेरा प्यारा भाई है। 9 उरबानुस जो नमस्कार, जडे मसीह च साडे सोगी प्रभु दी सेवा करदा है, कने मेरे प्यारे भाई इस्तखुस जो भी नमस्कार। 10 अपिल्लेस जो नमस्कार, जडा परखे जाण बाद भी मसीह पर भरोसा करदा रिया। अरिस्तुबुलुस दे परिबारे जो नमस्कार। 11 मेरा रिशतेदार यहदी भाई हेरोदियोन जो मेरा नमस्कार। नरकिस्सुस दे परिबारे दे लोकां जो मेरा नमस्कार, जडे प्रभु यीशु मसीह जो मंदे न, 12 बेहण नूफेना कने बेहण नूफोसा जो मेरा नमस्कार, जडियां प्रभु दी सेवा तांई मेहनत करदियां न। प्यारी बेहण पिरसिस जो मेरा नमस्कार जिना प्रभु च बडी मेहनत किती। 13 स्फुस जो जिसयो प्रभुए अपणी सेवा तांई चुणया है, कने उदी माता जो भी जडी मेरे तांई भी माता सांई है, दोनो जो मेरा नमस्कार। 14 असंकितुस कने फिलगोन कने हिर्मस कने पन्नबास कने हिमास कने उदे सोगी दे विश्वासी भाईयां जो मेरा नमस्कार। 15 फिल्लुगुस कने यूलिया कने नेर्यूस कने उदी बेहन, कने उलुम्पास कने उदे सोगी दे सारे परमेश्वरे दे लोकां जो मेरा नमस्कार। 16 अपु चे इक दुज्जे जो गले लाईकरी नमस्कार करा: तुसां जो मसीह दी सारी कलींसियां दिया तरफा ला नमस्कार। 17 हुण हे मसीह भाईयो, मैं तुसां ने बिनती करदा है, की जडे लोक कलींसिया च इक दुज्जे ने लडाई झगडा करदे न कने जिना दिया बजा ने दुज्जयां लोकां दा भरोसा खत्म होई जांदा है, ऐ लोक उसा सच्ची शिक्षा दे खिलाफ चलदे न जडी तुसां जो मिलियो है, ऐसे लोकां ला साबधान कने दूर रिया। 18 क्योकि ऐसे लोक साडे प्रभु यीशु मसीह दी नी पर अपने आप दी सेवा करदे न; सै खेल-खेल गल्लां करी के लोकां दी चापलूसी करदे न, इयां करी के सै सीधे-साधे लोकां जो धोखा दिन्दे न। 19 हर कोई जाणदा है की तुसां कितणे अच्छे ला प्रभु दे हुकम मंदे न; इस तांई मिंजो तुहाडे बारे च खूशी होदी है; पर मैं ऐ चांदा है, की क्या खरा है ऐ जाणने तांई बुद्धिमान न, पर बुराईयां तांई भोले बणी रिया। 20 शांति दे परमेश्वरे शैताने जो तुहाडे अधीन करी देणा। मैं प्राथना करदा है की साडे प्रभु यीशु मसीह दा अनुग्रह हमेशा तुसां सबना पर होदा रे। 21 तीमुथियुस मेरे सोगी कम्म करणे बाले दा, कने लुकियुस कने यासोन कने सोसिपत्रुस मेरे यहदी भाई दा, तुसां जो शुभकामनाए दे दा है। 22 मैं तिरतियुस जडा पौलुस तांई ऐ चिठी लिखा दा है, अपणी शुभकामनाए तुसां जो भेजा दा है। मैं भी प्रभु दा इक सेवक है। 23 गयुस भी तुसां जो अपणी शुभकामनाए भेजा दा है। मैं भी इदे घरे रेंदा है जिथू कलींसिया गिठी होदी है। इरास्तुस जडा इस शेहरे दा भण्डारी है, कने साडे भाई क्वारतुस भी तुहांजो अपणी शुभकामनाए भेजदा है। 24 मैं प्राथना करदा है की साडे प्रभु यीशु मसीह दा अनुग्रह तुसां पर रे। 25 हुण सारी महिमा परमेश्वरे जो मिल्ले जडी तुसां जो मजबूत बणाणे च काबिल है कने जिस शुभसमाचार दा मैं प्रचार करदा है, इस संदेश च यीशु मसीह अपणी उस योजना जो होर जातियां तांई प्रगट कितया है, जडी शुरू ला गुप्त थी। (aiōnios g166)

संदेश देणेबालयां दियां कताबां दे जरिये सारियां होर जातियां जो दसया है, की सै भरोसे ने हुकम मनणे बाले होई जान। (aiōnios g166) 27 उसी इकमात्र बुद्धिमान परमेश्वरे दी यीशु मसीह दे जरिये युगां-युगां दीकर महिमा होदी रे। आमीन। (aiōn g165)

26 पर हुण प्रगट होईकरी हमेशा दे परमेश्वरे दे हुकमे ने परमेश्वरे दे

1 कुरिन्थियों

1 मैं, पौलस जडा प्रभु यीशु दा प्रेरित होणे तांई परमेश्वरे दिया इच्छा ला चुणया है कने मैं ऐथु साडे मसीह भाई सोस्थिनेस सोगी है। 2 मैं ऐ चिठ्ठी परमेश्वरे दिया कलीसिया जो लिखा दा है, जडी कुरिन्थुस शहर च है, मतलब की उना लोकां जो जिना जो परमेश्वरे यीशु मसीह सोगी इक करिरी अपने लोक होणे तांई लग कितया है कने उनी तुहांजो अपने पबित्र लोक होणे तांई सदया है; उनी तुहांजो तियां ही पबित्र कितया है, जियां सै हर जगा दे लोकां जो पबित्र करदा है जडे यीशु मसीह पर भरोसा करदे न, जडा साडा सारयां दा प्रभु है। 3 मैं प्राथना करदा है की साडे पिता परमेश्वरे कने प्रभु यीशु मसीह तुहांजो अनुग्रह कने शांति दे। 4 मैं तुहाडे बारे च अपने परमेश्वरे दा हमेशा धन्यवाद करदा है, क्योंकि उनी अपने अनुग्रह ला तुसां जो यीशु मसीह च इक करी दिता कने मतियां सारियां आशीषां दितियां। 5 मसीह सोगी इक करणे दा मतलब ऐ है, की परमेश्वरे तुसां जो सै बडा जादा दिता जिदी तुहांजो जरूरत थी, खासकर, उदा संदेश सुणाणे कने उदे बचन दे ज्ञान दियां केई आत्मिक आशीषां दितियां। 6 इना आत्मिक आशीषां ला जडियां परमेश्वरे तुहांजो दितियां न, तुहांजो साबित किता की मसीह दे बारे च संदेश सच्चा है। 7 कने इसा बजा ला पबित्र आत्मा तुहांजो सै सारे हुनर दिते जिना दी तुहांजो जरूरत थी, क्योंकि तुसां प्रभु यीशु मसीह दे मुडी ओणे दा इंतजार करा दे थे। 8 कने परमेश्वरे तुसां जो आखरी दीकर भरोसे च मजबूत करणा, की तुसां साडे प्रभु यीशु मसीह जो धरती पर मुडी ओणे दीकर निर्दोष बणी रेन। 9 परमेश्वरे ऐसा करणा, क्योंकि जडा सै बोलदा है उसयो पूरा करणे तांई सै भरोसे दे काबिल है, कने उनी तुहांजो अपने पुत्र यीशु मसीह सोगी रिशता बनाणे तांई सदया है। 10 हे प्यारे भाईयो, मैं साडे प्रभु यीशु मसीह दे अधिकारे ला तुहांजो ला बिनती करदा है, की तुसां सब इक दुज्जे सोगी सेहमती रखा, कने तुसां च फूट ना होऐ, पर इक ही मन कने इक ही सोच च होईकरी मिली करी रिया। 11 क्योंकि हे मेरे मसीह भाईयो, खलोए दे परिबारे दे लोकां मिंजो तुहाडे बारे च दसया है, की तुसां च झगडे होआ दे न। 12 मेरे बोलणे दा मतलब ऐ है, की तुसां चे कोई अपने आपे जो बोलदा है की मैं “पौलस दा चेला है,” कोई बोलदा, “अपुल्लोस दा चेला है,” कोई बोलदा, “कैफा दा,” कोई बोलदा, “मसीह दा चेला है।” 13 ऐ गल्ल खरी नी है, क्योंकि मसीह लग-लग टोलियां च नी बंडूया है। शायद तुसां गलतिया ला ऐ सोचदे न की मैं, पौलस तुहांजो अजाद करणे तांई सूली पर चढया था। कने शायद तुसां गलतिया ला ऐ भी सोचा दे न की तुहांजो इस तांई बपतिस्मा दितया है ताकि तुसां मेरे चले बणन। 14 मैं परमेश्वरे दा धन्यवाद करदा है, की क्रिस्पुस कने गयसु इना दोनों भाईयां जो छडी करी, मैं तुसां चे कुसी जो भी बपतिस्मा नी दितया है। 15 इस तांई कोई ऐसा नी बोली सकदा की तुसां मेरे चले बणने तांई बपतिस्मा लिया है। 16 कने मिंजो हणी याद आया, की मैं स्तिफनास दे परिबारे जो भी बपतिस्मा दितया; इना जो छडी करी,

मैं नी जाणदा कि मैं कुसी होरसी जो भी बपतिस्मा दितया है। 17 क्योंकि मसीह मिंजो बपतिस्मा देणे तांई नी, पर श्भसमाचार सुणाणे जो भेजया है, जालू मैं श्भसमाचार सुणादां है, तालू बोलणे च मैं अपने हुनर दा इस्तेमाल नी करदा है, अगर लोक सिर्फ मेरे हुनर दिया बजा ला मिंजो मदे न, तां सै सूली पर मसीह दी मौत दी शक्ति जो नी जाणदे न। 18 क्योंकि जडे लोक परमेश्वरे ला लग होई जाणे, उना जो सजा मिलणी, सै सूली पर मसीह दी शिक्षा दी कोई कीमत नी समझदे, पर साडे तांई जडे बचायो न, असां जाणदे न की ऐ परमेश्वरे दिया शक्तिया दा सबूत है। 19 क्योंकि पबित्र शात्र च परमेश्वर बोलदा है, “मैं दसणा है की जिना लोकां दे बिचारां जो संसारे दे लोक बुद्धिमानी बोलदे न, असल च सै बिचार मुर्खता दे न। मैं साबित करणा है की असल च सै बिलकुल भी समझदार नी न।” 20 तां फिरी, असां बुद्धिमान लोकां दे बारे च क्या बोली सकदे न? कने असां व्यवस्था जो सिखाणे बालयां दे बारे च बोली सकदे न? कने असां उना लोकां दे बारे च क्या बोली सकदे जडे बोलणे च बडे चलाक न? परमेश्वरे उना सारयां जो मुख बणाई दितया है, कने उना दी बुद्धिमानी जो बेकार कने बकवास दसया है। (aiōn g165) 21 मैं ऐसा इस तांई बोलदा है क्योंकि परमेश्वरे समझदारिया ला ऐ फेसला लिया की इस संसारे दे लोक अपनी काबलियता ला उसयो नी जाणी सकदे न, इस तांई परमेश्वर उना जो बचादां जडे श्भसमाचार पर भरोसा करदे न जिदा असां प्रचार करदे न, चाहे कोई भरोसा नी करणे बाला बोले की ऐ मुर्खता दियां गल्लां न। 22 यहूदियां तांई ऐ इस तांई मुर्खता है, क्योंकि सै इसयो सच्च साबित करणे तांई स्वर्ग ला कोई निशाण मंगदे न, कने होर जातियां तांई भी जडे इन्सानी ज्ञान दिया तोपा च रेदे न। 23 पर असां तां ऐ प्रचार करदे न की मसीह साडे पापां ला सांझो छुड़ाणे तांई सूली पर मरया, जडा यहूदियां तांई ठोकर दी बजा है, कने होर जातियां दिया तांई मुर्खता है; 24 पर जिना जो परमेश्वरे अपने लोक होणे तांई सदया है, क्या यहूदी, क्या होर जातियां दोना तांई ऐई मसीह परमेश्वरे दी शक्ति, कने परमेश्वरे दा ज्ञान है। 25 ऐ परमेश्वरे दी मुख योजना बुद्धिमान माणुआं दी योजना ला जादा बुद्धिमान है, कने परमेश्वरे दी कमजोरी भी माणुआं दी सबना ला बडी ताकत ला भी बदीकरी ताकतबर है। 26 हे मसीह भाईयो, अपने उना हालतां जो याद रखा जालू परमेश्वरे तुसां जो मसीह दे पिच्छे चलणे तांई सदया, अगर असां इन्सानी सोचा ला सोचन, तां तुसां चे मते बुद्धिमान नी थे, कने तुसां चे कोई भी राजा महाराजे दे खानदान ला नी थे। 27 पर बुद्धिमान लोकां जो शरमिन्दा करणे तांई, परमेश्वरे उना लोकां जो चुणया जडे संसारे दिया नजरा च मुख न कने ताकतबर लोकां जो शरमिन्दा करणे तांई, परमेश्वरे उना लोकां जो चुणया जडे संसार दिया नजरा च कमजोर न। 28 कने परमेश्वरे उना जो चुणया जडे संसारे दे लोकां दिया नजरा च निच न, कने जिना दी संसार च कोई कीमत नी है उना जो चुणी लिया ताकि जडे अपने आप जो कीमती समझदे न उना जो बेकार करी दे। 29 परमेश्वरे ऐसा इस तांई कितया ताकि कोई भी माणु परमेश्वरे सामणे घमंड ना करे। 30 पर परमेश्वरे तुहांजो यीशु मसीह सोगी इक किता,

कने मसीह दे जरिये सांझो बुद्धि दिन्दा है। परमेश्वर सांझो धर्मी बणादा है, कने मसीह दे जरिये सांझो पबित्र, कने पापां ला छुड़ादां है। 31 ताकि जियां पबित्र शास्त्र च लिखया है, तियां ही हो, “जडा घमंड करे सै उस पर घमंड करे जडा परमेश्वरे कितया है।”

2 हे मसीह भाईयो, जालू मैं तुहांजो परमेश्वरे दे बारे च सदेश सुणाया, तां मैं बड़े-बड़े ज्ञान दे अखरां दा इस्तेमाल नी किता कने ना ही समझदार लगणे दा दिखाबा किता। 2 क्योंकि मैं तुहाड़े बिच ऐ फेसला करी के आया था, की मैं यीशु मसीह कने उदी सूली पर मौत दे बारे दे इलाबा होर केसी दे भी बारे च गल्ल नी करणी है। 3 कने जालू मैं तुहाड़े बाल था, तां मैं अपने आप जो मसीह दा कम्म करणे दे काबिल नी समझदा था, इसा बजा ला मैं बडा कमजोर कने डरदा होया तुहाड़े सोगी रिया। 4 कने मेरी शिक्षा कने मेरे प्रचार च संसारिक ज्ञान कने लोकां जो खुश करणे बालियां गल्लां नी थियां; पर पबित्र आत्मा बडिया शक्तिया ला प्रगत किता की जडी शिक्षा मैं तुहांजो दिती सै सचची है, 5 इस ताई की तुहाडा भरोसा माणुए दे ज्ञान पर नी पर परमेश्वरे दिया शक्तियां पर निर्भर हो। 6 फिरी भी मैं उना लोकां जो, जडे भरोसे च मजबूत न, ज्ञान भरी शिक्षा दिन्दा है; पर ना ही संसारिक ज्ञान कने ना ही इस संसारे दे हाकिमा दा ज्ञान, जिना दा नाश होणेबाला है। (aiōn g165) 7 पर असां परमेश्वरे दे उस ज्ञान दी गल्ल करदे न जडा गुप्त था। हल्ले दीकर इसयो कोई नी जाणदा था, परमेश्वरे धरती बणाणे ला पेहले ही फेसला लिया था, की उदे ज्ञान ला सांझो महिमा मिल्ले। (aiōn g165) 8 परमेश्वरे दिया इसा योजना जो संसारे दे हाकिमा चे कुनी भी नी समझया, क्योंकि अगर जाणदे, तां महिमामय प्रभु जो सूली पर नी चढ़ादे। (aiōn g165) 9 पर जिईयां पबित्र शास्त्र च लिखया है, “ना कदी कुनी दिखया है, ना कदी कुनी सुणया, कने ना कदी कुनी उना भली चीजां दे बारे च सोचया, जडियां परमेश्वरे उना लोकां ताई तैयार कितियां न जडे उदे ने प्यार करदे न।” 10 परमेश्वरे ऐ गल्लां पबित्र आत्मा जरिये असां प्रेरितां जो दसियां; क्योंकि ऐसा कुछ नी है जडा परमेश्वरे दी आत्मा नी जाणदा हो। ऐथु दीकर की सै परमेश्वरे डुगे बिचारां जो भी अच्छे ने जाणदा है। 11 तुसां सेई न जडे जाणदे न की तुहाड़े अपने मने च क्या है, तियां ही परमेश्वरे दिया आत्मा दे सिबाये कोई भी परमेश्वरे दे बिचारां जो नी जाणी सकदा। 12 पर साडी सोच कने बिचार संसारे दे माणुआं साईं नी न, पर परमेश्वरे सांझो अपणी आत्मा दितियो है, ताकि असां उना गल्लां जो जाणन, जडियां परमेश्वरे अपने अनुग्रह ला दितियां न। 13 कने इस ताई असां इना गल्लां जो दुज्जे लोकां जो दसदे न तां असां ऐसे अखरां दा इस्तेमाल नी करदे, जडे माणुआं दे ज्ञाने ला मिलदे न, पर असां उना अखरां दा इस्तेमाल करदे न जडे परमेश्वरे दिया जरिये मिलदे न, जडा आत्मिक ज्ञाने दे जरिये आत्मिक गल्लां जो समझांदा है। 14 पर सै माणु जिसयो परमेश्वरे दी आत्मा नी मिलियो है, सै परमेश्वरे दिया आत्मा दियां गल्लां जो नी मंदा, क्योंकि सै उदिया नजरा च मुर्खता दियां गल्लां न कने सै इना गल्लां दी कीमत नी समझदा। 15 जिना जो पबित्र आत्मा मिलया, सै उना चीजां जो समझी सकदे न, जडा पबित्र आत्मा सिखांदी है। पर

जिना लोकां बाल पबित्र आत्मा नी है सै उना लोकां दे बिचारां जो नी समझी सकदे जिना बाल पबित्र आत्मा है। 16 ऐ सचच है क्योंकि पबित्र शास्त्र च लिखया है की, “कोई भी ऐ नी जाणी सकदा की परमेश्वरे दे मने च क्या है कने कोई भी उसयो सिखाई नी सकदा।” पर असां भरोसा करणे बाले समझदे न की मसीह दे मने च क्या है।

3 हे मसीह भाईयो, मैं जालू तुहाड़े सोगी था, तालू मैं तुसां जो गेहरी गल्लां नी सिखाईयां, जियां की मैं आत्मिक लोकां जो सिखांदा है, मैं तुसां लोकां ला इयां गल्लां कितियां जियां की तुसां इसा दुनिया दे लोकां साईं न, या इयां जियां की तुसां मसीह जिन्दगी च बच्चे न। 2 मैं तुहांजो परमेश्वरे दे बचने ला सिर्फ बुनियादी शिक्षा दिती, कने गेहरी शिक्षा नी दिती, क्योंकि उस बकत तुसां इसा शिक्षा जो पाणे ताई तैयार नी थे, 3 क्योंकि तुसां हल्ले दीकर भी संसारे दे लोकां साईं जिन्दगी जिया दे न। इस ताई की जालू तुसां च इक दुज्जे सोगी जलन कने झगडा होंदा है, तां ऐ साबित करदा है की तुसां संसार दे लोकां साईं न। कने तुसां उना लोकां साईं जिन्दगी जिन्दे न जडे लोक प्रभु दे लोक नी न। 4 इस ताई की जालू इक बोलदा है की, “मैं पौलुस दा है,” कने दुज्जा बोले कि, “मैं अपुल्लोस दा है,” तां क्या तुसां संसार दे लोकां साईं नी करदे न? 5 तां फिरी सोचा की अपुल्लोस कुण है? कने मैं पौलुस कुण है? असां तां सिर्फ परमेश्वरे दे सेवक न, जिना दे जरिये तुसां मसीह पर भरोसा किता, असां चे हर इक जणे सेई कम्म किता जडा परमेश्वरे सांझो करणे ताई दिता। 6 अगर मैं तुसां दी तुलना खेतेरे सोगी करे, तां मैं उस माणुए साईं है जिनी पेहले तुसां च शुभसमाचार दा बी राया, कने अपुल्लोस उस माणुए साईं है जिनी उस बूटे जो खाद पाणी दिता ताकि सै बदी सके, पर परमेश्वर ही है जडा तुसां जो आत्मिक रूप ला बदादां है, जियां परमेश्वर उस बूटे जो बदादां है। 7 इस ताई ना तां बूटे जो लगाणे बाला कुछ है, कने ना ही सै कुछ है जिनी खाद पाणी दिता, पर परमेश्वर ही सब कुछ है जिनी उस बूटे जो बदाया। 8 मैं तुहांजो शुभसमाचार सुणाया कने परमेश्वरे दे बचना जो सिखाणा शुरू किता कने अपुल्लोस तुहांजो सिखांदा रिया पर साडा दोनो दा इक ही मकसद है, कने हर इक माणुए जो उदिया मेहनता दे साबे ला परमेश्वरे इनाम देणा। 9 क्योंकि असां परमेश्वरे दे सहकर्मि न; कने तुसां सारे मसीह लोक परमेश्वरे दिया खेतिया साईं न, कने मैं तुहाडी तुलना इक घरे साईं करी सकदा है, जिसयो परमेश्वर बणांदा है। 10 परमेश्वरे जडा बरदान मिजो दिता, उदे जरिये मैं इक खरे राज मिझीऐ साईं उस घरे दिया नियां पाईयां कने होर दुज्जे लोकां इसा नियां पर घर बणाया। पर हर इक माणु ध्यान रखे की सै कियां घर बणांदा है। 11 क्योंकि नि जडी पहले ला ही रखियो है, सै यीशु मसीह है, कने होर कोई भी दुज्जी नि नी रखी सकदा। 12 कने अगर मसीह सेवक खरियां गल्लां सिखाए जडियां परमेश्वरे उना जो दीतियां, सै उना घर बणाणे बालयां साईं न जडे उसा नियां पर होर चीजां न जियां सोना या चांदी या कीमती पथरां ला घर बणांदा है। पर अगर सै झूठियां गल्लां सिखाए तां सै उना घर बणाणे बालयां साईं है जडे घटिया चीजां ने जियां लकडी, भू कने घाए ने घर

बणादे, 13 पर न्याय बाले रोजे अग्गी हर कुसी दे कम्म प्रगट करणे न की कुदे कम्म खरे थे कने कुदे कम्म बुरे थे; कने अग्गी दसणा है की उस माणुए दे कम्मा दी कोई कीमत है की नी। 14 अगर कुसी घर बणाणे बाले दा कम्म जडा उनी उसा नियां पर घर बणादे बकत कितया हो, कने अगर सै नी फकुंगा तां मसीहे उसयो इनाम देणा है। 15 पर अगर कुसी घर बणाणे बाले दा कम्म फकुई जांगा तां मसीहे उसयो इनाम नी देणा। पर उसयो हमेशा दी जिन्दगी मिली जाणी जडी परमेश्वरे उस तांई रखियो है। 16 तुसां जो पक्का पता है, की तुसां परमेश्वरे दा मन्दिर न, कने परमेश्वरे दी दितियो आत्मा तुहाडे बिच वास करदी है। 17 तुसां परमेश्वरे दे मंदरे सांई न, अगर कोई माणु तुहांजो मिली जुली करी रेणा नी दिन्दा है। तां परमेश्वरे उसयो सकत सजा देणी, क्योंकि परमेश्वरे दा मंदर पबित्र है, कने सै मन्दिर तुसां न। 18 कोई अपने आपे जो धोखे च ना रखे। अगर तुसां चे कोई अपने आप जो इस संसारे दे लोकां सामणे ज्ञानी समझे, तां सै उना दिया नजरां च मुख बणी जाऐ, ताकि तुसां परमेश्वरे दिया नजरां च ज्ञानी बणी सकन। (aiōn g165) 19 क्योंकि इस संसारे दे लोक जिना गल्लां जो ज्ञान समझदे न, सै सारियां गल्लां परमेश्वरे दिया नजरां च मुर्वता है, जियां पबित्र शास्त्र च लिखया है की, “परमेश्वर ज्ञानी लोकां दी चलाकियां च उना जो फसाई दिन्दा है।” 20 कने पबित्र शास्त्र ऐ भी लिखया है की, “प्रभु ज्ञानी लोकां दे बिचारां जो जाणदा है की सारे बेकार न।” 21 इस तांई तुसां घमंड मत करा की तुसां कुसी खास माणुए दे चले न, मैं पैलुस, अपुल्लोस, पतरस, सारे तुसां दे न, ऐथु दीकर की सारा कुछ तुसां दा है मतलब की संसारे दियां चीजां, अगर तुसां जिन्दे न या मरी गियो, अज या भविष्य सब कुछ तुहाडा है। 23 कने तुसां मसीह दे अधिकारे दे अधीन न, कने मसीह परमेश्वरे दे अधिकारे अधीन न।

4 तुसां सांझो मसीह दे सेवक समझा जिना जो परमेश्वरे शुभसमाचार दे भेदां दी सच्चाई जो समझाणे दा कम्म दितया है। 2 परमेश्वरे जिसयो ऐ कम्म करणे जो दितया, जरूरी है की सै भरोसे लाइक हो, ताकि दितयो कम्मे जो पूरा करी सके। 3 पर मैं इसा गल्ला दी फिकर नी करदा की, तुसां या होर कोई मेरे बारे च ऐ बोले की ऐ भरोसे दे लायक है की नी है, सच्च तां ऐ है की मैं अपने बारे च भी नी बोलदा की मैं भरोसे दे लायक है की नी। 4 क्योंकि मेरी अंतरात्मा मिंजो कुसी भी गल्ला च दोषी नी बणांदा, पर इसला मैं निर्दोष नी बणदा, क्योंकि परमेश्वर मिंजो परखणेबाला है कने सेई मिंजो बेकसर साबित करदा है। 5 इस तांई सांझे प्रभु यीशु मसीह दे बापस ओणे दीकर कोई कुसी दा न्याय ना करे, क्योंकि परमेश्वरे साफ तरीके ला उना सारे बिचारां जो दसणा जडे लोकां दे मना च न, जिना दे बारे च कोई नी जाणदा है, उनी उना दे मने दे सारे इरादयां जो प्रगट करणा है, तालू परमेश्वरे दिया तरफ ला हर इकी दी तारीफ होंगी। 6 हे मसीह भाईयो, मैं अपुल्लोस कने अपने बारे च तुहांजो इस तांई दसया ताकि तुसां सांझो इक उदाहरण सांई लेई सकन, “पबित्र शास्त्र च जडा लिखया है, उसला अगगे मत बदा।” ऐ खरा नी है की तुसां कुसी इकी जो इज्जत देईकरी बढा बणा, कने दुज्जे दी

बेजती करिरी निचा दस्सा। 7 कुण बोलदा है की तू दुज्जे ला खरा है? कने जडा कुछ तरे बाल है सै परमेश्वरे तिजो दितया। कने जालू परमेश्वरे ही सब कुछ तिजो दितया, तां तिजो कोई हक नी है की तू कुसी गल्ला च घमंड करे। 8 तुहांजो लगदा है की तुहाडे बाल आत्मिक रूप च सारियां चीजां न। कने तुहांजो लगदा है की पेहले ही सारे बरदान तुहांजो मिली गियो न, जडे पबित्र आत्मा अपने लोकां जो दिन्दी है, कने तुहांजो लगदा की तुसां सांझे बिना राजयां सांई शासन करणा लगगी पियो न, मैं खुश होई जांदा अगर तुसां सच्ची राजयां सांई राज करणा लगगी पियो होंदे ताकि असां भी तुहाडे सोगी शासन करी सकन। 9 मिंजो ऐसा लग्गा दा की परमेश्वरे असां प्रेरितां जो जित दिया यात्रा च सारयां ला आखरी जगा च उना केदियां सांई रखया है जिना जो मौत दी सजा मिलियो हो। असां सारी दुनिया, स्वर्गदूतां कने माणुआं सामणे तमाशा बणी गियो न। 10 लोक सांझो मुख समझदे न क्योंकि असां मसीह दा प्रचार करदे न, पर तुसां गलत सोचदे न की तुसां बुद्धिमान मसीह न! मते लोक मंदे न की सांझे बाल कोई हक नी है। पर तुसां घमंड ला बोलदे न की तुहाडे बाल परमेश्वरे दी शक्ति है। लोक सांझी इज्जत नी करदे पर लोक तुहाडी इज्जत करदे न। 11 असां उस रोजे दीकर भूखे प्यासे कने फटयो कपडे पायो न, कने लोकां सांझो मारया कृतया, कने सांझे तांई रेणे जो घर नी था। 12 कने अपने ही हथां ला कम्म करिके मेहनत करदे न, लोक बुरा बोलदे न, असां आशीष दिन्दे न, सै सतादें न असां सेहन करदे न। 13 जालू लोक बदनाम करदे न, तां असां उना जो बडे प्यारभाव ला जबाब दिन्दे न। अजे भी लोक सांझी इज्जत नी करदे कने सै बोलदे न की सांझी कोई कीमत नहीं है। 14 मैं तुहांजो शरमिदा करणे तांई ऐ गल्लां नी लिखदा है, पर मेरा मकसद तुहांजो सुधारणा है क्योंकि तुसां मेरे बचयां सांई न जिना जो मैं बडा प्यार करदा है कने चेताबनी दिन्दा है। 15 भले ही तुहाडे बाल सिखाणे तांई हजारो गुरु होन, सिर्फ मैं ही तुहाडे पिता सांई है, क्योंकि मैं पेहला माणु है, जडा तुहाडे तांई शुभसमाचार लेईकरी आया, जिसदी बजा ला तुहांजो मसीह यीशु पर भरोसा होया। 16 इस तांई मैं तुहांजो बिनती करदा है, की जियां मैं मसीह च जिन्दगी जिया दा, तियां ही तुसां भी जिन्दगी जिया। 17 इस तांई मैं तीमुथियस जो तुसां बाल भेजया है, जडा प्रभु यीशु च मेरा प्यारा कने भरोसे बाला पुत्र है, उनी तुहांजो दसणा की मैं क्या करदा है कने यीशु मसीह दा चेला बणी करी जिया दा, ठीक ऐई गल्लां मैं हर जगा कने सारी कलीसियां जो सिखांदा। 18 तुहाडे बिच कुछ लोक सोचदे न की तुहांजो मिलणा नी ओणा, इस तांई सै घमंडी होई गियो न। 19 पर प्रभुए दी इच्छा होई तां मैं तुहाडे बाल जल्दी ओणा है, कने उना घमंडियां दियां सिर्फ शिक्षा जो ही नी, पर उना दिया शक्तिया जो भी जाणी लेणा है। 20 क्योंकि परमेश्वरे दा राज्य सिर्फ बडियां भरी गल्लां करणा ही नी, पर ऐ परमेश्वरे दिया शक्तिया ला जीणा है। 21 जालू मैं तुहाडे बाल ओणा तां तुसां क्या चांदे न की मैं करा? अगर तुसां अपणियां बुरियां गल्लां ला नी सुधारयो होंगे, तां मैं तुहांजो

अपने तरीके ला सुधारगा, पर अगर सुधरी गियो होंगे तां मै तुसां पर दया दसणी, कने दसणा की मै तुहांजो ने कितणा प्यार करदा है।

5 मै लोकां जो तुहाड़े बारे च बोलदे सुणया है, की तुसां चे कुछ लोक व्यभिचार करदे न, कने ऐसा व्यभिचार तां होर जाति दे लोकां च भी नी होंदा। सै ऐ है की इकी माणुए अपणी सौतेली माऊ सोगी नाजायज रिश्ता रखया है। 2 कने तुसां जो तां इसा गल्ला दा दुख होणा चाईदा था, पर इदे बजाये तुसां इसा गल्ला च घमंड करदे न। तुहांजो इयुदे माणुआं जो कलीसिया ला कडी देणा चाईदा। 3 भले ही मै ओथु तुहाड़े सोगी नी है, पर ऐसा लगदा है कि मने ला मै ओथु ही है, कने मै इयुदे कम्म करणे बालयां दे खिलाफ फेसला करी दितया है। 4 कने तुहांजो ऐसा करणा चाईदा की तुसां सारे भरोसा करणे बाले होणे दे नाते गिठे होन, ऐ जाणदे होऐ की तुहाड़े बाल असल च साड़े प्रभु यीशु मसीह दा हक है। 5 उस पाप करणे बाले माणुऐ जो अपणी कलीसिया ला कडी दिया, कने बापस उस जो शैतान दे बशे च देई दिया। क्या पता सै पाप करणा छडी दे। क्योंकि अगर सै पाप करणा छडी दिंगा, तां जिस दिन प्रभुए न्याय करणा पक्का उस दिन उनी बची जाणा। 6 तुहाडा घमंड करणा बिलकुल भी ठीक नी है, क्या तुसां नी जाणदे की थोडा दिया खमीर पुरे गुनयो आटे जो खमीर करी दिन्दा है? अगर कुसी माणुऐ जो पाप करणे दी इजाजत मिलदी है, तां इत सारयां पाप करणा लगी पोंणा। 7 जियां यहूदी लोक अपने घरां ला फसह दा त्योहार मनाणे ला पेहले सारा खमीर कडी दिन्दे न, तियां ही तुसां भी इस पापी माणुऐ जो कलीसिया ला कडी दिया, तां तुसां इक ताजी रोटिया सांई होणा, जडी बिना खमिरे ला बणियो है, कने असल च तुसां सेई न। क्योंकि साड़े फसह दा त्योहार असल च मसीह दे बलिदाने दे जरिये पूरा होया है। 8 इस तांई ओआ की असां अपने फसह दा त्योहार मनान। जियां यहूदी खमीर बाहर कडया, तियां अपने पापी सभाब जो छडी दिया, कने जियां यहूदी खमिरे बाली रोटी खांदे थे, सांझो भी परमेश्वरे दे लोकां सांई जीणा चाईदा, जिना च कोई बुराई नी होंदी, मतलब की अपने मने ला चलाकिया दियां गल्लां जो कडी करी कने सच्चाईया कने यीशु मसीह सोगी चला। 9 मै अपणिया पिछलिया चिठिया च तुहांजो लिखया था, की व्यभिचारियां सोगी संगती मत करदे। 10 ऐ नी की तुसां बिलकुल ही इस संसारे दे व्यभिचारियां, या लोभियां, या दूज्जयां जो धोखा देणेबाले, या मूर्तिपूजा करणे बालयां दी संगती नी करणी, क्योंकि इयां तां तुहांजो इस संसारे ला निकलना पेई जाणा। 11 पर मेरे बोलणे दा मतलब ऐ है, ऐसे माणुऐ सोगी कोई रिश्ता मत रखा जडा अपने आपे जो मसीही बोलदा है, पर व्यभिचार, या लालची, या मूर्तिपूजक, या गाली देणे बाला, या शराबी, या दूज्जयां जो धोखा देणेबाला हो, तां उस माणुऐ सोगी संगती मत करदे। 12 क्योंकि कलीसिया ला बाहर बालयां दा फेसला करणा मेरा कम्म नी है, पर तुहांजो उना जो जरूर सुधारणा चाईदा जडे तुहाड़े कलीसिया दे लोक न। 13 पर कलीसिया ला बाहर बालयां दा फेसला परमेश्वर करदा है: पर जियां पबित्र शास्त्र च लिखया है, की कुसी भी बुरे कम्म करणे बाले माणुऐ सोगी रिश्ता मत रखा।

6 अगर तुहाडा कुसी दुज्जे मसीह भाई या बेहणा सोगी झगडा होंदा है, तां तुसां जो कचेरी च नी जाणा चाईदा। तुहांजो अपणी कलीसिया चे कुसी जो बोलणा चाईदा की, सै तुहाड़े झगडे दा फेसला करे की कुण सही है कने कुण गलत है। 2 तुसां जाणदे न की, ओणे बाले दिना च परमेश्वरे दे लोकां इस संसारे दे लोकां दा न्याय करणा। इस तांई जालू तुसां बिच छोटे मोटे झगडे होन तां तुसां जरूर फेसला करी सकन की कुण गलत है कने कुण सही है। 3 तुसां जाणदे न की, ओणे बाले दिना च असां शैताने दे दूतां दा न्याय करणा, तां असां जरूर इसा जिन्दगिया च होणे बालियां छोटियां-छोटियां गल्लां दा फेसला करी सकदे न। 4 अगर एसियां गल्लां सामणे ओदियां न, तां उना दा फेसला करणे तांई ऐसे लोकां बाल नी जाणा चाईदा, जिना दी कलीसिया दे लोक इज्जत नी करदे होन। 5 मै ऐ गल्लां तुहांजो शरमिदा करणे तांई बोला दा है; क्या सच्ची तुसां चे कोई भी समझदार नी है, जडा अपने मसीह भाईयां कने बेहणा दा न्याय करी सके? 6 बल्कि इक मसीह भाई दुज्जे मसीह भाई दे खिलाफ मुकदमे जो लेईकरी भरोसा नी करणे बाले बाल जाए। 7 पर सच्ची गल्ल तां ऐ की तुसां बिच मुकदमे चलणे दा मतलब है की तुसां इक मसीही जिन्दगी जिणे च हारी गियो न। इस तांई अगर कोई होर मसीह भाई या बेहण तुहाड़े सोगी गलत करे, कने धोखे ने तुहाडा कुछ लेई ले, तां तुसां इदे बदले च कुछ मत करा। 8 पर तुसां तां अपु ही गलत करा दे न कने धोखा दे न कने सै भी अपने ही मसीह भाई बेहणा जो। 9 तुसां पक्का जाणदे न की, बुरे कम्म करणे बाले लोक परमेश्वरे दे राज्य दे हकदार नी होणे न। कोई तुसां जो ऐ गल्ल बोली करी धोखा ना दे, की तुसां बुरे कम्म करी के भी परमेश्वरे दे लोक बणी रेई सकदे न। इस धोखे च मत रेंदे की, बेश्यागामी, मूर्तिपूजा करणे बाले, परस्त्रीगामी, लुच्चे, पुरुषगामी, 10 चोर, लालची, शराबी, गाली देणेबाले, दुज्जयां जो धोखा देणेबाले परमेश्वरे दे राज्य दे हकदार नी होणे न। 11 कने तुसां चे कुछ लोक पेहले ऐसे ही थे, पर प्रभु यीशु मसीह दे नापे ला कने साड़े परमेश्वरे दिया पबित्र आत्मा तुहाड़े पाप धोई दितयो न, ताकि तुसां पबित्र कने परमेश्वरे दिया नजरा च धर्मी बनन। 12 तुसां बोली सकदे न की, मै सारियां चीजां करी सकदा है क्योंकि मै इक मसीह पर भरोसा करणे बाला है; पर सारियां चीजां मेरे फायदे दियां नी न। पर मै कुसी भी गल्ला दे बशे नी होणा। 13 तुसां बोली सकदे न की, खाणा पेटे तांई, कने पेट खाणे तांई है, ऐ तां सच्च है पर परमेश्वरे ऐ दोनों खत्म करी देणा। साड़े शरीर व्यभिचार तांई नी न, बल्कि प्रभु तांई है, कने इसला प्रभु दी सेवा करणी चाईदी। 14 पर साडा शरीर इस तांई भी खास है क्योंकि जियां परमेश्वरे अपणिया शक्तिया ला प्रभु जो मरयां चे जिन्दा किता, तियां ही उनी सांझो भी मरयां चे जिन्दा करणा। 15 तुसां जाणदे न की, तुहाड़े शरीर मसीह दे अंग न। तां क्या इक माणुऐ अपने शरीर जो लेईकरी, बेश्या सोगी जोडना चाईदा? नी बिलकुल भी नी। 16 तुसां जाणदे न की पबित्र शास्त्र च लिखया है, “उना दोनों इक बणी जाणा।” इस तांई तुहांजो पता होणा चाईदा की जडा कोई बेश्या ला जुडी जांदा है सै बेश्या सोगी इक बणी जांदा है। 17 कने

जड़ा प्रभु सोगी जुडी जांदा है, उदी आत्मा कने प्रभु दी आत्मा इक होई जांदियां न। 18 व्यभिचार ला बची रिया; माणुए दे कितयो होर पाप उदे शरीर जो उतणा प्रभावित नी करदे जितणा ऐ करदा है, पर व्यभिचार करणे बाला अपणे ही शरीर दे खिलाफ पाप करदा है। 19 तुसां जाणदे न की, तुहाडा शरीर सै मंदर है जिदे च पबित्र आत्मा बसदी है; जडी परमेश्वरे तुहांजो दितियो है, कने हुण तुसां अपणे नी न, पर परमेश्वरे दे न। 20 क्योकि जाल् परमेश्वरे प्रभु यीशु मसीह जो भेजया, ताल् उनी तुहाडे ताई बडी बड्डी कीमत चुकाई है, इस ताई अपणे शरीर ला परमेश्वरे दी महिमा करा।

7 हुण जडे सबाल तुसां मिंजो ला चिठिया च पृछयो थे हुण मै उना दा जबाब दिन्दा है। तुसां पृछया था कि, “क्या असां लोकां ताई ऐ खरा है की असां बियाह ना करन?” 2 क्योकि ऐ आम गल्ल है की लोक नाजायज रिशते बणाई लेंदे न, इस ताई मै सलाह दिन्दा है की हर इक मर्द बियाह करे, कने अपणी घरे बालिया सोगी बफादार रहे। 3 इक माणु पति होणे दे नाते अपणिया जिम्मेबारियां पुरियां करे; कने तियां ही इक जनानी भी घरे बाली होणे दे नाते जिम्मेबारियां पूरी करे, कने दोनो इक दुज्जे दियां जरतां जो पूरा करन। 4 घरे बालिया जो अपणे शरीर पर हक नी है, पर उसा दे घरे बाले जो है; तियां ही घरे बाले जो भी अपणे शरीर पर हक नी है, पर उदी घरे बालिया जो है। 5 तुसां इकी दुज्जे ला लग मत रिया; पर सिर्फ कुछ बकत दीकर अणु चे सलाह करिके लग रिया, ताकि प्राथना करणे ताई कुछ बकत मिल्ली सके, कने फिरि दुबारा सोगी रिया, इयां ना हो की अपणे पर काबू नी रखणे दिया बजा ला शैतान तुसां जो नाजायज रिशता रखणे ताई परखे। 6 पर मै जडा कुछ बोला दा है से मेरी सलाह है ना की मेरा हुकम। 7 मै ऐ चांदा है, की जियां की मै बियाह नी कितया, तियां ही तुसां सारे भी बियाह मत करा, पर परमेश्वरे कुछ लोकां जो खास बरदान दितया है। परमेश्वरे कुछ लोकां जो बियाह करणे दा बरदान दितया, कने कुसी जो बगेर बियाये रेणे दा बरदान दितया है। 8 पर कुआरयां कने बिधवां जो मेरी सलाह ऐ है की, उना ताई ऐई खरा है की सै बगेर बियाह कितयो रिया, जियां मै है। 9 पर अगर सै सबर नी रखी सकन, तां उना जो बियाह करी लेणा चाईदा, क्योकि शरीर दिया इच्छा ला लडने ला खरा है की बियाह करी लिया। 10 जिना दा बियाह होई गिया है, उना जो मै नी, बल्कि प्रभु यीशु मसीह हुकम दिन्दा है, की घरे बाली अपणे घरे बाले जो तलाख ना दे। 11 कने अगर तलाख होई भी जा, तां सै दुज्जा बियाह ना करे; या अपणे घरे बाले सोगी दुबारा मिली करी रे। कने ना घरेबाला अपणिया घरे बालिया जो तलाख दे। 12 पर हुण ऐ प्रभु दा हुकम नी है, पर मै उना भरोसा करणे बाले लोकां जो बोलणा चांदा है, जिना दा बियाह भरोसा नी करणे बाले लोकां ने होई गिया है; अगर कुसी मसीह भाईऐ दी घरे बाली मसीह पर भरोसा नी करदी है, कने उदे सोगी रेणा चांदा है, तां सै उसा जो तलाख ना दे। 13 कने जिसा मसीह जनानिया दा घरेबाला भरोसा नी करदा हो, कने उसा सोगी रेहणे च खुश हो, तां सै अपणे घरे बाले जो तलाख ना दे। 14 क्योकि इक मसीह पर भरोसा करणे बालिया दे

घरे बालिया दिया बजा ला परमेश्वरे उसा दे घरे बाले जो अपनाई लेणा है, अगर ऐ सचच नी होंदा की तुहाडा भरोसा नी करणे बाला घरेबाला या घरे बाली परमेश्वरे दे न, तां तुहाडे बाल बच्चे परमेश्वरे दे नी होंदे, पर हुण तां तुहाडे बाल बच्चे भी परमेश्वरे दे न। 15 अगर कोई भरोसा नी करणे बाला भाई या बेहण तलाख देणा चांदा है, तां सै ऐसा करी सकदा है। ऐसे हालातां च इक भरोसा करणे बाले घरे बाले या घरे बालियो जो इस रिशते जो निभाणे दी जरूरत नी है, क्योकि भरोसा नी करणे बाला ऐ तलाख दे दा है; परमेश्वरे सांझो शांति ला जिन्दगी जिणे ताई सदया है। 16 हे घरेबालियो तुहांजो याद रखणा चाईदा की तुहाडिया बजा ला तुहाडे घरे बाले दियां जिन्दगिया भी बची जान कने हे घरे बालयो तुहांजो भी याद रखणा चाईदा की तुहाडिया बजा ला तुहाडे घरे बालियां दी जिन्दगी बची सके। 17 मेरा इतणा सब कुछ बोलणे दा मतलब ऐ की जियां प्रभुए हर इकी जो जिना हलातां च रखया है, सै उना ही हालातां च अपणी जिन्दगी जिये, जिस ताई परमेश्वरे उना जो अपणे लोक होणे ताई सदया है। कने ऐई गल्ल मै सारियां कलीसियां दे लोकां जो सिखांदा है। 18 इक उदाहरण ताई, अगर कोई यहदी माणु प्रभु यीशु मसीही भरोसा करदा है, तां उसयो उदी यहदी होणे दी पछेण नी छडणी चाईदी, कने तियां ही अगर कोई होर जाति दा माणु यीशु मसीह पर भरोसा करे तां उसयो यहदी बणने ताई खतना करबाणे दी जरूरत नी है। 19 इक माणु दा खतना होया हो या नी होया हो इसला कोई फर्क नी पोंदा। पर परमेश्वरे दे हुकमा जो मनणा ही सारयां ला जरूरी है। 20 परमेश्वरे जिस माणुए जो जिना हलातां च अपणे लोक होणे ताई सदया है, सै माणु उना ही हलातां च ही अपणी जिन्दगिया जो जिये। 21 अगर तू नोकर होंदे होऐ परमेश्वरे पर भरोसा कितता है, तां तू इस बारे च चिंता मत कर; अगर तेरा मालिक बोले की तू अजाद है, ताल् तू जाई सकदा है। 22 क्योकि जिसयो नोकरे दिया हालता च प्रभु दे लोक होणे ताई सदया हो, सै अजाद माणुए सांई है, क्योकि प्रभु यीशु मसीह उसयो उदे पापां ला आजादी देई दितियो है। कने इयां ही जिसयो आजादी दिया हालता च सदया हो, सै मसीह दे सेवक बणी रे। 23 क्योकि परमेश्वरे तुसां ताई बडी बड्डी कीमत चुकाईयो है, जाल् उनी यीशु मसीह जो सूली पर बलिदान कितता; इस ताई माणुआं दे गुलाम नी पर परमेश्वरे दे गुलाम बणा। 24 हे मसीह भाईयो, परमेश्वरे जिस माणुए जो जिना हलातां च अपणे लोक होणे ताई सदया है, सै उना ही हलातां च अपणी जिन्दगी जिये। 25 कुआरियां दे बारे च मिंजो प्रभुए दा कोई हुकम नी मिलया, पर प्रभुए अपणी दया ला मिंजो भरोसे दे काबिल ज्ञान दितया, उदी बजा ला मै तुहांजो अपणी सलाह दिन्दा है। 26 क्योकि इना रोजां च भरोसा करणे बाले लोकां सोगी हर जगा बडियां पेशानिया बालियां गल्लां होआ दियां न, इस ताई मिंजो लगगा दा है की ऐ खरा है की कुआरे लोक कुआरे ही रेन। 27 अगर तेरी घरे बाली है, तां उसा जो तलाख देणे दी कोशिश मत कर; कने अगर तेरी घरे बाली नी है, तां तू बियाह करणे दी कोशिश मत कर। 28 अगर तू बियाह भी करे, तां कोई पाप नी है; कने अगर कुआरिया दा बियाह होई जा, तमी कोई

पाप नी है; पर बियायो लोकां जो इस संसारे च रेंदे होयो दुखां दा सामणा करणा पोणा, कने मैं चांदा है की तुसां इना दुखां ला बची रिया। 29 हे मसीह भाईयो, मैं तुहांजो ऐ बोलदा है, की इस संसार च साडे बाल जादा बकत नी है, इस ताईं तुहाडे बाल घरे बाली है या नी, इस बारे च जादा फिकर मत करा; पर प्रभु दी सेवा करणे दे बारे च सोचदे रिया। 30 कने जडे लोक दुखी न, सै अपना दुख ना दसन; जडे खुश न, उना दी खुशी लुकी रे, कने जडे खरीदारी करणे बाले न, सै ऐसे होई जान की उना बाल कुछ ना हो। 31 कने जडा कुछ इस संसारे च साडे बाल है, सांझो इना चिंजा जो जादा कीमत नी देणी चाइदी, क्योंकि इस संसारे च जडा कुछ साडे बाल है, सै जल्दी ही खत्म होणेबाला है। 32 इस ताईं मैं चांदा है, की तुसां संसारिक जिन्दगी दी इच्छां ला अजाद रिया। कुआरा माणु परमेश्वरे दे बारे च सोचदा रेंदा है की सै कियां प्रभु जो खुश करे। 33 पर बियाया माणु संसारे दियां गल्लां दे बारे च सोचदा रेंदा है, की अपणिया घरे बालिया जो कियां खुश रखे। 34 इस ताईं सै दो गल्लां दे बारे च सोचदा रेंदा, इक तां अपणी घरे बालिया जो खुश करणा कने दुज्जा प्रभु जो खुश करणा। बियाइयो कने नी बियाइयो च भी फरक है; कुआरी प्रभु दी सेवा दे बारे च सोचदी रेंदी, ताकि सै कियां शरीर कने आत्मा ला परमेश्वरे जो खुश करी संके; पर बियाइयो जनानी संसारे दियां चीजां दे बारे च सोचदी रेंदी, की सै अपणे घरे बाले जो कियां खुश करी संके। 35 मैं ऐ गल्लां तुहाडिया भलाईया ताईं बोला दा है, ना कि तुसां जो बियाह करणे ला रोकणे ताईं। पर इस ताईं की तुसां ढंगे ला जिन्दगी जी सकन; ताकि तुसां इक मन होईकरी परमेश्वरे दी सेवा च लगी रेन। 36 कने अगर कुसी पिता जो ऐ लगे की सै अपणिया कुआरिया कुडिया दा बियाह बडा बादे च करणे ला उसा सोगी अन्याय करा दा है, क्योंकि उसा दी उमर जादा होआ दी है, तां उस पिता जो सैई करणा चाईदा जडा उसयो खरा लगे। तां सै पिता अपणिया कुडिया दा बियाह करी सकदा है, इदे च कोई पाप नी है। 37 अगर सै अपणे मने च पक्का करी ले की, उदिया कुडिया ताईं कुआरा रेणा ही खरा है, कने ऐसा करणे ताईं उस पर कुसी दा दबाव न होऐ, ताल् जडा फेसला उनी लिया है, तां उस पिता बाल ऐसा करणे दा पूरा हक है। कने अगर उनी अपणिया कुडिया जो कुआरा रखणे दा फेसला करी लिया है, तां सै परमेश्वरे दिया नजरा च खरा करदा है। 38 इस ताईं जडा अपणिया कुवारिया कुडिया दा बियाह करी दिन्दा है, तां सै खरा करदा है, कने जडा उसा दा बियाह नी करदा है, सै होर भी जादा खरा करदा है। 39 जाल् दिकर कुसी जनानिया दा घरेबाला जिन्दा है, ताल् दीकर उसा उस सोगी बियाह दा रिशता निभाणा पोणा, पर जाल् उसा दा घरेबाला मरी जाए, तां सै अजाद है, कने जिसला बियाह करणा चांदा उसला करी सकदी है, पर उस सोगी ही जडा मसीह पर भरोसा करदा है। 40 पर मेरे बिचार ला, अगर सै दुबारा बियाह ना करे, तां उना होर भी जादा खुश रेणा, कने मैं समझदा है, की जाल् मैं इयुदियां गल्लां बोलदा है, तां परमेश्वरे दी आत्मा मिजो जरिये बोलदी है।

8 तुसां दी चिठिया च तुसां मिजो ला मूर्तियां दे सामणे बलि कितियां चीजां दे बारे च पूछया था। हां, असां इना गल्लां दे बारे च कुछ ना कुछ जाणदे न। पर जाल् ऐई ज्ञान लोकां जो घमंड करणे बाला बणाई दिन्दा है, तां प्यार च अग्रे बदणे च असां इक दुज्जे दी सहायता करी सकदे न। 2 अगर कोई माणु ऐ समझे की, सै बडा बुद्धिमान है, तां सै असल च हल्ले दीकर सियुदा जाणी नी सकया है, जदिया जाणना उस ताईं जरूरी है। 3 पर अगर कोई परमेश्वरे ला प्यार रखदा है, तां उसयो परमेश्वर जाणदा है। 4 हुण खाणे दे बारे च तुहांजो जबाब देणा चांदा है। मूर्तियां दे सामणे बलि दीतिया चिजां दे बारे च असां जाणदे न, की इस संसारे च कुथी भी मूर्तियां च परमेश्वर नी है, कने सिर्फ इक ही सच्चा परमेश्वर है। 5 पर स्वर्ग कने धरतिया पर मतियां चीजां जो, जिना जो लोक ईश्वर कने प्रभु बोलदे न। पर साडा तां इक ही परमेश्वर है: कने सै साडा पिता है; कने उनी ही सारियां चीजां बणाईयां न, कने असां उदे जरिये ही जिन्दे न, तियां ही साडा इक ही प्रभु है, कने सै यीशु मसीह है। उदे जरिये सारियां चिजां बणाईयां गियां थियां, कने उदे जरिये असां जिन्दे न। 7 पर साडे भरोसा करणे बाले लोकां जो हल्ले दीकर ऐ नी पता की मूर्तियां बाल कोई शक्ति नी है। क्योंकि सै पहले मूर्तियां दी पूजा करदे थे, कने हुण जाल् सै मूर्तियां जो चढाया खाणा खांदे न, तां सै गलत सोचदे न की सै हल्ले भी मूर्तियां दिया पूजा च करदे न। कने सै ऐ सोची करी दूखी होंदे न की अगर सै मूर्तियां पर चढाया खाणा खांदे न, तां सै पाप करदे न। 8 पर खाणा खांणे ला असां परमेश्वरे दे नेडे नी होंदे। कने खाणे जो खाणे ताईं मना करणे ला असां परमेश्वरे जो घट खुश नी करदे न, कने खाणा खाणा सांझो परमेश्वरे दिया नजरा च कुछ खास नी बणांदा। 9 पर ध्यान रखा की, ऐसा ना हो की, तुहाडी ऐ अजादी कुथी घट भरोसे बाले लोकां ताईं उदे पाप करणे दी बजा ना बणी जाए। 10 तुसां जाणदे न की असल परमेश्वर नी न, इस ताईं तुसां मूर्तियां दे मंदरे च खाणा खाई सकदे न। पर जडा कोई भरोसे च कमजोर है, सै तुसां जो ओथु खाणा खांदे दिखदा कने मूर्तियां पर बलि कितियां चीजां जो खाणे ताईं हिम्मत करे, पर ऐ सोचे की ऐसा करणा पाप है। 11 इस ताईं त् जिना गल्लां जो जाणदा है, उसा बजा ला जडा मसीह भाई भरोसे च कमजोर है उनी माणुऐ मसीह पर भरोसा करणा छडी देणा, जिस ताईं यीशु मसीह अपणी जान दिती। 12 कने अगर साडे इस कम्मे जो करणे दिया बजा ला साडे साथी मसीही भाई अपणे आप जो पापी महसूस करदे न, तां असां उना दे खिलाफ कने यीशु मसीह दे खिलाफ पाप करदे न। 13 इस ताईं अगर मूर्तियां दे सामणे बलि चढाया खाणा खाणे दिया बजा ला कुसी भरोसा करणे बाले भाई या बेहणा दा भरोसा कमजोर होई जांदा है, तां मैं कदी भी ऐसा खाणा नी खाणा जिसदी बजा ला उस माणु दा भरोसा कमजोर होई जाए। (aiōn g165)

9 जडा कुछ मिजो खरा लगदा है, सै खाणे ताईं मैं अजाद है। मैं प्रेरित है। मैं प्रभु यीशु मसीह जो दिखया है। प्रभुऐ जडी सेवा मिजो करणे ताईं दितियो है तुसां उस सेवा दा नतीजा न। 2 भले ही लोक ऐ नी मंदे की मैं प्रभु यीशु दा प्रेरित है, पर तुहांजो ऐ गल्ल

मनणा चाइदी। क्योंकि मैं ही तुसां बाल सारयां ला पेहले शुभसमाचार लेईकरी आया था, तुसां दा भरोसा जडा यीशु मसीह पर है, सै इसा गल्ला दा सबूत है की मैं सचची तुसां तांई परमेश्वरे दा चुण्या चेला है। 3 जडे लोक मेरे प्रेरित होने पर सबाल करदे न उना तांई मेरा ऐई जबाब है। 4 मेरा कने बरनबास दा पूरा हक है की, असां तुसां लोकां ला पैसे कने खाणे तांई सहायता लेई सकदे न। 5 जियां पतरस कने होर चेले कने प्रभु दे भाई जालू सेबा करणे तांई अपणी घरे बालियां सोगी जादे न, तियां ही मेरे बाल भी हक है की मैं ऐसा करूं। 6 मिजो कने बरनबास जो भी होर प्रेरितां सांई आर्थिक सहायता लेणे दा हक है, कने अपणियां जुरतां जो पूरा करणे तांई कम्म करणे दी जरूरत नी है। 7 कोई भी माणु अपने खर्चे पर सिपाई दा कम्म नी करता। इक माणु जडा अंगरा दा बाग लांदा है सै भी उदा फल खाणे दी उम्मीद रखदा। भेडां दी रखबाली करणे बाला भी उना दा दूध पिणे दी उम्मीद रखदा। 8 मैं ऐ सारियां गल्लां माणुआं दिया सोचा दे मुताबिक नी बोलदा है। 9 मूसा दी व्यवस्था भी ऐई बोलदी है। क्योंकि मूसा दिया व्यवस्था च लिखया है, “गाण गादे बक्ते दांदा दा मु मत बनदे।” क्या तुहांजो लगदा है की परमेश्वरे जो दांदा दी ही चिंता है? नी बिलकुल भी नहीं! 10 परमेश्वरे ऐ खासकर सांझो तांई ही बोलया है। कने ऐ साडे तांई ही लिखया है, क्योंकि हल बाणे बाला आस रखीकरी ही खतरां जो बांदा है, कने गाणे बाला फसल मिलणे दी आस रखीकरी ही फसल गांदा है। 11 असां तुहाडे बिच आत्मिक बी राया है, इस तांई ऐ उम्मीद करणा बडी बड्डी गल्ल नी है, की तुसां साडे खर्चे तांई पैसे देन। 12 अगर तुसां दुज्जे लोकां दी सहायता किती है जिना तुसां बाल आई करी प्रचार किता, तां बरनबास कने मेरा जादा हक बणदा है की तुसां साडियां जुररतां जो पूरा करा। क्योंकि असां सारयां ला पेहले तुहांजो शुभसमाचार सुणाया, पर असां इसा गल्ला तांई तुसां पर भोज नी पाया। इदे बजाऐ असां सब कुछ सेहन करणे तांई तैयार थे, ताकि साडे मसीह दे बारे च शुभसमाचार पर भरोसा करणे ला कुसी जो भी परेशानी ना होऐ। 13 तुसां जाणदे न की, जडे लोक मंदरा च सेबा करदे न, उना जो उना दा खांगा मंदरा ला ही मिलदा है, कने जडे वेदी पर बलि चढ़ादे न, उना जो उस बलि दे चढाबे चे ही हिस्सा मिलदा है। 14 इस तांई प्रभुऐ हुकम दितया है की शुभसमाचार सुणणे बालयां दी रोजी रोटी उना लोकां ला मिलणी चाईदी जडे शुभसमाचार सुणदे न। 15 पर इना हकां चे मैं कदी कुसी दा भी इस्तेमाल नी किता। कने ऐ गल्लां मैं इस तांई नी लिखियां की, हुण तुसां मेरे तांई ऐसा करा। नी बिलकुल भी नी! मेरे तांई मरणा ठीक है, इदे बजाऐ की मैं तुसां ला सहायता मंगे, अगर मैं तुसां ला मुजदुरी लेई तां फिरी मैं इसा गल्ला पर घमंड नी करी सकदा, की मैं बिना कुछ लियो तुसां तांई कम्म किता। 16 इस तांई अगर मैं शुभसमाचार सुणा, तां इदे च घमंड करणे बाली कोई गल्ल नी है; क्योंकि प्रभु यीशुऐ मिजो ऐ कम्म करणे दा हुकम दितया है, अगर ऐ कम्म मैं नी करे तां मिजो बडा दुख होणा। 17 क्योंकि अगर मैं अपणिया इच्छा ला ऐ कम्म करता है, तां मिजो मजदुरी मिलणी। कने अगर ऐ कम्म बिना इच्छा

ला करता है, तां ऐ सिर्फ परमेश्वरे दी दितियो जिम्मेबारियां जो पूरा करता है, तां मैं कोई भी मजदुरी दी उम्मीद नी करी सकदा। 18 तां क्या है मेरी मजदुरी? मेरी मजदुरी ऐई है की मैं बिना मजदुरी लियो मुफ्त च शुभसमाचार दा प्रचार करूं। होर कुछ नी मिजो इदे च ही खुशी है की मैं मुफ्त च ही शुभसमाचार दा प्रचार करूं, हालांकि मिजो बाल पूरा हक है की मैं अपणी मजदुरी इना ला मंगी सके। 19 इदा मतलब ऐ है की मैं लोकां दियां गल्लां जो मनणे तांई मजबूर नी है, सिर्फ इस तांई की सै मेरी सहायता करदे न, फिरी भी मैं सारयां दा सेबक बणया, ताकि मैं उना जो मसीह च लेई ओऐ। 20 जालू मैं यहदी लोकां सोगी था, तां मैं उना सांई जिन्दगी जिन्दा था ताकि मैं उना जो मसीह च लेई ओऐ; जालू मैं यहदी व्यवस्था जो मनणे बालयां सोगी रेंदा था, तां मैं अपु भी उस व्यवस्था दे अधीन रेंदा था, हल्ले की मिजो उस व्यवस्था जो मनणे दी जरूरत नी है, पर मैं सै इस तांई मनदा है ताकि मैं व्यवस्था दे अधीन रेणे बालयां जो मसीह च लेई ओऐ। 21 ठीक तियां ही होर जातियां सोगी था, तां उना सांई जिन्दगी जी, ताकि उना जो भी मसीह च लेई ओऐ, पर मैं जाणदा की मैं परमेश्वरे दी व्यवस्था दे बगैर नी जिन्दा था, क्योंकि मैं, मसीह दी व्यवस्था दे अधीन ही है। 22 जालू मैं उना लोकां सोगी होंदा है, जिना दा भरोसा कमजोर है, तां मैं उना सांई व्यवहार करता है, ताकि मैं उना जो मसीह दे पिच्छे चलणे च सहायता करी सके, मैं हर इक माणुऐ तांई कुछ न कुछ बणया है ताकि कुसी न कुसी तरीके ला कुछ लोकां दा उद्धार होई सके। 23 कने मैं सारा कुछ मसीह दे बारे च शुभसमाचार जो सुणणे तांई करता है, ताकि मिजो शुभसमाचार दी आशीषां च हिस्सा मिली जाऐ। 24 तुसां जाणदे न की, दौडा च तां सारे दौडदे न पर इनाम इकी जो ही मिलदा है। तुसां इयां दौडा की इनाम तुहांजो मिल्ले। इयां ही सांझो सै सब कुछ करणा चाईदा जिदे ला असां परमेश्वरे जो खुश करी सकन। ताकि सांझो सै इनाम मिली सके जडा परमेश्वरे ओणे बाले बकत च सांझो देणा। 25 कने जडे लोक दौडा च हिस्सा लेणा चांदे न, सै पेहले इदी तैयारी करदे न, अपणी इच्छां पर काबू रखदे न, सै ऐसा इस तांई करदे न ताकि जिती सकन कने इज्जत मिल्ले। उना दी इज्जत करणे तांई पतयां दी बणियो माला दिन्दे न, जडी जल्दी सुकी जांदी है। पर असां जडे यीशु मसीह पर भरोसा करदे न, साडी इज्जत होणी है जडी, कने सांझो ऐसी आशीष मिलणी है, जडी युगां-युगां तांई बणी रेणी है। इस तांई सांझो होर भी जादा सबर रखणा चाईदा। 26 इस तांई मैं अपणी मसीह जिन्दगी जो इक पक्के मकसद सोगी जी दा है, जियां इक कुशती लडने बाला पलबाण लडदा है कने सै होआ च मुक्के नी मारदा है। 27 मैं अपने शरीर जो काबू च रखदा है, ताकि मैं शरीर दियां इच्छां पर काबू करी सके; इयां ना हो की मैं होरां जो शुभसमाचार दा प्रचार करूं, मिजो अपु जो ही इनाम नी मिल्ले।

10 हे मसीह भाइयो, मैं चांदा है, की तुसां इसा गल्लां जो याद रखा की बडे पेहले साडे बाप दादयां सोगी जंगला च क्या होया था। परमेश्वरे इक बदल भेजी करी अगुवाई किती, जडा उना दे अगे-अगे चलदा था। कने उना जो लाल समुंद्र ला निकाली करी

सुककी धरतिया पर लेई आया। 2 जियां असां प्रभु यीशु दे चले बणने तांई बपतिस्मा लेंदे न, तियां ही सै भी सारे बदला दिया छांआ च थे कने मूसा दे चले बणने तांई लाल सागरे चे गे। 3 कने सारयां सेई मूर्तियां तांई चीजां दियां बलियां चढांदे न, सै परमेश्वरे तांई नी पर रोटी खादी, जडी परमेश्वरे उना जो स्वर्ग ला दिती। 4 कने उना सबना सेई पाणी पीता जडा परमेश्वरे उना जो दिता था, उना इक चट्टान ला निकलने बाले पाणिए जो पीता, कने उस चट्टाना दी तुलना मसीह सोगी करी सकदे न जिना उना सोगी रेईकरी उना जो जिन्दगी दिती। 5 पर परमेश्वर उना चे मतयां ला खुश नी था, इस तांई तां सै सुनसान जगा च मरी गे। 6 ऐ सारियां गल्लां साडे बाप दादयां ने इस तांई होईयां ताकि सांझो चिताबनी मिल्ले की अगर असां भी इना सांई बुराई करणे दी इच्छा करगे, तां जडा उना सोगी होया सै साडे सोगी भी होई सकदा है। 7 कने तुसां मूर्तियां दी पूजा मत करा, जियां उना चे मते लोकां किता था, ऐ ठीक तियां है जियां पबित्र शास्त्र च लिखया है, “लोक धामा च खांणा पीणा बैठे, कने रंगरलियां मनाणे तांई उठे।” 8 कने शरमिदा होणेबाला कम्म कोई मत करा; जडा साडे बाप दादयां चे केईयां किता; कने इक ही रोजे तेरेई हजार लोक मरी गे। 9 कने प्रभु जो मत परखा; जियां उना चे मते लोकां किता, कने जहरीले सपां सै डस्से कने सै मरी गे। 10 बुडबुडा मत जियां उना चे मते लोकां किता, कने परमेश्वरे इक स्वर्गदूते जो भेजी करी सै मारी दिते। 11 पर ऐ सारियां गल्लां, जडियां साडे बाप दादयां सोगी हुईयां, सै इस तांई हुईयां ताकि ऐ सारे लोकां तांई उदाहरण बणे, कने ऐ गल्लां सांझो चिताबनी देंणे तांई लिखियां न, जडे इस संसारे च इना आखरी दिना च रे दे न। (aiōn g165) 12 इस तांई अगर ऐथू कोई ऐसा माणू है जडा बोलदा है की, परमेश्वरे पर उदा भरोसा मजबूत है, तां सै ध्यान रखे की, कुथी ऐसा ना हो की सै अचानक भरोसे ला भटकी जा कने पाप करी ले। 13 पाप करणे दियां इच्छां साडे बाल जर्र ओदियां न, पर परमेश्वर भरोसे दे लायक है; क्योकि सै तुसां जो कदी एसियां परखा च नी पोणा दिन्दा, जिसदा तुसां सामणा नी करी सकदे, पर इदे बजाए उनी तुसां जो शक्ति देणी, जिसदी तुसां जो जर्रत है, ताकि तुसां पापां ला बची सकन। 14 इस तांई, हे मेरे प्यारे भाईयो, मूर्तियां दियां पूजा करणे ला बची रिया। 15 मैं तुहांजो समझदार समझीकरी गल्लां बोला दा है, इस तांई इना गल्लां पर ध्याने ला सोच बिचार करा जडियां मैं हुण बोलणा लगया की सै सही न या गलत न। 16 जालू असां प्रभु भोज च इस्तेमाल होणे बाले कटोरे ला अंगूरा दा रस पिये न, कने जिस तांई असां परमेश्वरे दा धन्यवाद करदे न, तालू असां सच्ची मसीह दे खुने जो साझा करदे न। कने जालू असां रोटी तोडदे न कने खांदे न, तां असां सच्चे मसीह दे शरीर जो साझा करदे न। 17 इस तांई की, इक ही रोटी है जडी की मसीह है, भले ही असां केई न, असां इक शरीर बणी जांदे न; क्योकि असां सारे उसा इकी रोटियां चे खांदे न। 18 इझ्राएल देशे दे लोकां दे बारे च सोचा, जालू सै परमेश्वरे जो चढाणे बाले खाणे जो खांदे न, तां परमेश्वरे दी पूजा च हिस्सा लेंदे न, इयां ही जडे लोक मूर्तियां जो चढाणे बाले खाणे जो खांदे न, सै भी उना मूर्तियां दिया पूजा च हिस्सा लेंदे न। 19 मेरे

बोलणे दा मतलब ऐ नी की मूर्ति या मूर्तियां सामणे चढाईयां बलियां दी कोई कीमत है। 20 पर मैं ऐ बोला दा है की, जडे लोक उना मूर्तियां तांई चीजां दियां बलियां चढांदे न, सै परमेश्वरे तांई नी पर बुरियां आत्मा तांई चढांदे न, मैं ऐ नी चांदा की तुसां बुरियां आत्मा दे हिस्सेदार बणा। 21 ऐ होई नी सकदा की तुसां प्रभु दे कटोरे चे पीया कने बुरियां आत्मा दे कटोरे चे भी पीया; इयां ही ऐ भी नी होई सकदा की तुसां प्रभु दी मेज च हिस्सेदार होआ कने बुरियां आत्मा दे मेज च भी। 22 अगर असां ऐसा करदे न तां असां प्रभु दे गुस्से जो भडकांदे न। याद रखा असां परमेश्वरे ला जादा शक्तिमान नी न। 23 तुसां बोलेदे न की, साडे बाल सारियां चीजां करणे दी अजादी है, हां पर सारियां चीजां साडे फायदे तांई नी न। असां सब कुछ करणे तांई अजाद, पर सारियां चीजां परमेश्वरे पर भरोसे जो नी बदादियां। 24 तुसां चे हर कुसी जो अपणे बारे च ही नी सोचना चाईदा, पर दुज्जे दिया भलाईयां तांई भी सोचना चाईदा। 25 पर जालू तुसां बजारां च मास खरीददे न, तां उसयो खरीदी करी खाई लिया, ऐ मत पुच्छा की ऐ मूर्तियां सामणे बलि कितया था की नी, तां तुसां दिया अंतरात्मा परेशान नी होणा। 26 तुसां इसयो खाई सकदे न, क्योकि पबित्र शास्त्र च लिखया है की, “धरती कने जडा कुछ उसा च है; सै सब कुछ प्रभु दा है।” 27 कने अगर कोई भरोसा नी करणे बालयां चे तुहांजो खाणे तांई सदे, कने तुसां जाणा चांन, तां जडा कुछ तहाडे सामणे खाणे तांई रखगे तां उना ला ऐ मत पुछदे की ऐ खाणा बलि कितया है की नी, ताकि अगर सै बलि कितया होंगा, तां उस खाणे दिया बजा ला तुसां दिया अंतरात्मा तुहांजो दोषी नी बणाणा। 28 पर अगर कोई तुसां जो बोले, “ऐ तां मूर्तियां जो चढाया खांणा था,” तां तुसां उस खाणे जो मत खांदे, अपणी अंतरात्मा दिया बजा ला नी, पर उदिया अंतरात्मा दिया बजा ला जिनी तुहांजो ऐ गल्ल दस्सी थी। क्योकि मेरी अपणी खाणे दी अजादी जो कुसी होरसी माणूऐ दिया अंतरात्मा जरिये न्याय नी कितया जाणा चाईदा। 30 अगर मैं धन्यवाद करिरी मूर्तियां सामणे बलि कितियां चीजां खाई लेंदा है, तां उस तांई मिंजो पर कजो दोष लगांदे न, जिस खाणे तांई मैं परमेश्वरे दा धन्यवाद कितो? 31 कने इदा जबाब ऐ है, चांऐ तुसां खा, या पिया, चाहे जडा कुछ करा, पर सारा कुछ परमेश्वरे दिया महिमा तांई करा। 32 मैं जडा कुछ भी करदा है, उदे च मैं सारयां जो खुश करणे दी कोशिश करदा है; मैं अपणी भलाई नी सोचदा पर सारयां दी भलाई सोचदा है ताकि सारे बची सकन। इस तांई तुसां भी इस तरीके ला जिया की तुसां यहदी लोकां तांई, या होर जाति दे लोकां तांई, या परमेश्वरे दिया कलीसिया दे लोकां तांई कोई परेशानी खडी ना होऐ, जिसा बजा ला सै मसीह पर भरोसा करणा छडी देन।

11 जियां मैं मसीह सांई जिन्दगी जिंदा है, तियां ही तुसां भी मेरे सांई जिन्दगी जिया। 2 हे मसीह भाईयो, मैं तुहाडी तारीफ करदा है, क्योकि तुसां मिंजो सारियां गल्लां च याद करदे न, कने जडियां शिक्षा मैं तुसां जो दीतियां न, उना दा ध्याने ला पालन करा दे न। 3 पर इक गल्ल है जडी मैं चांदा है की तुसां ऐ जाणी लिया की, हर इक मर्दे दा मुंड मसीह है, कने इक घरे बालिये दा मुंड उदा

घरेबाला है, कने मसीह दा मुंड परमेस्वर है। 4 इस ताई अगर कोई मर्द कलीसिया च प्राथना करदे बकत या परमेस्वरे दा संदेश सुणादे बकत अपना सिर ढकदा है, तां सै मसीह दा अनादर करदा है जडा उदा सिर है। 5 पर जडी जनानी कलीसिया च बिना सिर ढक्यो प्राथना या परमेस्वरे दा बचन सुणा दी है, इदा मतलब ऐ है की सै अपने घरे बाले दा अनादर करदी है जडा उसा दा सिर है। सै उसा जनानिया साई है जिसा जो शर्मिदा करणे ताई उसा दा मुंडन करी दिन्दे न। 6 अगर सै जनानी मुंड नी ढकणा चांहदी, तां सै अपने बाल कटाई दे; पर अगर जनानिया ताई बाल कटवाणा सरमा दी गल्ल है, तां सै प्राथना या भविष्यवाणी करदे बकत सिर ढकी ले। 7 मरदे ताई अपना सिर ढकणा खरा नी है, क्योंकि मर्द परमेस्वरे दी महिमा है, जिसयो परमेस्वरे अपने रूपे च बणाया है; पर जनानियां मर्दा दिया महिमा जो जाहिर करदियां न। 8 क्योंकि पेहला मर्द जनानिया ला नी आया था, पर पैली जनानी मरदे ला आईयो थी। 9 परमेस्वरे पेहले मरदे जो जनानिया दिया सहायता ताई नी बणाया, पर जनानिया जो मरदे ताई बणाया। 10 इसा बजा ला कने स्वर्गदांता दिया बजा ला भी, इक जनानिया जो अपने सिरे जो ढकणा चाईदा, अपने अधिकारे दे चिन्न दे स्पे च। 11 तमी अगर असां भरोसा करणे बाले लोकां दी गल्ल करदे न, तां ना जनानियां मरदा ला अजाद न, कने ना ही मरद जनानिया ला अजाद न। 12 हालांकि परमेस्वरे पैली जनानी मरदे ला बणाई, पर हुण जनानियां ही मर्दा जो जमदियां न; कने सै दोनो परमेस्वरे दिया तरफा लान जिनी सारयां जो बणाया है। 13 मै चांदा है की तुसां अपु ही फेसला करा, की क्या इक जनानिया जो उघडे सिरे सभा च परमेस्वरे दी प्राथना करणा सही है? 14 कुदरती तुसां ऐ जाणदे नी, की अगर कोई मर्द लम्बे बाल रखे, तां उदे ताई ऐ सरमा दी गल्ल है। 15 अगर जनानी लम्बे बाल रखे तां उदे ताई शोभा है, कने उना जो अराधना च सिर ढकणा चाईदा। 16 पर अगर कुसी जो लग्गा दा है मै गलत बोला दा है, तां तुसां ऐ जाणी लिया की साडी कलीसिया कने परमेस्वरे दियां कलीसियां दे ऐई रिबाज न। 17 जिना गल्लां दे बारे च हुण मै तुहांजो बोलणा लगया, उना दी मै तारीफ नी करी सकदा है, क्योंकि कलीसिया च तुहाडे गिठे होणे ला तुहाडी भलाई नी पर बुराई ही होई है। 18 क्योंकि सारयां ला पैली गल्ल तां ऐ है, मै ऐ सुणया है, की जालू तुसां कलीसिया च अराधना ताई गिठे होंदे न, तां तुसां बिच अपु चे बणदी नी, कने मिंजो भरोसा है की उना दियां गल्लां च कुछ सच्चाई है। 19 तुसां जो क्या लगदा, की तुसां बिच जालू बटबारा होणा, तालू ही पता लगणा है की कुण परमेस्वरे दे चुणयो लोक न? नी ऐसा बिलकुल नी है। 20 जालू तुसां इक जगा च गिठे होंदे न, तां तुहांजो इसा गल्ला दी चिंता नी है, कि प्रभु यीशु मसीह दी मौत जो याद करणे ताई प्रभु भोज कियां खाणा चाईदा। 21 क्योंकि मिंजो पता लगया की तुसां चे केई लोक दुज्जयां सोगी बंडणे ला पेहले अपना खाणा खाई लेदे न, जिसा बजा ला कुछ लोक भूखे ही चली जांदे न, कने केई शराबी होई जांदे न। 22 तुसां अपने घरां च खाई पी सकदे न! तुसां परमेस्वरे दिया कलीसिया दा निरादर कने गरीबां दी बेईजती

करदे न। क्या मै इस कम्मे ताई तुहाडी तारीफ करां? मै ऐसा करणे ताई तुहाडी तारीफ नी करणी। 23 जडी शिक्षा मै तुहांजो दितियो थी, सेई शिक्षा है जडी मिंजो प्रभु ला मिलियो है, की प्रभु यीशु मसीह जिस राती पकडबाया गया, तां उनी रोटी लेई, 24 कने परमेस्वरे दा धन्यावाद करिरी तोडी, कने बोलया, “ऐ मेरा शरीर है, जडा तुहाडे उद्धार ताई बलिदान कितया जाणा, कने मिंजो याद करणे ताई इयां ही करदे रिया।” 25 कने जालू सै रोटी खाई बैठे तां यीशु ऐ अंगूरा दे रस्से ला भर्या कटोरा लिया, कने बोलया, “ऐ कटोरा मेरे खूने च नोई बाचा है, जालू कदी तुसां इसयो पीणे, तां मेरी याद ताई इयां ही करदे रिया।” 26 क्योंकि जालू भी तुसां इसा रोटिया चे खाणे, कने इस कटोरे चे अंगूरा दा रस पिणे, तां जालू दीकर प्रभु मुडी नी ओऐ तां उदिया मौता दा प्रचार करदे रिया। 27 इस ताई जडा कोई इस तरीके ला जडा मसीह दा निरादर करदा है प्रभु दी रोटी खा, या उस कटोरे चे पिणे, तां सै प्रभु दे शरीर कने खूने दे खिलाफ पाप करदा है। 28 इस ताई हर इक माणू इसा रोटिया जो खाणे कने इस कटोरे चे अंगूरा दा रस पिणे ला पेहले अपने आपे जो जांजी परखी ले की उदे अपने बिचार सही न। 29 क्योंकि जडा कोई रोटी जो खाणे कने कटोरे च पिंदे बेले प्रभु दे शरीर दी इज्जत ना करे, तां सै इस तरीके ला खाई पी करी अपने उपर सजा लेई ओंदा है। 30 ऐई बजा है की तुसां चे केई बीमार न, कने तुसां लोकां बाल कमजोर शरीर भी है कने केई लोक मरी भी गियो न, क्योंकि ऐ परमेस्वरे दी सजा है। 31 इस ताई अगर असां पेहले अपने आपे जो परखी लेदे न, तां परमेस्वरे सांझो सजा नी देणी। 32 पर अगर परमेस्वर इस तरीके ला सांझो सजा दिन्दा है, तां सै सिर्फ सांझो सुधारदा है, ताकि सांझो न्याय बाले दिने संसारे दे लोकां सोगी सजा ना मिल्ले। 33 इस ताई, हे मेरे मसीह भाईयो, जालू तुसां प्रभु भोज खाणे ताई गिठे होंदे न, तां इक दुज्जे ताई स्का करा ताकि सोगी रोटी खाई सकन। 34 अगर कोई भूखा हो, तां अपने घरे खाई ले ताकि जालू तुसां गिठे होंदे न तां सही ढंगे ला व्यवहार करी सकन, ताकि परमेस्वर तुहांजो सजा ना दे, कने बाकि गल्लां दे बारे च जडियां तुसां लिखियां थियां, सै मै ओथु आई करी समझाई दिगा।

12 हे मसीह भाईयो, तुसां मिंजो ला पबित्र आत्मा दे बरदाना दे बारे च पूछया था, मै चांदा की तुसां इना बरदाना दे बारे च अच्छे ला जाणी लिया। 2 तुसां जाणदे न, की परमेस्वरे पर भरोसा करणे ला पेहले कियां जिन्दगी जिन्दे थे। तुसां भटकाई दितयो थे की तुसां बेजान मूर्तियां दी पूजा करन। 3 इस ताई मै चांदा है तुसां इसा गल्ला जो जाणी लिया की परमेस्वरे दी दितियो पबित्र आत्मा दे जरिये कोई भी माणू ऐसा नी बोलदा की यीशु श्रापित है, कने पबित्र आत्मा दे जरिये ही सै बोली सकदा है की “यीशु ही प्रभु है।” 4 कने हुण केई किस्मा दे बरदान न, पर इना जो सारे बरदाना जो देणेबाला सिर्फ इक ही है, कने सै पबित्र आत्मा है। 5 कने लग-लग तरीके ला असां प्रभु दी सेवा करी सकदे, पर असां सारे इक ही प्रभु दी सेवा करदे न। 6 कने परमेस्वर भी केई तरीके ला साडिया जिन्दगिया च कम्म करदा है, पर ऐ सेई परमेस्वर है जडा असां

सारयां दे जरिये कम्म करादा है। 7 परमेव्वरे सांझो सारयां जो इक दुज्जे विव्वासी भाई बेहणा दी सहायता तांई ऐसा बरदान दितया है, जडा पबित्र आत्मा दी हाजरी जो प्रकट करादा है। 8 क्योकि पबित्र आत्मा कुसी इकी माणुए जो अकली दियां गल्लां बोलणे दा बरदान दिन्दी, कने होर कुसी माणुए जो ज्ञान दियां गल्लां बोलणे दा बरदान दिन्दी है। 9 कने कुसी माणुए जो मसीह पर बडा जादा भरोसा करणे दा बरदान दिन्दा, कने कुसी जो ऐई पबित्र आत्मा दुज्जे माणुआं जो ठीक करणे दा बरदान दिन्दी है। 10 पबित्र आत्मा कुसी जो चमत्कार करणे दी शक्ति दिन्दी; कने कुसी जो परमेव्वरे दा संदेश देणे दा बरदान दिन्दी, कने कुसी जो ऐ परखणे दी समझ दिन्दी की पबित्र आत्मा दिया तरफा ला कने बुरियां आत्मा दिया तरफा ला मिलणे बाले बरदाना च क्या फर्क है। कने कुसी जो लग-लग भाषा बोलणे दा बरदान दिन्दी, जडी उना कदी नी सिखियो हो; कुसी जो इना भाषा दा मतलब दसणे दा बरदान दिन्दी। 11 पर ऐ सारे बरदान इक ही पबित्र आत्मा दे कम्म न, सै सारे मसीह पर भरोसा करणे बालयां जो बरदान दिन्दा है जदिया पबित्र आत्मा चांदा है। 12 क्योकि जियां माणुए दा शरीर तां इक है पर उदे अंग मते न, कने मते सारे अंग मिली करी इक शरीर बणादे न, इयां ही मसीह भी कने उस पर भरोसा करणे बाले भी इक न। 13 क्योकि असां सारयां जडे यहदी न, या होर जाति न, या गुलाम न, या अजाद न, इक ही पबित्र आत्मा जरिये इक शरीर होणे तांई बपतिस्मा लिया, कने सांझो सारयां जो इक ही आत्मा मिलीईयो, जियां असां सारयां इक ही कटोरे चे पिंटे न। 14 साडे शरीर च इक ही अंग नी है, पर मते सारे अंग न। 15 सोचा, अगर पैर बोले की, “मै हथ नी है, इस तांई मै शरीर दा अंग नी है,” तां क्या उदे ऐसा बोलणे दिया बजा ला सै शरीर दा अंग नी है? 16 कने अगर कन बोले, “मै हथ नी है, इस तांई मै शरीर दा अंग नी है,” तां क्या सै कन्ना दा ऐसा बोलणे दिया बजा ला सै शरीर दा अंग नी है? 17 अगर सारा शरीर हथ ही होदी तां सुणना कुथु ला था? अगर सारा शरीर कन ही होदा तां सिघणा कुथु ला था? 18 पर परमेव्वरे अपणी इच्छा अनुसार शरीर दे सारे अंगा जो इक-इक करिरी ठीक जगा च रखया है। 19 अगर सारे इक ही अंग होदे, तां कोई शरीर नी होणा। 20 इस तांई, भले ही शरीर दे मते अंग होदे न, पर शरीर इक ही है। 21 हखी हथां ला नी बोली सकदियां की, मिंजो तेरी जरूरत नी है, कने ना सिर पैरां जो बोली सकदा है की, “मिंजो तेरी जरूरत नी है।” 22 पर शरीर दे सै अंग जिना जो असां कमजोर समझदे न, सै बडे जरूरी न। 23 कने शरीर दे जिना अंगा जो असां आदर दे काबिल नी समझदे न उना जो असां बडे ध्याने ला ढकी करी रखदे न। इस तांई उना अंगा दी रक्षा करदे न जिना जो दुज्जयां जो नी दस्सी सकदे, जालू की जादा आदर दे काबिल अंगा जो खास देखभाल दी जरूरत नी होदी। इस तांई परमेव्वरे शरीर जो इस तरीके ला बणाया है की उना अंगा जो जादा आदर कने देखभाल होऐ जडे घट इज्जत दे काबिल न। 25 परमेव्वरे ऐ इस तांई किता की शरीर दे सारे अंग इक दुज्जे

दी देखभाल करन। 26 अगर साडे शरीर दा इक अंग बीमार है, तां उस सोगी शरीर दे सारे अंग दुखी होदे न, कने इयां ही साडे शरीर दे इक अंगे दी अच्छे ला देखभाल होदी है, तां पूरा शरीर खुश है। 27 इयां ही तुसां भी सारे मिली करी मसीह दे शरीर न, कने तुसां सारे उदे शरीर दे अंग न। 28 कने मसीह दे इस शरीर च जडी कलीसिया है, परमेव्वरे लग-लग लोकां जो लग-लग कम्म दितया है। पेहले सै लोक जडे उदे प्रेरित न, दुज्जे परमेव्वरे दे संदेश देणेबाले, तीजे सै लोक न जडे सिखांदे न। उदे बाद सै लोक न जिना जो उनी चमत्कार करणे दा हक दितया है, कने सै लोक न जिना जो लोकां जो ठीक करणे दा हक दिता, फिरी सै न जिना जो दुज्जयां दी सहायता करणे दी ताकत मिलियो, फिरी सै न जडे अगुवे न, फिरी सै न जिना जो पबित्र आत्मा जरिये लग-लग भाषा बोलणे दा बरदान मिलया, जडियां उना कदी सिखियां नी थियां। 29 हर कोई प्रेरित नी होदा। हर कोई परमेव्वरे दा संदेश देणेबाला नी होदा। कने हर कुसी बाल चमत्कार करणे दा हक नी होदा। 30 हर कुसी जो लोकां जो ठीक करणे दा बरदान नी मिलया होदा। कने हर कुसी जो लग-लग भाषा बोलणे दा बरदान नी मिलया होदा, जडियां उनी कदी भी नी सिखियां होन। 31 हर कुसी जो लग-लग भाषा दा मतलब दसणे दा बरदान नी मिलया, जडियां उनी कदी नी सिखियां। इस तांई पबित्र आत्मा ला बडे ला बडा बरदान पाणे दी इच्छा रखा! पर मै हण तुसां जो दसणा की इदे ला भी खरा क्या है।

13 अगर मै माणुआं, कने स्वर्गदूतां दी भाषा बोलें, कने मै लोकां सोगी प्यार ना करें, तां मेरा बोलणा ठण-ठण करदी पितल कने छण-छण करदी झांझ सांई है। 2 कने अगर मै परमेव्वरे दा संदेश देई सकें, कने सारे भेदां कने हर तरा दे ज्ञाने जो समझी सकें, कने ऐथु दीकर की मेरा परमेव्वरे पर पूरा भरोसा हो की, मै पहाडे जो हटाई दें, पर दुज्जे सोगी प्यार नी करें, तां मेरी कोई कीमत नी। 3 कने अगर मै अपणी सारी जमीन जायदाद गरीबां जो बंडी दें, या उना जो अपणा शरीर फुकणे तांई देई दें, कने दुज्जे सोगी प्यार नी करें, तां इदे ला मिंजो कोई फायदा नी। 4 जडे लोक दुज्जयां सोगी प्यार करदे न, सै सबर रखणेबाले कने दयालु होदे न, सै लोक जलन नी करदे; कने ना सै अपणी बडाई करदे न कने न अपणे बारे च घमंड करदे। 5 सै लोक कुसी सोगी भी बुरा व्यवहार नी करदे, सै अपणी ही खुशी दे बारे च ही नी सोचदे, सै झट गुस्सा नी करदे, कने सै उना बुरियां गल्लां जो याद नी रखदे, जडियां उना दे खिलाफ कितियां होन। 6 जालू लोक बुरे कम्म करदे न तां सै खुश नी होदे, पर सै तालू खुश होदे जालू लोक सही कम्म करदे न। 7 सै कदी हार नी मंटे, प्यार सांझो हर तरा दे हालातां च परमेव्वरे पर भरोसा करणा कने आस रखणे दे काबिल बणादां है, ऐ दुख कने परेशानियां च सबर रखणा सिखांदा है। 8 सै बकत ओणा जालू लोकां परमेव्वरे दे संदेश दा प्रचार होर-होर भाषा च नी करणा, कने परमेव्वरे दे बारे च खास ज्ञाने दी जरूरत नी होणी, पर प्यार हमेशा तांई बणी रेणा। 9 क्योकि साडा खास ज्ञान कने परमेव्वरे दे संदेश दे बारे च प्रचार करणे दी शक्ति, दोनों अधरियां न। पर जालू उनी ओणा है जडा पूरा कने सिद्ध

है, तालू जड़ा अधुरा है उदी जरूरत नी रेणी। 11 ऐ इक माणुऐ दे बड़े होणे सांई। जालू मैं इक बच्चा था, तां मैं बच्चे सांई बोलदा कने सोचदा समझदा था, पर जालू मैं बडा होई गया, तां मैं बचपने दे तरीके छडी दिते। 12 इसा जिन्दगी च असां सब कुछ पूरी तरा नी समझदे ना। ऐ तियां है जियां कोई माणु अपणी शकल धुन्दले सीसे च दिखदा है। पर जालू असां स्वर्ग च जांदे न, तालू असां सब कुछ साफ-साफ समझणा। ऐ कुसी सोगी आमणे सामणे गल्ल करणे सांई होणा। हण असां सब कुछ जाणदे न जडा परमेस्वर सांझे सिरखाणा चांदा है। तालू असां सब कुछ जाणी जाणा, जियां परमेस्वर सांझे जाणदा है। 13 इस तांई हण असां तिन गल्लां जो करदे न: परमेस्वरे पर भरोसा रखा, परमेस्वरे दे बायदे पर आस रखा। पर इना गल्लां च सारयां ला बडी गल्ल इक दुज्जे ला कने परमेस्वरे ला प्यार करणा।

14 इक दुज्जे ला प्यार करणे दी कोशिश करा, कने पबित्र आत्मा दे बरदान पाणे दी बडी इच्छा रखा, खासकर परमेस्वरे दा संदेश देणे दा बरदान पाणे दी इच्छा रखा। 2 क्योंकि जडा होर-होर भाषां च गल्लां करदा है, उसा भाषा जो कोई नी समझी सकदा, सै माणुऐ ला नी, पर परमेस्वरे ला गल्लां करदा है। इस तांई कोई भी नी समझदा की सै क्या बोला दा है, क्योंकि सै पबित्र आत्मा दिया शक्तिया ला गुप्त गल्लां बोलदा है। 3 पर जडा भविष्यवाणी करदा है, सै भरोसा करणे बाले लोकां जो उना दे भरोसे च मजबूत करदा, कने उना दे मना जो हौंसला कने तसल्ली देणे तांई सहायता करदा है। 4 होर-होर भाषां च गल्लां करणे बाला माणु अपने आप दा भरोसा मजबूत करदा है, पर जडा भविष्यवाणी करदा है, सै कलीसिया दे सारे भरोसा करणे बाले लोकां दे भरोसे जो मजबूत करदा है। 5 मैं चांदा है, की तुसां सारे होर भाषा च गल्लां करा, पर इसला बडिया गल्ल ऐ की तुसां भविष्यवाणी करा। क्योंकि सै जडा भविष्यवाणी करदा है, उस होर भाषा च बोलणे बाले ला, जडा मतलब दसयो बिना होर भाषा च बोलदा है, बेहतर है क्योंकि मतलब पता लगणे ला ही कलीसिया दे लोकां दी तरक्की होई सकदी है। 6 इस तांई हे मसीह भाईयो, अगर मैं तुहाडे बाल आई करी होर भाषा च गल्लां करें, कने इदा मतलब नी समझाई सकें तां इदे ला तुहांजो क्या फायदा होणा? इदे बदले अगर मैं तुहांजो सै दस्से जिदा परमेस्वरे मिंजो प्रकाशन दितया, या सच्चाईया दा ज्ञान, भविष्यवाणियां, या उपदेश दियां गल्लां दस्सें, इदे ला तुहांजो जादा फायदा होणा। 7 इयां ही अगर कोई बिण या बंसरी बजांदा है, कने अगर इना दिया अब्बाजा च कोई फर्क नी है, तां बाकियां कियां पछेणना की ऐ बिण या बंसरी है? 8 कने अगर लडाई दे बकत तुरही दी अब्बाज साफ नी सुणुऐ, तां सिपाई लडाईऐ तांई तैयार नी होई सकदा। 9 इयां ही, जालू तुसां ऐसे शब्द बोलदे न जिना जो लोक समझी नी सकदे न, तां ऐ होआ च गल्लां करणे सांई है कने जडा तुसां बोला दे न उदी कोई कीमत नी होणी। 10 इस संसारे च मतियां लग-लग भाषां न कने हर भाषा दा अपना मतलब है। 11 पर अगर असां उस भाषा दा मतलब नी समझदे न, जडे दुज्जे बोलदे न, तां ऐ ऐसा होणा मन्ना की सै साडे तांई परदेसी न, कने असां उना तांई परदेसी न। 12 इस तांई

जालू तुसां आत्मिक वरदान पाणे दी इच्छा रखदे न, तां पबित्र आत्मा तुहांजो बरदान दिन्दा है, तां उना बरदाना दा इस्तेमाल करणे तांई कोशिश करदे रिया ताकि इना बरदाना ला कलीसिया दे लोकां दा भरोसा होर जादा मजबूत हो। 13 इस तांई जडे होर भाषा च परमेस्वरे ला गल्लां करदे न, सै प्राथना करन की जडा सै बोला दे न उदा मतलब दुज्जयां जो समझाई सकन। 14 क्योंकि जालू मैं होर भाषा च प्राथना करें, तां मेरी आत्मा प्राथना करदी है, पर मेरा मन इसयो नी समझदा है। 15 कने इसा बजा ला जालू मैं प्राथना करें तां मैं पबित्र आत्मा दी अगुवाई च प्राथना करें, पर मैं ऐ भी चांदा है की दुज्जे लोक समझी सकन की मैं क्या बोला दा है। कने जालू मैं भजन गां तां सै भी पबित्र आत्मा दी अगुवाई च हो, पर ऐ भी जरूरी है की जडा मैं भजन गा दा है सै भी दुज्जे लोक समझन। 16 मना की कोई आम बन्दा तुहाडिया अराधना च है कने तुसां अपणी आत्मा ला परमेस्वरे दी अराधना करा दे न। अगर सै तुहाडियां गल्लां जो नी समझदा, तां तुहाडा परमेस्वरे जो धन्यवाद देणे बाद, उसयो कियां पता लगणा की आमीन कालू बोलणा जिस बारे च तुसां बोलया। 17 तू तां सही ढंगे ला परमेस्वरे दा धन्यावाद करदा होंगा, पर इदे ला दुज्जे लोकां दा भरोसा मजबूत नी होदा। 18 मैं अपने परमेस्वरे दा धन्यवाद करदा है, की मैं तुसां ला जादा होर भाषा च गल्लां करदा है। 19 पर जालू मैं कलीसिया दे लोकां च होंदा है, तां मेरे तांई ऐई खरा है की उना जो सिखाणे तांई समझणे दे पंज अखर बोलें जडे सै समझी सकन। ना कि इदे बजाए होर भाषा च दस हजार गल्लां बोलें, जिना जो कोई नी समझे। 20 हे मसीह भाईयो, तुसां इना गल्लां जो समझणे तांई बचयां सांई मत बणा; पर बुराईया तांई बचयां सांई मासूम बणा, पर इना गल्लां जो समझणे तांई सियाणे बणा। 21 पबित्र शास्त्र च लिखया है, की प्रभु बोलदा है की, “मैं विदेशी कने अजनबी लोकां दे जरिये अपने लोकां ला गल्लां करणियां, जिना अजीब या लग भाषा बोलणियां, तमी उना मेरियां गल्लां नी सुणनियां।” 22 इस तांई होर भाषां भरोसा करणे बालयां तांई नी, पर भरोसा नी करणे बालयां तांई इक निशाण है, कने परमेस्वरे दे संदेश दसणा भरोसा नी करणे बालयां तांई नी, पर भरोसा करणे बालयां तांई इक निशाण है। 23 इस तांई अगर कलीसिया दे लोक इक जगा गिठे होन, कने सारे होर भाषा च परमेस्वरे ला गल्लां करन, कने कोई जडे ऐ भाषा नी समझदे होन या कोई भरोसा नी करणे बाले अंदर आई जान तां उना पक्का सोचना की तुसां पागल होई गियो न। 24 पर अगर सारे परमेस्वरे दे संदेश दसणा लग्गे, कने अगर कोई भरोसा नी करणे बाला या इस बरदान दे बारे च अनजाण माणु अंदर आई जा, तां उसयो ऐहसास होई जाणा की सै पापी है, कने उनी अपणी जिंदगी तुसां दे बोलणे दिया बजा ला बदली देणी। 25 परमेस्वरे दे शुभसमाचार दिया बजा ला उसयो उदी बुराई कने उदे मने दे बुरे बिचारां दा ऐहसास होणा, कने उसयो ऐहसास होणा की सै पापी है कने उनी पापां दा पश्चाताप करणा, कने गोडे भार बेईकरी परमेस्वरे दी अराधना करणी। कने मन्नी लेणा की, सच्ची परमेस्वर तुहाडे बिच है। 26 इस तांई हे मसीह भाईयो, सुणा तुहांजो क्या करणा

चाईदा? जालू तूसां अराधना तांई गिठे होंदे न, तां तूसां चे इकी माणुए मसीह ला मिलया। कने सै संदेश ऐ है पबित्र शास्त्रे दे बचने अनुसार प्रभु दे भजन गाए, कने इक ही परमेश्वरे दे दितयो प्रकाशन दस्से, यीशु मसीह साडे पापां तांई मरी गया। 4 कने धरती च दबया; कने पबित्र शास्त्र दे अनुसार त्रिऐ रोजे मरयां चे जिन्दा भी होई गया। 5 कने फिरी सै पतरस जो मिल्ला कने उदे बाद सै बारां चेलयां जो मिल्ला। 6 फिरी उदे बाद सै पंज सौ ला जादा चेलयां जो मिल्ला, सोगी गल्लां करणियां चांदे न, तां सिर्फ दो या तिन्न जणे बारी-बारी जिना चे मते लोक हले दीकर जिंदे न पर केई मरी गियो न। 7 बोलन, कने इक माणु इना भाषा दा मतलब दसणे बाला होणा जरूरी फिरी उदे बाद याकूबे जो मिल्ला कने सारे चुणयो प्रेरितां जो भी है। 28 पर अगर होर भाषा दा मतलब दसणे बाला कलीसिया च कोई मिल्ला। 8 कने सारयां ला बादे च उनी अपने आप जो मिंजो पर नी है, तां सै माणु कलीसिया च चुप रे, कने अपने मने च परमेश्वरे प्रगत किता, जडा उस बच्चे सांई है जिदा जन्म सही बकत पर नी ला गल्लां करे। 29 परमेश्वरे दा संदेश देणेबालयां चे दो या तिन ही होया हो। 9 क्योकि मै प्रेरितां च सारयां ला घट खास है, बल्कि परमेश्वरे दा संदेश देन, कने बाकी लोक ऐ दीखन की जडा सै बोला प्रेरित बणने जोगा भी नी है, क्योकि मै परमेश्वरे दिया कलीसिया दे दे न सै पबित्र शास्त्रे अनुसार ठीक है की नी है। 30 पर अगर कुसी लोकान जो सताया था। 10 पर अगर अज मै प्रेरित है तां सै परमेश्वरे दुज्जे माणुए जो जडा कलीसिया च बैठया हो, उसयो परमेश्वरे दिया कलीसिया दे अनुग्रह है: कने उनी जडा अनुग्रह मिंजो पर कितया है, सै बेकार तरफा ला कोई संदेश मिल्ले, तां जडा पेहले बोलणा लगया हो सै तमी ऐ मेरिया तरफा ला नी होया, पर परमेश्वरे दे अनुग्रह मेरी बडी चुप होई जाऐ कने उसयो बोलणा दे। 31 क्योकि तूसां सारे परमेश्वरे सहायता किती की मै उदा कम्म करी सकें। 11 इस तांई अगर चाऐ दा संदेश देई सकदे न, पर इक-इक करिरी, ताकि हर कोई सिखे मै है, या दुज्जे प्रेरित न, असां सारे मसीह दे बारे च प्रचार करदे कने सारयां जो हिम्मत मिल्ले। 32 कने परमेश्वरे दा संदेश देणेबाला कने इसी पर तूसां भरोसा किता। 12 हुण मै तुहांजो ऐ बोलणा अपने आप पर काबू रखे; सै अपणिया इच्छा ला बोलीं सके कने अपणिया इच्छा ला बोलणा बंद भी करी सके। 33 क्योकि परमेश्वर चांदा; क्योकि असां सारयां तुहाडे बिच ऐई प्रचार किता की जालू गडबडी दा नी पर शांति दा परमेश्वर है। इसी नियमे जो परमेश्वर मसीहा मरया तां परमेश्वरे उसयो जिन्दा किता, तां तूसां चे कोई भी दियां सारियां कलीसियां मंदियां न। 34 जानिया कलीसिया च चुप ऐ ना बोले की परमेश्वरे भरोसा करणे बाले दे मरणे बाद उना जो रेंन, क्योकि उना जो गल्लां करणे दा हुकम नी है, पर अधीन रेणे दा जिन्दा नी करणा। 13 अगर मरणे बाद जिन्दा होणा नी होंदा, तां हुकम है। जियां मूसा दिया व्यवस्था च भी लिखया है। 35 अगर सै फिरी मसीह भी मरयां चे जिन्दा नी होया। 14 कने अगर मसीह कुछ सिखणा चांदिया न तां सै कलीसिया च जादा सबाल जबाब ना मरयां चे जिन्दा नी होया, तां जिस संदेश दा असां प्रचार करदे न करन, पर घरे जाई करी अपने घरे बाले ला पृछन, क्योकि जानिया कने मसीह पर तुहाडा भरोसा करणा दोनो बेकार न। 15 इसला भी बदीकरी ऐ की असां परमेश्वरे दे झूठे गबाह साबित होआ दे न क्योकि असां उदे बारे च ऐ गबाई दीतियो है की उनी मसीह जो मरयां चे जिन्दा कितया है, पर अगर मरयो असल च जिन्दे नी होंदे न तां परमेश्वरे मसीह जो भी जिन्दा नी कितया है। 16 अगर मरयो लोक मौत ला बाद जिन्दा नी होंदे न, तां मसीह भी मौत ला बाद आत्मा बरदान दितया हो, तां ऐ समझी लिया की, जडियां गल्लां मै जिन्दा नी होया है। 17 कने अगर मसीह जिन्दा नी होया, तां मसीह तुहांजो लिखियां न, सै प्रभु दा हुकम है। 18 अगर कोई माणु मेरियां पर तुहाडा भरोसा करणा बेकार है; कने तूसां हले दीकर भी अपने लिखियां गल्लां जो ना मन्ने, तां तूसां भी उदियां बोलियां गल्लां मत पापां च जिया दे न। 18 अगर मसीह मरयां चे जिन्दा नी होया है, तां मन्ना। 39 हे मसीह भाईयो, परमेश्वरे दा संदेश देणे दी इच्छा रखा जडे मसीह च भरोसा करणे बाले लोक मरी गियो न, सै बचायो नी कने होर भाषा च परमेश्वरे ला गल्लां करणे तांई कुसी जो भी मना न, बल्कि नाश होई गियो न, मतलब की ऐ की हमेशा तांई परमेश्वरे मत करा। 40 पर जडा कुछ भी तूसां अराधना करदे बकत करदे न, ला लग होई गियो न। 19 अगर असां सिर्फ ऐथू दी जिन्दगिया तांई उना सारियां गल्लां जो पुरे सभ्य तरीके ला करा। मसीह पर आस रखदे न, तां इस संसारे दे माणुऐ ला साडी हालत जादा बुरी है। 20 पर सच्चाई ऐ की परमेश्वरे मसीह जो सारयां ला पेहले मरयां चे जिन्दा कितया है, सै इसा गल्ला दा सबूत है उनी सै जिन्दे करणे जडे मरी गियो न। 21 इस तांई जियां इक माणु आदम दे जरिये मौत इस संसारे च आई कने हुण मरयां दा जिन्दा होणा भी इक माणुऐ जरिये है मतलब की यीशु मसीह जरिये शुरू होया है। 22 जियां आदम दिया बजा ला सारयां दी मौत होंदी है, क्योकि असां उदे बंश न, तियां ही दुज्जे माणु मतलब की मसीह सोगी जितणे भी

15 हे मसीह भाईयो, मै तुहांजो सै ही शुभसमाचार याद करांदा है, जडा मै पेहले सुणाई बैठया है, जिस पर तूसां पेहले भरोसा भी किता था कने जिंदे च तूसां टिकयो भी न। 2 अगर तूसां उस शुभसमाचार पर जिदा मै प्रचार किता, तुहाडा भरोसा उस पर बणी रेंगा तां परमेश्वरे तुहाडा उद्धार करणा; अगर तुहाडा भरोसा कमजोर होई जांगा तां उदी कोई कीमत नी कने सै बेकार है। 3 इसा बजा ला मै तुहांजो सारयां ला जरूरी संदेश दसया, जडा मिंजो प्रभु यीशु

लोक जुड़यो न, उना सारयां मरयां चे जिन्दे होई जाणा है। 23 पर हर इक जणा अपणिया-अपणिया बारिया पर जिन्दा होणा; इदा सबूत ऐ है की मसीह सारयां ला पेहले जिन्दा किता, फिरी जालू मसीह मुडी करी ओणा है, तां जडे लोक उदे सोगी मजबूत रिशता रखवे न उना जो मरयां चे जिन्दा करणा है। 24 कने फिरी जालू मसीह परमेश्वरे दा बिरोध करणे बालियां सारियां बुरियां शक्तियां दा नाश करी देणा उदे बाद संसारे दा अंत होई जाणा। तालू मसीह अपणे पिता परमेश्वरे जो अपणा राज्य सौंपी देणा ताकि सै उस पुरे तरीके ला राज्य करे। 25 पर जालू दीकर परमेश्वर उदे सारे दुशमणा जो पुरे तरीके ला राई नी दे, तालू दीकर मसीहा जो उस राज्य पर राज करणा चाईदा। 26 सारयां ला आखरी दुशमण खत्म करी देणा है, सै मौत है। 27 पबित्र शास्त्र च भजनकार लिखदा है की, “परमेश्वरे सब कुछ मसीह दे अधिकारे थले करी देणा है,” पर इदे च परमेश्वर अपु शामिल नी है क्योंकि सै ही है जिनी मसीह जो अधिकार दितया था। 28 कने जालू सारा कुछ मसीह दे मतलब की पुत्रे दे अधीन होई जाणा, तां पुत्रे भी अपु जो परमेश्वरे दे अधीन करी देणा। ताकि परमेश्वर जिनी अपणे पुत्रे जो सारियां चीजां पर हक दितया है, ताकि परमेश्वर ही सारयां ताई सारा कुछ होणा। 29 अगर मरयो लोक जिन्दे नी होंदे तां उना दा क्या होणा, जडे मरयो लोकां ताई बपतिस्मा लेदे न? अगर परमेश्वर मरयो लोकां जो जिन्दा नी करदा तां लोक हण भी ऐसा कजो करदे न? 30 अगर मरयो लोकां दा जिन्दा होणा नी होंदा है, तां ऐ साडे ताई मुखता दी गल्ल है की असां अपणे आपे जो बार-बार कजो खतरे च पांदे रेंदे? 31 हे मसीह भाईयो, जियां ऐ गल्ल पक्की है की तुसां दे यीशु मसीह ला जुडने दिया बजा ला मै घमंड करदा है, तां ऐ गल्ल भी पक्की है की मिजो हर रोज मरणे दा खतरा है। 32 ऐथ इफिसस शेहरे च जिना लोकां मेरा जंगली जानवरां साई बिरोध किता, कने जडे दुख उना मिजो दिते उना जो सेहन करणे दा क्या फायदा होया? कुछ भी नी! अगर ऐ सच्च होंदा की मरयो लोक दुबारा जिन्दा नी होंदे न, तां खरा होंदा की मै उना लोकां दी गल्ल मन्नी लेंदा जडे ऐ बोलदे न की, “ओआ असां खांदे-पिंदे क्योंकि अगर असां कल मरी गे तां सब कुछ खत्म होई जाणा।” 33 जडे इयुदियां गल्लां करदे न उना ला मुख मत बणदे, “बुरी संगती खरे चरित्र जो बिगाडी दिन्दी है।” 34 तुसां होसा च ओआ कने पाप करणा छडी दिया; मै तुहांजो ऐ गल्ल शरमिदा करणे ताई बोला दा है, क्योंकि तुसां बिच केई ऐसे न जिना दा परमेश्वरे सोगी रिशता ठीक नी है। 35 उदाहरण ताई अगर तुसां चे कोई पुच्छे की, “कियां परमेश्वर मरयां जो जिन्दा करदा या उना दा शरीर कदिया होणा,” 36 जडा भी इस तरीके दे सबाल पुछदा है तां सै मुख है। तुसां जाणदे न की इक बी जालू उसयो जमिना च रांदे न, तां सै जालू दीकर सडी नी जांदा है, अंकुरित नी होंदा है। 37 अगर तुसां धान या कोई होर बी रांदे न, तां तुसां पेहले ला ही उगया बूटा नी लांदे न, बल्कि सिर्फ इक बी रांदे न। 38 पर परमेश्वर अपणिया इच्छा अनुसार उसयो बूटे दा रूप दिन्दा है; कने हर किस्मा दे बी अपणे से च बददे न। 39 संसार च सारे प्राणियां दा शरीर इकोदिया नी हंदा, माणुआं दा शरीर

डंगरां साई नी हंदा; चिड्डां परखेसां दा शरीर मछियां साई नी हंदा। 40 कने जियां संसार दे प्राणिया दे शरीर केई तरा दे होंदे न, तियां ही अम्बरे च भी है, जियां की सूरज, चाँद कने तारे। आसमाने दियां चीजां दी सुन्दरता इको देई होंदी, कने धरती दियां चीजां चे इक होर तरा दी सुन्दरता होंदी है। 41 सूरजे दी सुन्दरता लग है, चन्द्रमे दी सुन्दरता लग है, कने तारयां दी सुन्दरता लग है, क्योंकि इक तारे ला दुज्जे तारे दी सुन्दरता च फरक है। 42 इस ताई जालू मरयां लोकां दुबारा जिन्दे होणा, तालू उना सोगी भी ऐसा होणा। जिस शरीर जो सै दफनांदे न, सै ऐसा शरीर है जडा सडी जांदा है, पर जालू ऐ दुबारा जिन्दा होंदा है, तां ऐ ऐसा शरीर होणा है जडा सडी नी सकदा है। 43 जालू असां मरी जांदे न, तालू साडा शरीर बदसूरत कने कमजोर होंदा है, पर जालू उना मरयां चे जिन्दा होणा, तां उना छेल कने ताकतबर होणा। 44 जियां साडे बाल मास कने खूने दा शरीर है, इयां ही ऐसे शरीर भी न जिना जो परमेश्वरे दी आत्मा जरिये जिन्दगी मिलदी है; साडे ऐ मास कने खूने दे शरीर उना शरीर च बदलई जाणा जिसयो परमेश्वर दी आत्मा जरिये जिन्दगी मिलदी है। 45 पबित्र शास्त्र च भी लिखया है, “पेहला माणु, मतलब की आदम, जिन्दा माणु बणया” कने आखरी आदम, मतलब की यीशु मसीह हमेशा दी जिन्दगी देणेबाला बणया। 46 सारयां ला पेहला मांस कने खूने दा शरीर आया, फिरी सै शरीर आया जिसयो परमेश्वरे दिया आत्मा जिन्दगी दिती। 47 पेहला माणु आदम था धरतिया ला मतलब की मीटिया दा बणया था। दुज्जा माणु मसीह है जडा स्वर्ग ला आया है। 48 संसारे दे पेहले माणु आदम साई न जडा मीटिया दा बणया था, पर जडे स्वर्ग दे लोक न, सै स्वर्ग ला आयो माणु मतलब की मसीह साई न। 49 असां सारयां बाल आदम दा रूप है जिसयो मीटिया ला बणया था, इयां ही इक रोज सांझो मसीह दा रूप भी मिलणा, जडा स्वर्ग ला आया था। 50 हे मसीह भाईयो, मै तुसां जो बोलदा है, इसा धरती पर साडे शरीर मांस कने खूने ला बणयो न; असां स्वर्ग च परमेश्वरे दे राज्य च अपणे इस शरीर सोगी नी रेई सकदे जडा मरी सकदा है, क्योंकि ओथु कोई भी मौत नी है। 51 इस भेद दिया गल्लां जो सुणा, साडे चे कुछ भरोसा करणे बालयां केई लोकां नी मरणा। ऐ सारियां गल्लां पलक झपकदे ही होई जाणियां न। जालू आखरी तुरही बजाई जाणी, तां जडे लोक मरी गियो न, सै हमेशा दी जिन्दगी ताई दुबारा जिन्दे करणे न कने असां जडे जिन्दे न, साडे शरीर बदलई जाणे। 53 क्योंकि साडा शरीर जडा तोल्ली ही मरणे बाला कने सडने बाला है, जरूरी है की ऐ इक ऐसे शरीर च बदलई जा जडा कदी नी मरदा कने सडदा हो। 54 कने जालू ऐसा होणा तालू ऐ गल्ल पूरी होई जाणी जडी परमेश्वरे पबित्र शास्त्र च लिखियो की, “मौत जो हराई देणा कने उना कदी नी रेणा।” कने इयां पबित्र शास्त्र च लिखया पूरा होई जाणा। 55 “हे मौत तेरी जित कुथु है? हे मौत तेरा डंक कुथु रिया?” इस तरीके ला पबित्र शास्त्र च जडा लिखया था सै पूरा होया। (Hadēs 986) 56 क्योंकि पाप ऐसा डंक है जिदा नतीजा मौत है, कने व्यवस्था दिया बजा ला पाप दी शक्ति साडिया जिन्दगिया च ओदी है। 57 पर परमेश्वरे दा धन्यवाद हो,

जडा सांझो साडे प्रभु यीशु मसीह दे मरणे जरिये पाप कने मौत पर जितांदा है। 58 इस तांई हे मेरे मसीह भाईयो, अपने भरोसे च मजबूत रिया कने कोई तुसां जो न भडकाए, कने प्रभु दे कम्मा च हमेशा बददे जा, क्योंकि तुसां ऐ जाणदे न की तुसां प्रभु तांई मेहनत करदे न कने सै बेकार नी है।

16 यरूशलेम शेहरे दे परमेश्वरे दे पबित्र लोकां दी सहायता तांई जडा चंदा तुसां गठेरया, इदे बारे च तुसां मिंजो ला सुआल पूछया था, कने हुण मैं इदे बारे च बोलणा चांदा है, इदे बारे च जडियां गल्लां मैं गलातिया प्रदेशे दिया कलीसिया दे लोकां जो करणे तांई बोलया था तुसां भी इयां ही करा। 2 हर तुआरे बाले रोजे तुसां चे हर इक माणु अपणिया कमाईया चे कुछ पैसे कडी करी लग रखी ले, ताकि जालू मैं ओंगा तां उस बकत तुसां जो दान गिठा करणे च परेशानी ना हो। 3 कने जालू मैं ओथु रेंगा तां मैं उना लोकां जो भेजगा जडे तुहाडिया नजरा च भरोसेमंद न की सै यरूशलेम शेहर जो दान लेईकरी जान। मैं उना सोगी इक चिट्ठी भी भेजी दिगा ताकि ओथु दे भरोसा करणे बाले लोकां ने उना दी पछेण कराई सके। 4 अगर तुसां जो लग्गा दा है की मिंजो जाणा चाईदा, तां सै मेरे सोगी जाई सकदे न। 5 कने मैं मकिदूनिया प्रदेश च जाणे बाद आई करी तुहांजो ने मिलणा है। क्योंकि मैं मकिदूनिया प्रदेश जो जाणे दी योजना बना दा है। 6 पर होई सकदा की कुछ लम्बे बकते दीकर मैं तुहाडे सोगी रें, या होई सकदा की सर्दियां तुहाडे बाल कट्टें, कने उदे बाद मेरिया अगलिया यात्रा तांई तुसां मिंजो भेजी सकदे न। 7 मैं नी चांदा की मकिदूनिया प्रदेशे च जांदे बेले सिर्फ कुछ बकते तांई तुसां सोगी रें। अगर प्रभु दी इच्छा होई तां मैं आस रखदा है की कुछ लम्बे बकते दीकर ओथु तुसां सोगी रें। 8 पर मैं पेन्तिकुस्त त्योहारे दे रोजे दीकर इफिसस शेहरे च ई रेंगा। 9 क्योंकि हल्ले भी ऐथु मते लोक न जडे परमेश्वरे दा बचन सुणना चांदे न, मेरा ऐथु रेंगा बडा जरूरी है। हालांकि ऐथु मते लोक ऐसे न जडे मेरा बिरोध करदे न। 10 अगर तीमुथियुस तुहाडे बाल कुरिन्थुस शेहरे च ओंगा, तां उदी खातिरदारी इज्जता ला करनयो, क्योंकि सै मेरे सांई प्रभु दा कम्म करदा है। 11 इस तांई कोई उदी बेईजती ना करे, पर यात्रा तांई जुर्रतां दियां चीजां देईकरी बिदा करा, ताकि सै मेरे बाल आई जा; क्योंकि मैं उदी कने दुज्जे भरोसा करणे बाले भाईयां जो भी नियाला दा जडे उना सोगी आयो न। 12 कने मैं मसीह भाई अपुल्लोस ला बडी बिनती कितती है की सै भी होर भरोसा करणे बालयां सोगी तुहांजो ला मिलणा ओपे, पर सै इस बकत नी ओणा चांदा, पर जालू उसयो खरा मोका मिलगा, तालू उनी आई जांगा। 13 साबधान रिया, लगातार भरोसा करदे रिया, साहसी माणु बना, कने परमेश्वरे सोगी अपने रिशते जो मजबूत रखा। 14 तुसां जडा कुछ भी करदे न सै प्यारे ला करा। 15 हे मसीह भाईयो, तुसां स्तिफनास जो कने उदे परिबारे जो जाणदे न की, उना अखाया प्रदेशे च उना ही सारयां ला पेहले मसीह पर भरोसा कितया था, कने सै परमेश्वरे दे लोकां दी सहायता तांई तैयार रेंदे न। 16 इस तांई मैं तुहांजो ने बिनती करदा है की ऐसे अगुवां दियां गल्लां मन्ना, बल्कि ऐसे सारे लोकां दी सुणा

जडे प्रभु दी सेबा जो बडी मेहनता कने बडी भक्ति ला करदे न। 17 कने मैं स्तिफनास फूरतनातुस कने अखईकुस मसीह भाईयां दे मेरे बाल ओणे ला खुश है, क्योंकि उना मेरी सै सहायता कितती, जिसा जो करणे तांई तुसां ऐथु नी थे। 18 कने उना मेरे मने जो हिम्मत दिती ठीक तियां ही जियां उना तुहाडे तांई भी करणा जालू उना तुहाडे बाल ओणा। इस तांई तुहांजो भी एदे लोकां दी इज्जत करणी चाईदी। 19 आसिया प्रदेश दिया कलीसिया दे लोकां दिया तरफा ला तुहांजो नमस्कार; अक्विला कने उदी घरे बाली प्रिस्का दा कने उना दे घरे च गिठी होणे बाली कलीसिया दे मसीह भाई बेहणा दिया तरफा ला भी तुसां जो प्रभु च नमस्कार। 20 ऐथु ला जितणे भी मसीह भाई बेहणा न, उना सारयां दिया तरफा ला तुहांजो नमस्कार। गले लग्गी करी इक दुज्जे जो नमस्कार करा। 21 कने हुण मैं पैलुस, इसा चिठिया दे आखरी च अपने हयां ला इस नमस्कार जो लिखा दा है। अगर कोई प्रभु ला प्यार नी करे, तां सै श्रापित हो। 22 हे साडे प्रभु, आई जा! 23 मैं प्रार्थना करदा है साडा प्रभु यीशु मसीह तुहांजो पर अपना अनुग्रह करदा रे। 24 मैं तुसां सारयां ला प्यार करदा है, जिना दा यीशु मसीह सोगी गेहरा रिशता है। आमीन।

2 कुरिन्थियों

1 मैं, पौलस, परमेश्वरे दिया इच्छा ला यीशु मसीह दा प्रेरित है, कने साडा मसीह भाई तीमथियुस मेरे सोगी है। मैं ऐ चिट्ठी कुरिन्थुस शेहर च परमेश्वरे दिया कल्लिसिया जो, कने अछाया प्रदेशे दे सारे परमेश्वरे दे लोकां जो लिखा दा है। 2 मैं प्राथना करदा की साडा पिता परमेश्वर कने प्रभु यीशु मसीह तहांजो पर अनुग्रह करे कने तहांजो शांति दे। 3 साडे प्रभु यीशु मसीह दे पिता कने परमेश्वरे दा धन्यबाद हो, जडा सांझो पर दया कने सांझो हमेशा तसल्ली दिन्दा है। 4 सै सांझो साडे सारे दुखां च तसल्ली दिन्दा है; ताकि असां दुज्जयां दे दुखां च उना जो इयां ही तसल्ली देई सकन जियां परमेश्वर सांझो दुखां च तसल्ली दिन्दा है। 5 जितणा जादा असां यीशु मसीह तांई दुख सेहन करदे न, परमेश्वर मसीह दे जरिये उतणी ही जादा तसल्ली सांझो दिन्दा है। 6 असां दुख सेहन करदे न, ताकि परमेश्वर तहांजो तसल्ली दे कने तुहाडा उद्धार करे। क्योकि परमेश्वरे सांझो तसल्ली दिन्दा है इस तांई उनी तहांजो भी तसल्ली देणी क्योकि तुसां बडे सबर सोगी साडे सांई दुख सेहन किते। 7 कने साडी आस तुहाडे बारे च पक्की है, क्योकि असां जाणदे न, की जियां तुसां साडे दुखां च साथी थे, तियां ही तुसां साडिया तसल्लिया च साथी होणा, जडी परमेश्वरे सांझो देणी। 8 हे मसीह भाईयो, मैं चांदा की तुसां साडिया उना मुसीबतां दे बारे च जाणा, जडियां आसिया प्रदेश च सांझो होईयां। असां ऐसे बोझे ला दबूई गियो थे, जडा साडे सेहणे ला बाहर था, असां तां जिणे दी पूरी उम्मीद ही छडी दितियो थी। 9 असां तां अणणे मने च ऐ सोची लिया था, की असां मरणे बाले न। ऐ इस तांई होया की असां अणणे आपे पर नी पर परमेश्वरे पर भरोसा रखन, जडा मरयां जो जिन्दा करदा है। 10 परमेश्वरे ही सांझो इतणिया बडिया मुसीबता ला बचाया, कने बचाणा भी; कने सांझो ऐ आस है की उनी अगो भी बचादे रेंणा है। 11 जियां तुसां साडे तांई प्राथना करिरी साडी सहायता करदे न, तियां ही मते लोकां दियां प्राथना ला सांझो परमेश्वरे दियां आशीषां मीलियां न, उदिया बजा ला साडिया तरफा ला परमेश्वरे दा धन्यबाद करनयो। 12 क्योकि असां अपणी अंतरात्मा दिया सच्चाईया पर घमंड करदे न। संसार च कने खासकर तुसां लोकां बिच साडी जिन्दगी पबित्र कने सच्ची थी, जडा परमेश्वरे दिया तरफा ला सांझो मिलया था। असां माणुआं दे ज्ञान पर भरोसा नी रखया है, पर परमेश्वरे दे अनुग्रह पर भरोसा रखया है। 13 असां हमेशा तहांजो अपणी चिठियां च उना ही गल्लां जो लिखदे न जडियां तुसां पढी कने मन्नी सकन। भले ही तुसां हण इना गल्लां जो अच्छे ला नी समझदे, पर मिंजो आस है की प्रभु यीशु मसीह दे दुबारा मुडी ओणे दीकर तुसां इना गल्लां जो अच्छे ला समझणा कने मनणा ताकि उस रोज तुसां साडे पर तियां ही घमंड करन, जियां असां तुहाडे पर घमंड करदे न। 15 मिंजो इसा गल्ला दा भरोसा था की तुसां सांझो समझणा, इस तांई हण मैं चांदा है की मैं सारयां ला पेहले तुहाडे बाल ओऐ ताकि तुहाडे बाल दो बरी ओणे ला तहांजो दो गुणी आशीष मिल्ले। 16 मैं सोच

दा था की तुहाडे बाले ला होईकरी मकिदुनिया प्रदेश जो जां, कने मकिदुनिया प्रदेश ला बापस मुडदे फिरी तुहाडे बाल ओऐ, कने तुसां मिंजो यहदिया प्रदेशे दीकर सफर करणे तांई समान देईकरी मेरी सहायता करनयो। 17 मेरी योजना ऐई थी। तां, क्या मैं बिना कुसी बजा दे ही अपणा बिचार बदलीं दितो? क्या मैं संसारिक माणुआं सांई योजना बणादां है? क्या मैं इक बकत च, हां कने बादे च ना बोलदा है? 18 परमेश्वरे पर भरोसा करी सकदे न, तियां ही तुसां भी सांझो पर भरोसा करी सकदे न, हालांकि असां तुहाडे बाल ओणे दा बायदा करा दे न। 19 क्योकि परमेश्वरे दा पुत्र यीशु मसीह जिदा प्रचार मैं, सिलवानुस कने तीमथियुस दे जरिये तुहाडे बिच होया, सै प्रभु यीशु मसीह सच्चा है, क्योकि उदे च कदी हां कने कदी ना बाली कोई गल्ल नी है, उदे च सिर्फ हां ही है। 20 क्योकि पिता परमेश्वरे दे जितणे भी बायदे न, सै सारे बायदे मसीह च पुरे होंदे न कने इस तांई असां “आमीन” बोलदे, की साडे जरिये पिता परमेश्वरे दी महिमा हो। 21 परमेश्वर ही है, जडा तुहाडे सोगी सांझो मसीह च मजबूत करदा है। परमेश्वरे सांझो पर अपणी मोहर लाईकरी ब्याने दे स्पे च अपणी आत्मा साडे मना च रखीकरी सांझो अणणे तांई चुणया। 23 परमेश्वर मेरिया इसा सच्चाईया दा गबाह है की मैं हले दीकर कुरिन्थुस शेहर च इस तांई नी आया की, मैं तहांजो दुख देणा नी चांदा था। 24 इदा मतलब ऐ नी की, असां तुहाडे भरोसे पर अपणा हक जतान, क्योकि तुसां अणणे ही भरोसे च टिकयो न। असां तां तुहाडिया खुशिया तांई तुहाडे सोगी न।

2 मैं अणणे मने च ऐई ठाणी लिया था की मैं इक बरी दुबारा ओथु आई करी तहांजो दुख ना दे। 2 क्योकि अगर मैं ओथु आई करी तहांजो दुखी करे, तां तुसां दे सिवा मिंजो खुशी देणे बाला होर कोई नी है, सिर्फ तुसां ही न जिना जो मैं दुखी किता है। 3 कने मैं ऐई गल्ल तहांजो इस तांई लिखी, की कुथी इयां ना हो, की मेरे ओणे पर जिना ला मिंजो खुशी मिलणा चाईदी, सेई मेरे दुखी होणे दी बजा न बणी जान। क्योकि मिंजो तुसां पर इसा गल्ला दा भरोसा है की, जडी मेरी खुशी है, सेई तुसां सारयां दी भी खुशी है। 4 बडे दुखी मने ला, कने रोई-रोई करी ऐ चिट्ठी मैं तहांजो लिखी है, इस तांई नी की, तुसां दुखी होई जा, पर इस तांई की तुसां उस बडे प्यार जो जाणी लिया, जडा मिंजो तुसां सोगी है। 5 अगर कोई दुखे दी बजा है, तां सै ऐ की जिनी माणुऐ ऐ सारियां परेशानियां खडियां कीतियां, उनी मिंजो दुखी करणे ला जादा तुसां सारयां जो दुखी किता है। मैं इदे बारे च इसला जादा होर कुछ नी बोलणा चांदा। 6 ऐसे माणुऐ तांई ऐ सजा काफी है, जडी तुसां चे मते विन्वासी लोकां उसयो दिती। 7 इस तांई इदे बजाए तां ऐ खरा है की उदिया गलतिया जो माफ करी दिया कने उसयो तसल्ली दिया। अगर तुसां उसयो माफ नी किता तां शायद सै इतणा दुखी होई जाए कने परमेश्वरे पर भरोसा करणा बिलकुल ही छडी दे। 8 इसा बजा ला मैं तुसां ला बिनती करदा है, की उसयो थकीन दिला की तुसां हले भी सच्ची उसला प्यार करदे न। 9 क्योकि मैं ऐ इस तांई भी लिखया था की, तुसां जो परखी लें की, तुसां मेरे सारे हुकमा जो मंदे न की नी। 10 जिसयो तुसां माफ

करदे न उसयो मै भी माफ करदा है, क्योंकि जालू मिजो माफ करणे दी जरूरत होंदी है, तां मै तुहाडे फायदे तांई मसीह दे हके सोगी ऐसा करदा है। 11 ताकि शैतान साडे हालातां दा फायदा ना लेई सके, क्योंकि असां उदे बुरे इरादे जो जाणदे न। 12 कने जालू मै मसीह दा शुभसमाचार सुणाणे तांई त्रोआस शेहर च आया, तां परमेश्वरे मिजो शुभसमाचार दा प्रचार करणे दे बडे मौके दिते। 13 तां मेरा अपणा मसीह भाई तीतुस तुहाडी खबर लेईकरी मेरे बाल नी आया, जिदे ला मेरे मने जो चेन नी मिला। इस तांई मै तीतुस जो तोपणे तांई त्रोआस शेहरे दे मसीह लोकां ला बिदा लेईकरी मकिदूनिया प्रदेश जो चली गया। 14 पर परमेश्वरे दा धन्यवाद हो, जडा मसीह सोगी साडे रिशते दिया बजा ला हमेशा साडे सोगी चलदा है, कने सांझो जितांदा है। इदा मतलब है की असां जिथू भी जांदे न, असां शुभसमाचार दी खुशबू फेलांते न, ताकि सारे लोक परमेश्वरे जो जाणन कने सुणन। 15 क्योंकि असां परमेश्वरे तांई मसीह दे जरिये बखायो धुपे सांई न। कने साडे जरिये प्रचार कितया संदेश सारे लोकां च फेलियो खुशबू सांई है, जडी उद्धार पाणे बाले, कने नाश होणे बाले लोकां बिच बिखरदी है। 16 पर ऐ खुशबू नाश होणे बालयां लोकां तांई तां मौता दी मुक्त है, जडी उना जो मौत दिया तरफा लेई जांदी है; पर उद्धार पाणे बाले लोकां तांई ऐ जिन्दगी दी ऐसी खुशबू है, जडी उना जो हमेशा दिया जिन्दगिया पासे लेई जांदी है। असल च कोई भी अपने आप ला इसा खुशबूआ जो फेलाणे दे काबिल नी है। 17 क्योंकि असां उना सांई नी न, जडे पैसायां तांई परमेश्वरे दे बचना दा प्रचार करदे न; पर असां सच्चाईया ला परमेश्वरे दे बचना दा प्रचार करदे न, ऐ जाणी करी की परमेश्वर सांझो दिखा दा है।

3 मै अपने बारे च इना गल्लां जो लिखी करी अपनी बडाई नी करा दा है। या कुछ होर माणुए सांई सांझो भी तुहाडे बाल सिफारिश दियां चिठियां लियोणे कने या तुहाडे ला लेणे दी जरूरत नी है। 2 तुसां अपु ही इक चिठिया सांई न जडी साडे तांई सिफारिश करदी है, जडी साडे दिले च लिखियो है, तुहाडी बदलइयो जिन्दगी तुहाडे बिच साडे कम्मा दिया बजा ला है, जडा इक चिठिया सांई है जिसा जो हर कोई पढी सकदा है। 3 ऐ तां मिलदी गल्ल है, की तुहाडी बदलइयो जिन्दगी इक चिठ्ठी है जडी मसीह लिखियो है, कने ऐ चिठ्ठी साडे कम्मा दा नतीजा था। सै स्याईया ला या पथरे दियां पटियां पर नी, पर जिन्दे परमेश्वरे दिया आत्मा जरिये साडे दिले दियां पटियां पर लिखियो है। 4 असां ऐसा इस तांई बोलदे न क्योंकि असां मसीह दे जरिये परमेश्वरे पर भरोसा रखदे न। 5 असां ऐ नी बोलदे न की साडे बाल अपु ला कुछ करणे दी काबलियत है। पर परमेश्वरे ही ऐ जडा सांझो इस काबिल बणांदा है। 6 जिनी सांझो नोई बाचा दे सेवक होणे दे काबिल किता, कने मूसा दी व्यवस्था दे सेबक नी पर पबित्र आत्मा दे सेबक न, क्योंकि मूसा दी लिखियो व्यवस्था जो नी मनणे दी सजा मौत है, पर पबित्र आत्मा हमेशा दी जिन्दगी दिन्दी है। 7 मूसा दी व्यवस्था जालू इस्त्राएल दे लोकां जो दिती जडी पथरां दियां पटियां पर लिखियो थी, उस बकत परमेश्वरे दी महिमा प्रगट होई। इस्त्राएल दे लोक लम्बे बकते दीकर मूसा दे मूए

पास्से नी दिखी सके क्योंकि सै चमका दा था, हालांकि सै जादी देर दीकर नी चमकदा रिया। अगर मौता पास्से लेई जाणे बाली मूसा दी व्यवस्था पर आधारित सेवा इतणी तेजोमय थी, तां नोई बाचा पर आधारित सेवा होर भी जादा तेजोमय होणी। 9 क्योंकि जालू दोषी बणाणे बाली मूसा दी व्यवस्था तेजोमय थी, तां नोई बाचा जडी सांझो परमेश्वरे सामणे धर्मी बणांदा है तां सै होर भी जादा तेजोमय कनी होंगी? 10 कने मूसा दी व्यवस्था जडी बडी तेजोमय थी, पर हुण उस नोई बाचा दे तेज सामणे मूसा दी व्यवस्था दा कोई तेज नी रिया क्योंकि ऐ नोई बाचा दे मुकाबले जादा तेजोमय नी है। 11 व्यवस्था उस तेज सोगी दितियो थी जडी घटदी जांदी थी, पर नोई बाचा दा तेज होर भी जादा बडी करी है क्योंकि ऐ हमेशा दीकर बणी रणी है। 12 इस तांई ऐसी आस रखीकरी असां हिम्मत सोगी बोलदे न। 13 कने असां मूसा सांई नी न, जिनी अपने मूए पर परदा पाया था ताकि इस्त्राएली लोक उसा घटदी चमका जो गायब होंदे ना दिखी लेंन। 14 पर इस्त्राएल दे लोकां दे मन कठोर होई गियो थे, क्योंकि अजे दीकर पुराणे नियम जो पढने ला उना दे मने च सै ही पडदा पिया रेंदा है; पर सै परदा मसीह च भरोसा करणे ला उठी जांदा है। 15 कने अजे दीकर भी जालू कदी मूसा दी व्यवस्था पढी जांदी है, तां उना दे मने च परदा पेई रेंदा है इस तांई सै इसयो पुरे तरिके ला नी समझदे। 16 पर जालू सै प्रभु यीशु मसीह पर भरोसा करगे, तालू सै परदा उठी जाणा। 17 प्रभु तां आत्मा है: जिथू कुथी प्रभु दी आत्मा है, ओथू मूसा दी व्यवस्था ला अजादी है। 18 क्योंकि असां सारे इक सीसे सांई परमेश्वरे दे तेज जो ऐसे चेरयां ला दसदे न जिना पर परदा नी पिया है, तां परमेश्वर सांझो लगातर बदा दे तेज च जादा ला जादा अपने सांई बणा दा है। ऐ तेज प्रभु ला ही मिलदा है, जडा पबित्र आत्मा है।

4 इस तांई जालू सांझो पर परमेश्वरे दी ऐसी दया होई की, सांझो परमेश्वरे दे शुभसमाचार दा प्रचार करणे दी सेवा मिल्ली, तां असां हिम्मत नी छडदे न। 2 पर असां सरमा बाले गुप्त कम्मा जो भी करणा छडी दिता, कने ना असां चलाकी करदे न, कने ना ही परमेश्वरे दे बचना च मिलावट करदे न, बल्कि असां परमेश्वरे दे सामणे सिर्फ सच्च सिखांदे न। कने हर इक माणु इसा गल्ला दी गबाई देई सकदा है की ऐ सच्च है। 3 अगर लोक उस शुभसमाचार जो नी समझी सकदे न जिदा असां प्रचार करदे न, तां ऐ सै लोक न जडे खतम होणे बाले न। 4 कने उना भरोसा नी करणे बाले लोकां तांई, जिना दिया अकला जो इस संसारे दे ईश्वर शैताने अन्ना करी दितया है, इस तांई सै मसीह कने उदी महिमा दे बारे च शुभसमाचार जो नी समझी पांदे की मसीह परमेश्वरे दा रूप है। (aiōn g165) 5 क्योंकि असां अपने आपे दा नी, पर यीशु मसीह दा प्रचार करदे न की, यीशु मसीह ही प्रभु है। कने उनी ही सांझो तुहाडे सेवक होणे तांई भेजया है। 6 इस तांई परमेश्वरे बोलया की, “नेहरे च लौ चमके,” कने परमेश्वरे लौई सांई साडे मना च समझ दिती, ताकि असां परमेश्वरे दिया महिमा जो पछेणी सकन, जडी यीशु मसीह दे मूए च मिलदी है। 7 असां उसा मीटिया दे भांडयां सांई न जिना च ऐ खजाना रखया है। इसला ऐ गल्ल साफ होई जांदी है की, ऐ असीम

शक्ति साडिया तरफा ला नी है, पर परमेश्वरे दिया तरफा ला है। 8 असां चारो पासे ला पेशानियां ला धिरयो रेंदे न पर कदी हार नी मंदे; घबरांदे तां हेन, पर हिम्मत नी छडदे। 9 असां सताये तां जांदे न, पर परमेश्वर सांझो छडदा नी है; डाए तां जांदे न पर, पर परमेश्वर सांझो खत्म नी होणा दिन्दा। 10 असां हमेशा उना दुखां जो अपने शरीर च महसूस करदे न, जडे दुख यीशुए मरदे बकत महसूस किते थे; ताकि जडा कम्म असां करदे न उदे जरिये लोक यीशु दी जिन्दगी जो दिखी सकन। 11 क्योकि असां जिंदे जी यीशु दिया बजा ला मौत दे खतरे च रे, ताकि यीशुए दी जिन्दगी भी सांझे मरणे बाले शरीर पर प्रगत होए। 12 इस तांई असां मौत दे खतरे च रेंदे न, पर इदिया बजा ला तुहांजो हमेशा दी जिन्दगी मिली। 13 पर असां प्रचार करदे रे क्योकि सांझो च सेई भरोसा था, जदिया भजन लिखणे बाले च था, जालू उनी पबित्र शास्त्र च ऐसा लिखया की, “मैं भरोसा किता, इस तांई मैं बोलया।” असां भी भरोसा करदे न, इस तांई बोलदे न। 14 क्योकि असां जाणदे न, जिनी प्रभु यीशु मसीह जो मरयां चे जिन्दा किता, उनी ही सांझो भी यीशु मसीह सांई जिन्दा करणा, कने परमेश्वरे सामणे खडे होणे तांई सांझो तुहाडे सोगी लेई ओणा है। 15 क्योकि जडे दुख असां सेहन किते, से तुहाडे फायदे तांई न, ताकि परमेश्वरे दा अनुग्रह जादा ला जादा मतयां लोकां जो मिल्ले, कने मते सारे लोक परमेश्वरे दिया महिमा तांई धन्यवाद करन। 16 इस तांई असां हिम्मत नी छडदे; भले ही सांझे शरीर दी ताकत घटदी जा दी है, पर साडी अंदरूनी आत्मा रोज-रोज नोई होंदी जा दी है। 17 क्योकि साडा ए हुणे दा घट कने थोडे बकते दा दुख सांझे तांई ऐसी हमेशा दी महिमा जो पैदा करदा है, जिदे बारे च असां सोची भी नी सकदे। (aiōnios g166) 18 कने असां दिखियां चीजां जो नी पर अणदिखियां चीजां जो दिखदे रेंदे न, क्योकि दिखियां चीजां थोडे ही दिना दियां न, पर अणदिखियां चीजा सदा बणी रेंदियां न। (aiōnios g166)

5 क्योकि असां जाणदे न, की धरतिया पर सांझे शरीर इक तम्बूए सांई न जिदे च असां रेंदे न। कने जालू असां मरी जाणा, तां परमेश्वरे दिया तरफा ला सांझो स्वर्ग च इक ऐसा शरीर मिलणा है, जडा माणुआं दे हथां ला नी बणया पर स्वर्गीय कने हमेशा तांई होणा है। (aiōnios g166) 2 इस शरीर च तां असां रेंदे न, कने बडी इच्छा रखदे न, की सांझो इक ऐसा शरीर मिल्ले जडा सांझे स्वर्ग दे घरे सांई हो। 3 जालू सांझो से स्वर्ग दा शरीर मिलणा, तां असां नगे नी रेंणा। 4 कने असां इस घरे च रेंदे होए भोझे हेठ दबुई करी रेंदे रेंदे न; क्योकि असां इना संसारिक शरीरां जो नी छडणा चांदे न, पर असां चांदे न की परमेश्वरे सांझो स्वर्ग दा शरीर दे ताकि ऐ मरी जाणे बाले शरीर, नी मरणे बाले शरीर च बदलुई जान। 5 कने परमेश्वरे सांझो अपु नोए शरीर देणे तांई तैयार कितया है कने उनी ही सान्झो बयाने दे स्मे च पबित्र आत्मा भी दितियो है, जडा ऐ यकीन दुआंदा है की परमेश्वरे उसयो जस्त पूरा करणा। 6 इस तांई असां हमेशा सबर रखदे न कने ऐ जाणदे न; की जालू दीकर असां शरीर च रेंदे न, तालू दीकर असां प्रभु ला दूर न जडा स्वर्ग च रेंदा है। 7 क्योकि असां

प्रभु यीशु मसीह दे रूप जो दिखीकरी नी, पर उस भरोसे करणे दिया बजा ला जिन्दे न। 8 इस तांई असां सबर रखदे न, कने शरीर दे घरे जो छडी करी परमेश्वरे सोगी रेंणा जादा खरा समझदे न। 9 इस बजा ला सांझे मने दी इक ही इच्छा है की, चाहे असां उदे सोगी स्वर्ग च होन, या असां इसा धरती पर होन, असां प्रभु जो खरे लगदे रेंन। 10 क्योकि जरूरी हे, की मसीह साडा सारयां दा न्याय करे, कने हर इक माणुए जो उदे अपने भले बुरे कम्मा दा इनाम मिल्ले जडे उनी शरीर दे जरिये कितयो न। 11 सांझो पता है की परमेश्वरे दा डर क्या है, इस तांई असां सच्च पर भरोसा करणे तांई लोकां जो समझांदे न कने परमेश्वर सांझो पुरे तरीके ला जाणदा है कने मिंजो उम्मीद है की तुहाडिया अंतरात्मा भी सांझो ढगे ला पछेणी लिया है। 12 असां फिर भी अपणी प्रशंसा तुहाडे सामणे नी करदे बल्कि असां तुहांजो अपने बारे च घमंड करणे दा मोका दिन्दे न, ताकि तुसां उना जो जबाब देई सकन, जडे मने पर नी, बल्कि दिखावटी गल्लां पर घमंड करदे न। 13 अगर कोई बोलदा है की असां पागल न, तां से परमेश्वरे तांई न; अगर कोई बोले की सांझे दिमाग खरे न, तां से तुहाडे भले तांई न। 14 क्योकि मसीह दा प्यार सांझो मजबूर करी दिन्दा है, इस तांई की असां ऐ भरोसा करदे न, की जालू इक माणु सारयां तांई मरी गिया, तां सारे मरी गियो न। 15 कने मसीह इस तांई सारयां तांई मरया, ताकि जडे जिंदे न, से अग्रे जो सिर्फ अपु जो खुश करणे तांई ना जीन पर उना जो उदे तांई जीणा चाईदा। मसीह उना तांई मरया कने परमेश्वरे उसयो जिन्दा करी दिता। 16 इस तांई हुणे ला असां कुसयो भी संसारिक नजरा ला नी दिखणा, अगर असां पेहले मसीह जो भी संसारिक नजरा ला दिखया था, पर हुण नी दिखणा क्योकि हुण उसयो जाणी गियो न। 17 इस तांई, अगर कोई मसीह पर भरोसा करदा है, तां उसयो इक नौआ सभाव मिलया है, पुराणा सभाव खत्म होई गिया है; कने हुण नोआ सभाव होई गिया है। 18 कने सारियां गल्लां परमेश्वरे दिया तरफा ला न जिनी मसीह दे जरिये सांझो अपने बाल बापस लोंदया है, कने लोकां जो परमेश्वरे सोगी मेल मिलाप करणे दी सेबा सांझो देई दिती है। 19 परमेश्वर सारे लोकां तांई इक रस्ता बणा दा था की जडा कुछ मसीहे कितया है, उदे जरिये परमेश्वरे सोगी मेल मिलाप करी सकन। परमेश्वरे लोकां दे पापां दा दोष उना पर नी लाया कने उनी शान्ति दे बारे च संदेश बंडणे दा कम्म सांझो देई दितया है। 20 इस तांई असां मसीह दे राजदूत न। परमेश्वर उदे संदेश जो अपनाणे तांई सांझे जरिये लोकां ला बिनती करदा है। असां मसीह दिया तरफा ला बिनती करदे न की परमेश्वरे बाल आई जा। 21 मसीह जडा पाप ला अनजाण था, उसी जो ही परमेश्वरे सांझे तांई पाप बणाया, ताकि असां परमेश्वरे दिया नजरा च धर्मी बणी जान क्योकि मसीहे सांझे पापां दी सजा अपने उपर लेई ली।

6 परमेश्वरे सोगी कम्म करणे बाले होणे दिया बजा ला असां तुसां ने बिनती करदे न, की परमेश्वरे दा अनुग्रह जडा तुसां पर होया है, उसयो तुसां बेकार मत जाणा दिया। 2 क्योकि पबित्र शास्त्र च परमेश्वर बोलदा है, “सही बकत पर मैं तेरी सुणी, कने उद्धार दे रोजे

मैं तेरी सहायता किती।” सुणा; हण ही सही बकत है; सुणा, ऐ ही है उद्धार दा दिन। 3 परमेश्वरे सोगी कम्म करते होऐ साडा व्यवहार कुसी ताई कोई भी स्काबट नी बणदा है, ताकि ऐसा ना हो की कोई साडिया सेवा पर दोष लाऐ। 4 असां हर इक तरीके ला दसदे न की असां परमेश्वर दे सच्चे सेवक न। क्योंकि असां बडा सबर रखीकरी क्लेशां जो, दरिद्रता कने मुसीबतां जो सेहन करिरी, 5 असां कोडे खादे, जेला च गे, कने दंगे फसादां च चोटां लगियां, असां बडी मेहनत किती, बगेर सोऐ कने बगेर खादे-पिते रे, 6 पर असां अपु जो बडा पबित्र रखया, अकली ला कम्म किते, सबर रखया कने दुज्जयां पर दया किती, पबित्र आत्मा दे हुकम मने, 7 सच्चा प्यार किता, असां सच्चाई दा संदेश सुणाया, परमेश्वरे दिया शक्तिया साडे च कम्म किता। असां सज्जे हथे च धार्मिकता दे हथियारे जो हमला करणे ताई कने खबे हथे जो बचाब ताई इस्तेमाल करते न, 8 चाहे लोकां साडी इज्जत किती या बेइज्जती किती, तारीफ या बुराई किती, पर असां इमानदार न, पर सै बोलदे न की असां झूठे न। 9 भले ही लोक सांझो अनजाण समझदे न, पर फिरी भी असां प्रसिद्ध भले ही लोक सांझो मरयां सांई समझदे न, पर फिरी भी असां जिंदे न; सांझो सजा तां मिलदी है पर जानी ला नी मारी सके। 10 सांझो बडे दुख थे, पर असां हमेशा खुश रेदे थे। असां अपु तां गरीब थे, पर बाकियां जो आत्मिक स्पे च अमीर बणाई दिन्दे न। इयां न जियां साडे बाल कुछ नी फिरी भी साडे बाल सब कुछ है। 11 हे कुरिन्थुस शेर दे मसीह लोको, असां खुली करी तुसां जो सच्चियां गल्लां बोलदे न, असां पुरे दिले ला तुहांजो प्यार करते न। 12 तुहाडे ताई साडा प्यार कदी घट नी होया, पर तुसां दा प्यार साडे ताई घटी गिया है। 13 पर अपणे बाल बच्चे समझीकरी मैं तुहांजो बोलदा है, की तुसां भी साडे प्यार दे बदले च साडे सोगी पुरे दिले ला प्यार करा। 14 भरोसा नी करणे बाले लोकां सोगी कोई रिशता मत रखा, क्योंकि धार्मिक कम्मा दा कने बुरे कम्मा दी कोई बराबरी नी। लौई दा कने नेहरे दा कोई रिशता नी। 15 कने मसीह दा शैताने सोगी कोई रिशता नी है। कने भरोसा करणे बाले लोकां दा भरोसा नी करणे बाले लोकां सोगी कोई रिशता नी। 16 कने मूर्तियां दी परमेश्वरे दे मंदरे च कोई जगा नी। क्योंकि असां तां जिंदे परमेश्वरे दे मंदर न; जियां परमेश्वरे पबित्र शास्त्र च बोलया है, “मैं इना लोकां सोगी रेंणा कने उना बिच ही चलणा फिरणा; कने मैं उना दा परमेश्वर होणा, कने सै मेरे लोक होंगे।” 17 इस ताई प्रभुऐ सांझो ला पबित्र शास्त्र दे जरिये बोलया है की, “उना लोकां ला लग होई जा जडे परमेश्वरे पिच्छे नी चलदे। कने गदिया चीजां सोगी कोई रिशता मत रखा, तां मैं तुहांजो अपनाणा।” 18 “कने मैं तुहाडा पिता होणा कने तुसां मेरे बेटे कने बेटियां होणे: ऐ सारयां ला शक्तिशाली प्रभु परमेश्वर दा बचन है।”

7 हे प्यारो भाईयो, क्योंकि परमेश्वरे सांझो अपणे बच्चे दे स्पे च अपनाणे दा बायदा कितया है, इस ताई ओआ असां अपणे शरीर दे सारे बुरे कम्म कने आत्मा दे गदे बिचारां जो करणा बंद करी देन कने परमेश्वरे दा डर मन्नी करी कने उदी इज्जत करा। कने सांझो पुरे तरीके ला पबित्र जिन्दगी जिणे ताई मेहनत करणी चाईदी।

2 तुसां सांझो ला अपणे पुरे दिले ला प्यार करा, असां ना कुसी ने अन्याय किता, ना कुसी दा कुछ बिगाडया, ना कुसी सोगी बेईमानी किती। 3 मैं ऐ तुसां पर दोष लांणे ताई नी बोला दा है, क्योंकि मैं पेहले ही बोली बैठया है की, असां तुसां सोगी पुरे दिले ला प्यार करते न कने असां लग नी होणा है चाहे असां जिन्दे रेन या मरी जान। 4 मैं तुसां ला बडे भरोसे सोगी बोला दा है, मिंजो तुसां पर बडा घमंड है: मिंजो बडी तसल्ली मिली; कने मैं अपणे सारे दुखां च भी बडा जादा खुश रेदा है। 5 क्योंकि जालू असां त्रोअस शेर जो छडी करी मकिदूनिया प्रदेश च आये, ओथु सांझो कोई अराम नी मिल्ला, बल्कि हर पासे ला परेशानियां झेलेदे थे; कने हर पासे लडाई-झगडे थे कने साडे मना च डर था। 6 पर उदास लोकां जो तसल्ली देणेबाले परमेश्वरे तीतुस जो साडे बाल भेजी करी सांझो तसल्ली दीती। 7 ऐ सच्च है की तीतुस सोगी मिली करी असां खुश होऐ। पर इसला भी जादा असां इसा गल्ला पर खुश होऐ की तुसां लोकां उसयो बडी हिम्मत दीती। कने उनी मिंजो दसया की तुसां मिंजो ला मिलणे दी कितणी इच्छा रखदे न, मेरे ताई दुखी न कने मेरे ताई कितणी लगन रखदे न, इना गल्लां ला मिंजो होर भी खुशी होई। 8 मिंजो कोई पछताबा नी है की मैं तुहांजो ऐ सकत चिट्ठी लिखी, चाहे तुसां इसा दिया बजा ला दुखी होऐ। पर पेहले मिंजो पछताबा होया जालू मैं दिखया की इसा चिट्ठिया जो पढी करी तुहांजो थोडे बकते ताई दुख तां होया पर ऐ थोडिया देरा ताई था, 9 पर हण मैं खुश है इस ताई नी की तुहांजो बडा जादा दुख देईकरी बल्कि इस ताई की तुसां उस दुखे दिया बजा ला पाप करणा बंद करी दिता कने परमेश्वरे बाल मुडी आपे, क्योंकि ऐ उस तरीके दा दुख है जडा परमेश्वर चांदा है की उदे लोकां जो हो, ताकि तुहांजो साडिया बजा ला कुसा भी गल्ला च तकलीफ ना हो। 10 क्योंकि सै दुख जडा परमेश्वर चांदा है की असां अनुभव करन, सै लोकां दे पञ्चाताप करणे दी बजा बणदा है, जिंदे ला उना दा उद्धार होंदा है, कने फिरी उसला पछताणा नी पोंदा: पर संसारे दे दुख लोकां जो हमेशा दिया मौता पासे लेई जांते न। 11 ध्यान दिया की परमेश्वरे दिया तरफा ला आयो दुखां ला तुहाडे च क्या-क्या बदलाब आया है, इदे ला तुहाडी हिम्मत बदी गई, अपणे आप जो बेकसूर साबित करणे दी इच्छा, अन्याय ताई तुहाडा गुस्सा, परेशानिया ताई ऐसी साबधानी, मिंजो ला मिलणे दी इतणी जादा इच्छा, परमेश्वरे दी सेवा ताई तुहाडी फिकर, कने गलत माणुऐ जो सजा देणे ताई तैयार रेणा, इना कम्मा दे जरिये तुसां साबित करी दितया है की सब कुछ ठीक-ठाक करणे च तुसां कोई भी कमी नी छडी है। 12 हालांकि ऐ सकत चिट्ठी मैं तुहांजो इस ताई नी लिखी थी की मिंजो उना दी चिंता थी, जडे अन्याय करते न कने ना ही उना ताई जडे अन्याय सेदे न, पर इस ताई लिखी की तुसां अपु ही परमेश्वरे सामणे दिखी लेन की तुसां साडे ताई कितणे सच्चे न। 13 इस ताई सांझो इना गल्लां ला हिम्मत मिल्ली; कने साडी हिम्मत कने खुशी तीतुस जो दिखीकरी होर भी बदी गई; क्योंकि सै तुहाडिया बजा ला बडा खुश होई गिया था। 14 क्योंकि अगर तीतुसे सामणे मैं तुहाडे बारे च घमंड किता है, तां मैं शरमिंदा

नी होया, पर जियां असां तुसां सोगी सारियां गल्लां सच्च-सच्च बोली दितियां थियां, तियां ही साडा घमंड दसणा तितुसे सामणे भी सच्च साबित होया। 15 कने जालू सै याद करदा है की तुसां सारयां उदी गल्ल मन्नी कने डरदे कने कमदे उसयो अपनाया तां उदा प्यार तुहाडे ताई होर भी बदी गिया है। 16 मिंजो इसा गल्ला दी भी खुशी हौदी है की, हुण मै हर गल्ला च तुसां पर भरोसा करी सकदा है।

8 हे मसीह भाईयो हुण, मै तुहांजो उस अनुग्रह दे बारे च दसणा चांदा है, जिसयो परमेश्वरे मकिदुनिया प्रदेश दिया कलीसिया जो दितया है। 2 जालू बडियां भरियां पोरशानियां ला उना दी परिक्षा होई, तां सै बडे खुश होऐ कने हालांकि सै बडे गरीब थे, फिरी भी उना होर भरोसा करणे बालयां दिया सहायता ताई उदारता ने पैसे दिते। 3 कने उना दे बारे च मेरी ऐ गबाई है की, उना ना सिर्फ जितणा होई सकदा था, बल्कि उना उसला भी जादा बदीकरी दिता, कने उना ऐ कम्म अपणी इच्छा ला कित। 4 उना लोकां साडे ला बडी बिनती करिरी इजाजत मंगी की यरुशलेम शेहरे दे परमेश्वरे दे पबित्र लोकां दी सहायता करणे दा सांझो मौका दिया। 5 असां इदी उम्मीद बिलकुल भी नी कितियो थी। उना अपने आपे जो पेहले प्रभु जो कने फिरी सांझो देई दिता, ठीक बिलकुल तियां ही जियां परमेश्वर चांदा था की सै करन। 6 इस ताई असां तीतुस ला बिनती किती की, जियां उनी पेहले दान गिठा करणे दा कम्म शुरू कितया था, तियां ही तुहाडे बिच इस दान दे कम्मा जो पूरा करी ले। 7 पर जियां तुसां सारियां गल्लां च मतलब की भरोसे च, परमेश्वरे दे बचने दा प्रचार करणे च, ज्ञान कने तुसां दुज्जयां दी सहायता करणे ताई कोशिश करणे च, कने उस प्यार च जडा सांझो ला करदे न, इना गल्लां च बदे जांदे न, तियां ही हुण इना भरोसा करणे बाले गरीब लोकां जो दान देणे दिया सहायता ताई भी बदे जा। 8 मै तुहांजो कोई हुकम नी देणा लगया, मै सिर्फ दुज्जे लोकां दी हिम्मता दी तुलना तुहाडे प्यार ला करा दा है, ताकि तुहाडे प्यारे दिया सच्चाईया जो परखी सकें। 9 तुसां साडे प्रभु यीशु मसीह दे अनुग्रह जो ढंगे ला जाणदे न की, सै अमीर होईकरी भी तुहाडे ताई गरीब बणी गिया ताकि उदे गरीब होणे ला तुसां अमीर होई जान। 10 पिछले साल तुसां दान देणे कने ऐसी इच्छा रखणे च भी सारयां ला अगे थे। इस बारे च तुहाडे ताई क्या खरा है, उदे बारे च मेरी ऐ सलाह है की; हुण जडा तुसां शुरू कितया है, उसयो पूरा करा। शायद तुसां भी इस कम्मे जो खत्म करणे ताई उतणे ही उत्साही न जितणे तुसां इसयो शुरू करणे च थे। 12 क्योंकि अगर तुहाडे मने च दुज्जयां जो दान देणे दी इच्छा है तां जडा उदे बाल है, उदे मुताबिक ही उदा दान ग्रहण होणा, ना की उदे मुताबिक जडा उदे बाल नी है। 13 मै नी चांदा है की दुज्जयां दी जिन्दगी असान बणाणे ताई तुहाडी जिन्दगी मुशकिल होई जा। पर सारयां बाल इक बराबर होणा चाईदा। 14 पर इस बकत तुहाडी बढोतरी उना दी जरूरत पूरी करणे ताई भतेरी है, पर कदी ऐसा भी होई सकदा है की तुहांजो जरूरत पेई जा, तालू सै तुहाडी सहायता करन, तालू दोनो इक बराबर होई जाणा। 15 जियां पबित्र शस्त्र च लिखया है, “जिनी बडा जादा गठेरया, उसयो जादा नी मिलया कने

जिनी घट गठेरया, उसयो कुसी चिजा दा घाटा नी होया।” 16 कने परमेश्वरे दा धन्यावाद हो की, जडी फिकर मिंजो तुहाडे बारे च है, ठीक सियुदी ही फिकर परमेश्वरे तुहाडे बारे च तीतुस दे मने च पाई दिती है। 17 जालू असां तीतुसे जो तुहाडे बाल जाणे ताई बोलया, तां उनी खुशिया ला साडी बिनती मन्नी लेई कने बडा उत्साही होईकरी अपणिया मरजिया ला तुहाडे बाल आया है। 18 कने असां तीतुस सोगी इक होर मसीह भाईऐ जो भेजया है, कने सारियां कलीसियां दे भरोसा करणे बाले लोक उदी तारीफ करदे न क्योंकि सै शुभसमाचार दा प्रचार बडे अच्छे ला करदा है; 19 कने सिर्फ इतणा ही नी, पर उसयो कलीसिया दे लोकां ही चुणया है, ताकि इस दान देणेबाले कम्मे ताई साडे सोगी चले। असां ऐ दान दी सेवा इस ताई करदे न, ताकि प्रभु दी महिमा हो, कने ऐ दसणे ताई की असां यरुशलेम शेहरे दे भरोसा करणे बालयां दी सहायता करणा चांदे न। 20 तीतुस सोगी उस मसीह भाईये जो भेजणे जरिये असां इसा गल्ला दा ध्यान रखदे न, की इस दान देणे दिया सहायता दे बारे च जिदी सेवा असां करदे न, कोई सांझो पर दोष ना लाई सके। 21 क्योंकि असां सिर्फ उना गल्लां पर ही ढंगे ला ध्यान नी दिन्दे न, जडियां परमेश्वरे दिया नजरा खरियां न, पर उना पर भी दिन्दे न जडियां माणुआं दिया नजरा च खरियां न। 22 कने असां इना सोगी अपने इक होर मसीह भाईऐ जो भेजया है, असां उसयो बडी बरी बडियां गल्लां च परखया है कने सै सच्चा निकलया है। पर हुण तुसां पर उसयो बडा भरोसा है, इसा बजा ला सै होर भी जादा उत्साही है। 23 अगर कोई तीतुस दे बारे च पुच्छे, तां सै मेरा साथी, कने तुहाडे ताई मेरा सहकर्मी है, कने अगर साडे मसीह भाईयां दे बारे च कोई पुच्छे, तां सै कलीसिया दे भेजयो होऐ न कने उना दी जिन्दगी मसीह दी महिमा ताई है। 24 इस ताई अपना प्यार कने साडा सै घमंड जडा असां तुहाडे बारे च करदे न, कलीसिया दे सामणे उना जो साबित करिरी दसा।

9 हुण यरुशलेम शेहरे दे भरोसा करणे बाले लोकां जो दान देणेबाली सेवा दे कम्मे दे बारे च मिंजो तुसां जो लिखणा जरूरी नी है। 2 क्योंकि मै तुहाडे मने दिया इच्छा जो जाणदा है। कि तुसां उना दी सहायता करणे ताई तैयार न, इस ताई मै तुहाडे बारे च मकिदुनिया शेहरे दे भरोसा करणे बाले लोकां सामणे घमंड दसदा है की, तुसां अखाया प्रदेशे दे लोक पिछले इक साले ला तैयार थे, कने तुहाडे उत्साह दिया बजा ला होर भी लोक उत्साहित होई गे। 3 मै तीतुस कने दो होर मसीह भाईयां जो तुहाडे बाल इस ताई भेजा दा है, ताकि असां जडा घमंड तुहाडे बारे च दसया, सै इसा गल्ला च बेकार ना होई जाऐ; पर जियां मै बोलया तियां ही तुसां यरुशलेम शेहरे दे भरोसा करणे बाले लोकां ताई दान देणे ताई तैयार रिया। 4 इयां ना हो की, अगर कोई मकिदुनी शेहरे दा मसीह भाई मेरे सोगी ओऐ, कने तुहाडा दान तैयार ना होए, तां साडा जडा तुसां पर भरोसा है, उदिया बजा ला असां बेईजत होणा, पर तुसां इदे ला भी जादा बेईजत होणा। 5 इस ताई मै मसीह भाईयां ने बिनती करणा जरूरी समझया की सै पेहले ही तुहाडे बाल चली जान, कने जडा दान देणे दा बायदा तुसां कितया था, उसयो तैयार रखन, जडा तुसां प्यारभाव ला देणा है ना

की कुसी मजबूरिया च। 6 पर इसा गल्ला जो याद रखा, की जडा थोडा रांदा है सै बडदा भी थोडा है; कने जडा जादा रांदा है, सै जादा ही बडदा है। 7 इस ताई जिनी अपने मने च जितणे भी देंणे दा फेसला कितया है, सै उतणा ही दे, बिना इच्छा या मजबूरिया ला ना दे। क्योंकि परमेस्वर खुशिया ला देणेबालयां ला प्यार करदा है। 8 परमेस्वर तुहांजो तुहाडिया जरतां ला भी जादा हर तरा दा अनुग्रह देई सकदा है। जिदे ला हर गल्ला च कने हर बेले, सब कुछ, जडा तुहांजो जरूरी हो, सै तुहाडे बाल रे, ताकि तुहाडे बाल हर भले कम्मा ताई जररत ला जादा हो। 9 जियां की पबित्र शास्त्र च लिखया है, “परमेस्वर जररतमंदा जो उदारता ला दिन्दा है, कने जडे कम्म सै करदा है, सै सही न कने हमेशा होदे रेणे।” (aiōn g165) 10 परमेस्वर हमेशा किसाना जो राणे ताई बी दिन्दा है, कने खांणे ताई रोटी दिन्दा है। इयां ही परमेस्वरे ऐ इंतजाम करणा की तुहाडे बाल हमेशा इतणी धन दौलत हो ताकि तुसां होर जादा उदारता ला गरीब लोकां दी सहायता करी सकन। 11 परमेस्वरे तुहांजो हर तरीके ला आशीर्वाद देणा ताकि तुसां हमेशा उदारता ला दान देई सकन। कने जालू असां तुहाडे दाने जो जररतमंद लोकां जो देणा, तां उना परमेस्वरे जो धन्यावाद देणा। 12 क्योंकि इसा सेबा जो पूरा करणे ला, ना सिर्फ परमेस्वरे दे लोकां दियां जररतां पुरियां होंदिया न बल्कि लोकां दिया तरफा ला परमेस्वरे दा बडा जादा धन्यावाद होंदा है। 13 क्योंकि दुज्जयां दी सहायता करणे ताई दान देंणे दी ऐ सेबा दसदी है की तुसां अपना बायदा पूरा किता है, क्योंकि तुसां मन्या है की मसीह दा शुभसमाचार ही सचच है कने खुद अपने बचना दा पालन किता है। कने गरीब भरोसा करणे बाले कने सोगी ही बाकी भरोसा करणे बालयां दी सहायता करणे च उदारता दसदे न। 14 कने उना तुहाडे ताई परमेस्वरे ला प्रथना करणी। सै तुहाडे ने प्यार करदे न, क्योंकि सै जाणदे न की परमेस्वरे तुहांजो बडा जादा अनुग्रह दितया है। 15 ओआ असां परमेस्वरे दे उस दाने ताई धन्यवाद करन, जिसयो शब्दां च बयान नी करी सकदे।

10 मै सेई पौलूस है, जडा तुहाडे सामणे डरफोक लगदा है, पर तुहांजो ला दूर जाणे पर हिम्मत बाला होई जांदा है। तुहांजो ला मसीह दिया उदारता कने कोमलता दिया बजा ला बिनती करा दा है की, 2 कुछ लोक बोलदे न असां इस संसारे दे लोकां सांई कम्म करदे न। इस ताई जालू मै ओणा है तां मिंजो उम्मीद है की मिंजो उना सोगी सकत होंणा पोणा। मै हथ जोडी करी बिनती करदा है की जालू मै तुहाडे बाल ओणा तां मिंजो तुहाडे सोगी ऐसा बर्ताब ना करणा पोए। 3 क्योंकि असां इस संसार च रेंदे जरर न, पर असां अपने दुशमणा सोगी संसारे दे लोकां सांई नी लडदे। 4 क्योंकि जिना हथियारां ला असां लडदे न सै संसारे दे लोकां दे हथियारा सांई नी न, पर किलयां जो ढांणे ताई परमेस्वरे दे शक्तिशाली हथियार न। 5 इना दे जरिये असां उस हर इक बिरोध जो कने उस हर इक घमंड करणे बालिया गल्ला जो, जडी परमेस्वरे दे ज्ञान दे खिलाफ खडी होंदी है, उना उच्चिया गल्लां जो असां डाई दिन्दे न, कने साडे हर इक बिचार जो काबू करिरी उना जो मसीह दा हुकम मनणे

बाला बणाई दिन्दे न। 6 कने जालू तुसां मसीह दा हुकम मनणे बाले बणी जादे न, तां असां सारे हुकम नी मनणे बालयां जो सजा देंणे तांई तैयार रेंदे न। 7 तुसां सिर्फ बाहरी दिखबे जो ही दिखदे न, अगर कुसी जो अपने उपर ऐ भरोसा हो, की मै मसीह दा है, तां सै ऐ भी जांणी ले, की जियां सै मसीह दा है, तियां ही असां भी मसीह दे न। 8 क्योंकि अगर मै उस हके दे बारे च होर भी घमंड दस्सें, जडा तुहाडे भरोसे जो खत्म करणे तांई नी, पर तुहांजो भरोसे च बढणे तांई दितया, तां इदे च मिंजो कोई शर्म नी होणी। 9 मै नी चांदा की तुहांजो ऐ लग्गे की मै ऐ चिठी तुहांजो डराणे तांई लिखा दा है। 10 क्योंकि तुहांजो चे कुछ लोक बोलदे न, “पौलुसे दियां चिठियां गंभीर कने प्रभावशाली न; पर जालू दिखदे न, तां बोलदे न सै कमजोर माणू है कने उदियां गल्लां बेकार न।” 11 इस ताई ऐसा बोलणे बालयां जो ऐ समझणा चाईदा की, जियां असां दूर रेईंकरी चिठिया दे जरिये तुसां सोगी गल्लां करदे न, तियां ही तुहाडे सोगी रेणे पर साडे कम्म भी होंणे। 12 क्योंकि सांझो ऐ हिम्मत नी है की असां अपने आपे जो उना सोगी गिणन, या उना जो अपने ला मिलान, जडे अपनी तारीफ करदे न, कने अपने आप जो अपु चे ही नापदे न, कने अपनी तुलना अपने आपे ने ही करदे न। तां सै अपने आपे जो मुख बणां दे न! 13 असां उस कम्मे ला बाहर जडा परमेस्वरे सांझो दितया है कदी घमंड नी करदे, पर उसा ही मर्यादा दीकर असां घमंड करणा जडी मर्यादा परमेस्वरे साडे तांई बणाईयो है, कने उदे च ही तुसां भी आई गियो न कने उस मर्यादा दे अनुसार ही घमंड भी करणा। 14 क्योंकि असां अपने आपे जो मर्यादा ला बाहर नी बदाणा चांदे, जियां की तुहांजो दीकर पुज्जणे दिया हालता च होंदा, बल्कि तुहांजो मसीह दा शुभसमाचार सुणाणे तांई कुरिन्थुस शेरर दीकर यात्रा करणे बाले असां पेहले माणू थे। 15 कने असां मर्यादा ला बाहर होरनी दिया मेहनता पर घमंड नी करदे न; पर सांझो उम्मीद है, की जियां-जियां तुहाडा भरोसा बददा जांणा तियां-तियां असां अपणिया मर्यादा अनुसार तुहाडिया बजा ला तुहाडे अखे-बखे दे कने मते लोकां बाल पूजी सकदे न। 16 की असां तुहाडे इलाके ला बाहर दूर-दूर जगा च भी शुभसमाचार सुणान, कने ऐ नी की होरनी दे दायरे अंदर बणयो कम्मे पर घमंड करन। 17 पर जियां पबित्र शास्त्र च लिखया है की, “अगर कोई घमंड करणा चांदा है, तां सै प्रभु पर घमंड करे।” 18 क्योंकि जडा अपनी बडाई करदा है, सै नी, पर जिदी बडाई प्रभु करदा है, सै ही प्रभु दिया नजरा च खरा है।

11 अगर तुसां उना दी सुणी लेंदे न जालू सै अपने बारे च खरियां गल्लां करदे न। इस ताई मिंजो उम्मीद है की तुसां मिंजो भी बरदाश करी लोणा है जालू मै थोडा बेवकूफां सांई गल्लां करणा। 2 क्योंकि मै तुहाडे ला तियां ही प्यार करदा कने तुहाडी चिंता करदा है जियां परमेस्वर करदा है, इस ताई की मै तुहांजो सिर्फ यीशु मसीह जो देंणे दा बायदा कितया है, जियां इक पिता अपणिया कुआरिया कुडिया जो उसा दे लाडे जो देई दिन्दा है, जालू उना दा बियाह होंदा है। 3 पर मै डरदा है की जियां शैताने सपे दे स्पे च अपणिया चलाकिया ला पैली जनानी हव्या जो बेहकाई दिता, तियां ही शैतान

तुहाड़े मना जो उस सीधेपन कने पबित्रता ला मसीह दी सेबा ला दू ना करी दे। 4 जालू कोई तुहाड़े बाल आई करी कुसी होर यीशु दे बारे च दसदा है, तां तुसां उस नोए माणुए जो अपनाणे तांई बडे उताबले रेदे न। ए यीशु सै नी है जिदे बारे च असां तुहांजो प्रचार कितया था। कने तुसां खुशिया ला उस पर ध्यान दिन्दे कने सुणदे न जालू तुहांजो इक ऐसी आत्मा कने संदेश मिलदा है, सै यीशु दे शुभसमाचार कने आत्मा सांई नी होदा जडा असां तुहाड़े बाल लेईकरी आयो थे। 5 मैं अपने आपे जो उतणा ही खरा समझदा है जितणा की सै प्रेरित जडे अपने आपे जो सारयां ला महान प्रेरित समझदे। 6 मैं बोलणे च इतणा माहिर नी है, पर मैं मसीह कने शुभसमाचार दे बारे च अच्छे ला जाणदा है, मैं अपना ज्ञान उना सारियां गल्लां जरिये साबित कितया है जडियां मैं सिखाईयां न। 7 मैं तुहाड़े बिच परमेश्वरे दा शुभसमाचार मुक्त च प्रचार कित कने अपने आपे जो नम्र कित ताकि तुहाडी इज्जत हो। मैं क्या ऐसा करिरी पाप कित? 8 तुहाडी सेबा करणे तांई मैं होर कलीसियां ला सहायता लेईं। तुहांजो ऐ नी बोलणा चाईदा की ऐसा करणा गलत है। 9 कने जालू मैं तुहाड़े सोगी था, कने मिंजो पैसयां दी कमी होई, तां मैं कुसी पर भी भोजन नी बणया, क्योंकि मसीह भाईयां मकिदुनिया प्रदेश ला आई करी मेरिया कमिया जो पुरा कित: कने मैं कुसी भी गल्ला च अपने आपे जो तुसां पर भोजन नी बणना दिता, कने ना अग्रे जो बणना देणा है। 10 मसीह दी सचाई मिंजो च है, इस तांई मिंजो घमंड है की मैं अखाया प्रदेशे च कुसी ला भी पैसे नी ले। 11 मैं तुहाड़े पैसे कनी ले? क्या मैं ऐ इस तांई कित कनी, मैं तुहांजो ला प्यार नी करदा? ऐ तां परमेश्वर जाणदा है की मैं तुहांजो ने प्यार करदा है। 12 पर जडा मैं करदा है, सेई करदे रेणा है, ताकि मैं उना लोकां जो रोकी सकें, जडे इसा गल्ला पर घमंड करणे तांई इक मोका तोपदे न की परमेश्वरे तांई उना दा कम्म साडे कम्मे सांई है। 13 क्योंकि ऐसे लोक झूठे प्रेरित, कने धोखे ने कम्म करणे बाले, कने मसीह दे प्रेरित होणे दा झूठा दाबा करदे न। 14 कने ऐ कोई हेरानिया बाली गल्ल नी है, क्योंकि शैतान अपु भी परमेश्वरे दी महिमा दे स्वर्गदूत दा रूप धारण करिरी धोखा दिन्दा है। 15 इस तांई अगर शैताने दे सेवक भी परमेश्वरे दे सेबकां दा रूप धारण करन, तां इदे च कोई बडी बडी गल्ल नी है, पर उना दा अंत उना दे कम्मा दे अनुसार होणा। 16 मैं फिरी बोलदा है, कोई मिंजो मुखं ना समझे; नी तां मुखं ही समझीकरी मिंजो अपनाई लिया, ताकि थोडा दिया मैं भी घमंड करी सके। 17 बेधडक होईकरी मैं जडा कुछ बोलदा है, ऐ मैं तियां नी बोलदा जदिया प्रभु यीशु मसीह चांदा है, पर मन्ना मुखंता दिया बजा ला बोलदा है। 18 जालू की बडे लोक इस संसारे दे लोकां सांई घमंड करदे न, तां मैं भी घमंड करणा। 19 तुसां तां समझदार होईकरी भी खुशिया ला मुखं दी सेहन करी लेंदे न। 20 क्योंकि जालू तुहांजो कोई नोकर बणाई लेंदा है, या तुहाडा सब कुछ लेई लेंदा है, या तुहांजो धोखा दिन्दा है, या अपने आपे जो तुहांजो ला उपर रखदा है, या तुहाड़े मुए पर थप्पड मारदा है, तां तुसां सेहन करी लेंदे न। 21 मिंजो ऐ सब करणे च शर्मिंदगी होई; पर जिसा कुसी गल्ला पर कोई घमंड करदा है, मैं मुखंता ला बोलदा है तां मैं

भी घमंड करदा है। 22 क्या सै ही इब्रानी न? मैं भी इब्रानी है, क्या सै इस्राएली न? मैं भी इस्राएली है, क्या सै अब्राहम दे बंशे दे न? अब्राहम दा बंशज मैं भी है। 23 क्या सेई मसीह दे सेवक न? मैं पागला सांई बोलदा है, मैं उना ला बदीकरी है! मैं उना ला जादा मेहनत कीतियो है, उना ला जादा बार जेला गया है, बडी बरी कोडे खादे न, बडी बरी मेरिया जानी जो खतरा होया। 24 यहदी अमुवां मिंजो पंज बरी उनताली-उनताली कोडे मारे। 25 तिन बरी मैं बैता ने मार खादी; इक बरी पथरा ने मार खादी; तिन बरी मेरा जाज समुद्रे च टूटी करी डुबी गया, इक रात दिन मैं समुद्रे च कटी। 26 बार-बार मिंजो सफर करणा पिया; कदी खड़ा च, कदी खुखारं डाकुआं दे, कदी अपने देशे दे लोकां दे, कने कदी होर जातियां दे लोकां दे, कदी शेहरां च, कदी बणा च, कदी समुद्रे दे खतरयां दा कने कदी झूठे मसीह भाईयां दे खतरयां दा सामणा करणा पिया। 27 मैं केई रातां जागी करी, भूखा प्यास रेईकरी, सर्दियां च थोडे कपडयां च रेईकरी बडी मेहनत किती कने बडियां मुसीबां झेलियां। 28 कने इना सारियां गल्लां दे इलाबा मिंजो हर रोज सारियां कलीसियां दी भलाई दी चिंता दा भोजन बणी रेंदा है। 29 जालू कोई कमजोर होदा था तां मैं भी अपने आपे जो कमजोर महसूस करदा था। जालू कोई पाप करदा है, तां मैं बडा परेशान होदा है। 30 अगर घमंड करणा जरूरी है, तां मैं भी अपणिया कमजोरियां दिया गल्लां पर घमंड करणा। 31 परमेश्वर, जडा साडे प्रभु यीशु मसीह दा पिता, जडा हमेशा धन्य है, सै जाणदा है, की मैं जुठ नी बोलदा। (aiōn g165) 32 जालू मैं दमिश्क शेहरे च था, राजा अरितास दे राज्यपाले मिंजो पकडने तांई शेहरे च पैरा बठाई दितया था। 33 पर दोस्तां मिंजो इक टोकरिया च इक लम्बा रस्सा बन्नी करी उदे च बैठया कने उसयो दिबारां दे इक सुराखे ला बाहर जमिना पर उतारी दिता कने इयां करिरी मैं राज्यपाले दे हथे ला बची के निकली गया।

12 घमंड करणा मेरे तांई ठीक नी है, पर तमी करणा पोदा है; तां मैं प्रभु दे दितयो दर्शण कने प्रकाशना दी चर्चा करणी। 2 मैं इक ऐसे माणुए जो जाणदा है, जडा मसीह पर भरोसा रखदा है, मसीह जो चौदा साल पेहेले स्वर्ग जो चुकी लिया जिथू परमेश्वर रेंदा, मैं नी जाणदा की सै अपने शरिर च था, या सिर्फ आत्मा च था, ऐ सिर्फ परमेश्वर ही जाणदा है। 3 मैं दुबारा बोलदा है, मैं जाणदा है की ऐ माणु स्वर्ग जो चुकी लिया (फिरि भी मिंजो नी पता की ऐ सच्ची होया की या इक सुपना था, ऐ तां परमेश्वर ही जाणदा) कने ऐसियां गल्लां सुणियां जिना दा शब्दां च बखान नी करी सकदे कने जिना दे बारे च दुज्जयां जो दसणे दी लोकां जो इजाजत नी है। 5 ऐसे माणुए पर तां घमंड करणा, पर अपने आपे पर अपणियां कमजोरियां जो छडी करी, अपने बारे च घमंड नी करणा। 6 क्योंकि अगर मैं घमंड करणा चांगा भी तां मैं मुखं नी होणा, क्योंकि मैं सच्च बोलणा; पर मैं अपने आप जो घमंड करणे ला रोकदा है, इयां ना हो की, जियां कोई मिंजो दिखदा है, या मिंजो सुणदा है, मिंजो उसला बदीकरी समझे। 7 पर मिंजो उना अनोखी चीजां दे बारे च घमंड नी करणा चाईदा जडियां परमेश्वरे मिंजो दसियां न। इस तांई मेरे शरि

च कंडा चुभाया मतलब की मिंजो बड़ी बड़ी मुसीबत दितियो है। शैताने दिया तरफा ला इक दूत मिंजो मारणे कने मिंजो घमंडी होणे ला रोकणे ताई दितया है। 8 इदे बारे च मैं प्रभु ला तिन्न बरी बिनती किती की, मिंजो ला ऐ दूर होई जा। 9 कने उनी मिंजो ने बोलया, “मेरा अनुग्रह तेरे ताई काफ़ी है, क्योंकि मेरी शक्ति कमजोरिया च सिद्ध होई है।” इस ताई मैं बडिया खुशिया ने अपणियां कमजोरियां पर घमंड करणा है, ताकि मसीह दी शक्ति मिंजो मिलदी रे। 10 इसा बजा ला मसीह ताई मैं कमजोरियां च, कने निंदा च, कने दरिद्रता च, कने लडाई इगडयां च, कने मुसीबतां च खुश है, क्योंकि जालू मैं कमजोर होदा है, तालू मैं मसीह दी शक्ति ने शक्तिशाली होदा है। 11 मैं मुख तां बणया, पर ऐ तुसां ही न जिना मिंजो ऐसा करणे ताई मजबूर किता: तुहांजो तां मेरी प्रशंसा करणी चाईदी थी, क्योंकि अगर मैं कुछ भी नी है, तमी उना महान प्रेरितां ला कुसी भी गल्ला च घट नी है। 12 मैं तुहाडे बिच रेईकरी इक सच्चा प्रेरित होणे दे सबूत दिते, मैं सबर रखया, चिन्न चमत्कार, अनोखे कम्म, कने शक्ति दे कम्म दस्से। 13 तुसां कुसा दिया गल्ला च होर कलीसियां ला घट थे, सिर्फ इक ही गल्ल की जडी मैं बाकियां कलीसियां सोगी किती कने तुहाडे सोगी नी किती की, मैं तुहाडे ला अपणियां जरूरतां ताई पैसे नी मंगे, तुहाडा ऐ सोचणा गलत है की मैं ऐसा करिरी तुहाडे बिरोध च गलत कितया है। 14 दिखा मैं तीजी बरी तुहाडे बाल ओणे ताई तैयार है, कने मैं इस बरी भी तुहाडे ला कोई सहायता नी लेणी; क्योंकि मैं तुहाडिया संपतिया जो नी, पर तुहांजो चांदा है। क्योंकि बचयां जो अपने माता-पिता ताई धन नी गटेरणा चाईदा, पर माता-पिता जो बचयां ताई धन दौलत गटेरणी चाईदी। 15 मैं तुहाडे ताई बडिया खुशिया ला अपणा सब कुछ देई देणा बल्कि अपने आप जो भी देई देणा; क्योंकि मैं तुहांजो ने बडा प्यार करदा है, पर ऐसा लगदा है की तुसां मिंजो ने घट प्यार करदे न। 16 कुछ भी हो, मैं तुहांजो पर भोजनी बणया, पर दुज्जयां जो लगदा है की मैं चलाक है कने मैं तुहांजो धोखा दिता है, पर ऐ झूठ है। 17 मैं तीतुस जो कने होर मसीह भाईयां जो कदी भी तुहांजो बाल भेजी करी पैसे दी सहायता नी मंगी। 18 मैं तीतुस जो कने उदे सोगी अपने मसीह भाईऐ जो भेजया था, तां क्या तितुसे धोखा देईकरी तुहांजो ला कुछ लिया? नी! क्योंकि साडा इक ही मकसद है कने साडा इक ही कम्म है। 19 मेरे प्यारे मसीह भाईयो, तुसां अपने मने च ऐ सोचा दे होणे न की असां ऐ सब अपने बचाव ताई बोला दे न। पर असां ऐ सब परमेश्वरे दे सामणे यीशु मसीह च तुहाडे भरोसे जो मजबूत करणे ताई बोला दे न। 20 क्योंकि मिंजो डर है, कुथी इयां ना हो, की मैं तुहाडे बाल ओऐ कने मैं जदेई उम्मीद कितियो है, तुसां सियुदे ना होन, कने जदेई उम्मीद तुसां मिंजो ला कितियो कने मैं भी सियुदा नी होऐ। मिंजो डर है, की ओथु इगडा, जलन, गुस्सा, मतलबीपन, चुगली, घमंड कने बखेडे ना पियो होन। 21 कने ऐसा ना हो की जालू मैं दुबारा बापस ओऐ, तां मेरा परमेश्वर मिंजो बेइज्जत करे। कने फिरी मिंजो केईयां ताई रोणा पोऐ, जिना पेहले गदे कम्मा ला,

कने व्यभिचार, कने लुचपन ने, कने जडे पाप उना कितया होन, उना ला पश्चाताप नी कितया हो कने पाप करणा नी छडया हो।

13 पबित्र शास्त्र च लिखया है की, “हर इक गल्ल जो साबित करणे ताई दो या तिन गबाह दी जरूरत होई है,” जालू मैं दुज्जी बरी तुहाडे बाल आया था, तालू मैं कुछ लोकां जो चेताबनी दिती थी, जडे पाप करदे थे। हुण मैं इसा चिठिया दे जरिये सारयां जो दुबारा चेताबनी दिन्दा है, जियां मैं पेहले भी दितियो थी। हुण मैं तिजी बरी तुहाडे बाल लगया ओणा कने हुण भी उना लोकां पाप करणा नी छडया, तां कोई भी उना जो सजा ला नी बचाई सकदा। 3 मैं ऐ बोलदा है क्योंकि तुसां इदा सबूत चांदे न, की मसीह मेरे जरिये बोलदा है, कने मसीह तुहांजो सुधारदा है, तां ऐ साबित होदा है की सै कमजोर नी है; पर तुहाडे बिच शक्तिशाली है। 4 सै कमजोरिया दिया बजा ने सूली पर तां चढाया गया, पर परमेश्वरे दिया शक्तिया ला जिन्दा है, असां भी तियां ही कमजोर न, जियां मसीह था; पर परमेश्वरे दिया शक्तिया ने जडी तुहाडे ताई है, असां उदे सोगी जीणा। 5 अपने आपे जो परखा, की तुहाडा भरोसा सच्चा है की नी; क्या तुहांजो ऐ अनुभव नी होदा है की यीशु मसीह तुसां च है। अगर नी होदा है तां तुसां निक्कमे निकलयो न। 6 पर मेरी आस है, की तुसां जाणी लेणा है की असां निक्कमे नी न। 7 कने असां अपने परमेश्वरे ला प्राथना करदे न, की तुहांजो ला कोई गलती ना हो। ऐ दसणे ताई नी की साडी सेबकाई सफल रेई है, पर असां चांदे न की तुसां खरे कम्म करन, चाहे असां अपु निक्कमे ही लगन। 8 क्योंकि असां सचाइया दे खिलाफ कुछ नी करी सकदे न, पर सचाइया ताई ही करी सकदे न। 9 असां अपने कमजोर होणे कने तुहाडे भरोसे च ताकतवर होणे पर असां खुश होंदे न। कने ऐ प्राथना भी करदे न की, तुसां भरोसे च सिद्ध होंदे जा। 10 इसा बजा ला मैं तुहाडे बाल ओणे ला पेहले तुहांजो ऐ गल्लां लिखा दा है, ताकि मिंजो तुहांजो सजा देणे दे हके जो इस्तेमाल करणे दी जरूरत ना पोऐ, जडा मिंजो प्रभुऐ दितया है। पर मैं इना हका दा इस्तेमाल तुहाडे भरोसे जो मजबूत करणे ताई करणा चांदा है ना की नाश करणे ताई। 11 हे मसीह भाईयो, खुश रिया, सिद्ध बणदे जा, सबर रखा, इक दुज्जे जो उत्साहित करा, इक ही मन रखा, मिल्ली जुली करी रिया कने शांति देणेबाले परमेश्वरे तुहाडे सोगी रेंणा। 12 इक दुज्जे जो गल्ले लगी करी मसीह दे प्यार च नमस्कार करा। 13 सारे पबित्र लोक तुहांजो नमस्कार करते न। 14 मैं प्राथना करदा है की प्रभु यीशु मसीह दा अनुग्रह कने परमेश्वरे दा प्यार कने पबित्र आत्मा दा साथ तुहाडे सोगी रे।

गलातियों

1 मैं, पौलस, तुहांजो ऐ चिठी लिखा दा है, कने मैं इक प्रेरित है, मिंजो प्रेरित होणे ताई कुनी खास सम्ह या कुनी माणुऐ नी चुणया, पर यीशु मसीह कने परमेश्वरे पिता दे जरिये चुणया है, जिनी यीशु मसीह जो मरयां चे जिन्दा किता। 2 कने मैं ऐ चिठी गलातिया प्रदेशे दिया सारिया कलीसिया जो उना सारे मसीह भाईयां दिया तरफा ला लिखा दा है जडे मेरे सोगी न। 3 मैं प्रार्थना करदा है की साडा पिता परमेश्वर कने प्रभु यीशु मसीह तुहांजो अनुग्रह कने शांति दे। 4 साडे पिता परमेश्वर दी इच्छा दे अनुसार यीशु मसीह अपने आपे जो साडे पापां दिया बजा ने बलिदान करी दिता ताकि असां इस संसार दे लोकां दे बुरे प्रभाव ला बचाई सके। (aiōn g165) 5 मैं प्रार्थना करदा है की परमेश्वर दी महिमा युगां-युगां दीकर होंदी रे। आमीन। (aiōn g165) 6 मिंजो इसा गल्ला दी हेरानी होंदी है, जिनी परमेश्वरे तुहांजो मसीह दे अनुग्रह दे जरिये अपने लोक होणे ताई सदया है, उसला तुसां इतर्णी जल्दी फिरी करी कुसी होर ही शिक्षा जो मनणा लगी पे। 7 पर सिर्फ इक ही सच्चा शुभसमाचार है, पर असल गल्ल ऐ है की कुछ लोक मसीह दे शुभसमाचार दी शिक्षा जो बिगाडना चांदे न कने उना लोकां ही तुहांजो भटकई दिता है। 8 पर अगर असां चे कोई या स्वर्गदूतां चे कोई भी इस शुभसमाचार जो छडी करी जडा असां तुहांजो सुणया है, कोई होर शिक्षा दा प्रचार करे तां, परमेश्वरे उसयो सजा देणी। 9 जियां असां पेहले ही बोलया है, तियां ही मैं हुण फिरी बोलदा है, की उस शुभसमाचार जो छडी करी जिसयो तुसां अपनाया है, कोई होर शिक्षा दा प्रचार करे तां, परमेश्वरे उसयो सजा देणी। 10 मैं पक्के तौर पर लोकां दी नी मंदा है पर परमेश्वरे दी मंदा है, मैं लोकां जो खुश करणे दी कोशिश नी करा दा है, पर परमेश्वरे जो खुश करणा चांदा है। अगर मैं हले दीकर माणुऐ जो खुश करदा रेंदा तां मैं मसीह दा सेवक नी होंदा। 11 हे मसीह भाईयो, मैं तुहांजो दर्सी दिन्दा हे की, जडा शुभसमाचार मैं सुणया है, सै माणुऐ दा बनाया नी है। 12 क्योंकि मैं ऐ अपने पूर्वजां या धार्मिक गुरूआं ला नी सिखया है, बल्कि खुद यीशु मसीह शुभसमाचारे जो मिंजो पर प्रगत कितया है। 13 तुसां जाणदे न की मैं यहूदी धार्मिक नियमा दे अनुसार जिन्दगी जिन्दा था, तां मेरे मते साथी जडे मेरिया उमरा दे थे, सै भी यहूदी नियमा दा पालन करदे थे, पर मैं उना सारयां ला जादा बदीकरी कने पुरे दिले ला अपने पूर्वजां दे रीती रिबाजां जो मंदा था। कने उस बकत मैं यीशु मसीह पर भरोसा करणे बालयां जो सतांदा था कने उना जो मारणे दी कोशिश करदा रेंदा था। 15 पर तालू परमेश्वरे ऐ फेसला किता की अपने पुत्रे जो मिंजो पर प्रकट करे, ताकि मैं होर जातियां बिच यीशु मसीह दा प्रचार करी सके। परमेश्वर ही है जिनी मिंजो मेरे पैदा होणे ला पेहले ही चुणी लिया कने अपने अनुग्रह ने मिंजो अपनी सेवा ताई सदया। जालू यीशुऐ अपने आप जो मिंजो पर प्रगत किता, तालू मैं सलाह लेणे ताई कुसी बाल नी गया, 17 कने ना ही जडे मिंजो ला पेहले प्रेरित थे, उना जो मिलणे ताई यरूशलेम गया, पर झट अरब नापे दे

इलाके जो चली गया, कने फिरी ओथु ला दमिश्क शेहरे च दुबारा वापिस आई गया। 18 फिरी तिन्ना सालां बाद मैं पतरसे ने मिलणे ताई यरूशलेम शेहरे जो आया, कने उदे बाल पन्द्रा रोज रिया। 19 कने मैं प्रभु यीशु दे भाई याकूब जो छडी करी कने कुसी भी होर प्रेरिते ने नी मिल्ला। 20 परमेश्वर मेरा गबाह है की तुहांजो जडियां गल्लां मैं लिखादा है, उस च कुछ भी झूठ नी है। 21 यरूशलेम शेहरे च मैं उना प्रेरितां ला मिलणे बाद सीरिया कने किलिकिया प्रदेशां च आया। 22 पर यहूदिया प्रदेशे च मसीह पर भरोसा करणे वाले लोकां मिंजो कदी नी दिखया था। 23 पर उना भरोसा करणे बालयां मेरे बारे च ऐई सुणया था, की जडा पेहले सांझो मसीह पर भरोसा करणे ने सतांदा था, सै हुण इसी भरोसे दा प्रचार करदा है, इसला पेहले सै उना लोकां जो मारणे दी कोशिश करदा था जडे मसीह पर भरोसा करदे थे। 24 इस ताई सै परमेश्वरे दी महिमा करदे न क्योंकि उनी मिंजो इक सताणे वाले ला मसीह दा इक चेला बनाई दिता।

2 चौदा साल बाद मैं बरनबास सोगी यरूशलेम शेहर गया कने तीतुस जो भी सोगी लेई गया। 2 मैं ओथु गया क्योंकि परमेश्वरे मिंजो जाणे ताई बोलया कने जालू मैं ओथु था, तां मैं कुछ बड़े अगुवां ने एकांत च मिलया कने उना जो उस शुभसमाचार दे बारे च दसया जिसदा मैं होर जातियां च प्रचार करा दा था। ताकि इयां ना हो, की मेरी इस बकते दी, या पिछली मेहनत बेकार होए। 3 मेरा साथी तीतुस कने सै इक यूनानी है, उदा खतना कदी नी होया। पर यरूशलेम शेहरे दी कलीसिया दे अगुवां उसयो अपनाई लिया कने उना उसयो खतना करणे ताई मजबूर भी नी किता। 4 तीतुस दा खतना नी होणे दा ऐ मामला कुछ झूठे भाईयां ताई इक मुदा बणी गया, जडे साडिया मंडलिया च चोरिया ला आई गियो न कने उसा अजादिया जो खत्म करणे दी कोशिश करा दे थे जडे साडे उधारकर्ता यीशु मसीह दितियो है, ताकि सै सांझो फिरी ला यहूदी व्यवस्था दा गुलाम बनाई सकन। 5 पर असां थोडे बकते ताई भी उना दियां गल्लां ने सेहमत नी होए, ताकि तुसां लगातार सच्चे शुभसमाचार दी सचाई पर भरोसा करदे रेन। 6 यरूशलेम शेहरे दिया कलीसिया दे उना बड़े अगुवां मेरी शिक्षा च कुछ भी नी जोडया, मैं इसा गल्ला दी कोई चिंता नी करदा की सै अगुवे कुण न क्योंकि परमेश्वर बाहरी रूप दिखीकरी न्याय नी करदा। 7 पर जालू अगुवां दिखया की, जियां परमेश्वरे यहूदी लोकां ताई शुभसमाचार प्रचार करणे दा कम्म पतरसे जो दितया है तियां ही होर जातियां जो शुभसमाचार प्रचार करणे दा कम्म मिंजो दितया है। 8 क्योंकि जिनी परमेश्वरे पतरसे जो यहूदी लोकां बिच प्रेरित होणे ताई चुणया, उनी ही मिंजो भी होर जातियां बिच प्रेरित होणे ताई चुणया है। 9 कने जडे लोक कलीसिया दे खम्बे समझे जांदे थे, मतलब की पतरस, याकूब, कने यहून्ना, उना अनुग्रह दे उस बरदान जो पछेणी लिया जडा मिंजो मिलया है। उना मिंजो कने बरनबास जो अपना साथी समझीकरी सांझो हिस्सेदार बनाया। सै इसा गल्ला ताई राजी होऐ की असां होर जातियां बाल जान कने सै यहूदियां बाल जान। 10 उना सांझो ने ऐई विनती किती की यरूशलेम शेहरे दे गरीब विन्वासियां दी सहायता करनयो, कने ऐ सेई कम्म था जिसयो मैं

करणा चांदा था। 11 पर जालू इक दिन पतरस अन्ताक्रिया शेहर च आया, तां मिंजो लोकां सामणे उसयो फटकार लाणा पेई क्योकि सै सही कम्म नी करा दा था। 12 पतरस पेहले होर जातियां सोगी खाणा खांदा था पर जालू याकूब दे भेजयो कुछ विष्वासी यस्शलेम शेहर च आये तां उना सोगी मिलणा-जुलणा कने खाणां खाणा बंद करी दिता क्योकि सै उना यहदियां ला डरदा था, जडे चांदे थे की सारियां होर जातियां दा खतना होणा चाईदा। 13 कने उदे सोगी अन्ताक्रिया शेहर दे कुछ यहदी विष्वासी भी ऐथू दीकर की बरनबास भी उना ला डरदा था कने उनी भी होर जातियां सोगी मिलणा-जुलणा बंद करी दिता। 14 पर जालू मै दिखया, की उना दा चाल चलण सियुदा नी है, जदिया शुभसमाचार सिखांदा है, तालू मै सारयां सामणे पतरसे जो फटकार लाईकरी बोलया, “तू इक यहदी होईकरी भी, होर जातियां दे रीती रबाजां जो मन्ना दा है,” कने यहदियां दे रीती रबाजां जो नी मन्ना दा है, अगर तू इक यहदी होईकरी ऐसा कितया है। तां तू फिरी होर जातियां जो असां यहदियां दे रीती रबाजां जो मन्णे तांई कजो मजबूर करदा है? 15 असां जडे जन्म ला ही यहदी न कने होर जाति नी न जिना जो यहदी पापी बोलदे न। 16 असां यहदी विष्वासी जाणदे न की मूसा दी व्यवस्था जो मन्नी करी कोई भी माणु धर्मी नी बणदा है, इस तांई असां भी यीशु मसीह पर भरोसा कित्ता, असां मूसा दी व्यवस्था दा पालन करी के नी पर यीशु मसीह च भरोसा करणे ने धर्मी होए; इस तांई की मूसा दी व्यवस्था दे कम्मा ने कोई भी माणु धर्मी नी होंदा। 17 कुछ यहदी सोचदे न की असां पाप कितया है, क्योकि असां व्यवस्था दा पालन करणे दिया बजाए, धर्मी होणे तांई मसीह पर भरोसा करदे न, इदा मतलब ए है की मसीह सांझो पापी बणादां है, नी बिलकुल भी नी। 18 पर असल च मै पाप करणा अगर मै इसा गल्ला जो दुबारा ला अपनाई लेंदा है की इक माणु व्यवस्था जो मन्णे ने ही परमेखरे दिया नजरा च सही होंदा है। 19 मै समझदा है की मिंजो मूसा दिया व्यवस्था जो मन्णे ने मै धर्मी नी बणी नी सकदा। इस तांई मै ऐसा मनदा है की मै व्यवस्था दे बारे च मरी गिया ताकि मै परमेखरे तांई जिन्दा रेई सके। 20 ए इयुदा है जियां जालू मसीह सूली पर मरी गिया, तां मै भी मसीह सोगी सूली पर मरी गिया। हुण मै जिन्दा नी है, पर मसीह मेरे अंदर जिन्दा है। हुण मै परमेखरे दे पुत्रे पर भरोसा करिरी जी दा है, जडा मिंजो ने इतणा प्यार करदा है की उनी मेरे तांई अपणी जान देई दिती। 21 मै इसा गल्ला ला मना नी करी सकदा की परमेखरे अपणी दया दिया बजा ने सांझो बचाया। क्योकि अगर लोक मूसा दी व्यवस्था जो मन्नी करी धर्मी बणी सकदे, तां मसीह जो मरणे दी जरूरत नी थी।

3 हे गलातिया शेहरे दे लोकां, तुहाडे दिमाग खराब होई गियो न, तुहांजो कुनी भटकाई दितया है, क्योकि मै तुहांजो बडे अच्छे तरीके ने समझाया की यीशु मसीह सूली पर कजो मरया कने उनी कुस कम्मे जो पूरा कित्ता। 2 मिंजो इक गल्ल दस्सा, तुहांजो पबित्र आत्मा कियां मिलया? क्या मूसा दी व्यवस्था जो मन्नी करी तुहांजो पबित्र आत्मा मिलया? नि बिलकुल भी नी! तुहांजो पबित्र आत्मा इस तांई मिलया क्योकि तुसां शुभसमाचार सुणी कने उस पर भरोसा

कित्ता। 3 क्या तुहाडा दिमाग खराब होई गिया की, तुसां पबित्र आत्मा दे जरिये नोई जिन्दगी शुरू करिरी क्या अपणिया ताकता ला इदा अंत करणा चांदे न? 4 विष्वासी बणने बाद तुसां बडे दुख झेले। मै सच्ची आशा करदा है की ए सब कुछ बेकार नी था! 5 जडा तुहांजो उदारता ला पबित्र आत्मा दिन्दा है कने तुहांजो च चमत्कार दे कम्म करदा है, क्या ए इसा बजा ने है की तुसां मूसा दी व्यवस्था दा पालन कित्ता या मसीह दे बारे च शुभसमाचार सुणया कने उस पर भरोसा कित्ता? 6 “हुण अब्राहम दे बारे च ही सोचा, उनी परमेखरे पर भरोसा कित्ता, कने इसी ने ही परमेखरे अब्राहमे जो धर्मी बणाया।” 7 तां तुहांजो ए समझणा चाईदा की जडे लोक अब्राहम सांई परमेखरे पर भरोसा करदे न, सै अब्राहम दे सच्चे बंशज न। 8 कने परमेखरे पबित्र शास्त्र च बडे पेहले बोलया की, परमेखरे होर जातियां जो भरोसे करणे ने धर्मी बणाणा, परमेखरे पेहले ही ए शुभसमाचार अब्राहमे जो सुणाई दितिया था, की “तेरे जरिये सारे देशां दे लोकां जो आशीष मिलणी।” 9 परमेखरे अब्राहमे जो उदे भरोसे दिया बजा ला आशीष दिती, तियां ही जडा कोई भी मसीह पर भरोसा करदा है उसयो पक्का ही अब्राहमे सोगी परमेखरे आशीष देणी। 10 पर मूसा दी व्यवस्था च लिखया है, जडा कोई धर्मी होणे तांई व्यवस्था दे नियमा पर भरोसा रखदा है, परमेखरे दा श्राप उस पर होंदा है। इस तांई उना सारे लोकां पर श्राप आई गिया जडे व्यवस्था जो मन्नी करी परमेखरे सामणे धर्मी बणने दी कोशिश करदे न। क्योकि कोई भी हर बकत उस व्यवस्था दा पूरी तरीके ने पालन नी करी सकदा। 11 पर ए गल्ल सच्च है, की मूसा दी व्यवस्था दा पालन करणे ने कोई भी परमेखरे दिया नजरा च धर्मी नी बणी सकदा, क्योकि पबित्र शास्त्र च लिखया है, “पर अगर कोई भी परमेखरे पर भरोसा करदा है, तां परमेखरे उसयो धर्मी बनाणा कने हमेशा दी जिन्दगी देणी।” 12 मूसा दी व्यवस्था दा पालन करिरी जिणा कने परमेखरे पर भरोसा करिरी जीणा दोनो इकोदिया नी है, पर जियां की पबित्र शास्त्र च लिखया है की, जडा कोई इसा व्यवस्था दा पालन करदा है, उनी जिन्दा रेणा। 13 पर मसीहे सांझो उस श्राप ला छुडाया है जडा व्यवस्था नी मन्णे दिया बजा ने होंदा है, जालू सूली पर मसीह दी मौत होई तां उनी साडे पापां दिया बजा ने अपने उपर श्राप जो लेई लिया। क्योकि पबित्र शास्त्र च लिखया है की जडा कोई सूली पर मरदा है, सै श्रापित यीशु मसीह दे जरिये होर जातियां दे लोकां दीकर पुज्जे, कने मसीह पर भरोसा करणे ने सांझो परमेखरे दी पबित्र आत्मा मिल्ले, उसा जो देणे दा बायदा परमेखरे कितया है। 15 हे मसीह भाईयो, मै इक आम जिन्दगी ला उदाहरण दिन्दा है, जालू दो लोक इक समझौता करदे न, कने दोनो उस समझौते पर हस्ताक्षर करदे न, तां ऐसा कोई माणु नी जडा उसयो बदली सके। 16 परमेखरे अब्राहम ने बायदा कित्ता की हर कुसी जो तेरे इक बंश दे जरिये आशीष मिलणी, पबित्र शास्त्र च ए नी लिखया, की “तेरे बंशजो को” जियां की मते लोकां तांई बोलया, पर ए इक माणुए दे बारे च गल्ल करदा है, जालू ए बोलदा है की “तेरे बंश जो” कने ए माणु यीशु मसीह है। 17 मै जडा तुहांजो

समझाणा चांदा है सै ऐ है; की परमेश्वरे अब्राहम सोगी बायदे दे 430 साल बाद मूसा दी व्यवस्था दिती। पर असां ऐ नी बोली सकदे की क्योंकि हुण व्यवस्था है इस तांई परमेश्वरे दे बायदे दी कोई कीमत नी। परमेश्वर दा बायदा हुण भी अटल है कने परमेश्वरे इसयो पूरा करणा। 18 क्योंकि अगर परमेश्वरे लोकां जो मूसा दी व्यवस्था दा पालन करणे दिया बजा ने आशीष दितियो होंदी, तां उनी बायदे जो हटाई देणा था, पर परमेश्वरे अब्राहम जो सै आशीष इस तांई दिती क्योंकि उनी पेहले उसला बायदा कितया था। 19 तां फिरी व्यवस्था दा क्या कम्म है? मूसा दी व्यवस्था जो ताल् दीकर बणी रेणा था, की जाल् दीकर की अब्राहम दा बंशज नी आया, जिसदे बारे च परमेश्वरे बायदा कितया था, परमेश्वरे व्यवस्था स्वर्गदूतां दे जरिये मूसा जो दिती, जडा परमेश्वर कने लोकां दे बिच बिचोला था। 20 जाल् दो लोकां बिच समझौता होंदा है, ताल् समझौता करणे बाले दी जरूरत होंदी। पर परमेश्वर इक ही है, कने जाल् उनी अब्राहमे ला बायदा कितता तां उदे बिच कोई भी बिचोला नी था। 21 तां क्या इदा मतलब ऐ है की मूसा दी व्यवस्था परमेश्वरे दे बायदे दे खिलाफ है? नी कदी भी नी! क्योंकि अगर व्यवस्था सांझो हमेशा दी जिन्दगी देई सकदी, तां असां इदा पालन करिरी परमेश्वरे सामणे धर्मी होई सकदे थे। 22 पर पबित्र शाब्द ऐ बोलदा है की इस संसारे दे लोक पाप दी शक्ति दे गुलाम न, ताकि परमेश्वरे जडा बायदा कितया है, सै उना लोकां जो देई सके जडे यीशु मसीह पर भरोसा रखदे न। 23 पर मसीह दे ओणे ला पेहले कने उस पर भरोसा करणे ला पेहले असां यहूदी लोक मूसा दिया व्यवस्था दे अधीन थे, कने मूसा दे नियम कानून साडी रखबाली करदे थे, कने मूसा दे नियम कनुना सांझो ताल् दीकर जेला च रखया जाल् दीकर की परमेश्वरे सांझो पर मसीह जो प्रगत नी कितता। 24 मसीह दे ओणे दीकर व्यवस्था साडा मार्गदर्शन करणे तांई कने साडी देखभाल करणे तांई दितियो थी, ताकि असां यीशु मसीह च भरोसा करणे ने परमेश्वरे सामणे धर्मी बणी सकन। 25 पर हुण जाल् असां मसीह पर भरोसा करदे न, तां हुण सांझो मार्गदर्शन तांई मूसा दे नियम कनुना दी जरूरत नी है। 26 क्योंकि तुसां सारयां मसीह च बपतिस्मा लिया कने मसीह दी जिन्दगी दे अनुसार चलदे न। इस तांई तुसां सारे यीशु मसीह च भरोसा रखणे ला परमेश्वरे दे पुत्र बणी गियो न। 28 मसीह च इक यहूदी या होर जाति या इक गुलाम या इक अजाद माणुऐ च कोई अंतर नी। कने ना कोई मर्द है, ना कोई जनानी है। 29 अगर तुसां सारे यीशु मसीह च इक न, तां हुण तुसां अब्राहम दे परिवारे दा हिस्सा न कने तुसां जो सै सब कुछ मिलणा जिदा परमेश्वरे अब्राहम ने बायदा कितता।

4 मेरे बोलणे दा मतलब ऐ है, की पुत्र अपने पिता दिया धन दौलत दा मालिक होंदा है, पर जाल् दीकर सै इक छोटा बच्चा ही है ताल् दीकर उदे च कने इक गुलाम च कोई फर्क नी होंदा। उदा हले दीकर इस पर हक नी है पर उनी सारे केसी दा मालिक बनणा जडा उदे पिता दा है। 2 सै ताल् दीकर घरे बालयां कने देखभाल करणे बालयां दे अधिकारां दे थले रेंदा है जाल् दीकर से उसा उमरा दीकर नी पुज्जी जांदा जाल् उनी मालिक बणी जाणा। सै उमर उदा

पिता तय करता है। 3 तियां ही असां भी, परमेश्वरे जो जाणने ला पेहले जाल् असां बचयां सांई थे, ताल् असां इस संसारे दे कुछ रीती रिबाजां दा पालन गुलामा सांई करा दे थे। 4 पर जाल् सै सही बकत आई गया जिसदी परमेश्वरे योजना बनाईयो थी, तां परमेश्वरे अपने पुत्रे जो इस संसार च भेजया, कने इकी जनानिया उसयो पैदा कितता, सै इक यहूदी दे रूप च पैदा होया था कने मूसा दी व्यवस्था जो मनदा था। 5 ताकि सै सांझो अजाद करी सके, जडे मूसा दी व्यवस्था दे गुलाम थे। कने उनी सांझो गोद लेईकरी अपने बच्चे बनाई लिया। 6 असां उदे बच्चे न, क्योंकि परमेश्वरे अपने पुत्रे दी पबित्र आत्मा जो साडे दिले च भेजया है, जडी आत्मा परमेश्वरे जो “मेरा पिता” बोली करी पुकारदा है। 7 इस तांई हुण असां गुलाम नी न, पर असां परमेश्वरे दे बच्चे बणी गियो न; क्योंकि तू परमेश्वरे दा बच्चा है, तां तिजे सै सारा कुछ मिलणा है जडा परमेश्वरे अपने बचयां जो देणे दा वायदा कितया है। 8 जाल् तुसां परमेश्वरे जो नी जाणदे थे, उस बकत तुसां उना दे गुलाम थे जडे असल च परमेश्वर है ही नी। 9 पर हुण जाल् तुसां परमेश्वरे जो जाणी लिया है या मिंजो ऐ बोलणा चाईदा की परमेश्वरे सांझो अपने बच्चे दे रूप च अपनाया है, तां फिरी तुसां कजो कमजोर कने उना बेकार पूराणी शिक्षां दे गुलाम होणे तांई बापस जा दे न? क्या तुहांजो दुबारा उना दे ही गुलाम बणने दी इच्छा है? 10 मै ऐ सुणया की, तुसां जडे होर जातियां दे भरोसा करणे बाले न, यहूदी लोकां दे खास दिना च, मिनयां, मौसमा कने सालां जो ऐ सोची करी मंदे न की इना ला परमेश्वर खुश होंदा है। 11 जडा कुछ तुसां करा दे न उदिया बजा ने चिंता करा दा है, की तुहाडे बिच सेबा कितियो है सै बेकार ना होई जाए। 12 हे मसीह भाईयो, मै तुहांजो ने बिनती करदा है, तुसां सियुदा ही व्यवहार करा जदिया व्यवहार मै करदा है, क्योंकि मै व्यवस्था ला तियां ही अजाद है जियां तुसां होर जाति दे लोक न; तुसां मेरी अच्छे ने देखभाल किती। 13 पर तुहांजो याद होणा, ऐ इक बिमारिया दिया बजा ला था कि मै पैली बरी तुहाडे बाल शुभसमाचार दा प्रचार करणा आया। 14 मेरी बिमारी तुहाडे तांई इक परेशानी थी, पर फिरी भी तुसां मिंजो ला नफरत नी किती कने ना ही मिंजो दूर जाणा दिता। तुसां मिंजो उसी तरीके ने अपनाया जियां तुसां परमेश्वरे दे इक स्वर्गदूत जो या यीशु मसीह जो अपनांदे न। 15 उस बकत तुसां बडे खुश थे! तुहाडी सै खुशी हुण कुथु है, मिंजो पूरा यकीन है की, तुसां मेरे तांई सब कुछ बलिदान करी दिन्दे, “ऐथू दीकर की अपनी हखी भी कडी करी मिंजो देई दिन्दे।” 16 तां क्या तुसां सोगी सच्च बोलणे दिया बजा ला मै तुहाडा दुशमण बणी गिया? 17 इठे गुरु तुहांजो अपने सोगी शामिल करणे दी पूरी कोशिश करा दे न, पर ऐ भले मकसद तांई नी है; उना दा मकसद तुहांजो मिंजो ला लग करणा है, ताकि तुसां उना दे चले बणी जान। 18 हमेशा ही खरे मकसद तांई उत्साही होणा खरा होंदा है कने सिर्फ उस बकत ही नी, जाल् मै तुहाडे सोगी होंदा है। 19 हे मेरे बच्चयो, जियां इक जनानी बच्चा जमदे बकत पीडा महसूस करदी है, तियां ही मै इक बरी फिरी तुहाडे तांई दुख झेला दा है। तुहांजो मसीह च मजबूत होई जाणे दीकर, मै इसा पीडा च रेणा

चांदा है। 20 मेरी बड़ी इच्छा है की हूण तुहाड़े सोगीं रे ताकि मैं तुसां ने प्यारे ने गल्ल करी सके, क्योंकि मैं असल च नी जाणदा की मैं तुसां जो क्या बोलें। 21 जड़े मूसा दी व्यवस्था दे गुलाम रेणा चांदा न, बिचार करा की मूसा दे लेख सांझो क्या दसदे न। 22 पबित्र शास्त्र च लिखया है, की अब्राहम दे दो पुत्र थे; उदा इक बच्चा हाजिरा ला पैदा होया, सै इक नोकराणी थी। कने दुज्जा बच्चा सारा ला पैदा होया था, सै उदी घरे बाली थी। 23 अब्राहम दा पुत्र, जडा उसयो नोकराणी हाजिरा ला पैदा होया था, सै सिर्फ माणुए दिया योजना ने पैदा होया था। पर अब्राहम दा दुज्जा पुत्र जडा सारा ला पैदा होया था, उदा जन्म परमेख्वरे दे बायदे जो पूरा करणे तांई होया था। 24 इना दोनो जनानियां दी तुलना दो बाचां ने करी सकदे न, सै बायदा जडा परमेख्वरे इझाएल दे लोकां सोगीं सीने पहाड़े च किता था, सै हाजिरा सांई है। सै उना बचयां जो पैदा करदी है जड़े गुलाम बणदे न। 25 हाजिरा सीने पहाड़ जो दशांदा है जडा अरब देश च है। सै अज दे यरुशल्लेम शहर सांई है जिदे लोक अपणे बचयां समेत मूसा दिया व्यवस्था दे गुलाम न। 26 पर स्वर्गीय यरुशल्लेम अब्राहम दी घरे बाली सारा सांई है, कने उदे बच्चे मूसा दिया व्यवस्था दे गुलाम नी न। ऐ यरुशल्लेम साडीं मां सांई है, जडी भरोसा करदी है। 27 क्योंकि पबित्र शास्त्र च लिखया है, “हे जनानियों तुसां जिना दे कदी बच्चे नी होए,” कने जिना कदी बच्चे जमणे दी पीडा जो कदी महसूस नी किता, चिल्ला कने खुश होआ! क्योंकि छडियो जनानिया दे बच्चे, उसा जनानिया दे बचयां ला जादा न जडी अपणे घरे बाले सोगीं रेदी है। 28 हे मसीह भाईयो, असां भी अब्राहम दे पुत्र इसहाक सांई न, जड़े परमेख्वरे दे बायदे दे अनुसार पैदा होयो न कने परमेख्वरे दी ओलाद बणी गे। 29 पर हूण तुहांजो सै लोक सतांदे न जड़े लोक चांदे न की तुसां व्यवस्था जो मन्ना, तियां ही जियां शरीर दिया इच्छा ने पैदा होए इश्माएले आत्मा दी इच्छा ने पैदा होए इसहाक जो सताया था। 30 पर पबित्र शास्त्र च लिखया है, “गुलाम जनानी कने उदे पुत्रे जो दूर भेजी दे, क्योंकि गुलाम जनानिया दे पुत्रे जो पिता दी धन दौलत चे कुछ नी मिलणा चाईदा; ऐ पिता दी घरे बालिया दे पुत्रे जो मिलणा चाईदा।” 31 इस तांई हे मसीह भाईयो, असां गुलाम जनानिया दे बच्चे नी न, जिना जो मूसा दे नियम कनुना जो मणणा जरूरी है। पर असां उसा जनानिया दे बच्चे न, जडी पिता दी घरे बाली है।

5 मसीहे सांझो बचाई लिया है ताकि सांझो मूसा दिया व्यवस्था दा पालन करणे तांई गुलामा सांई जिणे दी जरूरत नी है। इस तांई अजाद बणी रिया कने व्यवस्था जो मणणे तांई अपणे आप जो दुबारा ला गुलाम बणना मत दिया। 2 मैं पैतुस तुहांजो जडा बोलदा है, उसयो सुणा की परमेख्वरे दे सामणे धर्मी होणे तांई अगर खतना करोगे, तां मसीह जडा कुछ कितया है, उसला तुहांजो कोई फायदा नी होणा। 3 मैं दुबारा चेताबनी करी बोलदा है, की हर इक माणु जडा ऐ सोची करी खतना करवांदा है, की परमेख्वरे दिया नजरा च धर्मी बणी सके, तां उसयो मूसा दिया व्यवस्था दे हर इक हुकमे जो मणणा चाईदा। 4 तुसां जड़े मूसा दी व्यवस्था जो मन्नी करी

धर्मी बणना चांदे न, तां तुसां अपणे आप जो मसीह कने उदे अनुग्रह ला लग करा दे न, जिसला परमेख्वर तुहांजो बचाई सकदा है। 5 क्योंकि सांझो पबित्र आत्मा दिया तरफा ला पूरी उम्मीद है, की परमेख्वरे सांझो धर्मी दे रूपे च अपनाई लेणा क्योंकि असां परमेख्वरे पर भरोसा करदे न। 6 अगर तुसां यीशु मसीह दे चले न, तां इसा गल्ला ला कोई फर्क नी पोंदा की तुहाडा खतना होया है या नी, जडी गल्ल मायने रखदी सै ऐ है की असां मसीह पर भरोसा कने परमेख्वरे कने दुज्जे लोकां तांई प्यार रखदे न। 7 तुसां तां मसीह सोगीं अपणे रिशते च अच्छे ने अगगे बदा दे थे, हूण तुसां जो मसीह दी सच्ची शिक्षा पर भरोसा करणे ला कुसी जो भी रोकणा नी देणा चाईदा था। 8 ऐसी झूठी शिक्षा परमेख्वर नी दिन्दा, जिनी तुहांजो अपणे बच्चे होणे तांई चुणया है। 9 ऐसी झूठी शिक्षा इयां फेला दी है, जियां की इक कहाबत है, “की थोडा दिया खमीर पुरे गुनयो आटे जो खमीर करी दिन्दा है।” 10 मैं परमेख्वरे पर भरोसा करदा है की उनी तुहांजो झूठी शिक्षा पर भरोसा करणे ला बचाई रखणा है। बल्कि तुसां मेरियां शिक्षां जो मणणा है। क्योंकि जड़े तुहाड़े तांई परेशानी खडी करदे न सै कोई भी कनी हो परमेख्वरे उसयो सजा देणी। 11 पर हे मसीह भाईयो, मैं ऐ प्रचार करदा है, की खतना जरूरी नी है, कने इसा बजा ने ही यहूदी लोक मिजो सतांदे न, अगर मैं ऐ प्रचार नी करे की उद्धार सिर्फ यीशु मसीह दी सूली ने ही है, तां कुनी भी नराज नी होणा। 12 खरा होंदा, की जड़े तुसां जो झूठी शिक्षा दिन्दे न, सै अपणे आपे जो नामर्द बणाई लेंदे। 13 हे मसीह भाईयो, तुहांजो परमेख्वरे दे जरिये अजाद होणे तांई चुणया था, इस तांई सांझो मूसा दी व्यवस्था जो मणणे दी जरूरत नी है। पर अण्णी आजादी जो शरीर दिया इच्छा जो पूरा करणे दा जरिया मत बणा, पर इक दुज्जे ने प्यार कने सेवा करा। 14 क्योंकि सारी व्यवस्था दा निचोड इकी ही हुकमे च पुरा होई जांदी है, “तू अपणे पडोसियां ने अपणे सांई प्यार रखा।” 15 पर अगर तुसां इकी दुज्जे जो डंगरा सांई मारदे बडदे न, तां तुसां जो ध्यान देणा चाईदा की कुथी तुसां इक दुज्जे दा सत्यानाश नी करी देन। 16 पर मैं तुहांजो बोलदा है, की तुहांजो पबित्र आत्मा दी अगुवाई ने जिणे दी जरूरत है, तालू तुसां सै बुरे कम्म नी करणे जिना कम्मा जो तुहाडा पापी सभाव करणा चांदा है। 17 क्योंकि सै कम्म जड़े साडा पापी सभाव सांझो ला करबाणा चांदा है, ऐ सेई चीजां न जडी पबित्र आत्मा नी चांहदी की असां नी करन, क्योंकि ऐ दोनो इक दुज्जे दे दुश्मण न; इस तांई हमेशा उना खरे कम्मा जो नी करी सकदे जड़े असां करबाणा चांदे न। 18 कने अगर तुसां पबित्र आत्मा दी अगुवाई ला जिन्दगी जिन्दे न, तां तुसां मूसा दिया व्यवस्था दे गुलाम नी न। 19 तुसां दिखी सकदे न की पापी सभाव क्या-क्या करदा है, मतलब की व्यभिचार, गंदे कम्म, लुचापन। 20 मूर्तिपूजा, दूणा, बैर, लडाई, जलन, गुस्सा, बिरोध, फूट, अधर्म। 21 डाह, नशे च मतवाले होणा, ऐश मस्ती, कने ऐसे होर भी बडे कम्म करदे न, इना कम्मा दे बारे च मैं चिताबनी दे दा है जियां मैं पेहले भी तुहांजो दिती थी, की ऐसे कम्मा करणे बालयां जो परमेख्वरे दे राज्य दे वारिस नी होणे। 22 सै गुण जड़े परमेख्वरे दी आत्मा दे जरिये पैदा

होदे न, सै न प्यार, खुशी, शांती, सबर, कने दया, भलाई, दुज्जयां रखदे न, जरूरी ऐ की क्या असां इक नोई सृष्टि च बदल्यो न। 16
तांई भरोसेमंद, 23 दीनता, कने संयम; ऐसे व्यवहार पर रोक लागे परमेश्वर उना सारे लोकां पर दया करे कने अपनी शांति दे, जडे इस
तांई कोई भी व्यवस्था नी है। 24 सै लोक जडे यीशु मसीह ने रिशता नियम जो मंदे न, कने उना जो आशीष देंगी क्योंकि सै परमेश्वर दे
रखदे न, उना अपनी पाप भरी जिन्दगिया दियां बुरियां इच्छां जो चुणयो लोक न। 17 अगगे जो मिंजो कोई दुख ना दे, क्योंकि मेरे
सूली पर चढाई दितया है। 25 क्योंकि परमेश्वरे दिया पबित्र आत्मा शरिरे च जडे दाग न सै दसदे न की मैं यीशु दा सच्चा सेवक है। 18
सांझो इक नोई जिन्दगी दितियो है, इस तांई सांझो पबित्र आत्मा दी हे मसीह भाईयो, मैं प्राथना करदा है की साडे प्रभु यीशु मसीह दा
अगुवाई ने जिणा चाईदा। 26 सांझो घमंड नी करणा चाईदा, कने अनुग्रह हमेशा तुसां सबना पर होंदा रे। आमीन।
इक दुज्जे ला जलन नी करणी चाईदी।

6 हे मसीह भाईयो, अगर कुनी माणुऐ कोई पाप किता है, तां तुसां
जडे पबित्र आत्मा दी अगुवाई ने चलदे न, उसयो प्यारे ने सही
रस्ते पर बापस लोणे तांई उदी सहायता करा, ध्यान रखा की कुथी
तुसां अपु ही उस पाप च ना पेई जान। 2 मुशकिलां दा सामणा करदे
बकत इक दुज्जे दी सहायता करा। इयां करिरी तुसां मसीह दी
व्यवस्था जो मंदे न। 3 अगर तुहांजो लगदा है कुसी दी सहायता
करणे तांई तुसां बडे जरूरी न तां तुसां सिर्फ अपने आप जो मुख
बणा दे न। तुसां इतणे भी जरूरी नी न। 4 पर हर इक माणु अपने
कम्मा जो परखे की क्या सै खरे न, अगर खरे न तां अपने कम्मा पर
घमंड करी सकदा है। पर उसयो अपने कम्मा दी तुलना दुज्जे लोकां
दे कम्मे सोगी नी करणी चाईदी। 5 सांझो चे हर इक जणा अपने
कम्मा दा अपु जिम्मेबार है। 6 ऐ जरूरी है की जडे लोक परमेश्वरे दे
बचन जो सिखांदे न, उना दे लोकां जो उना ला खांणे कने पैसे दी
सहायता मिलणी चाईदी। 7 अपने आप जो धोखा मत दिया, कोई
भी कदी भी परमेश्वरे जो धोखा नी देई सकदा है क्योंकि माणु जडा
रांदा है सेई बडदा है। 8 क्योंकि अगर कोई माणु सै करदा है जडा
उदा पापी सभाब चांदा है, उसयो हमेशा दी मौत मिलणी है पर जडा
माणु पबित्र आत्मा दी इच्छा जो पूरा करदा है, उसयो पबित्र आत्मा
हमेशा दी जिन्दगी देणी। (aiōnios g166) 9 असां खरे कम्म करणे
च हिम्मत ना छडन, क्योंकि अगर असां कदी हार नी मनगे, तां
परमेश्वरे अपने बकते पर सांझो इनाम देणा। 10 इस तांई जालू भी
सांझो मोका मिल्ले सारे लोकां सोगी भलाई करणी चाईदी; खासकर
विश्वासी भाई बेहणा सोगी। 11 ध्यान दिया की कियां बड़े-बड़े अखरां
च मैं तुहांजो अपने हथां ला ऐ लिखया है। 12 इस तांई की यहदी
तुहांजो अपनाई लेन, सै तुहांजो खतना करबाणे तांई बोलदे न, सै
ऐसा इस तांई करदे न ताकि लोक उना जो ऐ प्रचार करणे दिया बजा
ने तंग ना करन की परमेश्वर लोकां जो सिर्फ इस तांई बचांदा है
क्योंकि सै भरोसा करदे न की मसीह सूली पर मरया। 13 क्योंकि
ऐथू दीकर की यहदी विश्वासी भी मूसा दी व्यवस्था जो नी मंदे, पर
सै चांदे न की तुहाडा खतना होऐ ताकि सै दुज्जे यहदियां सामणे
घमंड ने ऐ बोली सकन की तुहाडा खतना उना दिया बजा ने होया
है। 14 अगर मैं घमंड करदा तां मैं इसा गल्ला पर घमंड करदा की
साडा प्रभु यीशु मसीह साडे तांई सूली पर मरया। जडा कुछ भी उनी
कितया है, उदी बजा ने संसार दियां कुसी भी चिजा दा बश नी रिया,
कने मिंजो च हुण धरती दे कम्मा जो करणे दी कोई इच्छा नी है। 15
क्योंकि ना खतना, कने ना जिसदा खतना नी होया कुछ मायने

इफिसियों

1 मैं पौलुस, परमेश्वरे दिया इच्छा ने यीशु मसीह दा प्रेरित है, ऐ चिट्ठी इफिसुस शहर च रेणेबाले परमेश्वरे दे पबित्र लोकां जो लिखा दा है। **2** मैं प्राथना करदा है की साडा पिता परमेश्वर कने प्रभु यीशु मसीह तहांजो पर अनुग्रह कने शांति बणाई रखे। **3** साडे परमेश्वर कने प्रभु यीशु मसीह दे पिता दी महिमा हो, जिनी सांझो मसीह दे जरिये स्वर्ग ला मिलणे बालियां हर तरा दियां आत्मिक आशीषां दीतियां न। ऐ साडी मसीह सोगी एकटा दिया बजा ला होया है। **4** मसीह सोगी इक होई जाणे दिया बजा ने परमेश्वरे सांझो इस संसारे जो बणाणे ला पेहले ही चुणी लिया है, ताकि असां उदे सामणे पबित्र कने निर्दोष होई सकन। **5** क्योकि परमेश्वरे सांझो ला प्यार किता इस तांई परमेश्वर बडे पेहले फेसला लिया की यीशु मसीह दे जरिये सांझो परमेश्वरे दी ओलाद होणे तांई गोद ले। परमेश्वरे ऐ अपणिया इच्छा ला कने खुशिया ला किता। **6** परमेश्वरे ऐसा इस तांई किता की असां उदे अदभुत अनुग्रह तांई उदी स्तुति करन, जडा उनी सांझो मुफ्त च देई दिता क्योकि असां उदे प्यारे पुत्रे ने जुडयो न। **7** यीशु मसीह दे खून बहाणे दिया बजा ने असां अजाद होयो न। मतलब की साडे पाप माफ किते न, परमेश्वरे दा अनुग्रह बडा महान है जडा उनी सांझो पर दसया। **8** जिसयो परमेश्वरे अपने ज्ञान कने समझ ने सांझो पर दसया। **9** परमेश्वरे सेई किता, जडा उनी गुप्त रखया था, कने उस गुप्त योजना दे बारे च दसया जडी उनी पेहले ला ही मसीह दे जरिये पूरा करणे दा फेसला लिया था। **10** जालू इस योजना जो पूरा करणे दा सही बकत आंगा, तालू परमेश्वरे स्वर्ग कने धरती दी सारियां चीजां जो मसीह दे अधीन करणा, ताकि सब कुछ मसीह दे हक च हो। **11** परमेश्वरे असां यहदियां जो भी मसीह सोगी जोडी करी अपने लोक होणे तांई चुणी लिया क्योकि शुरू ला उदी ऐई योजना थी। परमेश्वर सब कुछ अपणिया इच्छा ने ही करदा है। **12** असां यहदी पेहले लोक न, जिना मसीह पर आस रखी, कने सांझो इस तांई चुणया था की असां परमेश्वरे दी महिमा कने स्तुति करन। **13** तुसां सच्चा संदेश सुणया है, जडा इस बारे च दसदा है की परमेश्वरे कियां तुहाडा उद्धार किता जालू तुसां यीशु मसीह पर भरोसा किता था, तां परमेश्वरे तहांजो पबित्र आत्मा दिती जडा उनी अपने लोकां जो देणे दा वायदा कितया था। ऐ दसणे तांई की तुसां परमेश्वरे दे न। **14** परमेश्वरे सांझो पबित्र आत्मा दिता, जडा इसा गल्ला जो पक्का करदा है की परमेश्वरे जडियां होर अच्छी चीजां दा वायदा कितया है, सै भी सांझो देणियां, ऐ तालू होणा जालू परमेश्वरे अपने लोकां जो पूरी तरहा ने छुटकारा करणा, परमेश्वरे दी महिमा कने स्तुति हो। **15** इसा बजा ने, जालू ला मैं यीशु मसीह पर तुहाडे भरोसे कने परमेश्वरे दे लोकां तांई तुहाडे प्यार दे बारे च सुणया, **16** तालू ला मैं तुहाडे तांई परमेश्वरे दा धन्याबाद करदा है कने अपणिया प्राथना च तहांजो याद करदा है। **17** मैं प्राथना करदा है की परमेश्वर जडा साडे प्रभु यीशु मसीह दा महिमामय पिता है, तहांजो आत्मिक ज्ञान कने समझ दे जिसने तुसां परमेश्वरे जो अच्छे

ने जाणी सकन। **18** कने मै ऐ भी प्राथना करदा है की सै सच्च जो समझणे तांई तुहाडी सहायता करे ताकि तुसां उस आस दे बारे च जाणी सकन जडी तहांजो दिती थी जालू परमेश्वरे तहांजो चुणया था, कने तुसां उना महिमामय आशीषां जो समझी सकन जिसदा वायदा परमेश्वरे अपने लोकां ने कितया था। **19** मैं चांदा है की तुसां उदी महानता कने उदी शक्तिया दे बारे च जाणी सका, जडी परमेश्वरे बाल साडे तांई है जडे यीशु मसीह पर भरोसा रखदे न। ऐ सेई महान शक्ति है। **20** जिनी मसीह जो मरयां च जिन्दा किता कने स्वर्गीय जगा च सजे कने आदर बालिया जगा च बठाया। **21** ओथु परमेश्वरे उसयो हर तरा दी प्रधानता, हक कने शक्ति, कने प्रभुता, कने उदी उपादी हर इक अधिकारिये दिया उपादिया ला उपर है, जडी ना सिर्फ इस लोक च पर ओणे बाले लोक च भी उपर ही रेणी। (aiōn g165) **22** कने परमेश्वरे इना सारियां चीजां जो यीशु मसीह दी शक्ति दे अधीन करी दिता कने ऐ सेई है जिसयो परमेश्वरे सारे भरोसा करणे बालयां पर अगुवा बणाई दिता। **23** असां भरोसा करणे बाले मसीह दे शरिर दे अंगा सांई न, कने मसीह साडे बिच पूरी शक्ति दा इस्तेमाल करदा है, जियां सै अपनी शक्तिया दा इस्तेमाल पूरी दुनिया च करदा है।

2 जालू तुहाडे बाल परमेश्वरे दिया तरफा ला नोई जिन्दगी नी थी, तालू तुसां बुरे कम्मा कने पापां दिया बजा ने मरयो लोकां सांई थे। **2** उस बकत तुसां संसारे दे लोकां सांई चलदे थे, जडे परमेश्वरे जो नी जाणदे थे कने तुसां शैताने दे हुकमा जो मंदे थे, मतलब की उस प्रधान दा जडा अम्बरे च बुरियां आत्मा पर शासन करदा है, जडा हुण भी उना लोकां दे मने च कम्म करा दा जडे परमेश्वरे दे हुकमा जो नी मंदे। (aiōn g165) **3** असां भी उना सांई ही जिन्दे थे कने अपने पापी सभाव दियां इच्छा जो पूरा करदे थे कने जडियां भी साडे शरिर दियां इच्छां कने बुरे बिचार सांझो ला करबाणा चांदे थे, असां सेई करदे थे कने बाकी सारयां सांई असां भी बुरे थे कने परमेश्वरे दी सजा दे अधीन थे। **4** पर परमेश्वर बडा दयालू है। अपने उस बडे प्यार दिया बजा ने जिसने उनी सांझो ने प्यार किता; **5** जालू असां मसीह पर भरोसा नी कितया था, तालू असां बुरे कम्मा कने पापां दिया बजा ने मरयो लोकां सांई थे। तालू परमेश्वरे सांझो जिन्दगी दिती जालू उनी मसीह जो मरयां च जिन्दा किता; परमेश्वरे दे अनुग्रह ने ही तुहाडा उद्धार होया है। **6** क्योकि यीशु मसीह सोगी जुडे होणे दिया बजा ने, परमेश्वरे सांझो मरयां च जिन्दा किता, कने सांझो स्वर्गीय जगां च मसीह सोगी बेठाया। **7** परमेश्वरे ऐसा इस तांई किता ताकि ओणे बाले दिना च संसारे दे लोकां जो दर्सी सके की उदा अनुग्रह कितणा महान है, उस कम्मे दिया बजा ने जडा यीशु मसीह साडे तांई किता है। (aiōn g165) **8** क्योकि जालू तुसां भरोसा किता तां परमेश्वरे अपने अनुग्रह ने तहांजो बचाई लिया है, कने तुसां अपने आप जो नी बचाया पर ऐ परमेश्वरे दा दान है; **9** कने ना ही तुहाडे किते भले कम्मा दिया बजा ने है कने इस तांई तुहाडे बाल घमंड करणे दी कोई बजा नी है। **10** क्योकि सांझो परमेश्वरे नोऐ लोकां दे रूप च बणाया है ताकि असां यीशु मसीह दे उना भले कम्मा

जो करन जिना जो परमेश्वरे पेहले ला साडे ताई तैयार कितया है। 11 इसा बजा ने याद रखा, की तुसां होर जातियां दे रूप च पैदा होयो न, कने यहदी लोक तुहांजो ऐ बोली करी मजाक उडायी की तुसां खतना नी करबांदे न कने असां करबांदे न। पर उना दा ऐ रिबाज सिर्फ उना दे शरीरां करदे न। 12 तुसां लोक उस बकत यीशु मसीह जो नी जाणदे न कने परमेश्वरे दे चुणयो होयो इझ्राएली लोकां च शामिल नी थे कने तुसां उना चीजां दे हिस्सेदार नी थे, जिना दा वायदा परमेश्वरे यहदियां ने कितया था, कने तुहाडे बाल कोई आस नी थी कने इस संसारे च बिना परमेश्वर दे रेंदे थे। 13 पर हण तुसां मसीह सोगी इक न कने यीशु मसीह च उदे खून बहाणे दे जरिये नेडे आयो न। 14 क्योंकि यीशु मसीह दिया बजा ने साडे बिच शांति होई। पेहले ऐसा जियां इकी दिबारा यहदियां कने होर जातियां जो लग करी दितया था। सै इक दुज्जे ला नफरत करदे थे, पर हण मसीहे उसा दिबारा जो डाई दितया है कने यहदियां कने होर जातियां जो इक करी दितया है। 15 अपणी मौत दे जरिये उनी मूसा दी व्यवस्था दे सारे नियमा कने रिबाजां जो खत्म करी दिता है ताकि सै यहदियां कने होर जातियां दे बिच शांति करी सके ताकि इक नोआ झुण्ड बणाई सके, 16 कने अपणी मौत दे जरिये मसीहे यहदियां कने होर जातियां जो इक करी दिता कने उना जो परमेश्वरे मिलाई दिता, इयां करिके इना दोनो जातियां दिया नफरता जो खत्म करी दिता। 17 कने मसीहे आई करी होर जातियां जो जडे परमेश्वरे ला दूर थे, कने यहदियां जो जडे उदे नेडे थे, उना जो मेल जेल दा शुभसमाचार सुणाया। 18 यीशु मसीह दिया बजा ने ही असां सारे इक ही पबित्र आत्मा ने पिता परमेश्वरे बाल आई सकदे न। 19 इस ताई होर जातियो, तुसां हण परदेसी या मुसाफिर नी रे, पर हण तुसां परमेश्वर दे लोकां साई स्वदेसी कने परमेश्वरे दे परिवारे दे लोक बणी गियो न। 20 कने प्रेरितां कने परमेश्वरे दे संदेश देणेबालयां दी नियां पर तुसां इक घरे साई न जिसदा कुंणे दा पथर यीशु मसीह अपु ही है। 21 यीशु मसीह ही है जडा घरे जो इक सोगी जोड़ी करी रखदा है कने इसयो परमेश्वरे ताई इक पबित्र मंदिर दे रूप च बणादा है, 22 हे होर जाति दे विश्वासियो क्योंकि तुसां मसीह सोगी इक न, इस ताई तुहांजो भी होर लोकां ने जोडया जा दा है। ताकि तुसां इक ऐसा घर बणी जान जिथु परमेश्वर दी आत्मा रेंदी है।

3 इसा बजा ने, मै पौलस तुहाडे ताई प्राथना करदा है। मै जेला च कैद है क्योंकि मै होर जातियां च प्रभु यीशु मसीह दा शुभसमाचार दा प्रचार कित। 2 तुसां पक्का सुणया है की परमेश्वरे अपने अनुग्रह दे जरिये तुहांजो शुभसमाचार दा प्रचार करणे दी जिम्मेदारी मिंजो दितियो है। 3 जियां की मै पेहले तुहांजो थोडे अखरां च लिखया था, की परमेश्वरे मिंजो अपु ही उस गुप्त योजना जो दसया है। 4 जियां ही तुसां चिठ्ठी पढणे, तालू ही तुहांजो पता लगणा की मै उस गुप्त योजना जो कितानी अच्छे तरिके ने समझदा है। 5 इसा गुप्त योजना दे बारे च पुराणे बकते दे लोकां जो नी दसया था, पर हण परमेश्वरे पबित्र आत्मा दे जरिये अपने प्रेरितां कने परमेश्वरे दे संदेश देणेबालयां जो खुलासा कित। 6 परमेश्वरे दी गुप्त योजना ऐ है, की यीशु मसीह दे

शुभसमाचार दे जरिये होर जातियां भी उसा ही विरासत च हिस्सेदार होणा जड्डी विरासत यहदियां बाल होणी, कने सै इक ही शरीर दे हिस्से कने परमेश्वरे दे उना वायदयां दे हिस्सेदार होणे जडे उनी यहदियां ने किते। 7 कने परमेश्वरे जडा मिंजो मुफ्त अनुग्रह दा तोफा दितया है, जिसने मिंजो सौभाग्य मिलया की मै उदे शुभसमाचार सुणाने दी सेवा करे। 8 मै परमेश्वरे दे सारे लोकां च सारयां ला घट काबिल है, पर परमेश्वरे दे अनुग्रह ने मिंजो ऐ सौभाग्य मिलया की मै होर जातियां जो मसीह दी उस हमेशा दी आशीष दा शुभसमाचार सुणाई सके जडा साडी सोच ला बाहर है, 9 कने हर कुसी जो ऐ गुप्त योजना समझाई सके, जिसयो परमेश्वरे जडा सारियां चिजां जो बणाने बाला है, शूरा ला ही गुप्त रखया था। (aiōn g165) 10 परमेश्वरे दा मकसद था, की हण कलीसिया दे जरिये परमेश्वर दी अनन्त बुद्धि दा ज्ञान उना प्रधाना कने अधिकारियां पर प्रगट हो जडे अम्बरे दे अणदखियां जगां च राज करदे न। 11 परमेश्वरे संसार जो बणणे ला पेहले इसदी योजना बणाईयो थी, जिसयो उनी यीशु मसीह दे जरिये पूरा कित। (aiōn g165) 12 मसीह सोगी जुडने दिया बजा ला कने उस साडे भरोसे दिया बजा ला हण असां परमेश्वरे दिया हजुरी च हिम्मत कने भरोसे ला आई सकदे न। 13 इस ताई मै बिनती करदा है की जडे दुख मिंजो तुहाडे ताई होआ दे न, उना दिया बजा ला सांझो होसला नी छडणा चाईदा क्योंकि ऐ सब कुछ तुहाडे फायदे ताई है। 14 इस ताई मै पौलस गोडे भार बेईकरी तुहाडे ताई पिता परमेश्वरे ला प्राथना करदा है। 15 सै सेई है जडा मसीह पर भरोसा करणे बाले परिवारां दा पिता है, जडा स्वर्ग च है कने धरती पर है, 16 मै प्राथना करदा है की सै अपणिया महिमामय आशीषां च तुहांजो ऐ दान देई सके की उदिया आत्मा दिया शक्तिया ने तुसां अपणी आत्मा जो मजबूत करन, 17 भरोसे दे जरिये मसीह तुहाडे अंदर बसे। मै प्राथना करदा है की परमेश्वर कने तुहाडा इक दुज्जे ताई प्यार तुहांजो मजबूत बणाए कने तुहांजो पोणे ला बचाये। 18 कने परमेश्वरे दे सारे लोकां सोगी, तुहांजो ऐ पता लगणा की मसीह सांझो ने कितणा प्यार करदा है, जिसदी कोई सीमा नी। 19 कने मै प्राथना करदा है की तुहांजो मसीहे दे उस प्यारे दा पता लगणे जडा माणुआं दिया समझा ला बाहर है, ताकि तुहाडा चरित्र परमेश्वरे दे चरित्र साई बणी सके। 20 परमेश्वरे दी शक्ति सोगी जडा सांझो च कम्म करा दा है, साडे मंगणे या सोचणे ला भी जादा परमेश्वर करी सकदा है। 21 उदी महिमा कलीसिया च कने मसीह यीशु च हमेशा कने केई पिढियां-पिढियां दीकर होदी रे। आमीन। (aiōn g165)

4 इस ताई मै जडा प्रभु यीशु दी सेवा करणे दिया बजा ला जेला च केदी है, तुहांजो ने बिनती करदा है, की जिसा बुलाहट सोगी परमेश्वरे तुहांजो अपने लोक बणने ताई सदया है, उसा दे काबिल अपणी जिन्दगी जीन, 2 मतलब की सारिया दया ने कने प्यारे ने, कने सबर रखीकरी इकी दुज्जे दे व्यवहार जो सेहन करा, 3 ऐसा करणे दी कोशिश करदे रिया ताकि तुसां लगातार इक दुज्जे ने मिली झूली करी रेन, क्योंकि तुसां परमेश्वरे दिया आत्मा जरिये इक कितयो न। 4 असां सारे विश्वासी इक ही शरीर दे अंगा साई न, कने

असां सारयां जो इक ही पबित्र आत्मा मिलया है। जियां तहांजो इक आस दिती थी, जालू तहांजो परमेश्वरे दे लोक बणने ताई चुणया था। 5 असां सबना दा इक ही प्रभु है, असां सिर्फ यीशु मसीह पर ही भरोसा करदे न, असां सारयां जो इक ही बपतिस्मा मिलया है, 6 कने इक ही परमेश्वर है जडा सब लोकां दा पिता है, सै असां सारयां पर राज करदा है, सै असां सारयां दे जरिये कम्म करदा है, कने सै असां सारयां च रेंदा है। 7 पर मसीहे सांझो चे हर इकी जो उदे माफ दे अनुसार या उदारता दे कम्म करणे ताई लग-लग कने खास काबलियांतां दितियां न। 8 इस ताई पबित्र शास्त्र च लिखया है, “सै उचिया जगा च चढया, कने सै अपने सोगी केई कैदियां जो लेई गिया, कने माणुऐ जो दान दिते।” 9 जालू पबित्र शास्त्र बोलदा है की, सै उचिया जगा च चढया, इदा मतलब सिर्फ ऐ है की, सै धरतिया दे सबते निचलिया जगां च उतरया भी था। 10 इस ताई मसीह जडा थले आया, कने सै सेई है जडा स्वर्ग च सबना ला उचची जगा पर जाई करी बेई गिया। ताकि सै हर जगा होई सके। 11 ऐ मसीह था जिनी ऐ जिम्मेदारी कलीसिया जो दिती: उनी थोडयां जो प्रेरित बणाया, कने केईयां जो परमेश्वरे दा संदेश देणेबाला बणाया, कने केईयां जो शुभसमाचार सुणने बाला, कने केईयां जो रखबाला, कने शिक्षक बणाया। 12 इना दी जिम्मेबारी ऐ है, की सै परमेश्वरे दे लोकां जो उदा कम्म करणे ताई तैयार करन कने मसीह दा शरीर जडा विश्वासियां दी मंडली है, सै मजबूतिया ला बददी जाए। 13 ऐ तालू दीकर होंदा रेणा जालू दीकर की असां अपने भरोसे कने परमेश्वरे दे पुत्रे दे बारे च अपनी समझ च इक होई जांटे न। तालू असां काबिल होई जाणा, जियां की मसीह है कने असां पूरी तरा ने उदे सांई होई जाणा। 14 ताकि असां हण बचयां सांई नी रेन, हण असां उना क्रिस्तियां सांई नी होन जिना जो लेहरां अगे पिच्छे धकेलदियां कने जिस पासे होआ चलदी उस पासे चली पोंदिया न। इदा मतलब है की सांझो धोखेबाज लोकां दी उना झूठी शिक्षा च नी फसणा चाईदा, जडियां सच्च लगदियां न। 15 पर प्यारे ने सच्च बोली करी कने सांझो हर तरह ने काबिल होणा चाईदा ताकि असां मसीह सांई होई जान, जडा अपना शरीर दा, मतलब की कलीसिया दा सर है। 16 असां सारे जडे मसीह पर भरोसा करदे न, उदे शरीर दे अंगा सांई न। जियां इक माणुऐ दा शरीर उदे सारे जोडा ने इक सोगी जुडी करी रेंदा है, कने जालू शरीर दा हर इक अंग ठीक तरीके ने कम्म करदा है तां शरीर बडूदां कने मजबूत होंदा है, तियां ही जालू सांझो चे हर इक उस कम्मे जो करदा है जडा मसीहे सांझो दितया है तां असां मजबूत कने काबिल बणना कने इक दुज्जे ने होर जादा प्यार करणा। 17 इस ताई उस अधिकारे सोगी जडा मिजो प्रभुऐ दितया है, मै तहांजो ऐ दसदा है, की भरोसा नी करणे बाले लोकां सांई, तुसां बेकार बिचारां सोगी अपनी जिन्दगी मत जिया। 18 क्योंकि सै समझणे दे काबिल नी न, कने उना दी नासमझी दिया बजा ने जडी उना च है कने सुणने ला मना करणे दिया बजा ने सै उस जिन्दगी ला लग होई गियो न जडा परमेश्वर दिन्दा है; 19 क्योंकि उना जो हण शर्म नी ओंटी, इस ताई उना बुरे कम्म करणे ताई अपु जो बदली लिया है, सै लगातार हर

तरा दे बुरे कम्म करदे रेंदे न, कने सै कदी भी इना चीजां जो छडणा नी चांटे न। 20 पर तुसां इस तरा दा व्यवहार करणा नी सिखया जालू तुसां मसीह दे बारे च सिखया। 21 जडा कुछ तुसां यीशु मसीह दे बारे च सुणया है कने जडा कुछ तहाडे गुस्सां तहांजो सिखाया है, सै पक्का ही उदा सच्चा संदेश है। 22 तहाडे गुस्सां तहांजो उस तरिके जो छडणे दी शिक्षा दिती, जिसदे अनुसार तुसां व्यवहार करदे थे। तहाडियां बुरियां इच्छा तहांजो धोखा दिता कने तहाडी जिन्दगी खराब करी दिती। 23 हण तहांजो परमेश्वरे जो तहाडे सोचणे दे तरीके जो बदलना देणा चाईदा, 24 कने परमेश्वरे तहांजो इक नोआ माणु बणाया है। इस नोऐ माणुऐ जो परमेश्वरे सांई बणने ताई बणाया है। मतलब की उसयो असल च धर्मी कने पबित्र होणे ताई बणाया है। 25 इसा बजा ने झूठ बोलणा छडी करी हर इक अपने साथी विश्वासी ने सच्च बोले, क्योंकि असां सारे इक ही शरीर दे अंग न। 26 अगर गुस्सा होई जान, तां ध्यान रखा की तुसां पाप ना करन: दिन मुकणे ला पेहले तुसां गुस्सा होणा बंद करी दिया। 27 कने तुसां शैताने जो धोखा देणे दा मौका मत दिया। 28 चोरी करणे बाला फिरी चोरी न करे; पर उसयो अपने हथां ने इमानदारिया ने कम्म करणा चाईदा, ताकि गरीब लोकां दी सहायता करणे ताई उस बाल कुछ हो। 29 कोई गंदी गल्ल तहाडे मुऐ ला ना निकले, पर उना गल्लां जो बोला जडियां लोकां ताई जरूरी न, जडियां की उना जो भरोसे च मजबूत करणे च सहायता करन। तालू तुसां जडा कुछ भी बोलणे उनी तहाडे सुणने बालयां दा भला करणा। 30 अपने कम्मा दे जरिये परमेश्वरे दिया पबित्र आत्मा जो दुखी मत करा जडा तहाडे छुटकारे ताई बयाने दे स्पे च दितया है। 31 हर तरा दी कडवाट कने कोप कने गुस्सा, रोष, कने बैरभाव, कने निंदा तहांजो ला दूर होई जा। 32 इक दुज्जे पर कृपा कने दया करा, कने जियां परमेश्वरे मसीह च तहाडे पाप माफ किते, तियां ही तुसां भी इक दुज्जे दे पाप माफ करा।

5 तुसां परमेश्वरे दे प्यारे बच्चे न, इस ताई तुसां उदे सांई बणने दी कोशिश करा। 2 तहाडा सभाब दुज्जयां ताई प्यार भरया हो जियां यीशु मसीहे तहांजो ने प्यार किता कने तहाडे पापां दी माफी ताई अपने आपे जो बलिदान करी दिता। परमेश्वर इस बलिदान ला खुश था, क्योंकि ऐ बलिदान उदे ताई खुशबु बाले इन्न सांई था। 3 जदिया की परमेश्वरे दे लोकां ताई सही है, तियां तुसां भी व्यभिचार, कने कुसी भी तरा दे बुरे कम्म, या लालचे दियां गल्लां दी चर्चा मत करदे। 4 कने ना ही अशलील गल्लां करा, कने ना बेकार गल्लां, कने ना ही अशलील मजाक करा, क्योंकि ऐ गल्लां शोभा नी दिंदिया कने सही नी न, पर सिर्फ तहाडे मुऐ ला धन्याबाद ही निकले। 5 क्योंकि तुसां ऐ अच्छी तरा ने जाणदे न की कुसी व्यभिचारी दी, बुरे या लालची माणुऐ दी, जडा मूर्ति पूजणे बाले सांई है, जडा इस संसारे दी चीजां दी अराधना करदा है। इना मसीह कने परमेश्वरे दे राज्य दा हिस्सा नी बणना। 6 उना लोकां दियां गल्लां ने मुख मत बणा जडे इना पापां जो करणे ताई बहाने बणाणे दी कोशिश करदे न; क्योंकि इना ही कम्मा दिया बजा ने परमेश्वरे दा गुस्सा हुकम नी मनणे बालयां पर भडकदा है। 7 इस ताई तुसां इना पाप भरे

कम्मा जो करणे च उना सोगी मत जुडा। 8 तुसां अंधरे च रेणेबाले लोकां सांई होदे थे, पर हण तुसां लौई च रेणेबाले लोक न, क्योकि तुसां प्रभु दे लोक न। इस तांई लौई च रेणेबाले लोकां सांई कम्म करा। 9 क्योकि अगर कोई माणु लौई च है, तां उदा चाल चलन अच्छा कने धार्मिक होदा है कने उस पर भरोसा करी सकदे न, 10 कने ऐ सिखणे दी कोशिश करा की प्रभु जो क्या खुश करदा है। 11 कने तुसां इना पाप भरे कम्मा जो करणे च उना सोगी मत जुडा, बल्कि लोकां जो दस्सा की ऐ कम्म बुरे न। 12 क्योकि अविश्वासी लोकां दे गुप्त कम्मा दी चर्चा भी सरमा दी गल्ल है। 13 पर जालू कुसी चिजा पर लौ चमकदी है तां हर कोई दिखी सकदा है, की सै चीज कदेई है क्योकि जालू कुसी चिजा पर सै पौदी है, तां चीज खुद लौ बणी जांदी है। 14 इसा बजा ने लोक बोलदे न, “हे सोणे बालयो जागी जा कने मरयां ला जिन्दे होई जा; मसीह तुहांजो पर लौ चमकाणी।” 15 इस तांई ध्याने ने दिखदे रिया की तुसां कदेई जिन्दगी जी दे न। बेअकलयां सांई नी पर ज्ञानिया सांई जिन्दगी जिया। 16 कने भलाई करणे दे हर इक मौके दा अकल्ला ने इस्तेमाल करा क्योकि दिन बुरे न। 17 इस बजा ने अज्ञानी मत बणा, पर ध्याने ने समझा की प्रभु तुहांजो ला क्या करवाणा चांदा है। 18 कने शराब पी करी मतबाले मत बणी रिया, क्योकि इसला लोक असभ्य कने दुज्जयां ने बुरा व्यवहार करदे न, पर पबित्र आत्मा जो अपने आप पर काबू करणा दिया, 19 अगर तुसां पबित्र आत्मा दे काबू च न, तां तुसां इयां ही करणा; जालू तुसां अपु चे गिठे होंगे तां भजन कने स्तुति करा कने उना होर गाण्यां जो गा जडा पबित्र आत्मा तुहांजो दिन्दा है। 20 कने जडा कुछ साडे प्रभु यीशु मसीह किता उदी बजा ने हमेशा सारियां गल्लां तांई साडे पिता परमेश्वर दा धन्याबाद करदे रिया। 21 असां मसीह तांई श्रदा कने भक्ति रखणे दिया बजा ने इक दुज्जे दे अधीन रिया। 22 हे घरे बालियो, अपने-अपने घरे बालयां दे अधीन रिया, जियां तुसां प्रभु दे अधीन रेंदियां न। 23 क्योकि घरेबाला तां घरे बालिया दा सिर है, जियां की मसीह कलीसिया दा सिर है; मसीह कलीसिया दा उद्धारकर्ता है, जडी उदा अपना शरीर है। 24 जियां कलीसिया मसीह दे अधीन न, तियां ही घरे बालियां भी हर गल्लां च अपने-अपने पति दे अधीन रेंन। 25 हे पतियो, अपणिया-अपणिया घरे बालिया ने प्यार रखा, जियां मसीह कलीसिया ने प्यार करिके साडे तांई अपणी जिन्दगी देई दिती। 26 ताकि उदा बचन कलीसिया दे लोकां पर प्रगट होईकरी उना जो पाप ला शुद्र करे, जियां कोई माणु कुसी जिचा जो धोई करी शुद्र करदा है; 27 सै अपने लोकां तांई मरी गिया ताकि सै अपने लोकां जो सिद्र बनाई सके, कने सै सांझो अपणी ऐसी महिमामय कलीसिया बनाई करी पेश करी सके, जिना च कोई दोष या पाप या होर कोई बुरी गल्ल नी होणी बल्कि सै पबित्र कने सिद्र होणे। 28 इयां होणा चांईदा, की पति अपणिया-अपणिया घरे बालिया ने अपने शरीर सांई प्यार करे, जडा अपणिया घरे बालिया ने प्यार करदा है, सै अपने आप ने प्यार करदा है। 29 क्योकि कुनी भी अपने शरीर ने बैर नी किता बल्कि उदी देखभाल करदा है, जियां मसीह कलीसिया दी देखभाल

करदा है, तियां ही इक माणु खुद दी देखभाल करदा है। 30 क्योकि असां सारे मसीह दे शरीर दे अंगा सांई न। 31 जियां की पबित्र शास्त्र च लिखया है, “इसा बजा ने माणु अपने माता पिता जो छडी करी अपणिया घरे बालिया ने मिल्ली के रेंणा, कने उना दोनो इक तन होणा।” 32 ऐ इक कीमती कने गेहरी शिक्षा है, कने मै इदी तुलना मसीह कने उस पर भरोसा करणे बालयां सोगी करदा है। 33 पर तुसां पर भी लागू होदा है, की हर इक अपणिया घरे बालिया ने अपने सांई प्यार करे, कने घरे बाली भी अपने घरे बाले दी इज्जत करे।

6 हे बच्चो, पबित्र शास्त्र च लिखया है; “अपणे माता पिता दी इज्जत करा, तालू तेरे सोगी सब भला होणा कने धरती पर तू जादा दिन जिणा।” ऐ पेहला हुकम है जिसयो परमेश्वरे इक वायदे सोगी दितया है। इस तांई हे बच्चो तुसां जडे प्रभु पर भरोसा करदे न, तुसां तांई ऐई ठीक है की तुसां अपने माता पिता दी गल्ल मन्ना। 4 हे माता पिताओं, अपने बचयां जो अपने व्यवहार ने गुस्सा ना चढा पर प्रभु दी शिक्षा, कने चेतावनी देईकरी, उना दी देखभाल करा। 5 हे नोकरो, जडे लोक संसारे दे अनुसार तुहाडे मालिक न, उना दा इमानदारी कने सच्चाई ने हुकमा जो मन्ना, जियां यीशु मसीह दा मंदे न। 6 ऐ सब सिर्फ दिखाबे तांई कने लोकां जो खुश करणे तांई मत करा, तुसां मसीह दे सेवक न, इस तांई तुहांजो अपने पुरे मने ने सेई करणा चांईदा जडा परमेश्वर चांदा है की तुसां करा। 7 तुसां खुशिया ने अपने सेबा दे कम्मा जो करदे रिया, जियां मन्ना तुसां लोकां दी नी पर प्रभु दी सेबा करा दे न। 8 क्योकि तुसां जाणदे न, की जडा कोई जदिया खरा कम्म करगा, चाऐ सै नोकर हो, चाहे सै अजाद हो, प्रभुऐ उसयो उदा इनाम देणा है। 9 इयां ही हे मालिको, तुसां उना जो धमकियां नी देणिया चांईदियां, पर तुहांजो अपने नोकरां सोगी सियुदा ही व्यवहार करणा चांईदा, जियां मै उना ने बोलया है की सै तुसां ने करन। क्योकि तुसां जाणदे न की, उना दा कने तुहाडा दोनो दा मालिक स्वर्गे च है, कने सै कुसी दा पक्ष नी लेंदा। 10 आखरी च, आत्मिक रूप च प्रभु दी अपार शक्तिया ने मजबूत बणा। 11 असां माणुआं दे खिलाफ लडाई नी लडा दे न। असां प्रधाना कने अधिकारियां कने अंधरे दे हाकिमा ने कने आत्मिक संसारे दिया शक्तिया दे खिलाफ लडा दे न। इस तांई सारे हथियार पेहनी लिया जडा परमेश्वर दिंदा है कने जालू सै बुरा दिन ओणा है तालू तुसां शैताने दियां चालां ने अपने आप जो बचाई सकदे न। कने जालू ऐ लडाई खत्म होई जाणी तालू भी तुसां मजबूतिया ने खडे रेई सकणा। (aiōn g165) 14 इस तांई जियां की इक सिपाई लडाई तांई तैयार होणे तांई अपणी कमरा च बेल्ट बनदा है, तियां ही परमेश्वरे दी सच्चाईया जो बेल्टा सांई बन्नी लिया, कने जियां झिलम सिपाइये दी लडाईया च रक्षा करदी है, तियां ही जालू शैतान तुहांजो पर हमला करदा है तालू तुहाडा धार्मिक व्यवहारे तुहाडी रक्षा करणी है। 15 कने परमेश्वरे दी शांति दा शुभसमाचार सुणाणे तांई तुहाडी इच्छा ठीक तियां ही होणी चांईदी, जियां की इक सिपाई लडाई तांई तैयार होणे तांई जूते पहनदा है; 16 कने इक होर गल्ल है, जियां इक सिपाई दुशमणे दे तीरां ला बचणे तांई ढाल लेंदां है,

तियां ही मसीह पर पक्का भरोसा रखा ताकि मसीह तुहांजो शैतान दे नुक्सान करणे बाले जल्दे तिरां ला बचाई रखे। 17 जियां इक सिपाई अपने सिरे जो लडाई च बचाणे ताई टोप लगाई रखदा है, तियां ही परमेश्वरे तुहांजो शैताने ला बचाणा। जियां इक सिपाई अपने बचाब ताई इक तलबार पकड़दा है, तियां ही अपने बचाब ताई परमेश्वरे दे बचने दा इस्तेमाल करा। 18 कने हर बकते जियां पबित्र आत्मा अगुवाई करदा है तियां प्राथना करा कने बिनती करदे रिया, कने जागदे रिया कने हमेशा पबित्र लोकां ताई प्राथना करदे रिया, 19 कने तुसां मेरे ताई भी प्राथना करा की परमेश्वर मिंजो बोलणे ताई शब्द दे, ताकि मैं हिम्मत ने शुभसमाचार दे बारे च जडा सारे लोकां ताई है, उदियां गुप्त गल्लां उना जो समझाई सके, 20 इस ताई मैं जंजिरा च जकड़यो होऐ राजदूत साई सेबा करा दा है। प्राथना करा की जियां मिंजो बोलणा चाईदा तियां ही हिम्मत ने शुभसमाचार दा प्रचार करी सके। 21 कने तुखिकुस जडा प्यारा भाई कने प्रभु च भरोसे झोगा सेवक हे, उनी तुहांजो सारियां गल्लां दस्सी देणियां ताकि तुसां जांणी सकन की मेरी हालत क्या है कने क्या करा दा है। 22 उसयो मैं तुहाड़े बाल इस ताई भेजया हे, की तुसां साडिया हालता जो जाणन, कने से तुहांजो उत्साहित करी सके। 23 मैं प्राथना करदा है की पिता परमेश्वर कने प्रभु यीशु मसीह तुसां भरोसा करणे बालयां जो शांति दे, ताकि इसा बजा ने तुसां इक दुज्जे ने प्यार करन कने लगातार प्रभु यीशु मसीह पर भरोसा करन। 24 परमेश्वर तुसां सारयां पर अनुग्रह करे जडे उस प्यार ने प्रभु यीशु मसीह जो प्यार करदे न जडा प्यार कदी खत्म नी हौंदा।

फिलिप्पियों

1 मैं पौलस तीमुथियस सोगी ऐ चिट्ठी लिखा दा है कने असां यीशु मसीह दे सेबक न। मैं ऐ चिट्ठी फिलिप्पी शेहरे च रेणे बाली कलीसिया दे अगुवां जो कने सेवकां समेत परमेस्वर दे पबित्र लोकां ताई लिखा दा है। **2** मैं ऐ प्राथना करता है कि, साडे पिता परमेस्वर कने प्रभु यीशु मसीह दी तरफा ला तुहांजो अनुग्रह कने शांति मिलदी रे। **3** पेहले दिने ला तुसां यीशु मसीह दे शुभसमाचार पर भरोसा किता, कने शुभसमाचार जो फेलाणे च साडे हिस्सेदार रे। इसा बजा ला मैं जालू भी तुहाडे बारे च सोचदा है, तां परमेस्वरे दा धन्यवाद करता है, कने मैं खुशिया सोगी तुहाडे सारयां ताई उदी सहायता ताई प्राथना करता है। **6** मिंजो इसा गल्ला दा भरोसा है की परमेस्वरे तुसां च खरा कम्म शुरू कितया है, उनी यीशु मसीह दे दुबारा मुडी ओणे दीकर उसयो पूरा भी करणा। **7** ठीक है कि मैं तुसां सारयां ताई ऐसा ही बिचार करे, क्योंकि मेरे मने च तुहाडे ताई खास जगा है, क्योंकि जालू मैं केद च है, ऐ शुभसमाचार दी सच्चाईया ला जबाब देणे ताई तुसां मेरे सोगी परमेस्वर दे अनुग्रह च साथी न। **8** इदे च परमेस्वर मेरा गबाह है कि मैं यीशु मसीह साईं प्यार करिरी तुसां सारयां जो मिलणे दी इच्छा करता है। **9** मैं ऐ प्राथना करता है, की तुसां पूरी समझ कने ज्ञान ला इक दुज्जे सोगी लगातार प्यार च बदे जा, **10** इस ताई की तुसां जडियां खरियाँ गल्लां न उना जो अपनाई करी योग्य बणी जा, ताकि मसीह दे मुडी ओणे दीकर सच्चे कने निर्दाष बणी रेई सकन। **11** कने मसीह यीशु दे जरिये पैदा होणे बाले धार्मिकता दे कम्मा ला अपने जो भरी लिया, जिसला परमेस्वरे दी महिमा कने स्तुति होदी रे। **12** है मसीह भाईयो, मैं चांदा है, की तुसां सारे भी ऐ जाणी लिया जडा मिंजो पर बितया है, उसने मतयां लोकां शुभसमाचारे पर भरोसा किता है। **13** ऐथु दीकर की महाराजा कैसरे दे राज्य दी सारी सेना कने बाकी सारे लोकां जो भी ऐ पता चली गिया कि मैं मसीह दे शुभसमाचार ताई जेला च है। **14** कने हुण मेरे केद च होणे दिया बजा ला, प्रभु यीशु च जडे भाई न, उना चे केई पुरे भरोसे सोगी परमेस्वरे दा बचन बिना कुसी डरे दे कने हिम्मत ला सुणा दे न। **15** कुछ लोक तां जलन कने लडाईया दिया बजा ला मसीह दा प्रचार करदे न कने कुछ भली सोच ला प्रचार करणे च मेरी सहायता करदे न। **16** जडे भली सोचा सोगी प्रचार करदे न, सै ऐ इस ताई करदे न क्योंकि सै मिंजो सोगी प्यार करदे न कने सै जाणदे न कि मैं शुभसमाचारे दे जबाब देणे ताई जेला च रखया है। **17** पर जडे लोक जलन रखदे न, सै अपनाई मतलबी इच्छा दिया बजा ला मसीह दा प्रचार करदे न पर इमानदारिया ला नी करदे, ऐ समझीकरी की सै जेला च मेरी परेशानियां जो बधाई सकन। **18** तौं क्या होया? बस इतणा ही, की हर तरीके ला चाऐ झुठिया बजा ला चाऐ सच्चाईया ला, मसीह दा शुभसमाचार सुणाया जांदा है, कने मैं इसला खुश है, कने हमेशा खुश रेंणा। **19** क्योंकि मैं जाणदा है की तुहाडिया प्राथना ला, कने पबित्र आत्मा ला जडी यीशु मसीह भेजियो है, उदी सहायता ने कैदा ला अजाद होई जाणा। **20** मेरी

दिले दी इच्छा कने आस है, की कदी भी मैं कुसी भी हालात च शर्मिंदा ना होऐ, पर मिंजो मसीह दे बारे च बोलणे दी हिम्मत होदी है, जियां मैं पेहले किता था, चाऐ मैं जिंदा रे या मरी जां, मैं अपनाई पूरी जिन्दगी ने मसीह दा आदर करदे रे। **21** क्योंकि अगर मैं जिंदा रे, तां सिर्फ मसीह ताई है, कने अगर मरी जां तां ऐ मेरे ताई होर जादा ठीक होणा क्योंकि तालू मैं मसीह सोगी रेणा। **22** पर अगर शरि च जिन्दा रे तां मैं मसीह ताई कम्म करी सकदा है, पर मैं नी जाणदा की कुसयो चुणे। **23** मन तां करदा की मरी जां, कने मसीह बाल जाई करी रे, क्योंकि ऐ बडा ही अच्छा है। **24** पर मेरा जिन्दा रेणा होर भी जरूरी है, क्योंकि तुहांजो मेरी सहायता दी जरूरत है। **25** कने इस ताई की मिंजो इदा भरोसा है। की मिंजो पता है की मैं जिंदा रेणा है, कने तुसां सबना सोगी रेणा, मैं तुहांजो भरोसे च मजबूत होणे च कने खुश रेणे च तुहाडी सहायता करणा। **26** कने जालू मैं दुबारा ओंगा, तां मेरिया बजा ने तुहाडे बाल यीशु मसीह पर घमंड करणे दी होर भी बजा होणी। **27** ध्यान रखा की तुहाडा सबाब मसीह दे शुभसमाचार दे अनुसार हो। चाऐ मैं आई करी तुहांजो ने मिल्ले या नी, मैं तुहाडे बारे च ऐई सुणे की तुसां इक ही भाव च, कने इक मन होईकरी शुभसमाचार दे भरोसे ताई सोगी मेहनत करदे न। **28** कने कुसी भी गल्ला ताई अपने विरोधियां ला डरदे नी। तुहाडी हिम्मत उना ताई खात्मे दा साफ चिन्ह है, पर तुहाडे ताई उद्दारे दा, कने ऐ परमेस्वरे दिया तरफा ला है। **29** क्योंकि परमेस्वर तुहांजो ऐ मोका दितया है, की ना सिर्फ तुसां मसीह पर भरोसा करा, पर उस ताई दुख झेलणे ताई बरदान भी मिलया है। **30** कने तुहांजो तियां ही मेहनत करणी है, जियां तुसां मिंजो फिलिप्पी शेहरे च करदे दिखया है, कने जिना दुखां दे बारे च तुसां सुणदे न जडे मिंजो जेला च हुण भी न।

2 अगर तुसां मसीह च होणे दिया बजा ला उत्साहित न, या उदे प्यार ला आराम मिलया हो, पबित्र आत्मा सोगी संगती हो क्योंकि मसीह तुहाडे ताई कम्पामय कने दयालू है। **2** तां मेरी ऐ खुशी पूरी करा की इक मन रिया, कने इक ही प्यार, इक ही चित, कने इक ही इच्छा रखा। **3** मतलब कने घमंड सोगी कुछ मत करा, पर दीनता ला इक दुज्जे जो अपने ला खरा समझा। **4** हर कोई अपने ही फायदे दी नी, पर दुज्यां दे फायदे दी भी चिंता करा। **5** जदेया यीशु मसीह दा सबाब था तदिया ही तुहाडा भी हो; **6** यीशु मसीह पूरी तरहा ला परमेस्वर था, पर उनी इस प्रभुता पर अपना हक नी रखणा चाया। **7** पर उनी अपना सारा ईश्वरीय हक छडी दित कने इक दास साईं बणी गिया, कने इक आम माणू बणी गिया। **8** कने माणू बणी करी अपने आपे जो दीन किता कने सै परमेस्वरे दा इतणा आज्ञाकारी रिया कि सै मरणे ताई भी तैयार होई गिया, हां, उनी सूली दी मौत जो भी इक अपराधी साईं सेहन करी लिया। **9** इसा बजा ला परमेस्वरे उसयो सारयां ला उच्चे आदर दिया जगा च बैठाया कने उसयो सै ना दित जाडा सारयां ना ला बदिया है, **10** कि जडे स्वर्गे च कने धरतिया पर न कने जडे धरतिया दे थले न; सै सारे यीशुऐ दे ना जो आदर देणे ताई गोडे टेकन, **11** कने परमेस्वर पिता दी महिमा ताई हर कोई मनी ले की यीशु मसीह ही प्रभु है। **12** इस

ताई हे मेरे प्यारो, जालू मैं तुहाड़े सोगी था तालू तूसां हमेशा परमेश्वरे दे हुकमा जो मनया है। हुण जालू मैं तुहांजो ला दूर होई गया है, तां तुहांजो होर भी गल्ल मनणा चाईदी। डरदे कने कमदे होए तूसां सारयां जो उना चीजां जो करणा चाईदा जडियां उना लोकां ताई सही न जिना जो परमेश्वरे बचाया है। 13 क्योंकि परमेश्वर ही है, जडा तुहांजो च कम्म करा दा है, कने तुहांजो करणे दी इच्छा कने शक्ति दे दा है, जडा उसयो खुश करता है। 14 सारे कम्म बिना बुड-बुडाए कने बिना बेहसा ला करा, 15 ताकि तूसां इस बुरे कने पापी संसारे च परमेश्वरे दी सिद्ध ओलादी साईं पबित्र कने निर्दोष जिन्दगी जिया, इस संसारे दे लोकां बिच तूसां अम्बरे दे तारयां साईं चमका, जियां तूसां उना जो बचन सुणादे न जडा अनन्त जिन्दगी दिन्दा है। 16 कने जालू यीशु मसीह दुबारा मुडी करी ओणा तां मिंजो घमंड होणा की मेरी कोशिश कने मेरी मेहनत बेकार नी गेई। 17 कने जालू मैं तुहांजो शुभसमाचार सुणया, तूसां प्रभु यीशु पर भरोसा किता कने तूसां सेबा ताई अपणी जिन्दगी देई दिती है। इस ताई, भले ही मिंजो शुभसमाचार सुणाणे दिया बजा ला मारी दिया, तमी मैं तुहाड़े सोगी खुश रेणा। 18 मेरी विनती है की तूसां भी इयां ही खुश रिया कने मेरिया खुशिया च शामिल होई जा। 19 मिंजो प्रभु यीशु मसीह च आस है की मैं तीमुथियुस जो तुहाड़े बाल तोल्ली भेजगा, ताकि तुहाडा हाल सुणीकरी मिंजो उत्साहित होई जां। 20 क्योंकि मेरे बाल ऐसे सबाभे दा कोई नी है, जडा सच्चे मने ला तुहाडी चिंता करे। 21 क्योंकि सारे अपने-अपने फायदे दे बारे च सोचते रेदे न, ना की यीशु मसीह दे बारे च। 22 पर तूसां जाणदे न की तिमुथियोसे कियां दसया की सै बफादार है, उनी शुभसमाचार दे प्रचार च मेरा इस तरिके ला साथ दिता, जियां इक पुत्र अपने पिता दा साथ दिन्दा है। 23 इस ताई मिंजो आस है की जियां ही मिंजो पता लगगा की मेरी क्या हालत होणी, तियां ही मैं उसयो तोल्ली भेजी दिगा। 24 कने मिंजो प्रभु च भरोसा है की मैं अपु भी तोल्ली ओणा है। 25 पर मैं इफ्रुदितुस जो तुहाड़े बाल भेजणा जरूरी समझया। जडा मेरा भाई है, कने साथी कने सोगी लडणे बाला, तुहाडा संदेश मेरे बाल पुजाणे बाला, कने जरूरी गल्लां च मेरी सेबा टहल करणे बाला है। 26 उदा मन तूसां सारयां च लगया था, इस ताई सै बेचेन रेदा था, क्योंकि तूसां उदिया बमारिया दा हाल सुणया था। 27 कने पक्का ही सै बिमार तां होई गया था, ऐथू दीकर की मरणे वाला भी था, पर परमेश्वरे उस पर दया करिके उसयो ठीक किता। परमेश्वरे सिर्फ उस पर ही नि, पर मिंजो पर भी दया किती ताकि मैं पेहले ला भी जादा दुख सेहन ना करे। 28 इस ताई मैं उसयो भेजणे ताई होर भी जादा उत्सुक है कि तूसां उसयो दुबारा दिखीकरी खुश होई जान कने तुहाड़े बारे च मेरी चिंता भी घटी जा। 29 इस ताई तूसां प्रभु च उस सोगी बडिया खुशिया ला मिलनयो, कने तुहांजो उदा कने ऐसे लोकां दा आदर करणा है। 30 क्योंकि सै मसीह दे कम्मा ताई अपने प्राण खतरे च पाई करी मौत दे इतणे नेडे आई गया था, ताकि सै मेरी सहायता करी सके, क्योंकि तूसां मेरी सहायता दूर होणे दिया बजा ला नी करी सकदे न।

3 इस ताई हे मेरे मसीह भाईयो, प्रभु यीशु च खुश रिया। सेई गल्लां तुहांजो बार-बार लिखणे च मिंजो कोई तकलीफ नी होदी, पर मैं तुहांजो झूठे गुरूआं ला बचाणा चांदा है। 2 बुरे लोकां ला साबधान रिया जडे कुतयां साईं न कने उना लोकां ला भी साबधान रिया जडे बोल्दे न की उद्धार ताई तुहांजो खतना करणा जरूरी है। 3 क्योंकि सै बोल्दे न की असां ही परमेश्वरे दे सच्चे लोक न, जडे परमेश्वरे दी भक्ति उदी आत्मा ला करदे न, कने अपणी जिन्दगी च यीशु मसीह सोगी इक होईकरी खुश होंदे न, कने अपणियां खुद दियां कोशियां पर भरोसा नी करदे न। 4 पर मिंजो बाल अपणियां खुद दी कोशियां पर भरोसा रखणे दी खरी बजा है, अगर कोई इयां सोचदा है, की उदे बाल अपने आपे पर भरोसा रखणे दी खरी बजा है, तां मेरे बाल उसला भी बदीकरी बजा है। 5 जालू मैं अठां रोजां दा होया तां परमेश्वरे दे हुकमा ला मेरा खतना होया, मैं जमींदा ही इम्राएली है, कने बिन्यामीन दे गोत्र दा है, मेरे माता पिता इब्रानी थे; मैं भी पक्का इब्रानी है; फरीसी होणे दिया बजा ने मैं सकती ला मूसा दी व्यवस्था जो मनया। 6 अगर मैं अपणी जलन दे बारे च बोलें, तां मैं कलीसिया जो तंग करणे बाला था; कने यहूदी व्यवस्था दा पालन करणे च, मैं इक धार्मिक माणु था कने सारी व्यवस्था दा पालन करदा था। 7 पर जडियां गल्लां मेरे फायदे दियां थियां, मैं उना जो मसीहे दिया बजा ला नुक्सान समझया। 8 क्योंकि प्रभु यीशु मसीह जो जाणना बाकी सारियां चीजां जो जाणने ला बदीकरी है, कने मैं बाकी सारियां चीजां जो बेकार समझदा है। जिदिया बजा ला मैं सब कुछ छडी दिता कने मैं उना जो कूडा समझदा है, ताकि मसीह जो होर भी गहराई ला जाणे। 9 ताकि मैं उसी सोगी एकता च रेई सके, मेरी धार्मिकता मूसा दी व्यवस्था दे हुकमा पर आधारित नी है, पर ऐ सै धार्मिकता है, जडा सिर्फ परमेश्वर उना जो दिन्दा है, जडे मसीह पर भरोसा करदे न, 10 मैं ऐ चांदा है की मसीह जो होर जाणी लें कने उदे मरयां चे जी उठणे दी शक्ति जो जाणी सके कने उदे दुखे च शामिल होईकरी उदी मौत च उदे साईं बणी जां, 11 ताकि मैं भी मरयां चे फिरी जिन्दा होणे दा अनुभव करी सके। 12 मैं ऐ दाबा नी करदा की, मिंजो ऐ सब पेहले ही मिल्ली गया है, पर मैं कोशिश करी के अग्रे बदा दा है, की मिंजो सै मिल्ली जाए, जिस ताई प्रभु यीशु मसीह मिंजो चुणया है। 13 मेरे मसीह भाईयो, मैं ऐ दाबा नी करदा की मिंजो मेरा लक्ष्य मिल्ली गया है; पर ऐ इक ही कम्म करदा है, की जडियां गल्लां होई गियां न, उना जो भुली करी अग्रे क्या होणा उस मकसदे ताई बडी मेहनत करा दा है, 14 कने निशाने पासे दोडदा जान्दा है, ताकि मैं स्वर्ग जाणे दा इनाम पाई सके, जिदे ताई परमेश्वरे मिंजो प्रभु यीशु दे जरिये स्वर्ग जो सदया है। 15 इस ताई असां चे जितणे भी आत्मिक स्पे च समझदार न, सै सारे इक मन रखन, कने अगर कुसी गल्ला च तुहाडा होर ही बिचार हो, तां परमेश्वरे उसयो भी तुहांजो पर प्रगट करी देणा। 16 इस ताई जिथू दीकर परमेश्वरे सांझो पर सच्चाई जो प्रगट कितया है, उसी दे अनुसार ही सांझो चलणा भी चाईदा। 17 हे मसीह भाईयो, तूसां मेरे साईं व्यवहार करा कने उना लोकां पर ध्यान दिया जडे मेरे साईं

व्यवहार करते न, कने जदिया व्यवहार तुसां सांडो करदे दिखया जालू कुछ करी सकदा है। 14 तमी तुसां खरा किता कि मेरे इना मुश्किलां असां तहाडे सोगी थे। 18 क्योंकि मते न जिना दे बारे च मैं पेहले भी दे दिना च पैसे भेजी करी मेरी सहायता किती कने मेरे उना दुखां च अच्छे ने दसया है, कने हुण भी रोई-रोई करी दस्सा दा है, की ऐथू मेरे साथी होऐ। 15 हे फिलिप्पी शेहर दे लोकों, तुसां तां अपु ही केई लोक न जडे ऐसी जिन्दगी जिन्दे न, जिसने पता चलदा है की जाणदे न जालू मैं तहांजो यीशु मसीह दा शुभसमाचार सुणाया था कने सै मसीह दी सूली पर मौत दे खिलाफ न। 19 नाश होणा ही उना दा जालू मैं तहाडी जगा ला मकिन्दुनिया प्रदेश जो गया, तालू तहांजो अंत है, सै शरीर दियां इच्छा जो पूरा करणे तांई जिन्दे न, कने अपने छडी होर कुनी भी कलीसिया च लेणे-देणे दे बारे च मेरी सहायता नी शर्मनाक कम्मा पर घमंड करदे न कने हमेशा संसारे दियां चीजां दे किती। 16 इयां ही जालू मैं थिस्सलुनीके शेहर च था, तालू भी तुसां बारे च सोचदे रेंदे न। 20 पर असां स्वर्ग दे निवासी न, कने असां मेरी सहायता जो पूरा करणे तांई इक बरी नहीं पर दो बरी मिंजो पेसे अपने उद्धारकर्ता प्रभु यीशु मसीह दी स्वर्ग ला बापस ओणे दा इंतजार भेजे थे। 17 मैं ऐ इस तांई नी बोलदा की मैं पैसा चांदा है की इसयो करा दे न। 21 यीशु मसीह अपणिया उसा शक्तिया ने, हर इक चीजा उना अच्छी चिजां दी सूची च शामिल करा, जिना जो तुसां पेहले जो अपणे बसे च कितया है, कने साडे कमजोर, संसारिक शरीर दा ही करी बैठयो न, कने जिस तांई परमेस्वरे तहांजो इनाम देणा। 18 रूप बदली कर, अपनी महिमा दे शरीर सांई बणाई देणा है। मेरे बाल सब कुछ है, कने बडा जादा भी है; जडियां चीजां तुसां इपफ्रुदितुस दे हथे ला भेजियां थियां उना जो पाई करी मैं रजी गया है, ऐ इक तोफे सांई है, जिदे च मिठी खुशबु ओआ दी है, जिसयो सै ग्रहण करदा है कने ऐ परमेस्वर जो खुश करदा है। 19 मेरा परमेस्वर भी उस धने दे अनुसार जडा महिमा सोगी यीशु मसीह च है, तहाडी हर इक घाटे जो पूरा करगा। 20 साडे पिता परमेस्वरे दी महिमा युगां-यूगां दीकर होदी रे। आमीन। (aiōn g165) 21 यीशु मसीह च सारे पबित्र लोकों जो मेरा नमस्कार बोला। जडे मसीह भाई मेरे सोगी न, तहांजो नमस्कार बोलदे न। 22 सारे पबित्र लोक, खासकर जडे महाराजा कैसेरे दे घराने दे न, तहांजो नमस्ते करदे न। 23 मैं प्राथना करदा है की साडे प्रभु यीशु मसीह दा अनुग्रह हमेशा तुसां सारयां सोगी रे।

4 इस तांई हे मेरे प्यारे मसीह भाईयो, मिंजो तुसां लोकों ने मिलणे दी बडी इच्छा है। तुसां, जडे मेरी खुशी कने मुकूट न, प्रभु च लगातार टिकी रिया। 2 मैं यहदिया कने सुन्तुखे दोनों बेहणा ला विनती करदा है, की प्रभु च इकी दुज्जे ला मिली जुली करी रिया। 3 हे सच्चे साथी सुन्तुखे, मैं तिजो ला भी विनती करदा है, कि तू उना जनानिया दी सहायता कर की सै मेल मिलाप करी लेन, क्योंकि उना मेरे सोगी शुभसमाचार प्रचार करणे च, क्लेमैस कने मेरे उना होर साथियां सोगी बडी मेहनत किती, जिना दे ना जिन्दगी दी कताबां च लिखयो न। 4 प्रभु च हमेशा खुश रिया; मैं फिरी बोलदा है, खुश रिया। 5 सारे लोक तहाडे कोमल सभाब जो जाणी सकन। प्रभु यीशु दा ओणा नेडे है। 6 कुसी भी गल्ला दी चिंता मत करा; पर हर इक हालात च तहाडे निवेदन, प्राथना कने विनतिया दे जरिये धन्याबाद सोगी परमेस्वरे सामणे रखे जान। 7 तालू परमेस्वरे दी शांति, जडी माणुआं दी समझा ला परे है, तहाडे दिले कने तहाडे बिचारां जो मसीह यीशु च संभाली करी रखगी। 8 इस तांई हे मसीह भाईयो, अंत च, जडियां-जडियां गल्लां सच्च न, कने जडियां-जडियां गल्लां आदरणीय न, कने जडियां-जडियां गल्लां धर्मी न, कने जडियां-जडियां गल्लां पबित्र न, कने जडियां-जडियां सुंदर न, कने जडियां-जडियां गल्लां प्रशंसा दे काबिल न, जडियां-जडियां गल्लां उत्तम कने आदर दियां गल्लां न, उना पर ही तहाडा मन लगी रे। 9 जडियां गल्लां तुस्सां मिंजो ला सिखियां, कने ग्रहण कितियां, कने सुणियां, कने मिंजो च दिखियां उना दा ही पालन करा, तां शांति दे परमेस्वरे तुसां लोकों सोगी रेणा। 10 मैं प्रभु च बडा खुश है, की हुण तहांजो इतणे दिना बाद मिंजो पेसे भेजणे दे बारे च फिरी बिचार आया है; पक्का तहांजो शुरू च भी इदा बिचार था, पर तहांजो मौका नी मिल्ला। 11 ऐ नी की मिंजो कुसी जरूरत दिया चिजा दी कमी है क्योंकि मैं हर तरा दे हालतां च खुश रेणा सिखया है। 12 मैं बडे थोडे च भी जीणा जाणदा है, कने जरूरत ला जादा च भी रेणा जाणदा है; हर इक गल्ला च कने सारे हालतां च मैं रजणा कने जालू मेरे बाल खाणे तांई बडा कुछ होंदा है, कने जालू मेरे खाणे तांई बडा घट होंदा है, तां मैं दोनों हालतां च रेणा सीखी लिया है। 13 मसीह दे जरिये, जडा मिंजो शक्ति दिन्दा है, उदे च मैं सब

कुलुस्सियों

1 मैं, पौलुस ए चिठ्ठी लिखा दा है, जडा परमेस्वरे दी इच्छा ने चुणया होया यीशु मसीह दा प्रेरित है कने मसीह भाई तीमुथियुस दिया तरफा ला, 2 मसीह च उना पबित्र कने भरोसे दे काबिल मसीह भाईयां दे ना जडे कुलुस्से शहर च रेंदे ना। साडे पिता परमेस्वरे दिया तरफा ला तुसां सारयां जो अनुग्रह कने शांति मिलदी रे। 3 जाल् असां तुहाडे तांई प्रार्थना करदे न, असां अपने प्रभु यीशु मसीह दे पिता मतलब की परमेस्वरे दा धन्यवाद करदे न। 4 क्योंकि असां सुणया है, की यीशु मसीह पर तुहाडा भरोसा है, कने सारयां पबित्र लोकां ला प्यार करदे न; 5 क्योंकि तुसां उम्मीदा दिया बजा ला ऐसा करदे न, जडी परमेस्वरे स्वर्ग च तुहाडे तांई रखया है। जिदे बारे च तुसां पेहले ही सुणी बैठयो न जाल् लोक पैली बरी तुहाडे बाल आये कने तुहांजो यीशु मसीह दे बारे च श्भसमाचार सुणया, जडा की परमेस्वरे दा सच्चा संदेश है। 6 ए श्भसमाचार सारे संसार च फेला दा है कने मते भरी लोक यीशु मसीह पर भरोसा करा दे न। ए हर जगा जिन्दगी बदला दा है, ठीक तियां ही जियां तुसां पेली बरी सुणया था, कने सच्चाई जो समझया था की परमेस्वर उना लोकां दे पापां जो माफ करदा है, जडे यीशु मसीह च भरोसा करदे न। 7 उदी ही शिक्षा तुसां साडे प्रिय साथी इपफ्रास ला सीखी है, जडा साडे तांई मसीह दा भरोसे दे लायक सेवक है। 8 उनी सान्जो दुज्जे लोकां तांई तुहाडे प्यार दे बारे च दसया है, जडा पबित्र आत्मा तुहांजो दितया है। 9 इस तांई जिस दिने ला ए सुणया है, असां भी तुहाडे तांई हमेशा प्रार्थना किति, की परमेस्वरे दी आत्मा तुहांजो अकल कने समझ दे, की उदी इच्छा जो पुरे तरिके ला समझी सकन। 10 असां ए प्रार्थना करदे न ताकि तुसां ऐसी ही जिन्दगी जी न जदिया परमेस्वरे दे लोकां दा होणा चाईदी, कने तुसां परमेस्वरे जो खुश करी सकन कने तुसां लगातार भले कम्मा जो करदे रिया जिसने तुसां परमेस्वर जो जाणने च बददे जा। 11 कने असां ए भी प्रार्थना करदे न की परमेस्वर अनोखी शक्तिया ला बडा जादा मजबूत बणाए, ताकि तुसां सबर कने खुशिया ला मुशकिलां जो सेहन करी सकन। 12 कने पिता परमेस्वर दा धन्यवाद करदे रिया, जिनी सांझो अपणी विरासत च हिस्सेदार होणे दे काबिल बणाया, जिसयो उनी अपने पबित्र लोकां तांई स्वर्ग च तैयार कितया है। 13 क्योंकि ओई सांझो शैताने दिया शक्तिया ला छुड़ाई करी अपने प्यारे पुत्रे दे राज्य च लेईकरी आया है। 14 परमेस्वरे अपने पुत्रे दा बलिदान करिरी सांझो शैताने दिया शक्तिया ला अजाद किता कने साडे पापां जो माफ किता। 15 कोई भी परमेस्वरे जो नी दिखी सकदा है, जाल् उदा इकलोता पुत्र माणु बणी गिया तां, उनी लोकां दे सामणे परमेस्वर जो प्रगट किता कने सारा कुछ बणाणे ला पेहले सै मौजूद था कने परमेस्वरे जडा कुछ बणाया उस पर उदा सारयां ला बडा हक है। 16 क्योंकि सै मसीह था जिनी सारा कुछ बणाणे तांई परमेस्वरे सोगी कम्म किता, स्वर्ग दी हो, या धरती दी हो, दिखियो हो या अणदिखयो हो, क्या सिंहासन, क्या प्रभुताएँ, क्या प्रधानताएँ, क्या हक, सारियां चिजां उनी ही

बणाईयां कने उदे तांई ही बणियां न। 17 कुछ भी बणने ला पेहले, मसीह पेहले ला ही था, कने सारियां चीजां उदी बणाईयो व्यवस्था ला ही कम्म करदियां न। 18 मसीह कलीसिया दी अगुवाई करदा है, जियां सर माणुए दे शरीर जो काबू च रखदा है, सैई आदि है कने मरी के जी उठणे बालयां लोकां च पेहला है, कने सारियां गल्लां च सैई प्रधान बणे। 19 क्योंकि पिता परमेस्वर दी खुशी इसी च ही है, की परमेस्वर दा पूरा सभाव यीशु मसीह च हो। 20 परमेस्वरे अपना पुत्रे जो भेजणे दा फेसला लिया, जिनी अपना खून बहाया कने सूली पर उदी मौत होई। परमेस्वरे ए अपने कने सारियां चीजां बिच मेल मिलाप करणे तांई किता, इयां करणे ला उनी अपने कने स्वर्ग च शामिल कने धरती च शामिल सबना च शांति बणाई। 21 इसला पहले तुसां परमेस्वरे ला बडे दूर थे। तुसां परमेस्वरे दे दुश्मण थे क्योंकि तुहाडे बिचार कने तुहाडे कम्म बुरे थे। 22 पर हुण पिता परमेस्वरे अपने पुत्रे जो माणु बणाई करी मरणे ला तुहाडा भी मेल करी लिया है, ताकि तुहांजो अपने सामणे पबित्र, निष्कलंक कने निर्दोष बणाई करी पेश करी सके। 23 तुहाडा भरोसा मजबूत रेणा चाईदा, जियां की घर इक पक्की नी पर बणाया जांदा है, हुण साडे बाल आस है क्योंकि असां श्भसमाचार पर भरोसा करदे न, जिसदा प्रचार सारी धरतिया पर कितया है, कने जिस श्भसमाचार दा सेवक मैं, पौलुस बणया। 24 हुण मैं तुसां लोकां तांई दुख झेलदा है, इदी बजा ला खुश है। कने मैं लगातार अपने शरीर च दुख सेहन करा दा है, जियां यीशु मसीह सेहन किते थे, कने ए दुख मैं मसीह दी कलीसियां तांई अपने शरीर च सेहन करा दा है, जडा उदा शरीर है। 25 इसा कलीसिया तांई तुहाडे तांई परमेस्वरे दी दितियो सेवा तांई सेबक चुणया है, ताकि मैं परमेस्वर दे श्भसमाचार जो पुरे तरीके ने प्रचार करी सके। 26 मतलब की उस भेद जो जडा पिछली पीढियां दे लोकां ला गुप्त रिया, पर हुण परमेस्वरे दे उना पबित्र लोकां पर प्रकट होया है। (aiōn g165)

27 जिना पर परमेस्वरे प्रकट करणा चाया क्योंकि परमेस्वर चांदा की इस भेद जो जाणन की मसीह दी महिमा दी क्या कीमत है, जडा सारयां तांई है, ए भेद यीशु मसीह खुद है, जडा तुसां च है, ऐई साडी इकलोती आस है जिसने महिमा होणी। 28 असां मसीह दे बारे च सारयां जो दसदे न, सारयां जो चेताबनी दिन्दे कने सारयां जो पुरिया समझा ला सिखादें जडा परमेस्वरे सांझो दितया है, ताकि ए पक्का करी सकन की हर कोई मसीह च सिद्ध होई सके जाल् सै परमेस्वरे दे सामणे खडे होंगे। 29 ऐई बजा है की मैं इतणी मेहनत करदा है। मैं ऐसा करणे तांई परेशानियां दा सामणे करदा है जडा की मसीह दिया शक्तिया ला ही होंदा है, जडा मेरे अंदर कम्म करदा है।

2 मैं चांदा है की तुसां जाणी लिया की तुहाडे कने उना दे जडे लौदीकिया शहरे च न, कने उना सबना तांई जिना ला मैं नी मिलया है, मैं कडी मेहनत इस तांई करदा है, 2 मैं ऐसा इस तांई करदा है क्योंकि मैं उना जो तरे भरोसे च मजबूत करणा चांदा है, सै इक सोगी प्यार च शामिल होई जान, कने मैं चांदा है की उना जो पूरा भरोसा हो क्योंकि उना जो परमेस्वर दे भेद दी योजना दे बारे च पूरी समझ है, जडा अपु मसीह है। 3 ए सै है जडा परमेस्वरे

दी अकल कने ज्ञान जो जाणदा है, जडा की उस खजाने साईं है, जिसयो लुकाया गया था। 4 ऐं मैं इस ताईं बोला दा है, की कोई भी माणु तुहांजो उना दी झूठी शिक्षा पर भरोसा करणे ताईं राजी करी के धोखा ना दे। 5 क्योंकि मैं तुहाडे सोगी नी है, फिरी भी मैं लगातार तुहाडे बारे च सोचदा है, मिंजो खुशी है की तुसां इक न कने तुसां अपणे भरोसे च जडा मसीह पर है, जिन्दगी जिन्दे रिया। 6 इस ताईं, जियां तुसां प्रभु यीशु मसीह जो प्रभु मन्नी करी अपनाई लिया, तियां ही उदे पिच्छे चलदे रिया। 7 तुसां मसीह दे भरोसे च मजबूत बणी रिया, जियां इक सख जड पकड़दा कने इक घर इक नीयां पर मजबूत रेंदा है, इयां ही तुसां भी अपणे भरोसे च बदे जा, कने जादा ला जादा धन्यवाद करदे रिया। 8 साबधान रिया की कोई तुहांजो संसारिक ज्ञान कने बेकार गल्लां ने मुख् नी बणाई ले, ऐ गल्लां सुणने जो तां ज्ञान बालियां लगदियां न, पर ऐ गल्लां सिर्फ संसार दे लोकां दिया तरफा ला न, ना की मसीह दिया तरफा ला। 9 इयां ना हो की ऐ लोक तुहांजो धोखा देन, क्योंकि जालू मसीह माणु बणया, तालू भी सै पूरी तरह परमेस्वर था। 10 यीशु मसीह ही सारी शक्तियां कने अधिकारां दा प्रधान है, इस ताईं अगर तुसां मसीह सोगी जुडयो न तां तुसां उदे च सिद्ध बणा। 11 जालू तुसां मसीह पर भरोसा किता, तालू तुहाडा खतना कुसी माणुऐ ला नी होया है, जियां यहदी लोक करदे न, पर मसीह दे जरिये तुहाडा सै खतना होया है, जडा तुहाडे पाप करणे बाले सभाव जो दूर करदा है। 12 कने तुसां बपतिस्मा लिया, ऐ इसा गल्ला जो दसदा है की तुहाडा पापी सभाव मसीह सोगी कबरा च दबी दिता है कने जालू तुसां नोऐ सभाव ने पाणिऐ ला बाहर आये। ऐ इस ताईं होया क्योंकि तुसां भरोसा किता की परमेस्वरे अपणी शक्तियां ने मसीह जो मरयां चे जिन्दा किता। 13 जालू परमेस्वरे तुहांजो भी मसीह सोगी जिन्दा किता, जडे अपणे अपराधां कने अपणे पापी सभाव ला अजाद नी थे, कने साडे सारे अपराधां जो माफ किता। 14 ऐ इयां था जियां परमेस्वरे साडे पापां दे दस्ताबेज जो खत्म करी दिता, जिना च साडे खिलाफ दोष लिखयो थे। जालू मसीह जो सूली पर चढाया तालू उनी उस देस्ताबेज जो पुरे तरीके ने खत्म करी दिता। 15 परमेस्वरे मसीह दे सूली पर मरणे ने संसार दी सारी शक्तियां कने अधिकारां जो हराई करी उना जो सबना सामणे बेइज्जत किता, कने उना जो हराई करी खुशी मनाई। 16 इस ताईं तुहांजो कोई धोखा ना दे, कने कोई तुहाडे खाणे पीणे जो लेई करी, या त्योहारे, या नोआ चंद्रमा, या सब्ब दे दिना दे बारे च तुहाडा कोई न्याय ना करे। 17 क्योंकि ऐ सारे नियम कने कानून इक छोआं दे साईं है, पर हकीकत मसीह च ही है। 18 कलीसिया इक शरीर है यीशु मसीह उस शरीर दा सर है, उसी ने ही शरीर दे सारे हिस्सयां दी देख रेख होंदी है कने जालू इना जो इक सोगी जोडदे न, तां सै बदे न जियां परमेस्वर चांदा है की सै बदे। कोई माणु दीनता कने स्वर्गदूतां दी भक्ति करिके तुहांजो दौड दे इनामे च दूर ना करे। ऐसे माणु दिखियां गल्लां दा दाबा करदे न, जिसने सै घमंड ने भस्यो रेंदे न, कने जडे मसीह जो छडी दिन्दे न। 20 जालू तुहाडा पापी सभाव मसीह सोगी मरी गया, तां तुहांजो होर भी जादा

इस संसारे दियां शिक्षां जो नी मनणा पोणा। इस ताईं कजो अजे भी इस संसारे दे नियमा जो मदे न जियां अजे भी संसार तुहांजो काबू करा दा है। 21 सै ऐसे नियम बणादें न की तुसां ऐ मत छुंदे, ऐसा मत खांदे, ऐ मत खांदे। 22 क्योंकि ऐ सारे नियम कुसी कम्मे दे नी, क्योंकि ऐ माणुआं दे हुकमा कने शिक्षा दे अनुसार न। 23 इना शिक्षां च अपणी इच्छा दे अनुसार बणाई भक्ति दे रिबाज, कने जूठी दीनता, कने अपणे शरीर सोगी कठोर बर्ताब करणा ही इक ज्ञानी होणे दा डोंग करदा है, पर हकीकत च ऐ नियम लोकां जो उना दिया बुरियां जो रोकणे च मदद नी करदे।

3 जियां परमेस्वरे यीशु मसीह जो मरयां चे जिन्दा किता तियां ही तुहांजो जिन्दा किता है, इस ताईं उना चीजां दिया तोपा च लगी रिया जडियां स्वर्ग च रखियां न जिथू मसीह परमेस्वरे दे बखे सबते आदर बालिया जगा पर बैठया है। 2 धरतिया दियां चीजां नी स्वर्ग दियां चीजा पर ध्यान ला, 3 क्योंकि तुसां अपणे पाप बाले सभावे ताईं मरी गियो न, कने तुहाडी नोई जिन्दगी मसीह सोगी परमेस्वरे च लुकियो है। 4 जालू मसीह जडा तुहांजो नोई जिन्दगी दिन्दा है, बापस इसा धरती पर आंगा, तालू तुसां भी उदे सोगी कने उदी महिमा च भागिदार होई जाणा। 5 इस ताईं तुसां बुरे कम्मा जो छडी दिया जडे तुहाडे पापी सभाव ला जुडया ना। जियां, व्यभिचार, अशुद्धता, दुष्कामना, बुरी लालसा, कने लालच जो जडा मूर्तिपूजा दे बराबर है। 6 क्योंकि लोक इना बुरे कम्मा जो करदे न कने परमेस्वर उना जो सकत सजा देणी। 7 कने तुसां भी, जालू इना बुराइयां च जिन्दगी कटदे थे, तां तुसां भी ऐ कम्म करदे न। 8 पर हुण तुसां भी इना सबना जो मतलब की गुस्सा, रोष, बैरभाव, निंदा, कने गालियां बकणा, तुसां ऐ कम्म करणा छडी दिया। 9 इक दुज्जे सोगी झूठ मत बोला क्योंकि तुसां पुराणे पापी सभाव कने हुण सारे बुरे कम्मा जो छडी दितया है। 10 हुण तुसां इक नोऐ माणु बणी गियो न, ऐ नोआ सभाव जडा अपणे सृष्टिकर्ता साईं जादा ला जादा बणदा जांदा है ताकि तुसां उसयो होर भी अच्छे ला समझी सकन। 11 इसा बजा ला नोईया जिन्दगिया च ना तां कोई होर जाति दा रिया, ना यहदी, ना खतना, ना बिना खतने बाला, ना जंगली, ना विदेशी, ना गुलाम कने ना अजाद बस मसीह ही है जडा सब कुछ है कने तुसां सारयां दे अंदर रेंदा है। 12 इस ताईं परमेस्वर तुहांजो प्यार करदा है कने उनी तुहांजो अपणे पबित्र लोक होणे ताईं चुणया है, इस ताईं तुसां लोकां जो, कस्णा, भलाई, दीनता, कने नम्रता, कने सेहनशीलता बाला बणना चाईदा। 13 अगर कुसी जो कुसी पर दोष लागे दी कोई बजा हो, तां इक दुज्जे दी सेहन करी लिया, कने इक दुज्जे दे अपराध माफ करा: जियां प्रभुऐ साडे अपराध माफ किते, तियां ही तुसां भी माफ करा। 14 कने इना सारयां ला जरूरी गल्ल ऐ है की इक दुज्जे ला प्यार करा, इयां करणे ला तुसां पुरे तरीके ला इक जुट होई जाणा। 15 मसीह तुहाडे मना च शांति दे, तुसां सब इक ही शरीर दे हिस्से न, इस ताईं तुसां इक दुज्जे सोगी जडी शान्ति मसीह दिदा है उसा शांतिया ला रेणे ताईं सदयो न, कने तुसां धन्यवादी बणी रिया। 16 मसीह दे बचना दे बारे च हर बकत सोचा, ताकि ऐ सब केसी जो

काबू करे जडा तुसां सोचदे कने करदे न; सिद्ध ज्ञान ला इक दुज्जे जो सिखा, कने चेताबनी दिया, कने अपने-अपणे मने च धन्यवाद सोगी परमेश्वरे ताई भजन, स्तुतिगान कने आत्मिक गीत गा। 17 जडा भी तुसां बचना ला बोलदे न या जडा भी कम्म करा सब प्रभु यीशु दे नाए ला करा, कने उसला प्रभु परमेश्वरे दा धन्यवाद करा। 18 हे पत्रियों, अपने-अपणे घरे बालयां दे अधीन रिया क्योंकि मसीह दे पिच्छे चल्णे बालयां ताई ऐ ही ठीक है। 19 हे घरे बालयो, अपनी-अपणी लाडियां न प्यार रखा, कने उना सोगी प्यारे ला बर्ताब करा। 20 हे बच्चो, सबना गल्लां च अपने-अपणे माता-पिता दे हुकमा जो मन्ना करा, क्योंकि प्रभु इसला खुश होंदा है। 21 हे माता पिताओं, अपने बचयां जो बार-बार डांटी करी तंग मत करा, इयां ना हो की उना दा दिल टूटी जा। 22 हे सेबकों, जडे इस संसारे च तुहाडे मालिक न, सारियां गल्लां च उना दे हुकमा दा पालन करा, माणुआं जो खुश करणे बालयां सांई दिखावे ताई नी, पर मने दिया सच्चाई कने परमेश्वरे दे डरे ने करा। 23 जडा कुछ तुसां करदे न, पुरे मने ने करा, ऐ सोची करी की माणुआं ताई नी पर प्रभु ताई करा दे न। 24 क्योंकि तुसां जाणदे की तुसां जो इदे बदले च प्रभु ला सै आशीष मिलणी है जडी परमेश्वरे तुहाडे ताई रखियो है। तुसां जिस मालिक दी सेवा करा दे न, सै मसीह है। 25 क्योंकि जडा कोई बुरा करता रेंदा है, उसयो परमेश्वरे ला सजा मिलणी क्योंकि परमेश्वर कुसी दा पक्षपात नी करदा।

4 हे मालिकों, स्वर्गे च तुहाडा भी मालिक है, ऐ समझीकरी, अपने-अपणे दासां सोगी न्याय कने इकोदिया व्यवहार करा। 2 लगातार प्राथना करदे रिया, कने जालू तुसां प्राथना करन तां सतर्क रिया कने हमेशा परमेश्वरे दा धन्यवाद करदे रिया। 3 कने इदे सोगी-सोगी साडे ताई भी प्राथना करदे रिया, की परमेश्वर साडे ताई बचन दा प्रचार सुणाने दा मोका दे, की असां मसीह दे उस भेद जो पुरे तरीके ला सुणाई सकन, इसा ही बजा ला मै जेला च है। 4 कने प्राथना करा दा की मै साफ तरीके ला कने खुलेआम मसीह दे बारे च दस्से। 5 हर मोके दा अच्छे ला इस्तेमाल करा ऐ दसणे ताई की तुसां विश्वासी न, कने जडे लोक यीशु मसीह पर भरोसा नी करदे उना सोगी समझदारिया ला बर्ताव करा। 6 उना ला हमेशा प्यारभाव ला गलबात करा, कने एसियां गल्लां करा जिसला सै तुहाडियां गल्लां च रूची लेन, अगर तुसां ऐसा करदे न, तां तुहांजो पता लगणा की उना जो कियां जबाब देणा है, जडे तुहाडे भरोसे दे बारे सबाल च उठादें न। 7 प्यारे मसीह भाई कने भरोसे दे लाइक सेवक, तुखिकूस जडा प्रभु यीशु मसीह च मेरा साथी है, मेरियां सारियां गल्लां उनी तुहांजो दस्सी देंणियां न। 8 उसयो मै इस ताई तुहाडे बाल भेजया है, ताकि तुहांजो पता लगी सके की साडे क्या हलात न, कने सै तुहांजो भरोसे च मजबूत करी सके। 9 उदे सोगी उनेसिमस जो भी भेजया है; जडा भरोसे दे लाइक कने प्यारा मसीह भाई कने सै तुहाडे ही शेहरे दा है, उना तुहांजो ऐथू दियां सारियां गल्लां दे बारे च दसी देणा। 10 अरिस्तर्खूस जडा मेरे सोगी कैदी है, कने बरनबास दा भांजा मरकुस तुहांजो नमस्कार

बोलदा है। जिदे बारे च तुहांजो पहले ही चिट्ठी मिली बेठियो है की अगर से तुहाडे बाल ओए, तां उसला ढंगे ला व्यवहार करनयो। 11 कने यीशु जिसयो युस्तुस बोलदे न, तुहांजो नमस्कार करता है। यहूदी लोकां च बस ऐई तिन परमेश्वरे दे राज्य ताई मेरे साथी कने मिंजो उत्साहित करणे बाले न। 12 इपफ्रास जडा तुहाडे ही शेहरे ला है, कने मसीह यीशु दा दास है, तुहांजो नमस्कार करता है। कने हमेशा तुहाडे ताई प्राथना करता है, ताकि परमेश्वर तुहांजो भरोसे च मजबूत कने सिद्ध करे की तुसां परमेश्वरे दी इच्छा दा पालन करा। 13 मै उदा गबाह है, कि सै तुहाडे ताई कने लौदीकिया शेहरे कने हियरापुलिस शेहरे दे लोकां ताई लगातार प्राथना करता है। 14 प्यारे वैध लूका कने देमास दा तुहांजो नमस्कार बोलदे न। 15 लौदीकिया शेहर दे मसीह भाईयां कने बेहणा जो कने नुमफास कने उदी घरे दी कलीसिया जो नमस्कार बोलनयो। 16 जालू ऐ चिट्ठी तुहाडे ऐथू पढी जांगी, तां ऐसा करनयो की लौदीकिया शेहरे दिया कलीसिया च भी इसयो पढनयो, कने जडी चिट्ठी लौदीकिया ला ओणी उसयो तुसां भी पढनयो। 17 फिरी अरखिप्पुसे ला बोलनयो की “जडी सेवा प्रभु च तिजो दितियो है, उसा सेवा जो अच्छे तरीके ने पूरी करनयो।” 18 मै, पौलुस तुहांजो नमस्ते करणे ताई चिट्ठी दा ऐ हिस्सा तुहांजो अपने हथे ने लिखा दा है, याद रखणा की मै जेला च है, कने मेरे ताई प्राथना करनयो, तुसां पर परमेश्वरे दा अनुग्रह होंदा रे। आमीन।

1 थिस्सलुनीकियों

1 ऐ चिड़ी मैं पौलुस, सिलवानुस कने तीमुथियुस दिया तरफा ला थिस्सलुनीकिया शेहर दिया कलीसिया दे ना लिखा दा है, जडे पिता परमेस्वर कने प्रभु यीशु मसीह च न। मैं प्राथना करदा है की पिता परमेस्वर तुहांजो पर अपना अनुग्रह कने तुहांजो शांति दे। **2** असां अपणियां प्राथना च तुहांजो याद करदे कने हमेशा तुसां सबना दे बारे च परमेस्वरे दा धन्यवाद करदे न, **3** कने जालू असां अपने पिता परमेस्वरे ने प्राथना करदे न, तालू असां तुहाडे उना कम्मा जो याद करदे न, जडे तुसां भरोसे दिया बजा ला करदे न, कने जडिया सकत मेहनता ने तुसां मसीह भाईयो दी सहायता करदे न क्योंकि तुसां उना ने प्यार करदे न कने दुख तकलिफा जो सेहन करदे न क्योंकि तुहांजो आस है, की प्रभु यीशु मसीह जल्दी बापस ओणे बाला है। **4** हे मेरे मसीह भाईयो, तुहांजो ने परमेस्वर बडा प्यार करदा है, असां जाणदे न, की परमेस्वरे तुहांजो अपने लोक होणे ताई चुण्या है। **5** क्योंकि प्रभु यीशु मसीह दा शुभसमाचार तुहाडे बाल सिर्फ अखरां च ही नी पर पबित्र आत्मा दिया शक्तिया, कने पूरी मजबुतिया ने तुहाडे बाल पूज्या है, तुहांजो पता है की तुहाडे उद्धार ताई तुसां बिच साडा चाल चलन कदिया था। **6** तुसां बडे भरी दुखां च थे पर तुसां पबित्र आत्मा दी दीतियो खुशिया सोगी शुभसमाचार जो अपनाई करी साडे उदाहरण कने प्रभु दे उदाहरण दा अनुसरण किता। **7** ऐथू दीकर की तुसां मकिदुनिया प्रदेश कने अखाया प्रदेशे दे सारे विस्वासियां ताई आदर्श बणी गे। **8** क्योंकि तुहाडे ऐथू ला ना सिर्फ मकिदुनिया प्रदेश कने अखाया प्रदेशे च प्रभु दा बचन सुणाया, पर तुहाडे भरोसे दी चर्चा हर पासे फेली गई जडा परमेस्वरे पर है, हर जगा जिथू असां गे, ओथु सांझो लोक मिल्ले जिना सांझो तुहाडे भरोसे दे बारे च दसया, जडा परमेस्वरे पर है, इस ताई सांझो तुहाडे बारे च कुछ बोलणे दी जरूरत नी है। **9** क्योंकि सै लोक अपु ही दुज्जयां जो दसदे न की तुसां साडा स्वागत किता जालू असां तुहाडे बाल आणे, कने तुसां कजो मूर्तियां ला दूर होईकरी परमेस्वरे बाल आये ताकि तुसां जिन्दे कने सच्चे परमेस्वरे दी सेवा करन। **10** कने तुसां स्वर्ग ला परमेस्वरे दे पुत्रे दे ओणे दी आस रखा दे न, जिसयो परमेस्वरे मरयां चे जिन्दा किता, मतलब की यीशुए जो, जडा सांझो परमेस्वरे दे ओणे बाले गुस्से ला बचादां है।

2 हे मसीह भाईयो, तुहांजो अपु ही पता है, साडा तुहाडे बाल ओणा फायदेमंद होया। **2** तुसां अपु ही जाणदे न की तुहाडे बाल ओणे ला पेला असां फिलिप्पी शेहेर च कितणे दुख झेले। फिर भी परमेस्वरे सांझो इत्नी हिम्मत दिती, की तुहाडे शेहेर दे लोकां ला साडा इतणा बिरोध होणे बाद भी असां परमेस्वरे दा शुभसमाचार तुहांजो सुणाया। **3** क्योंकि साडा उपदेश ना तां धोखा था, कने ना ही गलत इरादे ने, कने ना ही छलावा है। **4** परमेस्वरे सांझो काबिल समझीकरी शुभसमाचार दितया है, इस ताई असां माणुआं जो नी, पर असां मना जो परखणे बाले परमेस्वरे जो खुश करणे ताई उपदेश दिन्दे न। **5** तुहांजो पता है, की असां कदी भी चापलूसी दियां गल्लां नी करदे

थे, क्योंकि असां ना ही कदी पेसे दे लालचे दे इरादे ने कुछ किता, परमेस्वर इसा गल्ला दा गबाह है की असां ऐसे नी थे। **6** असां ना माणुए ला, ना ही तुहाडे ला कने ना ही कुसी होरसी ला आदर नी चांदे थे। पर मसीह दे प्रेरित होणे दिया बजा ला तुसां ला सहायता मंगणा साडा हक था। **7** पर जियां माता-पिता अपने बचयां जो पालदे न, तियां ही असां भी तुहाडे बिच रेई के इयूदी दीनता दसियो है। **8** असां तुहांजो सोगी इतणा प्यार करदे न की सिर्फ परमेस्वरे दा शुभसमाचार सुणे ताई ही नी पर तुहाडे ताई अपणी जान देणे ताई भी तैयार थे। इस ताई की असां तुहाडे सोगी बडा प्यार करदे थे। **9** हे मसीह भाईयो, तुसां साडी मेहनत कने प्यारे जो याद रखदे न, की असां इस ताई रात दिन कम्म धधे करदे होये परमेस्वरे दे शुभसमाचारे दा प्रचार तुहाडे च किता, ताकि असां अपणी जर्रतां ताई तुसां कुसी पर भी कोई बोझ ना बणन। **10** तुसां अपु भी कने परमेस्वर भी गबाह है, तुसां विस्वासियां सोगी साडा सभाव कितणा सच्चा, धर्मी कने निर्दोष था। **11** तुहांजो पता है, की जियां पिता परमेस्वर अपने बचयां सोगी बर्ताब करदा है, तियां ही असां भी तुसां सबना जो उपदेश, कने प्रोत्साहित करदे, कने समझादे थे। **12** की तुसां अपणी जिन्दगी इस तरीके ला जिया जडी परमेस्वरे जो खुश करे, जडा तुहांजो अपने राज्य कने माहिमा च हिस्सेदार होणे ताई सददा है। **13** इस ताई असां भी हमेशा परमेस्वरे दा धन्यवाद करदे न; की जालू तुसां परमेस्वरे दा संदेश सुण्या जडा असां प्रचार किता, तां तुसां उसयो माणुए दा नी पर परमेस्वरे दा सच्चा संदेश समझी के अपनाया, सै ही संदेश तुसां च कम्म करदा है, जडे यीशु मसीह पर भरोसा रखदे न। **14** हे मसीह भाईयो, इस ताई तुसां भी परमेस्वरे पर भरोसा करणे बाले लोकां सांई न, जडे यहदी प्रदेश च रेदे न कने मसीह च न, क्योंकि तुहांजो भी अपने लोकां ला तदिया ही दुख मिल्ला जदिया यहदी मसीह लोकां जो यहदियां ला मिल्ला था। **15** उना यहदियां जिना प्रभु यीशुए जो, कने परमेस्वरे दे संदेश देणेबालयां जो मारी दिता कने सांझो तंग किता, कने परमेस्वर उना ला खुश नी है, कने सै सारे माणुआं दा बिरोध करदे न। **16** सै सांझो होर जातियां जो ऐ दसणे ला रोकणे दी कोशिश करा दे थे की परमेस्वर उना जो कियां बचाई सकदा है कने सै अपने पाप पर पाप जोडदे जांदे न; कने हण अंत च परमेस्वर उना जो पक्का सजा देणेबाला है। **17** हे मेरे प्यारे मसीह भाईयो, जालू असां थोडी देरा ताई मने ला नी पर, असां शारीरक रूप ला तुहाडे सोगी नी थे, तां असां बडी इच्छा ला तिजो दिखणे ताई होर भी जादा कोशिश किती। **18** इस ताई असां (मतलब की मैं पौलुसे) इक बरी नी, पर केई बरी तुहाडे बाल ओणे दी सोची, पर शैतान सांझो तुहाडे बाल ओणे ताई रोकदा था। **19** साडी आस, खुशी या बडाई दा मुकट कुण है? ऐ तुसां ही होणे जालू साडे प्रभु यीशु मसीहे फिरी मुडी करी ओणा है। **20** साडी बडाई कने खुशीं तुसां ही न।

3 आखरी च जालू असां तुहांजो मिलयो बिना नी रेई सके, तां मैं पौलुस कने सिलासे एथेंस शेहेर च किल्ले रेणे दा फेसला किता। **2** कने असां तीमुथियुस जो जडा मसीह दे शुभसमाचारे च साडा भाई है, कने परमेस्वरे दा सेवक है, उसयो इस ताई तुहाडे बाल भेजया की

सै तूहांजो प्रोत्साहित करे कने तूहाड़े मसीह पर भरोसे जो मजबूत करे। 3 ताकि कोई इना दुखां दिया बजा ला भरोसे च कमजोर ना होई जाये; क्योंकि तूसां अपु ही जाणदे न, की सांझो मसीह च दुख झेलणे पोणे न। 4 जालू असां तूहाड़े ओथू रेंदे थे, उस बकत तूहांजो बोल्दे थे कि, सांझो लोकां ला दुख झेलणे पोणे न, कने इयां ही होया, कने तूसां जाणदे भी हेन। 5 इसा बजा ला जालू मिजो ला तूहांजो मिलयो बिना नी रिया गिया, तां मै तूसां लोकां दे भरोसे दा हाल जाणने तांई तीमथियुस जो भेजया, क्योंकि असां डरदे थे, कुथी इयां ना हो की परिक्षा करणे बाले शैताने तूहाड़ी परिक्षा लेई हो, कने साडी मेहनत बेकार होई गई हो। 6 पर हण तीमथियुसे तूहाड़े बखे ला आई करी तूहाड़े भरोसे कने प्यार दा शुभसमाचार सुणाया। कने ऐ भी सुणाया, की तूसां हमेशा प्यारे ला मिजो याद करंदे न, कने सांझो दिखणे दी इच्छा रखदे न, जियां असां तूहांजो दिखणे दी इच्छा रखदे थे। 7 इस तांई हे मसीह भाईयो, असां अपणी सारी दुख तकलिफां च जालू तीमथियुस ला सुणाया की तूसां भरोसे च मजबूत न, तां सांझो बडी शांति मिल्ली। 8 क्योंकि हण तूसां प्रभु च टिकी रेंगे, तां इसला सांझो नोई जिंदगी मिलदी है। 9 कने जदेई खुशी तूहाडिया बजा ला सांझो अपणे परमेस्वरे सामणे है, इसा खुशिया तांई तूहाड़े बारे च असां क्रियां परमेस्वरे अग्रे धन्यावाद करन? 10 असां लगातार ऐई प्रार्थना करंदे रेंदे न, की तूहांजो सोगी दुबारा मिली सकन, कने जडा जरूरी है तूहांजो सिखाई सकन, ताकि तूसां पुरे तरीके ला प्रभु यीशु मसीह पर भरोसा करी सकन। 11 साडी ऐ प्रार्थना है, की साडा पिता परमेस्वर कने प्रभु यीशु मसीह, तूहाड़े ऐथू औणे तांई साडी सहायता करे की असां आई सकन। 12 असां ऐ भी प्रार्थना करंदे न की प्रभु यीशु मसीह ऐसा करे कि, जियां असां तूहांजो ने प्यार करंदे न, तियां ही तूसां भी इक दुज्जे ने प्यार करा, कने सारयां लोकां सोगी तूहाडा प्यार होर भी बदे कने बददा ही जा, 13 कने असां प्रार्थना करंदे न ताकि सै तूहाड़े मना जो ऐसा मजबूत करे, की जालू साडा प्रभु यीशु अपणे सारे पबित्र लोकां सोगी बापस ओए, तां सै साडे पिता परमेस्वरे सामणे पबित्रता च निर्दोष साबित होन।

4 आखरी च हे मेरे मसीह भाईयो, असां प्रभु यीशु मसीह दे नाए ला तूहांजो ला बिनती करंदे न, की तूसां इस तरिके ला जिंदगी जिया, जडी परमेस्वरे जो खुश करे, जियां असां तूहांजो सिखाया, कने तूसां तियां जिंदगी जिंदे भी हेन कने असां तूहांजो ऐसा करणे तांई होर भी उत्साहित करंदे न। 2 तूसां जाणदे न कि प्रभु यीशु मसीह सान्झो जडा अधिकार दितया है, उदे जरिये असां तूहांजो निर्देश दितयो न। 3 परमेस्वरे दी इच्छा ऐ है, की तूसां पबित्र बणन कने व्यभिचार मत करा, 4 तूसां चे हर इक माणू अपणे शरीर पर काबू रखणा सीखी करी अपणे शरीर जो पबित्र बणाई रखे कने उदी इज्जत करे। 5 कने तूसां जो ऐ कम्म होर जातियां सांई वासना दी इच्छा ला नी करणे चाइदे, जडियां परमेस्वरे जो नी जाणदियां न। 6 ऐसे कम्म करणे ला सै अपणे मसीह भाई दे खिलाफ पाप करदा है, कने ना ही कोई उस सोगी चलाकी करा, क्योंकि प्रभुये इना सारयां जो सजा

देणी है, जडे इयुदियां चीजां करंदे न; जदिया असां तूहांजो पेहले भी बोलया कने समझाया था। 7 क्योंकि परमेस्वरे सांझो अपबित्र जिन्दगी जिणे तांई नी पर पबित्र जिन्दगी जिणे तांई सदया है। 8 इस तांई जडा इना हुकमा जो नी मनदा है, सै साडे हुकमा जो नी, पर परमेस्वरे दे हुकमा जो नी मनदा है, जिनी अपणी पबित्र आत्मा तूहांजो दितियो है। 9 पर मसीह भाईयां दे प्यारे दे बारे च ऐ जरूरी नी है, कि मै तूहांजो कुछ लिखे, क्योंकि इक दुज्जे सोगी प्यारे ला रेणा तूसां अपु ही परमेस्वरे ला सिखाया है; 10 कने सारे मकिदुनिया प्रदेशे दे मसीह भाईयां सोगी प्यार रखया है, पर हे मसीह भाईयो, असां तूहांजो ला ऐ बिनती करंदे न की तूसां होर भी अग्रे बददे जा, 11 कने जदिया असां तूहांजो समझाया है, तियां ही शान्ति ने जिन्दगी जिया कने ना ही दुज्जयां दे कम्मा च दखल दिया कने अपणे हथां ला कमाणे दी कोशिश करा। 12 ताकि जडे लोक यीशु मसीह पर भरोसा नी करंदे, सै दिखी सकन की तूहाडा व्यवहार कदिया है, कने लोक तूहाडी इज्जत करन, कने तूहांजो कुसी भी जरूरातां तांई दुज्जयां पर निर्भर ना होणा पोए। 13 हे मसीह भाईयो, असां चांदे न, की तूसां ऐ जाणी लिया की जडे मसीह च मरी गियो न, इना सोगी क्या होणा; इयां नी हो की तूसां दुज्जयां सांई शोक करा जिना जो आस नी है की मरणे बाद भी जिन्दगी है। 14 असां भरोसा करंदे न की यीशु मरया, कने जिन्दा होया, तां तियां ही परमेस्वरे उना जो भी जडे यीशु च सोई गियो न, यीशु मसीह सोगी बापस लेई ओणा है। 15 असां प्रभु यीशु मसीह दे बचना दे अनुसार तूहांजो ऐ बोल्दे न, की असां जडे जिंदे न, कने प्रभु यीशु मसीह दे बापस ओणे दीकर बची रेंगे, तां जडे लोक पेहले यीशु मसीह च मरी गियो न, उना पेहले यीशु मसीह ने मिलणा। 16 क्योंकि प्रभु यीशु मसीह अपु ही स्वर्ग ला उतरणा; उस बकत प्रभु यीशुऐ जोरे ने हुकम देणा, कने प्रधान स्वर्गदूतां जोरे ला बोलणा, कने परमेस्वरे दी तुरही बजाणी; कने उस बकत जडे पेहले यीशु मसीह पर भरोसा करंदे होए मरी गियो न, उना मरयां चे जी पोणा है। 17 तालू इदे बाद असां जडे जिन्दे कने बचयो रेंगे, उना सोगी बदला च चुकी लेई जाणे, ताकि बदलां च प्रभु यीशु मिलन, कने उस बकते ला असां हमेशा प्रभु सोगी रेणा। 18 इना गल्लां ला इक दुज्जे जो दिलासा दिया करा।

5 हे मेरे मसीह भाईयो, तूहांजो ऐ दसणे दी जरूरत नी है, की प्रभु यीशु मसीह कालू ओणा है। 2 क्योंकि तूसां अपु जाणदे न की जियां राती जो चोर अचानक आई जांदा है, तियां ही प्रभु यीशु मसीह दा आगमन भी अचानक होणा। 3 जालू लोक बोलगे, ठीक ठाक है, कने कोई डर नी, तालू उना जो इकदम दुख तकलिफां दा सामणा करणा पोणा है, जियां गर्भवती जो इकदम पीड पौदी; तालू सै कुथी भी नठी नी सकदी, तियां ही सै उसा बडिया मुसीबता ला कुसी भी तरीके ला नी बची सकणा। 4 पर हे मसीह भाईयो, तूसां जडे नेहरे च नी न कने सै दिन तूहाड़े पर चोरां सांई आई पोए जिस दिन यीशु मसीह बापस ओणा। 5 क्योंकि तूसां सारे जडे ज्योति ने रिशता रखदे न, कने दिने दी ओलाद न, असां ना तां राती ने, कने ना ही नेहरे ने रिशता रखदे न। 6 इस तांई सांझो अविश्वासियां सांई सौंदे

नी रेन, पर जागदे कने सावधान रिया। 7 क्योंकि जड़े सोदे न, सै राती ही सोदे न, कने जड़े मतवाले होदे न, सै राती ही मतवाले होदे न। 8 पर असां तां दिने दी ओलाद न, इस ताई सांझो अपने पर काबू रखणा चाईदा। साडी भरोसा कने प्यार साडी रक्षा करे जियां कबच इकी सिपाइये दी रक्षा करदा है, कने साडे बाल उद्धारे दी आस है, कि असां हमेशा दिया सजा ला बची गियो न, जियां टोप सिपाइये जो बचादां है। 9 क्योंकि परमेश्वरे सांझो सजा देणे ताई नी चुणया है, पर इस ताई रखया की असां अपने प्रभु यीशु मसीहे ला उद्धार पाई सकन। 10 प्रभु यीशु मसीह साडे ताई इस बजा ने मरया, की असां चाऐ जिन्दे रेन, या मरी जान, जालू प्रभु यीशु मसीहे बापस ओणा तालू असां हमेशा उदे सोगी रेई सकन। 11 इसा बजा ने इक दुज्जे जो प्रोत्साहित करा, कने इक दुज्जे जो भरोसे च मजबूत होणे ताई सहायता करा, कने ऐसा तुसां करदे भी हेन। 12 हे मसीह भाईयो, असां तुसां ने विनती करदे न, की जड़े तुहांजो चे बडी मेहनत करदे न, कने प्रभु च तुहाडे अग्वे न, कने तुहांजो शिक्षा दिन्दे न, उना दे हुकम मन्ना। 13 क्योंकि जडा सै तुहाडे ताई करदे न, उस ताई उना दी अच्छे ने इज्जत कने प्यार करा कने अपु चे मिली झुली की रिया। 14 हे मसीह भाईयो, असां तुहांजो ने विनती करदे न, उना जो चेतावनी दिया, जड़े बडे आलसी न, डरफोकां जो होंसला दिया, जड़े कमजोर न उना दी सहायता करा, सबना जो सेहनशीलता दस्सा। 15 ऐ ध्यान रखा! कोई कुसी ने बुराईया दे बदले बुराई ना करे; तुसां हमेशा इक दुज्जे कने सारयां ताई भले कम्म करणे च लगी रिया। 16 हमेशा खुश रिया। 17 लगातार प्राथना करदे रिया। 18 अपने हर हालातां च परमेश्वरे दा धन्यावाद करा; क्योंकि यीशु मसीह च तुहाडी ताई परमेश्वरे दी ऐई इच्छा है। 19 पबित्र आत्मा दे कम्मा जो लोकां दी जिन्दगी च होणे ला मत रोक। 20 ऐ मत सोचा की जडियां भविष्यवाणियां परमेश्वरे अपने लोकां जो दितियां सै कुसी कम्मे दियां नी न। 21 पर हर इक गल्ला दी परख करा ऐ जाणने ताई की सै परमेश्वरे दा संदेश है की नी, जडियां गल्लां खरियां न उना गल्लां जो ही अपना। 22 सारियां बुराईयां ला बची के रिया। 23 परमेश्वर जडा शांति दिन्दा है, तुहांजो हर तरा ने पबित्र करे; कने तुहाडी आत्मा, प्राण कने शरीर साडे प्रभु यीशु मसीह दे बापस ओणे दीकर पूरे निर्दोष कने ठीक रेन। 24 तुहांजो सदणे बाला भरोसे दे काबिल है, क्योंकि सै तुहांजो पबित्र होणे ताई सददा है, कने उनी पबित्र बणने दे काबिल भी बणाणा है। 25 हे मसीह भाईयो, साडे ताई प्राथना करा। 26 सारे मसीह भाईयां जो प्यारे ने नमस्ते करा। 27 मै तुहांजो प्रभु दा हुकम दिन्दा है, की ऐ चिट्ठी सारे मसीह भाईयां जो पढी करी सुणा। 28 मै प्राथना करदा है की साडे प्रभु यीशु मसीह दा अनुग्रह हमेशा तुसां सारयां पर होदा रे।

2 थिस्सलुनीकियों

1 ऐ चिट्ठी मैं पौलस सिलवानुस कने तीमथियुस दिया तरफा ला थिस्सलुनीकिया शेहरे दिया कलीसिया दे ना लिखा दा है, जडे पिता परमेस्वर कने प्रभु यीशु मसीह च न, 2 असां प्राथना करदे न की परमेस्वर तुसां पर अनुग्रह करे कने तुसां जो शांति दे। 3 हे मसीह भाईयो, तुहाडे बारे च सांझो लगातार परमेस्वरे दा धन्यवाद करणा चाईदा। कने ऐ साडे ताई ठीक भी है, की तुहाडा भरोसा यीशु मसीह पर बददा जा दा है, कने तुहाडा प्यार भी इक दुज्जे ताई बददा जा दा है। 4 इस ताई परमेस्वरे दिया कलीसिया च तुहाडे बारे च घमंड करदे न, की चाहे तुसां पर जितणे दुख तकलीफ आऐ, पर तुसां लगातार सबर ने उना दा सामणा किता कने प्रभु यीशु मसीह पर भरोसा करदे रे। 5 तुहाडा दुखां जो सेहणा तुसां जो इस काबिल बणादा है की तुसां परमेस्वरे दे राज्य जा जाई सकन, ऐ ही सच्चा सबूत है, की परमेस्वर सच्चा न्याय करदा है। 6 क्योंकि परमेस्वर हमेशा सही न्याय करदा है, परमेस्वरे उना जो जरूर दुख देणे, जडे तुहांजो दुख दिन्दे ना। 7 कने उनी तुसां जो सुख देणा जडे हुण दुखे च न, कने सांझो भी सुख चैन देणा, ऐ उस बकत होणा जालू प्रभु यीशु मसीहे अपने शक्तिशाली स्वर्गदूतां सोगी स्वर्ग ला धधगती होई अग्गी चे प्रगत होणा। 8 कने जडे परमेस्वरे जो नी पछेणदे, कने जिना साडे यीशु मसीह दे शुभसमाचारे जो नी मनया, परमेस्वरे इना जो सजा देणी। 9 परमेस्वरे उना जो अपनी मौजूदगी ला बाहर कडी देणा कने परमेस्वरे उना जो अपणिया शक्तिया कने महानता जो जाणने दी अनुमति नी देणी, कने उना जो हमेशा दी सजा देणी। (aiōnios g166) 10 ऐ उस रोजे होणा, जालू यीशु मसीहे अपने पबित्र लोकां च महिमा कने इज्जत पाणे ताई बापस ओणा, जडे लोक उस पर भरोसा रखदे न, तुसां भी उना लोकां सोगी होणा है जिना प्रभु यीशु दी महिमा करणी है, क्योंकि तुसां साडी गबाइया पर भरोसा किता। 11 इस ताई असां लगातार तुहाडे ताई रोज प्राथना भी करदे न, की परमेस्वर तुहांजो उसा जिन्दगी जो जिणे दे काबिल बणाऐ जिस ताई तुहांजो सदया है, कने सै तुहाडी हर इक भली इच्छा जो पूरा करे, कने हर उस कम्मे जो सफल करे जडा तुहाडे भरोसे दा नतीजा है। 12 असां ऐ प्राथना करदे न की लोक तुहाडिया बजा ने प्रभु यीशु मसीह दी महिमा करन, कने तुसां जो भी इज्जत मिलणी क्योंकि तुसां उदे ना ऐ सब कुछ परमेस्वरे कने यीशु मसीह दे अनुग्रह ने होणा।

2 हे मसीह भाईयो, असां प्रभु यीशु मसीह दे बापस ओणे दे बारे च कुछ बोलणा चांदे न, जालू असां सबना उसला मिलणा है। 2 कोई भी भविष्यवाणी, या बचन, या उसा चिट्ठिया दिया बजा ने अपने मना जो दुखी कने बेचेन मत होणा दिन्दे, जिना चिट्ठिया जो साडी लिखियो समझदे होन, कने उसा च दसया हो की प्रभु यीशु मसीह बापस आई गिया है, कने तुसां घबरांदे मत। 3 उना लोकां दा कोई भरोसा मत करदे जडे इना चीजां दे बारे च बुरा बोलदे न, क्योंकि प्रभु यीशु मसीह दे बापस ओणे ला पेहले लोकां परमेस्वरे दा बिरोध करणा है, कने सै पापी माणु जिसयो परमेस्वरे नरक च नाश

करणा, उनी जरूर प्रगत होणा। 4 उनी परमेस्वरे दा कने उना सारियां मूर्तियां दा कने बाकी सारियां चिजां दा जिना जो लोक पूजदे न कने प्रभु बोलदे न, बिरोध करणा है, कने उनी सारयां ला बडा होणे दा दाबा करणा, ऐथू दीकर की उनी पापी माणुऐ परमेस्वरे मंदरे च जाई करी बेई जाणा कने अपने आप जो परमेस्वर होणे दा दाबा करणा। 5 तुहांजो याद होणा है, जालू मैं तुहाडे सोगी था, तां तुहांजो मैं केई बार ऐ गल्ल बोलती थी। 6 हले दीकर सै बुरा माणु प्रगत नी होया है, क्योंकि कुछ ऐसा है जिनी उसयो रोकी रखया है, कने तुहांजो जरूर याद होणा सै क्या है जिनी उसयो रोकया है, फिरी जालू परमेस्वरे दा तय कितया बकत होणा तालू सै बुरा माणु प्रगत होणा। 7 क्योंकि बुरे माणुऐ दी शक्ति पेहले ला ही इस संसारे च कम्म करा दी है, पर कोई इक है जडा उदी शक्तिया जो रोकदा है। कने उनी इसयो लगातार रोकी रखणा जालू दीकर सै अपने रस्ते ला ना हटी जाए। 8 तालू सै बुरा माणु प्रगत होणा, पर इदे बाद प्रभु यीशु मसीहे ओणा है, कने यीशु मसीहे उसयो अपने हुकमे ने जडा यीशुऐ दे मुऐ ने निकलदा है कने अपने तेज ने भस्म करी देणा है। 9 बुरे माणुऐ शैताने दिया शक्तिया सोगी ओणा है, कने उनी हर तरा दे झूठे चमत्कार, कने अनोखे कम्म करणे न, कने इना चमत्कारां जो दिखीकरी लोकां सोचना की ऐ सारे परमेस्वर करा दा है। 10 कने उनी बुरे माणुऐ हर तरा दे बुरे कम्म करणे न कने उना सारयां लोकां जो धोखा देणा जडे हमेशा दी मौत दे रस्ते पर चलदे न; क्योंकि उना उसा सच्चाईया पर भरोसा नी किता जिसा ने उना जो हमेशा दी जिंदगी मिलणी थी। 11 इसी बजा ला परमेस्वरे उना च भ्रम पैदा करी देणा ताकि सै बुरे माणुऐ दियां गल्लां पर भरोसा करन जडा उना जो सचाई ला भटकाई दिता। 12 परमेस्वरे उना सारयां जो सजा देणी, जिना प्रभु यीशु मसीह दे संदेश पर भरोसा नी किता कने बुराई दे रस्ते पर चले। 13 हे मसीह भाईयो, तुहाडे ताई परमेस्वरे सामणे सांझो हमेशा धन्यवाद देणा चाईदा, तुसां प्रभु दे प्यारे न, क्योंकि परमेस्वरे शुरू ला पबित्र आत्मा दे जरिये तुहांजो पाप ला लग करी के कने सच्चाई पर तुहाडे भरोसे दिया बजा ने तुहांजो उद्धार ताई चुणी लिया है। 14 परमेस्वरे तुसां जो बचाणे ताई शुभसमाचारे दा इस्तेमाल किता जिसदा असां प्रचार करदे न, ताकि तुसां प्रभु यीशु मसीह दी महिमा च हिस्सेदार होई सकन। 15 इस ताई हे मसीह भाईयो, टिकी रिया; कने लगातार साडी शिक्षा पर भरोसा करा, जडी असां तुसां जो दिती जालू तुहाडे सोगी थे कने जडी चिट्ठिया च लिखी करी भेजी। 16 असां अपने प्रभु यीशु मसीह ला प्राथना करदे न, कने साडे पिता परमेस्वरे जडा सांझो ला प्यार करदा है, उना दे अनुग्रह ला सांझो हमेशा शांति, प्रोत्साहन कने सच्ची आस मिलली है। (aiōnios g166) 17 मैं प्राथना करदा है की परमेस्वर तुहाडे मना जो हिम्मत दे कने तुसां जो भले कम्मा कने बचन च मजबूत बणाऐ।

3 आखरी च मेरे मसीह भाईयो, साडे ताई प्राथना करा की, प्रभु यीशु मसीह दा बचन जल्दी ही सारियां जगा च फैली जाए, कने जडा इसयो रुपे सै इसयो मन्ने जिजां तुसां बचन जो मनया। 2 कने ऐ भी प्राथना करा की परमेस्वर सांझो टेडे कने बुरे लोकां ला बचाये,

क्योंकि मते सारे लोक न जड़े यीशु मसीह दे बचना पर भरोसा नी करदे। 3 पर प्रभु सच्चा कने भरोसे लायक है; उनी तुहांजो शक्ति देणी कने उस शैताने ला तुहांजो बचाणा। 4 सांझो प्रभु च तुहाडे पर पूरा भरोसा है, कने असां जडा-जडा कुछ तुहांजो करणे जो बोलया है, तुसां सियुदा ही करा दे न कने करदे रेणा है। 5 असां प्राथना करदे न की परमेश्वर तुसां जो इस काबिल बणाई दे की तुसां समझी सकन की परमेश्वर अपने लोकां ने कितणा प्यार करदा है कने कियां बचांदा है। 6 हे मसीह भाईयो, असां तुहांजो हुकम दिन्दे न जडा सांझो प्रभु यीशु मसीह दितया है; कने अपने उना मसीह भाई बेहणा ने कोई रिशता मत रखा, जड़े सुस्त कने उना शिक्षा जो नी मदे जडियां असां तुहांजो दीतियां। 7 क्योंकि तुसां अपु ही ढंगे ने जाणदे न, की तुसां जो तियां ही जिदगी जिणा चाईदी जियां असां जिया दे न; क्योंकि असां तुहाडे सोगी रे दे थे, तां असां सुस्त नी पर कम्म करदे थे। 8 कने कुसी ला रोटी मुफ्त नी खादी, पर मेहनत कने तकलिफा ने रात दिन कमांदे थे, ताकि असां अपनी कुसी भी जुरतां तांई तुसां पर निर्भर नी होणा पोऐ। 9 असां जादा मेहनत, इस तांई नी किती, की सांझो तुसां ला कुछ मंगणे दा कोई हक नी है; पर इस तांई किती की असां अपने आपे जो तुहाडे तांई आदर्श बणाई सकन, जिसने तुसां साडे सांई जिन्दगी जीन। 10 कने जालू असां तुहाडे सोगी रेंदे थे, तां तालू भी तुहांजो ऐई हुकम दिन्दे थे, की अगर कोई कम्म नी करणा चांदा, उसयो खाणां भी ना मिल्ले। 11 असां सणदे न, की कितणे ही लोक तुहाडे बिच सुस्त कने कोई कम्म नी करदे न, कने होरनी दे कम्मा च दखल दिन्दे रेंदे न। 12 ऐसे लोकां जो असां उस हक ने हुकम दिन्दे न, जडा प्रभु यीशु मसीह सांझो दितया है, की चुपचाप ने अपना कम्म करिके अपनी रोटी खा। 13 कने हे मसीह भाईयो, चाहे तुसां जो कितणे भी दुख तकलीफ होन तुहांजो भले कम्म करणे दी कोशिश नी छडणी चाईदी। 14 अगर कोई साडिया इसा चिट्ठिया दे संदेश जो नी मन्ने, तां उस पर नजर रखा की सै कुण है, कने उदे सोगी संगती छडी दिया, जिसने उसयो शर्मिंदगी महसूस हो। 15 उसने इयां बर्ताब मत करा की जियां सै तुहाडा दुशमण है, पर उसयो समझा जियां तुसां अपने भाईऐ जो समझांदे न। 16 असां प्राथना करदे न की प्रभु यीशु मसीह जडा शांति दा दाता है, अपु ही तुहांजो हमेशा कने हर तरा ने शांति दे, प्रभु हमेशा तुसां सारयां सोगी रे। 17 मै पौलुस अपने हथे ने नमस्ते लिखदा है; हर चिट्ठिया दे आखरी च इयां ही लिखदा है, इस तांई की सारयां जो पता चली जाऐ की ऐ चिट्ठी मेरिया तरफा ला है। 18 मै प्राथना करदा है की साडे प्रभु यीशु मसीह दा अनुग्रह हमेशा तुसां सारयां पर होंदा रे।

1 तीमथियुस

1 मैं पौलुस जडा साडे उद्धारकर्ता परमेस्वर दे हके ला, प्रभु यीशु मसीहे, जिस पर साडी अस है, जिना मिंजो प्रेरित होणे तांई चुण्या, 2 तीमथियुस मैं ऐ चिडी तिजो लिखा दा है, तू मेरे अपने पुत्रे सांई है क्योंकि तू भी प्रभु यीशु मसीह पर भरोसा करता है। मैं ऐ प्राथना करता है की पिता परमेस्वर, कने साडा प्रभु यीशु मसीह, तिजो हमेशा अनुग्रह, दया कने शांति दिन्दा रे। 3 तीमथियुस जियां की तू जाणदा है, की इफिसुस शेहरे च कुछ ऐसे लोक न जडे झूठी शिक्षा दिन्दे न, सै लगातार झूठी कहाणियां कने पूर्वजां दियां लम्बियां सूचियां दे बारे च सिखांते न। जालू मैं इफिसुस शेहरे ला मकिदुनिया प्रदेश दिया जगा जो जाणे जो तैयार था, तां मैं तिजो इफिसुस शेहरे च ही स्कणे तांई बोलया ताकि तुसां उना लोकां जो बोली सकन की ऐसी शिक्षा मत दिया। जालू सै ऐसी शिक्षा दिन्दे न, तां लोक बेहस करदे न, जिसदा नतीजा ऐ निकलदा है, की सै गुरु सै नी करदे जडा परमेस्वरे उना जो करणे तांई बोलया है, जिसयो सै परमेस्वरे पर भरोसे करणे ने ही करी सकदे न। 5 तिजो हुकम देणे दी बजा ऐ है की तू हर इक जणे तांई भले मने ने, खरी अंतरात्मा ने, कने सच्चे भरोसे ने प्यार पैदा हो। 6 झूठे गुरुओ इना सारियां चीजां जो करणा बंद करी दितया है, जडे बेकार दियां गल्लां बोलदे न, 7 ऐ झूठे गुरु उना व्यवस्था जो सिखाणे बालयां सांई बणना चांदे न, जडे मूसा दिया व्यवस्था जो अच्छे ला जाणदे न, पर सै असल च कुछ भी नी जाणदे न कि सै दुज्यां जो क्या सिखाणे दी कोशिश करा दे न कने इतणे आत्मविश्वास सोगी उस पर अडी रेंदे न। 8 असां जाणदे न की मूसा दी व्यवस्था अच्छी है अगर कोई इसा जो ढंगे ने सिखाए तां। 9 सांझो पता है की मूसा दी व्यवस्था धर्मी लोकां तांई नी पर अधर्मियां, निरंकुशां, भक्तिहीनां, पापियां, अपबित्र कने अशुद्ध लोकां, माता-पिता जो मारणे बाले, हत्यारे, 10 व्यभिचारियां, पुष्यगामियां, माणुऐ जो बेचणे बाले, कने झूठ बोलणे बाले, कने झूठी कसम खाणे बाले, कने इना जो छडी करी खरे उपदेशां दे सारे विरोधियां तांई बणाईयो है। 11 ऐ शिक्षा धन्य परमेस्वरे दी महिमा दे शुभसमाचारे पर आधारित है, जिनी मिंजो दुज्यां जो सुणने तांई शुभसमाचार दितया है। 12 मैं अपने प्रभु यीशु मसीह दा धन्याबाद करता है, जिना मिंजो शक्ति दिती, कने मिंजो भरोसे दे काबिल समझीकरी अपनी सेवा तांई चुण्या। 13 मेरे विश्वासी बणने ला पहेले, मैं यीशु मसीह दी बुराई करता था, विश्वासियां जो मारदा कुटदा था, कने उना ने बडा बुरा बर्ताब करता था; तमी मिंजो पर दया होई, क्योंकि मैं तालू दीकर यीशु मसीह पर भरोसा नी कितया था, इस तांई नी समझदा था की जडा मैं करा दा है सै गलत है। 14 कने साडे प्रभुये लगातार अपना अनुग्रह मिंजो पर कित्ता, कने उनी मिंजो भरोसा कने प्यार दिता क्योंकि मैं यीशु मसीह सोगी इक होई गया था। 15 ऐ गल्ल सच्च है कने मनणे कने भरोसे दे काबिल है, की प्रभु यीशु मसीह पापियां दा उद्धार करणे तांई इस संसारे च आया, कने उना चे सारयां ला बडा पापी मैं है। 16 पर यीशु मसीहे दया मिंजो पर इस तांई कित्ती,

क्योंकि सै दसणा चांदा था की मिंजो माफ करणे ला सै कितणा सेहनशील है, जिनी सबना ला जादा पाप कितयो थे, मेरी जिन्दगी दुज्यां तांई उदाहरण है, जिना बादे च यीशु मसीह पर भरोसा करणा है, कने हमेशा दी जिन्दगी जो हासिल करणी है। (aiōnios g166) 17 हुण युगां-युगां दे राजा दी, कदी नी नाश होणे बाले कने कदी नी दिखयो कने इकलोते सच्चे परमेस्वरे दी इज्जत कने महिमा युगां-युगां दीकर होंदी रे। आमीन। (aiōn g165) 18 हे पुत्र तीमथियुस, मैं तिजो ऐ हुकम दिन्दा है, की तू उना भविष्यवाणियां जो याद कर जडियां परमेस्वरे दे संदेश देणेबालयां तैरे तांई कितियां थियां, तू इना गल्लां जो झूठे गुरुआं दे खिलाफ हथियारे सांई इस्तेमाल कर। 19 तुसां जो लगातार यीशु मसीह पर भरोसे च बणी रेणा कने साफ अंतरात्मा रखणी चाईदी। पर केई लोकां अपनी अंतरात्मा जो खराब करी दितया है कने उना मसीह पर भरोसा करणे दी काबलियत जो खत्म करी दितया है, ठीक तियां ही जियां इक जाज कुसी चिजा ने भजी करी डुबी जांदा है। 20 उना चे ही हुमिनयुस कने सिक्दर न, मैं उना जो कलीसिया ला बाहर कडी दिता कने शैताने दिया शक्तिया दे हवाले करी दिता, की सै परमेस्वरे दी बुराई करणा ना सिखन।

2 सारयां ला जरूरी बिनती ऐ है की, प्राथना, निवेदन कने धन्यावाद सारे माणुऐ तांई करा। 2 कने राजयां कने सारे उच्चे पदां दे अधिकारियां तांई प्राथना करा, की असां सुख शान्ति कने सुरक्षा ने अपनी जिन्दगी जी सकन, ताकि असां परमेस्वरे दी भक्ति करी सकन कने साडा बर्ताब दुज्यां तांई अच्छा होई सके। 3 लोकां तांई इयुदियां प्राथना करणा साडे उद्धारकर्ता परमेस्वरे जो खरा लगदा है, 4 क्योंकि परमेस्वर चांदा है, की सारयां लोकां दा उद्धार हो कने सै यीशु मसीह दी सच्ची शिक्षा दा ज्ञान पाई सकन। 5 क्योंकि सिर्फ इक ही परमेस्वर है, कने इक ही माणु है जडा परमेस्वर कने माणुऐ जो मिलादां है, सै माणु प्रभु यीशु मसीह है जडा माणुऐ दे स्पे च पैदा होया, 6 यीशु मसीहे अपने आपे जो सारयां लोकां दे पापां कने हमेशा दी मौत छुटकरे तांई बलिदान करी दिता, ऐ करिरी परमेस्वरे सही बकते पर साबित कित्ता की, सै चांदा है की सारे लोक बच्ची जान। 7 इसा बजा ने, परमेस्वरे मिंजो शुभसमाचार दा प्रचारक कने इक प्रेरित होणे तांई चुण्या है। उनी मिंजो होर जातियां तांई भरोसे दा सच्चा संदेश देणे तांई चुण्या, मैं झूठ नी बोलदा, सच्च बोला दा है। 8 मैं चांदा है की, जालू तुसां परमेस्वरे दी अराधना करणे तांई गिठे होंदे न, कने सै मर्द जडे पबित्र जिन्दगी जिन्दे न, बिना गुरुसे कने पूरी शरदा ने अपने हथ उपर चुकी करी प्राथना करा। 9 इयां ही मसीह जनानिया जो भी सही ढंगे दे कपडे पांणा चाईदे, जडे तुहाडे शरीर जो ढंगे ने ढकी सकन, ना की ऐसे होन की सै मर्दा जो आकर्षित करन; कने तुहाडे बालां दा अंदाज ऐसा ना हो की लोकां जो आकर्षित करे, 10 पर अपने आपे जो दुज्यां तांई भले कम्म करी के छेल बणा, क्योंकि परमेस्वरे दी भक्ति करणे बालियां जनानिया तांई ऐई सही है। 11 जालू मर्द विश्वासी लोकां जो सिखा दे होन, तां सारी जनानियां जो चुपचाप कने बडी इज्जता ने सुणना कने सिखणा चाईदा। 12 मैं बोलदा है, की जनानिया मर्दा जो शिक्षा ना

देन कने ना ही उना पर हुकुम चलान जालू सै यहूदी जंज घर च गिठे होंदे न, पर जनानिया चुपचाप रेन। 13 ऐ मै इस ताई बोलदा है क्योंकि परमेश्वरे पेहले मर्द बणाया जिसदा ना आदम था, उदे बाद जनानी बणाई जिसा दा ना हव्वा था। 14 कने इक होर बजा ऐ है, सै हव्वा ही थी जिसयो शैताने बहकाया था, आदम नी था। ऐसा करिके हव्वा परमेश्वरे दा नियम तोड़या। 15 पर परमेश्वरे जनानिया जो बच्चे पैदा करणे दिया बजा ने बचाई लेणा है, अगर उसा दा मन शुद्ध है कने मसीह च अपने भरोसे ला भटकदी नी है, होर लोकां ने प्यारभाव रखदी, कने इक निर्दोष जिन्दगी जिन्दियां न।

3 ऐ गल्ल सच्ची कने भरोसे दे काबिल है, की जडा कलीसिया दा अगुवा बणना चांदा है, तां सै इज्जतदार कम्मा दी इच्छा रखदा है। 2 इस ताई ऐ जरूरी है की अगुवा निर्दोष हो, इक ही घरे बाली हो, सेहनशील, अच्छा हो, इज्जतदार हो, परंप्रिया दा इज्जत करणे बाला, कने परमेश्वरे दा बचन सिखाणे च काबिल हो। 3 शराबी या मारकुटाई करणे बाला ना हो; पर दयालु हो, शान्तिप्रिय हो, कने ना पैसै दा लालची हो। 4 अपने घर परिवार जो ढंगे ने सम्भालदा हो, कने अपने बचयां जो आदर ने अपना केहणा मनणा सिखांदा हो। 5 अगर कोई अपने ही घर परिवारे जो सम्भालना नी जाणदा हो, तां सै परमेश्वरे दी कलीसिया जो भी नी सम्भाली सकदा है। 6 कने ऐसा ना हो की जिनी नौआ-नौआ भरोसा कितया हो, सै घमंडी होई जाए कने उसयो शैताने सांई सजा मिल्ले। 7 कने संसारिक लोकां च भी उदी अच्छी इज्जत हो, इयां ना हो की लोक उदी बुराई करदे होन कने शैताने दे फंदे च फंसी जा। 8 इयां ही कलीसिया च सेवक भी इयोदे होन जिना दी लोक इज्जत करन, कने इमानदार होऐ, शराबी नी होऐ, सै ऐसा माणु नी होणा चाईदा जडा पैसे ताई कुछ भी करे; 9 कने उस बाल साफ अंतरात्मा हो, जिसने सै लगातार ऐ भरोसा करे की परमेश्वरे जडी शिक्षा दितियो है सै सच्ची है। 10 कने ऐ भी सेवक बणने ला पेहले परखणे चाइदे, अगर कोई भी इना अंदर दोष नी तोपी सके, तां सै सेवकां दे कम्म करन। 11 इयां ही सेवका दियां घरे बालियां भी इयुदियां होणा चाईदियां जिना दी लोक इज्जत करन, दोष नी लाणे बाली हो, अकली ने कम्म करणे बाली हो कने सारियां गल्लां च भरोसे दे काबिल होणी चाईदी। 12 कलीसिया दे सेवक अपनी घरे बालिया ला बफादार हो कने अपने बाल-बचयां कने अपने परिवारे जो ढंगे ने सम्भालने बाला हो। 13 क्योंकि जडे सेवके दा कम्म अच्छे ने करी सकदे न, उना जो लोकां ला अच्छी इज्जत मिलदी है, सै हिम्मताने यीशु मसीह पर भरोसे दे बारे च बोली सकदे न। 14 मै तेरे बाल तोल्ले ओणे दी आस रखीकरी भी ऐ गल्लां तिजो इस ताई लिखा दा है, 15 अगर मेरे ओणे च देर होईया तां तिजो इसा गल्ला दी जानकारी रे की, परमेश्वरे दे परिवारे दे लोकां दा बर्ताब कदिया होणा चाईदा। परमेश्वर दा प्यार जिन्दे परमेश्वर दी कलीसिया है, ऐ इयां ही सच्ची शिक्षा दा साथ दिन्दे न कने बणाई रखदे न, जियां इक मजबूत नि कने खम्बे घरे जो मजबूत करदे न। 16 इदे च कोई शक नी की जडी शिक्षा परमेश्वरे प्राट किती सै सच्ची है, जिसयो मना नी करी सकदे मतलब की, यीशु

मसीह माणु बणी करी आया कने, पबित्र आत्मा ला साबित होया की परमेश्वरे दा पुत्र है, कने स्वर्गदां जो मिल्ला, कने महिमा दे स्वर्ग च चुकी लिया, कने चेलयां उदा शुभसमाचार हर जगा प्रचार कित्ता कने, मते सारे संसारे दे लोकां उस पर भरोसा कित्ता।

4 पबित्र आत्मा साफ-साफ बोलदी है, की आखरी बकते च कुछ लोकां मसीह शिक्षा पर भरोसा करणा छडी करी उना बुरियां आत्मा दियां शिक्षा पर भरोसा करी के अपनाई लेणा जिना उना जो भटकाई देणा। 2 इठे गुरु धोखेबाज न, उना जो नी पता लगणा की सै जडा करा दे न सै सही है की नी, क्योंकि उना दी अंतरात्मा जडी सही कने गलत च फेसला करदी है, सै मरी गियो है, जियां कि इक गर्म लोहे ला उना जो फुकी दितया हो, 3 इयोदे लोक सिखांदे न की बियाह करणा कने खाणे दियां केई-केई चिंजा खाणा गलत है, पर परमेश्वरे हर तरा दा खाणा मसीह पर भरोसा करणे बालयां तांई बणाया है, जडे प्राथना दे बाद धन्यवाद करिके खाणे दी सच्ची शिक्षा जो जाणदे न। 4 क्योंकि परमेश्वरे दी बणाईयो हर इक चीज खरी है, अगर असां परमेश्वरे जो धन्यवाद करी के खान तां असां हर तरा खाणा खाई सकदे न, 5 क्योंकि परमेश्वरे दे बचन कने प्राथना ला हर तरा दा खाणा शुद्ध होई जांदा है। 6 अगर तू मसीह भाई बेहणा जो लगातार ऐ शिक्षा याद दिलांदो रे, की जडी शिक्षा मै तिजो दिती, कने तू मनी भी है कने तू भरोसे दे संदेश कने अच्छी शिक्षा ला मजबूत होया है, तां तू यीशु मसीह दा अच्छा सेबक है कने इसला तेरा पालण-पोषण हमेशा होंदा रे। 7 बणी बणाईयां कहाणियां च बकत खराब मत करा, जिना ला परमेश्वरे जो इज्जत नी मिलदी, तुहांजो अपने आपे जो लगातार सिखांदे रेणा चाईदा की अपनी जिन्दगी ने क्रियां परमेश्वरे जो इज्जत देई सकदे न। 8 क्योंकि व्यायाम करणे ने शरि जो घट फायदा होंदा है, पर परमेश्वरे दी भक्ति सारियां गल्लां तांई फायदेमंद है, क्योंकि ऐ माणुऐ जो इनाम देणे दा बायदा करदा है जालू सै इसा धरती च जिन्दा रेंदा है कने मरणे बाद भी ऐ इनाम मिलणा। 9 ऐ गल्ल सच्च कने भरोसा करणे दे काबिल है। 10 असां जादा मेहनत कने कोशिश इसी तांई करदे न की असां उसा जिन्दगी जो पाई सकन, जिदे तांई साडी आस जिन्दा परमेश्वरे पर है, जडा सारयां दा परमेश्वर है कने जडे उस पर भरोसा करदे न उना दा उद्धारकर्ता है। 11 भरोसा करणे बालयां जो इना गल्लां दा हुकम देईकरी सिखा की सै इना गल्लां जो मनन। 12 इस ढंगे ने जिन्दगी जिया की कोई भी तेरी बेईजती ना करे; पर तुसां दे बचन, तुहाडा बर्ताब, तुहाडा दुज्जयां तांई प्यार, तुहाडा मसीह पर भरोसा कने तुहाडी निर्दोष जिन्दगी उना भरोसा करणे बालयां तांई इक आदर्श बणना चाईदी, जडे तुसां जो अगुवा मदे न। 13 जालू दीकर मै तुहाडे बाल नी ओंदा तालू दीकर पबित्र शास्त्र लोकां जो पढने, कने मतलब दसणे च कने सिखाणे च लगी रे। 14 उना गल्लां जो याद रख जालू अगुवां तिजो पर हथ रखे, कने परमेश्वरे उना जो इक संदेश दितया है की तिजो तेरी खास योग्यता दे बारे च दस्से, जडी परमेश्वरे तिजो दितियो है, इसा योग्यता जो भुलदा मत। 15 इना गल्लां पर लगातार ध्यान ने अभ्यास कर, कने अपने आपे जो

इना गल्लां ताईं पुरे तरीके ने समप्रित करी दे, ताकि हर कोई दिखी सके की तुसां अपने भरोसे च बदा दे न। 16 ध्यान रखा की तुसां कियां जिया दे न कने क्या सिखा दे न, इना गल्लां पर टिकी रिया, क्योंकि अगर तू ऐसा करदा रेंगा, तां तू खुद जो कने जड़े तिजो सुणदे न दोनों जो न्याय बाले दिने बचाई लेणा है।

5 कुसी भी सियाणे माण्णे दी बेजती करणे दे इरादे ने मत झिडकां दिन्दे; उसयो इज्जता ने समझा जियां की सै तेरा अपना पिता है, कने अपने ला छोटयां जो इयां समझा जियां की सै तेरा अपने भाई है; 2 बचुरा जनानिया जो इयां समझा जियां की सै तेरी अपनी माता है, कने जवान बेहणा जो पूरी पबित्रता ने समझा जियां की सै तेरी अपनी बेहण है। 3 उना विधवां जनानियां दी इज्जत कने उना दी देखभाल करा जिना दी देखभाल करणे बाले कोई नी है। 4 अगर कुसी विधवा दे बच्चे, या नाती-पोते होन, तां सै पेहले अपने घर परिवारे दी जिम्मेदारी पूरी करे, जियां इक मसीह भरोसा करणे बालयां जो करणा चाईदा, कने अपने माता-पिता जो उना दा हक देणा सिखे, क्योंकि ऐ सब परमेश्वरे जो पसंद है। 5 जिसा विधवा दा कोई देखभाल करणे बाला नी है, सै परमेश्वरे पर ही आस रखदी है, कने दिन रात बिनती कने प्रार्थना करिरी परमेश्वरे ला सहायता मंगदी है। 6 पर जड़ी विधवा अपना सारा बकत एशो आराम च करदी है, सै शारीरिक स्पे च तां जिन्दा न, पर आत्मिक रूप च मरी गियां न। 7 भरोसा करणे बालयां जो इना गल्लां दा हुकम दे, ताकि उना पर कोई दोष नी लाई सके। 8 अगर कोई अपण्यां रिश्तेदारां दी, कने खासकर अपने परिवारे दी देखभाल ना करे, तां उनी अपना भरोसा छडी दितया है, कने भरोसा नी करणे बालयां ला भी बुरा बणी गिया है। 9 उना ही विधवा दे नां दर्ज करा जडियां सठा सालां ला जादा उमरा दिया होन, कने सै अपने घरे बाले ला बफादार रियो हो, 10 कने अपने भले कम्मा दिया बजा ला उदा ना हो, जिना अपने बाल बचयां दा अच्छे ने पालन-पोषण कितया हो; कने प्रोणयां दी ठीक ठाक सेबा कीतियो हो, कने भरोसा करणे बालयां दी सेबा इक दासिया सांई किती हो, दुखी लोकां दी सहायता कितियो हो, कने हर इक भले कम्मा च मन लाया हो। 11 पर जवान विधवां दे ना दर्ज मत करदे, क्योंकि जालू उना दी शारीरिक इच्छां इक विधवा दे स्पे च मसीह दी सेबा करणे दे वायदे ला जादा बदी जांदियां न, तां सै मसीह ला दूर होईकरी के दुज्जा बियाह करणा चांदिया न, 12 दुज्जा बियाह करिके सै अपने आपे जो दोषी बणाई दिन्दी है, क्योंकि उना अपना पेहला बायदा पूरा नी किता। 13 इदे सोगी सै घरे-घरे फिरी करी सुस्त होणा सिखदियां न, कने सिर्फ सुस्त होणा ही नी, पर दुज्जयां दे बारे च चुगली निंदा करदियां न कने दुज्जयां दे कम्मा च दखल भी दीदियां न, कने बुरियां गल्लां बोलदियां न, कने ऐसियां गल्लां करदियां जडियां इना जो नी करणा चाईदियां। 14 इस ताईं मै ऐ सलाह दिन्दा है, की जवान विधवां जो बियाह करी लेणा चाईदा; कने बच्चे जमन कने घरबार संभालन, कने कुसी भी दुशमणे जो, इना जो बदनाम करणे दा मौका नी दे। 15 मै ऐ इस ताईं बोलदा है क्योंकि केई विधवां एसियां न जिना परमेश्वरे दे हुकमा जो मनणा

छडी दीतिया है, कने तियां ही करदियां न जियां शैतान चांदा है की सै करन। 16 अगर कुसी मसीही परिवारे च कोई विधवा हो, तां सेई उसा दी सहायता करन ताकि उसा दा भोज कलीसिया पर ना ओए, ताकि कलीसिया ऐसी विधवां दी देखभाल करी सके जिना दी देखभाल करणे बाला कोई नी है। 17 जड़े अगुवे अपना कम्म अच्छे ने करदे न, सै दो गुणा इज्जत कने मजदूरी दे काबिल समझे जान, खासकर सै जड़े परमेश्वरे दे बचन जो मेहनता ने सिखादे कने प्रचार करदे न। 18 ऐ पबित्र शास्त्र लिखया है, की गांण गांटे बेले दांटे दा मुं मत बनदे, होर ऐ भी लिखया है, “की इक मजदूर जो उदी मेहनत दी मजदूरी लेणे दा हक है।” इस ताईं कलीसिया जो अपने अगुवे जो मजदूरी देणी चाईदी। 19 अगर अगुवे पर कोई दोष लगांदा है तां तुसां तालू दीकर उस दोषे जो मत मन्ना जालू दीकर दो या तिन गबाह बोलन की असां इसयो खुद गलत कम्म करदे दिखया है। 20 तुसां जो उस भरोसा करणे बालयां जो जडा पाप करदा है, सारायां सामणे डांटी करी समझाई दिया, ताकि होर भरोसा करणे बाले लोक पाप करणे ला भी डरन। 21 परमेश्वर, कने मसीह यीशु, कने स्वर्गदूतां दी मोजदूरी च, मै तिजो चेतावनी दिन्दा है, की तू कुसी इकी दा पक्ष मत ले, साबना ने इकोदिया बर्ताब कर। 22 कुसी पर भी तालू दीकर हथ रखीकरी अगुवा नियुक्त मत करा जालू दीकर सै साबित नी करे की सै प्रभु यीशु सोगी बफादार है, अगर तू इयां करदा है तां तू भी उदे पापां दा हिस्सेदार है; अपने आपे जो पापां ला दूर रखा। 23 भविष्य च बस पाणी ही पिणे बाला मत बणदा, पर अपने पटे ताईं कने बार-बार बीमर होणे दिया बजा ने थोडा कदी-कदी दाखरस दवाई सांई पी लिया करा। 24 मै, जल्दबाजी च कुसी जो अगुवा नी बणाणे तांई इस तांई बोलया क्योंकि कुछ लोकां दे पाप तां जल्दी सामणे आई जांदे न, कने न्याय होणे ला पेहले ही सै सारे भरोसा करणे बालयां सामणे दोषी न, पर कुछ लोकां दे पाप बडे बक्ते बाद सामणे ओंदे न। 25 तियां ही कुछ भले कम्म करदे न, सै कम्म दुज्जे भरोसा करणे बालयां दे सामणे ओंदे न, अगर ऐ कम्म भरोसा करणे बालयां सामणे नी ओंदे न, फिरी भी उना इना कम्मा जो जाणी लेणा।

6 जितणे भी भरोसा करणे बाले गुलाम न, इना जो अपने-अपणे मालिकां दी इज्जत करणी चाईदी, ताकि दुज्जे लोक परमेश्वर दी कने साडी शिक्षा दी बुराई ना करन। 2 जिना दे मालिक भरोसा करणे बाले न, उना जो मसीह भाई होणे दिया बजा ला पूरी इज्जत दिया, कने उना दी होर भी जादा सेबा करा, क्योंकि जड़े सेबा ला फायदा लेंदे न, सै उना ला मसीह भाई सांई प्यार करदे न। इना गल्लां दा उपदेश करदे रिया कने लोकां जो भी करणे जो बोला। 3 अगर कोई झूठी शिक्षा दिन्दा है, कने साडे प्रभु यीशु मसीह दे संदेश कने परमेश्वरे दी भक्ति दी शिक्षा जो नी मनदा है, 4 तां सै घमंडी है, कने सै कुछ नी समझदे न, पर सै अखरां दे मतलब जो लेईकरी दुज्यां सोगी बेहस कने झगडा करणा चांदे न, जिसा बजा ने जलन, लडाई, दुज्यां दी निंदा, 5 कने दिमागे च बेकार शक भई जांदा है, कने जड़े सच्च ला भटकी गियो न उना माणुआं च लडाईयां होई

जांदियां न, कने ऐ सै न, जडे परमेश्वरे दी भक्ति जो कमाईया दा बोलदे न। 21 केई लोकां इसा गलत शिक्षा जो अपनाई लिया, कने जरिया समझदे न। 6 पर साडे तांई ऐई खरा है की, असां सै कम्म इयां करणे ने सै मसीह दी शिक्षा ला भटकी जांदे न। मै ऐ प्राथना करन जडे परमेश्वरे जो खुश करदे न, कने उस च खुश रिया जडा करदा है की परमेश्वरे दा अनुग्रह तुसां पर होंदा रे। परमेश्वरे सांझो दितया है। 7 क्योंकि असां इस संसारे च कुछ भी लेईकरी नी आयो न, इस तांई ना ही कुछ लेईकरी जाई सकदे न। 8 अगर साडे बाल खाने पीणे कने पाणे तांई है, तां इसी पर सांझो खुश रेणा चाईदा। 9 कने जडे बडे अमीर होणा चांदे न, सै लोक असानिया ला पाप दे जाले च फसी जांदे न, जियां इक जानवर फंदे च फसी जांदा है, सै ऐसियां चीजां करणा चांदे न जडियां बेकार कने नुकसानदायक न, इना इच्छा उना जो बर्बाद कने खत्म करी देणा। 10 क्योंकि पैसयां दा लालच सारियां बुराईयां दी जड है, केई लोक मसीह दियां शिक्षा पर भरोसा करणा छडी दिन्दे न, क्योंकि सै बडे जादा अमीर होणा चांदे न, कने सै बडे दुखां च पेई जांदे न, जियां इकी माणुऐ अपने आपे जो हथियारे ने बिनी लियो हो। 11 पर तू, तीमुथियुस जडा परमेश्वरे दा सेवक है, तू इना सारियां गल्लां ला दूर रे; कने धर्म, भक्ति, भरोसा, प्यार, सबर, कने नम्रता दा पिच्छा कर। 12 जियां इक अच्छा सिपाई लडाईया दे बकत कदी भी हार नी मनदा; तियां ही तू भी परमेश्वरे पर भरोसा करणे कने उदे हुकम मनणे च कदी हार मत मन, कने हमेशा दी जिन्दगी जो पकडी रख, जिदे तांई तिजो सदया कने मतयां गबाह दे सामणे तू प्रभु यीशु मसीह जो मनया है। (aiōnios g166) 13 पिता परमेश्वर जो गबाह मनी करी, जडा सारयां जो जिन्दगी दिन्दा है, कने यीशु मसीह जो गबाह मनी करी जिनी पुन्तियुस पिलातुस दे सामणे अपने बारे च सच्च बोलया, इना जो गबाह मन्नी करी तिजो ऐ हुकम दिन्दा है। 14 कि तू उना सारे कम्मा जो करी सके जिना जो करणे तांई परमेश्वरे हुकम दितया है। इस तांई की साडे प्रभु यीशु मसीह दे दुबारा मुडी ओणे दिकर कोई तिजो पर दोष ना लाई सके। 15 परमेश्वर, इकलोता राजा है जडा महिमा दे काबिल है, जडा राजयां दा राजा है कने प्रभुआं दा प्रभु है, उनी सही बकते पर प्रभु यीशु मसीह जो प्रगट करणा है, 16 कने इक से ही है जिनी हमेशा जिदा रेणा है, कने सै ऐसी चमकदी लौई च रेंदा है इस तांई कोई भी इदे बाल नी जाई सकदा है, कने उसयो ना कदी कुनी माणुऐ दिखया कने ना ही कदी दिखी सकदा है। उदी महिमा कने शक्ति युगां-युगां तक रेणी है। आमीन। (aiōnios g166) 17 इस संसारे दे सारे अमीरां जो हुकम दे की सै घमंड ना करन कने अपणी धन धोलता पर भरोसा मत रखा जडी थोडे दिना तांई है, पर परमेश्वरे पर भरोसा रखा जडा सांझो सब कुछ दिन्दा है, जिसदा असां सुख लेई सकदे न। (aiōn g165) 18 कने उना जो बोला की भलाई करा, कने मते सारे भले कम्म करा, कने दयालु बणा कने सहायता करणे तांई हमेशा अग्रे रिया, 19 ऐ सब करणे ला तुसां अपने तांई स्वर्गे च धन गठेरदे न, कने ऐ चोरी नी होंदा कने परमेश्वरे उना जो सच्ची जिन्दगी देणी, जिसदा मतलब हमेशा दी जिन्दगी। 20 हे तीमुथियुस, तुसां सेई कर जडा परमेश्वरे करणे दा हुकम दितया है, कने बेकार गल्लां कने उना शिक्षा ला दूर रे, जडियां परमेश्वरे दी शिक्षा दे खिलाफ न, जिसयो सै गलती ने ज्ञान

2 तीमथियुस

1 मैं पौलस जडा साडे पिता परमेश्वरे दिया तरफा ला प्रभु यीशु मसीह दा प्रेरित होणे ताई चुणया है। ताकि मैं प्रचार करी सके, की यीशु मसीह पर भरोसा करणे पर हमेशा दी जिन्दगी देणे दा परमेश्वरे बायदा कितया है, **2** मैं ऐ चिठी तीमथियुस जो लिखा दा है, जडा मेरे अपने प्यारे पुत्रे साई है। मैं प्रार्थना करदा है की पिता परमेश्वर कने साडे प्रभु यीशु मसीह दिया तरफा ला तिजो अनुग्रह, दया कने शांति मिल्ले। **3** मैं परमेश्वरे दा धन्यवाद करदा है, जिसदी सेवा मैं शूद्र अंतरात्मा ला किती जियां मेरे पूर्वज करदे थे, जालू भी मैं प्रार्थना करदा है, तां प्रार्थना च तिजो हमेशा याद करदा है, **4** मिजो याद है की तू कितणा रोया था, जालू मिजो तिजो छडी करी जाणा पिया था, कने तेरे आंसुआं जो याद करिरी दिन रात तिजो ने मिलणे दी इच्छा रखदा है, की मैं खुशिया ला भरई जां। **5** मैं यीशु मसीह च तेरे भरोसे जो भी याद करदा है, जडा सारयां ला पेहले तेरी नानी लोइस, कने तेरी माता यूनीक च था, कने मिजो यकीन है की सेई भरोसा तेरे अंदर भी है। **6** इस ताई मैं तिजो याद दिलादां है कि तू उना बरदाना जो दोबारा ला जगा कर जडे परमेश्वरे तिजो उस बकत दितयो थे जालू मैं तेरे सिरे पर हथ रखे। **7** क्योंकि परमेश्वरे सांझो डरफोक नी बणाया है, पर परमेश्वरे दी आत्मा साडे मना जो मजबूत करदी है, कने दुज्जयां ने प्यार करणे च सहायता करदी है, कने सांझो सबर रखणा सिखांती है। **8** इस ताई ना तां साडे प्रभु दे बारे च गबाई देणे च शर्म करा, कने ना मिजो ला शर्म करा, जडा यीशु मसीह दी सेवा करणे ताई जेला च है, पर उस परमेश्वरे दी शक्तिया ला शुभसमाचारे ताई दुख झेलणे ताई मेरे सोगी जुडी जा। **9** परमेश्वरे ही साडा उद्धार कितया है, कने पबित्र जिन्दगी ताई सांझो सदया है, कने उनी सांझो इस ताई नी चुणया की असां खरे कम्म किते न; पर संसार दे बगाने ला पेहले परमेश्वरे यीशु मसीह जो इस संसार च भेजणे दे जरिये अपना अनुग्रह दसणे दी योजना बणाई। (aiōnios g166) **10** पर हुण साडा उद्धारकर्ता प्रभु यीशु मसीह आई गिया है, कने उनी मौत दी शक्ति जो हराई दिता है, कने शुभसमाचारे दे जरिये सांझो हमेशा दी जिंदगी दा रस्ता दसया है। **11** कने परमेश्वरे मिजो इस शुभसमाचार दा प्रचार करणे कने प्रेरित बणने ताई कने लोकां जो उपदेश देणे ताई चुणयां है। **12** इसा ही बजा ने मैं दुखां जो भी झेलदा है, कने शरमांदा नी है, क्योंकि मैं यीशु मसीह जो जाणदा है जिस पर मैं भरोसा कित्या; कने मिजो पक्का पता है, की यीशु मसीह उस दिने दीकर जालू दीकर सै बापस नी ओगा, उदी रक्षा करणे च सक्षम है, जडा उनी मिजो दितया है। **13** जडी सच्ची शिक्षा तू मिजो ला सुणियो है, इसा जो उस भरोसे कने प्यारे ला जडा यीशु मसीह च बसया है, उना जो अपना आदर्श बणाई कर रखा। **14** पबित्र आत्मा दिया सहायता ला जडा सांझो च रेदा है, सच्चाई दी रखबाली करा जडी परमेश्वरे सांझो दिती थी। **15** तू जाणदा है की मते सारे आसिया प्रदेश दे भरोसा करणे बालयां मिजो छडी दितया है, जिना च फुगिलस कने हिरमुगिनेस न। **16** उनेसिफुसस दे घरे पर प्रभु

दया करे, क्योंकि सै मिजो ने बडी बरी मिलणे जो आया कने मेरी सहायता किती, कने सै जेला च भी मिजो ने मिलणे ताई शर्मिंदा नी होया। **17** पर जालू सै रोम शेहरे च आया, तां उनी मिजो हर जगा च तोपया कने मिजो ने मिल्ला। **18** प्रभु करे, की न्याय दे दिने उस पर बडी दया करे। कने जडी सेवा उनी मेरी इफिसस शेहरे च किती है, उसा जो तू अच्छे ने जाणदा है।

2 इस ताई हे मेरे पुत्र तीमथियुस, ऐ जाणी करी तू अपने आपे जो मजबूत बणा की परमेश्वरे तिजो अनुग्रह दितया है जडा सिर्फ यीशु मसीह दिया तरफा ला मिलदा है। **2** तू मिजो मतयां लोकां दे सामणे मसीह दे बारे च शिक्षा दिन्दे सुणया है, इस ताई मैं चांदा की तू भी भरोसा करणे बालयां जो इस शिक्षा जो सिखा, जडे बाकियां जो भी सिखाणे दे काबिल न। **3** यीशु मसीह दे अच्छे सिपाई साईं मेरे सोगी सबर ने दुखां दा सामणा कर। **4** अगर कोई सिपाई जडा सेना च है, तां सै होर कोई कम्म धंधा नी करदा क्योंकि सै अपने बड़े अधिकारियां जो खुश करणा चांदा है। **5** इयां ही अगर कोई पेहलवान कुशती दे अखाडे च हिस्सा लेंदा है, कने नियमा दे अनुसार नी लडदा है, तां सै जीत दा इनाम नी जीती सकदा है। **6** जडा किसान मेहनत करदा है, फसल दा पेला हिस्सा उसयो ही मिलणा चाईदा। **7** इना उदाहरणा दे बारे च सोच की ऐ क्या सिखाणा चांदे न, कने प्रभु तिजो इना गल्लां जो समझणे च सहायता करे। **8** हमेशा यीशु मसीह दे बारे च सोचदा रे, जडा राजा दाऊदे दे वंशे ला था, कने परमेश्वरे उसयो मरयां चे जिन्दा कित्या; कने ऐ ही सै शुभसमाचार है, जिसदा मैं प्रचार करदा है। **9** इसी शुभसमाचारे दिया बजा ने मैं जेला च इक अपराधी साईं दुख झेला दा है, पर परमेश्वरे दे शुभसमाचार जो प्रचार करणे ला कोई नी रोकी सकदा है। **10** इस ताई मैं परमेश्वरे दे चुणयो लोकां दे फायदे ताई सारे दुखां जो सेहन करदा है, ताकि सै यीशु मसीह पर भरोसा करन कने बची सकन कने उना जो हमेशा दी महिमा मिल्ली सके। (aiōnios g166) **11** ऐ गल्ल सच्च है कने भरोसा करणे दे काबिल है, की अगर असां यीशु मसीह सोगी मरी गियो न, तां उदे सोगी जिंदा भी होणे। **12** अगर असां यीशु मसीह दिया बजा ने दुख झेलणे, तां असां उदी बजा ने राज भी करणा है; अगर असां बोलगे की असां यीशुऐ दे चले नी न, तां उनी बोलणा की मैं इना जो नी जाणदा। **13** अगर असां मसीह सोगी बफादार नी न, फिरी भी सै साडे सोगी बफादार है, क्योंकि सै खूद अपने सभाव दे खिलाफ नी जाई सकदा है। **14** बार-बार इना गल्लां दी शिक्षा भरोसा करणे बालयां जो दिया, जडियां मैं तुहांजो सिखाईयां न, कने प्रभु जो गबाह बणाई करी उना जो चेताबनी दिया की अखरां दे मतलब पर बेहस मत करा, इयां करणे ने कोई फायदा नी होंदा; पर सुणनेबाले लोकां ताई नुकसान है। **15** तुहांजो जितना जादा होई सके मेहनत करणी चाईदी की परमेश्वर तुहांजो ऐसा कम्म करणे बाला साबित करी दे, जडा कदी भी शर्मिंदा ना होन, कने जडा परमेश्वरे दे बचना जो ठीक तरीके ने सिखांदा हो। **16** पर संसारिक गल्लां कने बेकार गल्लां ला बची रिया, क्योंकि जडे लोक इशुदियां गल्लां च हिस्सा लेंदे न, सै होर भी जादा परमेश्वरे ला दूर होई जांते न। **17** उना

दी झूठी शिक्षा फैलीकरी लोकां दे भरोसे जो तोड़ी दिन्दी है, जियां खला सडया होया जखम माणुए जो खत्म करी दिन्दा है: हुमिनयुस कने फिलेतुस भी उना चे ही न, 18 उना सच्चाई पर भरोसा करणा छडी दितया है, सै ए बोलेदे न की परमेश्वरे मरी गियो भरोसा करणे बालयां जो पेहेले ही हमेशा दी जिन्दगी ताई जिन्दा करी दितया है, जिसदी बजा ने सै कुछ विस्वासियां जो यीशु मसीह पर भरोसा करणे ला भटकाई दिन्दे न। 19 पर परमेश्वरे दे लोक उसा पक्की नियां सांई न जडी कदी हिलदी नी, उसा पक्की नियां पर खोदी करी लिखया है की, “प्रभु अपने लोकां जो जाणदा है” कने “जडा कोई प्रभु दी भक्ति करदा है, सै बुराई ला बचीरैदा है।” 20 बड़े घरे च सिर्फ सोने या चांदी दे ही नी, पर लकडी कने मिट्टी दे भांडे भी होंदे न, कुछ भांडयां दा इस्तेमाल खास मौकयां ताई होंदा है, कने कुछ भांडयां दा इस्तेमाल आम कम्मा ताई होंदा है। 21 इस ताई अगर कोई अपने आपे जो गंदगी ला साफ करगा, तां सै उस आदर दे भांडे सांई होई जाणा जिसयो आदर ताई इस्तेमाल करदे न, उदी जिन्दगी पबित्र होगी कने मालिक उसयो इस्तेमाल करी सकदा है। 22 इस ताई उना पापी इच्छां ला बची रिया जडियां जवान लोकां जो अपने पाससे खिचदियां न; कने उना लोकां दी संगती करा, जडे धार्मिकता, भरोसा, प्यार कने शांत सभाब कने जडे साफ मने ला परमेश्वरे दी भक्ति करदे न। 23 कने सुर्खता कने फालतू गल्लां ला दूर रिया, क्योंकि तू जाणदा है की इना ला झगडे होंदे न। 24 कने प्रभु दे दासे जो लडाका नी होणा चाईदा, पर उसयो सबना ने प्यारभाव ने गल्ल बात करणे बाले, कने परमेश्वरे दी शिक्षा जो अच्छे ने सिखाणे बाला, कने सेहनशील होणा चाईदा। 25 कने जडे लोक इना दा बिरोध करदे न, उना जो प्यारभाव ने सच्ची शिक्षा जो समझादां हो, क्या पता परमेश्वर उना दा मन बदली दे, जिसला उना जो यीशु मसीह दी सच्चाईया जो जाणने दा मौका मिले। 26 कने ताकि सै जागरूक होई जान कने शैताने दे बशे ला बाहर निकली सकन, जिनी उना जो धोखा दिता कने सेई करवाया जडा सै चांदा था।

3 तीमथियुस, मैं चांदा की तू ए जाणे, की यीशु मसीह दे दुबारा मुडी करी ओणे दे आखरी रोजां च ऐसा बुरा बकत ओणा है। 2 क्योंकि लोक मतलबी, लालची, डीगमार, घमंडी, निंदा करणे बाले, माता-पिता दी गल्लां जो नी मनणे बाले, मतलबी, अपबित्र, 3 दुज्जयां ने प्यार नी करणे बाले, माफ नी करणे बाले, दोष लागे बाले, अपणियां इच्छां पर काबू नी रखणेबाले, झगडाए, अच्छाई ला नफरत करणे बाले, 4 भरोसा तोड़ने बाले, ठीठ, घमण्डी, परमेश्वरे जो नी पर अपने ऐशो अराम जो प्यार करणे बाले होंणे न। 5 इयोदे लोक दिखणे च तां परमेश्वर दे भक्त लगदे न, पर ए उसा शक्ति जो नी मंदे, जडी उना जो परमेश्वर दा भक्त बनाई सकदी है, ऐसे माणुआं ला दूर ही रैनयो। 6 इना चे ही कुछ लोक ऐसे भी न, जडे धोखे ला लोकां दे घरां च बडी जांदे न, कने उना मुर्ख जनानिया जो वशे च करी लेंदे न, जिना दा मन पापां दे भोज ने दबूईया कने हर तरा दी वासना दे वशे च फसियां न। 7 कने सै हमेशा नोईयां शिक्षां जो सिखदियां रेंदियां न पर यीशु मसीह दी सच्ची शिक्षा जो कदी

नी समझी सकदी। 8 कने ए झूठे गुरु न, जडे यीशु मसीह दियां सच्चियां शिक्षा दा बिरोध करदे न, जियां यन्नेस कने यन्नेसे मूसा दा बिरोध किता था, इना दी अकला जो कीडे पेई गियो न कने, प्रभु यीशु मसीह पर भरोसा नी करदे न। 9 सै लम्बे बकते दीकर लोकां जो धोखा नी देई सकदे, क्योंकि जियां लोकां यन्नेस कने यन्नेसे दिया मुर्खता जो पछेणी लिया था, तियां ही सारयां जाणी लेणा की ए भी मुर्ख न। 10 पर हे तीमथियुस, तू अच्छे ने जाणदा है की मैं क्या सिखादां, कने मैं कियां जिन्दगी जिन्दा है, कने मेरियां क्या योजना थियां कने मेरा क्या भरोसा है। तू जाणदा है की मैं कितणा सेहनशील कने दुज्जयां ने प्यार करदा है, कने दुख मुसीबतां जो सेहन कितया है, 11 कने तू उना भयानक दुखां दे बारे च जाणदा है, जडे अन्ताकिया कने इकुनियुम कने लुम्बा दे शेहरां दे लोकां मिजो दिते कने मैं उना दुखां जो कियां झेलया, पर प्रभुए मिजो इना ला छुड़ाई लिया। 12 जितणे भी लोक परमेश्वर जो खुश करणा चांदे न कने यीशु मसीह पर भरोसा करदे न, उना सारयां जो दुख कने परेशानियां झेलणियां पोंणियां। 13 पर बुरे लोकां कने धोखा देणेबाले लोकां होर भी जादे बुरे कम्म करणे, उना लोकां जो धोखा देणा कने उना अपु भी होर लोकां ला धोखा खाणा। 14 पर हे तीमथियुस, उना गल्लां पर जडियां तू मिजो ला सिखियां न, कने जिना पर तू भरोसा किता है, इना जो तू लगातर भरोसे ने मनदा रे। क्योंकि तू जाणदा है की तिजो ए सच्चाईयां कुनी सिखाईयां न। 15 तालू ला जालू तू इक छोटा बच्चा था, तू पबित्र शास्त्र जो सिखया है, जडा तिजो ए समझणे च सहायता करदा है कि जालू तू यीशु मसीह पर भरोसा करदा है तां परमेश्वर तिजो बचांदा है। 16 सारा पबित्र शास्त्र सै बचन है जिसयो परमेश्वरे अपने पबित्र लोकां दे मने च पाया कने उना इस बचने जो इस ताई लिखया है, ताकि असां इदा इस्तेमाल लोकां जो सच्ची शिक्षा सिखांणे, कने जडे लोक गलत करदे न उना जो समझाणे, कने लोकां जो दसणे ताई की कियां अच्छी जिन्दगी जि सकदे न, 17 ताकि परमेश्वरे दे लोक तैयार होइ जान कने हर इक भले कम्म करणे दे काबिल होइ जान।

4 जालू यीशु मसीहे राजे सांई राज करणा ओणा है, तालू उनी उना दोनों दा न्याय करणा है, जडे लोक जिन्दे न कने उना दा भी जडे मरी गियो न, इस ताई पिता परमेश्वरे कने प्रभु यीशु मसीह जो गबाह मन्नी करी मैं तिजो आदेश दिन्दा है। 2 की हर तरा दे हालातां च तू परमेश्वर दे बचना दा प्रचार करणे तांई तैयार रे, चाहे हालत अच्छे होन या हालात बुरे होन, तिजो लोकां जो दसणा है की उना क्या गलत किता, कने उना दे पांपा तांई उना जो समझा, पर तिजो उना लोकां जो उत्साहित भी करणा है, जालू तू उना जो सबर ने सिखांदा है। 3 क्योंकि ऐसा बकत भी ओणा, की जालू लोकां सच्चिया शिक्षा जो नी मनणा है, पर उना अपणी ही इच्छा दे अनुसार चलणा, कने उना ऐसे होर मते गुडूआं जो तोपणा है, जडे सेई सिखांदे न जडा सै सुणना चांदे न। 4 ऐसे लोक परमेश्वरे दिया सच्चाई जो सुणना नी चांदे पर उना झूठ कने माणुआं दी बणी बणाईयां कहाणियां ही सुणनियां न। 5 पर तू सारियां गल्लां च शांत कने साबधान रे

चाहे तिजो दुख तकलिफां जो झेलणा पोए, कने शुभसमाचारे दे प्रचार ताई मेहनत कर, कने परमेश्वरे दा सेवक होणे दे नाते न तू सै सारे कम्म करणे न जडे तिजो दितयो न। 6 मैं ऐ हुकम इस ताई दिन्दा है, क्योंकि परमेश्वरे ताई मेरी जिन्दगी कने मेरे कम्म करणे दी ताकत घटा दी है, क्योंकि मैं जाणदा है मैं जल्दी मरणे बाला है। 7 जियां इक सच्चा सिपाई लड़ाईया बकते हार नी मनदा तियां ही मैं भी कदी मसीह ताई मेहनत करणे ला हार नी मन्नी, मैं उना सारे कम्मा जो पूरा किता जडे यीशु मसीहे मिजो करणे जो दिते, मैं आखरी दीकर बफादार रिया। 8 प्रभु यीशु मसीहे मिजो धार्मिकता दा ताज देणा, जडा सच्चा न्याय करदा है, कने ऐ इनाम मिजो उस रोज मिलणा जालू उनी दुबारा मुडी ओणा है, कने ऐ इनाम सिर्फ मिजो ही नी पर उना सारे लोकां जो मिलणा है जडे चांदे न की यीशु मसीह दुबारा मुडी ओए। 9 तिमथियुस, तू मेरे बाल जल्दी औणे दी कोशिश कर। 10 क्योंकि देमास उना चीजां ने प्यार करदा है जडियां इस संसारे दियां न, कने मिजो छडी करी थिस्सलूनीके शेहरे जो चली गया है, भाई क्रेसकेंस गलातिया प्रदेशे जो कने भाई तीतुस दलमतिया शेहरे जो चली गया है। (aiōn g165) 11 सिर्फ लूका मेरे सोगी है, कने जालू तू ओगा तालू मरकुस जो सोगी लेई ओयां; क्योंकि सै मेरी सेबकाई ताई बडे कम्मे दा बन्दा है। 12 तुखिकुस जो मैं इफिसुस शेहरे च भेजया है। 13 जालू तू ओगा, तां मेरा गर्म कोट लेई ओयां जडा मैं त्रोआस शेहरे च करपुस दे घरे छडी आया है, कने सोगी मेरी चिठिया जो लेई ओयां, खासकर उसा चिठिया जो जडी भेडा दी खली ने बणियो है। 14 सिकंदर जडा तांबे दे भांडे बणादा था, उनी मिजो बडे दुख दिते, प्रभुऐ उसयो उदे बुरे कम्मा दे अनुसार फल देणा। 15 तू भी अपने आपे जो उसला बचाई रख, क्योंकि उनी यीशु मसीह दिया शिक्षा दिया बजा ने साडा बडा बिरोध कितया है। 16 पैली बरी जालू मैं अपने बचाव ताई रोम शेहरे दी कचेरी च गया, तां कोई भी मेरे सोगी नी था, कने सारे मिजो छडी गे, परमेश्वरे इना दे इस कम्मे जो इना दे खिलाफ ना गिणे, मैं प्राथना करदा है की परमेश्वर इना जो माफ करी दे। 17 पर प्रभुऐ मेरी सहायता किती कने मिजो शक्ति दिती, ताकि मैं होर जाति दे लोकां जो, जडे उस बकत कचेरी च थे, उना जो प्रभु यीशु दा प्रचार साफ-साफ सुणाई सके; कने उनी मिजो मौत ला बचाई लिया। 18 कने प्रभुऐ मिजो हर इक बुरे कम्मा ला बचाणा, कने मिजो स्वर्ग दे राज्य च लेई जाणा है: कने उदी महिमा युगां-युगां दीकर होंदी रे। आमीन। (aiōn g165) 19 प्रिस्का कने अक्विला जो, कने उनेसिफूरस दे परिवार जो मेरा नमस्कार। 20 इरास्तुस कुरिन्थुस शेहरे च रेई गया, कने मैं त्रुफिमस जो मीलेतुस शेहरे च छडी दिता क्योंकि सै बीमार था। 21 सर्दियां ला पेहले औणे दी कोशिश कर। यूबलुस, कने पदूँस, कने लीनुस कने क्लौदिया, कने सारे मसीह भाईयां दिया तरफा ला जडे ऐथू न तिजो नमस्कार। 22 मैं प्राथना करदा है की प्रभु तेरे सोगी कने उदा अनुग्रह भी तेरे सोगी रे।

तीतुस

1 मैं, पौलुस ए चिट्ठी तिजो लिखा दा है, मैं पिता परमेश्वरे दा सेवक कने यीशु मसीह दा प्रेरित है, मिंजो परमेश्वरे दे चुणयो लोकां दे भरोसे जो मजबूत करणे कने उना जो सच्चि शिक्षा जो जाणने च सहायता करणे ताई चुणया है। ताकि सै ऐसी जिन्दगी जीन जडी परमेश्वरे जो खुश करदी हो। 2 जिदी बजा ने सै परमेश्वरे सोगी हमेशा दी जिन्दगीया दी आस रखन, क्योंकि परमेश्वर जडा कदी झूठ नी बोलदा है। उनी ही संसार बणने ला पेहले ए बायदा कितया की परमेश्वरे दे लोकां जो हमेशा दी जिन्दगी मिलणी है। (aiōnios g166) 3 पर हण बिलकुल सही बकते च, परमेश्वरे ए शुभसमाचार सांझो पर प्रगट किता, कने असां सबना जो इदा प्रचार करदे न, साडे उद्धारकर्ता परमेश्वरे मिंजो ए जिम्मेदारी दिती की मैं उदे ताई ए कम्म करी सके। 4 मैं चिट्ठी तीतुस जो लिखा दा है, तू मेरे अपने पुजे साईं है क्योंकि तू मसीह पर भरोसा करदा है जियां मैं करदा है: मैं प्रार्थना करदा है की पिता परमेश्वर कने साडे उद्धारकर्ता मसीह यीशु तिजो हमेशा अनुग्रह, दया कने शांति दिन्दा रे। 5 मैं इस ताई तिजो क्रेते टापू च छडी आया था, ताकि तू ओथु पर साडे बचयो कम्मा जो पूरा करी सके, कने क्रेते टापू दे हर इक शेहरे च अगुवां जो नियुक्त करे, जियां करणे ताई तिजो मैं हुकम दितया है। 6 इक अगुवे जो निर्दोष, कने अपनी घरे बालिया ला बफादार, सेहनशील, जिना दे बच्चे भरोसा करणे बाले होन, कने शरीर दी इच्छा पर नी चलणे बाले हो, कने माता-पिता दी इज्जत करणे बाले होन। 7 क्योंकि अगुवे जो परमेश्वरे दा भंडारी होणे दिया बजा ला निर्दोष होणा चाईदा। ना हठी, ना गुस्से बाला, ना शराबी, ना मारकुटाई बाला, कने पैसे दा लालची हो। 8 पर परोण्यां दी इज्जत करणे बाला हो, भलाई ने प्यार करणे बाला हो, अपने उपर सयम रखणे बाला हो, धर्मी हो, पबित्र हो, समझदार हो; 9 कने उसयो यीशु मसीह दे बारे च भरोसे दे काबिल संदेश पर मजबूतिया ला भरोसा करणा चाईदा, जडा असां उसयो सिखाया है, ताकि सै दुज्जयां जो सही शिक्षा मणणे ताई उत्साहित करी सके कने उना दियां गलतियां जो सही करी सके। 10 मैं ऐसा इस ताई बोलदा है, क्योंकि मते लोक सही शिक्षा दा बिरोध करदे न, जडे बकवास करदे, कने दुज्जयां जो धोखा दिन्दे न। खासकर यहदी लोक जडे विश्वासी बणी गियो न कने उद्धार ताई खतना करणे पर जोर दिन्दे न। 11 तिजो इना लोकां जो शिक्षा देणे ला रोकणा चाईदा क्योंकि जालू सै ऐसी शिक्षा दिन्दे न, तां मतयां परिबारां दा भरोसा खत्म होई जांदा है, सै ए कम्म सिर्फ पैसा कमाणे ताई करदे न। 12 उना चे ही इकी माणुए जडा क्रेते टापू ला है, जिसयो सै अकलमंद माणु मंदे न, उनी ही बोलया है, “क्रेते टापू दे लोक हमेशा झूठ बोलदे न, सै डंगरा साईं बर्ताब करदे न, कने आलसी कने खान्दू लोक न।” 13 ए गल्लां क्रेते टापू दे लोकां ताई अज भी सच्च न, इस ताई उना जो सकती ने चेतावनी दिया कर की सै यीशु मसीह दी शिक्षा पर भरोसा करन। 14 कने सै यहदियाँ दी झूठी शिक्षा कने झूठी कहाणियां पर कने इना माणुआं दे हुकमा पर मन न लगान, जडियां

सच्च दी शिक्षा ला भटकादियां न। 15 ऐसे लोक जिना दे मना च बुरे बिचार नी न, उना ताई सारियां चीजां शुद्ध न, पर सै लोक जडे बुरे न कने यीशु मसीह पर भरोसा नी करदे, कने ना ही कोई अच्छा कम्म करदे न क्योंकि उना दे दिल कने दिमाग दोनों ही पुरे गंदे होई गियो न। 16 ए झूठे शिक्षक बोलदे न की असां परमेश्वरे जो जाणदे न, पर इना दे कम्मा कने चाल चलन ने पता लगदा है, की ए यीशु मसीह जो नी जाणदे न, क्योंकि सै नफरता ने भस्यो होया न कने आज्ञा नी मणने बाले न, कने कुसी भी खरे कम्म करणे दे काबिल नी न।

2 पर तीतुस तिजो भरोसा करणे बालयां जो सेई सिखाणा है, जडा यीशु मसीह दी शिक्षा ने सहमत है। 2 बजुरां मर्द अपने उपर काबू रखणेबाले होन, दुज्जयां ने ऐसा बर्ताब करणे बाले होन की लोक इना दी इज्जत करन, इना दा भरोसा प्रभु पर मजबूत हो, कने दुज्जयां ने प्यार करणे बाला कने सबर रखणे बाला होन। 3 कने इयां ही बजुरां जनानिया दे चाल चलण कने जडा सै करदियां न उसला प्रभु जो इज्जत मान मिल्ले, दोष नी लाणे बालियां होन, कने शराबी नी होन, कने दुज्जयां जो खरियां गल्लां सिखाणे बालियां होन। 4 ताकि सै जवान जनानिया ताई इक अच्छी मिसाल बणन, कने उना जो अपने घरे बालयां कने अपने बचयां सोगी प्यार करणे दी सलाह देन, 5 कने अपने उपर काबू रखणे बाली हो, अपने घरे बाले ला बफादार हो, घर परिबार जो सम्भालने बाली होन, कने अपने-अपने घरे बालयां दे अधीन रेणे बालियां होन, ताकि परमेश्वरे दे बचने दी बुराई नी होई सके। 6 इयां ही जवान मर्दा जो भी समझाया कर, की सै अच्छे ने बर्ताब करन। 7 सारियां गल्लां च तू अपने आपे जो दुज्जयां ताई आदर्श बणा, ताकि सै भी इयां ही करन; कने जालू तू भरोसा करणे बालयां जो यीशु मसीह दे बारे च शिक्षा दे, तां तेरा सिखाणे दा मकसद अच्छा हो, ताकि लोक तिजो होर इज्जत देन, 8 कने तेरिया शिक्षा च ऐसी सच्चाई होणी चाईदी, की कोई भी उसा जो बुरा नी बोली सके, ताकि साडे बिरोधी शर्मिंदा होन क्योंकि कुछ भी बुरा नी होणा, जडा की सै साडे खिलाफ कुछ बोली सकन। 9 जडे दास गुलाम न उना जो सिखा की अपने-अपने मालिकां दी गल्ल मन्ना, कने उना जो ऐसा करणे ताई बोला जडा मालिकां जो खुश करे, कने मालिक उना दी शिकायत ना करन; 10 चोरी चलाकी ना करन, पर अपने आप जो साबित करा की इमानदार न, की लोक उना दा अच्छा बर्ताब दिखीकरी कने सै जडा कुछ भी करदे न, उसला लोकां जो परमेश्वरे दे बारे च संदेश सुणने दी इच्छा होणी। 11 क्योंकि परमेश्वरे अपना अनुग्रह किता, कने साडे ताई इक रस्ता कडया, ताकि सारे लोक उद्धार पाई सकन। 12 कने इस अनुग्रह ला परमेश्वरे सांझो सिखाया की, उस तरीके ला बर्ताब करणा बंद करा जडा परमेश्वरे जो खुश नी करदा, कने उना चीजां दा लालच करणा बंद करी दिया जिना दी इच्छा भरोसा नी करणे बाले लोक करदे न, कने असां हले दीकर इसा धरती पर ही न तां बुद्धिमानी ला कने धार्मिकता सोगी इस तरीके ला कम्म करा जडे परमेश्वरे जो खुश करदे न। (aiōn g165) 13 असां ऐसा बर्ताब करदे न, जालू असां उम्मीद कने उस महान दिने दी नियाल रखदे न, जिस

दिन साडे महान परमेश्वरे कने उद्धारकर्ता यीशु मसीहे दुबारा मुडी करी इसा धरती पर ओणा है। 14 यीशु मसीह साडे फायदे ताई मरी गया, ताकि सांझो सारे पापां ला अजाद करे कने शुद्ध करी सके ताकि असां उदे बडे खास लोक बणी जान। जडे भले कम्म करणे ताई पुरे तन मन ला समर्पित होन। 15 इस ताई तितुस, मैं चांदा की तू ओथु दे भरोसा करणे बालयां जो इना गल्लां दे बारे च सिखा जडियां मैं तिजो दसियां न। कने लोकां जो इना गल्लां जो करणे ताई प्रोत्साहित कर, जिथू जरूरी हो ओथु उना जो सही कर, तिजो ऐसा करणे दा पूरा हक है, पक्का कर की तू जडा सिखांदा है, उसयो कोई भी तुच्छ नी समझे।

3 मसीह पर भरोसा करणे बालयां लोकां जो याद दिलांदा रे, की हाकिमां कने अधिकारियां दे अधीन रिया, कने उना दी गल्ल मन्ना कने इज्जत करा, कने हर इक खरे कम्मे ताई तैयार रिया, 2 सै कुसी जो भी बदनाम ना करन, लडाई झगड़े करणे बाले ना होन, पर दयालु सभावे दे होन, कने सारे लोकां सोगी बडे प्यारे ने रेन। 3 क्योंकि असां यीशु मसीह पर भरोसा करणे ला पेहले मुख कने परमेश्वरे दे हुकम नी मनणे बाले थे, कने लोकां ला धोखा खाणे बाले थे, असां बुरियां इच्छां कने संसारे दियां चीजां दे गुलाम थे, कने जलन करी के जिन्दगी कटदे थे, कने लोकां ला नफरत कने इक दुज्जे सोगी दुशमणी रखदे थे। 4 पर फिरी भी साडे उद्धारकर्ता परमेश्वरे अपणी दया कने प्यार सांझो लोकां पर दस्सी। 5 तां उनी सांझो साडे पापां दी सजा ला बचाया कने ऐ धर्म दे कम्मा दिया बजा ने नी, जडे असां अपु किते, पर उनी अपणी दया दे अनुसार, उनी साडे पापां जो धोई करी दूर किता, कने पबित्र आत्मा ला सांझो नोआ सभाब कने नोई जिन्दगी दिती है। 6 साडे उद्धारकर्ता प्रभु यीशु मसीहे जडा किता उदे जरिये परमेश्वरे सांझो पबित्र आत्मा दितया है, ताकि सै सांझो च सामर्थ बाले कम्म करी सके। 7 जिसने असां उस हमेशा दी जिन्दगी दी आस रखी सकन जडी परमेश्वरे सांझो अपणी ओलाद दे स्मे च देणे दा बायदा कितया है। कने उदे बारे च असां जाणी सकदे न क्योंकि परमेश्वरे अपने अनुग्रह दे जरिये सांझो अपने सोगी सही बनाया है। (aiōnios g166) 8 ऐ गल्ल सच्चि है, जडी मैं हुणी दस्सी है कने मैं चांदा है, की तू भरोसा करणे बालयां जो इना गल्लां दे बारे च मजबूती ने सिखा। इस ताई की जिना परमेश्वरे पर भरोसा रखया है, सै खरे-खरे कम्मा जो करणे च अपना बकत देणे च ध्यान लगान, ऐ गल्लां सारयां ताई खरियां न, कने फायदेमंद न। 9 पर मुख गल्लां दी बेहसा ला दूर रिया, पूर्वजां दी लम्बियां सूचियां पर अपना बकत बर्बाद मत करा, कने बैर बिरोध, कने उना झगडयां ला बची के रिया जडे मूसा दे नियमा दे बारे च न, क्योंकि इना गल्लां दा कोई फायदा नी है। 10 जडे लोक कलीसिया च फुट पांदे न, तिजो उना लोकां जो कम्म से कम्म दो बरी चेतावनी देणी चाईदी, की सै ऐसा करणा बंद करी देन। उदे बाद उना पर होर बकत बर्बाद मत करदे कने उना ला दूर रेणा चाईदा। 11 तुसां ऐ पक्का करी लिया की ऐसा माणु जडा जाणी बुझी करी बुरे रस्ते पर चलदा है, तां उदे खुद दे बुरे कम्म ही साबित करदे न की सै दोषी है। 12 जालू मैं तैरे

बाल क्रेते टापू पर अरतिमास कने तुखिक्स जो भेजगा, तालू तू मेरे बाल निकुपुलिस शोहर औणे दी कोशिश करयां, क्योंकि मैं ओथु ही सटियां कटणे दी सोचियो है। 13 जालू जेनास व्यवस्था जो सिखाणे बाला कने अपुल्लोस अपणी यात्रा ताई निकलगे, तां इना दी सहायता करणे ताई जडा कुछ तू करी सकदा है, सै तू करयां। कने ऐ ध्यान रखयां की उना जो कुसी भी चीजा दी कमी ना हो। 14 सिर्फ इतणा ही नी, पर तिजो भरोसा करणे बालयां जो सिखांदे भी रेणा चाईदा की भले कम्म करणे ताई लगातार मेहनत करदे रिया, ताकि उना लोकां दियां जरूतां पुरियां होई सकन जिना बाल कुछ नी है, ऐ भरोसा करणे बालयां दी सहायता करदा है की, सारे इक ही मकसद ने जिन्दगी जी सकन। 15 मेरे सोगी ऐथू दे सारे भरोसा करणे बाले तिजो नमस्कार करदे न। ओथु क्रेते टापू च साडे भरोसा करणे बाले साथियां जो जडे सांझो ने प्यार करदे न, उना जो भी मेरी तरफा ला नमस्ते बोलयां। मैं प्रार्थना करदा है की, प्रभु तुसां सारयां पर अनुग्रह करे।

फिलेमोन

1 मैं, पौलुस इसा चिठिया जो लिखा दा है। मैं यीशु मसीह दिया सेबा ताई जेला च बन्द है। मैं कने साडा मसीह भाई, तीमुथियुस तुहांजो नमस्कार करदे न। कने मैं ऐ साडे प्यारे मित्र कने सोगी कम्म करणे बाले फिलेमोन जो लिखा दा है। 2 कने मैं साड़ी मसीह बेहण अफफिया कने मसीह भाई अरखिप्पुस, जडा योधा साई परमेश्वरे दी सेबा करदा है कने उसा कलीसिया दे ना जडी तुहाडे घरे गिठी होंदी है उसा जो भी लिखा दा है। 3 मैं प्राथना करदा है की साडे पिता परमेश्वर कने प्रभु मसीह यीशु दिया तरफा ला तुहांजो अनुग्रह कने शांति मिलदी रे। 4 क्योंकि मैं जालू भी तिजो ताई प्राथना करदा है, प्राथना मैं हमेशा तैरे ताई परमेश्वरे दा धन्यवाद करदा है कने अपनी प्राथना च भी तिजो याद करदा है। 5 मैं प्रभु यीशु मसीह च तैरे भरोसे दी कने परमेश्वर दे सारे लोकां ताई तैरे प्यार दी चर्चा सुणदा है। 6 मैं प्राथना करदा है की तू अपने भरोसे च मजबूत होई जाऐ कने उना सारी अच्छी चिजां जो समझी सके जिना जो परमेश्वरे सांझो दितया है, इसी बजा ने लोकां मसीह दी महिमा करणी है। 7 क्योंकि हे मसीह भाईयो, तुहाडी इक दुज्जे ताई प्यारे दी भावना ने मैं बडा खुश है कने उत्साहित है, इस ताई की तैरे जरिये परमेश्वरे दे लोक उत्साहित न। 8 इसा बजा ला मैं तिजो मसीह च इक भरोसा करणे बाला होणे दे नाते खरे कम्म करणे ताई बडे हके सोगी हुकम देई सकदा है। मैं बजुर्ग पौलुस, जडा हुण यीशु मसीह दी सेबा करणे दिया बजा ला इक केदी भी है, फिर भी तिजो बडे प्यार ला बिनती करदा है। 10 मैं उनेसिमस ताई बिनती करदा है, जडा मेरे ताई पुत्रे साई है। जालू सै जेला च था तालू सै मसीह च मेरा पुत्र बणी गया। 11 सै तां पेहले तैरे कुसी कम्मे दा नी था, पर हुण तैरे कने मेरे दोनो ताई बडे कम्मं दा है। 12 चाहे मैं उनेसिमस सोगी बडा प्यार करदा है, पर मैं उसयो तुहाडे बाल भेजा दा है। 13 मैं उसयो अपनी मदद ताई अपने बाल ही रखणा चांदा था, जबकि मैं शुभसमाचारे दा प्रचार करणे ताई जेला च था। सै ऐथू मेरी मदद करणे ताई है तेरी जगा लेई सकदा है, क्योंकि मिंजो पता है की तू मेरी मदद करणा चांदा है। 14 अगर तू सेहमत नी है तां मैं उसयो ऐथू नी रखगा, मैं चांदा है की तू अपणिया खुशिया ला मेरी मदद करे क्योंकि इस ताई नी की मैं तिजो ऐ करणे ताई मजबूर किता है। 15 शायद ऐई बजा है की परमेश्वरे उनेसिमस जो थोडे बकते ताई तिजो ला दूर जाणे दा हुकम दिता ताकि सै मसीह पर भरोसा करे, इसा बजा ला तू उसयो अपने बाल रखणा है। (aiōnios g166) 16 तू उसयो दास ना समझन पर सै दास ला भी बदीकरी है, सै हुण विश्वासी साथी है कने प्यारा भी है कने तुहांजो उसयो होर भी जादा प्यार करणा है, कने मैं उसयो बडा प्यार करदा है, पर तिजो उसयो दासे दे स्पे च होर भी जादा प्यार करणा चाईदा क्योंकि सै मसीह च इक भाई है। 17 अगर तू मिंजो अपना साथी समझदा है, जालू उनेसिमस बापस तैरे बाल ओगा तां उदा खुशिया ला स्वागत करयां जियां मेरा स्वागत करदे न। 18 अगर उनी तेरा कुछ नुक्सान कितया या उस पर तेरा कोई कर्ज है तां उसयो मेरे नां

लिखी दे। 19 मैं पौलुस अपने हथे ने लिखदा है की मैं उदा कर्ज भरी दिगा; हालांकि तूसां पेहले ला ही जाणदे न की, अगर मैं तुहाडी मदद नी कितियो होंदी तां तुहांजो खुद नोई जिन्दगी नी मिलियो होंदी इस ताई तूसां अपनी जिन्दगी ताई मेरे कर्जदार न। 20 मेरे प्यारे मित्र, ऐ खुशी मिंजो प्रभु च तेरिया तरफा ला मिल्ले, कने इक साथी विश्वासी दे स्पे च मिंजो उत्साहित करे। 21 जियां की मैं तुहांजो लिखयां है, मिंजो यकीन है की तूसां तियां ही करणा जियां मैं करणे जो बोलया। मिंजो पता है की उसला भी बदीकरी करणा जितणा मैं तुहांजो बोलया। 22 इक होर गल्ल कने मेरे ताई अपने घरे च इक कमरा तैयार करा क्योंकि मैं उम्मीद करदा है की परमेश्वरे तुहाडी प्राथना दा जबाब देणा की मैं दुबारा तुहाडे बाल ओऐ कने मिली सके। 23 इपफ्रास, जडा यीशु मसीह दा प्रचार करणे दिया बजा ला मेरे सोगी जेला च है कने मसीह च तुहांजो नमस्कार करदा है। 24 कने मरकुस, अरिस्तर्खुस, देमास, लूका जडे मेरे सोगी प्रभु दा कम्म करदे न, इना दी तरफा ला तुहांजो नमस्कार। 25 मैं प्राथना करदा है की साडा प्रभु यीशु मसीह तुहांजो पर अनुग्रह करे। आमीन।

इब्रानिया

1 परमेश्वरे पराणे जमाने च परमेश्वरे दे संदेश देणेबालयां दे जरिये बडी बरी बडे तरिक्यां ला साडे पूर्वजां सोगी गल्लां कितियां, 2 पर इना आखरी रोजां च परमेश्वरे साडे सोगी अपने पुत्रे जरिये गल्लां कितियां। परमेश्वरे अपने पुत्रे जरिये सारियां चीजां जो बणाया कने उसयो सारे संसारे दा बारिस बणाया। (aiōn g165) 3 पुत्र ही परमेश्वरे दी महिमा दी लौ, कने बिलकुल उदे सांई ही है, कने अपने शक्तिशाली बचना ला सारे संसारे जो चलादां है। उनी लोकां जो उना दे पापां ला शुद्ध किता, कने इदे बाद स्वर्ग च महिमामय परमेश्वरे दे सजे पासे जाई बैठे। 4 इस तांई परमेश्वरे अपने पुत्रे जो ऐसा ना दिता जडा स्वर्गदूतां ला जादा महान है, इसला सांझो पता चलदा है की पुत्र उना ला कितणा जादा महान है। 5 क्योंकि पबित्र शास्त्र च ऐ कुथु भी नी लिखया है की परमेश्वरे अपने कुसी स्वर्गदूते ला ऐसा कदी नी बोलया जडा उनी अपने पुत्रे ने बोलया, “तू मेरा पुत्र है; अज मैं घोषणा करदा है की तू मेरा पुत्र है।” कने उनी फिरी कदी भी कुसी स्वर्गदूते ने ऐ नी बोलया की, “मैं तेरा पिता होणा, कने तू मेरा पुत्र होणा।” 6 परमेश्वरे अपने बडे महान पुत्रे जो संसारे च भेजणे ला पेहले बोलया की, “उदे सारे स्वर्गदूत उसयो अराधना करन।” 7 कने स्वर्गदूतां दे बारे च ऐ बोलदा है, “परमेश्वर अपने स्वर्गदूतां जो होआ सांई बणादां है, कने अपने सेवकां जो बलदी अगी सांई बणांदा है।” 8 पर पुत्रे दे बारे च बोलदा है, “हे परमेश्वर तेरा राज युगा-युगा दीकर बणी रेणा तू लोकां पर न्याय ला राज करणा। (aiōn g165) 9 तू भले कम्मा ला प्यार कने पाप दे कम्मा ला दुश्मणी रखी; इसी तांई तुहाडे परमेश्वरे, तेरे साथियां बीचे ला तुहांजो चुणया, कने बडिया खुशिया ला उना ला लग करिरी नियुक्त कितया।” 10 पबित्र शास्त्र ऐ भी बोलदा है की, “शुरूआत च तू धरती जो बणाया, कने तू सै सब कुछ भी बणाया जडा अम्बरे च है। 11 इना तां सारयां खत्म होई जाणा; पर तू युगां-युगां दीकर बणी रेणा; कने उना सारयां कपडयां सांई पुराणे होई जाणा। 12 कने तू उना जो चादरा सांई बटोलणा, कने उना जो कपडयां सांई बदलणा; पर तू हमेशा इकोदिया रेणा कने तू हमेशा जिन्दा रेणा।” 13 कने परमेश्वरे कदी कुसी स्वर्गदूते जो ऐसा नी बोलया, “जालू दीकर मैं तेरे सारे दुश्मणा जो हराई ना दे, तालू दीकर तू मेरे सजे पासे बैठे रे कने इज्जत ले।” 14 तां स्वर्गदूतां दा क्या कम्म है? सै सिर्फ परमेश्वरे दे सेवक न, कने परमेश्वर उना जो उना लोकां दी देखभाल करणे तांई भेजदां है, जिना दा उद्धार होणा है।

2 इस तांई, जरूरी है की असां जडियां गल्लां सिखियां न, उना जो मन्णे पर जादा ध्यान देन, तां असां सच्चाईया ला नी भटकणा। 2 क्योंकि जडी व्यवस्था स्वर्गदूतां दे जरिये बोलियो थी, सै हमेशा सच्च साबित होई, कने जडे इसा व्यवस्था जो नी मंदे थे, उना जो परमेश्वरे ला सजा मिलदी थी। 3 तां सांझो भी सजा मिलणी, अगर असां इस महान उद्दारे जो नी मन्गे। कने इस उद्धार दे बारे च सारयां ला पेहले प्रभूऐ अपु बोलया था, कने जिना लोकां इस उद्दारे दे संदेश दे बारे च सणया उना सांझो साबित किता की ये सच्च है। 4 कने

जालू भी परमेश्वरे दी इच्छा होई तालू उनी चिन्न कने लग-लग चमत्कारां जरिये कने पबित्र आत्मा दे जरिये लोकां जो बरदान देईकरी इस उद्धार दे संदेश जो साबित किता है। 5 परमेश्वरे उस ओणे बाले संसार जो जिदे बारे च असां बोला दे न, अपने स्वर्गदूतां दे अधीन नी कितया पर अपने पुत्र यीशु मसीह दे अधीन कितया है। 6 पर पबित्र शास्त्र च कुथी ऐ लिखया है की, माणु क्या न, की परमेश्वर तू उदी चिंता करदा है या देखभाल करदा है? सै माणुऐ ला जादा होर कुछ नी है। 7 तू उसयो स्वर्गदूतां ला घट शक्ति दितियो है; तू उसयो राजे सांई महिमा कने इज्जत दिती कने उसयो अपने हथां दे कम्मा पर हक दिता। 8 तू सारियां चीजां पर उसयो हक दिता ताकि सै सारयां पर राज करे, इस तांई ऐसा लगदा है की परमेश्वरे सारा कुछ माणुऐ दे बशे च करी दितया है। मतलब की ऐसा कुछ नी है, जडा उदे काबू च ना हो। पर असां दिखी सकदे न, की हले दीकर भी सारा कुछ माणुऐ दे बशे च नी है। 9 पर असां यीशुऐ जो दिखदे न! उसयो थोडे बकते तांई स्वर्गदूतां ला घट दर्जा दितया था, ताकि परमेश्वरे दे अनुग्रह ला सै सारे लोकां तांई मरी जाऐ। इस तांई उनी दुख झेले कने मरी गया कने परमेश्वरे उसयो महिमा कने इज्जत दिती। 10 परमेश्वरे सारा कुछ बणाया कने सारियां चीजां जो अपने तांई सम्भाली रखया है। इसा बजा ला, की लोकां जो अपनी महिमा च हिस्सेदार बणाऐ, परमेश्वरे ऐ फेसला लिया की, ऐ सही होणा की प्रभु यीशु मसीह दुख झेली करी इक ऐसा माणु बणी जाऐ जडा चरित्र च सिद्ध है। क्योंकि यीशु ही है जडा उना दा उद्धार करी सकदा है। 11 क्योंकि सै जडा लोकां दे पापां जो माफ करदा है, कने सै जिना दे पाप माफ होंदे न, उना दोना दा पिता इक ही है, इसा बजा ला यीशु उना जो भाई कने बेहण बोलणे ला नी शरमांदा। 12 कने इदे बारे च यीशु मसीह परमेश्वरे ला बोलदा है, “मैं अपने मसीही भाईयां जो दसणा की तू मेरे तांई कितणे खरे कम्म किते, कने जालू सै तेरी अराधना करणे तांई गिठे होंगे तालू मैं तेरी महिमा उना सारे लोकां बिच करणा।” 13 सै दुबारा बोलदा है की, “मैं परमेश्वरे पर भरोसा रखणा।” कने सै दुबारा बोलदा है की, “मैं उना लोकां सोगी है जिना जो परमेश्वरे मिंजो दितया है।” 14 क्योंकि परमेश्वरे दे बच्चे माणु न, मतलब की जडे मास कने खने दे बणयो न, कने पुत्र भी इक माणु बणी गया, क्योंकि इक माणु बणी करी ही सै मरी सकदा था, कने मरणे जरिये ही सै शैतान जो हराई सकदा था, जिदे बाल मौत दी शक्ति है, 15 कने इस तरीके ला प्रभु यीशुऐ उना सारयां जो अजाद करी दिता जडे अपनी पूरी जिन्दगी मौत दे उरे च होईकरी गुलामा सांई जी दे थे। 16 क्योंकि प्रभु यीशु तां स्वर्गदूतां जो नी बल्कि अब्राहम दे वंशा दी सहायता करदा है। 17 इस बजा ला उस तांई जरूरी था की, यीशु हर तरीके ला बिलकुल साडे सांई बणी जाऐ, कने इस तरीके ला सै परमेश्वरे दा सच्चा कने दयालु महायाजक बणया। कने जडा बलिदान सै उना तांई करदा है ताकि उदे जरिये लोकां जो उना दे पापां ला माफी मिल्ली सके। 18 क्योंकि यीशु मसीह मुशकिलां कने दुखां जो सेहन किता इस तांई सै

उना लोकां दी सहायता करी सकदा है जडे मुशकिलां कने दुखां जो सेहन करा दे न।

3 इस ताई हे मसीह भाईयो जडे परमेश्वरे ला रिशता रखे दे न, तुहांजो स्वर्गे दी जिन्दगिया च हिस्सेदार बणने ताई सदया है। यीशु मसीह पर ध्यान दिया जिसयो असां मंदे न, जडा साडे ताई परमेश्वरे दे शुभसमाचार दा दूत कने महायाजक है। 2 यीशु मसीहै सै सारा कुछ किता जडा परमेश्वरे उसयो करणे ताई बोलया, बिलकुल तियां ही जियां मूसा परमेश्वरे दे परिबारे दे सारे लोकां दी सेवा करणे च भरोसे दे लायक था। 3 घर बणाणे बाले जो घरे ला जादा इज्जत मिलदी है। इयां ही यीशु मूसा ला जादा आदर दे काबिल है। 4 क्योंकि हर इक घरे जो बणाने बाला कोई न कोई होंदा है, पर जिनी सब कुछ बणाया है सै परमेश्वर है। 5 मूसा परमेश्वरे दे परिबारे दे सारे लोकां दी सेवा करणे च भरोसे दे लायक रिया। जडा मूसे किता सै उना गल्लां पासे इशारा करा दा था, जडा परमेश्वर बादे च बोलणे बाला था। 6 पर मसीह इक पुरे साई परमेश्वरे दे परिबारे दे लोकां च भरोसे दे लायक है, अगर असां अपनी हिम्मत कने उस आसा पर मजबुतिया ला आखरी दीकर टिकी रेंदे न, तां असां परमेश्वरे दे लोक न। 7 जियां पबित्र आत्मा पबित्र शास्त्र च बोलदी है, “अज जालू तुसां परमेश्वरे जो बोलदे सुणदे न, 8 तां तुसां उदे हुकम मणणे ला मना मत करदे, जियां तुसां दे पूर्वजां सुनसान जगा च परिक्षा बेले परमेश्वरे दे खिलाफ किता।” 9 ओथु तहाडे पूर्वजां चालियां सालां दीकर मेरे महान कम्मा जो दिखणे बाद भी, चुनौती देईकरी मिजो परखया। 10 इसा बजा ला मै उस बक्ते दे लोकां सोगी गुस्सा रिया, कने बोलया, हमेशा ही उना दा मन मिजो ला दूर होई जांदा है, कने जडा करणे दा हुकम मै दिता उसयो करणे ला मना करी दिता। 11 तालू मै गुस्से च आई करी कसम खादी की, उना उस जगा च दाखल नी होणा जिथू मै उना जो अराम देणा। 12 हे मसीह भाईयो, ध्यान रखा, की तुसां च कुसी दा पापी कने बेबसआसी मन ना हो, जिसने तुसां जिन्दगी देणेबाले परमेश्वरे जो मणणे ला मना करी देन। 13 तुसां इक दुज्जे जो हर रोज प्रोत्साहित करदे रिया, ऐसा ना हो की पाप दे धोखे च आई करी तहाडे मन ढीठ बणी जाए। इस ताई जालू दीकर असां “अज” बोली सकदे न, तालू दीकर इक दुज्जे जो हर रोज प्रोत्साहित करदे रिया। 14 जडा भरोसा साडा मसीहे जो अपनाणे दे बकत था, अगर असां अपने उस भरोसे च आखरी दिने दीकर हिम्मत सोगी टिकी रेंगे, तां असां मसीह सोगी हिस्सेदार बणी जाणा। 15 तियां ही जियां पबित्र शास्त्र च लिखया, “अगर अज तुसां परमेश्वरे दी अबाज सुणणे, तां तुसां मने च ढीठ मत बणदे, जियां तहाडे पूर्वजां बणे च परमेश्वरे दा बिरोध किता था।” 16 भला सै कुण लोक न जिना परमेश्वरे दी अबाज सुणीकरी भी उसयो मणणे ला मना करी दिता? क्या सै ऐ लोक नी थे जिना जो मूसे मिस्र देशे ला बाहर कडया था? 17 कने परमेश्वर चालियां सालां दीकर कुना लोकां पर गुस्सा रिया? ऐ इस्लामी ही थे जिना सुनसान जगा च पाप किता कने बणे च मरी गे। 18 कने परमेश्वरे कुना लोकां सोगी कसम खादी थी, की तुसां उसा जगा च दाखल नी होणा जिथू मै उना जो

अराम देणा? सै पक्का उना लोकां दे बारे च बोला दा था जिना उदा हुकम नी मनया था। 19 सांझो पता चली गिया की, सै लोक भरोसा नी करणे दिया बजा ला उसा अराम दिया जगा च नी जाई सके।

4 परमेश्वरे बायदा कितया है की असां अरामे दिया जगा च जाणा, इस ताई अराम दिया जगा च जाणे दा बायदा अजे भी है, तां सांझो इसा गल्ला दा होर भी ध्यान रखणा चाईदा। तुसां चे कुसी जो भी उस अराम बाली जगा पर जाणे दा मौका नी छडणा चाईदा। 2 क्योंकि जियां असां मसीह दे बारे च शुभसमाचार सुणया, इयां ही इस्लाम दे लोकां अराम दी जगा दा शुभसमाचार सुणया, पर उना भरोसा नी किता। इस ताई उना जो इस शुभसमाचार ला कोई फायदा नी होया। 3 असां परमेश्वरे दियां बोलियां गल्लां पर भरोसा कितया है, इस ताई असां अराम दिया जगा च दाखल होणा; जियां परमेश्वरे दुज्जयां ताई बोलया है, “मै गुस्से च कसम खादी थी की उना मेरे अरामे बालिया जगा च दाखल नी होई सकणा।” पर परमेश्वरे ऐ इस ताई नी बोलया था की हले दीकर अराम दी जगा तयार नी थी, ऐ संसारे जो बणने ला पेहले ही तैयार होई गियो थी। 4 क्योंकि सतमे रोजे दे बारे च पबित्र शास्त्र च इयां लिखया है, “परमेश्वरे सतमे रोजे अपने सारे कम्मा जो पूरे करिरी अराम किता।” 5 कने असां ऐ भी पढया की बादे च उनी बोलया, “उना मेरे अरामे दिया जगा च दाखल नी करी सकणा है।” 6 कने इस्लामे दे लोकां जिना सारयां ला पेहले ऐ शुभसमाचार सुणयां, सै अराम दिया जगा च दाखल नी होई सके, क्योंकि उना परमेश्वरे दे हुकम नी मन्ने, पर बाकियां ताई अराम दिया जगा दा रस्ता हले दीकर खुलया है। 7 इस ताई परमेश्वरे अपने अराम दिया जगा च दुबारा दाखल होणे ताई इक होर बकत तय किता, कने सै बकत अज है। साडे पूर्वजां दे विद्रोह करणे दे केईयां सालां बाद, परमेश्वरे राजा दाऊद ला इना बचना जरिये बोलया, जडे पेहले भी बोलयो थे की, “अगर अज तुसां परमेश्वरे दी अबाज सुणणे, तां तुसां अपने मने जो कठोर मत करदे।” 8 कने असां ऐ भी जाणदे न की परमेश्वरे जिस अराम दिया जगा दा बायदा कितया है, सै कनान नी है, जिथू जाणे ताई यहोशुऐ उना दी अगुवाई किती थी। अगर ऐ कनान देश होंदा तां परमेश्वर बादे च ऐ नी बोलदा की इदे ताई इक होर बकत था। 9 परमेश्वरे दे लोकां ताई हण भी इक जगा तैयार है, जिथू सै पुरे तरीके ला अराम करी सकदे न। उना तियां ही अराम करणा है जियां परमेश्वरे सतमे रोजे अराम किता। 10 परमेश्वरे अपना कम्म पूरा करिरी अराम किता था। कने सारे लोकां ताई ऐ इकोदिया है जडे परमेश्वरे बाल अराम करणा जांदे न। उना अपना कम्म पूरा करणे बाद अराम करणा। 11 इस ताई सांझो भी उस अराम बालिया जगा च दाखल होणे ताई जादा मेहनत करणी चाईदी। ऐसा ना हो की कोई उना लोकां साई परमेश्वरे दे हुकम नी मणणे दिया बजा ला उस अराम दिया जगा च दाखल नी होऐ। 12 क्योंकि परमेश्वरे दा बचन जिन्दा कने असरदार है, सै कुसी भी दोधारी तलवारा ला भी पेना है। जडा साडी आत्मा, प्राण, जोड़ा जो कने गुरदयां जो बिनी दिन्दा है, कने सै मना दे बिचारां कने मने दी भावना जो जाणी लेंदा है। 13 परमेश्वरे दिया नजरा ला इस

संसारे दा कोई भी माण लुकया नी है, सांझो सारे कम्मा दा लेखा उसयो देणा पोणा है। उदे सामणे सारियां चीजां खुलियां कने प्रगत न। 14 परमेव्वरे दा पुत्र यीशु जडा साडा सारयां दा महायाजक है, स्वर्गे च परमेव्वरे बाल चली गया। इस ताई ओआ जिस भरोसे जो सारयां सामणे मनया था, उस भरोसे च असां मजबूतिया ला टिकी रैन। 15 क्योंकि ऐ महायाजक जडा यीशु मसीह है, जडा साडियां हर इक कमजोरियां जो समझदा है। जैताने सै हर गल्ला च साडे साईं परखया, तमी उनी पाप नी किता। 16 इस ताई ओआ, असां बिना डरयो परमेव्वरे सामणे ओन, तालू परमेव्वरे सान्झो पर दया कने अनुग्रह करणा, कने जालू सांझो जरूरत होणी तालू उनी साडी सहायता करणी।

5 परमेव्वरे हर इक महायाजके जो इस्राएल दे लोकां चे चुणया। सै लोकां दी भलाई ताई परमेव्वरे दिया तरफा ला कम्म करणे ताई चुणया जांदा है; सै इस ताई भेंट कने बलि चढांदा है ताकि परमेव्वर लोकां दे पापां जो माफ करी दे। 2 इक माणू होणे दे नाते सै अपु भी केई सारियां चीजां च कमजोर है। इसा बजा ला सै मुख कने भटकणे बाले लोकां ला प्यारे ला निपटी सकदा है। 3 इक महायाजक होणे दे नाते उसयो अपणे पापां जो कने लोकां दे पापां जो दूर करणे ताई बलियां चढाणियां चाईदियां। 4 कोई भी माणू अपु महायाजक होणे दी पदवी अपणे उपर नी लेई सकदा। जियां परमेव्वरे हासने जो पेहेले महायाजके दे स्पे च सदया कने चुणया था, तियां ही परमेव्वर दुज्जे महायाजकां जो सददा कने चुणदा है। 5 तियां ही मसीहे भी अपु जो महायाजक बणने ताई चुणी करी अपु अपना आदर नी किता। पर परमेव्वरे यीशु मसीहे जो ऐ बोली करी चुणया जडा उनी होर कुसी महायाजक जो कदी नी बोलया था, जडा की पबित्र शास्त्र च भजनकारे लिखया है, “तू मेरा पुत्र है, अज मैं ऐ घोषणा करदा है की मैं तेरा पिता है।” 6 इयां ही परमेव्वरे दुज्जिया जगा च दुबारा उसयो बोलया, “इयां ही जियां मलिकिसिदक इक याजक था, तियां ही तुमी हमेशा याजक बणी रेणा।” (aiōn g165) 7 जालू यीशु इस संसारे च जिन्दा था, तालू उनी जोरे-जोरे कने रोई-रोई के परमेव्वरे सामणे प्राथना कने बिनतियां कितियां जडा उसयो मौता ला बचाई सकदा था, कने इस बडे आदर कने अपणे आपे जो परमेव्वरे जो सौपणे दिया बजा ला परमेव्वरे उदियां प्राथना कने बिनतियां सुणियां। 8 यीशु मसीह परमेव्वरे दा पुत्र होणे पर भी, उनी दुख सेहन करिरी सै करणा सीखी लिया जडा परमेव्वर उसला चांदा था। 9 परमेव्वरे मलिकिसिदक साईं उसयो इक महायाजक दी इज्जत दिती, कने उसयो सिद्ध बनाया कने सै उना सारयां लोकां ताई उद्धार दी बजा बणी गया जडे उदे हुकमा जो मंदा थे। (aiōn g166) 11 इदे बारे च बोलणे ताई बडियां सारियां गल्लां न, पर इना गल्लां जो समझणा बडा मुशकिल है, क्योंकि तुसां परमेव्वरे दा बचन सुणे के सुस्त होई गियो न। 12 तुसां इतणे लम्बे बकते ला भरोसा करदे न, तुहांजो तां हुण बाकियां जो सिखाणे बाला होणा चाईदा था। पर तुहांजो हले भी ऐसे माणुऐ दी जरूरत है जडा तुहांजो दुबारा नोऐ सिरे ला परमेव्वरे दिया सिखा जो सिखाऐ। तुहांजो अनाज नी पर बचयां साईं दुधे दी

जरूरत है। 13 क्योंकि जडे लोक दुध पिंदे न, सै उना बचयां साईं न जडे असल च परमेव्वरे दिया नजरा च सही जिन्दगी जिणे दे बारे च नी जाणदे न। 14 पर अनाजे दी रोटी उना ताई है जडे भरोसे च पक्के न, जिनी अपणे अनुभव ला भले बुरे च फर्क करणा सीखी लिया है।

6 इस ताई जडा सारयां ला पेहेले असां मसीह दे बारे च सिखाया था, उना बुनियादी शिक्षां जो बार-बार दोहरांदे मत रिया, कने हुण अग्रे बदीकरी उच्च शिक्षां दे बारे च सोच बिचार करा। बुनियादी शिक्षां साईं मत बणा, जियां की पाप करणा छडी देणे दे बारे च, परमेव्वरे पर भरोसा करणे दे बारे च, 2 कने बपतिस्मा देणे दे बारे च, कुसी पर हथ रखीकरी आशीष देणे दे बारे च, मरयां दा जिन्दा होणे देणे दे बारे च, कने हमेशा दी सजा देणे दे बारे च कने आखरी न्याय दिया शिक्षा दी नीई दुबारा ला पाणे दी जरूरत नी है। (aiōn g166) 3 कने अगर परमेव्वरे मौका दिता तां, मैं तुहांजो उच्च शिक्षा दियां गल्लां सिखाणियां। 4 जिना अपना भरोसा गवाई दितया उना दा अपणे पापां जो छडी करी दुबारा मुडी ओणा मुशकिल है। क्योंकि सै इक बरी परमेव्वरे दी लौइ च रेई बैठयो न, कने स्वर्गे दे वरदान लेई बैठयो न, कने उना जो होर लोकां सोगी पबित्र आत्मा मिली बैठया है, 5 उना अनुभव कितया था की परमेव्वरे दा बचन खरा है, कने ओणे बालिया शक्तिया जो अनुभव किता जालू परमेव्वरे राज करणा। (aiōn g165) 6 ऐसे लोकां जो परमेव्वरे बाल बापस लोणे दा कोई रस्ता नी है; क्योंकि सै खुद परमेव्वरे दे पुत्रे जो दुबारा ला सुली पर चढांदे न कने उसयो शरमिदा करदे न जिंसा बजा ला होर लोक मसीह दा मजाक उडांदे न। 7 सै लोक जीना जो खरी शिक्षा मिलियो है, सै उसा जमिना साईं न जिंसा पर बार-बार बरखा होंदी है। अगर जमीन खरी है तां ऐ किसाने जो फायदे बाली फसल दिन्दी है, कने इस पर परमेव्वरे दी आशीष होंदी है। 8 कने होर लोक उसा जमिना साईं न जडी झिल्ल, जाड-बसुंट उगांदी है, जडा की कुसी कम्मे दा नी। इसा पर परमेव्वरे दा श्राप होणे दा खतरा है कने इदे च पैदा होणे बालियां बेकार चीजां जो अग्गी च फुकी देणा। 9 पर हे प्यारे भाईयो, तुसां खरे कम्म करा दे न, क्योंकि परमेव्वरे तुहांजो पेहेले ही बचाई लिया है। ऐ चेतानियां तुहाडे ताई नी न। 10 तुसां परमेव्वरे दे खातिर परमेव्वरे दे लोकां दी सेवा बडे प्यारे ला करदे थे कने करा दे भी न, परमेव्वरे तुहाडे इना कम्मा जो नी भूलणा। क्योंकि परमेव्वर अन्याय करणे बाला नी है। 11 तुसां सुस्त मत बणा। पर कडी मेहनत करणे बालयां साईं आखरी दीकर सबर कने भरोसे सोगी पक्की आस रखीकरी इना प्यार भरे कम्मा जो करदे रेणा चाईदा, ताकि सांझो परमेव्वरे दे वायदे मिली सकन। 13 कने परमेव्वरे अब्राहमे ला वायदा करदे बेले अपणे नाऐ दी कसम खादी क्योंकि उसला बडा ऐसा कोई नी, जिदा ना लेईरी कसम खाई सकन, कने उनी बोलया, 14 “मैं सच्ची तिजो बडी आशीष देणी, कने मैं तिजो मते बंश देणे।” 15 अब्राहमे बडे लम्बे बकते दीकर सबर रखया। तां जाई करी उसयो सै मिल्ला जिदा परमेव्वरे उसयो बायदा कितया था। 16 कसम खांदे बकत लोक हमेशा अपणे ला बडे कुसी माणुऐ

दी कसम खादे न। कसम खाणे ला ऐ यकीन होंदा है की जडा सै मिल्ला, उस बकत तां लेवी जम्या भी नी था, पर सै तां अपने पिता बोला दे न सै सच्च है, कने ऐ सारयां झगडयां जो खत्म करी दिन्दी दे शरिर च था। 11 लोकां जो उना याजकां दे आधार पर व्यवस्था मिलियो थी, जडे लेवी गोत्र दे हास्न ला आयो थे। पर उना जो इसा व्यवस्था जरिये सिद्ध नी बणाई सके, इस तांई इक होर याजके दी ओणे दी जरूरत थी, इक ऐसा याजक जडा हास्न सांई नी पर मलिकिसिदक सांई हो। 12 क्योकि जालू इकोदे याजक नी रेंदे, तां व्यवस्था जो बदलणा भी जरूरी होई जांदा है। 13 क्योकि असां ऐ गल्लां मसीह दे बारे च बोला दे न, जडा इक लग गोत्रे ला था। कने उस गोत्रे च कदी भी कुनी भी याजके दे स्पे च वेदिया पर सेबा नी कितियो थी। 14 सारे जाणदे न की, साडा प्रभु यीशु यहदा दे बंशे ला था कने मूसे इस यहदा दे बंश दे लोकां दा याजक बणने दे बारे च कुछ नी बोलया, कने ना ही यहदा बंश दा कोई याजक बणया था। 15 हुण तुसां समझी सकदे न की मै कुस बारे च बोला दा है। इस तांई ऐ गल्ल होर भी साफ है की मूसा दी व्यवस्था कने याजक दोनों जो साडे महायाजके तांई बदली दितया है, जडा मलिकिसिदके सांई याजक है। 16 यीशु कुसी खास माणु मतलब की लेवी दे बंशज दे नियमा कने विधियां दिया बजा ला याजक नी बणया, पर यीशु अपणी कदी खत्म नी होणे बाली जिन्दगिया दिया शक्तिया दिया बजा ला याजक बणया। 17 क्योकि परमेश्वर उदे बारे च पबित्र शास्त्र ऐ गबाई दिन्दा है की, “तू मलिकिसिदके सांई युगां-युगां दीकर याजक बणी रेणा है।” (aiōn g165) 18 इस तांई मूसा दी व्यवस्था सै नी करी सकी जडा उसा जो करणा चाईंदा था कने कुसी कम्मे दी नी थी इसा बजा ला बदली दिती। 19 इस तांई की मूसा दी व्यवस्था कुसी भी गल्ला जो सिद्ध नी बणाई सकी, कने उदिया जगा पर साडे बाल इक आस है, जडी यीशु मसीह च है, जिदे जरिये असां परमेश्वरे दे नेडे जाई सकदे न। 20 इदे बाद जालू परमेश्वरे यीशु मसीह जो याजक बणया तां उनी इक कसम खादी। 21 क्योकि लेवी दे बंश बगेर कसमा दे याजक बणाए, पर यीशु मसीह कसमा सोगी परमेश्वरे दिया तरफा ला याजक बणया। परमेश्वरे यीशु मसीह दे बारे च बोलया, “मै परमेश्वर, मै ऐ कसम खांदा है, मै अपना फेसला कदी नी बदलणा, की तू युगां-युगां दीकर मलिकिसिदका सांई इक याजक है।” (aiōn g165) 22 इस तांई यीशु मसीह ही सै है, जडा इक खरी बाचा दे पूरा होणे दी बजा बणदा है। 23 ऐथू यीशु मसीह दा याजक होणे दा इक होर फायदा है, सै तां बडे जादा याजक बणदे आए, क्योकि उना चे हर इक याजके दी मौत होई गेई कने इसा बजा ला सै अपना कम्म जारी नी रखी सकी। 24 पर यीशु युगां-युगां दीकर जिन्दा है, इस तांई उनी हमेशा याजक बणी रेणा, पर होर कोई उदा याजक होणे दा पद नी लेई सकदा। (aiōn g165) 25 इसी तांई जडे यीशु जरिये परमेश्वरे बाल ओदे न, सै उना दा पूरा-पूरा उद्धार करी सकदा है, क्योकि सै उना तांई हमेशा विनती करणे तांई जिन्दा है। 26 क्योकि ऐसा ही महायाजक साडियां जरूरतां जो पूरा करी सकदा है, जडा पबित्र, जिस पर कोई दोष ना हो, शुद्ध हो, पापियां ला लग रेंदा हो, कने जडा स्वर्ग ला भी उच्चा हो। 27 कने सै महायाजक जडे हास्न दे बंशे दे थे, उना सांई यीशुऐ तांई जरूरी नी है, की सै

7 ऐ मलिकिसिदक शालेम शेहरे दा राजा था, कने परम प्रधान परमेश्वरे दा याजक था, सारयां ला पेहले उदे नाए दा मतलब है, “धार्मिकता दा राजा” कने उदा ना “शालेम शेहरे दा राजा” जिदा मतलब है की शांति दा राजा। जिदा ना पिता, ना मां, ना खानदान दा कोई पता था, कने ना उदे जमणे दी कने ना मरणे दी खबर थी, फिरी भी सै परमेश्वरे दे पुत्रे सांई हमेशा तांई याजक बणी रेंदा है; मलिकिसिदक अब्राहम ने तालू मिल्ला जालू सै राजयां जो हराई करी मुडी करी ओआ दा था, कने उसयो आशीष दिती कने अब्राहमे उसयो हर चिजा दा दसमा हिस्सा दिता जडा उनी अपने दुशमणा लिया था। 4 हुण इसा गल्ला पर ध्यान दिया की मलिकिसिदक कितणा महान था, जिसयो साडे पूर्वज अब्राहमे अपने दुशमणा ला लुटयो माले दा दसमां हिस्सा देई दिता था। 5 मूसा दी व्यवस्था दसदी है की लेवी दे बंशे च जडे याजक बणदे न, उना जो हुकम मिलया है, की सै झ्झाएले दे लोकां ला दसमा हिस्सा लेन। पर सै याजक कने होर लोक भाईयां सांई न क्योकि सै सारे अब्राहम दे बंशे दे न। 6 पर फिरी भी मलिकिसिदक जडा लेवी दे बंशे दा नी था, उनी अब्राहम ला दसमा हिस्सा लिया, कने उनी अब्राहम जो आशीष दिती, हालांकि अब्राहम तां सै माणु था जिसयो परमेश्वरे बायदा दितया था। 7 कने असां पक्का जाणदे न की जडा आशीष दिन्दा है, सै आशीष लेणेबाले ला बडा होंदा है। 8 कने लेवी बंशे दे याजक जडे दसमा हिस्सा ले दे थे, कने ऐसे लोक थे जिना इक ना इक रोज मरी जाणा। पर मलिकिसिदक जिनी अब्राहम ला दसमां हिस्सा लिया, सै हल्ले भी जिंदा है, जियां की पबित्र शास्त्र च लिखया है। 9 तां असां बोली सकदे न, की लेवी जडा लोकां ला दसमा हिस्सा लेंदा था सै अब्राहम दा बंशज था। इस तांई अब्राहम जालू मलिकिसिदक ला मिलया कने उसयो दसमां हिस्सा दिता, तां असां ऐ बोली भी सकदे न की लेविऐ भी अब्राहमे जरिये मलिकिसिदक जो दसमां हिस्सा दिता। 10 क्योकि जिस बेले मलिकिसिदक अब्राहम ला

पेहले अपने पापां कने फिरी लोकां दे पापां ताई बलिदान चढ़ाए; क्योंकि यीशुए तां इक बरी सारे लोकां ताई अपने आपे जो बलि चढ़ाई दितया। 28 क्योंकि मूसा दी व्यवस्था तां कमजोर लोकां जो महायाजक बनांदी है; पर जड़ी कसम मूसा दी व्यवस्था दे बाद आई सै परमेश्वरे दे पुत्रे जो बड़ा याजक बनांदी है। कने सै हमेशा ताई साडे ताई इक सिद्ध महायाजक बणी गिया है। (aiōn g165)

8 हुण जडियां गल्लां असां करा दे न, उना चे सारयां ला बड़ी गल्ल ऐ है, की साडे ताई इक ऐसा महायाजक है, जडा स्वर्ग च उस महिमामय परमेश्वरे दे सिहांसने दे सजे पासे जाई बैठा है। 2 कने साडा महायाजक स्वर्ग च सच्चे मिलाप दे तम्बूए च बड़िया पबित्र जगा च सेवा करदा है जड़ी स्वर्ग च है, जिसयो परमेश्वरे बनाया ना की कुनी माणुए। 3 क्योंकि हर इक महायाजक जिसयो इस ताई चुणदे न की सै लोकां दी माफी ताई भेट कने बलिदान चढ़ाए। इस ताई साडे महायाजक यीशु ताई भी ऐ जरूरी था की उस बाल भी कुछ चढ़ाने ताई हो। 4 कने अगर मसीह धरतिया पर होंदा तां कदी भी याजक नी होंदा, क्योंकि मूसा दी व्यवस्था दे अनुसार भेट चढ़ाने ताई पेहले ला ही याजक हेन। 5 जडे ऐ याजक करदे न, सै सिर्फ उदी इक नकल कने परछाई है जडा स्वर्ग च है। क्योंकि जालू मूसा मिलाप दा तम्बू बनाणा चलया था, तालू परमेश्वरे उसयो ऐ चेतावनी दिती की, “तू हर चीज तियां ही बनायां जदिया उदाहरण तिजे पहाडे पर दसया था।” 6 पर जडा याजकां दी सेवा दा कम्म साडे महायाजक यीशुए जो मिलया, सै याजकां ला बदीकरी है। क्योंकि सै जिस बाचा दा बिचोलिया है, सै पराणिया बाचा ला खरी है कने खरियां चीजां दे बायदे पर आधारित है। 7 क्योंकि अगर पेहलिया बाचा च कमियां नी होंदिया तां दुजिया बाचा दी जरूरत ही नी होंदी। 8 पर परमेश्वरे लोकां पर दोष लाईकरी बोलया, “सै दिन ओआ दे न की, मै इझाएल दे लोकां सोगी कने यहदा दे लोकां सोगी नोई बाचा करणी है। 9 ऐ बाचा उस बाचा साई नी होणी है, जड़ी मै उना दे पूर्वजां सोगी कितियो थी, जालू मै उना जो मिस्र देशे ला कडी लेई आया था, क्योंकि सै मेरी बाचा पर टिकी नी रे, कने मै उना दी चिंता करणा बंद नी करी दिता, प्रभु ऐई बोलदा है। 10 फिरी प्रभु बोलदा है की, जड़ी नोई बाचा मै ओणे बाले दिना च इझाएल दे लोकां सोगी करणी, सै ऐ है की मै उना जो मेरी व्यवस्था दे बारे च सोचणा देणा, कने उना उसा जो अपने मना च रखणा, कने मै उना दा परमेश्वर बना, कने उना मेरी अराधना करणी। 11 फिरी कुनी भी इझाएल दे लोकां अपने देशे बालयां जो, कने अपने रिशतेदारां जो ऐ शिक्षा देणे दी जरूरत नी पोणी, की तुसां प्रभु जो मन्ना, क्योंकि छोटे ला लेईकरी बड़े लोकां दीकर सारयां मन्नी लेणा की मै उना दा परमेश्वर है। 12 क्योंकि मै उना दे पाप माफ करी देणे, कने मै उना दे पापां जो दुबारा फिरी याद नी करणा।” 13 परमेश्वरे इसयो नोई बाचा बोलया, इस ताई उनी पेहले बालिया बाचा जो पूराणा करी दिता। जडा कुछ भी पूराणा है कने धिस्या-पिटया है, सै खत्म होई जाणा।

9 उसा पैली बाचा जो जड़ी बडे पेहले, मूसा दे जरिये इझाएल दे लोकां जो दीतियो थी। उदे च परमेश्वरे दी अराधना करणे दे सारे

नियम कने कनून थे कने इसा धरती पर अराधना ताई लोकां दा बनाया मिलाप दा इक पबित्र तम्बू भी था। 2 ऐ तम्बू जानवरां दिया खल्लती ला बनाया था, उस तम्बूए बिच उना इक पर्दा लटकई दिता कने दो कमरे बनाई दिते, पेहले कमरे च इक धूपदान, कने मेज थी जिसा पर परमेश्वरे जो चढाईयां रोटियां रखदे थे, कने इस कमरे जो पबित्र जगा बोलदे थे। 3 कने तम्बूए दे दुज्जे कमरे जो जडा परदे पिच्छे था, उसयो परम पबित्र जगा बोलदे न। 4 उस दुज्जे कमरे च सोने दी धूपदानी थी, कने चारो पासे ला सोने दा मढया सन्दुक था जिसयो बाचा दा सन्दुक बोलदे न। कने उदे च सोने दे भांडयां च मन्ना भरिरी रखया था, कने हासून दा डंडा भी था जिदे पर खिलयो पते लगयो थे, आखरी च इदे च दो पथरे दियां पटियां थियां, जिना पर परमेश्वरे सै दस हुकम लिखयो थे, जडे मूसा जो दितयो थे। 5 इदे इलाबा सन्दुके प्राला दो फंगा बाले कम्ब बनायो थे, जडे इसा गल्ला दा संकेत था की परमेश्वर उस जगा पर था। उना अपने फंगा ला उसा जगा जो ढक्या था, जिस पर महायाजक खून छिडकदा था, ताकि लोकां दे पाप माफ होई सकन। पर हुण असां इना चीजां दे बारे च इक-इक करिरी दस्सी नी सकदे। 6 इस तरीके ला उना इना सारियां चीजां जो तम्बूए दे दों कमरयां च तैयार क्तिता। याजक हर रोज उस पेहले कमरे च जाई करी अपणी धार्मिक बिधियां जो पूरा करदा था। 7 पर दुज्जे कमरे च मतलब की उस बड़ी पबित्र जगा च सिर्फ महायाजक साले च इक ही बरी जांदा था। कने सै अपने सोगी जानवरां दे खूने जो लेई जांदा था, जिसयो सै अपने ताई कने लोकां दे अनजाणे च कितयो पापां दी माफी ताई चढ़ांदा था। 8 इना विधियां जरिये पबित्र आत्मा सांझो ऐ समझांदा है, की जालू दीकर इसा धरती पर मिलाप बाले तम्बू कने इना दियां विधियां जो मंदे न, तालू दीकर स्वर्ग च परमेश्वरे दे परम पबित्र जगा च जाणे दा रस्ता हल्ले दीकर नी खलया है। 9 ऐ सारियां चीजां सिर्फ इना गल्लां दा उदाहरण थियां, जडियां हुण मसीह दे जरिये पुरियां होआ दियां न। क्योंकि सै चढ़ावे कने बलिदान जडे लोक परमेश्वरे जो चढ़ादे थे, जडे उदी अराधना करदे थे। सै लोकां दे मना कने दिलां जो शुद्ध करणे दे काबिल नी थे। 10 क्योंकि ऐ लोकां दे खाणे पीणे दियां गल्लां दे बारे च, कने भाँती-भाँती दियां नोहणे दियां बिधिया दे बारे च दसदे न जिना ला लोक बाहरी तौर ला साफ होई जांदे न। इना विधियां जो तालू दीकर मन्ना था जालू दीकर की परमेश्वर नोई बाचा जो शुरू नी करी दिदा। 11 पर हुण मसीह महायाजक साई आया है, जडा नोईया बाचा दियां सारियां खरियाँ-खरियाँ चीजां दिन्दा है। सै होर भी जादा महान कने सिद्ध तम्बूए च दाखल होया। ऐ तम्बू माणुआं नी बनाया था मतलब की इस संसारे दा नी था। 12 यीशु मसीह परम पबित्र जगा च इक बकरी या बछडे दा खून लेईकरी नी गिया, पर सै अपने ही खूने सोगी गिया। उनी सै सिर्फ इक बरी ही क्तिता, कने इसयो दुबारा करणे दी जरूरत नी होणी। उदे जरिये सांझो हमेशा दा उद्धार मिलया। (aiōnios g166) 13 मूसा दी व्यवस्था अनुसार जडे लोक अशुद्ध होंदे न, सै परमेश्वरे दी अराधना करणे दे काबिल नी होंदे। पर अगर उना पर

बकरयां कने दांदा दा खून कने बछडयां दी राख छिडकी जाएत तां सै शुद्ध होई जादे न। अगर इदे च माणुआं दे शरिर जो शुद्ध करणे दी शक्ति है, 14 तां जरा सोची की दिखा की मसीह दे खूने ला साडे दिलां जो उना कम्मा ला कितणा शुद्ध करणा जडे मौत दे पासे लेई जादे न, ताकि असां जिन्दे परमेश्वरे दी अराधना करी सकन। क्योंकि अनन्त आत्मा दिया शक्तिया दे जरिये मसीहे साडे पापां तांई अपने आपे जो निर्दोष बलिदान दे स्पे च परमेश्वरे जो भेंट चढ़ाई दिता। (aiōnios g166) 15 इसा बजा ला यीशु मसीहे लोकां सोगी इक नोई बाचा बन्नी, ताकि जिना लोकां जो परमेश्वरे सदया है, उना जो हमेशा दियां आशीषां मिली सकन जिदा परमेश्वरे बायदा कितया था। क्योंकि यीशु मसीह उना जो उना दे पापां दिया सजा ला अजाद करणे तांई मरी गया, जडे उना पैली बाचा दे अधीन रेईकरी कितयो थे। (aiōnios g166) 16 असां जाणदे न की अगर कोई माणु अपणी मौत ला बाद अपणी जमीन जयादाद जो बंडणे तांई बसियत लिखदा है, तां उस बटबारे जो करणे तांई उदा मरणा जरूरी है। 17 क्योंकि उसा बसियत दी कोई कीमत नी जालू दीकर जयादाद दा मालिक हल्ले जिन्दा है। उसा बसियत दी कीमत तालू ही है जालू उस मालिके दी मौत होई जांदी है। 18 इस तांई ऐथू दीकर परमेश्वरे दे जरिये दितियो पैली बाचा जो भी पक्की होणे ला पेहले इक बलि दिती थी। 19 सारयां ला पेहले मूसा सारयां लोकां जो व्यवस्था दे हुकम दे बारे च दसया। इदे बाद उनी बछडयां दा खून लेईकरी पाणिए च घोलया कने इदे बाद उनी इसयो लोकां कने व्यवस्था दिया कताबा च छिडकणे तांई लाल ऊन, कने जूफा नाए दे बूटे दियां डालियाँ दा इस्तेमाल किता। 20 कने जालू मूसा ऐ बोला दा था, उनी लोकां ने बोलया, “ऐ खून उस बाचा जो शुरू करदा है, जिसा जो मनणे दा हुकम परमेश्वरे तहांजो दितया है।” 21 कने इयां ही मुसे तम्बूए च कने अराधना दियां सारियां चीजां पर खून छिडकया। 22 कने मूसा दी व्यवस्था बोलदी है की सारियां चीजां जो खून छिडकी करी शुद्ध करणा चाईदा, कने बिना खूने बहाए, परमेश्वर लोकां जो उना दे पापां तांई माफ नी करी सकदा। 23 इस तांई मिलाप बाले तम्बूए कने उदियां सारियां चीजां जो विधिया अनुसार बलि देईकरी शुद्ध करणा जरूरी था, ऐ स्वर्गे दियां चीजां दी नकल है। पर स्वर्गे दियां चीजां जो विधिया अनुसार शुद्ध करणे तांई, जानवरां दे खूने ला भी खरे बलिदाने दी जरूरत थी। 24 इसा बजा ला मसीह उस पबित्र जगा च नी गया जिसा जो माणुआं अपने हथां ला बाणया है, जड्डी सच्ची पबित्र जगा दी इक प्रतीक है। पर सै साडे फायदे तांई परमेश्वरे सामणे ओणे तांई सीधा स्वर्गे जो गया। 25 कने मसीह अपने आप जो बार-बार बलि चढ़ाणे तांई स्वर्गे च नी गया, जियां महायाजक हर साल जानवरां दे खूने सोगी परम पबित्र जगा च जांदा है, क्योंकि अगर इयां होंदा तां फिरी उसयो संसारे दे शुरू होणे ला ही बडे सारे दुख झेलणा पोंदे। पर मसीह इस संसार दे आखरी बकत च अपने आप जो बलिदान करणे तांई सिर्फ इक बरी आया ताकि पाप दा अंत होई सके। (aiōn g165) 27 क्योंकि ऐ पक्का है की असां सारे लोकां इक बरी मरणा, कने उदे बाद साडा न्याय होणा।

28 तियां ही मसीह भी सारे लोकां दे पापां जो माफ करणे तांई इक ही बरी बलिदान होया। पर उनी जालू दुबारा इसा धरती पर ओणा, तां उनी साडे पापां तांई बलिदान होणे तांई नी ओणा, पर उना लोकां जो बचाणे तांई ओणा जडे लोक उसयो नियाला दे न।

10 मूसा दी व्यवस्था तां सिर्फ अग्रे भविष्य च ओणे बालियां खरियां चीजां दी परछाई है, पर उना खरियां चीजां दा असली रूप नी है, जडियां मसीहे साडे तांई कितियां न। इस तांई व्यवस्था जो मनणे बाले लोक हर साल इकोदियां बलियां चढ़ादें न, पर ऐ बलिदान उना लोकां जो कदी सिद्ध नी करी सकदे जडे परमेश्वरे दी अराधना करणे तांई उदे नेडे ओंदे न। 2 अगर परमेश्वरे दी अराधना करणे बाले इना बलिदाना दिया बजा ला सिद्ध होई जांदे, तां सै अपने आप जो दोषी नी मंदे। तां फिरी हण बलिदान चढ़ाणे दे बारे च गल्ल नी होंदी। 3 पर जानवरां दियां बलियां दा खून उना दे पापां जो दूर नी करी सकदा, पर ऐ हर साल उना जो उना दे कितयो पापां जो याद करांदा है। 5 इसा बजा ला जालू मसीह इस संसारे च आया तां उनी परमेश्वरे ला बोलया था, “तू नी चांदा की लोक तिजो बलियां चढ़ान, पर तू मिजो इक आदमी बणाई दिता।” 6 कने ना सै बलियां जिना च जानवरे जो पूरा फूकी करी चढ़ादें न कने ना ही पापां दिया माफिया तांई चढ़ाईयां बलियां ला तू खुश होंदा है। 7 तालू मसीहे परमेश्वरे ने बोलया, “हे परमेश्वर, मैं तेरी इच्छा पूरी करणे तांई आई गया है, पबित्र शत्रु च मेरे बारे च ऐई लिखया है।” 8 मूसा दी व्यवस्था सिखांदी है बलियां कने भेंटा पाप दिया बजा ला चढ़ाणियां चाईदियां। पर मसीहे इना गल्लां दे बारे च कजो बोलया की परमेश्वरे इना ला खुश नी होंदा? 9 फिरी मसीहे ऐ भी बोलदा है, “दिख, मैं सेई करणा आया है, जडा तू चांदा है।” तालू परमेश्वर बलियां वाली पैली व्यवस्था जो खत्म करी दिन्दा है, ताकि सै नोई व्यवस्था शुरू करी सके। इसी बजा ला असां उस बलिदान दे जरिये पबित्र होई गियो न जडा यीशु मसीहे अपने शरिर जो चढ़ाई करी दिता। 11 हर इक यहदी याजक रोज ही वेदिया सामणे खडा होंदा है कने लोकां दे पापां जो दूर करणे दियां विधियां जो पूरा करदा है। कने हमेशा ही इकोदे बलिदाना चढ़ादां रेंदा है, जडे कदी भी उस माणुए दे पापां जो दूर नी करी सकदे न, जडे उनी कितयो न। 12 पर यीशु मसीहे साडे पापां दी माफी तांई अपने आप जो परमेश्वरे सामणे इक ही बरी कने हमेशा तांई बलिदान करी दिता कने। सै परमेश्वरे दे सजे पासे कने सिंहासने पर सारयां ला जादा इज्जता बालिया जगा च हमेशा तांई जाई बैठे। 13 क्योंकि मसीहे अपने आप जो सिर्फ इक बरी ही बलिदान दे स्पे च परमेश्वरे जो देई दिता कने इस बजा ला उदे लोकां जो पबित्र करी दितया है कने सै सच्ची हमेशा तांई धर्मी बणी गियो न। कने ओथु सै अपने सारे दुशमणा जो पुरे तरीके ला अपने अधीन करणे तांई परमेश्वरे दा इंतजार करा दा है। 15 कने पबित्र आत्मा भी सांझो ऐ दसदा है की, ऐ गल्ल सच्च है। कने प्रभु परमेश्वरे दे बायदे जो याद करा जिदे बारे च उनी पेहले ही बोलया था, 16 “प्रभु बोलदा है; की जड्डी बाचा मैं ओणे बाले दिनां च उना सोगी करणी है, की मैं उना जो अपणी

व्यवस्था दे बारे च सोचणा देणा कने उना उसा जो अपणे मना च रखणा।” 17 फिरी परमेस्वर ऐ बोलदा है, “मैं उना दे पाप माफ करी देणे, कने मैं उना दे पापां जो दुबारा फिरी याद नी करणा।” 18 कने परमेस्वर साडे पापां जो माफ करदा है, तां हुण कोई भी होर कने परमेस्वर साडे पापां जो माफ करदा है, तां हुण कोई भी होर बलिदान देणे दी जरूरत नी है। 19 इस ताई हे मसीह भाईयो, जालू की यीशु मसीहे साडे ताई अपणी जिन्दगी बलिदान करी दिती, हुण असां हिम्मत सोगी स्वर्गे दिया परम पबित्र जगा च बिना डरयो जाई असं सकदे न। 20 जालू मसीह मरया तां उनी साडे ताई इक नोआ रस्ता खोली दिता ताकि असां ऐसी जिन्दगी जी सकन जिदा कोई अंत ना हो। उनी ऐ रस्ता पर्दे ला निकली करी खोली दिता, मतलब की अपणे शरीर जो बलिदान करिरी रस्ता खोली दिता। 21 क्योंकि साड़ा ऐसा महान याजक है जड़ा परमेस्वर दे सारे लोकां पर राज करदा है, 22 तां ओआ असां, मसीह दे खूने जो छिड़की करी अपणे मना जो शुद्ध करिरी कने साफ पाणिए ला अपणे शरीर जो धोई करी साफ करिरी कने सच्चे मने कने पक्के भरोसे सोगी परमेस्वर दे नेडे जान। 23 कने असां बिना कुसी शक दे अपणी उस आस पर टिकी रेन, जिसा जो असां अपनाया है क्योंकि असां परमेस्वर पर उदे बायदयां जो पूरा करणे ताई भरोसा करी सकदे न। 24 ओआ असां इक दुज्जे सोगी प्यारभाव कने भले कम्मा जो करणे ताई इक दुज्जे जो प्रोत्साहित करन। 25 कने असां परमेस्वर दी अराधना करणे ताई गिटे होणा बंद ना करन, जियां केई लोक करा दे न, पर ओआ असां इक दुज्जे जो होर भी जादा प्रोत्साहित कने समझान क्योंकि असां जाणदे न की प्रभु जल्दी मुडी करी ओणे बाला है। 26 सांझो इना कम्मा जो करणा चाईदा क्योंकि यीशु मसीहे दे शुभसमाचार दी सच्चाई जो जाणने बाद अगर असां जाणी बुझी करी पाप करदे न, तां कोई होर बलिदान नी है जडे साडे पापां जो माफ करी सके। 27 बल्कि डरीकरी परमेस्वर दे इंतजार करणा है की उना दा न्याय करे कने अग्नी च भस्म करी दे क्योंकि सै उदे दुशमण न। 28 जड़ा कोई मूसा दी व्यवस्था जो नी मंदा है, उस पर बगेर दया कितयो दो या तीन लोकां दी गबाई पर उसयो मारी दिन्दे न। 29 अगर मूसा दी व्यवस्था च ऐसी सजा थी, तां उस माणुए दी सजा बडी बडी होणी चाईदी जड़ा परमेस्वर दे पुत्रे दी बेईजती करदा है कने परमेस्वर दे पुत्रे जो अपणे पैरां थले गरेची दिन्दा है, कने मसीह दे खूने जो पबित्र नी मंदा जिदे जरिये परमेस्वर उसयो पबित्र करणे ताई नोई बाचा शुरू किती थी कने पबित्र आत्मा दी बेईजती किती जिदे जरिये उसयो अनुग्रह मिलया था। 30 क्योंकि असां जाणदे न की परमेस्वर बोलया, “बदला लेणा मेरा कम्म है, मैं ही बदला लेणा।” कने उनी फिरी ऐ भी बोलया की, “प्रभुए अपणे लोकां दा न्याय करणा।” 31 जिन्दे परमेस्वर दे हथां ला सजा मिलणा इक बडी भयानक गल्ल है। 32 पर उना दिनां दे बारे च याद करा, जालू तुसां पैली बरी मसीह पर भरोसा किता था। तुसां बडे भरी दुख तकलिफां जो झेलया, पर तुसां भरोसे च पक्के बणी रे। 33 कदी-कदी तां इयां भी होया की तुसां लोकां ला बेईजती कने अत्याचार झेली करी सारयां सामणे तमाशा बणी गे, कने केई बरी तुसां मसीह भाईयां दा साथ दिता जडे तुहाडे

साई दुख मसीबतां च थे। 34 तुसां कैदियां दे दुखां च भी दुखी होए, कने जालू होरनी लोकां तुहाडी धन-दौलत जो लुटया तां तुसां उना जो लुटणा दिता। क्योंकि तुसां जाणदे न की तुहाडे बाल हल्ले भी सारियां चीजां न, जिना दा परमेस्वर बायदा कितया है, कने सै हमेशा ताई न। 35 इस ताई अपणे भरोसे जो मत छडा चाहे कुछ भी होई जा। कने उस इनाम जो याद रखा जड़ा परमेस्वर तुहांजो देणा। 36 हुण तुहांजो सबर रखीकरी सेहन करणे दी जरूरत है, ताकि तुसां परमेस्वर दी इच्छा जो पूरा करी सकन। तां तुहांजो सै सारा कुछ मिलणा जिदा उनी बायदा कितया है। 37 क्योंकि जियां पबित्र शास्त्र च मसीह दे बारे च लिखया है की, “हुण बडा ही घट बकत रेई गिया है, जालू की ओणे बाले ओणा है, कने देर नी करणी थोडे।” 38 कने मेरे धर्मी लोकां मिजो पर भरोसा करणे ला ही जिदे रेणा, कने अगर सै मिजो पर भरोसा करणे ला पिच्छे हटी जांणे तां मैं उना ला खुश नी होणा। 39 पर असां उना लोकां चे नी न जडे परमेस्वर ला पिच्छे हटी जांणे न, कने खत्म होई जांणे न। पर असां उना लोकां चे न जडे भरोसा रखदे न कने बची जांणे न।

11 हुण जडे लोक परमेस्वर पर भरोसा रखदे न, उना जो पक्का ही परमेस्वर सारा कुछ देणा जिदी सै आस रखदे न; उना जो यकीन है की जिना चीजां जो उना दिखया नी है सै असली च हेन। 2 साडे पूर्वजां दा भी ऐसा भरोसा था कने इसी ताई परमेस्वर उना ला खुश था। 3 क्योंकि भरोसा करणे ला ही असां जाणी लेंदे न, की सारे संसार जो परमेस्वर अपणे बचना ला बणाया है। इस ताई असां जड़ा भी दिखदे न, सै उना चीजां ला नी बणयो न जिना जो दिखी नी सकदे न। (aiōn g165) 4 भरोसा करणे दिया बजा ला ही आदमे दे पुत्र हाबिले अपणे बड़े भाई कैन ला बदिया बलिदान परमेस्वर ताई चढाया, कने उदे बलिदाने दे जरिये ही परमेस्वर गबाई दिती की हाबिल धर्मी है, कने परमेस्वर उदे बलिदान ला खुश था। हाबिल अपणी मौत ला बाद भी सांझो सिखा दा है की भरोसा कदिया होणा चाईदा। 5 भरोसे दिया बजा ला ही परमेस्वर हनोक नांणे दे माणुए जो स्वर्गे च जिन्दा चुकी लिया, कने सै इस ताई मरया नी कने कुसी जो भी उदी लाश नी मिल्ली, क्योंकि स्वर्गे च जाणे ला पेहले हनोके परमेस्वर जो खुश किता, जियां पबित्र शास्त्र च लिखया है। 6 परमेस्वर पर भरोसा करिरी ही असां उसयो खुश करी सकदे न, क्योंकि परमेस्वर बाल ओणे बाले लोकां जो पक्का भरोसा होणा चाईदा की, परमेस्वर है, कने सै उना जो इनाम दिन्दा है जडे उसयो जाणदे दी कोशिश करदे न। 7 भरोसा करणे दिया बजा ला ही नूह नांणे दे माणुए जो बाढ दे बारे च चेतावनी मिल्ली जडी उनी कदी नी दिखियो थी। तां परमेस्वर दा हुकम मन्नी करी अपणे परिवार जो बचाणे ताई जाज बणाया, कने जिना लोकां भरोसा नी किता सै सारे दोषी होए कने सारे पाणिए च डूबी करी मरी गे। क्योंकि नूहे परमेस्वर पर भरोसा किता इसा बजा ला सै परमेस्वर दिया नजरा च धर्मी बणाया। 8 भरोसे दिया बजा ला ही अब्राहम नांणे दे माणुए जो परमेस्वर इक ऐसी जगा च जाणे ताई सदया जिसा जगा जो परमेस्वर बादे च उसयो विरासत च देणेबाला था। कने सै ऐ नी जाणदा था की

कुथयो चलया है, पर फिर भी परमेश्वरे दा हुकम मन्नी करी सै उस देशे जो चली गया। 9 परमेश्वरे जिस जगा दा बायदा कितया था, अब्राहम उस देशे च परदेसियां सांई तम्बूआं च रेंदा था, उदे सोगी उदा जागत इसहाक कने पोत्र याकूब भी तम्बूआं च रेंदे थे, जिना जो परमेश्वरे ला ऐई बायदा मिलया था। 10 क्योंकि सै स्वर्ग च इक ऐसे शेहरे च रेणे दी उम्मीद रखदे थे, जिनी हमेशा बणी रेणा है, जिसयो बणाने बाला कने रचणे बाला परमेश्वर है। 11 भरोसे दिया बजा ला ही अब्राहम दी घरे बालिया सारा बुड़ी होई के भी गर्भ धारण कित्या, क्योंकि उसा जो भरोसा था की परमेश्वरे जडा बायदा कितया है सै उनी पूरा करणा। 12 कने इसा बजा ला जालू अब्राहम बडा बुडा होई गया था की मरणे ही बाला था, फिरी भी अम्बरे दे तारयां सांई कने समुद्रे कंडे दे रेते सांई उदे अगणित वंश पैदा होए। 13 ऐ सारे लोक जिना परमेश्वरे पर भरोसे कित्या, सै उना चीजां जो मिलयो बिना ही मरी गे, जिदा बायदा परमेश्वरे कितया था। सै उना चीजां जो दुरे ला दिखीकरी खुश होए, कने उना ऐ गल्ल मन्नी लेई की असां इसा धरती पर परदेसी कने अजनबी न। 14 सै लोक जडे ऐसा बोलते न की असां परदेसी कने अजनबी न, सै इक ऐसे देशे दी मिलणे दी उम्मीद रखदे न जडा उना दा अपणा होणा। 15 अगर सै उस देशे दे बारे च सोचदे, जिथू ला सै आयो थे, तां सै मुडी करी जाई सकदे थे। 16 पर उना जो इक खरे देश जाणे दी इच्छा थी मतलब की स्वर्ग, इस तांई परमेश्वर उना दा परमेश्वर बोलया जाणे ला खुश था, क्योंकि उनी उना तांई इक शहर तैयार कितया है। 17 भरोसे दिया बजा ला ही अब्राहम अपने पुत्रे दी बलि चढाणे तांई तैयार होई गया था, जालू परमेश्वरे उदी परिक्षा लेई। परमेश्वरे अब्राहमे ला इस पुत्रे दे बारे च बायदा कितया था की, “इसहाक ला ही तेरा वंश बढणा है।” फिरी भी सै अपने इकलोते पुत्रे जो बलि चढाणे तांई तैयार था। क्योंकि उसयो पूरा भरोसा था की अगर इसहाक मरी भी जांगा तां परमेश्वर उसयो जिन्दा करी सकदा है। इस तरीके ला अब्राहमे जो उदा अपणा पुत्र इसहाक जिन्दा मिली गया था। 20 भरोसे दिया बजा ला ही इसहाके अपने दो पुत्रां मतलब की याकूबे कने एसाब जो औणे बाली जिन्दगी तांई जडा बायदा कितया था उदे बारे च आशीष दिती। 21 भरोसे करणे ला ही याकूबे मरदे बकत यूसुफे दे पुत्रां जो इक-इक करिरी आशीष दिती, कने अपणिया सोठिया दे सारे ला झुकी करी परमेश्वरे दी अराधना किती। 22 भरोसा करणे ला ही यूसुफ नाऐ दे माणुऐे जालू सै मरणे बाला था, तां उनी बडे भरोसे ला इसा गल्ला जो बोलया था की इस्राएल देशे दे लोकां मिस्र देशे जो छडी करी कनान देशे जो चली जाणा। कने उनी ऐ हुकम भी दितया की जालू सै कनान देशे जो जाणे तां उदियां हडियां जो भी कनान देशे लेई जान। 23 जालू मिस्र देशे दे राजे ऐ हुकम दिता की इस्राएलियां दे सारे जमदे जागतां जो मारी दिया, तालू भरोसा करणे ला ही मूसा दे माता-पिता उसयो पैदा होणे बाद तिन्न महीने दीकर लुकाई रख्या, कने जालू मूसा बढा होया तां उनी भरोसा करणे ला ही राजे दिया

कुडिया दा पुत्र होणे ला मना करी दिता। 25 ऐ इस तांई होया की मूसे पाप दे थोडे बकते दे सुखां दा आनंद लेणे दे बजाऐ परमेश्वरे दे लोकां सोगी दुख झेलणा जादा खरा समझया। 26 कने उनी मसीह तांई बेईजत होणा, मिस्र देशे दे धन दौलत ला भी जादा बदीकरी समझया, क्योंकि सै अपणा इनाम मिलणे दा इंतजार करा दा था, जडा परमेश्वरे उसयो देणा था। 27 भरोसा करणे दिया बजा ला ही सै मिस्र देशे दे राजे दे गुस्से ला नी डरया कने उनी मिस्र देश जो छडी दिता, क्योंकि सै समझी गया था कने मन्ना ऐ ऐसा था की जियां उनी परमेश्वरे जो दिखी लिया था, जिसयो कोई दिखी नी सकदा। 28 भरोसा करणे ला ही मूसे इस्राएल देशे दे लोकां दी पहली ओलादी जो हुकम दिता की दरबाजे पर बकते दा खूने छिडकी करी फसह दा त्योहारे मना, ताकि पैली ओलादा जो खत्म करणे बाला दूत इस्राएलियां दिया पेलिया ओलादा जो छुई ना सके। 29 भरोसा करणे ला ही इस्राएल दे लोकां लाल समुन्द्र इयां ही पार करी लिया, जियां की सै सुकियां जमिना पर चलयो न, पर जालू मिस्र देशे दे लोकां इयां करणा चाया तां सै सारे डुबी करी मरी गे क्योंकि समुन्द्र पलटी गया। 30 भरोसा करणे ला ही इस्राएल देशे दे लोकां परमेश्वरे दा हुकम मन्नी करी यरीहो शेहरे दिया कन्दा दे चारो पासे सतां दिनां दीकर चक्कर लांदे रे, तां सै कन्दा डेई गेई। 31 भरोसा करणे ला ही रहाब वैश्या परमेश्वरे दे हुकम नी मनणे बाले लोकां सोगी खत्म नी होई, क्योंकि उना इस्राएली गुप्तचरां दा स्वागत कित्या था जडे यरीहो शहर दा भेद लेणा आयो थे। 32 हुण मिजो कुछ होर बोलणे दी जरूरत नी है, क्योंकि हुण मेरे बाल बकत नी रिया की, मैं, गिदोन, बराक, शिमशोन, यिफतह, दाऊद, शमूएल, कने परमेश्वरे दे संदेश देणेबालयां दे भरोसे दे बारे च तुहांजो दर्से। 33 इना भरोसा करणे ला ही राज्य जिते; सही कम्म किते; कने इना जो बायदा कितियां चीजां मिलियां; कने शेर इना जो खाई नी सके, 34 अगग उना जो फुकी नी सकी, तलबारा दी धार उना जो मारी नी सकी, जालू इक बरी कमजोर होए तां दुबारा सै मजबूत बणे, लडाईया च वीर निकले, कने उना अपने दुशमणा दी सेना जो मारी दितया। 35 कुछ जनानियां अपने मरयां लोकां जो फिरी ला जिन्दा दिखया, कितणे तां मार खांदे-खांदे मरी गे, कने अपणा भरोसा नी छडया ताकि उना जो जेला ला छुटकारा मिली जा; इस तांई की उना जो मरयां चे जिन्दे होई जाणे बाद इक खरी जिन्दगी मिल्ले। 36 केईयां दा मजाक उडया, केईयां जो कोडे खाणा पे, केईयां जो सुंगला ला बन्नी करी जेला च पाई दिता। 37 केईयां जो पथर मारी करी मारी दिता, कने अरे ला चिरी करी दो फाड करी दिते, तलवारा ने मारी दिते। सै गरीब थे, उना जो दुख दिते कने उना सोगी बुरा बर्ताब कित्या। कने सै भेडां बकरियां दी खली जो ओडी करी रूआं-परां भटकदे रे। 38 कने बणा, पहाडा, गुफां च कने धरती दी दरारां च भटकदे फिरे। संसार इना भरोसा करणे बाले लोकां दे काबिल नी था। 39 कने भरोसे दे जरिये ही इना लोकां दी परमेश्वरे उना दी तारीफ कितियो, तमी उना जो सै चीजां नी मिलियां जिना दा परमेश्वरे उना ला बायदा कितया

था। 40 क्योंकि परमेश्वरे बाल सांझो कुछ खरा देणे योजना है ताकि उना जो सिद्ध बनाई सके, पर सिर्फ साडे सोगी मिली करी ही।

12 साडे अखे-बखे इयोदे लोक बडे भरी न, जिना दिया जिन्दगिया ला सांझो पता लगदा है की भरोसे दा क्या मतलब होंदा है। तां ओआ, असां हर इक रोकणे बाले कने उलझाणे बाले पापां जो दूर करिरी, असां उस रस्ते पर चलन जिस पर सांझो जम् चलणा चाईदा। 2 सांझो यीशु मसीह पास्से दिखदे रेणा चाईदा, जडा सांझो अगगे बदांदा है कने साडे भरोसे जो पूरा करता है। जिनी उसा खुशिया तांई जडी उसयो बादे च ओणे बाले बकते च मिलणी थी, बेईजती दी कोई परबाह नी करिरी सूली दे दुखे जो सेहन किता कने मरी गया; कने हुण सै परमेश्वरे दे सिंहासने दे सज्जे पासे जाई बैठया है। 3 इस तांई यीशु दे उदाहरण दे बारे च सोचा, जिनी पापियां दे दितयो बडे बडे दर्द जो इस तांई सेहन करी लिया ताकि तुसां हारी करी हिम्मत ना छडी देन। 4 तुसां बुराईया दियां ताकता दे खिलाफ लडदे होऐ, तुसां हल्ले दीकर ऐसी लडाई नी लडी होणी जिसा च तुहाडी मौत होई गेई हो। 5 कने तुसां उस हिम्मता दियां गल्लां जो भूली गियो न जडियां परमेश्वरे तुहांजो अपने पुत्र समझीकरी बोलियां थियां: “हे मेरे पुत्र, जालू प्रभु तिजो ऐहसास कराऐ की तू गलत कितया है तां उस पर पूरा ध्यान दिया, कने जालू प्रभु तिजो झिडकां दे तां दिखयां हिम्मत छडदा।” 6 क्योंकि प्रभु जिसला प्यार करता, उसयो सुधारदा भी है, कने जिसयो अपना पुत्र बनाई लेंदा है, उसयो कोडे भी मारदा है। 7 जडा दुख तुसां झेला दे न उसयो परमेश्वरे दी सजा समझीकरी सेहन करी लिया। परमेश्वर तुहांजो पुत्र समझीकरी तुहाडे सोगी बर्ताव करदा है। सै कुण दिया पुत्र है जिसयो उदा पिता सुधारदा नी है? 8 अगर परमेश्वर तुहांजो नी सुधारे जियां सै अपने पुत्रे जो सुधारदा है, तां तुसां उदे असली बच्चे नी न। 9 फिरी जालू की साडे शरीरिक पिता भी सांझो सुधारणे तांई सजा दिन्दा है, असां फिरी भी उदी सुणदे कने इज्जत करदे न, इस तांई ऐ होर भी जादा जरूरी है की जालू साडा स्वर्गे दे पिता सांझो सुधारे तां तालू असां उदी सुणन ताकि सांझो हमेशा दी जिन्दगी मिल्ले। 10 साडे शरीरिक पिता तां अपनी-अपणी समझा दे सावे ला जडा उना जो ठीक लगे, थोडे रोजां तांई सांझो सुधारदे थे, पर परमेश्वर साडिया भलाईया तांई सांझो सुधारदा है, ताकि असां भी उस सांई पबित्र होई जान। 11 जिस बकत सै सांझो सुधारदा है, उस बकत सै सुधार सांझो खरा नी लगदा है, बल्कि बडा बुरा लगदा है, पर जालू बादे च असां इसला सिख लेंदे न, तालू सांझो शांति मिलदी है, क्योंकि असां सही तरीके ला जिणा शुरू करी दिन्दे न। 12 इना सारियां गल्लां दिया बजा ला मजबूत बना कने प्रोत्साहित रिया। 13 इआं-परां दिखणे दिया बजाऐ, तुसां यीशु मसीह बाल जाणे बाले रस्ते पर जा, ताकि जडे साडे बिच आत्मिक रूप च कमजोर न, सै भटकी ना जान पर उना दा भरोसा मजबूत होई जाऐ। 14 सारियां सोगी मिली-जुली करी रिया, कने पबित्र जिन्दगी जिणे दी कोशिश करदे रिया। इदे बिना कोई भी प्रभु जो नी दिखी सकदा है। 15 कने ध्यान रखा की, ऐसा ना हो की कोई भी परमेश्वरे दे अनुग्रह ला छूटी जाऐ, कने तुहाडे बिच परेशानी

खडी करी दे। ऐसा माणू तुहाडे के मतयां जो बर्बाद करी सकदा है। 16 ऐसा ना हो, की कोई भी जणा व्यभिचारी, या अब्राहमे दे पोत्र एसाब सांई अधर्मी हो। क्योंकि सै जेठा पुत्र था, पर उनी अपने पेहला पुत्र होणे दे सारे हकां जो अपने छोटे भाई याकूब जो इक बकते दिया रोटिया तांई बेची दिता। 17 तुसां जाणदे न की बादे च जालू सै अपने पिता ला आशीष पांणा चांदा था, पर उसयो ऐ नी मिली, कने रोई-रोई करी भी उनी आशीष मंगी पर उसयो अपनी गलती सुधारणे दा दुबारा मौका नी मिलया। 18 तुसां सीने पहाडे सांई असली पहाडे पर नी आयो न, जिसयो छुई कने दिखी सकदे न। ऐथू कोई भखदी अगग या काले बदल या तूफान नी है, कने लोक इक ऐसिया ही जगा च थे जालू परमेश्वरे उना जो अपनी व्यवस्था दिती। 19 कने ना ही तुरही दिया अबाजा कने बोलणे बाले दे बखे नी आयो न, जिसयो सुणने बालयां विनती किती की हुण साडे ला जादा गल्लां मत करा। 20 उना ऐसा इस तांई बोलया क्योंकि सै उस हुकमे जो सेहन नी करी सके जडा परमेश्वरे बोलया, “अगर कोई जानवर भी उस पहाडे जो छुंगा तां उसयो पत्थर मारा।” 21 कने सै दर्शन इतणा डरावणा था, की मूसे भी बोलया, “मैं बडा डरा दा कने कमा दा है।” 22 पर तुसां सिस्थियोन पहाडे पर आई गियो न जडा जिन्दे परमेश्वरे दा स्वर्गीय यरूशलेम शहर है, जिथू लखां स्वर्गदूत त्योहारे कने खुशिया मनादे न। 23 तुसां परमेश्वरे दे पहिलौठां दिया सभा च आयो न, जिना दे ना स्वर्ग च लिखयो न। तुसां अपु परमेश्वरे बाल आयो न जडा सारियां चीजां दा न्याय करणे बाला है, सै स्वर्ग च उना धर्मीं लोकां दियां आत्मा न जिना जो हुण सिद्ध बनाया है। 24 तुसां यीशु मसीह बाल आयो न जडा लोकां कने परमेश्वरे बिच नोई बाचा दा बिचोलिया है। कने छिडकयो खुने बाल आयो न, जडा हाबिले दे खुने सांई न्याय तांई विनती करणे दे बजाए पापां दी माफी दी गल्ल करदा है। 25 ध्यान रखा कने उस परमेश्वरे दी मन्ना जडा तुहाडे ने गल्ला करा दा है, क्योंकि इझाएल दे लोक परमेश्वरे दिया सजा ला नी बची सके जालू उना मूसा दी गल्ल नी मन्नी, इस तांई साडे तांई होर भी जादा बुरा होणा अगर असां परमेश्वरे दिया गल्लां जो सुणने ला मना करी दिगे जडा स्वर्ग ला चेतावनी दिन्दा है। 26 जालू परमेश्वरे सीने पहाडे पर खडोई करी बोलया तां उदिया अबाजा ला धरती हिली पेई थी, पर हुण उनी ऐ बायदा कितया है की, “मैं इक बरी फिरी सिर्फ धरती जो नी, पर अम्बरे जो भी हिलाई देणा है।” 27 कने ऐ गल्ल इक बरी फिरी इसा गल्लां जो दसदी है, की सारियां बनाईयां चीजां हिलाईयां कने हटाई जाणियां न, ताकि सै चीजां जडियां हिलाई नी जान्दियां न सै टिकी रेन। 28 इस तांई सांझो जडा राज्य मिलया सै हिलाया नी जाई सकदा, इसा गल्ला तांई सांझो परमेश्वरे दा धन्यवाद करणा चाईदा। कने इज्जत कने डरे सोगी, परमेश्वरे दी ऐसी अराधना करन, जिसला सै खुश होंदा। 29 क्योंकि जियां अगग भस्म करदी है, तियां ही साडा परमेश्वर अपने दुशमणा जो खत्म करदा है।

13 इक दुज्जे सोगी अपना भाई कने बेहण समझीकरी प्यार करा। 2 अजनबी लोकां दी भी इज्जत कने खातिरदारी करदे रिया, क्योंकि ऐसा करणे ला केईयां लोकां अनजाणे च स्वर्गदूतां दी

इज्जत कने खातिरदारी कितियो है। 3 कैदियां दा इयां हाल चाल पछदे रिया, जियां मन्ना तुसां भी उना सोगी जेला च न, कने जडे दुख सेहन करा दे न, उना दा भी ऐ समझीकरी हाल चाल पछदे रिया, जियां तुसां भी उना सोगी उना दे दुखे च शामिल न। 4 बियाये दा रिश्ता सारयां ताई आदरनीय हो, कने लाडा-लाडी इक दुज्जे सोगी बफादार रिया। क्योकि परमेश्वरे व्यभिचारियां कने नाजायज रिश्ते रखणे बालयां दा न्याय करणा है। 5 अपणिया जिन्दगिया जो पैसयां दे लालचे ला दूर रखा, कने जडा तुहाडे बाल हो तुसां उसी च ही खुश रिया; क्योकि परमेश्वरे अपु ही बोलाया है, "मै तिजो कदी भी नी छडगा कने ना ही कदी त्यागणा है।" 6 इस ताई असां बिना डरयो बोलते न, "प्रभु, मेरी सहायता करता है, मै नी डरणा; माणु मेरा क्या बगाडी सकदा है।" 7 जडे तुहाडे अगुवे न, कने जिना तुहांजो परमेश्वरे दा बचन सुणाया है, उना जो याद रखा; कने ध्याने ने उना दिया जिन्दगिया जो दिखा की, कियां उना अपणी जिन्दगी जी कने मरणे दीकर भरोसे च बफादार रे, तियां ही तुसां भी परमेश्वरे पर भरोसा दस्सा जियां उना दसया था। 8 यीशु मसीह कल कने अज कने यूगां-यूगां दीकर इकोदिया है, क्योकि यीशु मसीह कदी नी बदलदा। (aiōn g165) 9 इस ताई सांझो इना सारियां नोईयां कने लग-लग शिक्षां जो नी मनणा चाईदा, जडियां तुहांजो गलत रस्ते पर लेई जान्दियां न। तुहाडे मना ताई ऐ ही खरा है की सै अनुग्रह दे जरिये पक्के बणन, ना की उना खाणे बालियां चीजा दे रिबाजां जो मनणे ला, क्योकि इना गल्लां जो मनणे ला उना दा कोई फायदा नी है जडे इना गल्लां जो मंदे थे। 10 साडे बाल इक ऐसी वेदी है, जिसा चे मिलाप दे तम्बूए दे याजकां जो खाणे दा कोई हक नी है। 11 क्योकि पैली बाचा अनुसार हर साल महायाजक जिना जानवरां दा खून पापां दी माफी ताई परम पबित्र जगा पर लेई जांदा था, उना दे शरीरां जो जिथु सै रेंदे ओथु ला बार लेईजाई करी फुकदे न। 12 इसी बजा ला, यीशुए भी लोकां जो अपने ही खुने ला पबित्र करणे ताई यरूशलेम शहर ला बाहर दुख झेले कने मरी गया। 13 इस ताई ओआ, असां यहदी रीतियां जो छडी करी, छावनी दे बार जान, कने यीशु मसीह पर भरोसा करदे होऐ जियां यीशुए बेईजती सेहन किती, तियां ही असां भी बेईजती सेहन करन। 14 क्योकि इसा धरती पर साडे बाल हमेशा रेणे ताई कोई घर नी है, बल्कि असां तां उस स्वर्गे दे घरे दा इंतजार करा दे न जडा हमेशा ताई है। 15 इस ताई असां यीशुए जरिये लगातार अपने ओठां ला परमेश्वरे दा गुणगान करन। ऐई उदे ताई साडा बलिदान है। 16 पर भलाई करणा कने जस्तरतमंद लोकां दी सहायता करणा कदी मत भुलदे; क्योकि परमेश्वर ऐसे बलिदाना ला खुश होंदा है। 17 अपने अगुवां दा हुकम मन्ना, कने उना दे अधीन रिया, क्योकि तुहाडियां आत्मा दी रखबाली करणा उना दा कम्म है, उना जो तुहाडे बारे च परमेश्वरे जो लेखा देणा पौणां है। तुसां उना दी मन्ना ताकि सै इस कम्मे जो खुशिया ला करन, ना की दुखी होईकरी, क्योकि दुखी होईकरी सेवा करणे दा कोई फायदा नी होणा। 18 साडे ताई प्राथना करदे रिया; क्योकि सांझो इसा गल्ला दा पक्का पता है, की साडी अंतरात्मा शुद्ध है, कने असां

हर बकत खरा ही करणा चांदे न जिदे जरिये परमेश्वरे जो इज्जत मिल्ले। 19 तुहाडे ला मेरी ऐ खास बिनती है की प्रार्थना करा की मै तुहांजो ला मिलणा तोली आई सके। 20 कने हण परमेश्वर जडा तुहांजो शांति दिन्दा है, कने जिनी साडे प्रभु यीशु जो मरयां चे जिन्दा किता, सै तुहांजो सारियां चीजां दे जिना दी जस्तरत तुहांजो उदी इच्छा जो पूरा करणे ताई है। कने यीशु मसीह दिया शक्तिया जरिये सै तुहांजो हर इक खरिया गल्ला जो सिद्ध करे जडियां उसयो खुश करदियां न। यीशु मसीह सनातन बाचा दे जरिये भेडां दा महान पुहाल बणया, जिस पर उदे खुने ला हस्ताक्षर कितया है। उदी महिमा हमेशा होंदी रे। आमीन। (aiōn g165, aiōnios g166) 22 हे मसीह भाईयो, मै तुहाडे ला विनती करता है, इस चिठिया दियां गल्लां जो सबर रखीकरी सुणी लिया, ऐ मै तुहांजो होंसला देणे ताई लिखियां न। मै इसा चिठिया च बडियां जादा गल्लां नी लिखियां न। 23 तुसां ऐ जाणी लिया की तीमथियुस साडा मसीह भाई जेला ला छुटी गया है, कने अगर सै तौली मेरे बाल आई गया तां मै उदे सोगी तुहांजो ने मिलगा। 24 अपने सारे अगुवां जो कने परमेश्वरे दे सारयां लोकां जो नमस्कार बोला। इतालिया प्रदेशे दे भरोसा करणे बाले मसीह भाई कने बेहणा तुहांजो नमस्कार बोलते न। 25 मै प्राथना करता है की, परमेश्वर दा अनुग्रह तुसां सारयां पर होंदा रे। आमीन।

याकूब

1 मैं, याकूब इसा चिठिया जो लिखा दा है, मैं परमेस्वर दा कने प्रभु यीशु मसीह दा सेवक है। मैं ऐ चिट्ठी इस्राएल दे लोकं जो लिखा दा है, जडे बाहरां गोत्रों चे न कने दुनिया भर रूआं परां बिखरयो न, कने उना जो नमस्कार बोलदा है। 2 हे मेरे मसीह भाईयो, जालू तुहांजो पर लग-लग तरा दियां परेशानिया ओन, तां इसयो पूरी खुशिया दी गल्ल समझनयो, 3 क्योंकि तुसां जाणदे ही न, की तुहाडे भरोसे जो परखे जाणे ला होर जादा सबर बददा है। 4 परमेस्वरे पर भरोसा करिरी सबर ला परेशानिया दा सामणा करदे रिया, ताकि तुसां आत्मिक स्पे ला पूरे समझदार कने सिद्ध होई जान कने तुहाडे च कुसा भी गल्ला दी कमी ना रे। 5 पर अगर तुसां चे कुसयो भी अकला दी कमी है, तां परमेस्वरे ला मंगा, जडा बिना दोष दितयो सबना जो प्यारे ला दिन्दा है; कने परमेस्वरे तुहांजो भी देणा है। 6 जालू तुसां परमेस्वरे ला मंगे, तां पूरा भरोसा करिके मंगनयो कने परमेस्वरे पर कोई भी शक मत करदे, क्योंकि शक करणे बाले समुन्द्रे दियां लैहरां सांई बदलेदे रेदे न, जडियां होआ ने चलदियां कने उटकदियां न। 7 ऐसा माणु ऐ आस बिलकुल छडी दे, की उसयो प्रभु ला कुछ मिलगा, क्योंकि इदा मन घडी-घडी बदलुन्दा रेदा कने लोक इस पर भरोसा नी करी सकदे। 9 जडे विश्वासी भाई गरीब न, उना जो खुश होणा चाईदा की परमेस्वरे उसयो कदेई इज्जत दिती। 10 जडे विश्वासी भाई अमीर न, उसयो खुश होणा चाईदा, की परमेस्वरे उसयो दीन किता, क्योंकि उदी अमीरी नाश होणे बाले जंगली घांए सांई है दे फुलां सांई झडी करी खत्म होई जांदी है। 11 क्योंकि सूरज निकलदे ही ज़ोरे दी धूप पौंदी कने सारा घा सुकी जांदा है, कने उसा दे सारे फुल झडी जांदे न, कने उना दी शोभा सुकी जांदी है; तियां ही अमीर विश्वासियो भी मरी जाणा अगर सै अपने ही कम्मा च लगगी रंगा। 12 धन्य है सै माणु, जडा परख च टिकी रेदा है, क्योंकि जालू सै परख च खरा निकली जांदा है, तां उसयो अनन्त जिंदगी दा सै मुकुट मिलणा जिसदा बायदा परमेस्वरे अपने प्यार करणे बालयां तांई कितया है। 13 जालू कुसी दी परख हो, तां सै ऐ ना समझे, की मेरी परख परमेस्वरे करा दा है, क्योंकि ना तां बुरियां गल्लां ने परमेस्वरे दी परख होई सकदी है, कने ना ही परमेस्वर कुसी दी परख अपु लेंदा है। 14 पर हर माणु अपणियां ही बुरिया इच्छा च फसी करी परख च पौदा है, जियां इक डंगर खांणे दे लालचे आई करी फाईया च फसी जांदा है। 15 फिरी सै बुरी इच्छा गर्भती होई के पापे जो जन्म दिन्दी है, कने जालू पाप बदी जांदा है, तां सै हमेशा दी मौत दा रस्ता है। 16 मेरे प्यारे मसीह भाईयो, धोखा च मत रिया। 17 क्योंकि हर इक खरा वरदान कने हर इक खरा दान स्वर्ग ला ही है, कने ज्योतियाँ दे पिता ला ही मिलदा है, सै हमेशा इकोदिया रेदा कने ना ही छाया पौंदी है। 18 उनी अपणी ही इच्छा ने सांझो सच्चे बचना ने नोई जिन्दगी दितियो है, ताकि असां उदी बणाईयो दुनिया दे सारयां ला जसूरी हिस्सा बणन। 19 हे प्यारे मसीह भाईयो, ऐ गल्ल तुसां जाणी लिया हर इक

माणु सुणे तांई हमेशा तैयार कने बल्ले बोलणे बाला कने घट गुस्से बाला हो। 20 क्योंकि जालू माणु गुस्सा करदा है तां, सै धार्मिक जिन्दगी नी जी सकदा, जडा परमेस्वरे जो खुश करदा है। 21 इस तांई मने दी सारी मेला जो कने दुशमणिया जो मुकाई करी परमेस्वरे दे बचने जो प्यारे ने अपनाई लिया, जडा तुहाडे दिले च रखया है, कने जडा तुहाडे प्राणा दा उद्धार करी सकदा है। 22 पर परमेस्वरे दे बचना दी शिक्षा दा पालन करणे बाला बणा, ना की सिर्फ सुणे बाले, जडे अपने आपे जो धोखा दिन्दे न। 23 क्योंकि अगर कोई बचन दी शिक्षा जो सिर्फ सुणेबाला है, पर मनदा नी है, तां सै उस माणुए सांई है, जडा अपना मुं शीशे च दिखदा है। 24 इस तांई की सै अपने आपे जो दिखीकरी चली जांदा है, कने झट भूली जांदा है, की मैं कदिया था। 25 पर जडा माणु परमेस्वरे दी पूरी व्यवस्था दा ध्याने ने अध्ययन करदा है, जडी लोकं जो पापां ला अजाद करदी है, सै इसयो सुणी के भुलदा नी है, पर इसदी शिक्षा दा पालन करदा है, उसयो अपने कम्मा पर परमेस्वरे ला आशीष मिलणी। 26 अगर कोई अपने आपे जो भक्त समझे, कने बुरियां गल्लां बोलणे च काबू नी रखे, तां सै अपने आपे जो धोखा दिन्दा है कने उदी भक्ति बेकार है। 27 साडे पिता परमेस्वर दिया नजरा च शूद्र कने सच्ची भक्ति ऐ है, की अनाथां कने विधवां दे दुखां च उना दा हाल चाल पुच्छन, कने अपने आपे जो संसारे दे बुरे कम्मा ला बचाई रखा।

2 हे मेरे प्यारे मसीह भाईयो, तुसां साडे महिमामय प्रभु यीशु मसीह दे चले न, इस तांई तुसां च भेदभाव ना हो। 2 मन्नी लिया, अगर इक माणु सोने दे छल्ले कने छेल कपडे पाई करी तुहाडिया कलीसिया च ओए कने इक गरीब माणु मैले कपडे पाई करी आए। 3 कने तुसां उस छेल कपडे बालयो बडिया इज्जता ला बोलन, की तू ओथु खरिया दिया जगा च बैठ, कने तू उस गरीबे जो बोले, तू ऐथू खडोई रे, “या मेरे पैरां बाल बैठ।” 4 तां क्या तुसां इना दोनों च भेदभाव नी किता कने तुसां बुरे बिचारे ला न्याय करणे बाले नी बणी गे? 5 हे मेरे प्यारे मसीह भाईयो सुंगा; इसा गल्ला पर ध्यान दिया, क्या परमेस्वरे इस संसारे दिया नजरा च गरीब लोकं जो भरोसे च अमीर होणे तांई नी चुणया? परमेस्वरे उना जो स्वर्ग राज्य च वारिस बणने दा भी वायदा कितया है जडे उसयो प्यार करदे न। 6 पर तुसां उस गरीबे दी बेसती किती। तुसां जाणदे न अमीर लोक तुसां पर जुलम करदे न कने सै तुहांजो कचेरिया च घसीटी-घसीटी के लेई जांदे न। 7 सै सेई न जडे यीशु मसीह दे आदर योग्य नांए दे खिलाफ बुरियां गल्लां करदे न, जिना सोगीं तुसां रिश्ता रखदे न। 8 अगर तुसां पबित्र शास्त्रे दे इस बचने दे अनुसार की “तू अपने पडोसियां सोगीं अपने सांई प्यार कर,” सच्ची उस राज्य दी व्यवस्था जो पूरा करदे न तां खरा करदे न। 9 पर अगर तुसां भेदभाव करदे न, तां पाप करदे न; कने व्यवस्था दे अनुसार तुसां दोषी न। 10 क्योंकि जडा कोई सारी व्यवस्था दा पालन करदा है, पर उदे इक हुकम जो तोडदा है, तां सै भी उसी सांई दोषी है जिनी सारिया व्यवस्था दा पालन नी किता। 11 इस तांई परमेस्वरे ऐ बोलया, तू व्यभिचार मत करदा, उनी ही ऐ भी बोलया की, “तू हत्या मत करदा” इस तांई अगर तू

व्यभिचार नी किता, पर हत्या कितियो है, तां तू व्यवस्था दे अनुसार दोषी है। 12 इस तांई तहाडा बचन बोलणा कने उना जो मनणा, उना लोकां सांई होऐ, जिना दा न्याय उसा व्यवस्था दे अनुसार होणा है, जडी सांझो अजाद करदी है। 13 क्योकि जडा कोई दुज्जयां पर दया नी करणा, तां परमेश्वरे भी उस पर दया नी करणी। पर जडा कोई दुज्जयां पर दया करणा, तां परमेश्वरे भी उस पर दया करणी, जालू उनी न्याय करणा। 14 हे मेरे प्यारे मसीह भाईयो, अगर कोई बोले की मिंजो यीशु मसीह पर भरोसा है, पर सै दुज्जयां तांई भले कम्म नी करदा हो, तां इसला क्या फायदा? क्या ऐसा भरोसा उदा उद्धार करी सकदा है? 15 अगर कुसी मसीह भाई या बेहणा बाल जरूरी कपडे ना होन, कने उना जो खाणे जो घट मिलदा हो, 16 कने तुसां चे कोई उना जो बोले कि, “प्रभु तुहांजो आशीष दे कने तुहांजो गर्म रखे कने खाणे जो रोटी दे,” पर जडियां चीजां साडे शरीर तांई जरूरी न, अगर सै उना जो ना देन, तां इसला उदा कोई फायदा नी होणा। 17 तियां ही भरोसा भी, अगर भले कम्मा सोगी नी हो तां उदा भरोसा बेकार है। 18 “कोई बोलदा है की मै यीशु मसीह पर भरोसा करदा है, कने दुज्जा माणु बोलदा है की मै भले कम्म करदा है।” पर मै बोलदा है, “क्या तुसां बिना भले कम्म करिरी मिंजो ऐ साबित करी सकदे न की तुसां यीशु मसीह पर भरोसा करदे न? मै अपणे भले कम्मा करणे दे जरिये ऐ साबित करी सकदा है की मै यीशु मसीह पर भरोसा करदा है।” 19 तिजो भरोसा है, की इक ही परमेश्वर है; ऐ अच्छी गल्ल है: बुरियां आत्मा भी भरोसा रखदियां न, कने डरदियां न। 20 पर मुर्ख माणु क्या तू ऐ भी नी जाणदा, की भले कम्म बिना भरोसा बेकार है? 21 जालू साडे पूर्वज अब्राहमे अपणे पुत्र इसहाक दी बलि वेदिया पर चढाई, तां उनी जडा भला कम्म किता, उसला ही सै परमेश्वरे दे सामणे धर्मी बणया था। 22 तू दिखी लिया की भरोसे उदे कम्मा सोगी मिली के प्रभाव पाया है, कने उदे कम्मा दे जरिये उदा भरोसा पूरा होया। 23 कने पबित्र शास्त्रे दा ऐ बचन सच्च होया, अब्राहमे परमेश्वरे पर भरोसा किता, कने उदे भरोसे दिया बजा ला उसयो धर्मी माणु मनया, कने उसयो परमेश्वरे दा मित्र बोलया गया। 24 तां तुसां दिखी लिया की माणु सिर्फ भरोसे ला ही नी पर भले कम्मा दिया बजा ला इक माणु धर्मी बणदा है। 25 तियां ही रहाब वैश्या भी, जालू उना संदेश देणेवाले दूतां जो अपणे घरे रेणे दी जगा दिती कने दुज्जे रस्ते ला विदा किता, तां सै भी अपणे इस भले कम्मे दिया बजा ला धर्मी मन्नी गोई। 26 जियां साडा शरीर बिना सां दे मरया होया है, तियां ही भरोसा भी भले कम्मा दे बिना बेकार है।

3 हे मेरे मसीह भाईयो, तहाडे चे कलीसिया दे मते गुरु मत बणदे, क्योकि तुसां जाणदे न, की असां गुरुआं दा न्याय होर भी जादा सकतिया ला होणा है। 2 असां सारे बडी बरी गलतियां करी दिन्दे न; पर अगर कोई माणु जडा कुछ सै बोलदा है, उस च कोई गलती ना करे, तां सेई सिद्ध माणु है, कने अपणे आपे जो पूरी तरहा बशे च रखी सकदा है। 3 अगर असां घोडयां जो अपणे बशे च करणे तांई उना दे मुंऐ च लगाम लांदे न, तां असां उना दे सारे शरीर जो कुसी भी

पासे घुमाई सकदे न। 4 दिखा, जाज भी कितणे बड़े होंदे न, कने तेज होआ ने चलाऐ जांदे न, तमी इक छोटी दिया पतवारा ने माँझी अपणिया मरजिया ला मोडी दिदा है। 5 तियां ही जीभ भी साडे शरीर दा इक छोटा दिया अंग है, कने बडियां-बडियां गल्लां करदी है: दिखा कियां, इक छोटी देई चिंगारी कितणे बड़े बणे च अग्न लगाई सकदी है। 6 ऐ छोटी जीभ भी इक चिंगारी सांई है; ऐ शरीर दा सबते बुरा हिस्सा है, जडा इक माणुऐ दी सारी जिन्दगी जो नरके दी अग्नी च नाश करी दिन्दी है। (Geenna g1067) 7 हर तरा दे बणे दे जानवर, पंछी, कने रेंगेणेवाले जानवर कने पाणिए च रेहणे वाले तां माणुऐ दे वशे च होई सकदे न, कने होई भी गियो न। 8 पर जीभा जो कोई भी माणु वशे च नी करी सकदा; सै इक ऐसी बला है, जडी कदी भी स्कदी ही नी है; कने जहरिले सांपे सांई खतरनाख है। 9 इसा जीभा ला ही असां प्रभु यीशु कने पिता परमेश्वर दी स्तुति करदे न, कने इसा जीभा ला ही माणुआं जो श्राप दिन्दे न, जिना जो परमेश्वरे अपणे स्वरूप च बणया है। 10 इक ही मुंऐ ला श्राप कने धन्यावाद दोनो निकलदे न। हे मेरे मसीह भाईयो, ऐसा नी होणा चाईदा। 11 पाणिए दे इकी ही खुऐ ला कोडा कने मिठा पाणी दोनो सोगी कदी नी निकली सकदे। 12 हे मेरे मसीह भाईयो, इयां ही अंजिर दे स्खे च जैतून, या दाखा दिया बेला च अंजिर कदी नी लगी सकदे। इयां ही पाणिए दे इकी ही खुऐ ला कोडा कने मिठा पाणी दोनो सोगी कदी नी निकली सकदे। 13 तुसां च ज्ञान बाला कने समझदार कुण है? अगर तुसां हेन, तां तुहांजो इसयो अच्छी जिन्दगी जी करी साबित करणा चाईदा कने शांत सभाब जडा तहाडे ज्ञान ला ओंदा है, अपणे भले कम्मा दे जरिये साबित करणा चाईदा। 14 अगर तुसां अपणे मने च कडवाट, जलन कने मतलबीपन रखदे न, तां इदा घमंड मत करदे, कने ना ही सच्च दे खिलाफ कोई झूठ बोलनयो। 15 ऐ ज्ञान सै नी है, जडा स्वर्ग ला मिलदा है, ऐ तां शारीरिक, संसारिक, कने शैतानी है। 16 क्योकि जिथू जलन कने मतलबी हुंदा है, ओथु बखेडा कने हर तरा दे बुरे कम्म भी होंदे न। 17 पर जडा ज्ञान स्वर्ग ला मिलदा है, सै पहले तां पबित्र होंदा है, फिरी मिलनसार, कोमल, कने प्यारभाव, दया ला भरया, खरे कम्मा ला लदुया कने बिना कुसी भेदभाव कने बिना कुसी कपट दे होंदा है। 18 कने जडे मेल मिलाप करणे वाले न, उना शान्ति दा बी राणा कने धार्मिकता दा फसल बडणी।

4 तुसां च ऐ लडाई कने झगडे कुथु ला ओंदे न; ऐ उना इच्छा ला ओंदे न जडियां तहाडे अंदर लडदियां न। 2 तुसां कुछ चांदे न, पर जालू तुसां जो सै मिलदा नी है; इस तांई तुसां हत्या करणे तांई तैयार होई जांदे न, की तुहांजो सै मिली जाए, पर कुछ हासिल नी हुंदा तांई तां तुसां लडदे झगडदे न, तुहांजो इस तांई कुछ नी मिलदा क्योकि तुसां परमेश्वरे ला कुछ नी मंगदे न। 3 तुसां मंगदे न फिरी भी तुहांजो नी मिलदा, क्योकि तुसां बुरिया इच्छा ला मंगदे न, ताकि अपणे बुरे कम्मा च उडाई दे। 4 हे व्यभिचारियों सांई वेकिवासी लोको, क्या तुसां नी जाणदे, कि संसारे दियां चीजां ला मित्रता करणे दा मतलब परमेश्वरे ला बैर करणा है, जडा संसारे दा

मित्र बनना चांदा है, सै अपने आपे जो परमेश्वरे दा बैरी बनाई लेंदा न। 6 तुसां भोले लोकां जो दोषी बोली करी मारी दिता, कने सै है। 5 क्या तुसां ऐ समझदे न, की पबित्र शस्त्र च जडा लिखया है सै तूहाडे खिलाफ लडी ही नी सके। 7 इस तांई हे मसीह भाईयो, प्रभुऐ बेकार है, “जिसा पबित्र आत्मा जो उनी साडे अंदर बसाया है, सै ऐ दे ओणे दीकर सबर रखा, जियां किसान धरतिया दे किमती फसल चांदा है की असां परमेश्वरे ही ही अराधना करन।” 6 पर परमेश्वर सांझो होर भी जादा अनुग्रह दिन्दा है ताकि असां बुरियां इच्छां दे है। 8 इयां ही तुसां भी सबर रखा, कने आस मत छडा, क्योंकि प्रभु खिलाफ खडे होई सकन, इस बजा ला पबित्र शस्त्र च ऐ भी लिखया ओणे बाला है। 9 हे मसीह भाईयो, इक दुज्जे पर दोष मत ला, ताकि है कि, “परमेश्वर घमंडियां दा बिरोध करदा है, पर दीन लोकां पर तूहाडे पर भी दोष ना लगे, दिखा, न्याय करणे बाला ओणे तांई तैयार अनुग्रह करदा है।” 7 इस तांई परमेश्वरे दे अधीन होई जा; कने उना है। 10 हे मसीह भाईयो, जिना परमेश्वरे दे संदेश देणेबालयां प्रभु दे नां कम्मा जो करणे ला मना करा जडा कि शैतान चांदा है की तुसां ला गल्लां कितियां न, उना जो दुख झेलणे कने सबर रखणे दा इक करा, ताल् उनी तूहाडे सामणे ला नसी जाणा। 8 परमेश्वरे दे नेडे आदर्श समझा। 11 दिखा, असां धीरज रखणे बालयां जो धन्य बोलदे ओआ, तां उनी भी तूहाडे नेडे ओणा, ओ पापियो, अपने मना जो न। तुसां प्रभु दे सेवक अय्यूब दे सबर दे बारे च सुणया ही है, कने शुद्ध करा। लगातार सोच बदलने बाले लोको, अपने दिले जो पबित्र तुसां ऐ भी जाणदे न की प्रभुऐ आखरी च उदी कियां सहायता किती, करा। 9 अपने पापां दिया बजा ला दुखी होआ, शोक करा, कने उसला प्रभु दी बडी कर्णा कने दया प्रगट होंदी है। 12 पर हे मेरे रोआ: तूहाडी हंसी रोणे च कने खुशी उदासिया च बदली जा। 10 पर हे मेरे प्रभुऐ दे सामणे दीन बना, तां उनी तूहांजो उच्चा उठाणा। 11 हे मसीह भाईयो, इक दुज्जे दी निंदा मत करा, जडा अपने भाईयां दी निंदा करदा है, या भाई पर दोष लांदा है, तां सै व्यवस्था दी निंदा करदा है, कने व्यवस्था पर दोष लांदा है, तां तू व्यवस्था पर चलणे जडा व्यवस्था देणेबाला कने न्याय करणे बाला है सै नाश करणे बाला कने बचाणे बाला है; तुसां कुण होंदे न, जडे अपने पडोसिए पर दोष लांदा न? 13 तुसां जडा ऐ बोलदे न, “अज या कल असां दुज्जे शेहरे च जाईके इक साल ओथुं रेगे, कने व्यापार करिरी फायदा करगे।” 14 पर ऐ नी जाणदे न की कल क्या होणा है। तुसां सुणा! की तूहाडी जिन्दगी हे ही क्या? तुसां तां मन्ना की धुंधा सांई न, जडी थोडी देर मिलदी है, फिरी उडी जांती है। 15 इस तांई तूहांजो ऐ बोलणा चाईदा, “अगर प्रभु दी मर्जी होगी, तां असां जीदे रेणा है, कने ऐ या सै कम्म भी करगे।” 16 पर हण तुसां अपनी बडियां-बडियां योजना पर घमंड करदे न; ऐसा सारा घमंड बुरा होंदा है। 17 इस तांई जडा कोई भलाई करणा जाणदा है कने नी करदा, उदे तांई ऐ पाप है।

5 हे अमीरों, सुणा; तुसां लोकां जो रोणा कने ज़ोरे-ज़ोरे ला चिलाणा चाईदा, क्योंकि मुसीबतां तूहाडे पर ओणे बालियां न। 2 तूहाडी धन दौलत नाश होई जाणी कने तूहाडे कपडयां जो कीडे लगी गिया है। 3 तूहाडा सोना चांटी बेकार होई गिया है; जिस धन दौलत पर तुसां भरोसा करदे न उनी तूहांजो अग्गी सांई फुकी देणा: तूहाडा गठेरया धन दौलत न्याय दे दिने तूहाडे खिलाफ सबूत दे रूपे च खडा होई जाणा। 4 दिखा, जिना मजदूरां तूहाडे खेतर बूहे, उना दी मजदूरी जडी तुसां उना जो नी दिती, उना दी नी दीतियो मजदूरी परमेश्वरे दे सामणे तूहाडे खिलाफ चिलाई-चिलाई करी गबाई दे दी है, कने मजदूरां दी दुहाई स्वर्गीय सेना दे प्रभुऐ सुणी लेई है। 5 तुसां धरतिया पर भोग-विलास करणा लगी रे, कने बडा भरी सुख भोगया; तुसां तां उस जानवरे सांई होई गे, जिसयो मारणे ला पेहले खुआई पियाई करी मोटा करदे न, इयां ही तुसां भी नी जाणदे न, की तुसां नाश होआ दे

1 पतरस

1 मैं, पतरस जडा यीशु मसीह दा प्रेरित है, ऐ चिट्ठी मेरिया तरफा ला है। मैं ऐ चिट्ठी परमेश्वरे दे चुणयो लोकां जो लिखा दा है जडे पुन्तस, गलातिया, कम्पदूकिया, आसिया, कने बितूनिया प्रदेशां दे लग-लग शेहरां च परदेसियां सांई रेंदे न। 2 कने पिता परमेश्वरे बडे पेहले ही तुहांजो अपने लोक होंगे तांई कने पबित्र आत्मा दे कम्मे दे जरिये तुहांजो चुणी लिया है। उनी ऐसा इस तांई किता ताकि तुसां यीशु मसीह दे हुकमा जो मनन कने उदे खने ला शुद्ध होई सकन। मैं प्राथना करदा है की परमेश्वर तुसां जो अनुग्रह कने शांति दिन्दा रे। 3 साडे प्रभु यीशु मसीह दे पिता कने परमेश्वरे दा धन्यवाद हो। परमेश्वरे सांझो अपणी दया ला इक नोई जिन्दगी दिती है, क्योंकि परमेश्वरे यीशु मसीह जो मरयां चे जिन्दा करिरी सांझो बडे आत्मविश्वास सोगी जिणे दे काबिल बनाया है; मतलब की असां उना चीजां जो मिलणे दी उम्मीद करी सकदे न जडियां उनी सांझो देंगे दा बायदा कितया है। 4 असां उना खरियां चीजां दा मिलणे दा इंतजार करदे न जडियां परमेश्वरे साडे तांई तैयार कितियां न। कोई भी कदी भी इना चीजां दा नाश नी करी सकदा। उना कदी भी पुराणिया कने उना दी सुन्दरता घट नी होणी। परमेश्वरे तुहाडे तांई स्वर्ग च उना चीजां जो रखया है। 5 परमेश्वर अपणिया शक्तिया ला तुहाडी रक्षा करदा है, क्योंकि तुसां यीशु मसीह पर भरोसा करदे न। उनी तुहांजो आखरी दिने दीकर जालू यीशु मसीह मुडी करी ओणा है बचाई रखणा है। तालू तुहांजो पता लगी जाणा की परमेश्वरे तुहांजो पाप कने मौत ला पुरे तरीके ला बचाई लिया है। 6 तुहांजो इना सारियां चीजां दे बारे च खुश होणा चाईदा, चाहे हुण थोडे बकते तांई लग-लग तरा दियां पेशानियां तुहांजो दुखी करदियां न। 7 कने ऐ पेशानिया इस तांई होंदिया न की ताकि पता लगी सके की तुहाडा भरोसा परमेश्वर पर है की नी। यीशु मसीह पर तुहाडा भरोसा सोने ला भी जादा कीमती है। जियां नाश होई जाणे बाले सोने जो अग्गी च परखया जांदा है कने शुद्ध होंदा है, इयां ही तुहाडा भरोसा भी अगर पेशानियां होणे बाद भी मजबूत रेंदा है, तां इसला तुहाडी बडी तारीफ कने महिमा कने इज्जत होणी जालू यीशु मसीह फिरी इस संसारे च मुडी ओणा है। 8 तुसां यीशु मसीह जो कदी नी दिखया है, फिरी भी तुसां उसयो प्यार करदे न। तुसां हुण उसयो नी दिखदा दे न, पर फिर भी तुसां उस पर भरोसा करदे न। इस तांई तुसां खुशी कने महिमा ला जादा खुश होआ जिसयो अखरां च ब्यान नी करी सकदे न, 9 क्योंकि परमेश्वर तुहांजो पाप दिया सजा ला बचांदा है। ऐ यीशु मसीह पर तुहाडे भरोसे दा फल है। 10 ऐ उद्धार कुछ ऐसा था जिदे बारे च परमेश्वरे दे संदेश देणेबाले होर जाणना चांदे थे। उना दसया की कियां परमेश्वरे तुहांजो बचाणे तांई अपणी दया तुहाडे पर किती जिदे तुसां काबिल नी न, उना उस जबाब जो तोपणे तांई बडी मेहनत किती। 11 मसीह दी आत्मा परमेश्वरे दे संदेश देणेबालयां च था, जडा मसीह दे दुखां कने उना दुखां बाद मिलणे बाली महिमा दे बारे च उना जो पेहले ला दस्सा दा था। परमेश्वरे दा

संदेश देणेबालयां ऐ जाणने दी कोशिश किती की आत्मा उना जो कया दस्सा दा था, ऐ सारियां गल्लां कालू होंणियां कने ऐ कियां पुरियां होणियां। 12 पर परमेश्वरे इना परमेश्वरे दे संदेश देणेबालयां जो दसया की उना दे संदेश अपु अपने तांई नी न बल्कि तुहाडे तांई थे। सै संदेश यीशु मसीह दे बारे च शुभसमाचार है जडा तुसां हुण सुणया है। परमेश्वरे स्वर्ग ला पबित्र आत्मा भेजया ताकि तुहांजो शुभसमाचार प्रचार करणे तांई सहायता करे। ऐ सब इतणा अनोखा है की ऐशू दीकर की स्वर्गदूत भी बडिया गौर ला इना गल्लां जो होंदे होए दिखदे न। 13 इस तांई अच्छे तरीके ला सोचा कने अपने आप पर काबू करणे दी कोशिश करा। कने उस उद्धार दी आस अनुग्रह पर लाई रखा जडा तुहांजो तालू मिलणा है जालू यीशु मसीह दुबारा इस संसारे च मुडी करी ओणा है। 14 परमेश्वरे दिया आज्ञा दा पालन करा जियां अच्छे बच्चे अपने पिता दिया आज्ञा दा पालन करदे न। कने उना बुरे कम्मा जो मत करा जिना दी तुसां इच्छा रखदे थे, जालू तुसां परमेश्वरे दिया सच्चाईया जो नी जाणने थे। 15 पर हुण तुहांजो हर कम्मा च जडे तुसां करदे न पबित्र होणा चाईदा, जियां की परमेश्वर पबित्र है, जिनी तुहांजो अपने बच्चे होंगे तांई चुणया। 16 क्योंकि पबित्र शास्त्र च लिखया है की, “तुहांजो पबित्र होणा चाईदा क्योंकि मैं पबित्र है।” 17 कने जालू तुसां प्राथना करदे न, तां तुसां परमेश्वरे जो अपणा पिता बोलदे न। पर तुसां याद रखा की सै भेदभाव नी करदा है, कने हर कुसी जो उदे कम्मा दे अनुसार न्याय करदा है। इस तांई जालू की तुसां इसा धरती पर इक परदेसी होईकरी रेंदे न तां तुहांजो परमेश्वरे दी बडी इज्जत करणी चाईदी। 18 क्योंकि तुहांजो पता है की तुसां पेहले इक बेकार तरीके ला जिन्दगी जिया दे थे, इक ऐसा तरिका जडा तुहाडे पूर्वजां दे बकत ला चली ओआ दा था। पर तुहांजो उस बेकार जिन्दगी ला बचाई लिया। तुहांजो सोने या चादिया सांई खत्म होंगे बालियां चीजां ला नी खरीदया है, पर मसीह दे बडे कीमती खने ला खरीदया, जडा इक शुद्ध कने सिद्ध मेमने सांई था। 20 इस संसारे जो बणने ला पेहले, परमेश्वरे पेहले ला ऐ फेसला करी लिया था की यीशु मसीह छुडाणे बाला होणा। पर सै इना आखरी दिना च तुहाडी सहायता करणे तांई इस संसारे च प्रगत होया। 21 जडा कुछ भी मसीह किता है उदिया बजा ला तुसां परमेश्वरे पर भरोसा करदे न। परमेश्वर सेई है जीनी यीशु मसीह जो मरयां चे जिन्दा किता, कने उसयो बडी जादा महिमा दिती। इस तांई तुसां भरोसा करदे न कने परमेश्वर पर तुहाडी उम्मीद पक्की है। 22 क्योंकि सच्चाईया जो मनणे ला ही तुहांजो तुहाडे पापां ला शुद्ध कितया है, हुण तुहांजो अपने साथी मसीह भाई बेहणा सोगी इमानदारी कने साफ मने ला प्यार करदे रेणा चाईदा। 23 तुहांजो इक दुज्जे ला प्यार करणा चाईदा क्योंकि तुहांजो परमेश्वरे दिया तरफा ला इक नोई जिन्दगी मिलियो है। तुहांजो ऐ जिन्दगी कुसी ऐसिया चिजा ला नी मिलियो है, जिना खत्म होई जाणा, पर हमेशा टिकी रेणेबाले बचन दे जरिये नोई जिन्दगी मिलया है। (aiōn g165) 24 क्योंकि पबित्र शास्त्र ऐ बोलदा है, “हर इक माणु घाए सांई है, कने उदी सारी शोभा घाए दे फुलां सांई है। घाए सुकी जाणा है,

कने फुलां झडी जाणा है।” 25 पर परमेश्वरे दा बचन हमेशा बणी रेंदा है। कने ऐ बचन मसीह दे बारे च श्भसमाचार है जडा तहांजो च प्रचार कितया था। (aiōn g165)

2 इस ताई हर तरा दा बुरा व्यवहार छुट्टी दिया, दुज्जयां जो धोखा मत दिया, पाखंडी मत बना, दुज्जयां ला जलन मत रखा, कुसी जो बदनाम मत करा, 2 जियां नोए जम्यो बच्चे अपणी माता दे दुधे दी इच्छा रखदे न, तियां ही तहांजो परमेश्वरे दे बचन सिखणे दी इच्छा रखणी चाईदी ताकि तुसां आत्मिक रूप च मजबूत बणी सकन। तां आखरी च, परमेश्वरे तहांजो इस संसारे दियां बुरियां चीजां ला पुरे तरीके ला बचाई लेणा। 3 क्योकि जियां पबित्र शास्त्र च लिखया है की, “तुसां अपने अनुभव ला जाणया है की प्रभु भला है।” 4 प्रभु यीशु दी तुलना इक जिन्दे पत्थरे ला कितियो है। उस पत्थरे जो माणुआं फेंकी दितया था क्योकि उना बोलया की ऐ बेकार था। पर परमेश्वरे दिया नजरा च, सै अनमोल है, कने परमेश्वरे उसयो नियां दे मुख्य पत्थरे दे स्मे च चुणया। हे भेरे मसीह साथियां तुसां भी मसीह बाल ओआ, ताकि तहांजो भी उदे जरिये जिन्दे पत्थरां साई बणाया जाए जडे परमेश्वरे दी अराधना दा घर बणाणे ताई लगाए जांदे न। उनी तहांजो भी पबित्र याजक बणाया है। क्योकि जियां याजक परमेश्वरे जो चढावा चढावें न, तियां ही तुसां भी चढावे दे स्मे च अपना दिल परमेश्वरे जो चढाया है। कने सै चढावा परमेश्वरे जो खुश करदा है, क्योकि तुसां यीशु मसीह दे न। 6 ऐ तियां ही है जियां परमेश्वरे पबित्र शास्त्र च बोलया है, “दिखा, मै कुसी जो यस्त्रालेम शेहरे च कुणे दे पत्थरे साई रखा दा है। सै इक बडे कीमती पत्थरे साई है जडा नियां ताई चुणया। जडा उस पर भरोसा करदा है कने निराश नी होंदा।” 7 ऐ पत्थर तुहाडे ताई बडा कीमती है जडे यीशु मसीह पर भरोसा करदे न। पर जडे लोक उस पर भरोसा नी करदे उना दे बारे च पबित्र शास्त्र बोलदा है की, “जिस पथरे जो राजमिस्त्रियां बेकार बोली करी लागे ताई मना करी दितया था, सै घरे दिया नियां च सारयां ला जरूरी पत्थर बणी गया।” 8 कने फिरी पबित्र शास्त्र च ऐ भी लिखया है, “इनी पत्थरे लोकां दी ठोकर खाणे दी बजा होणा, ऐ इक चट्टान है जडी उना दे डेई पोणे दी बजा होणी।” क्योकि सै परमेश्वरे दे संदेश जो नी मनणे दिया बजा ला ठोकर खांदे न। परमेश्वरे उना सोगी ऐसा ही होणे दी योजना बणाईयो है। 9 पर तुसां ऐसे नी न क्योकि तुसां परमेश्वरे दे चुणयो लोक न, तुसां परमेश्वरे दे याजक न, राजे न, तुसां परमेश्वरे दी सेवा करणे ताई समर्पित न कने परमेश्वरे दी अपणी निज सम्पति न। उनी तहांजो नेहरे ला बार अपणी अनोखी लौई च सदया है, ताकि तुसां परमेश्वरे दे अनोखे कम्मा दे बारे च दस्सी सकन। 10 (परमेश्वरे दे संदेश देणेबाले होशे जडा लिखया है सै तुहाडे बारे च सच्च है।) इक बकत था जालू तुसां परमेश्वरे दे लोक नी थे, पर हुण तुसां परमेश्वरे दे लोक न। पेहले तुसां परमेश्वरे दिया दया जो नी जाणदे थे पर हुण तुसां इसा जो जाणदे न क्योकि उनी पेहले ला ही तुहाडे पर अपणी दया दस्सी है। 11 प्यारे मसीह भाईयो तुसां इस संसारे च परदेशियां कने यात्रियां साई रे दे न। मै तहांजो ला विनती करदा है की उना

सारियां बुरियां शरीरिक इच्छां ला बचा क्योकि सै हमेशा तुहाडिया अपणिया आत्मा दे खिलाफ लडदियां न। 12 केई बरी ऐसे लोक होंदे न जडे प्रभु जो नी जाणदे न कने सै तहांजो पर ऐ बोली करी गलत इल्जाम लांदे न की तुहाडे कम्म बुरे न। इस ताई इक अच्छी जिन्दगी जिया ताकि सै उना भले कम्मा जो दीखन जडे तुसां करदे न कने उस दिन परमेश्वरे जो महिमा देन जिस दिन यीशु मसीह मुडी करी ओणा है। 13 प्रभु यीशु दी इज्जत मान करणे ताई तहांजो उना सारे हुकमा जो मनाया चाईदा जडे इस संसारे दे अधिकारी न; मतलब की राजा दे अधीन जडा सारयां ला बहाने कने जरूरी अधिकारी है, 14 कने राज्यपालां दे अधीन रिया क्योकि सेई ही है जिदा उपयोग राजा उना लोकां जो सजा देणे ताई करदा है, जिना दे कम्म बुरे न कने उना लोकां दी तारीफ करणे ताई जिना दे कम्म अच्छे न। 15 क्योकि परमेश्वरे दी ऐ इच्छा है, की साडे भले कम्मा करणे ला, जडे लोक परमेश्वरे जो नी जाणदे, सै अगो जो सांझो पर गलत तरीके ला इल्जाम लाणे दी हिम्मत ना करन, क्योकि ऐ गल्ल साफ-साफ पता है की उना दे झूठे इल्जाम सच्च नी न। 16 तुहाडे ताई ऐसा कोई भी नी है जडा तहांजो सै करणे ताई रोकी सके जडा तुसां करणा चांदे न क्योकि तुसां साडे प्रभु यीशु मसीह दे जरिये पेहले ही अजाद होई गियो न। पर बुरे कम्म करणे ताई इसयो भाना मत बणा। तहांजो अपने कम्मा ला दसणा चाईदा की तुसां सच्ची परमेश्वरे दे सेवक न। 17 सारयां दी इज्जत करा, अपने मसीह भाईयां सोगी प्यार करा, परमेश्वरे ला डरा, राजा दी इज्जत करा। 18 हे सेबकों, तुसां जडे घरां च कम्म करदे न कने भरोसा करणे बाले न, तहांजो अपने मालिके दे हुकम मनणा चाईदे कने हमेशा उना दी इज्जत करणी चाईदी। इयां हर तरा दे मालिकां सोगी करा चाहे सै दयालु होन या सही होन, या जालिम होन। 19 क्योकि अगर असां दुख सेहन करदे न चाहे साडी गलती ना हो, पर असां सिर्फ इस ताई सेहन करदे न क्योकि असां परमेश्वरे दे बारे च सोचदे न, तां परमेश्वर सांझो ला खुश होंदा है। 20 पर अगर तहांजो गलत करणे ताई मार पौदी है, तां सजा मिलणे पर सबर रखणे च तुहाडी तारीफ करणे दी कोई बजा नी है। पर अगर भलाई करणे दिया बजा ला तुसां दुख सेहन करदे न कने सबर रखदे न, तां परमेश्वर खुश होंदा है। 21 कने परमेश्वरे दे जरिये तहांजो सदणे दी बजा च इक बजा ऐ भी है की तुसां उदे ताई भले करदे होए दुख सेहन करी लेणा। यीशु मसीह जिनी तुहाडे ताई दुख सेहन किते, सै तुहाडे ताई इक उदाहरण है। इस ताई तहांजो सेई कम्म करणे चाईदे जडे मसीह किते। 22 पबित्र शास्त्र च लिखया है, “उनी कदी पाप नी कित्ता। उनी कदी झूठ नी बोलया।” 23 जालू लोकां यीशुऐ दी बेइजती कित्ती, उनी पलटी करी उना दी बेइजती नी कित्ती। जालू लोकां उसयो दुख दिता, तां उनी उना ला बदला नी लिया। बल्कि उनी अपणी सहायता ताई परमेश्वरे पर भरोसा कित्ता, क्योकि सै जाणदा था की परमेश्वर हमेशा लोकां दा सही न्याय करदा है। 24 जालू मसीह मरया, तां साडे पापां दिया बजा ला सूली पर उदे शरीर जो सजा दिती। उनी ऐसा इस ताई कित्ता ताकि असां पाप करणा बंद करी देन। कने उना

जखमा दिया बजा ला जडे उनी सेहन किते, असां ठीक होईं गे। 25 एक बकत पेहले तुसां भेडां सांईं थे, जडियां गलत रस्ते पर जा दियां थियां। पर हुण तुसां यीशु मसीह बाल बापस आईं गियो न जडा तुहाडिया आत्मा दा पुआल कने रखवाला है।

3 हे घरे बालियो, तुसां भी अपणे घरे बालयां दे अधीन रिया। ताकि अगर उना चे कोई भी परमेस्वरे दे बचना पर भरोसा करणे ला मना करदा है, तां तुहांजो ऐ दसणे दी जरूरत नी होणी की उना जो भरोसा करणा चाईदा। जालू उना दिखणा की कियां तुसां पबित्र जिन्दगी जिया दे कने परमेस्वरे दी इज्जत करदे न, तां उना मसीह पर भरोसा करी लेंगा। 3 तुहाडी सुन्दरता दिखवटी ना हो, जियां की बाल संवारना, कने सोने दे गेहणे पेहनणा, या भाँती-भाँती दे मेगे-मेगे कपडे पांणा। 4 जडा तुहाडे दिले च है, सेईं है जडा तुहांजो सुंदर बणादां है। साडा व्यवहार प्यार भरा कने शांत हो, जडा की परमेस्वरे तांईं बडा कीमती है। 5 कने बडे पहले जडियां जनानियां परमेस्वरे पर भरोसा रखदियां थियां, कने उस पर अपणी आस रखदियां थियां, सै अपणे घरे बाले दा हुकम मन्नी करी अपणे आपे जो सुंदर बणादियां थियां। 6 जियां सारा अब्राहम दे हुकमा जो मदी कने उसयो स्वामी बोलदी थी। अगर तुसां दुज्जयां सोगी भलाई करन कने तुहांजो कोई भी चिंता कने डर ना हो, तां तुसां सारा दे बचयां सांईं बणाणा। 7 तियां ही हे पतियो, तुहांजो अपणिया-अपणिया घरे बालिया सोगी समझदारिया ला रेंणा चाईदा, कने तुहांजो याद रखणा चाईदा सै तुसां ला कमजोर न, इस तांईं तुहांजो उना दी इज्जत करणी चाईदी। क्योंकि तुसां दोनों ही हमेशा दी जिन्दगिया दे बरदाने दे हिस्सेदार न जडा परमेस्वरे बडे अनुग्रह ला दितया है। इयां करा ताकि जालू तुसां परमेस्वरे ला प्राथना करन तां सै तुहाडी सुणे। 8 आखरी च, मैं तुसां सारयां ला ऐ बोलेणा चांदा है की, तुसां सारयां दा इक ही मन होंगा चाईदा कने इक दुज्जे सोगी प्यारभाव ला रिया कने धमंड मत करा कने नम्र बणा। 9 बुराईया दे बदले बुराई मत करा कने ना गाली दे बदले गाली दिया, इदे बदले उना जो आशीष दिया क्योंकि परमेस्वरे तुहांजो इसी तांईं सदया है की तुसां दुज्जयां जो आशीष देईं सकन। अगर तुसां ऐसा करदे न तां परमेस्वरे भी तुहांजो आशीष देंगी। 10 क्योंकि पबित्र शास्त्र च लिखया है, अगर कोई माणू अपणी जिन्दगी दी खुशी लेंणा चांदा है, कने खरे दिन दिखणा चांदा है, तां उसयो ध्यान देणा चाईदा की सै बुरियां गल्लां ना बोले। कने उसयो एसियां गल्लां करणा बंद करी देणा चाईदा जडियां सच्च नी है। 11 उसयो पक्का ही बुरे कम्म करणा छडी देणा चाईदे। कने इदे बजाए उसयो सेईं करणा चाईदा जडा भला है। दुज्जयां सोगी शान्ति ला रणे दी कोशिश करा। 12 क्योंकि प्रभु उना लोकां दी देखभाल करदा है जडे भले कम्म करदे न, कने सै हमेशा उना दी प्राथना सुणने तांईं कने उना दा जबाब देणे तांईं तैयार है। पर परमेस्वर बुराई करणे बाले लोकां दे खिलाफ कम्म करदा है। 13 अगर तुसां हमेशा भले कम्म करणे दी कोशिश करदे न, तां कोई भी असल च तुहाडा चुकसान नी करी सकदा। 14 पर अगर जडा सही है सै करणे दिया बजा ला असां दुख झेलदे न, तां असल च असां धन्य होणा। इस तांईं अगर कोई

लोक सांझो डरान, तां डरदे मत कने ना ही घबरानयो, 15 पर मसीह जो अपणे मना च प्रभु दे स्मे च इज्जत दिया। कने अगर कोई तुहांजो ला उस आसा दे बारे च पुच्छे जडी भरोसा करणे बाले होंगे दे नाते तुसां सारयां च है, तां हमेशा उसयो समझाणे तांईं तैयार रिया। 16 कने अपणी अंतरात्मा भी शुद्ध रखा, इस तांईं की जिना गल्लां दे बारे च तुहाडी बदनामी होदी हे उना दे बारे च सै, जडे मसीह च तुहाडे खरे चाल-चलण दी बेइज्जती करदे न, शर्मिंदा होन। 17 अगर सांझो अपणे भले कम्मा दिया बजा ला दुख मिलदा है, तां ऐ साडे तांईं खरा है, अगर परमेस्वरे दी ऐईं इच्छा है। ए तां बुरे कम्मा दिया बजा ला दुख झेलणे ला साडे तांईं खरा है। 18 मैं इस तांईं बोला दा है क्योंकि यीशु मसीह भी साडे पापां दिया बजा ला दुख सेहन किता कने मरी गिया। सै सिर्फ इक ही बरी मरया उसयो दुबारा मरणे दी जरूरत नी है। सै इक धर्मी माणू था जडा पापी माणूआं तांईं मरी गिया ताकि सै सांझो परमेस्वरे दे नेडे आणी सके। उना उदे शरिर जो तां मारी दिता पर परमेस्वरे उसयो पबित्र आत्मा दिया शक्तिया ला दुबारा जिन्दा करी दिता। 19 तालू उदिया आत्मा जाईं करी उना आत्मा जो शुभसमाचार प्रचार किता जडियां उसा जगा पर केद कितियां न, जिथू मरयां लोकां दियां आत्मा न। 20 ऐ उना लोकां दियां आत्मा थियां जिना बडे बकत पेहले जालू न्ह अपणा जाज बणा दा था, तालू इना परमेस्वरे दे हुकम जो नी मनया था, तालू परमेस्वर बडे सबर ला इंतजार करा दा था की क्या सै लोक पच्चाताप करगे। पर जालू पाणिऐ संसारे दा नाश करी दिता, तालू सिर्फ अठ लोक बचे जिना जाजे च प्रवेश किता था। 21 पुराणे बकत च उना दा उद्धार हुण साडे उद्धार दा इक उदाहरण है जालू असां बपतिस्मा लेंदे न। जिस पाणिऐ च असां बपतिस्मा लेंदे न, सै साडे शरिर ला मेल नी साफ करदा, पर ऐ इक निशाण है की असां परमेस्वरे ला माफी मंगी है ताकि अगो जो साडा मन परेशान ना रे। सांझो माफी मिली सकदी है क्योंकि यीशु मसीह मौत दे बाद फिरी जिन्दा होया है। 22 कने सै स्वर्ग जो चली गिया। हुण सै ओथु पर परमेस्वरे दे सज्जे पासे कने सारयां ला बडिया जगा पर जाईं करी बेईं गिया, कने सै स्वर्गदूतां कने सारे अधिकारियां कने सारियां शक्तियां पर राज करदा है।

4 इस तांईं जियां मसीहे शरिर च रेईं करी दुख सेहन किता, तुहांजो भी उस सांईं ही दुख सेहन करणे तांईं तैयार रेंणा चाईदा। क्योंकि अगर तुसां मसीह तांईं दुख सेहन करणे तांईं तैयार न, तां तुसां पाप नी करणे दा फेसला करी लिया है। 2 कने इसा बजा ला सै माणू इस संसार च रेईं करी उना बुरे कम्मा जो नी करदा है, जिना जो लोक अक्सर करणा चांदे न, पर उनी सेईं करणा जडा परमेस्वर चांदा है की सै करे। 3 क्योंकि तुसां अपणिया पुराणिया जिन्दगिया च बडा बकत बर्बाद करी दिता जालू तुसां होरे जातियां सांईं, बुरे कम्मा च, बासना च, खांणे पीणे च, दासू-बाजी च कने असभ्य देवतयां कने उना दियां मुर्तियां दी पूजा करदे थे, जिना ला परमेस्वर नफरत करदा है। 4 इस तांईं तुहाडे पुराणे मित्र हेरान होईं जांदे न, जालू तुसां उना सोगी बुरियां चीजां च शामिल नी होंदे जडे सै करदे न। इस तांईं सै तुहाडे बारे च बुरा बोलदे न। 5 पर इक दिन जस्र उना

परमेश्वरे दे सामणे न्याय तांई खडे होणा, कने परमेश्वरे उना ला हर इक कम्मे दे बारे च पृछणा जडा उना धरती पर कितया। परमेश्वरे जिन्दे कने मरयो दोनों लोकां दा न्याय करणा। 6 क्योकि ऐई बजा है की मरयो लोकां भी मसीह यीशु दे बारे च शुभसमाचार सणया। उना दे शरीरां जो सारयां सांई मरणा पिया, पर सै हुण आत्मा च हमेशा परमेश्वरे सोगी रेंदे न। 7 सारियां गल्लां दा अंत जल्दी होणे बाला है; इस तांई ध्याने ला सोचा कने अपने आपे जो काबू च रखा कने प्राथना तांई तैयार रिया। 8 सारयां ला जरूरी गल्ले ऐ की, इक दुज्जे ला इमानदारिया ला प्यार करा, क्योकि अगर तुसां लोकां ला प्यार करगे तां तुसां हमेशा कुसी भी बुरे कम्मे जो माफ करणे तांई तैयार रेंणा जडे उना कितयो न। 9 लोकां दा अपने घरे स्वागत करा कने बिना कोई शिकायत कितयो करा। 10 हर इक माणुऐ जो परमेश्वरे दिया तरफा ला बरदान मिलया है, उसयो उस बरदाने दा इस्तेमाल दुज्जयां दी सहायता करणे तांई करणा चाईदा। उना जो परमेश्वरे दे अच्छे सेबकां दे स्पे च अपने बरदाना दा इस्तेमाल करणा चाईदा जडे परमेश्वरे उना जो अनुग्रह ला दितयो न। 11 अगर तुहाडे बाल प्रचार करणे दा बरदान है, तां तुहांजो परमेश्वरे दे बचना दा प्रचार करणा चाईदा, अगर तुहाडे बाल दुज्जे लोकां दी सहायता करणे दा बरदान है, तां सै इस कम्मे जो उस शक्तिया ला करन जडी परमेश्वर तुहांजो दिन्दा है। तां फिरी जडा कुछ भी तुसां करणा उसला यीशु मसीह दे जरिये परमेश्वरे जो महिमा मिलणी। सारी महिमा कने शक्ति यूगां-यूगां दीकर उदी है! आमीन। (aiōn g165) 12 हे प्यारे मसीह भाईयो, उना दुख देणे बालियां चीजां दे बारे च हेरान मत होआ जिना दियां बजा ला तुहांजो दुख झेलणा पोआ दा है क्योकि तुसां मसीह दे चले न। पर ऐ चीजां ऐ दसणे तांई होआ दियां न की क्या तुसां सच्ची परमेश्वरे पर भरोसा करदे न। इस तांई ऐ मत सोचा की तुहाडे सोगी कुछ अजीब घटना होआ दियां न। 13 बस ऐ सोची करी खुश रिया, क्योकि तुहांजो उना दुखां च इक हिस्सा मिलया है, जडे मसीह जो मिलयो थे। इसा बजा ला जालू मसीह सारयां लोकां जो अपणी महिमा दसणे तांई दुबारा मुडी करी ओणा है तां तुहांजो होर जादा खुशी होंगी है। 14 फिरी अगर मसीह दे नाऐ दिया बजा ला तुहाडी बुराई होंदी है, तां तुसां धन्य न, क्योकि परमेश्वरे दी महिमा बाली आत्मा तुहांजो च बास करदी है। 15 तुहाडे चे कोई भी माणु चोरी, खून करणे ला या बुरे कम्म करणे ला, या दुज्जयां दे कम्मे च हथ पाणे दिया बजा ला दुख ना झेले। 16 पर अगर मसीही होणे दिया बजा दुख झेलणा पोऐ, तां तुसां इसयो शर्मिंदगी दी गल्लत मत समझदे, पर इसा गल्लां तांई परमेश्वरे दी महिमा करा की तुसां इस तांई दुख सेहन करा दे न क्योकि तुसां यीशु मसीह दे चले न। 17 क्योकि न्याय करणे दा बकत आई गया है, परमेश्वरे पेहले असां भरोसा करणे बालयां दा न्याय करणा है, इस तांई उना भयानक चीजां दे बारे च सोचा जडियां उना लोकां सोगी होंगियां न जडे परमेश्वरे दे दितयो शुभसमाचारे जो नी मंदे। 18 जियां की पबित्र शाब्द च लिखया है, “अगर इक भले माणुऐ दा बचाया जाणा इतणा मुशकिल है, तां बुरे लोकां दा कने पापियां दा

क्या होणा जडे परमेश्वरे दे शुभसमाचारे पर भरोसा नी करदे?” 19 इस तांई जडे लोक परमेश्वरे दिया इच्छा दे अनुसार दुख झेलदे न, उना जो परमेश्वरे पर भरोसा करदे रेंणा चाईदा, जिनी उना जो बणया है। परमेश्वर हमेशा सै करदा है जडा उनी करणे दा बायदा कितया था कने इस तांई जडा खरा है सै करदे रेंणा चाईदा।

5 कुछ एसियां गल्लां न जडियां मै ओथु दे कलीसिया दे अगुवां ला बोलणा चांदा है क्योकि मै भी तुहाडे सांई इक अगुवा है। मै खुद उना दुखां जो दिखया है जडे बडे पेहले यीशु मसीह सेहन किते। जालू उनी दुबारा मुडी करी ओणा है, तां मै उदिया महिमा च हिस्सेदार बणना है। हुण मै तुहांजो ला बिनती करदा है, 2 जियां इक पुहाल अपणियां भेडा दी रखबाली करदा है, तियां ही तुहांजो भी हर इकी जणे दी देखभाल करणी चाईदी जिसयो परमेश्वरे तुहाडिया देखभाला च दितया है। इस कम्मे जो अपणिया इच्छा ला करा, ना की कुसी मजबूरिया दिया बजा ला क्योकि परमेश्वर ऐई चांदा है की तुसां ऐसा करन। ऐ कम्म इस तांई मत करा की तुसां पैसा कमाणे चांदे न, पर परमेश्वरे कने लोकां दी सेवा करणे दी इच्छा ला करा। 3 उना लोकां दे उपर इक शासक सांई हुकम मत दिया जिना तांई तुसां जिम्मेदार न, पर उना तांई इक अच्छा उदाहरण बणा। 4 जालू यीशु मसीह, जडा साडा प्रधान पुहाल है, उनी मुडी करी ओणा है, तालू तुहांजो इक सुंदर मुकुट मिलणा है जिदी चमक कदी नी घटणी। 5 इयां ही तुसां जवान लोकां जो बुड़े मर्दा दे हुकम मनणा चाईदे। तुसां सारयां जो प्यारभाव ला इक दुज्जे दी सेवा करणी चाईदी, क्योकि पबित्र शाब्द च लिखया है की, “परमेश्वर घमण्डियां दा बिरोध करदा है, पर नम्र लोकां तांई भला है।” 6 इस तांई अपने आपे जो परमेश्वरे सामणे नम्र बणा जडा सारयां ला शक्तिशाली है, ताकि सै सही बकत ओणे पर तुहांजो बडी जादा इज्जत दे। 7 परमेश्वरे जो अपणी सारी चिंता कने पेशानिया दस्सा क्योकि सै तुहाडी परवाह करदा है। 8 ध्यान रखा, कने जागदे रिया, क्योकि शैतान तुहाडा दुशमण तुहांजो पर हमला करणा चांदा है, ताकि तुसां परमेश्वरे दे हुकमा जो नी मनन। सै धहाडने बाले शेरें सांई फिरदा कने दिखदा रेंदा है की कुसयो खाई सके। 9 तुहांजो अपने पक्के भरोसे सोगी शैताने दा बिरोध करणा चाईदा। याद रखा की तुहाडे मसीह भाई-बेहण जडे पुरे संसार च रे दे न, ऐदे ही दुखां जो सेहन करा दे न जियां तुसां सेहन करा दे न। 10 परमेश्वरे जडा अनुग्रह ला पूरा भरया है, उनी साडे मसीह सोगी रिश्ते दिया बजा ला स्वर्ग च उदी हमेशा दी महिमा च हिस्सेदार होंणे तांई चुणया है। तुहांजो थोडे बकते दीकर दुख झेलणे बाद परमेश्वरे तुहांजो अच्छा बणाई देणा ताकि तुहांजो च फिरी कोई दोष ना रे ताकि तुहाडा भरोसा मजबूत हो कने डगमगाणे बाला ना हो। (aiōnios g166) 11 उनी हमेशा तांई शक्तिशाली स्पे ला शाशन करणा। आमीन। (aiōn g165) 12 मै ऐ छोट्टी देई चिट्ठी सिलवानुस दिया सहायता ला लिखियो है कने तुहांजो भेजी है। जिसयो मै मसीह च भरोसे दे काबिल भाई मंदा है। मेरा इसा चिठिया जो लिखणे दा मकसद तुहांजो उत्साहित करणा है कने तुहांजो भरोसा दिलाणा है की जडा कुछ भी तुसां सिखा दे न सै असल च तुहाडे तांई परमेश्वरे दे

अनुग्रह दा हिस्सा है। इस अनुग्रह च टिकी रिया। 13 जडे बाबेल शेहे दे यीशु पर भरोसा करणे बाले लोक तुहांजो नमस्कार करदे न, जिना जो परमेस्वरे चुणया है, जियां उनी तुहांजो चुणया था। मरकुस जडा मेरे तांई इक पुत्रे सांई है, सै भी तुहांजो नमस्कार करदा है। 14 इक दुज्जे जो गले लाईकरी नमस्कार करा। मै प्राथना करदा है परमेस्वर तुसां सारयां जो शांति दे जडे प्रभु यीशु मसीह सोगी रिश्ता रखदे न।

2 पतरस

1 मैं, शमौन पतरस, जडा यीशु मसीह दा सेबक कने प्रेरित है।

मैं तुसां सारायां ताई ऐ चिट्ठी लिखा दा है जडे सांझो सांई उसी कीमती भरोसे जो साझा करदे न, जडा भरोसा सांझो साडे परमेश्वर कने उद्धारकर्ता यीशु मसीहे जरिये मिलया है, जडा सांझो परमेश्वरे दिया नजरा च सही बणादां है। **2** मैं प्राथना करदा है की परमेश्वर तुहांजो जादा ला जादा अनुग्रह कने शांति दे जियां-जियां तुसां परमेश्वर कने साडे प्रभु यीशु मसीह दे ज्ञान च बदे जान। **3** परमेश्वरे अपनी शक्तिया ला सांझो सै सब दितया है, जडा सांझो इक ऐसी जिन्दगी जिणे ताई चाईदा जडी परमेश्वरे जो खुश करदी है। ऐ इस ताई होया क्योंकि असां परमेश्वरे जो जाणदे न कने से सेई है जिनी अपनी अच्छाई कने महिमा दिया बजा ला सांझो अपने लोक होंगे ताई सदया है। **4** कने उदिया महिमा कने अच्छाईया दिया बजा ला, उनी सांझो बडे महान कने कीमती बायदे दितयो न। ताकि इना बरदाना दा इस्तेमाल करिरी असां इस संसारे च जडियां बुरियां इच्छा न उना ला बची सकन कने परमेश्वरे दे सभाबे च साझी बणी सकन। **5** क्योंकि तुसां परमेश्वरे दे सभाबे च साझी होंगे ताई न इस ताई तुहांजो सिर्फ मसीह पर भरोसा ही नी करणा चाईदा, बल्कि तुहांजो हमेशा सेई करणे दी कोशिश करणी चाईदी जडा दुज्जयां ताई खरा है। तुहांजो ना सिर्फ सै करणा चाईदा जडा खरा है, बल्कि तुहांजो ऐसे लोक बणना चाईदा जडे समझदारिया ला व्यवहार करणा जाणदे न। **6** तुहांजो ना सिर्फ ऐ जाणना चाईदा की समझदारिया ला कियां व्यवहार करणा है, बल्कि तुहांजो अपने आपे जो भी काबू करणा चाईदा। तुहांजो ना सिर्फ अपने पर काबू रखणा चाईदा, बल्कि तुहांजो मुसीबतां च सबर भी रखणा चाईदा। ना सिर्फ तुहांजो सबर रखणा चाईदा, बल्कि तुहांजो ऐसे तरीके ला जीणा चाईदा जडा परमेश्वरे जो खुश करदा है। **7** ना सिर्फ तुहांजो इस तरीके ला जिणा चाईदा जडा परमेश्वरे जो खुश करदा है, बल्कि तुहांजो इक दुज्जे मसीह भाई बेहणा जो अपने खुद दे परिबारे सांई प्यार करणा चाईदा। ना सिर्फ तुहांजो इक दुज्जे सोगी अपने परिबारे सांई प्यार करणा चाईदा, बल्कि तुहांजो सारे लोकां सोगी प्यार भी करणा चाईदा। **8** क्योंकि अगर ऐ सारियां गल्लां तुसां च हेन कने बदा दियां न, तां इना साडे प्रभु यीशु मसीहे दा होर जादा ज्ञान लेंणे च तुहांजो बेकार कने असफल नी होणा देणा। **9** पर जिदे च ऐ गुण नी है, सै उस माणुऐ सांई जिदी नजर इतणी कमजोर है की सै दिखी नी सकदा कने भूली गया है की परमेश्वरे उसयो उदे पुराणे पापां ला पबित्र करी दितया है। **10** इस बजा ला हे मसीह भाईयो, अपने आपे जो कने होर लोकां जो ऐ दसणे ताई होर भी अच्छा व्यवहार करणे दी कोशिश करा की परमेश्वरे सच्ची चुण्या है कने तुहांजो अपने लोक होंगे ताई सदया है। अगर तुसां ऐसा करणे तां पक्का ही तुसां कदी भी परमेश्वरे ला लग नी होणा। **11** कने परमेश्वरे तुहाडा उस राज्य च बडे आदर सोगी स्वागत करणा, जिथु साडा प्रभु कने उद्धारकर्ता यीशु मसीहे हमेशा ताई राज करणा। (aiōnios g166) **12** मैं तुहांजो

इना गल्लां दे बारे च बार-बार याद दिलाणा चांदा है, हालांकि तुसां पेहले ला ही इना गल्लां जो जाणदे न कने पूरा भरोसा करदे न की सै सच्चियां न। **13** साडे प्रभु यीशु मसीहे मिंजो साफ-साफ दस्सी दितया है की मैं जल्दी ही मरी जाणा है। इस ताई मिंजो लगदा है की मेरे ताई ऐई खरा है की जालू दीकर मैं जिन्दा है तालू दीकर मैं तुहांजो याद दिलांदा रे। **15** इस ताई मैं तुहांजो ऐ गल्लां दसणे ताई इतणी मेहनत करा दा है, ताकि मेरिया मौता ला बाद तुसां हर बकत इना गल्लां जो याद रखन। **16** जालू असां प्रेरितां तुहांजो साडे प्रभु यीशु मसीह दी शक्ति कने मुडी ओणे दे बारे च संदेश दिता, तां असां तुहांजो कोई चलाकिया ला मन घडन्त कहाणियां नी सुणाईयां न, बल्कि असां उदिया महिमा जो अपनी हखी ला दिखया है। **17** असां उदे सोगी उस पबित्र पाडे पर थे, जालू पिता परमेश्वरे उसयो महिमा कने इज्जत दिती थी। उस बकत परमेश्वरे दिया तरफा ला यानी की महिमा ला उस ताई अबज आई, “ऐ मेरा अपना प्यारा पुत्र है, जिसला मैं खुश है!” असां खुद स्वर्ग ला ओदी अबज जो सणया। **19** कने असां जाणदे न की मसीह दे बारे च परमेश्वरे दे संदेश देणेबालयां जडे बचन लिखयो थे, सै सच्चे न, कने जडा असां तुहांजो यीशु मसीहे दे दुबारा मुडी ओणे दे बारे च सिखाया था, सै इसा गल्ला जो सच्च साबित करदे न। तुहांजो उना बचना जो ध्याने ला सुणना चाईदा, क्योंकि जियां नेहे च इक चमकदा दिव्या लोकां जो सही रस्ता दसणे च सहायता करदा है, तियां ही इना बचना तुहांजो ऐ जाणने ताई सहायता करणी की सच्च क्या है। प्रभु यीशु मसीह दे दुबारा मुडी करी ओणे दीकर तुहांजो उना बचना जो ध्याने ला सुणना चाईदा, उदा मुडी करी ओणा नोऐ दिने दिया भयागा सांई रौशनी लोणा है, कने सै भयागा दे तारे सांई होणा। उस बकत उदी लौ तुहाडे दिलां च चमकणी कने तुहाडे सामणे परमेश्वरे जो साफ-साफ प्रगट करणा। **20** पर ऐ बडा जरूरी है की तुसां इसा गल्ला जो समझन की परमेश्वरे दा संदेश देणेबालयां दे बचन जडे तुसां पबित्र शास्त्र च पढदे न, सै सिर्फ उना दे अपने बिचार नी न। **21** क्योंकि पबित्र शास्त्र च दीतियो कोई भी भविष्यवाणी कदी भी माणुऐ दिया मरजिया ला नी हौदी है। पर पबित्र आत्मा उना दे मना च पांदा है, जालू उना परमेश्वरे दिया तरफा ला आयो संदेशे जो बोलया।

2 जियां बडे बकत पेहले, ऐथु इस्राएली लोकां बिच झूठा संदेश देणेबाले गुरु थे, तियां ही तुहाडे बिच भी झूठी शिक्षां दे झूठे गुरु होंगे। सै झूठी शिक्षां जो चुपके ला फेलाई दिन्दे न, कने जडियां लोकां जो मसीह पर भरोसा करणे ला रोकदियां न। इना झूठे गुरुआं मसीह जो अपना मालिक मनणे ला मना करी देणा जडा उना दा मालिक है कने जिनी उना जो पाप दिया शक्तिया ला अजाद कितया है। ऐसा करिरी उना अचानक अपने आप दा नाश करवाई लेणा है। **2** परमेश्वरे दे मतयां लोकां इना गुरुआं दे बुरे कम्मा दी नकल करणी है, कने जडा कुछ भी सै करदे न उदिया बजा ला लोकां परमेश्वरे पासे जाणे बाले रस्ते दे बारे च बुरियां-बुरियां गल्लां करणियां। **3** ऐ गुरु लालची होंगे, कने उना बणियां-बणाईयां कहाणियां सुणाई करी तुहांजो धोखा देणा ताकि तुहांजो ला पैसा कमाई सकन। परमेश्वरे बडे

पेहले ही फेसला करी लिया था की सै उना जो सजा दे कने सै ऐसा करणे ताई तैयार है। उनी पक्का ही उना दा नाश करी देणा। 4 तूसां जाणदे न की बडे बकत पेहले जाल कुछ शैताने दे दूतां परमेश्वरे दे हुकमा जो नी मनया था, तां परमेश्वरे उना स्वर्गदूतां जो सजा दिती। उनी उना जो नरक च फेंकी दिता, कने उना जो नेहरे च केद करिरी उस दिने दीकर रख्या है जालू उनी उना दा न्याय करणा कने सजा देणी है। (Tartaroō g5020) 5 तूसां ऐ भी जाणदे न की जालू बडे बकत पेहले रेणे बालयां लोकां परमेश्वरे दा डर नी मनया तां उनी उना दे बुरे कम्मा जो नजरअंदाज नी किता जडे सै करा दे थे। बल्कि उनी पुरिया धरतिया पर पांणी भरी करी ऐसी सजा दिती की सै सारे डूबी करी मरी गे। पर परमेश्वरे नूह समेत अटां लोकां जो बचाई लिया, जिना परमेश्वरे सोगी सही रेणे दे बारे च बिचार किता। 6 परमेश्वरे सदोम कने अमोरा शोहरां जो सजा दिती, कने उना जो ऐसा भस्म करी दिता की सै फकई करी राख बणी गे। परमेश्वरे इना लोकां जो सजा देईकरी चेताबनी दिती की जडे लोक परमेश्वरे दे हुकमा जो नी मंदे न उना सोगी क्या होंणा है। 7 पर इसला पेहले की परमेश्वर सदोम कने अमोरा शोहरे दा नाश करदा, उनी लूत जो ओथू ला निकाली दिता कने बचाई लिया, सै इक धर्मी माणु था। लूत बडा दुखी था क्योंकि सदोम शोहरे दे लोक कुसी भी नियम जो नी मंदे थे कने बडे ही शर्मशार कम्म करदे थे। 8 सै उना बुरे लोकां बिच रेंदा था, कने सै हर रोज उना बुरे कम्मा जो दिखदा था जडे सै करदे थे कने उना दियां बुरियां गल्लां जो सुणदा था, कने सै इना सारियां गल्लां ला बडा दुखी था, क्योंकि सै इक धर्मी माणु था। 9 ऐ सारे कम्म जडे परमेश्वरे अतीत च किते, सै सांझो ऐ दसणे ताई न की जडे लोक परमेश्वरे जो खुश करणे बाली जिन्दगी जिन्दे न, जालू सै सुसीबता च होंदे न तां परमेश्वर उना दी पक्का रक्षा करदा। कने असां ऐ भी यकीन करी सकदे न की परमेश्वरे उस दिने दीकर लगातार अधर्मियां जो सजा दिन्दे रेणा जालू दीकर सै सारे लोकां दा न्याय नी करदा। 10 परमेश्वरे उना झूठे गुरूआं जो पक्का ही सजा देणी है जडे अपणी बुरियां इच्छा दे मुताबिक कम्म करदे न, कने अपणे उपर परमेश्वरे दे अधिकारे जो नी मंदे न। सै ढीठ कने घमण्डी न। सै महिमामय स्वर्गे दे प्राणियां दे बारे च बुरा भला बोलणे ला नी डरदे न। 11 पर स्वर्गदूत जडे इना झूठे गुरूआं ला जादा शक्तिशाली न, सै भी उना दी बेइज्जती नी करदे जालू सै परमेश्वरे सामणे उना पर दोष लांदे न। 12 पर ऐ झूठे गुरू जंगली जानवरां सांई कम्म करदे न, जडे सेई करदे न जदिया उना दा शरीर चांदा है कने जडे इस ताई पैदा होंदे न की लोक उना जो फसाई करी मारी सकन। ऐ झूठे गुरू उना चीजां दी बेईज्जती करदे न, जिना दे बारे च सै असल च कुछ नी जाणदे। परमेश्वरे उना जो तियां ही नाश करी देणा जियां लोक जानवरां जो मारदे न। 13 उना दा विनाश उस नुक्सान दा फल है जडा उना कितया है। उना जो दिन दोपहरी अनेतिक खांणा-पिणा पसंद है। सै तुहाडे बिच इक कलंक कने धब्बे न। सै धोखा देणे च खुशी मंदे न, कने सै तुहाडे ताई धामा च तुहाडे सोगी खांदे पिंदे न। 14 सै हर इक जनानिया सोगी व्यभिचार करणा चांदे न, जिसा जो भी

दिखदे न। सै पाप करणे दे मौके तोपदे रेंदे न। सै उना लोकां जो धोखा दिन्दे न जिना दा मसीह पर भरोसा कमजोर होंदा है, कने सै उना जो पाप पासे लेई जांदे न। कने उना दे होर जादा-जादा चीजां पाणे दे हमेशा बदेदे लालचे दिया बजा ला ही परमेश्वरे उना जो सजा देणी। 15 उना सही कम्म करणा बंद करी दितया है, कने उना सियुदा ही कम्म करणा शुरू करी दितया है, जदिया बओर दे पुत्र बिलामे बडे पेहले कितया था। उनी गलत कम्म करिरी पैसा कमाणा पसंद किता। 16 पर परमेश्वरे बिलामे जो उदे बुरे कम्मा तांई उदिया गदिया दे जरिये फटकार लाई। भले ही गधे बोलदे नी न, पर उना गदिया बिलामे ला इन्साना सांई गल्ल किती, जालू बिलाम राजे जो मिलणे तांई गदिया जो लदी करी लेई चलया था कने परमेश्वरे उस बकत बिलामे जो बेवकूफिया बाला कम्म करणे ला रोकी दिता। 17 ऐ झूठे गुरू उना पाणिऐ दे इरनया सांई बेकार न, जडे सुकी गियो न। सै उना बदला सांई बेकार न, जिना जो बरखा होणे ला पेहले तेज होआ उडाई करी लेई जांदी है। परमेश्वरे उना तांई इक ऐसी जगा तैयार कितियो है जिथू सिर्फ काला नेहरा ही है। 18 जालू सै लोकां जो शिक्षा दिन्दे न, तां सै बेकार कने घमडी गल्लां दा इस्तेमाल करदे न। सै लोकां जो दसदे न की सै उना शर्मनाक कम्मा जो करी सकदे जडा उना दा शरीर करणा चांदा है, कने सै उना लोकां जो दुबारा पाप करणे तांई भटकाई दिन्दे न, जिना थोडे बकत पेहले ही यीशु मसीह पर भरोसा किता था। 19 झूठे गुरू लोकां जो दसदे न की सै जडा कुछ भी करणा चांदे न, सै करणे तांई उना जो अजादी है, हालांकि सै खुद गुलाम न क्योंकि उना दा अपना पापी सभाव उना जो बुरे कम्म करणे तांई मजबूर करदा है। क्योंकि जडा कुछ भी तुहांजो काबू करदा है, तूसां उदे गुलाम बणी जांदे न। 20 लोक संसारे दिया बुराईया ला बची गे जालू उना प्रभु यीशु मसीह जो उद्धारकर्ता मन्नी लिया, पर हण फिरी दुबारा उना बुरे कम्मा च फसी गियो न, कने सै बुरे कम्म सान्झो काबू करदे न, इस तांई हण यीशु मसीह जो छडणे बाद उना दी हालत पेहले ला भी बुरी होई गियो है, जालू उना भरोसा नी कितया था। 21 मेरा ऐ मतलब है, क्योंकि परमेश्वरे उना लोकां जो होर भी जादा सकत सजा देणी जडे प्रभु यीशु मसीह जो छडी दिन्दे न, बजाए उना दे जिना कदी प्रभु यीशु मसीह जो अपनाया ही नी। उना तांई ऐई खरा होणा था की सै कदी ऐ जाणदे नी की जिन्दगी जो धर्मी तरीके ला जिणे दा क्या मतलब होंदा है। हण सै जाणदे न की सही क्या है पर उना परमेश्वरे दे हुकमा मनणा बंद करी दितया है जडे असां प्रेरितां सिखायो थे। 22 उना सोगी जडा होंदा है सै दसदा है की ऐ कहाबतां सच्चियां न; सै कुतयां सांई न जडा अपणिया उलटिया जो चटणे तांई बापस ओंदा है, कने सै सुअरां सांई न जिसयो धोया जांदा है कने सै दुबारा चिकडे च लोटणे तांई चली जांदा है।

3 हे प्यारे मसीह भाईयो, हण मै तुहांजो ऐ दुज्जी चिट्ठी लिखदा है, मै तुहांजो ऐ दोनो चिटियां इस तांई लिखियां न, ताकि जडिया गल्लां तूसां पेहले ला ही जाणदे न, उना दे बारे च तुहांजो याद दिलाई करी तुहाडे मना च साफ बिचार पैदा करी सकें। 2 मै ऐसा इस तांई करा दा है क्योंकि मै चांदा है की तूसां उना बचना जो याद रखा,

जड़े परमेश्वरे दे संदेश देणेबालयां बडे पेहले बोलयो थे, कने साडे दा सब कुछ पिघली जाणा। 13 पर असां उम्मीद करा दे न की उद्धारकर्ता, साडे प्रभु यीशु मसीह दियां शिक्षां जो याद रखा जडियां परमेश्वरे इक नोआ अम्बर कने नोई धरती बणाणी जिदा उनी बायदा तहांजो उना प्रेरितां सिखाईयां थियां जडे तुहाडे बाल आये थे। 3 कितया था। ओथु सिर्फ धर्मी लोक ही रेंदे न। 14 इस तांई हे प्यारे सारयां ला जरूरी गल्ल एे है जडी तहांजो पता होणा चाईदी की मसीह भाईयो, जालू तुसां इना गल्लां दा होणे दा इंतजार करा दे मसीह दे दुबारा मुडी ओणे ला पेहले आखरी दिना च ऐसे लोक न, इस तांई तहांजो ऐसी जिन्दगी जिणे दी हर इक कोशिश करणा होंणे न जिना तुहाडिया इसा गल्ला दा मजाक उडाणा की मसीहे चाईदी जडी पबित्र कने परमेश्वरे जो खुश करदी हो कने इक दुजे दुबारा मुडी करी ओणा है। उना अपणिया बुरियां आदतां ला मजबू सोगी शांतिया सोगी रिया। 15 साडे प्रभु दे सबर जो इक ऐसा मौका होईकरी बुरे कम्म करणे जिना ला उना जो खुशी मिलदी है। 4 समझा, जडा सै तहांजो ओणे बाले न्याय ला बचणे तांई दे दा है। एे कने उना बोलणा, “उदे ओणे दा बायदा सच्च नी है! उनी कदी ला इक चिठिया च लिखया है, जडा मै तहांजो दसया है। 16 उनी अपणियां सारियां चिठियां च, जडियां उनी यीशु मसीह पर भरोसा करणे बालयां जो लिखियां न, उना च एसियां ही गल्लां करदा है जदियां तहांजो लिखियां न। पर कुछ गल्लां जडियां सै लिखदा है, उना जो समझणा मुशकिल है। जिना लोकां खरी शिक्षा नी लियो है कने जिना दा मसीह पर भरोसा कमजोर होंदा है, सै इना मुशकिल गल्लां दा मतलब गलत समझांदे न, तियां ही जियां सै पबित्र शास्त्र दे कुछ हिस्सयां जो गलत तरीके ला दसदे न। इयां करिरी ला खुद ही अपणा नाश करी लेंदे न। 17 इस तांई हे मसीह भाईयो, तुसां पेहले ला ही जाणदे न की एे गल्लां होणियां न। इस तांई इसा गल्ला दा ध्यान रखा की जडे लोक नियमा जो नी मंदे सै तहांजो झूठ बोली करी भटकाई न दें। अगर तुसां सच्चाई पर भरोसा करणा बंद करी दिगे जिस पर तुसां इक बकत पर बडा जादा भरोसा था। 18 पर तुसां साडे प्रभु, कने उद्धारकर्ता यीशु मसीह दे अनुग्रह जो होर जादा ला जादा अनुभव करणा चाईदा, कने एे की तुसां होर अच्छे तरीके ला जाणी सकन। उदी महिमा हुण कने हमेशा होंदी रे। आमीन। (aiōn g165)

8 हे मेरे प्यारे मसीह भाईयो, तुसां इसा इकी गल्ला जो कदी मत भुला की परमेश्वरे तांई इक दिन हजार सालां सांई है कने हजार साल इक दिन सांई है। उदे तांई इक दिन कने इक हजार साल सब इक बराबर है। 9 कुछ लोक सोचा दे न की प्रभु बापस मुडी ओणे दे बायदे जो पूरा करणे च देरी करा दा है पर प्रभु देरी नी करा दा है बल्कि सै तुहाडे सोगी सबर रखा दा है। क्योंकि सै कुर्सी जो भी नाश नी करणा चांदा है। परमेश्वर चांदा है की हर कोई अपने मने जो फिराए कने गलत कम्मा जो करणा बंद करी दे कने उदे बाल आई जा। 10 पर प्रभुएे पक्का ही बापस ओणा है। कने उनी अचानक ही मुडी करी ओणा है जियां कोई चोर अचानक आई जांदा है। उस दिने अम्बरे च बडे गडाकयां दा शोर होणा है। कने अम्बरे लोप होई जाणा। अम्बरे च सारा कुछ मतलब की सूरज, चाँद, तारे सब कुछ अग्गी च खत्म होई जाणा। उस दिन परमेश्वरे उना सारे कम्मा जो प्रगट करी देणा है जडे लोकां कितयो न, ताकि उना दा न्याय होई सके। 11 परमेश्वरे पक्का ही इना सारियां चीजां दा नाश करी देणा है, जियां मै हुण बोलया है, इस तांई तहांजो पबित्र चाल चलन कने भक्ति च जिन्दगी जिणा चाईदी जडी परमेश्वरे जो खुश करे। 12 जियां की तुसां उस दिने दा इंतजार करा दे न जालू परमेश्वरे संसारे दे लोकां दा न्याय करणे तांई ओणा है, तां उस दिने दे जल्दी ओणे तांई अपणी तरफा ला पूरी कोशिश करा। उस दिन अग्गी भडकी पोणा है कने अम्बरे जो भस्म करी देणा है, उसा गर्मियां ला अम्बरे

1 यूहन्ना

1 असां तूहांजो इक माणुए दे बारे च लिखा दे न जडा जीवन दा बचन है, कने सै शुरूआत ला ही था, जिसयो असां सुणया, जिसयो असां ध्याने ने अपणी हखी ने दिखया कने हथां ने छुता। **2** ऐ माणु जडा जिन्दगी दिंदा है सै धरती पर आया है, कने असां उसयो दिखया, कने उदी गबाई दिन्दे न, कने तूहांजो हमेशा दी जिन्दगी दे बारे च दसदे न, जिसयो पिता परमेश्वरे सांझो दसया। (aiōnios g166) **3** जडा कुछ असां यीशुए मसीह दे बारे च दिखया कने सुणया है, उदी गबाई तूहांजो भी दिन्दे न, इस ताई की तूहाड़ी संगती साडे सोगी हो: कने साडी ऐ संगती पिता परमेश्वर सोगी, कने उदे पुत्र यीशु मसीह सोगी है। **4** कने ऐ गल्लां असां इस ताई लिखदे न, की तूहाड़ी खुशी पूरी होई जा। **5** जडा श्भसमाचार असां यीशुए ला सुणया है, सै ऐ है, की परमेश्वर अच्छा है कने ज्योति सांई पबित्र है कने उदे च कोई भी बुराई नी है। **6** अगर असां बोलन, की परमेश्वरे सोगी साडी हिस्सेदारी है, कने असां फिरी भी बुराई करदे रेदे न, तां असां झूठ बोलदे न कने सच्चाई ने नी जिन्दे न। **7** तुसां सै ही करा जडा सही है जियां परमेश्वर सिद्ध स्पे च सही है, तियां ही असां भी लौई च जी न, तां परमेश्वरे कने इक दुज्जे ने हिस्सेदारी रखदे न, कने उदे पुत्र यीशु मसीह दा खन सांझो साडे सारयां पापां ला शुद्ध करदा है। **8** अगर असां बोलन की असां कोई पाप नी किता, तां असां अपने आपे जो धोखा दिन्दे न, कने जडी सच्चाई परमेश्वर बोलदा है इस पर भरोसा नी करदे। **9** अगर असां परमेश्वरे सामणे अपने पापां जो मन्नी लेन, तां सै साडे पापां जो माफ करणे कने सांझो सारे अधर्म ला शुद्ध करणे च भरोसे दे काबिल कने धर्मी है। **10** अगर असां बोलन की असां पाप नी किता, तां असां परमेश्वरे जो झूठा बणादे न, कने असां परमेश्वर दे बचन जो नी समझदे न कने सै जडा बोलदा है उदा पालन नी करदे।

2 हे मेरे बच्चो, मैं ऐ गल्लां तूहांजो इस ताई लिखा दा है, की तुसां पाप ना करन; कने अगर कोई पाप करे तां पिता परमेश्वर बाल साडा इक सहायक है सै यीशु मसीह है कने सांझो माफ करणे तांई पिता परमेश्वरे ला प्रार्थना करदा है कने सै धर्मी है। **2** कने उनी ही साडे पापां दी माफी तांई अपना बलिदान दिता: कने सिर्फ साडे ही नी पर संसारे दे सारे लोकां दे पापां तांई भी। **3** अगर असां परमेश्वरे दे हुक्मा जो मन्नी लेंगे, उसला ही सांझो पता चलणा की असां उसयो जाणदे न। **4** जडा कोई ऐ बोलदा है, मैं परमेश्वरे जो जाणी गया है, पर उदे हुक्मा जो नी मनदा, सै झूठा है; कने परमेश्वरे दे सच्च दे अनुसार जिन्दगी नी जिन्दा है। **5** पर जडा कोई परमेश्वरे दे बचना जो मनदा है, उदे च सची परमेश्वरे दा प्यार सिद्ध होया है, सांझो इसी ने ही पता चलदा है, की असां उदे सोगी बणी रेदे न। **6** जडा कोई ऐ बोलदा है की असां यीशु मसीह च टिकयो न, तां सै यीशु मसीह सांई ही चाल चलन रखन। **7** हे प्यारो, मैं तूहांजो कोई नोआ हुक्म नी लिखदा, पर सेई पुराणा हुक्म जडा शुरू ला तूहांजो मिलया है; ऐ पुराणा हुक्म सै बचन है, जिसयो तुसां तालू

सुणया जालू यीशु मसीह पर भरोसा किता। **8** फिर भी जडा हुक्म मैं तूहांजो लिखदा है, सै नोआ हुक्म है, कने इदी सच्चाई यीशु मसीह च कने तुसां च भी मिलदी है; क्योकि हण बुराई खत्म होदी जा दी है कने सच्चाई कने पबित्रता बदा दी है। **9** जडा कोई ऐ बोलदा है, की मैं अच्छाई कने भलाई ने जी दा है; पर अपने मसीह भाईयां ने बैर रखदा है, सै हल्लै दीकर भी बुराई च ही है। **10** जडा कोई अपने मसीह भाईरे ने प्यार रखदा है, सै भलाई ने जिन्दगी जिंदा है, कने उदे अंदर ऐसा कुछ नी है जडा कुसी दे पाप करणे दी बजा बणे। **11** पर जडा कोई अपने मसीह भाईरे ने बैर रखदा है, सै बुराई च जी दा है कने बुराई च चलया है, कने नी जाणदा है की कृशु चलया है क्योकि बुराईया उदियां हखी अनिया करी दितियां न। **12** हे बच्चो, मैं तूहांजो इस तांई लिखा दा है, की यीशु मसीह दे नाणे ने तूहाडे पाप माफ होऐ न। **13** हे पिताओं, मैं तूहांजो इस तांई लिखा दा है, क्योकि तुसां मसीह जो जाणदे न, जडा शुरू ला है। हे जवानो, मैं तूहांजो इस तांई लिखा दा है, की तुसां उस शैताने पर जित हासिल किती है: हे बचयां, मैं तूहांजो इस तांई लिखया है, की तुसां पिता परमेश्वरे जो जाणी गियो न। **14** हे पिताओं, मैं तूहांजो इस तांई लिखया है, क्योकि तुसां मसीह जो जाणदे न, जडा शुरू ला है। हे जवानो, मैं तूहांजो इस तांई लिखया है, की जौरे बाले होआ, कने परमेश्वरे दा बचन तुसां च बणी रेदा है, कने तुसां उस शैताने पर जित हासिल किती है। **15** तुसां ना तां संसारे ला कने ना तां संसारे दिया चीजां ने प्यार रखा अगर कोई संसारे ने प्यार रखदा है, तां उदे च पिता परमेश्वरे दा प्यार नी है। **16** क्योकि जडा कुछ संसारे च है, मतलब की शरीर दी पापी इच्छा जो पूरा करणा, कने चीजां जो दिखणा कने उना जो पाणे दी इच्छा रखणा कने जडा उदे बाल है कने जडा सै करदा है उदा घमंड करणा, सै पिता परमेश्वरे दिया तरफा ला नी, पर संसारे दिया तरफा ला है। **17** संसार कने उदी बुरी इच्छा दोनो खत्म हुंदे जांदे न, पर जडा परमेश्वरे दिया इच्छा दे अनुसार चलदा है, सै हमेशा बणी रेदा है। (aiōn g165) **18** हे बच्चो, ऐ मसीह दा मुडी करी ओणे दा बकत है, जियां तुसां सुणया है, की मसीह दा बिरोधी ओणे बाला है, उदे अनुसार हण भी बडे भरी मसीह दे बिरोधी आई गियो न; इसला असां जाणदे न, की मसीह दे मुडी करी ओणे दा बकत है। **19** सारे जडे मसीह दा बिरोध करदे न सै निकलयो तां सांझो ला ही न, पर सांझो चे नी थे; क्योकि अगर सांझो चे होंदे, तां साडे सोगी रेदे, पर उना सांझो छडी दिता क्योकि उना चे कोई भी साडा नी था। **20** पर तूहांजो तां यीशु मसीह दे जरिये पबित्र आत्मा मिलया है, कने तुसां सब सच्च जाणदे न। **21** मैं तूहांजो इस तांई नी लिखया, की तुसां सच्च जो नी जाणदे न, पर इस तांई लिखया है, की तुसां उसयो जाणदे न, कने इस तांई की कुसी भी झूठ दा जन्म सच्च ला नी होंदा है। **22** झूठा कुण है? सिर्फ सै जडा यीशु जो मसीहा होणे जो मना करदा है; कने मसीह दा बिरोधी सेई है, जडा पिता परमेश्वर दा कने पुत्र यीशु जो नी मनदा है। **23** जडा कोई पुत्रे जो नी मनदा है उदे बाल पिता परमेश्वर भी नी: जडा पुत्र यीशु जो मन्नी लेदां है, उदे बाल पिता परमेश्वर भी है। **24** जालू तुसां

मसीह पर भरोसा किता कने जड़ा सच्चाई दा बचन तुसां सुणया, सै ही तुसां च बणी रे। अगर सै तुसां च बणी रे, तां तुसां भी पुत्रे च, कने पिता परमेस्वर च बणी रेणा। 25 हमेशा दी जिन्दगी सै बायदा है जड़ा पिता परमेस्वरे सांझो ने कितया है। (aiōnios g166) 26 मैं तुहांजो उना लोकां दे बारे च चिताबनी दे दा है जडे तुहांजो गलत शिक्षा ने धोखा देणे दी कोशिश करा दे न। 27 पर तुहांजो तां पबित्र आत्मा यीशु मसीह दे जरिये मिलया है, सै तुहाडे च हमेशा बणया रे; इस तांई तुहांजो सच्चाई दे बारे च कुसी माणुऐ जो सिखाणे दी जरूरत नी है, बल्कि पबित्र आत्मा तुहांजो उना सरियां चीजां दे बारे च जाणने च मदद करणी है जिना दी तुहांजो जरूरत है, जड़ा पबित्र आत्मा तुहांजो सिखाणा सै सच्च है, उस च कुछ झूठ नी है: इस तांई यीशु मसीह सोगी बणी रिया जियां की पबित्र आत्मा करणे तांई बोलया है। 28 हे बच्चो मसीह सोगी बणी रिया; की जालू उनी दोबारा प्रगट होणा, तां सांझो हिम्मत हो, कने असां उदे ओणे पर उदे सामणे शरमिंदा ना होन। 29 क्योंकि तुसां ऐ जाणदे न, की यीशु मसीह धर्मी है, तां ऐ भी जाणदे न, की जडे कोई धर्म दे कम्म करदे न, सै परमेस्वर दे बच्चे न।

3 बिचार करा की पिता परमेस्वरे साडे ने कितणा प्यार किता है, की सांझो परमेस्वर दे बच्चे बोलन, कने सच्ची असां परमेस्वर दे बच्चे न। इस संसारे दे लोक ऐ नी जाणदे न की असां परमेस्वर दे बच्चे न क्योंकि सै पिता परमेस्वर जो नी जाणदे। 2 हे प्यारो, हुण असां परमेस्वरे दी ओलाद न, कने हल्ले दीकर ऐ प्रगट नी होया, की असां भविष्य च क्या बणी जाणा। इतणा पता है की जालू उनी प्रगट होणा है, तां असां भी उदे सांई होणा, क्योंकि उसयो तदिया ही दिखणा जियां सै है। 3 कने जड़ा कोई यीशु मसीह पर आस रखदा है, सै अपने आपे जो तदेया ही पबित्र करदा है, जदेया सै पबित्र है। 4 जडे कोई लगातार पाप करदे न, सै परमेस्वरे दी व्यवस्था जो नी मंदे कने पाप करणा व्यवस्था जो तोडणा है। 5 कने तुसां जाणदे न, की सै इस तांई आया है की साडे पापां दिया सजा जो दूर करी दे; कने उदे च कोई पाप नी है। 6 जड़ा कोई उदे च बणी रेंदा है, सै लगातार पाप नी करदा; जड़ा कोई पाप करदा है, सै नी जाणदा की यीशु मसीह कुण है, कने ना ही उसयो जाणया है। 7 हे बच्चो, कुसी दे बेहकाबे च मत ओदे। जड़ा धार्मिकता दे कम्म करदा है, सेई यीशु मसीह सांई धर्मी है। 8 जड़ा कोई लगातार पाप करदा है, सै शैताने दिया तरफा ला है, क्योंकि शैतान शरू ला ही पाप करदा आया है, परमेस्वरे दा पुत्र इस तांई आया, की शैताने दे कम्मा जो खत्म करे। 9 जड़ा कोई परमेस्वरे दे बच्चे न सै लगातार पाप नी करदा; क्योंकि परमेस्वर दा सभाब उदे च है: कने सै पाप नी करी सकदा, क्योंकि सै परमेस्वरे दा बच्चा है। 10 इसी ने परमेस्वरे दे बच्चे कने शैताने दे बच्चे जाणे जांदे न; जड़ा कोई धर्म दे कम्म करदा, सै परमेस्वरे दिया तरफा ला है, कने जड़ा कोई अपने मसीह भाईऐ ने प्यार करदा है सै भी परमेस्वरे दिया तरफा ला है। 11 जड़ा समाचार तुसां शरू ला सुणया है, से ऐ है, की असां इक दुज्जे ने प्यार रखिए। 12 कने आदम दे पुत्र कैन सांई मत बणदे, जड़ा उस शैताने दा बच्चा था,

जिनी अपने भाईऐ दी हत्या किती, कने उनी उदी कुसा बजा ने हत्या किती? उनी इस तांई हत्या किती क्योंकि उदे अपने कम्म बुरे थे, कने उदे भाईऐ दे कम्म धर्म दे थे। 13 हे मसीह भाईयो, अगर संसारे दे लोक तुहांजो ने बैर रखदे न तां हेरान मत होंदे। 14 सांझो पता है, की असां मौत दी शक्ति ला अजाद होई गियो न कने हुण साडे बाल परमेस्वरे दिया तरफा ला हमेशा दी जिंदगी है; क्योंकि असां मसीह भाईयां ने प्यार रखदे न, कने जड़ा प्यार नी रखदा है सै हले भी मौत दिया शक्तिया दे अधीन है। 15 जड़ा कोई अपने भाईयां ने बैर रखदा है, सै हत्यारा है; कने तुसां जाणदे न, की कुसी भी हत्यारे च हमेशा दी जिन्दगी नी रेंदी। (aiōnios g166) 16 असां प्यार जो यीशु मसीह ला ही जाणया, की उनी साडे तांई अपने प्राण दिते; इस तांई सांझो भी मसीह भाईयां तांई प्राण देणा चाईदे। 17 पर जिसदे बाल संसारे दी धन सम्पत्ति हो कने सै अपने मसीह भाईये जो कंगाल दिखीकरी उस पर तरस ना खा, तां उदे च परमेस्वरे दा प्यार नी होई सकदा। 18 हे मेरे प्यारे बच्चो, सांझो बचना कने गल्लां ला ही नी, पर उना दी सहायता करी के सच्चा प्यार करणा चाईदा। 19 जालू असां दुज्जयां ने प्यार करगे इसला ही सांझो पता चलणा है, की असां सच्च दी ओलाद न। कने जालू कदी साडा मन सांझो पर दोष ला, तां असां परमेस्वरे दे सामणे अपने मने जो दिलासा देई सकदे न। 20 क्योंकि परमेस्वर साडे मने ला बड़ा है; कने सब कुछ जाणदा है। 21 हे प्यारो, अगर साडा मन सांझो दोष नी ला, तां असां परमेस्वरे सामणे हिम्मत होंदी है। 22 कने जड़ा कुछ असां परमेस्वरे ला मंगदे न, सै सांझो उसला मिलदा है, क्योंकि असां उदे हुकमा जो मंदे न; कने जड़ा परमेस्वरे जो खुशी दिन्दा है असां सेई करदे न। 23 कने उदा हुकम ऐ है की असां उदे पुत्र यीशु मसीहे पर भरोसा करन कने जियां उनी सांझो हुकम दितया है तियां ही अपु के प्यार रखन। 24 जड़ा उदे हुकमा जो मनदा है, सै परमेस्वर च रेंदा है कने परमेस्वर उना च रेंदा है। कने इसी ला ही उसा पबित्र आत्मा ला जडी उनी सांझो दिती है, असां जाणदे, की सै सांझो च रेंदा है।

4 हे प्यारो, हर इक कुसी पर भरोसा मत करा जड़ा बोले उस बाल पबित्र आत्मा है, पर उना जो परखा, की सै परमेस्वरे दिया तरफा ला हेन की नी; क्योंकि बडे भरी झूठे संदेश देणेबाले इस संसारे च आयो न, जडे बोलदे न की असां पिता परमेस्वरे दिया तरफा ला बोलदे न। 2 परमेस्वरे दी आत्मा जो तुसां इसा रीतिया ने पछेणी सकदे न, की जड़ा कोई माणु ऐ मनी लेंदा है, की यीशु मसीह माणु बणी करी आया है, सै परमेस्वरे दिया तरफा ला है। 3 कने जड़ा कोई माणु यीशुऐ जो नी मंदा है, सै परमेस्वरे दिया तरफा ला नी है; कने सेई मसीह दे बिरोधी दी आत्मा है; जिसदी चर्चा तुसां सुणी बैठयो न, की सै औणे बाला है, कने हल्ले भी संसारे च है। 4 हे बच्चो, तुसां परमेस्वरे दिया तरफा ला झूठे संदेश देणेबालयां जो हरया; क्योंकि जड़ा पबित्र आत्मा तुहाडे च है, सै शैताने ला बडा है जड़ा संसार च है। 5 सै परमेस्वर दिया तरफा ला झूठे संदेश देणेबाले संसारे दे न, इस तांई सै संसारे दियां गल्लां करदे न, कने संसार दे लोक उना दी सुणुदे न। 6 असां परमेस्वरे दिया तरफा ला न, जडे परमेस्वरे जो

जाणदे न, सै साडी सुणदा है; जडा परमेश्वरे जो नी जाणदा है सै साडी नी सुणदा है इस तरीके ने असां सच्च दी आत्मा कने झूठ दी आत्मा जो पछेणी लेंदे न। 7 हे प्यारो, असां अपु चे प्यार रखन; क्योंकि प्यार परमेश्वर ला है कने जडा कोई दुज्जयां सोगी प्यार करदा है, सै परमेश्वरे दा बच्चा है कने परमेश्वरे जो जाणदा है। 8 जडा दुज्जयां जो प्यार नी करदा सै परमेश्वरे जो नी जाणदा है, क्योंकि परमेश्वर प्यार है। 9 जडा प्यार परमेश्वर साडे ला रखदा है, सै इसा गल्ला ने प्रगट होया है की पिता परमेश्वरे अपने इकलोते पुत्रे जो संसार च भेजया है ताकि सांझो उसला हमेशा दी जिन्दगी मिल्ले। 10 सच्चा प्यार ऐ नी है की असां परमेश्वरे ने प्यार किता, पर उनी सांझो ने प्यार किता है, पर परमेश्वरे साडे पापां जो माफ करणे ताई अपने पुत्रे जो बलिदान होणे ताई भेजया है। 11 हे प्यारो, जालू परमेश्वरे सांझो ने ऐसा प्यार किता, तां सांझो भी अपु चे ऐदिया ही प्यार रखणा चाईदा। 12 परमेश्वरे जो कदी भी कुनी नी दिखया है; अगर असां अपु चे प्यार रखिऐ, तां परमेश्वर सांझो च बणी रेंदा है; कने उदा प्यार सांझो च सिद्ध होई गिया है। 13 इसी ने सांझो पता चलदा है, की असां परमेश्वर च रेंदे न, कने परमेश्वर सांझो च रेंदा है; क्योंकि उनी अपणी पबित्र आत्मा सांझो दितया है। 14 असां पुत्रे जो दिखया है कने गबाई भी दिन्दे न की पिता परमेश्वरे अपने पुत्रे जो संसारे दे लोकां दा उदारकर्ता बणाई के भेजया है। 15 जडा कोई ऐ अपनाई लेंदा है की यीशु परमेश्वरे दा पुत्र है, परमेश्वर उदे च रेंदा है, कने सै परमेश्वरे च रेंदा है। 16 असां जाणदे न कने भरोसा करदे न की परमेश्वर सांझो ने प्यार करदा है, उसयो असां जाणी गे न, कने सांझो उदा भरोसा है; परमेश्वर प्यार है जडा प्यार च बणया रेंदा है परमेश्वर उदे च रेंदा है, कने सै परमेश्वरे च रेंदा है। 17 इसी ला ही प्रेम सांझो च पूरा होया कि, न्याय दे दिने सांझो हिम्मत मिल्ले की सै सांझो नी दिगा, क्योंकि मसीह सांई इक दुज्जे सोगी प्यार करदे न कने इसा दुनिया च मसीह सांई रेंदे न। 18 प्यार च डर नी होंदा, सिद्ध प्यार डरे जो भी दूर करी दिन्दा है, क्योंकि जडा डरदा है सै सजा ला डरदा है। जडा डरदा है सै प्यारे च सिद्ध नी होया है। 19 परमेश्वरे सांझो ला पेहले प्यार किता इस तांई असां परमेश्वर कने दुज्जयां सोगी प्यार करदे न। 20 अगर कोई बोले, मैं परमेश्वरे ने प्यार करदा, पर अपने मसीह भाईऐ ने दुशमणी रखे; तां सै झूठा है; क्योंकि जडा अपने मसीह भाईऐ ने जिसयो उनी दिखया है उसला प्यार नी रखदा है, तां सै परमेश्वरे ने भी प्यार नी रखी सकदा है, जिसयो उनी दिखया भी नी है। 21 कने उसला सांझो ऐ हुकम मिलया है, की जडा कोई परमेश्वरे ने प्यार रखदा हे, सै अपने मसीह भाई ऐ ने भी प्यार रखे।

5 जिदा ऐ भरोसा है की यीशु ही मसीह है, सै जन परमेश्वरे दी संतान है कने जडा कोई पिता परमेश्वरे ला प्यार करदा है, तां सै उदी संतान ला भी प्यार करदा है। 2 जालू असां परमेश्वरे ने प्यार करदे न, कने उदे हुकमा जो मंदे न, तां इसी ने सांझो पता चलदा है, की परमेश्वरे दी ओलाद ने प्यार रखदे न। 3 परमेश्वरे ने प्यार करणे दा मतलब है की असां उदे हुकमा जो मनन; कने उदे हुकमा जो

मनणा बडा कठिन नी न। 4 क्योंकि जडे कोई परमेश्वरे दे बच्चे न, सै संसारे पर जित हासिल करदे न, कने सै जीत, जिसने संसारे जो रांदा है, सै साडा भरोसा ही है। 5 संसारे पर जीत पाणे बाला कुण न? सिर्फ सेई जिसदा भरोसा है, की यीशु ही परमेश्वरे दा पुत्र है। 6 ऐ यीशु मसीह है, जिसयो परमेश्वरे इस संसार च भेजया है, कने उसयो पाणिऐ ने बपतिस्मा दितया था, कने बाद च जालू सै मरी गिया तां उदा खून बेह गिया। सै सिर्फ बपतिस्मा लेणे तांई नी आया था पर सूली पर अपना खून बहाइ करी मरया भी। पबित्र आत्मा दसदा है की यीशु मसीह परमेश्वरे ला आया, कने पबित्र आत्मा हमेशा सेई दसदा है जडा सच्च है। 7 गबाई ऐ है की यीशु मसीह साडे पापां तांई बलिदान होया, ऐ तिन्न गल्लां इसदी गबाई दिन्दियां न। 8 पबित्र आत्मा, पाणी, कने खून; तिने इक ही गल्ल बोलदियां न। 9 जालू असां माणुऐ दी गबाई मन्नी लेंदे न, तां परमेश्वरे दी गबाई तां उसला भी बदीकरी है कने परमेश्वरे दी गबाई ऐ है, की उनी अपने पुत्रे दे बारे च गबाई दितियो है। 10 जडा परमेश्वरे दे पुत्रे पर भरोसा करदा है, सै अपने मने च ही गबाई रखदा है; जिनी परमेश्वरे पर भरोसा नी रखया, उनी परमेश्वरे जो झूठा बणया; क्योंकि उनी उसा गबाइया पर भरोसा नी किता, जडी परमेश्वरे अपने पुत्रे दे बारे च दित्ती है। 11 कने सै गबाई ऐ है, की परमेश्वरे सांझो हमेशा दी जिन्दगी दितियो है कने सांझो ऐ हमेशा दी जिन्दगी परमेश्वरे दे पुत्रे ला मिल्ली है। (aiōnios g166) 12 जडा पिता परमेश्वरे दे पुत्र यीशु मसीह जो अपनांदा है, उदे बाल हमेशा दी जिन्दगी है; कने जडा परमेश्वरे दे पुत्रे जो नी अपनांदा है, उदे बाल हमेशा दी जिन्दगी भी नी है। 13 मैं तुहांजो ऐ सब इस तांई लिखया है की तुसां, जडे परमेश्वरे दे पुत्रे पर भरोसा करदे न, की तुहांजो पता लगे की हमेशा दी जिन्दगी तुहाडी है। (aiōnios g166) 14 कने सांझो परमेश्वरे सामणे जडी हिम्मत होंदी है, सै ऐ है; की अगर असां उदी इच्छा ने कुछ मंगदे न, तां सै साडी सुणदा है। 15 कने जालू असां जाणदे न, की जडा कुछ असां परमेश्वरे ला मंगदे न, सै साडी सुणदा है, तां ऐ भी जाणदे न, की जडा कुछ असां मंगया है सांझो मिल्ला भी है। 16 अगर कोई अपने मसीह भाईऐ जो ऐसा पाप करदे दिखे, जिदा परिणाम मौत न हो, तां सै उदे तांई परमेश्वरे ला प्रार्थना करा तां परमेश्वरे उदिया जिन्दगिया दी रक्षा करणी। क्योंकि इक पाप ऐसा भी होंदा है जिदा नतीजा मौत है; मैं इदे बारे च परमेश्वरे ला प्रार्थना करणे तांई नी बोलदा। 17 हर तरा दा अधर्म तां पाप है, पर ऐसा पाप भी है, जिदा नतीजा मौत है। 18 सांझो पता हे, की जडा कोई परमेश्वर दा बच्चा है, सै लगातार पाप नी करदा; क्योंकि परमेश्वरे दा पुत्र यीशु मसीह उदी रक्षा करदा है कने शैताने उसयो छुई नी सकदा। 19 असां जाणदे न, की असां परमेश्वरे ला न, कने सारे संसारे दे लोक उस शैताने दे वशे च पियो न। 20 कने ऐ भी जाणदे न, की परमेश्वरे दा पुत्र यीशु मसीह इस संसार च आया कने उनी सांझो समझ दित्ती, की असां उस सच्चे परमेश्वरे जो पछेणन। असां सच्चे परमेश्वरे सोगी करीबी रिश्ते च न क्योंकि साडा उदे पुत्र यीशु मसीह सोगी करीबी रिश्ता है। सच्चा परमेश्वर कने हमेशा दी जिन्दगी ऐई

है। (aiōnios g166) 21 हे बच्चों, अपने आपे जो हर इक ऐसी चिजा
ला दुर रखा जडी तुहाडे दिले च परमेव्वरे दी जगा ले।

2 यूहन्ना

1 मैं यूहन्ना कलीसिया दा अगुवा, मैं ऐ चिठी उसा आदरणीय जनानिया जो कने उसा दे बच्चयों जो लिखा दा है, जिना जो परमेश्वरे चुणया है। मैं सच्ची तुहांजो ने प्यार करदा है, कने सिर्फ मैं ही नी पर सै सारे भी प्यार करदे न, जडे परमेश्वरे दी सच्चाईया पर भरोसा रखदे न। **2** असां तिजो ला इस ताई प्यार करदे क्योंकि सच्ची शिक्षा साडे मना च बणियो है सै हमेशा साडे सोगी बणी रेणी है। (aiōn g165) **3** परमेश्वर पिता कने उदे पुत्र यीशु मसीह दिया तरफा ला अनुग्रह, दया कने शांति असां सारयां सोगी बणी रे। जडे सच्च जो मंदे कने इक दुज्जे ने प्यार करदे न। **4** मैं बड़ा खुश होया जालू मैं तेरे कुछ बचयां दे बारे च सणया की सै सचाई ने जिन्दगी जी दे न, सै बिलकूल सै ही करा दे न जडा साडे पिता परमेश्वरे करणे जो बोलया। **5** हुण हे आदरनीय जनानी, मैं तिजो ला विनती करदा है, की सांझो इक दुज्जे ने हमेशा प्यार करणा चाईदा। ऐ कोई नोआ हुकम नी है पर सेई हुकम है जिसयो असां उस बकते ला जाणदे न जालू असां मसीह दे पिच्छे चलणा शुरू कितया था। **6** सच्चा प्यार सै है जडा असां तालू करदे न जालू असां परमेश्वर दे हुकमा जो मंदे न, जालू ला असां मसीह दे पिच्छे चलणा शुरू कितया है, तालू ला असां सणया है की परमेश्वरे तुहांजो हुकम दितया है की तुहांजो हमेशा इक दुज्जे ने प्यार करदे रेणा चाईदा। **7** मैं ऐ इस ताई बोला दा है क्योंकि केई लोक न जडे झूठे उपदेश दिन्दे न सै मतियां जगां च गियो न, सै बोलदे न की यीशु मसीह माणुए दे स्मे च इसा दुनिया च नी आया है। जडा कोई ऐ नी मंदा की यीशु माणुए दे स्मे इसा धरती च नी आया है तां सै माणु मसीह दा बिरोधी है कने लोकां जो हमेशा धोखा दिदा है। **8** इस ताई तुसां ऐ ध्यान रखा की ऐ लोक तुहांजो धोखा ना देन, ताकि परमेश्वरे दी सेबा ताई कितियो मेहनत बेकार ना होई जा कने परमेश्वरे तुहाड़ी सेबकाई ताई तुहांजो पूरा इनाम देणा। **9** जडे लोक सच्ची शिक्षा ला भटकी जांदे न कने मसीह दी शिक्षा जो नी मंदे न, सै परमेश्वरे सोगी संगती च नी न। जडे लोक यीशु मसीह दी शिक्षा जो मंदे न सै परमेश्वरे सोगी कने उदे पुत्र यीशु सोगी संगती च न। **10** अगर कोई तुहाडे बाल आए कने कुछ सिखा दा है, जडा मसीह यीशु दी सिखा ला लग है। ना तां उदी मेहमान नबाजी करा, कने ना ही उसयो नमस्ते करा। **11** क्योंकि जडा कोई ऐसे माणुआं दा स्वागत करदा है, सै उदे बुरे कम्मा च हिस्सेदार होदा है जडा सै करदा है। **12** मैं होर भी मतियां गल्लां तुहांजो दसणा चांदा है, पर मैं उना जो इयां चिठिया च नी लिखणा चांदा है, पर मिंजो आस है, की मैं तुहाडे बाल ओए, कने आमणे सामणे होईकरी गल्लां करे तालू असां पूरी तरा ला खुश होणा। **13** ऐथू तुहाडियां बेंहणा दे बच्चे, जिना जो परमेश्वरे चुणयां है सै तुहांजो नमस्कार करा दे न।

3 यूहन्ना

1 मैं यूहन्ना कलीसिया दा अगुवा इसा चिठिया जो अपने प्यारे भाई गयस जो लिखदा है, मैं तिजो ला सच्चा प्यार करदा है। 2 हे प्यारे, मेरी ऐ प्राथना है; जियां तुसां भरोसे च मजबूत होंदे जादे न, ठीक तियां ही बाकी होर कम्मा च भी तरकी करा कने स्वस्थ रिया। 3 क्योंकि कुछ विश्वासी भाईयां आई करी, मिंजो दसया की तुसां अपनी जिन्दगी इमानदारिया ने सच्चाई च जी दे न, तां मिंजो बडी खुशी होई। 4 जालू भी मैं ऐ सुणदा है की सै लोक जडे मेरे बचयां सांई न, सै उसी तरीके ने जी दे न, जडा सच्ची परमेश्वरे सांझो दसया है, इसला मिंजो होर भी जादा खुशी होंदी है। 5 हे प्यारे, तू बडिया इमानदारिया ने साडे मसीह भाईयां दी मदद किती जडे शुभसमाचार प्रचार तांई यात्रा करा दे थे, चाहे सै तुहाडे तांई अनजाण ही थे। 6 उना चे केई लोकां ऐथू दे विश्वासियां जो कलीसिया च दसया है की तू अपने मसीह साथियां ने कितणा प्यार करदा है। हुण मैं तिजो ने बोलदा है तिजो ऐसे मसीह साथियां दी मदद करदे रेणा चाईदा जडे मसीह दा शुभसमाचार प्रचार करणे तांई यात्रा करदे न क्योंकि ऐ परमेश्वरे जो खुश करदा है। 7 क्योंकि सै मसीह दा शुभसमाचार सुणाणे तांई निकलयो न, कने भरोसा नी करणे बालयां ला कोई मदद नी लेंदे। 8 इस तांई ऐसयां दा अपने घरे ओणे पर स्वागत करा कने जडी उना दी जरूरत है सै दिया, जिसने असां भी सच्ची सेवा दे हिस्सेदार बणन। 9 मैं कलीसिया दे ना इक चिठी लिखी; पर दियुत्रिफेस उनी मेरियां गल्ला जो मनणे ला मना करी दिता क्योंकि सै खुद हमेशा ला ही कलीसिया दा अगुवा बणना चांदा है। 10 इस तांई जालू मैं ओणा, तां तुहाडे सामणे उदे कम्मा जो जडा सै करा दा कने जडा साडे बारे च बुरियाँ-बुरियाँ गल्लां बोलदा है सारा कुछ दसगा; कने इतणा ही नी, सै अपु तां शुभसमाचार प्रचार करणे बाले मसीह भाईयां जो स्वीकार नी करदा है कने ना ही कलीसिया दे लोकां जो ऐसा करणा दिन्दा है कने जडे करणा चांदे न, उना जो मना करदा है, कने कलीसिया ला निकाली दिन्दा है। 11 हे प्यारे, उना माणुआं दी नकल मत करदे जडे बुरे कम्म करदे न, पर उना माणुआं दे पिच्छे चलनयो जडे अच्छे कम्म करदे न। जालू कोई अच्छा कम्म करदा है, तालू सै ऐ साबित करदा है, की मैं परमेश्वरे दा पुत्र है कने जडा बुराई करदा है उनी परमेश्वरे जो नी दिखया। 12 दिमेत्रियुस दे बारे च कलीसिया दे सारे लोक बोलदे न की बडा अच्छा बन्दा है क्योंकि सै सच्चाई ने जिन्दगी जिन्दा है, सच्च भी अपु उदी गबाई दिंदा है: कने असां भी बोलदे न, की सै बडा अच्छा बन्दा है कने तू जाणदा है, असां सच्च बोलदे न। 13 मैं होर भी मतियां गल्लां तुहांजो दसणा चांदा है, पर मैं उना जो इयां चिठिया च नी लिखणा चांदा है। 14 पर मिंजो आस है, की मैं तुहाडे बाल ओऐ, कने आमणे सामणे होईकरी गल्लां करे तालू असां पूरी तरा ला खुश होणा। मैं प्राथना करदा है की परमेश्वर तिजो शांति दे। ऐथू दे मसीह मित्र तिजो नमस्कार करदे न ओथू दे दोस्तां दे ना लेई-लेई के नमस्कार बोली दियां।

यहदा

1 मैं, यहदा तुहांजो ऐ चिठी लिखा दा है। मैं यीशु मसीह दा सेबक कने याकूबे दा छोटा भाई है। मैं तुसां लोकां जो लिखा दा है, जिना जो परमेश्वरे अपने उपर भरोसा करणे ताई सदया है। साडा पिता परमेश्वर तुहांजो ने प्यार करता है कने तुहाड़ी रक्षा करता है। **2** मैं प्रार्थना करता है की परमेश्वर तुहांजो दया, शांति कने प्यार बडा जादा दे। **3** हे प्यारे मसीह भाईयो, मैं तुहांजो उसा नोई जिन्दगी दे बारे च लिखणे दी हर इक कोशिश करा दा है कने जडी यीशु मसीह दे जरिये परमेश्वरे दिया तरफा ला होंदी है कने जिसा च असां सारे हिस्सेदार न। पर हण मिजो इसा चिठिया जरिये तुहांजो प्रोत्साहित करणे दी जरूरत महसूस होआ दी है ताकि तुसां मसीह पर भरोसे च टिकी रेणे ताई कोशिश करा। परमेश्वरे अपने लोकां ताई ऐ भरोसा इक ही बरी हमेशा ताई दितया है, कने इसयो बदली नी सकदे। **4** मैं तुहांजो इस ताई लिखा दा है क्योंकि कुछ ऐसे लोक न जडे भरोसा करणे दा दिखावा करदे न, कने परमेश्वरे दी इज्जत नी करदे न कने तुहाडिया कर्लीसिया च शामिल होई गियो न, कने गलत शिक्षा दिन्दे न क्योंकि परमेश्वरे अपने अनुग्रह ला साडे पापां जो माफ करी दिन्दा है, इस ताई असां बुरे कम्म कने पाप करी सकदे न, जडा साडा इकलोता मालिक कने साडा प्रभु है। बडे बकत पेहेले ला, पबित्र शास्त्र च लिख्या है की परमेश्वरे ऐसे लोकां जो सजा देंगी है। **5** हालांकि तुसां इना सारियां गल्लां दे बारे च जाणदे न, फिरी भी मैं तुहांजो इना गल्लां दी याद दिलाणा चांदा है, की परमेश्वरे इस्राएलियां जो गुलामी ला अजाद कराया कने मिश्र देशे ला कडी लेई आया, पर बादे च उनी सारयां जो मारी दिता, जिना रेगिस्तान च उस पर भरोसा नी किता। **6** याद करा की परमेश्वरे उना शैताने दे दूतां जो कियां सजा दिती, जिना अपणिया जिम्मेदारियां जो नी निभाया, कने उना अपने पदां जो छडी दिता। परमेश्वरे इना स्वर्गदूतां जो नेहरे च रखया है, कने ऐसे सुंगला ला बनया है जिना जो कोई नी तोडी सकदा ताकि उस महान न्याये बाले दिने उना दा न्याय होई सके। **(aidios g126)** **7** इस ताई इना इस्राएली कने स्वर्गदूतां सांई, उना लोकां जो भी याद रखा जडे सदोम कने अमोरा शहरां च कने उना दे अखे-बखे दे ग्रां च रेंदे थे, की उना सोगी क्या होया था। सै लोक व्यभिचारी होई गियो थे, कने हर तरा दे नाजायज यौन रिशतयां च पेई गियो थे, इस ताई परमेश्वरे उना जो अग्गी ने मारी दिता। उना सोगी जडा होया सै झूठे गुरुआं ताई इक चेताबनी है की उना जो भी कदी नी बुझणे बालिया अग्गी दी सजा मिलणी है। **(aiōnios g166)** **8** इना उदाहरणा दे बारे च जाणने बाद भी, ऐ भरोसा होणे दा दिखावा करणे बाले माणु इयां ही पाप करदे न कने बोलदे न की उना दर्शन दिखया है। सै अपने शरीर जो पाप करणे ताई इस्तेमाल करदे न, कने परमेश्वरे दे अधिकारां जो नी मंदे न, कने महिमामय स्वर्गदूतां जो बदनाम करदे न। **9** पर ऐथू दीकर की प्रधान स्वर्गदूत मीकाइले भी ऐसियां बुरियां गल्लां नी कीतियां जदियां गल्लां ऐ झूठे गुरु करदे न। पर जालू उनी शैताने सोगी बेहस किती

कने मूसा परमेश्वरे दा संदेश देणेबाले दिया लाशा जो लेई जाणे ताई अपने अधिकारे जो चुनौती दिती, तां मीकाइले ऐ नी सोचया की उदे बाल बुरियां गल्लां बोली करी शैताने पर बुरा दोष लागे दा हक है। बल्कि उनी बोलया, “प्रभु तिजो ला सकताईया ला गल्ल करे!” **10** पर सै लोक जडे परमेश्वरे दी आराधना नी करदे, सै ऐसिया गल्लां दा बिरोध करणे ताई उना दे बारे च बुरा भला बोलदे न, जडियां उना जो समझ नी ओदियां; कने सै जंगली जानवरां सांई व्यवहार करदे न, कने जिना कम्मा दे बारे च सै जाणदे नी न, उना जो बिना सोचयो समझे करदे न, परमेश्वरे उना जो सजा देंगी है। **11** उना दा बडा बुरा होंगा है! की सै कैन सांई बुराई दे रस्ते पर चलदे न, जिनी अपने भाई दी हत्या करी दिती थी, क्योंकि सै भाईऐ ला जलदा था, क्योंकि परमेश्वरे उदे भाईऐ दे बलिदान जो अपनाई लिया था पर उदे बलिदाने जो नी। उना जल्दबाजी च सेई गलती किती जडी बिलामे होर लोकां जो पाप पासे लेई जाणे दी किती ताकि पैसे कमाई सके। जिनां मूसा दे खिलाफ जाणे ला कोरह दा नाश होई गया, तियां ही उना लोकां दा भी नाश होई जाणा जडे परमेश्वरे दे खिलाफ जांदे न। **12** जिनां पाणिऐ अंदर लुकियां चट्टाना समुद्री जाजां ताई खतरनाख न, तियां ही ऐ लोक तुहाडे सोगी धामा च तुहाडे ताई खतरनाख न। चाहे सै प्रभु भोज च शर्मनाक कम्म करदे न पर सै इना कम्मा दिया बजा ला कोई भी शर्म महसूस नी करदे। सै उना पुहाला सांई न जडे अपणी ही देखभाल करदे न; सै दुज्जयां लोकां दी सहायता नी करदे। सै उना बदला सांई न जिना जो सुकी होआ बिना बरखा कितयो उडाई लेई जांटी है। सै बायदे तां बडे करदे न, पर कुछ दिन्दे न। फसल दे बकते दे सखां सांई न जिना पर कोई फल नी होंदा है जिना जो उखाडी दिन्दे न, मतलब की सै मरी गियो न। **13** समुन्द्रे दियां भारी लेहरां सांई जडियां गंदा झाग बणादियां न, ऐ लोक भी शर्मनाक कम्म करदे न। सै कुछ तारयां सांई न जडे इक सीधे रस्ते पर नी चलदे, कने सही रस्ता नी दसदे। प्रभु उना ताई इक जगा रखा दा है जडा जिथू पूरा नेहरा ही है जिथू उना जो हमेशा ताई रेंगा पोणा है। **(aiōn g165)** **14** कने हनोक जडा पेहेले माणु आदम ला बाद सतमी पीढियां च जमया था, उनी इना अधर्मी लोकां दे बारे च भविष्यवाणी किती, “सुणा! परमेश्वरे पक्का ही अपने अणगिनत स्वर्गदूतां सोगी ओणा। **15** सारे लोकां दा न्याय करणे ताई, उना सारे बुरे कम्मा ताई उना पर दोष लागे ताई जडे उना परमेश्वरे दे खिलाफ कितयो न कने उना सारियां भडी गल्लां ताई जडे उना उदे खिलाफ बोलियां न।” **16** ऐ लोक हमेशा परमेश्वरे दे खिलाफ बोलदे न कने दुज्जयां लोकां च गलती तोपदे न। सै लगातार उना बुरे कम्मा जो करदे न जडे उना दे दिल करणा चांदे न। सै अपने बारे च घमंड ला दाबा करदे न कने खुद दे फायदे ताई दुज्जयां लोकां दी चापलूसी करदे न, उना जो पिता परमेश्वरे दिया तरफा ला सजा मिलणी। **17** पर हे प्यारे मसीह भाई, तुसां उना गल्लां जो याद रखा; जडे साडे प्रभु यीशु मसीह दे प्रेरित बडे पेहेले बोली बैठयो न। **18** सै तुहांजो ला बोलदे थे, “साडे प्रभु यीशु मसीह दे मुडी करी बापस ओणे ला पेहेले, ऐसे लोकां होंगा है जिना प्रभु कने उदे लोकां दा

मजाक उडणा। ऐ सेई लोक न जिना दिया जान्दियां च बुरी इच्छां दा काबू है।” 19 ऐ सै लोक न, जडे तुहांजो च फुट पांदे न, उना दिया बुरियां इच्छा उना जो काबू करदियां न, कने उना च पबित्र आत्मा नी है। 20 पर हे प्यारे भाईयो तुहांजो इक दुज्जे दी सहायता करदे रेणा चाईदा ताकि उना पबित्र सच्चाईयां च जिना पर तुसां भरोसा करदे न, इक दुज्जे जो बधाई सकन। तुहांजो पबित्र आत्मा दिया अगुवाई च प्राथना करणी चाईदी। 21 तुहांजो इस भरोसे सोगी जीणा चाईदा की परमेस्वर सांझो ला प्यार करदा है। हालांकि तुसां उस दिने दा इंतजार करदे न जालू साडे प्रभु यीशु मसीह बापस मुडी करी ओणा ताकि तुहांजो हमेशा दी जिनदगी मिल्ले क्योकि उनी सांझो पर दया किती है। (aiōnios g166) 22 उना लोकां तांई दयालू बणा जडे ऐ नी जाणदे कुस पर भरोसा करन। 23 कुछ होर लोक जिना जो तुसां जाणदे न, अगर सै नरख पाससे जा दा दे न, तां उना जो उस हमेशा दिया अग्गी ला झट खिची करी बचाई लिया। कने दुज्जयां पर दया दस्सा। पर सियुदा ही पाप करणे ला बचणे तांई साबधान रिया। ऐथू दीकर की उना कपड्यां ला भी नफरत करा जिना पर पाप दे कम्मा दे दाग न। 24 इकलोता परमेस्वर ही है जडा तुहाडी रक्षा करी सकदा है, जालू सै तुहांजो अपणिया महिमा च अपणे सामणे खरेडदा है। उनी सांझो साडे प्रभु यीशु मसीह दे जरिये बचाया है। महिमा, गौरव, शक्ति, अधिकार बकत दी शुरूआत ला ही उदे थे, हूण भी उदे न, कने हमेशा तांई उदे ही रेणे। आमीन। (aiōn g165)

प्रकाशितवाक्य

1 इसा कताबा च उना गल्लां जो लिख्या है जडिया परमेश्वरे यीशु मसीह जो दसियां न। परमेश्वरे इस ताई उसयो दसियां ताकि सै अपने सेबकां जो उना घटना दे बारे च दस्सी सके जडियां जल्दी ही होणियां न। यीशु मसीहे ऐ संदेश मिजो, अपने सेबक यहूना बाल स्वर्गदूते जो भेजी करी दसया, 2 इस ताई, मैं सै सब कुछ लिख्या जडा मैं दिखया। मैं इसा कताबा च परमेश्वरे दा बचन कने सै सच्चियां शिक्षां लिखियां न जिना दे बारे च यीशु मसीहे मिजो दसया। 3 परमेश्वरे हर उस माणुऐ जो आशीष देणी जडे इसा भविष्यवाणियां जो दुज्जयां जो पढी करी सुणादां है, कने उनी हर उस माणुऐ जो आशीष देणी जडे उसयो सुणुदे न कने इसयो मंटे न। क्योकि ऐ चीजां जल्दी ही होणियां। 4 ऐ चिठी यहूना दिया तरफा ला आसिया प्रदेशे दिया सतां कलीसियाँ ताई है: मैं प्राथना करदा है की परमेश्वर तुहांजो पर अनुग्रह कने शांति दे। सै सेई परमेश्वर है, जडा बकत दिया शुरुआत ला लेईकरी हुणे दीकर कने हमेशा ताई नी बदलदा। कने उना सतां आत्मा दिया तरफा ला, जडियां परमेश्वरे दे सिहांसने दे सामणे न, 5 कने यीशु मसीह दिया तरफा ला जिदे बचनां पर भरोसा करी सकदे न, सै सेई ही है जडा मरी करी दुबारा ला जिदा होणे बालयां च पेहला है कने सै इस संसारे दे सारे राजयां दा शासक है। कने यीशु मसीह सांझो ला प्यार करदा है। सै साडे ताई मरी गया कने उनी साडे पापां दिया सजा जो खत्म करी दितया है। इसा बजा ला असां याजकां दा इक परिवार बणी गियो न, जडे उदे पिता परमेश्वरे दी सेबा करदे न। इस ताई यीशु मसीह जो महिमा कने शक्ति हमेशा मिलदी रे। आमीन। (aiōn g165) 7 सुणा, सै बदलां सोगी औणे बाला है; कने हर इक जणे उसयो दिखणा, जडे लोक उदिया मौता ताई जिम्मेबार थे, उना भी उसयो ओंटे दिखणा। कने धरतिया दे सारे लोकां जोरे-जोरे ला रोंणा जालू उना उसयो दिखणा। हों ऐसा ही होणा! आमीन। 8 प्रभु परमेश्वर बोलदा है, “मैं अलफा कने ओमेगा है, मतलब की मैं ही है जिनी सारियां चीजां दी शुरुआत किती, कने मैं ही है जिनी सारियां चीजां जो खत्म करणा, कने मैं ही है जडा हमेशा ला था, कने जडा औणे बाला है, मैं सारयां ला शक्तिशाली है।” 9 मैं यहूना, तुहाडा साथी मसीह भाई, मैं भी तुहाडे सांई दुख सेहन किता। मैं परमेश्वरे दे राज्य दा इक नागरिक है जियां की तुसां न, कने मिजो भी अपणियां पेशानिया जो तियां ही सबर सोगी सेहन करणा चाईदा जियां तुसां करदे न। मैं परमेश्वरे दे बचन दा प्रचार करणे कने यीशु दे बारे च दसणे दिया बजा ला पतमूस दे टापूऐ पर केदी बनाई करी भेजी दितया था। 10 तूओरे जो जडा परमेश्वरे दा दिन है, परमेश्वरे दी आत्मा मिजो पर आई। कने मैं अपने पिच्छे ला कुसी जो बोलदे सुणया जडा तुही सांई उच्चा कने साफ अबाजा च बोला दा था। 11 उनी मिजो बोलया जडा कुछ तू दिखदा है, उसयो कताबा च लिखी करी उना सतां कलीसियाँ जो भेजी दे जडियां इफिसस, स्मरना, पिरगामन, शुआतीरा, सरदीस, फिलदिलफिया, कने लौदीकिया शहरां च न। 12 तालू मैं ऐ दिखणे

ताई पिच्छे मुडया की कुण मिजो ला गल्लां करा दा है, कने मैं सोने दे सत दिव्ये दिखे; 13 कने उना दिव्यां बिच इक प्राणी दिखया जडा माणुऐ सांई लग्गा दा था। उनी इक लम्बा चौला पाया था जडा उदे पैरां दीकर पुजदा था। उनी अपणिया छतिया दे चारो पास्से इक सोने दा पटक पाया था। 14 उदे सिरे दे बाल चीटिया उना सांई चिट्टे या बर्फा सांई थे। कने उदियां हखी अग्गी दिया लौई सांई चमका दिया थियां। 15 उदे पैर पीतलू सांई चमका दे थे, जियां पीतलू जो भटिया च तपा दे होन, कने जालू उनी बोलया तां उदी अबाज बडी जोर दी थी, जियां केई झरनया ला पाणी पोणे दी अबाज होंदी है। 16 उनी अपने सजे हथे च सत तारे लियो थे, कने उदे मुंऐ ला तेज दोधारी तलवार निकलदी थी; उदा मुं उतणा ही चमका दा था जियां सूरज दोपेरा बडिया धूपा च चमकदा है। 17 जालू मैं उसयो दिखया, तां झट उदे पैरां च मरयो माणुऐ सांई पेई गिया। पर उनी मिजो पर सजा हथ रखीकरी बोलया, “डर मत; मैं ही है जिनी सारियां चीजां दी शुरुआत किती, कने मैं ही है जिनी सारियां चीजां जो खत्म करणा कने मैं सै है जडा हमेशा जिन्दा है, 18 चाहे मैं मरी गया था। पर हुण मैं जिन्दा है कने हमेशा जिन्दा रेणा; मैं युगां-युगां दीकर जिन्दा है; कने मेरे बाल मौत कने अधोलोक पर अधिकार है जडा मरयो लोकां दी जगा है। (aiōn g165, Hadēs g86) 19 इस तांई तू इना सारियां गल्लां जो लिखी ले, जिना जो तू दिखा दा है, कने ऐ चीजां पक्का ही बादे च होणियां ना।” 20 हुण मैं तिजो दसणा की मेरे सजे हथे दे सतां तारयां दा कया मतलब है जडा पेहेले पता नी था। इदा मतलब ऐ है की सत तारे उना स्वर्गदूतां जो दसदे न जडे सत कलीसियां दी रखबाली करदे न कने सत दिव्ये सत कलिसियां जो दशादे न।

2 उनी मिजो ऐ भी बोलया, इफिसस शहरे दिया कलीसिया दे अगुवे जो ऐ संदेश लिख: मैं सेई है जडा अपने सज्जे हथे च सत तारे लेई रखदा है, कने सोने दे सत दिव्यां दे बिच चलदा है, मैं तिजो ला ऐ बोलदा है: 2 मैं जाणदा है की तू क्या करदा है, कने कितणी मेहनत करदा है कने कदी हार नी मंदा। मैं ऐ भी जाणदा है की तू बुरे लोकां दियां झुठियां शिक्षा जो सेहन नी करदा। तू उना लोकां जो जांचया परखया जडे बोलदे न की सै प्रेरित न पर असल च सै प्रेरित नी न कने सै सारे झूठे निकले। 3 तू सबर रखीकरी दुखां जो सेहन कितया है क्योकि तू मिजो पर भरोसा करदा है, कने फिर भी तू मेरी सेबा करणा बंद नी किती। 4 पर हुण मिजो तिजो ला ऐ शिकायत है की: हुण तू मिजो ला सियुदा प्यार नी करदा जदिया प्यार तू मिजो ला तालू करदा था जालू तू पैली बरी मिजो पर भरोसा किता था। 5 इस तांई याद कर की तू शुरुआत च मिजो ला कदिया प्यार करदा था कने हुण तू मिजो ला सियुदा प्यार नी करदा। इसा गल्ला जो मन्नी ले कने मिजो ला सियुदा ही प्यार करणा शुरू करी दे जदिया तू शुरुआत च किता था। अगर तू मन बदलगा नी, तां मैं तेरे बाल ओणा कने जिथू तेरा दिव्या रख्या है उसयो ओथु ला हटाई करी तिजो सजा देणी। 6 पर मैं तिजो ला खुश भी है क्योकि तू उना लोकां ला नफरत करदा है जडे नीकोलस दियां गल्लां मंटे न, तियां ही जियां मैं उना दे कम्मा ला नफरत करदा है। 7 हर कुसी जो जडा मेरे संदेश जो समझणा

चांदा है, उसयो उसा गल्ला जो ध्याने ला सुणना चाईदा जडा पबित्र आत्मा कलीसिया ला बोलदा है। सै लोक जडे बुरियां शक्तियां जो हरां दे न, उना जो मैं जिन्दगी देणेबाले स्खे ला फल खाणे दी इजाजत देणी जडा परमेश्वरे दे स्वर्गे दे बगीचे च है। 8 स्मरना शेहरे दिया कलीसिया दे अगुवे जो ऐ लिख: मैं ही है जिनी सारियां चीजां जो शुरू कितया है, कने मैं ही सै है जिनी सारियां चीजां दा अंत करणा; चाहे मैं मरी गिया था कने हण जिन्दा है कने हमेशा जिन्दा रेणा मैं तिजो ला ऐ बोलदा है; 9 मैं जाणदा है की तिजो दुख तकलीफ होए कने तू गरीब है। पर तू दिले ला अमीर है। मैं उना लोकां दे बारे च जाणदा है, जडे ऐ यकीन कने बोलदे न की सै परमेश्वरे दे चुणयो लोक न, मतलब यहूदी लोक, पर हे नी न। सै तेरे बारे च बुरियां गल्लां बोलदे न, पर असलियत च सै शैताने दिया मंडलिया दे बंदे न। 10 उना दुखां ला मत डरा जडे तिजो मिलणे न। शैताने लोकां ला तुसां च कुछ लोकां जो गिरफ्तार करणा कने तुहांजो जेल कराई देणी ताकि सै तुहाडी परिक्षा करी सके। तुसां दस दिना दीकर बडियां मुसीबतां जो झेलणा। पर मिंजो पर भरोसा करणा कदी मत छडदे चाहे तुहांजो मरणा पोए, क्योंकि मैं तुहाडिया जिता तांई इनाम च हमेशा दी जिन्दगी देणी। 11 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जडा पबित्र आत्मा कलीसिया ला बोलदा है: जडे लोक बुराई जो हराई करी जित हासिल करदे न, उना जो उसा दुज्जी मौत ला कोई नुकसान नी होणा, जालू परमेश्वरे आखरी न्याय करणा। 12 पिरगमुने शेहरे दिया कलीसिया दे अगुवे जो ऐ लिख: मैं ही है जिदे बाल तेज दोधारी तलवार है, मैं तुहांजो ला ऐ बोलदा है: 13 मैं जाणदा है, की तेरा शेहर शैताने दे काबू च है, पर इंदे बाबजूद भी मिंजो पर भरोसा करणा नी छडया कने मेरियां शिक्षां जो मणणा नी छडया। तू उस बकत भी भरोसा करणा नी छडया जालू उना अन्तिपास जो ओथू मारी दिता। सै मेरे बचन दा प्रचार करणे च भरोसे दे काबील था, इस तांई उसयो तेरे शेहरे च मारी दिता जडा शैताने दे काबू च है। 14 पर मिंजो तेरे बारे च कुछ शिकायतां न, क्योंकि तू उना गल्लां दा बिरोध नी करदा जडे झूठी शिक्षा दिन्दे न, जियां परमेश्वरे दा संदेश देणेबाले बिलामे बडे पहले दीतियां थियां। बिलामे राजा बालाक जो सिखाया की इझापल दे लोकां जो पाप करणे तांई उकसाणे तांई क्या करणा चाईदा। उनी उना जो मूर्तियां अगुवे चढाईयां चीजां जो खाणे कने व्यभिचार करणे तांई सिखाया। 15 तियां ही तुहाडे बिच कुछ लोक न जडे नीकलइयां दे दलां दियां शिक्षां जो मंदे न। 16 इस तांई पाप करणा छडी दिया, अगर तू ऐसे काम करणा बंद नी करगा तां मैं जल्दी ही ओणा, कने उना लोकां दे खिलाफ उसा तलबारा ला लडना, जडी मेरे मुंए ला निकलदी है जडा मेरा बचन है। 17 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जडा पबित्र आत्मा कलीसिया ला बोलदा है; सै लोक जडे बुराई जो हरां दे न, मैं उना जो उस मन्ने च देणा जिसयो कुनी लुकाया है। मैं उना च हर इक जो इक चिट्टा पथर देणा, जिस पर इक नोआ ना लिख्या होणा। जिस माणुए जो सै मिलगा उसयो

छडी करी कोई भी उस नाए जो नी जाणी सकदा। 18 थुआतीरा शेहरे दिया कलीसिया दे अगुवे जो ऐ लिख: परमेश्वरे दे पुत्रे दिया तरफा ला ऐ संदेश है जिदियां हखी अगुगी दिया लौई सांई चमका दिया थियां, कने जिदे पैर पीतलू सांई चमका दे थे, जियां पीतलू जो भटिया च तपा दे होन, सै ऐ बोला दा है: 19 मैं तुहाडे कम्मा जो जाणदा है की तुसां इक दुज्जे ला प्यार करदे न कने तुसां पक्का भरोसा करदे ना। मैं जाणदा है की तुसां इक दुज्जे दी सहायता किती, कने तुहाडी सेहनशक्ति जो भी जाणदा है। मैं जाणदा है की तुसां हण पेहले ला जादा भले कम्म करदे न जालू तुसां पेहले मिंजो पर भरोसा किता था। 20 पर मिंजो तेरे बारे च कुछ शिकायतां न, राणी इजेबेल जडी बडी पेहले रेंदी थी, उसा सांई इक जनानी तुहाडे बिच है। सै अपणे आप जो परमेश्वरे दा संदेश देणेबाली बोलदी है पर मेरे चेलयां जो गलत शिक्षा दिन्दी है। सै मेरे दासां जो व्यभिचार करणे कने मूर्तियां अगुवे चढाईयां चीजां जो खाणे दी शिक्षा दिन्दी है। 21 मैं उसा जो अपणे पापां ला पश्चाताप करणे दा मौका दिता है, पर सै उना बुरे कम्मा जो बंद करणे ला मना करदी है। 22 मैं उसा जो रोगी बणाई देणा। कने जडे उसा सोगी व्यभिचार करदे न, अगर सै भी उसा सांई पाप करणा नी छडणे तां मैं उना जो भी बडे दुखां च पाई देणा। 23 मैं उना लोकां जो मारी देणा है जडे उदिया शिक्षां जो मंदे न; तालू सारियां कलीसियां जो पता चली जाणा की मैं हर इक जणे दे बिचारां कने मकसदां जो परखदा। मैं तुहांजो सबना जो तुहाडे अपणे कम्मा दे अनुसार इनाम देणा है। 24 पर थुआतीरा शेहरे च तुसां बाकी लोकां उसा झूठी शिक्षा जो नी मन्नया। तुसां उना गल्लां च हिस्सा नी लिया जिसयो उदे चले शैताने दियां बडी जरूरी गल्लां बोलदे न। मैं तुहांजो बोलदा है, की मैं तुहाडे पर होर कोई जरूरी हुकम नी थोपणा, सिवाए इदे की जालू दीकर मैं नी आई जांदा तालू दीकर मिंजो पर पक्का भरोसा करदे रेनयो। 26 सै लोक जडे बुराईयां जो हराई दिन्दे न, कने संसारे दे अंत दिकर मेरे हुकम मंदे रेंदे न, मैं उना जो देशां पर राज्य करणे दा हक देणा। 27 मैं उना जो राज्य करणे दा सेई हक देणा जियां मेरे पिता मिंजो दिता है। उना दा राज्य लोए सांई मजबूत होणा जडा टूटदा नी है, उना दे दुश्मणा टुटयो भांडया सांई होणा। 28 कने मैं उसयो अपणी जीत दसणे तांई ब्यागा दा तारा देणा। 29 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जडा पबित्र आत्मा कलीसिया ला बोलदा है।

3 सरदीसे शेहरे दिया कलीसिया दे अगुवे जो लिख: ऐ संदेश उदिया तरफा ला है जिनी सत तारयां जो अपणे हथां च रखया है कने जडा परमेश्वरे दियां सत आत्मा जो भेजदा है। सै ऐ बोलदा है, की मैं तेरे कम्मा जो जाणदा है: तू मिंजो च भरोसे दे लायक लगदा है, पर असल च तू मेरे हुकमा जो नी मंदा। 2 इस तांई साबधान होई जा, कने मिंजो पता लगगा है की बिश्वासी होणे दे नाते जदेई जिन्दगी जिणे तांई परमेश्वरे बोलया है सियुदी जिन्दगी तुसां नी जिया दे न। इस तांई आत्मिक निद्रा ला जागी जा, कने जडे मसीह गुण तुहांजो च हण भी बचयो न उना जो नोए करा इसला पेहला की सै गायब होई जान। 3 इस तांई उसा शिक्षा जो याद कर, जडी तू बडे पेहले सुणियो थी कने

भरोसा किता था, कने जडा तिजो सिखाया था उसयो मन, कने गलत कम्मा जो छडी करी पापां जो मनी ले। अगर तू ऐसे गलत कम्म करणा नी छडदा है, तां मैं चोरी छुपे ओणा, जियां राती चोर ओंदा है, कने तू उस बकत जो नी जाणी सकदा जालूँ मैं तिजो सजा देणे तांई ओणा। 4 पर सरदीस च तुहाडे बिच कुछ ऐसे लोक न जिना पाप नी कितया है, जिना बिश्वासी होणे दे नाते इक पबित्र जिन्दगी जि है। उना चिट्टे कपडे पाई करी मेरे सोगी रेंणा है, क्योंकि सै भरोसे दे लायक न। 5 सै जडे जीत हासिल करदे न, उना जो भी उना सांई ही चिट्टे कपडे पेहनाणे न। मैं उना दे ना उसा कताबा ला कदी नी हटाणे न जिसा च परमेश्वरे उना लोकां दे ना लिखयो न जिना जो हमेशा दी जिन्दगी मिलणी। मैं अपने पिता दे सामणे कने उदे स्वर्गदूतां दे सामणे ऐ घोषित करणा की सै मेरे न। 6 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चांईदा जडा पबित्र आत्मा कलीसिया ला बोलदा है। 7 फिलदिलफिया शेहरे दिया कलीसिया दे अगुवां जो ऐ लिखः ऐ संदेश उदिया तरफा ला है जडा पबित्र कने सच्च है, सै जिदे बाल दाऊद दे राज्य दा अधिकार है। अगर सै दरबाजा खोलदा है, तां कोई भी उसयो बंद नी करी सकदा। अगर सै उसयो बंद करी दे, तां कोई भी उसयो खोली नी सकदा। मैं तुसां जो ऐ बोलदा है की, 8 मैं तेरे कम्मा जो अच्छे ला जाणदा है। मैं जाणदा है की तिजो च थोडी ही ताकत है, पर फिर भी तू मेरियां बोलियां गल्लां पर भरोसा किता कने तू इसा गल्ला ला मना नी किता की तू मिंजो पर भरोसा करदा है। इस तांई मैं तिजो तांई इक दरबाजा खोलया है, जिसयो कोई बंद नी करी सकदा। 9 सै लोक जडे इक ऐसे झुंडे दे सदस्य न जडे शैताने ला रिशता रखदे न, कने बोलदे न की सै यहूदी न पर सै सच्चे यहूदी नी न कने सै झूठ बोलदे न। दिख मैं ऐसा करणा है, की जिसला उना आई करी तेरे पैरां च पेई जाणा, कने उना जो पता लगी जाणा है की मैं तिजो ला प्यार रखदा है। 10 तू मेरे संदेशे दा पालन किता ताकि जालूँ तू दुख झेले तां उसयो सबर रखीकरी सेहन करी सकन। इस बजा ला, मैं तेरी परिक्षा दे बकत तेरी रक्षा करणी। जडी इस संसारे दे सारे लोकां पर ओणी है। 11 मैं जल्दी ही औणे बाला है; इस तांई तिजो मिंजो पर भरोसा करदे रेंणा चांईदा ताकि कोई भी तिजो तेरी जित दा इनाम लेणा ला ना रोकी सके जडा मुकुटे सांई है। 12 सै जडे जीत हासिल करदे न, जियां इक खम्बा घरे जो मजबूत बणादा है, तियां ही उना भी हमेशा तांई परमेश्वरे दे मंदरे च रेंणा। मैं उदे पर मेरे परमेश्वरे दा नां लिखणा कने परमेश्वरे दे शेर यरूशलेम दा ना लिखणा। कने ऐ सेई शेर है जडा स्वर्गें च है, मतलब की मेरे परमेश्वरे दिया तरफा ला थले ओणा। मैं उदे पर मेरा नोआ ना लिखणा। 13 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चांईदा जडा पबित्र आत्मा कलीसिया ला बोलदा है। 14 लौदीकिया शेहरे दिया कलीसिया दे अगुवे जो ऐ लिखः ऐ संदेश उदिया तरफा ला है जडा आमीन है। कने भरोसा दिया काबलियता ला परमेश्वरे दे बारे च सच्च जो प्रगट करदा है, कने मैं सेई है जिदे जरिये परमेश्वरे सारियां चीजां जो बणाया है। 15 मैं जाणदा है की तू

क्या करदा है, तू कितणी मेहनत करदा है कने कदी हार नी मंदा। कने ना तां तू मिंजो पर भरोसा करणे ला मना करा दा है कने ना ही मिंजो पुरे मने ला प्यार करदा है। मैं चांदा है की या तां तू मिंजो मने ला मना करी दे या मिंजो ला पुरे मने ला प्यार कर। 16 इस तांई की तू मिंजो पर भरोसा करणे ला मना करा दा है कने ना ही मिंजो पुरे मने ला प्यार करदा है, क्योंकि तिजो मिंजो पर अधा-अधुरा भरोसा है, इस तांई मैं तिजो पूरी तरहा ला हटाणे तांई तैयार है। 17 तू सोचदा है की तू अमीर है, कने तेरे बाल सै सब है जिदी तिजो जरूरत है, पर तू नी जाणदा की इदा सच्च ऐ है की, तिजो पर तरस ओणा चांईदा। क्योंकि सच्च ऐ है की तू गरीब है, तेरे बाल कपडे नी न, कने तू अन्ना है। 18 इस तांई मैं तिजो सलाह दिन्दा है की तिजो मिंजो ला शुद्ध सोना खरीदणा चांईदा ताकि तू सच्ची दा अमीर बणी सके। तिजो मिंजो ला अपने पाणे तांई चिट्टे कपडे भी खरीदणे चांईदे ताकि तेरा शरीर डक्की रे कने तू शर्मिंदा ना हो। कने तिजो अपणी हखी दा लाज करणे तांई दबा भी मिंजो ला खरीदणी चांईदी ताकि तू दिखी सके। 19 मैं जिना-जिना ला भी प्यार करदा है, उना जो मैं सिखांदा है कने सजा दिन्दा है ताकि सै खरे बणन। इस तांई अच्छाई करणे च लगणी रिया, कने पापी कम्म करणा बंद करी दिया। 20 मैं तुहाडे दिले च बसणे तांई, मैं उस बंदे सांई है जडा घरे बाहर खडोतया है कने दरबाजे जो खटखटा दा है। अगर तुसां मेरिया अबाजा जो सुणदे न कने मेरे तांई अपना दिल खोलदे न तां मैं अंदर ओणा कने असां इक दुज्जे सोगी संगती करणी। 21 सै जडे जीत हासिल करदे न, उसयो मैं अपने सोगी उदे सिंहासने पर बाणे दा हक देणा। ऐ बिलकुल मेरे सांई ही होंणा, जियां मैं जित हासिल कितियो हो कने अपने पिता दे बखे आसन मिलया हो। 22 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चांईदा जडा पबित्र आत्मा कलीसिया ला बोलदा है।

4 मैं इना सारियां गल्लां जो दिखणे बाद स्वर्गें च खुलया दरबाजा दिखया। कने कोई मिंजो सोगी गल्लां करा दा था कने गल्लां करणे बाला सेई था जिसयो मैं पेहले भी सुणया था, जिदी अबाज तुरही जो बजाणे दिया अबाजा सांई थी। कने उनी मिंजो बोलया, “मेरे बाल ऐथू उपर आई जा; कने मैं सै गल्लां तिजो दसणियां न, जिना दा इना गल्लां बाद पूरा होणा जरूरी है।” 2 तालू ही झट परमेश्वरे दी आत्मा मिंजो पर आई; “कने मैं स्वर्गें च इक सिंहासन दिखया कने उस सिंहासने पर कुसी जो बैठया दिखया।” 3 जडा उस पर बैठया था, उदा चेहरा बेशकीमती अनमोल पथरे सांई चमकदा था जिसयो यशब कने लाल कीमती पथर बोलदे न। कने उदे सिंहासने दे चारो पासे इक इन्द्रधनुष था, जडे सेले कीमती पथरे सांई मिल्ला दा था। 4 उस सिंहासने दे चारो पासे होर चोबी सिंहासन थे; कने इना सिंहासना पर चोबी अगुवे चिट्टे कपडे पायी करी बैठयो थे, कने उना दे सिरां पर सोने दे मुकुट थे। 5 उस सिंहासने ला बिजली कने गडाकयां दी अबाज निकला दी थी कने सिंहासने दे सामणे अग्गी दे सत दिव्ये बलयो थे, कने जडियां परमेश्वरे दियां सत आत्मा थियां, 6 कने उस सिंहासने सामणे इक फर्श था जडा समुंद्रे सांई चौडा था

कने शीशे सांई साफ था। कने सै सिंहासन उना सबना दे बिच था कने उदे चारो पासे चार जिन्दे प्राणी दिखे, जिना दे पुरे शरीर हखी ला डकुयो थे। 7 उना चारां जिन्दे प्राणिया चे प्राणी शेरें सांई मिल्ला दा था, कने दुज्जा प्राणी बछडे सांई था, तिजे प्राणिये दा मुं माणुए सांई था, कने चौथे दा उडदे बाजे सांई था। 8 कने उना चारां जिन्दे प्राणियां दे छे-छे फंग थे, कने उना दे शरीर पर हखी थियां, ऐथू दीकर की उना दे फंगा हेठ भी; कने सै रात-दिन बिना अराम कितयो ऐ बोलदे रेंदे थे, “पबित्र, पबित्र, पबित्र प्रभु परमेश्वर, सारयां ला शक्तिशाली, जडा बकत दिया शुरुआत ला लेईकरी हुणे दीकर कने हेमेशा तांई नी बदलदा कने जडा औणे बाला है।” 9 जडा सिंहासने पर बैठया है, कने सै सेई है जडा हेमेशा-हेमेशा दीकर जिन्दा रेंदा है, जालू भी सै जिन्दा प्राणी उसयो आदर कने धन्यावाद दिन्दे न। तां सै चौबी अगुवे जडे सिंहासने पर बैठयो न, उदे सामणे झुकी जांदे न कने उदी अराधना करदे न। सै ऐ बोली करी सिंहासने दे सामणे अपने-अपणे मुकुटां जो रखी दिन्दे थे। (aiōn g165) 11 ऐ साडे प्रभु परमेश्वर, तू सारियां चीजां जो बणाया है, तेरिया इच्छा अनुसार सै बणाईयां न। इसा बजा ला तुसां महिमा कने आदर कने शक्ति देंगे दे काबिल है।

5 जडा सिंहासने पर बैठया था, मै उदे सजे हथे च इक कताब दिखी, कने सै कताब दोनो पासयां ला लिखियो थी, कने सै सत मुहरां लाई के बंद कितियो थी। 2 फिरी मै इक शक्तिशाली स्वर्गदूते जो दिखया कने सै जौरै-जौरै ला ऐ प्रचार करा दा था की, “इसा कताबा जो खोलने दे कने इसा दियां मोहरां जो तोड़ने दे काबिल कुण है?” 3 पर ना तां स्वर्गे च, ना ही धरती पर, ना ही धरतिया दे थले चे कोई इसा कताबा जो खोलणे कने उसा जो पढने दे काबिल निकलया। 4 तालू मै बडे जौरै-जौरै ला रोया, क्योंकि उसा कताबा जो खोलणे बाला कने नां ही कोई पढने दे काबिल है। 5 इसा गल्ला पर उना अगुवां चे इकीं मिंजो ला बोलया, “मत रो; दिख, सै जिसयो यहूदा दे गोत्रे दा शेर बोलदे न, कने जडा राजा दाऊदे दा बंशज है, उनी उसा कताबा जो खोलणा कने सै उसा दियां मोहरां जो तोड़ी सकदा है, उनी शैताने जो हराई दिता।” 6 तालू मै उस सिंहासने कने चारों जिन्दे प्राणियां कने उना चौबी अगुवां दे बिच इक छेलुये जो खडोतयो दिखया था। कने उस छेलुये दे शरीर पर ऐसे निशाण थे की उसयो मारी दितया था। उदे सत सिंग कने सत हखी थियां; ऐ परमेश्वर दियां सत आत्मा न, जडियां सारिया धरतिया पर भेजियां न। 7 उनी छेलुए आईके उदे सजे हथे ला कताब लेई ली, जडा सिंहासने पर बैठया था। 8 जालू उनी कताब लेई ली, तां सै चारों जिन्दे प्राणी कने चौबी अगुवे उस छेलुये अगगे पेई गे; कने हर इकी अगुवे हथे च वीणा कने धुणे ने भरूया सोने दा कटोरा लिया था, उस धुणे दी खुशबु उना लोकां दी प्राथना दा निशाण है जडे परमेश्वरे दे सेवक न। 9 कने सै ऐ नोआ गीत गाणा लगगे, तू इसा कताबा जो खोलणे कने इदिया मोहरां जो खोलणे दे काबिल है; क्योंकि उना तेरी बलि दिती कने तू अपने खूने ला हर इक कुले, भाषा, लोकां, कने जातियां चे परमेश्वरे तांई लोकां जो खरीदी लिया। 10

कने तू उना जो ऐसे लोक बणाई दितया है जिना पर साडा परमेश्वर राज करदा है कने याजक बणाया जडे उदी सेबा करदे न, कने उना धरतिया पर राज करणा। 11 जालू मै फिरी दिखया, तां मै अचानक उस सिंहासने कने उना जिन्दे प्राणियां कने चौबी अगुवां दे चारो पासे ला स्वर्गदूतां दियां अबजा सणियां, जिना दी गिणती नी करी सकदे थे। 12 कने सै जौरै ला गांदे दे थे, “धन्य है, सै छेलू जिसयो मारी दितया था, सै महिमा दे काबिल है। उदा अधिकार महान है। उदा ज्ञान गेहरा है। सै बडा शक्तिशाली है कने बडा अमीर है। ओआ असां उदा आदर करन। ओआ असां उदी स्तुति करन।” 13 फिरी मै स्वर्गे च, कने धरतिया पर, कने धरतिया दे थले, कने समुन्द्रे दियां बणाईयां सारियां चीजा जो, कने सै सब केसी जो जडा उना चे है, उना जो ऐ बोलदे सुणया, “की ओआ असां उदी स्तुति करन जडा सिंहासने पर बैठया है। ओआ असां हेमेशा तांई छेलुये दी महिमा करन कने उसयो आदर देन क्योंकि सै सारयां ला जादा शक्तिशाली है।” (aiōn g165) 14 कने चारों जिन्दे प्राणियां, “आमीन” बोलया, कने सै अगुवे झुकी करी उदी अराधना करणा लगगे।

6 फिरी मै दिखया की छेलुये उना सतां मुहरां चे इकी जो खोलया; कने मै चारों जिन्दे प्राणियां चे इकी जो पुकारदे सुणया। उदी अबज गडक्यां सांई तेज थी। उनी बोलया, “हुण जा, अगगे बद।” 2 तालू ही मिंजो इक चिट्टा घोडा मिल्ला, कने उदे पर सवार होयो माणुए धनुष लिया था; कने उसयो इक मुकुट भी दितया था, कने सै इक विजेता सांई जित हासिल करणा निकलया कने दुबारा ला उनी ही जितणा। 3 जालू छेलुये दुज्जी मोहर खोली, तां मै दुज्जे जिन्दे प्राणिए जो ऐ बोलदे होऐ सुणया, “हुण जा, अगगे बद।” 4 फिरी इक चमकदार लाल घोडा उसा जगा ला बार आया जिथू सिंहासन रखया है। परमेश्वरे उस पर बैठयो जो धरती दे लोकां जो अपु चे लडाणे दी शक्ति दिती, ताकि सै लाडाईया दे बकत इक दुज्जे जो मारी देंन। इस कम्मे तांई परमेश्वरे इस सवारे जो इक बड़ी तलवार भी दितियो थी। 5 जालू छेलुये तिजी मोहर खोली, तां तिजे जिन्दे प्राणिए जो ऐ बोलदे होऐ सुणया, “हुण जा, अगगे बद।” कने तालू मै दिखया की इक काला घोडा बाहर आया है कने उस पर सवार बंदे दे हथे च इक तरकडी थी। 6 कने मै सुणया की उना चारों जिन्दे प्राणिया चे कोई बोला दा था, ऐ माणुए सांई अबज थी की, “ओणे बाले दिना च धरतिया पर अकाल पोणा। इस तांई इक किलो कणक कने तिन किलो जौं दी कीमत पुरे इक दिने दिया ध्याडिया बराबर होंगी। पर तेले कने अंगरा दे रसां दी कीमत नी बदलणी।” 7 जालू छेलुये चौथी मोहर खोली तां मै चौथे जिन्दे प्राणिए जो ऐ बोलदे सुणया, “हुण जा, अगगे बद।” 8 तालू मै फीका पिया हरे रंगे दा घोडा दिखया; कने उस पर सवार बंदे दा नां मौत था; कने अधोलोक उदे पिच्छे-पिच्छे ओआ दा था। कने उसयो धरतिया पर रेणेबाले इक चौथाई लोकां जो मारणे दा हक है। उनी उना जो भूखा ला, उना जो बुरियां-बुरियां बिमारियां जो, कने उना जंगली जानवरां ला मारी दिता। (Hadēs g86) 9 जालू छेलुये पंजमी मोहर खोली, तां मै वेदिया दे थल्ले उना लोकां दिया आत्मा थियां जिना जो मारी दितया था

क्योंकि उना परमेश्वरे दे बचना दा प्रचार कितया था कने प्रभु यीशु जबलूने दे गोत्रे च बारा हजार, यूसुफे दे गोत्रे च बारा हजार, कने पर भरोसा करणे ला पिच्छे नी हटे की यीशु उना दा प्रभु है। 10 कने उना जोरे ला पुकारी करी परमेश्वरे ला बोलया, “हे पबित्र कने सच्चे परमेश्वर; त् धरतिया पर रेणेबाले उना बुरे लोकां जो सजा देणे च इतणा लम्बा इतजार कजो करदा है?” असां बिनती करदे न की त् उना लोकां दे व्यवहारे जो बदला ले जिना सांझो मारी दितया था। 11 कने उना चे हर इकी जो चिट्टे कपडे दितयो। कने परमेश्वरे उना जो बोलया, “हुणे तांई अराम करा, क्योंकि हल्ले भी कुछ सोगी कम्म करणे बाले कने तुहाडे साथी मसीह भाई न, जिना जो तुहाडे सांई मारी देणा है। जालू दीकर तुहाडे मसीह साथियां दे मरणे दी संख्या पूरी होई जांगी, तालू ही मैं बदला लेणा।” 12 जालू मैं उसयो छेमी मोहर खोलदे दिखया, तां मैं दिखया की इक बडा बडा हिलण होया, कने सूरज दा रंग काले कम्बले सांई काला होई गया कने पूरे चन्द्रमे दा रंग खने सांई लाल होई गया। 13 कने अम्बरे दे तोरे धरतिया पर इयां पेई गे जियां तुफाने ला सखे ला कच्चे फल पेई जांदे न। 14 अम्बर उस कागजे सांई गायब होई गया जिसयो लपेट्टी दितया हो कने सारे पाड कने समुद्रे चे सारे टापूआं अपणी जगा बदली दितती। 15 इदा नतीजा ऐ होया की, तालू धरतिया दे राजे, कने प्रधान, कने सरदार, कने अमीर कने सामर्थी लोक, कने हर इक सेवक, कने जडे गुलाम नी न, सारे पाडां दियां गुफां च कने पथरां थल्ले जाई लुकयो न; 16 कने पाडां कने पथरां ला बोलणा लगे, “साडे पर पेई जा; कने सांझो उसला बचाई लिया जडा सिंहासने पर बैठया है कने छेलुऐ दिया सजा ला बचाई लिया।” 17 क्योंकि सै भयानक दिन आई गया है जालू परमेश्वरे कने छेलुऐ सारयां जो सजा देणी कने कोई भी इसा सजा ला नी बची सकदा।

7 इदे बाद मैं धरतिया दे चारों कुणा च चार स्वर्गदूतां जो खडोतया दिखया। कने उना स्वर्गदूतां जो परमेश्वरे हक दितया है की सै संसारे दे लोकां जो दुख परेशानिया च पाई करी उना दा नुस्सान करन, चाहे सै धरती च होन या समुंदर च। उना संसारे दे चारो कुणयां ला होआ जो रोकी दिता, ताकि समुंद्रे च धरती च या बणे च होआ ना चले। मैं इक होर स्वर्गदूते जो पूर्व दिशा पाससे ला प्रगत होंदे दिखया, उदे बाल जिंदे परमेश्वरे दी मोहर थी। उनी स्वर्गदूते उच्चिया अबाजा ला उना चार स्वर्गदूतां जो पुकारी करी बोलया; 3 “जालू दीकर असां अपने परमेश्वरे दे सेबकां दे मथयां च मोहर नी लांगे, तालू दीकर धरती कने समुन्द्रे कने सखां दा नाश मत करदे, ताकि सै उना दुख परेशानिया च नी पोना।” 4 जालू स्वर्गदूतां मोहर लांगे दा कम्म पूरा करी लिया। तां कुनी मिंजो दसया की सै लोक जिना दे मथे पर स्वर्गदूतां परमेश्वरे दी मोहरा दा निशाण लाया है, उना दी गिणती 1,44000 थी। ऐ लोक झप्पाएल दे बारां गोत्रां च थे: 5 स्वर्गदूतां यहदा दे गोत्रां चे बारह हजार पर परमेश्वरे दी मोहर लाई, स्नेने दे गोत्रे चे बारा हजार पर, गाद दे गोत्रे च भी बारा हजार, 6 आशेर दे गोत्रे चे भी बारा हजार, नसाली दे गोत्रे चे भी बारा हजार; मनश्शे दे गोत्रे चे भी बारा हजार, 7 शमौने दे गोत्रे चे बारा हजार पर, लेवी दे गोत्रे चे बारा हजार पर, इसाकार दे गोत्रे च बारा हजार, 8

जबलूने दे गोत्रे च बारा हजार, यूसुफे दे गोत्रे च बारा हजार, कने बिन्यामीन दे गोत्रे च बारा हजार पर मोहर दितती है। 9 इदे बाद मैं दिखया की लोकां दी इक इतणी बडी भीड थी की कोई भी उना सारयां जो गिणी नी सकदा था। सै संसारे दिया हर इक जाति, कने कुल, भाषा चे थे। सै सारे सिंहासने कने छेलुऐ सामणे खडोतयो थे। उना चिट्टे कपडे पायो थे कने उना सारयां हथे च खजूरी दियां डालियाँ पकडियां थियां कने जडा इक त्योहारे दा प्रतीक है; 10 कने जोरे ला पुकारी करी बोला दे थे, “साडे परमेश्वरे दी स्तुति हो, जडा सिंहासने पर बैठया है, कने छेलुऐ दी जै-जै कारा! सिर्फ तू ही है जडा उद्धार करदा है।” 11 कने सारे स्वर्गदूत, उस सिंहासने दे चारो पास कने अगुवां दे कने चारों जिन्दे प्राणियां दे चारों पास खडोतयो थे। फिरी सै सिंहासने दे अगो दण्डवत होई गे कने उना परमेश्वरे दी अराधना कितती। 12 “आमीन, असां हमेशा तेरी महिमा करदे न, तिजो धन्यवाद कने इज्जत दिन्दे न! असां मंदे न कने तू ज्ञानवान, कने शक्तिशाली है, जडा हमेशा तांई सारे कम्मा जो करणे दे काबिल है! परमेश्वरे दा धन्यावाद कने महिमा करदे न।” (aiōn g165) 13 उना चे इकी अगुवे मिंजो ला पुच्छया, “ऐ जिना चिट्टे कपडे पायो थे सै कुण है? कने कुथु ला आयो न?” 14 मैं उसयो बोलया, “हे मालिक, मैं नी जाणदा पर तू जाणदा है।” उनी मिंजो बोलया, “ऐ सै लोक न जिना बडा दुख झेलया है। उना अपणे कपडयां जो छेलुऐ दे खने ला धोई लिया है कने हुण सै चिट्टे होई गियो न, इदा मतलब ऐ है की उना दे पाप मिटाई दितयो न।” 15 इसा ही बजा ला सै परमेश्वरे दे सामणे खडोतयो न, कने हर बकत दिन रात परमेश्वरे दे घरे च उडी सेबा करदे न। कने सै जडा सिंहासने पर बैठया है, उनी उना बिच रेणा कने उना दी रक्षा करणी। 16 “उना फिरी भूखे कने प्यासे नी होणा; कने ना ही सूरजे उना जो धुपा ला जलाणा कने ना ही गर्मियां ला उना जो जलन होणी। 17 क्योंकि छेलू जडा सिंहासने बिच है, उनी उना दी देखभाल करणी, तियां ही जियां इक पुआल अपणियां भेडां दी देखभाल करदा है कने उनी उना जो ताजा पाणिए बाल लेई जाणा जडा लोकां जो जिन्दगी दिन्दा है कने परमेश्वरे उना दिया हखी ला सारे आंसू पूंजी देणे।”

8 जालू छेलुऐ सतमी मोहर खोली, तां सै सारे जडे स्वर्गे च थे अथे घटे तांई शांत होई गे। 2 तालू मैं उना सतां स्वर्गदूतां जो दिखया जडे परमेश्वरे दे सामणे खडोतयो रेंदे न, कने उना जो सत तुरहियां दितियां। 3 फिरी ओथु ला, इक होर स्वर्गदूत सोने दा इक धूपदान लेईकरी आया कने वेदिया बखे खडोई गया। कने उसयो सारयां लोकां दियां प्राथना समेत बालने तांई बडा भरी धुप दिता। उनी धुप कने प्राथना जो उस सोने दिया बेदिया उपर बाली दिता, जडी परमेश्वरे दे सिंहासने दे सामणे है। 4 जालू उनी ऐसा किता, तां धूपे दा धुंआं पबित्र लोकां दियां प्राथना समेत स्वर्गदूते दे हथे ला उठी करी परमेश्वरे दे सामणे गिया। 5 तालू स्वर्गदूते धूपदाने जो वेदिया दिया अगगी चे अंगारे भरी दिते, कने धरतिया पर फेकी दिते, कने फिरी गडाके, बिजली, कने अबाजां, कने हिलण होणा लगे। 6 कने सै सतों स्वर्गदूत जिना बाल सत तुरहियां थियां उना जो बजाणे तांई

तैयार होऐ। 7 पेहले स्वर्गदूते तुरही बजाई कने खने ला मिलयो ओले कने अग्न पैदा होई, कने धरतिया पर पेई गे। इसा बजा ला धरतिया दा इक तिहाई हिस्सा फकोई गिया, कने स्र्वां दी इक तिहाई भी फकोई गे, कने सारा सेला घा भी फकोई गिया। 8 दुज्जे स्वर्गदूते तुरही बजाई, तां इक अग्न लगयो बडे बड़े पाडे सांई कोई चीज समुंदरे च पेई गेई, कने इसा बजा ला समुंदर भी इक तिहाई हिस्सा खने सांई होई गिया, 9 कने समुंदरे च रेणेबाले इक तिहाई प्राणी मरी गे। इसला समुंद्रे दे इक तिहाई जाज खत्म होई गे। 10 तीजे स्वर्गदूते तुरही बजाई, कने इक बडा बडा तारा मशाला सांई बलया होया स्वर्गे ला टूटया, कने नदियाँ दे इक तिहाई हिस्से पर, कने ताजा पाणिए दे तलाबां पर जाई पिया। 11 उस तारे दा नां कौडा है। इदिया बजा ला सै सारा इक तिहाई पाणी कौडा कने जरिला होई गिया, कने उस पाणिए जो पीणे बालयां दी मोत होई गेई। 12 चौथे स्वर्गदूते तुरही बजाई, तां सूरजे दा इक तिहाई, चन्द्रमे दा इक तिहाई कने तारयाँ दे इक तिहाई पर कोई चीज टकराई, इसा बजा ला दिने दे इक तिहाई बकते दीकर सूरज नी चमकया कने चन्द्रमा कने तारे राती दे इक तिहाई बकते दीकर नी चमके। 13 जालू मै फिरि दिखया, तां अम्बरे च इक बाजे जो बडे उच्चा उडदे दिखया कने जोरे ला ऐ बोलदे सणया की, “जालू आखरी तिन्ना स्वर्गदूतां उना तुरही जो बजाणा जडियां उना जो दितियां न, तालू संसारे पर ओणे बालियां मुसीबतां बडियां भयानक न। धरतिया पर रेणे बालयां पर, हाय, हाय, हाय!”

9 जालू पंजमे स्वर्गदूते तुरही बजाई, तां मै स्वर्गे ला धरतिया पर इक तारा पौंदा दिखया, कने उसयो अथाह कुंडे दी चाबी दितियो थी। (Abyssos g12) 2 उनी अथाह कुंडे जो खोलया, कने कुंडे ला बडी बडिया भटिया सांई धुआ निकलया, कने कुंडे दे धुएँ ला सूरज कने बाताबरन काला होई गिया। (Abyssos g12) 3 उस धुएँ चे धरतिया पर टिड्डियां निकलियाँ, कने उना जो बिछुआं सांई लोकां जो डंग मारणे दी शक्तियाँ दितियां थियां। 4 जियां कुसी जो बिच्छुएँ दे डंग मारणे ला पीड होंदी है, तियां ही इना टिड्डियां जो पंज मिने दीकर उना दा नुकसान करणे दा हुकम दितया है जिना दे मथे पर परमेस्वर दिया मोहरा दा निशाण नी था। पर उना जो ना तां धरती दे घा जो, ना कुसी बूटे जो कने ना कुसी स्खे दा नुकसान करणा था। 6 उना पंज मिनयां च लोकां मरणे दे तरीके तोपणे न, पर उना मरी नी सकणा है। उना जो मरणे दी इच्छा होणी, पर उना ला मरी नी होणा। 7 ऐ टिड्डियाँ दिखणे च लडाईया तांई तैयार घोडयां सांई लगदियां थियां, कने उना अपने सिरां पर सोने दे मुकुट सांई कुछ पाया था। कने उना दे मुह माणुआं सांई थे। 8 कने उना दे बाल जनानिया दे बालां सांई लम्बे थे। कने उना दे दंद शैरे दे दंदा सांई पक्के थे। 9 उना अपणिया छातिया पर लोहे दा कवच पाया था। जालू सै उडदे थे, तां सै सियुदी अबाज करदे थे, जियां मते घोडे लडाईया च जाणे बाले रथां जो खिचदे बेले करदे न। 10 उना दियां बिछुआं सांई पूछा कने डंग थे। कने उना दिया पूछा च डंक थे, कने उना जो पंज मिने दीकर माणुएँ जो दुख देणे दी शक्ति मिलियो थी। 11 इक राजा है जडा उना जो काबू करदा है। सै सैई शैताने दा दूत है जिनी अथाह

कुंडे जो खोलया था, उदा ना इब्रानी भाषा च अब्दोन है, कने यूनानी भाषा च अपुल्लयोन है, जिदा मतलब है की सै जडा नाश करदा है। (Abyssos g12) 12 पंज मिने बाद सै मुसीबत खत्म होई जाणी। पर इदे बाद भी होर दो मुसीबतां ओणे बालियां न। 13 इदे बाद जालू छेमे स्वर्गदूते अपनी तुरही बजाई। जालू उनी उसयो बजाया तां मै परमेस्वर दे सामणे धूप बोलने बालिया वेदिया दे चोरो कुणा ला इक अबाज सुणोई, 14 उना अबाजां छेमे स्वर्गदूते ला बोलया, “उना चार शैताने दे दूतां जो खोली दे जडे फराता नाए दिया खट्टा दे बखे बनयो न।” 15 इस तांई तालू सै चारों शैताने दे दूत खोली दिते। सै पेहले ला ही तैयार थे कने उना जो बोलया था की इस मिने, इस दिन, इस साल तांई इंतजार करा कने हुण ऐ बकत आई गिया था। उना जो संसारे दे इक हिस्सा लोकां जो मारणा था। 16 ओथु घोडे पर सवार सेनिका दी फौज गिठी होई, जिना दी गिणती मै 20 करोड सुणी। 17 सै घोडे कने उना दे सवार जिना जो मै दर्शण च दिखया, सै उना दे रक्षा करणे बाले कवच अग्नी सांई लाल, गाडी नीली कने गंधक सांई पिली थी। घोडयां दे सिर शेरं दे सिरा सांई लगादे थे, उदे मूएँ ला अग्न, धुआ कने गंधक निकला दे थे। 18 इना उना मुसीबतां ला, जडियां घोडयां दे मुआं ला निकलने बाली अग्न, धुआ, कने गन्धक थी, इना ला इक तिहाई लोक मारी दिते। 19 पर उना घोडयां बाल लोकां जो मारणे तांई दो लग चीजां थियां, पेेली तां सै उना दे मूएँ ला निकलदी थी, दुज्जी उना दिया पुछां च थी। क्योकि उना दियां पूछा सप्यां सांई थियां, कने उना चे लोकां जो कटणे तांई सिर थे। 20 पर बाकी लोक जडे उना मुसीबतां ला पेहले नी मरयो थे, उना हल्ले भी अपने बुरे कम्म करणा नी छडे। उना हत्या करणा, टूणा-टोटका, नाजायज रिशते, चोरी करणा नी छडया। उना बुरियां आत्मा कने अपने हथां ला बाणियां चीजां दियां पूजा करणा भी नी छडया, जियां की सोने या चांदी या पितल या पत्थर या लकडिया ला बाणियां मूर्तियां, जडियां ना तां दिखी सकदियां, कने ना सुणदियां, कने ना ही चलदियां न।

10 फिरि मै इक होर शक्तिशाली स्वर्गदूते जो स्वर्गे ला उतरदे दिखया कने इक बदल उदे चारो पासे था। कने इक इन्द्रधनुष उदे सिरें चारो पासे था, कने उदा मुं सूरजे सांई चमकदा था कने उदियां जंगा अग्नी दे बलदे खम्बयां सांई थियां। 2 उदा सज्जा पैर समुंद्रे पर रखया, कने उदा खबा पैर जमिना पर रखया। उदे हथे च इक छोटा दिया कागज था। 3 उनी स्वर्गदूते जोरे ला पुकारया कने उदी अबाज शैरे दे गर्जणे सांई थी। जालू सै चीखया, तां सत तेज अबाजां उसयो जबाब दिता, जडी गडाकयां दिया अबाजा सांई थियां। 4 जालू सतों गर्जणे दियां अबाजां बंद होई गियां, तां मै जडा सुणया उसयो लिखणा लग्गा, पर मै स्वर्गे ला ऐ अबाज सुणी, “जडियां सत गल्लां तू गर्जणे ने सुणियां न, उना जो छुपाई रख कने लिख मत।” 5 जिस स्वर्गदूते जो मै दिखया था, सै समुंदरे कने धरतिया पर खडोतयो था, उनी अपना सज्जा हथ कसम खाणे तांई स्वर्गे पासे चुकया। 6 कने जडा हमेशा-हमेशा दीकर जिन्दा रेंदा है, जिनी स्वर्ग, धरती कने समुंद्रे कने उना च रेणे बालियां सारियां चीजां जो बणाया है, उदे नाए

दी कसम खाई करी उनी बोलतया की, “हुण कुसी भी गल्ला ताई होर जादा इंतजार नी करणा पोणा। हुण सै सारियां पुरियां होई जाणियां।” (aiōn g165) 7 सतमें स्वर्गदूते जो तुरही बजाणे दे दिनां च, जालू उनी तुरही बजाणी है, तालू उनी जल्दी कम्म करणा है, उनी अपणिया गुण योजना जो पूरा करणा, जियां की उनी अपणे सेबक परमेस्वरे दे संदेश देणेबालयां जो इदा शुभसमाचार दितया था। 8 तालू मै फिरी सै अबाज सुणी जिनी स्वर्ग च मिंजो ला गल्ल किती थी। अबाजा मिंजो ला बोलया, “जा, उसा छोटिया दिया कताबा जो लेई ले जडी स्वर्गदूते दे हथे खुलियो है जडा स्वर्गदूत समुंदर कने धरतिया पर खडोतया है।” 9 मै स्वर्गदूते बाल जाई करी बोलया, “ऐ छोटै देई कताब देई दे।” कने उनी मिंजो ला बोलया, “ले इसयो खाई ले; इसा दा स्वाद तां मखिरे सांई मीठा है,” पर बादे च इदिया बजा ला तेरे पेटे च तकलीफ होणी। इस तांई मै सै कताब लेई लि जडी स्वर्गदूते पकडियो थी कने खाई लेई कने सच्ची इदा स्वाद शेहदे सांई मीठा था, पर जालू मै इसयो निगली लिया, तां मेरा पेट दुखणा लग्या। 11 तालू मिंजो ला ऐ बोलया, “लग-लग झुंडा कने देशां कने लग-लग भाषा बोलणे बालयां लोकां जो कने राजयां जो इक बरी फिरी ला दस्स, जडा परमेस्वर तिजो बोलणे तांई बोलदा है।”

11 फिरी मिंजो नापणे तांई इक सोठी दिती कने परमेस्वरे मिंजो बोलया, “उठ, जा कने मेरे मंदरे कने वेदिया दा नाप ले, कने उना लोकां दी गिणती कर जडे ओथु मेरी अराधना करा दे न।” 2 पर मंदरे दे बाहरे दे अंगणे जो मत नाप; उसयो रेंणी दे क्योकि सै लोक जडे परमेस्वरे जो नी जाणदे उना जो दितया है, कने उना पबित्र शेहर यस्शलेम जो बयाली मिनयां दीकर बरबाद करदे रेंणा है। 3 “कने मै अपणे दो गबाहां जो ऐ हक देणा की सै टाट ओढी करी इक हजार दो सो सठ दिनां दीकर भविष्यवाणी करन।” 4 ऐ सेई दो जैतून रख कने दो दिये न जडे धरतिया दे प्रभुऐ दे सामणे खडोतया न। 5 कने अगर कोई उना दा कोई नुकसान करणा चांदा है, तां उदे सुऐ ला अगग निकलदी है कने उना दे दुशमणा जो भस्म करी दीदी है, कने अगर कोई उना जो नुकसान करणा चांगा, तां सै पक्का इसी तरीके ला मारी देणा। 6 उना जो हक है की अम्बरे जो बंद करन, ताकि उना दी भविष्यवाणियाँ दे दिनां च कोई बरखा ना हो; कने उना जो सारे पाणिऐ पर हक है, की उसयो खून बणान, कने जालू-जालू सै चांगे तालू-तालू सै धरतिया पर मुसीबतां जो लेई ओन। 7 जालू उना दो गबां परमेस्वरे दे संदेशे दा प्रचार करी बौणा है, तालू सै जंगली जानवर जडा अथाह कुंडे ला निकलना है, उनी दो लोकां सोगी लडणा, कने उना जो हराई देणा कने मारी देणा। (Abyssos g12) 8 कने उना दियां लाशां बडे शेहर यस्शलेमे दियां सडकां पर रेंणियां न, जिथु उना दा प्रभु भी सूली पर चढाया था। इस शेहरे जो निशाण दे स्पे च सदोम कने मिस्र देशे बोलदे न। क्योकि इस शेहरे दे लोक सदोम कने मिस्र देशे दे रेणे बालयां लोकां सांई बडे बुरे थे। 9 कने सारे लोक, कने कुल, कने भाषा, कने जातियां सारे लोकां उना जो साढे तिन दिनां दीकर दिखदे रेंणा है, पर उना कुसी दिया भी लाशां जो दफनाणा नी देणा है। 10 कने इस संसारे दे लोकां उना दे

मरणे पर खुश होणा कने मगन होणा कने इक दुज्जे जो तोफे भेजणे न, क्योकि इना दोनो परमेस्वरे दे संदेश देणेबालयां संसारे दे लोकां जो दुखी कितया था। 11 पर साढे तिन दिनां दे बाद परमेस्वरे उना च अपणा सा पाया कने सै जिन्दे होई गे, कने सै खडोई गे, कने जिना लोकां उना जो दुबारा ला जिन्दे दिखया, सै डरी गे। 12 इदे बाद उना दो लोकां स्वर्ग ला इक बंदे जो बोलदे सुणया, जिनी उना जो जौरे ला पुकारया कने बोलया, “ऐथु उपर ओआ।” जालू दुशमण दिखा दे थे, तालू सै इक बदले ला डकुई करी स्वर्ग जो चली गे। 13 फिरी तालू ही यस्शलेम शेहरे च इक बडा बडा हिलण होया, कने शेहरे दियां इमारतां दा दसमां हिस्सा पेई गया, कने उस हिलणे ला सत जार लोक मरी गे कने जडे लोक बची गियो थे, सै डरे ला रोंणा लग्गे कने उस परमेस्वरे दी महिमा करणा लग्गे जडा स्वर्ग च है। 14 ऐ दुज्जिया मुसीबता दा खात्मा था; पर हल्ले इक होर है जडी तोल्ली औणे बाली है। 15 जालू सतमे स्वर्गदूते तुरही बजाई, तां मै स्वर्ग ला तेज अबाजां जो पुकारदे सुणया: “संसारे च हुण होर कोई नी है जडा राज करे, सिर्फ साडा परमेस्वर कने उदा चुणया मसीहे राज करणा कने उनी हमेशा तांई राज करणा।” (aiōn g165) 16 कने चौबियां अगुवां जडे परमेस्वरे सामणे अपणे-अपणे सिंहासने पर बैठयो थे, उना परमेस्वरे अगो टण्डवत करिरी, 17 ऐ बोलणा लग्गे, “हे सारयां ला शक्तिशाली प्रभु परमेस्वर, कने तू सेई परमेस्वर है, जडा बकत दी शुरूआत ला लेईकरी हुणे दीकर कने हमेशा तांई नी बदलदा, असां सच्ची तेरा धन्यावाद करदे न, क्योकि तू हुण अपणी महान सामर्थ्य दर्सी कने हुण तू धरती पर अपणा राज्य शुरू करी दिता है। 18 कने जीना देशां दे लोक तिजो पर भरोसा नी करदे सै बडे गुस्सा न, कने बकत आई गया है की तू अपना गुस्सा दस्से कने उना सारयां दा न्याय करणे दा बकत आई गया है जडे मरी गियो न। कने हुण सै बकत भी है जालू तू उना परमेस्वरे दा संदेश देणेबालयां जो इनाम देणा जडे तेरी सेबा करदे न कने उना सारे लोकां जो जडे तेरी इज्जत करदे न, हालांकि तू उना दा नाश करी देणा है जिना धरती दा नाश कितया है।” 19 कने परमेस्वरे दा जडा मंदर स्वर्ग च है, सै खोली दिता, कने उदे मंदरे च उदी बाचा दा संदूक मिल्ला, कने बिजली लग्गी, गडाके होए, हिलण होऐ, कने बड़े-बड़े ओले पे।

12 जालू सै मुकी गया, तां ओथु इक अनोखा निशाण था, जिसयो अम्बरे च दिखी सकदे थे। क्योकि चन्द्रमे पर इक खडोतियो जनानी प्रगट होई जिना ऐसे कपडे पायो थे जडे सूरजे सांई चमकदे थे। कने उसा दे सिरे पर मुकुट लाया था, जिदे उपर बारा तारे थे। 2 सै जनानी गर्भवती थी, उसा दा बच्चा पैदा करणे दा बकत आई गया। कने सै बच्चा जमणे दिया पीडा ला रोआ दी थी। 3 इक होर निशाण अम्बरे च मिल्ला, इक बडा बडा लाल अजगर था, जडा शैतान है। उदे सत सिर थे कने दस सिंग थे, कने उदे सतों सिरा पर सत मुकुट थे। 4 कने उदिया पूंछा अम्बरे दे इक तिहाई तारयां जो खिची करी धरतिया पर सूटी दिता, सै अजगर उसा जनानिया दे सामणे जाई खडोता, ताकि जालू सै बच्चा जम्मे तां उसा दे बच्चे जो खाई जा। 5 तालू उना जनानिया जागते जो पैदा किता,

पर उसयो अजगर नी खाई सकया क्योंकि उसयो झट खोई लिया कने परमेश्वरे दे सिहांसने सामणे लेई ओदा। उनी जागते इक लोहे दे डंडे सोगी सारे देशां दे लोकां पर राज करणा। 6 कने सै जनानी उसा सुनसान जगा जो नदी गेई, जडा परमेश्वरे उस तांई तैयार कितया था ताकि सै ओथु इक हजार दो सो सठ दिनां दीकर पत्नी सके। 7 फिरी स्वर्ग च लडाई होई, तां परमेश्वरे दे मुख्य स्वर्गदूतां चे इकी जिदा ना मीकाईल है, उनी अपने अधीन स्वर्गदूतां सोगी अजगरे पर हमला किता। कने अजगर कने शैताने दे दूतां मीकाईल दे खिलाफ लडाई लडी। 8 अजगर लडाई हरी गिया, कने उसयो कने उदे दूतां जो स्वर्ग ला कडी दिता। 9 इस तांई उसयो कने उदे दूतां जो धरतिया पर फेंकी दिता। ऐ बड्डा अजगर सेई है जडा बडे पेहेले सप्पे दे स्पे च मिल्ला था, जिसयो शैतान या दोष लाणे बाला बोलदे ना। ऐ सेई है जडा इस संसारे दे लोकां जो धोखा दिन्दा आया है। 10 फिरी मै स्वर्ग ला ऐ जोंरे ला अबाज सुणी, हुण साडे परमेश्वरे अपने लोकां जो बचाणा! हुण उनी अपणिया शक्तिया दा इस्तेमाल करणा कने राजे दे स्पे च राज करणा! हुण उदे मसीहे संसार पर अपने अधिकारे दा दाबा करणा! हुण शैताने साडे परमेश्वरे दिया हजुरी च खडोई करी साडे सार्थी सेबकां पर दिन रात दोष नी लाणा, क्योंकि उसयो स्वर्ग ला बार फेंकी दिता है। 11 कने साडे भरोसा करणे बालयां शैताने जो राई दिता। उना उसया छेल्ये दे खने दिया शक्तिया ला हराया है, जडा उना जो पापां ला छुडाणे तांई मरी गिया था। क्योंकि उना भरोसा करणा नी छडया की छेलू उना दा प्रभु है। हालांकि उना जो दुख तकलीफ होई, ऐथु दीकर की उना जो मारी भी दिता पर सै अपने उस भरोसे ला पिच्छे नी हटे। 12 इस तांई तुसां सारयां जो खुश होणा चाईदा जडे ऐथु स्वर्ग च रेंदे ना। पर तुसां जडे धरती पर न कने जडे समुंद्रे च न तुहांजो पर तरस खाणा चाईदा, क्योंकि बुरियां आत्मा दा अगुवा थले तुहाडे बाल आई गिया है। असल च सै बडा जादा गुस्सा है क्योंकि सै जाणदा है की जल्दी ही उदा अंत होई जाणा। 13 जालू अजगरे समझी लिया, की उसयो धरतिया पर सुटी दिता है, तां उनी उसा जनानिया दा पिच्छा किता जिना पुत्र जमया था। 14 पर परमेश्वरे उसा जनानिया जो बाजे दे दो फंग दितयो थे, ताकि सै उडी करी सुनसान जगा च जा जडी उसा तांई तैयार कितियो था। कने ओथु उसा दी साडे तिन्ना सालां दीकर देखभाल किति ताकि अजगर उसा दीकर ना पुज्जी सके। 15 तालू अजगरे उसा जनानिया पर अपने मूऐ ला खड्डा सांई पाणी फेंक्या ताकि बाड उसा जो फडाई लेई जा। 16 पर धरतिया उसा जनानिया दी सहायता करणे तांई पाणिऐ जो निगली लिया जडा अजगरे अपने मुंऐ ला निकला था। 17 इस बजा ला, अजगर उसा जनानिया पर बडा गुस्सा होया, इस तांई उनी जनानिया दे बंशजा दे खिलाफ लडाईया दी घोषणा करी दिती। मतलब की उना लोकां दे खिलाफ जडे परमेश्वरे दे हुकमा जो मंदे न कने यीशु मसीह दियां सिखाईयां शिक्षा जो मंदे रेंदे ना।

13 तालू सै अजगर चली गिया कने समुंद्रे दे कंडे पर खडोई गिया। तां मै इक जानवरे जो समुंदरे ला निकलदे दिखया, जिसदे दस सिंग कने सत्त सर थे। उदे सिगां पर दस राजमुकुट थे,

कने उदे हर इक सिरे पर परमेश्वरे दे खिलाफ इक ना लिख्या था। 2 जडा जानवर मै दिखया, सै चिते सांई था; उदे पैर भालुऐ सांई थे, कने मुं शेरें सांई था। अजगरे अपनी शक्ति इस जानवरे जो देई दिती कने उसयो धरती पर राज करणे दा हक देई दिता। 3 मै जानवरे दे सिगां चे इकी सिरे च इक डुगे जखमे दा निशाण था, जडा उदिया मौता दी बजा बणी सकदा था, पर उदा जखम खरा होई गिया था, इस तांई धरतिया दे लोक हेरान थे कने सै उदे चले बणी गे। 4 सारयां लोकां अजगरे दी पूजा किति क्योंकि उनी जानवरे जो अपना हक देई दिता था। उना उस जानवरे दी भी पूजा किति। उना बोलया, “कोई भी इस जानवरे ला जादा शक्तिशाली नी है कोई भी उसला लडी नी सकदा है।” 5 परमेश्वरे उस जानवरे जो अपने बारे च बडाई कने परमेश्वरे दी बुराई करणे दा हक दिता। कने परमेश्वरे उसयो बयाली मिनयां दीकर ऐ हक रखणे दा हुकम दिता। 6 कने जानवरे परमेश्वरे दी बुराई करणा शुरू किति, उनी उदे नां दे खिलाफ कने उसा जगा दे खिलाफ बोलया मतलब की स्वर्ग दे खिलाफ जिथु परमेश्वरे रेंदा है, कने ओथु रेणेबाले लोकां दे खिलाफ बुराई करणा शुरू किति। 7 उस जानवरे जो ऐ हक दिता है की सै परमेश्वरे दे लोकां ला लडे, कने उना जो राई दे, कने उसयो हर इक कुल दे लोकां, जातियां, भाषा पर हक दितया है। 8 धरतिया पर रेणेबाले सारे लोक जानवरे दी पूजा करणा लगे, मतलब की सै सारे लोक जिना दे नां संसारे दिया शुरूआता ला छेलुऐ दिया जिन्दगिया दिया कताबा च नी लिखयो ना। छेलू सेई है जडा मारी दिता था। 9 हर कुसी जो जडा मेरे संदेश जो समझणा चांदा है, उसयो उसा गल्ला जो ध्याने ला सुणना चाईदा जडा पबित्र आत्मा कलीसिया ला बोलदा है। 10 जिना दा जेला च जाणा तय है, उना जो पक्का जेल होंपी, जिना लोकां दा तलबारा ला मरणा तय है, उना पक्का ही तलबारा ला मरणा है। इस तांई परमेश्वरे दे लोकां जो दुख सेहन करणे च सबर रखणा चाईदा कने उस पर भरोसा करदे रेंणा चाईदा। 11 फिरी मै इक होर जानवरे जो धरतिया ला निकलदे होऐ दिखया, उदे छेलुये सांई दो सिंग थे। पर जालू सै बोलणा लग्गा तां उदी अबाज अजगरे सांई थी। 12 ऐ दुज्जा जानवर उस पेहेले बाले जानवरे दे सारे हकां दा इस्तेमाल करदा था। कने धरतिया दे लोकां जो उस पेहेले जानवरे दी जबरदस्ती पूजा करांदा था, जिदा सै जखम ठीक होई गिया था। 13 सै दुज्जा जानवर बड़े-बड़े चमत्कार दसदा था, ऐथु दीकर की सै लोकां दे दिखदे-दिखदे अम्बरे ला अग्गी दी बरखा कराई दिन्दा था। 14 दुज्जे जानवरे जो पेहेले जानवरे दिया हजुरिया च चमत्कार दसणे दी इजाजत है। इना चमत्कारां दिया बजा ला सै धरती दे लोकां जो भटकाई सकदा था। उनी उना जो पेहेले जानवरे दी मूर्ति बणाणे दा हुकम दिता, जडा तलबारा ला घायल होणे बाद भी जिन्दा रिया था। 15 कने दुज्जे जानवरे जो उस पेहेले जानवरे दी मूर्ति बणाई करी उसा जो जिन्दा करणे दी हक मिलिया था, ताकि मूर्ति बोली सके कने उना लोकां जो मराई दे जडे उस जानवरे दिया मूर्तिया दी पूजा नी करगे। 16 दुज्जे जानवरे छोटे-बड़े, अमीर-गरीब, मालिक या जडे गुलाम न मतलब की सारयां लोकां जो मजबूर किता की सै पेहेले

जानवरे दे नाए दी छाप अपने सजे हथे पर या मथे पर लाई लेन। 17 उनी ऐसा इस ताई किता ताकि कोई भी माणु जिदे पर पेहले जानवरे दी छाप ना हो तां सै कोई भी समान खरीदी बेची नी सकदा था। 18 इसा छाप दे बारे च समझणे तां त्हांजो ज्ञान दी जरूरत है। पर जिस बाल ज्ञान है, सै ऐ पता लाई सकदा है की इस जानवरे दिया संख्या दा क्या मतलब है। क्योंकि ऐ इक माणुऐ दा ना है। ऐ संख्या छेसो छयासठ है।

14 मै फिरी दिखया की, सै छेलू सियोन पहाडे पर खडोतया है, कने उदे सोगी इक लख चौवाली जार लोक न, जिना दे मथे पर उदा कने उदे पिता दा नां लिखया होया है। 2 कने मै स्वर्ग च कुसी दी अबाज सुणी जडी इक झरने दिया तेज अबाजा सांई थी। जडी अबाज मै सुणी, सै अबाज उसा अबाजा सांई थी, जियां लोक तार बाले यंत्रा जो बजांदे निकलदे न। 3 कने इक लख चूर्ताली हजार लोक सिहांसने, चार जिन्दे प्राणियां कने अगुवां सामणे खडोतयो थे; सै इक नोआ गीत गा दे थे, जिसयो सेई सीखी सकदे थे, जिना जो परमेश्वरे धरतिया पर रेणेबाले लोकां बिच ला छुडाय था। 4 ऐ सै न, जडे पबित्र जिन्दगी जिन्दे न। ऐ उना लोकां सांई न जिना इक बरी भी नाजायज रिशता नी बणाय है कने ना ही इना कुसी चिजा दी पूजा कितियो है, ऐ सिर्फ छेलुये दी ही पूजा करदे न, जिस पासे छेलू जांदा है, ऐ भी उदे पिच्छे चली पोंदे न। ऐ सै न जिना जो धरतिया दे सारे माणुआं ला लग कितया है, जियां लोक खतरां दियां फसला दा सारयां ला खरा हिस्सा परमेश्वरे जो दिन्दे न, तियां ही ऐ लोक अपणिया जिन्दगीया जो पुरिया पबित्रता सोगी परमेश्वर कने छेलुये जो दिन्दे न। 5 कने उना कदी भी झूठ नी बोलया है, उना च कुछ भी गलत नी है। 6 फिरी मै इक होर स्वर्गदूते जो अम्बरे च उच्चा उडदे दिखया। उनी स्वर्गदूते उस श्भसमाचार जो लिया था जडा कदी नी बदलदा, उनी संसारे च रेणेबाले लोकां, हर इक देश, हर इक गोत्र, कने सारियां भाषां च इदी घोषणा किती। (aiōnios g166) 7 कने उनी बडे जौरे ला बोलया, “परमेश्वरे ला डरा, कने उदी महिमा करा, क्योंकि उदा हुण लोकां दा न्याय करणे दा बकत है। कने उदी अराधना करा क्योंकि सेई है जिनी स्वर्ग, धरती, समुंदर कने पाणुऐ दे तलाबां जो बणाय है।” 8 ओथु इक होर स्वर्गदूत था जडा पेहले दे पिच्छे आया कने बोलया, “बाबेल देश दा सर्वनाश होई गया। बडे बाबेल देश दा सर्वनाश होई गया। बाबेल देशे सारिया माणुआं दिया जातिया जो अपणिया शराबा दे नशे च दूत करी दिता, उदा बडा ही बुरा व्यवहार ऐ है जडा उनी सारिया धरतिया कने माणुआं दिया जातिया जो सिखाया क्योंकि उनी उना जो मूर्तिपूजा करणा सिखाया।” 9 फिरी इदे बाद इक होर स्वर्गदूत बडे जौरे ला बोलदा होया आया, “जडा कोई उस जानवरे कने उदिया मूर्तिया दी भक्ति करगा, कने अपने मथे कने अपने हथे पर उदी छाप लांगा, 10 तां उनी परमेश्वरे दे प्रकोपे दिया शराबा जो जडी बिना मिलावटा दी है, उदे गुस्से बाले कटोरे च पाईयो है, पिणा कने पबित्र स्वर्गदूतां दे सामणे कने छेलुये दे सामणे अग्गी कने गन्धका दिया पीडा च पोणा। 11 अग्गी ला निकलदा धुंआ जडा उना जो सतांदा है सै

हमेशा उपर उठदा रेंदा है। दिन रात उना दा सताया जाणा स्कदा नी है क्योंकि उना उस जानवरे दी कने उदिया मूर्तिया दी पूजा किती, कने उना उस जानवरे दी छाप लाई।” (aiōn g165) 12 इस तांई ऐ जरूरी है की परमेश्वरे दे लोक उना सारे दुखां जो सेहन करन जिना चे होईकरी सै गुजरदे न। उना सेई करणा जडा परमेश्वर हुकम दिन्दे है कने उना जो यीशु मसीह पर भरोसा करणा बंद नी करणा चाईदा। 13 कने फिरी मै स्वर्गे ला कुसी जो बोलदे सुणया, “इना गल्लां जो ऐथु लिख।” हुणे ला सै लोक सोभाग्यशाली न जडे परमेश्वरे पर भरोसा करदे मरी जांदे न। तालू पबित्र आत्मा इसा गल्ला ला राजी होया, उनी बोलया, “ऐ सच्च है। सै सोभाग्यशाली न क्योंकि उना जो अपणिया कडिया मेहनता ला आराम मिलणा कने जडे कम्म उना कितयो न उदे तांई उना जो इनाम मिलणा।” 14 मै फिरी इक चिट्टे बदले जो दिखया, कने मै उस बदले पर कुसी जो बैठया दिखया जडा माणुऐ सांई लग्गा दा था, कने उस पर माणुऐ दे पुत्रे सांई कोई बैठया है, जिसदे सिरे पर सोने दा मुकुट कने हथे च पेनी दराटी थी। 15 तालू ही फिरी इक होर स्वर्गदूत परमेश्वरे दा संदेश लेईकरी स्वर्गे दे मंदरे ला बार आया, ऐ चौथा स्वर्गदूत था। उनी बदले पर बैठयो माणुऐ जो जोर देईकरी बोलया, “धरतिया दी फसल तैयार है, फसला जो बडणे दा बकत आई गया है। इस तांई अपणी दराटी चला कने फसला दी बडाई कर।” 16 इसा बजा ला सै माणु जडा बदले पर बैठया था, सै अपणिया धराटिया ला धरतिया पर बडणा लग्गा उनी पुरिया धरतिया दिया फसला दी कटाई किती। 17 फिरी पजमा स्वर्गदूत उस मंदरे ला निकलया, जडा स्वर्ग च है, कने उदे बाल भी पेनी दराटी थी। 18 तालू इक होर स्वर्गदूत वेदिया ला बार आया, जडा अग्गी ला धुप बालने दी जिम्मेदारी निभान्दा है। उनी जौरे ला उस स्वर्गदूते ला जिनी पेनी दराटी लियो थी उसयो बोलया, “धरतिया पर अंगूरा दे गुच्छे पक्की गियो न! उना जो अपणिया दराटिया ला बडी ले।” 19 तालू उनी स्वर्गदूते अपणिया दराटिया ला उना अंगूरा जो बडी दिता जडे धरती पर थे कने उना जो गेठेरया। ताकि उना जो निचोडी सकन, इदा मतलब ऐ है की परमेश्वरे बडी खतरनाख सजा देंगी। अंगूरा जो शेहरे ला बार निचोडया। ओथु जिथु अंगूरा जो निचोडया था ओथु ला जडा खन निकलया सै इतणा डुगा था, जितणा की इक घोडे दा सिर होंदा है जालू उसयो लगामा ला पकडदे न कने तिन सौ किलो मीटर दीकर चली गया।

15 इदे बाद मै अम्बरे च जडा नोआ नोखा चमत्कार दिखया कने सै बडा डरणे बाला था। ओथु सत स्वर्गदूत थे जिना सत लग-लग मुसीबतां पकडियां थियां। ऐ मुसीबतां आखरी न क्योंकि जालू उना मुकी जाणा तालू परमेश्वरे दा गुस्सा भी पूरा होई जाणा। 2 तालू मै कुछ दिखया जडा समुन्द्रे सांई लगदा था कने शीशे सांई चमकदा था कने उदे च अग्गी भी मिलियो थी। मै उना लोकां जो भी दिखया जिना उस जानवरे जो हराया था क्योंकि उना उदिया मूर्तिया दी अराधना नी कितियो थी कने उना पर जानवरे दी छाप नी लगियो थी। 3 कने सै परमेश्वरे दे दास मूसा दा गीत गांदे थे, जडा छेलुये दे बारे च गीत है। सै गांदे थे की, “हे सारयां ला शक्तिशाली प्रभु

परमेश्वर, जडा कुछ तू कितया है सै कीमती कने अनोखा है।” तू लोक अपणिया जीभा जो चबाणा लगी पे क्योकि सै उना दुखां कने सारयां देशां दा राजा है, तू जडा भी करदा है सेई सच्च कने धर्मी है। 4 “हे प्रभु, सारे लोक तेरी इज्जत करदे न, सै सारे तेरे नाए दी इज्जत करदे न, क्योकि सिर्फ तू ही पबित्र परमेश्वर है। हर इक जातिया दे लोक तेरे बाल ओंदे न, कने सै तेरी अराधना करदे न क्योकि तेरे धर्म दे कम्म सारे लोक अच्छे ला जाणदे न।” 5 इदे बाद जालू सै गीत गाई बैठे, तालू मै दिखया की स्वर्गे दा मंदर खुलया था। जडा मिलाप बाले तम्बूए सांई है। 6 कने सै सतों स्वर्गदूत जिना बाल सतों मुसीबतां थियां, उस मंदरे ला बार निकले। उना चमकदार कपडे पायो थे कने उना दिया छातिया दे चारो पासे सोने दिया पट्टियां भी थियां। तालू उना चार जिन्दे प्राणियां च इकी उना सत स्वर्गदूतां जो परमेश्वरे दिया तरफा ला जडा हमेशा जिन्दा है, गुस्से दा भस्या इक-इक सोने दा कटोरा दिता। (aiōn g165) 8 कने मन्दिर परमेश्वरे दिया महिमा कने सामर्थ्य ला ओणे बाले धूए ला भरई गया। कने तालू दीकर कोई भी मंदरे च नी जाई सके जालू दीकर उना सत स्वर्गदूतां दे जरिये नियोरियां सतो मुसीबतां मुकी नी जान।

16 फिरी मै उदे बाद मंदरे ला इक उचिया अबाजा जो सतों स्वर्गदूतां जो ऐ बोलेदे सुणया, “जा, कने परमेश्वरे दिया तरफा ला सजा जो जडी उना सतों कटोरयां च है, धरतिया दे लोकां पर नियोरी दिया।” 2 इस तांई पेहेले बाले स्वर्गदूते जडा उदे कटोरे च था सै धरती पर नियोरी दिता। फिरी उना लोकां जो जिना पर उस जानवरे दी छाप थी, या जिना उदिया मुर्तिया दी पूजा कितियो थी, उना जो बडे बड़े जखम होई गे जिना च बडी जादा पीडा होंदी थी। 3 दुज्जे स्वर्गदूते जडा उदे कटोरे च था उसयो उनी समुंदरे च नियोरी दिता। कने तालू ही समुंदे दा रंग मरयो माणूए दे खने सांई होई गया, कने समुंद्रे च रेणे बाली हर इक प्राणी दी मौत होई गई। 4 तिजे स्वर्गदूते जडा उदे कटोरे च था उसयो उनी खड्गां कने पाणिए दे झरनया पर नियोरी दिता, कने सै खून सांई बर्णी गे। 5 तालू मै उस स्वर्गदूते जो जिसया पाणिए पर हक है, परमेश्वरे ला ऐ बोलेदे होए सुणया, “हे पबित्र परमेश्वर, जडा बकत दी शुरुआत ला लेईकरी हुणे दीकर कने हमेशा तांई नी बदलदा, तू जडी सजा दितियो है, सै सही है।” 6 क्योकि उना तेरे लोकां कने परमेश्वरे दे संदेश देणेबालयां जो मारी दिता, इस तांई तू हुण उना जो खून पिणे तांई दिन्दा है। ऐई उना तांई खरा है। 7 मै फिरी वेदिया ला कुसी जो बोलेदे सुणया, “हाँ, हे सारयां ला शक्तिशाली प्रभु परमेश्वर, ऐ सच्च है की जियां तू लोकां दा न्याय करदा है सै सही है।” 8 चौथे स्वर्गदूते जडा उदे कटोरे च था उनी सूरजे पर नियोरी दिता, कने सूरजे जो अपणी गर्मीं बदणे दी इजाजत दिती, इसा बजा ला लोक जादा गर्मियां दिया बजा ला फकुई गे, 9 इस तांई उना परमेश्वरे जो शाप दिता था, क्योकि सेई था जिदे बाल सजा देणे दा हक था। उना हल्ले भी अपने पापां ला पञ्चाताप नी किता कने परमेश्वरे दी निंदा किती, उना हल्ले दीकर परमेश्वरे दिया महानता जो नी मनया। 10 पंजमे स्वर्गदूते जडा उदे कटोरे च था उनी उस जानवरे दे सिंहासने पर नियोरी दिता, कने जिस राज्य पर जानवर राज करदा था उस पर नेरा छाई गया; कने

मिंजो अपने काबू च लेई लिया, कने मै ओथु इक जनानिया जो दिखया जडी इक लाल रंगे दे जानवरे पर बेठियो थी, जिसादे सत सिर कने दस सिंग थे। उदा शरीर परमेस्वर दे खिलाफ लिखयो ना ला भस्या था। 4 इना जनानिया बैगणी, कने लाल रंगे दे कपडे पायो थे। उना अपने शरीर जो सोने दे मंगे मणियां कने मोतियां ला सजाया था। कने उसा दे सज्जे हथे च शराबा ला भस्या सोने दा गलास पकडया था, जडा उसा दे बुरे कम्मा कने गंदे यौन कम्मा जो दसदा है। 5 कने उसा दे मथे पर इक ना लिखया था जिदा इक गुण मतलब है, “मै महान शहर बाबेल है। मै सारियां बेश्यां दी मां है कने संसारे दे सारे बुरे कम्मा दा जरिया है।” 6 कने मै दिखया की जनानी परमेस्वरे दे लोकां दे खूने दे नशे च थी, जिना जो लोकां मारी दितया था क्योंकि सै यीशुए पर भरोसा करदे थे। कने उसयो दिखीकरी मिंजो बडी हेरानी होई। 7 उनी स्वर्गदूते मिंजो ला बोलया, “तू हेरान मत हो। मै तिजो इसा जनानी, कने उस जानवरे दा, कने जिस पर सै बेठियो है, जिदे सत सिंग न कने दस सर न, गुण भेद समझांगा।” 8 जडा जानवर जिसया तू हुण दिखया, इक बकत पेहले जिन्दा था, पर हुण नी है, कने सै हुण अथाह कुंडे ला बार ओणे बाला है कने परमेस्वरे पुरे तरीके ला नाश करी देणा। धरती पर रेणेबाले लोक जिना दे ना परमेस्वरे संसार शुरू होणे ला पेहले जिन्दया दिया कताबा च नी लिखयो, उना सारयां हेरान होई जाणा जालू उना इस जानवरे जो दिखणा। इक बकत पेहले सै जिन्दा था; हुण सै जिन्दा नी है; पर उनी फिरि बापस मुडी ओणा। (Abyssos g12) 9 ऐ समझणे तांई तुहांजो ज्ञान दी जरूरत है: जानवरे दे सतो सर उस शेहरे जो दूशादे न जिस पर ऐ जनानी राज करदी है। कने सै सत राजयां जो भी दूशादे न। 10 कने सै जडे सत राजा न, उना चे पंज तां पेहले ही मरी गियो न; उना चे इक हुण राजा है कने आखरी बाला हल्ले दीकर आया नी है, पर जालू उनी ओणा तां उनी थोडे बकते तांई राज करणा। 11 सै जानवर जडा बडे पेहले रेंदा था कने हुण नी है, सै अठमा राजा है। पर सै अठमा राजा पेहले सत राजयां चे इक है। आखरी च उस राजे जो पक्का ही हमेशा तांई सजा मिलणी। 12 जडे दस सिंग तू पेहले दिखे थे, सै उना दस राजयां जो दूशादे न जिना हल्ले दीकर राज करणा शुरू नी कितया है। उना दस राजयां जो उस जानवरे सोगी मिलिकरी थोडे दे बकते तांई राज करणे दा अधिकार मिलणा। 13 इना सारयां राजयां दा इक ही मकसद है, कने उना अपणी-अपणी शक्ति कने अधिकार जानवरे जो देई देणा। 14 “जानवर कने इना दसां राजयां छेलुये दे खिलाफ युद्ध करणा, पर छेलुये उना जो हराई देणा, क्योंकि सै प्रभुआं दा प्रभु, कने राजयां दा राजा है। उनी उना जो अपने सदयो, चुणयो कने भरोसे दे काबील चेलयां सोगी हराई देणा।” 15 स्वर्गदूते भी मिंजो ऐ भी बोलया, “जडा पाणी तू पेहले दिखया था, जिस पर सै बेश्या बेठियो थी, सै सारे संसारे दे लोक न, जडे सारियां जातियां, धर्म, देश दे कने लग-लग भाषा बोलणे बाले न।” 16 सै बकत ओणा जालू जानवर उना दस राजयां सोगी जडे उदे सोगी न, उस बेश्या ला नफरत करणी जडी उस पर बेठियो है। उना उस पर हमला करणा, उसयो नंगा करणा, उना उदे मिटे दा

हिस्सा खाई जाणा, कने बाकियां जो उना फुकी देणा। 17 सै जनानी जिसया तू दिखया था, सै बड्डा शहर है जडा धरती पर सारे राजयां पर शासन करदा है। ऐ चीजां उदे सोगी होई ना, क्योंकि परमेस्वरे अपने मकसदे जो पूरा करणे तांई उना दे मना दा मार्गदर्शन किता है। ऐई बजा है की उना अपना अधिकार जानवरे जो देई दिता ताकि सै राज करे, जालू दीकर सै पूरा नी होई जा जडा परमेस्वरे बोलया था।

18 इदे बाद मै इक होर स्वर्गदूते जो स्वर्गे ला उतरदे दिखया। उदे बाल बड्डा अधिकार था कने उदिया चमका दिया बजा ला सारिया धरतिया पर लौ होई गई। 2 उनी जौरे ला पुकारी करी बोलया, “बाबेल देश दा सर्वनाश होई गया! बड्डे बाबेल देश दा सर्वनाश होई गया।” कने सै बुरियां आत्मा दा घर, कने हर इक अशुद्ध आत्मा दा अडा, कने हर इक अशुद्ध कने बुरे पछियां दा अडा होई गया। 3 ऐ इसा बजा ला होणा क्योंकि उना जनानिया जडी बाबेल शहर है, उना हर इक देशे दे सारे लोकां जो सै शराब पियाईयो है जडी उसा दी मूर्तियां दी पूजा है। सारिया धरतिया दे राजा उदे गंदे कम्मा च शामिल होयो न। धरतिया दे व्यपारी उसा जनानिया दिया मंगियां-मंगिया चीजां दिया इच्छा दिया बजा ला अमीर बणी गे। 4 फिरि मै स्वर्गे ला इक हर अबाज सुणी, “हे मेरे लोको, उस शेहरे ला निकली जा। उना लोकां सोगी मिली करी पाप मत करा, ताकि तुहांजो उना सोगी सजा ना मिल्ले।” 5 क्योंकि उना दे पाप बडे बडे न, जिना दा ढेर अम्बरे दीकर लग्गी गया है, कने परमेस्वर उसा बुराई जो कदी नी भुलदा है जडी उना कितियो है। 6 इस तांई मै बोलदा है, उस शेहरे सोगी भी सियुदा ही कर जियां उनी दुज्जयां सोगी कितया है, उदे सारे बुरे कम्मा तांई उसयो दो गुणा बदला दे। उस शेहरे तांई दौगुनी शक्तिशाली यातना दी तैयारी कर जदियां यातना सोगी उनी दुज्जयां लोकां सोगी जुलम कितया था। 7 तू उसयो पक्का ही बडी जादा पीड कने दुख देणी जडा उदे जिन्दगी जिणे दे तरीके कने उदे अपने आपे दे घमंडे दे बराबर है। उनी अपने आपे ला बोलया, “मै इक राणिया सांई लोकां सांई राज करणा।” इक बिधवा नी है कने मिंजो कदी दुख नी होणा। 8 उदे अपनी बडाई करणे दिया बजा ला उस अचानक मुसीबतां आई पोंणियां। सिर्फ इकी ही दिने च बिमारी कने शोक कने अकाल उस पर इक सोगी आई जाणा। कने उसयो अग्गी च भस्म करी देणा, क्योंकि प्रभु परमेस्वर शक्तिशाली है, कने उनी उसयो सजा देणी। 9 कने राजे शेहरे जो फकुंदा दिखणा तां उना उदे तांई रोणा कने दुख मनाणा। 10 कने सै उसा सजा ला डरदे न जडा उसा जो पीड दिन्दा है, बड्डे शहर, बाबेल। हे मजबूत शहर, हाय। हाय। थोडे दे बकत च, परमेस्वरे तेरा न्याय करी दिता कने सजा दिती। 11 धरती दे व्यपारियां उदे तांई रोणा कने दुख मनाणा है, क्योंकि हुण कुनी भी उना दा माल नी खरीदणा है। 12 उना दा माल केईयां तरा दा था। उदे च सोना, चांदी, रतन, मोती थे। उदे च बडे छेल कने मंगे धागे चमकीले लाल बैजणी, रेशमी, कपडे दे बणायो थे। उदे च खुशबुदार लकडिया ला बणियां चीजां, हाथिये दे दंदा ला बणियां चीजां थियां, होर भी बाकी चीजां थियां जडियां मंगी लकडिया या पीतल, लोहा, या संगमरमर

दियां बणिंयां थियां, 13 कने लोक दालचीनी, मसाले, धूप, इत्र, लोबान, शराब, तेल, मैदा, गाय-बैल, भेड-बकरियां, घोड़े, रथ, कने दास कने माणुणे दे प्राण नी खरिददे थे। 14 व्यपारियां उसला बोलणा, सै सारियां चीजां जिना दी तू इच्छा रखदी थी हण नी न। हण सारियां छेल खुशबुआ बालियां चीजां जडियां तिजो पसंद थियां, सै सारियां चीजां जिना जो तू अपने शरीर जो सुंदर बनांदी है, सै सारियां गबाची गियां न, हण नी मिलदियां। 15 इना चीजां दे व्यपारी जडे उदे जरिये अमीर होई गियो थे, उसा दी पीडा दे डरे ला उना दूर खडोणा कने रोंदे-रोंदे बोलणा, 16 हाय! हाय! ऐ बडा शहर जिनी मलमल कने लाल रंग दे कपडे पायो थे, कने सोने कने मोतियां ला सजया था; 17 घडिया च ही उदा सारा धन खतम होई गिया। जाजे दे सारे कतान कने सै सारे जडे जाजे पर यात्रा करदे न, कने सै सारे जडे समुंदरे ला अपना गुजारा करदे न, बाबेल शेहरे ला बडे दूर खडोई करी दिखदे रे। 18 कने जालू उना शेहरे जो फकुंदे कने अग्गी ला निकलदे धुंए जो दिखणा कने चिल्लाणा, इस सांई महान शहर होर कोई नी होया! 19 कने उना अपना दुख दसणे तांई अपने-अपने सिरां पर धुड पाणी है, कने रोंदे-रोंदे कने चीलाई करी बोलणा, हाय। हाय। ऐ बडा शहर जिदिया संपतिया ला समुंद्रे दे सारे जाजां बाले अमीर होई गियो थे, सै घडिया च ही सारा उजडी गिया। 20 तू जडा स्वर्ग च रेदा है, कने हे परमेस्वरे दे लोको, कने प्रेरितां, कने परमेस्वरे दे संदेश देणेबालयां, जडा उस सोगी होया उस पर खुश होआ, क्योंकि परमेस्वरे बाबेल शेहरे जो उना गल्लां च दोषी बनाया है जडियां उनी तुहाडे सोगी कितियां न। 21 फिरी इक जोरे बाले स्वर्गदूते बडिया चक्किया दे चक्के दे बराबर इक पथर चुकया, कने ऐ बोली करी समुंदरे च सूटी दिता, “जियां इस पथरे जो समुंदरे च फेकदे न,” कने सै दोबारा नी मिलदा है, तियां ही सै महान शहर बाबेल भी इक ही बरी च खत्म होई जाणा, कने दुबारा नी बणाणा। 22 बाबेल शहर तेरियां गलियां च फिरी कदी भी गाणा बजाणा नी सुणोणा, कोई भी गायकां, बंसरी बजाणे बालयां, कने तुरही बजाणे बालयां दा संगीत नी होणा। तुहाडे सारे माहिर कर्मचारी गायब होई जाणे, कने तुहाडियां मिलां बाल पिणे तांई कोई अनाज नी होणा। 23 कने उदियां राती नेरियां होणियां, ऐथू दीकर की इक भी दिय्या नी बलना। ओथु कुसी भी लाडा लाडिये दिया खुशिया दी गल्ल नी होणी। ऐसा इस तांई होणा क्योंकि उदे व्यपारियां जडे दुनिया भर च सारयां ला बडे थे उना अपने जादू टोणे ला देशां जो धोखा दिता है। 24 परमेस्वरे बाबेल जो इस तांई सजा दिती क्योंकि सै परमेस्वरे दे संदेश देणेबालयां जो, कने होर सारे लोकां जो जडे परमेस्वरे दे न, कने धरती दे लोकां जो मारणे दा दोषी था।

19 जालू सै जोरे बाला स्वर्गदूत बोली बैठा तां इदे बाद मै जडा सुणया सै इयां था जियां मते लोक गा दे होन, “परमेस्वरे दी महिमा हो! तू ही है जडा उद्धार करदा है, कने सामर्थ्य साडे परमेस्वरे दी ही है।” 2 उदी स्तुति करा क्योंकि उदे सारे फैसले सही कने सच्चे न। उनी बदनाम बेश्या दा न्याय करिरी बदला लिया क्योंकि उना संसारे दे लोकां जो पाप करणे तांई भरमाया। परमेस्वरे उसा

बेश्या दा न्याय करिरी बदला लिया क्योंकि उना अपने दास मारयो थे। 3 फिरी दूजी बरी उना बोलया, “हालेलूय्याह! बाबेल जो नाश करणे बालिया अग्गी ला निकलणे बाला धुंआ उठदा रेणा कने कदी बंद नी होणा।” (aiōn g165) 4 कने चोबियाँ अग्वां कने चारों जिन्दे प्राणियां गोडे भार बेईकरी परमेस्वरे जो दण्डवत किता, जडा सिंहासने पर बैठया था, कने बोलया, “आमीना परमेस्वरे दी स्तुति हो।” 5 कने फिरी मै कुसी जो बोलदे सुणया, कने ऐसा लगया की जियां ऐ अबाज परमेस्वरे दे सिंहासने ला आई हो। उनी बोलया, “साडे परमेस्वरे दे सेबकों कने तुसां जडे उदा डर मंदे न, चाहे बडे दर्जे दे होन या छोटे दर्जे दे होन तुसां सारे परमेस्वरे दी स्तुति करा।” 6 इदे बाद, फिरी मै ऐ भी सुणया जडा बडे जादा लोकां दे चिलाणे सांई था। उना दा चिल्लाणा मते पाणिए दिया अबाजा सांई था, कने बदलां दे गडाकयां दिया अबाजा सांई था। मै उना जो ऐ बोलदे सुणया; परमेस्वर साडा प्रभु, ओआ असां उदी स्तुति करन। क्योंकि उदे बाल हर जगा राज करणे दी शक्ति है। 7 ओआ, असां खुश कने मगन होई जान, कने उदी स्तुति करन, क्योंकि छेलुये दा बियाह होणेबाला है, उदी लाडी शृंगार करिरी कने अपने आपे सजाई करी उदे तांई तैयार है। 8 छेलुये उसयो साफ चमकदार मलमल ला बणयो कपडे पाणे तांई दिते न, जडे शुद्ध न, जडा भरोसा करणे बालयां दे भले कम्मा दा प्रतीक है। 9 तालू स्वर्गदूते मिंजो ला बोलया, “ऐ लिख, धन्य सै न, जिना जो छेलुये दे बियाये दा जशन मनाणे तांई धामा च सदया है।” फिरी उनी मिंजो बोलया, “ऐ बचन परमेस्वरे दे सच्चे बचन न।” 10 जालू मै सुणया तां जडा मिंजो ला गल्लां करा दा था, मै उस माणुणे सामणे झुकी गिया, क्योंकि मै उदी अराधना करा दा था। उनी मिंजो बोलया, मेरी अराधना मत कर, मै भी तेरे सांई परमेस्वरे दा सेबक है कने तेरे भाईयां सांई जडे यीशु मसीह दियां सच्ची शिक्षां पर भरोसा करदे कने मंदे न। तिजो परमेस्वरे दी ही अराधना करणी चाईदी। क्योंकि परमेस्वर आत्मा है जडी परमेस्वरे दे लोकां जो यीशु मसीह दी दसियो सच्चाईया दी घोषणा करणे दे काबिल बणादां है। 11 फिरी मै स्वर्ग की खुलया होया दिखया, कने ओथु मेरे सामणे इक चिट्टा घोडा था; कने उस पर इक सवार था, सै परमेस्वरे दा सच्चा कने भरोसेमंद सेबक था; सै धार्मिक तरीके ला उदे दुशमणा दा न्याय करदा है कने उना दे खिलाफ लडाई करदा है। 12 उदियां हखी अग्गी दियां लपटा सांई चमकदियां थियां, कने उदे सिरे पर मते भरी राजमुकुट थे। उदा इक ना उस पर लिखया था, पर सिर्फ सेई उस नाणे दा मतलब जाणदा था। 13 उनी खूने च डोबया कपडे पायो थे, कने उदा ना परमेस्वरे दा बचन था। 14 कने स्वर्ग दी सेना उदे पिच्छे-पिच्छे थी। सै भी चिट्टे घोडयां पर सवार थे कने उना चिट्टे मलमले दे कपडे पायो थे जिना च कोई भी दाग नी था। 15 उदे मुंए ला इक पैनी तलवार निकली जिसला उनी देशां जो हराई देणा। जडा उदे अधिकारां जो नी अपनांदा उनी उना जो पुरे तरीके ला सजा देणी। उनी सारयां ला शक्तिशाली परमेस्वरे दे भयंकर गुस्से जो इयां ही छडी देणा जियां इक रस्सकुंड ला अंगरा दा रस्स निकलदा है। 16 कने उदिया पोशाका कने उदिया सजिया जंघा पर ऐ ना लिखया है:

“राज्यां दा राजा कने प्रभुआं दा प्रभु है।” 17 फिरी मैं इक स्वर्गदूते जो सूरजे पर खडोतयो दिखया, कने उनी अम्बरे च उच्चे उडदे मांस खाणे बाले सारे पंछियां जो जौरे ला पुकारया, “ओआ, उसा बडिया धामा ताई गिठे होई जा जडी परमेश्वरे तुहाडे ताई तैयार कितियो है।” 18 ओआ कने राज्यां, सेना दे अगुवां, ताकतबर सेनिका, घोडयां कने उना से सवारां दा मास खाओ। तुसां हर तरा दे मरयो लोकां दा मास खाई सकदे न, मतलब की गुलाम कने अजाद, बड़े कने छोटे, सारयां दा मास खा। 19 फिरी मैं उस जानवरे जो दिखया जडा समुंद्रे ला बार आया था, कने धरती दे राज्यां कने उना दियां सेना जो दिखया। सै घोडे पर बोणे बाले कने उदिया सेना दे खिलाफ लडाई लडने ताई इक सोगी आए। 20 कने सै पैला जानवर, कने उदे सोगी सै झूठा परमेश्वरे दे संदेश देणे बाला पकडोई गिया, झूठे संदेश देणेबाले जानवरे दिया तरफा ला चमत्कारी चिन्न दस्से कने उना सारे लोकां जो भटकाया, जिना अपणे मथे पर छाप लाईयो थी कने जडे उदिया मूर्तिया दी पूजा करदे थे। ऐ दोनो जीदे जी उसा अग्गी दिया झिला च पाई दिते, जडी गन्धक ला बलदी है। (Limnē Pyr g3041 g4442) 21 तालू चिह्रे घोडे दे सवारे उस जानवरे दे सारे सेनिका जो मारी दिता, उनी उना जो उसा तलबारा ला बडी दिता जडी उदे मूए ला निकली थी। तालू अम्बरे दे सारे पंछी मरयो लोकां दा मास खाणे ताई आई गे जालू दीकर की उना दा पेट भरई नी जा।

20 फिरी मैं इक स्वर्गदूते जो स्वर्ग ला उतरदे दिखया, जिदे हथे च डुगे कुंडे दी चाबी थी, कने इक बडी जंजीर थी। (Abyssos g12) 2 कने उनी उस पूराणे अजगरे जो झपटी करी पकडी लिया। जिसयो शैतान भी बोलदे न, उनी उसयो बन्नी करी डुगे कुंडे च फेंकी दिता कने दरबाजा बंद करी दिता कने उस पर मोहर लाई दिते ताकि उसयो इक जार सालां दीकर कोई खोले ना। इना जार सालां च शैताने संसारे लोकां जो धोखा नी देई सकणा। उदे बाद उसयो थोडे बकते ताई छडी देणा। (Abyssos g12) 4 फिरी मैं कुछ सिंहासन दिक्खे, कने जडे लोक उना सिंहासन पर बैठयो थे उना जो राज करणे दा हक दितया था। मैं उना लोकां दियां आत्मा जो भी दिखया जिना दे सिरां जो बूढी दितया था क्योंकि उना ऐ मन्नी लिया था की यीशु उना दा प्रभु है, कने सै परमेश्वरे दे बचने पर भरोसा करदे थे। उना जानवर या उदिया मूर्तिया दी पूजा नी कितियो थी कने इना अपणे मथे कने हथां पर जानवरे दी छाप नी लाईयो थी। ऐ लोक दुबारा ला जिन्दे होई गे कने इना इक हजार सालां दीकर मसीह सोगी राज कित। 5 मरयां चे जिन्दे होणे बालयां चे ऐ सारयां ला पेहले थे कने ऐ बडे जादा सोभाग्यशाली कने पबित्र न। दूजी मौत दा उना पर कोई अधिकार नी है। सै परमेश्वरे दे कने मसीह दे याजक होणे कने उना सोगी इक हजार साल दीकर राज करणा। इना इक हजार सालां ला पेहले कुसी भी भरोसा करणे बालयां जो जडे मरी गियो थे जिन्दा नी कितया। 7 जालू हजार साल पुरे होई जाणे तां स्वर्गदूते शैताने जो ओथु ला जिथू सै बन्नया था अजाद करी देणा कने उनी उना देशां जो धोखा देणे ताई बार आई जाणा जडे पुरे संसारे च खिडयो न। इना देशां जो गोग कने मागोग बोलदे न। शैताने उना सारयां जो इकी जगा

पर गठेरी देणा जिथू उना लडाई करणी। उना समुंदरे दे बखे दिया रेता बराबर होणा की कुनी उना जो गिणी नी सकणा। 9 कने सै सारिया धरतिया पर हर जगा गे। उना उस शेहरे जो घेरी लिया, जिसयो परमेश्वर प्यार करदा है, जिथू उदे लोक रेंदे थे। परमेश्वरे दिया तरफा ला कने स्वर्ग ला अगग आई उना पुरिया सेना जो भस्म करी दिता। 10 इदे बाद शैतान पकडोई जाणा, जिनी हर देशे दे लोकां जो भटकाया कने उसयो गन्धक दिया अग्गी च फेंकी देणा, मतलब की उसा अग्गी च जडी झीला सांई बूढी है। जिदे अंदर उस जानवरे जो कने परमेश्वरे झूठे संदेश देणेबालयां जो पेहले ही फेंकी दितया था। उसा अग्गी च उना जो हमेशा ताई दिन रात सताया जाणा है। (aiōn g165, Limnē Pyr g3041 g4442) 11 फिरी मैं इक चिट्टा सिंहासन दिखया जिस पर परमेश्वर बिराजमान था। पर ओथु जिथू परमेश्वर बिराजमान था, ओथु ला धरती कने स्वर्ग सारा गायब होई गिया कने फिरी कुनी भी उना जो नी दिखया। 12 फिरी मैं मरयो लोकां जो उस सिंहासने सामणे खडोतयो दिखया मतलब की उना जो जडे खास न कने आम लोक न। सै लोक जडे समुंद्रे च डूबी करी मरी गियो थे कने कबरां दे सारे मरयो लोक, कने सै सारे लोक जडे मरयां दिया जगा पर थे, सै सारे उस सिंहासने सामणे खडोते। कने कताबां च लिखियां गल्लां दे अनुसार, जडा-जडा उना कितया उदे अनुसार उना दा न्याय होणा। (Hadēs g86) 14 सै सारे लोक जिना दे ना जिन्दगिया दिया कताबा च नी लिखयो थे, उना जो अग्गी दिया झिला च फेंकी दिता। इदे बाद मौत नी है, हण मरयां दी कोई जगा नी है क्योंकि सै सारे लोक जिना दे ना जिन्दगिया दिया कताबा च नी लिखयो थे उना जो अग्गी दिया झिला च फेंकी दिता, इसा जो ही दुज्जी मौत बोलदे न, जडा की अग्गी दिया झिला च सजा है। (Hadēs g86, Limnē Pyr g3041 g4442)

21 फिरी मैं नोआ स्वर्ग कने नोई धरती दिखी, क्योंकि पूराणी धरती कने स्वर्ग हण नी थे। कने हण कोई समुन्द भी नी था। 2 फिरी मैं पबित्र नोए शेहर यस्सलेमे जो भी दिखया, जडा स्वर्ग ला परमेश्वरे दिया तरफा ला थले ओआ दा है। उस शेहरे जो नोईया लाडिया सांई तैयार कितया था, जिना जो कपडे पहनाई करी कने श्रृंगार कितया है जडी लाडे सोगी बियाह करणे ताई तैयार है। 3 फिरी मैं इक अबाज सुणी जडी परमेश्वरे दे सिंहासने ला जौरे ला बोली, “दिख, हण परमेश्वरे लोकां बिच अपना घर बनाणा।” उनी उना सोगी रेंणा, कने सै उदे लोक होणे, उनी अपु उना जो अपणे लोकां दे स्पे च अपनाणा कने उनी उना सोगी रेंणा कने उना भी उसयो परमेश्वरे दे स्पे च अपनाई लेणा। 4 परमेश्वरे उना दियां हखी ला सारे आंसू पूज्जी देणे; कने इदे बाद कुसी भी माणुए जो दुख नी सेहणा पोणा, रोणा नी पोणा, दर्द महस्स नी होणा, ना ही कूदी मौत होणी क्योंकि पूराणे संसारे दियां सारियां चीजां गायब होई गियां न। 5 कने जडा सिंहासने पर बैठया था, उनी बोलया, “दिख, मैं सब कुछ नोआ करी दिन्दा है।” फिरी उनी बोलया, “लिखि ले, क्योंकि जडा मैं बोलदा है उदे पर भरोसा करी सकदा है। ऐ गल्लां पक्का ही होणियां।” 6 फिरी उनी मिजो बोलया, सब कुछ मुकी

गिया है। मैं अलफा कने ओमेगा, कने श्शूआत कने अंत है। जडा कोई प्यासा है, मैं उसयो उस पाणिए ला मुफ्त पांणी पिणे ताई देणा जडा हमेशा दी जिन्दगी दिन्दा है। 7 जडा शैताने जो हराई दिन्दा है, उसयो मिजो ला सै ऐ सारियां आशीषां मिलणियां; कने मैं उदा परमेश्वर होणा कने सै मेरा पुत्र होणा। 8 पर जडे मिजो पर भरोसा नी रखदे, उना जो जोर लाईकरी गंधक बालिया उसा झिला च पाई देणा, जडी दुज्जी मौत है। कने सेई अंजाम उना दा भी होणा, जडे लोकां दे सामणे मिजो अपनाणे ला डरदे न, बुरे कम्म करदे न, जडे हत्यारे न, गंदे कम्म करदे न, जादू टोणा करदे न, मूर्तियां दी पूजा करदे न, या झूठ बोलदे न। (Limnē Pyr g3041 g4442) 9 फिरी उना सतां स्वर्गदूतां चे इकी जिना माणुए दिया जाति पर सत आखरी मुसीबतां ला भरयो कटोरे न्योरे थे, मिजो सोगी गल्ल किती कने उनी बोलया, “ऐथू ओआ, मैं तिजो लाडी दसणी जिदा जल्दी ही छेलुये सोगी बियाह होई जाणा है।” 10 तालू परमेश्वरे दिया आत्मा इक दर्शण दसया। उस दर्शने च स्वर्गदूत मिजो इक बडे बड्डे पाडे पर लेई गिया। कने पबित्र शेहर यस्शलेम दसया, जडा परमेश्वरे दिया तरफा ला स्वर्गे ला थले उतरया था। 11 शेहर परमेश्वरे ला मिलणे बालिया लौई ला चमका दा था, कने उदी ज्योति बडे कीमती पथर मतलब की यशब नाए दे बेशकीमती पथरे सांई चमका दी थी, कने शीशे सांई साफ थी। 12 शेहरे दियां चारो पासे दियां दिबारां बडिया उच्चिया थियां, कने शेहरे च बारा दरबाजे थे कने उना सारे दरबाजयां च इक स्वर्गदूत पेहरा दे दा था कने उना दरबाजयां पर झ्झाएलियां दे बारा गोत्रां दे ना लिखयो थे। 13 शेहरे दिया चारों दिशां च तिन दरबाजे थे: पूर्व, पच्छिम, उत्तर कने दक्षिण च। 14 उना शेहरे दियां दिबारां बारा बड्डे-बड्डे पथरां उपर बणाईयां थियां, कने उना हर इक पथरे पर छेलुये दे बारह प्रेरितां दे नां लिखयो थे। 15 सै स्वर्गदूत जडा मिजो सोगी गल्लां करा दा था, उदे बाल दरबाजयां कने उदियां दिबारां जो नापणे तांई इक सोने दा गज था। 16 उस शेहरे दे चार सिरे थे कने चारो सिरे इकोदे थे। स्वर्गदूते उस सोने दे फीते ला शेहरे जो नापया; इदी लम्बाई दो हजार चार सौ किलो मीटर थी। इदी चौडाई कने उच्चाई लम्बाईया बराबर ही थी। 17 इदे बाद स्वर्गदूते दिबारां दी उच्चाई नापी। उनी इसयो भी इयां ही नापया जियां लोक चीजां जो नापदे न। दिवार छियासठ मीटर उच्चि थी। 18 शेहर खरे सोने ला बणया था जडा शीशे सांई चमकदा था कने उदियां दिबारां यशब नाए दे कीमती पथरे ला बणियां थियां। 19 उस शेहरे दियां नियां कीमती बारा बड्डे-बड्डे पथरां पर बणियां थियां; पैली नी यशबे दी, दुज्जी नीलमणी दी, तीजी लालडीऐ दी, चोथी मरकते दी, 20 पंजमी गोमेदके दी, छेमी माणिक्ये दी, सतमी पीतमाणिए दी, अठमी पेरोजे दी, नौमी पुखराजे दी, दसमी लहसनिये दी, गयारमी धूपकांते दी, कने बारमी याकूबे दी थी। 21 बारा दरबाजे भी इक-इक कीमती मोतियां ला बणयो थे, कने शेहरे दियां सडकां खरे सोने दियां बणियां थियां जडियां शीशे सांई चमकदियां थियां। 22 मैं इस शेहरे च कोई मंदिर नी दिखया क्योकि सारयां ला शक्तिशाली प्रभु परमेश्वर कने छेलू उस शेहरे च है। इस तांई ओथु मंदरे दी कोई

जस्सुरत नी है। 23 उस शेहरे च ना सूरजे दी कने ना चन्द्रमे दी जस्सुरत है, क्योकि सै शेहर परमेश्वरे कने छेलुये दिया रोशनिया ला रोशन है। 24 उस शेहरे च चमक संसारे च रेणे बालयां सारे लोकां जो रौशनी दिन्दी है कने संसारे दे सारे राजयां अपणिया-अपणिया दौलता जो उस शेहरे च लेई ओणा है। 25 उस शेहरे दे दरबाजे दिन भर खुले रेंदे न। सै कडी कदी भी बंद नी होंदी क्योकि ओथु कदी भी रात नी होंदी। 26 संसारे दे लोकां संसारे दियां सारियां खुबसूरत चीजां जो कने लोकां दिया धन दौलता जो उस शेहरे च लेई ओणा है। 27 पर जडे कुछ भी गंदा था या सै लोक जडे बुराई करदे न या झूठ बोलदे न, उना जो पक्का ही उस शेहरे च अंदर ओणे दी इजाजत नी है। ओथु सिर्फ सेई लोक अंदर जाई सकदे न जिना दे ना छेलुये दिया जिन्दगिया दिया कताबा च लिखयो थे।

22 तालू स्वर्गदूते मिजो इक नदी दस्सी जिदे च जिन्दगी दा पांणी था। पांणी शीशे सांई चमका दा था। ऐ नदी परमेश्वर कने छेलुये दे सिंहांसने दे थले ला बेह दी थी। 2 नदी शेहरे दिया सडका दे बिचो बिच ला गुजरदी थी। नदिया दे हर इक किनारे पर जिन्दगी देणेबाले स्ख लगयो थे जडे हर साल बारा बरी फल दिन्दे थे मतलब की हर मिने च इक बरी। संसारे दे लोक उना दे पतयां दा उपयोग अपणियां बिमारियां जो ठीक करणे तांई करदे न। 3 उस शेहरे च कुछ भी ऐसा नी है जडा परमेश्वरे दे श्राप दे अधीन है। परमेश्वर कने छेलुये दा सिंहासन उस शेहरे च होणा, कने परमेश्वरे दे सेवकां उदी अराधना करणी। 4 उना परमेश्वरे जो आमणे सामणे दिखणा, कने परमेश्वरे दा नां उना दे मथे पर लिखया होणा। 5 कने ओथु फिरी कदी रात नी होणी, कने शेहरे दे लोकां जो रस्ते च चलणे तांई दिख्ये दी जस्सुरत नी होंगी कने ना ही सूरजे दिया लौई दी जस्सुरत थी, क्योकि परमेश्वरे ही है जडा लोकां जो लौ दिन्दा है। जडे लोक ओथु रेंदे न उना हमेशा तांई राजयां सांई राज करणा। (aiōn g165) 6 तालू स्वर्गदूते मिजो ला बोलया, “ऐ सारियां गल्लां जडियां तिजो दसियां न, सै सच्च न कने पुरे तरीके ला भरोसा करणे दे काबिल न। क्योकि प्रभु परमेश्वरे जिनी संदेश देणेबालयां दे मना दा मार्गदर्शन करणे तांई अपणा आत्मा दितया था, सेई है जिनी मिजो, जडा की उदा स्वर्गदूत है, तिजो ऐ दसणे तांई भेजया है जडा जल्दी ही होणा।” 7 “कने दिख, मैं तौली ओणे बाला है; सै धन्य न जडे इसा कताबा च लिखियां भविष्यवाणियां जो मंदे न।” 8 मैं सेई यहूना है जिनी इना सारियां गल्लां जो दिखया कने सुणया है। कने जालू मैं इना गल्लां जो सुणया कने दिखया, तां मैं स्वर्गदूते दी अराधना करणे तांई उदे पैरां च पेई गिया। 9 पर उनी मिजो ला बोलया, “इयां मत कर; क्योकि मैं तेरा कने तेरे भाई जडे परमेश्वरे दे संदेश देणेबाले न कने इसा कताबा दियां गल्लां जो मनणे बालयां सांई साथी सेबक है, सिर्फ परमेश्वरे दी ही अराधना कर।” 10 फिरी उनी मिजो बोलया, इसा कताबा दिया भविष्यवाणियां दिया गल्लां जो लोकां ला मत लुका; क्योकि इना चीजां दा पूरा होणे दा बकत नेडे आई गिया है। 11 “जडा कोई भी बुरे कने गंदे कम्म करदा है, उना जो सै बुरे कने गंदे कम्म करदे रेणा चाईदा। कने तियां ही जडे कोई अच्छे कने पबित्र

कम्म करदे न, उना जो अच्छे कने पबित्र कम्म करदे रेणा चाईदा।”

12 ताल् प्रभु योशुये बोलया, मै तौली ही ओणे बाला है; कने लोकां जडे-जडे कम्म कितया न, मै उना जो उना दे कम्मा जो दिखीकरी इनाम कने सजा देंगी। 13 “मै अलफा कने ओमेगा, पेहला कने आखरी, शुस्आत कने अंत है।” 14 धन्य न सै, जडे अपने कपड़यां जो छेलुये दे खूने ला धोई लेदे न मतलब की अपने पापां जो खत्म करी दिन्दे न, इस ताई उना जो शेहरे दे दरबाजयां अंदर कने जिन्दगी दे सखे दे फल खाणे दा हक है। 15 पर जडे बुरे कम्म करदे न, जादू टोंगा, व्यभिचारी, खूनी, मूर्तिपूजक, कने हर इक झूठ जो पसंद करणे बाले कदी भी अंदर नी जाई सकदे न। 16 मै, यीशुए अपने स्वर्गदूते जो तुहाडे बाल इना गल्लां दी घोषणा करणे ताई भेजया है जडियां परमेश्वरे दिया कलीसिया च होन। मै राजा दाऊद दा बंशज है, कने मै ही ब्यागा दे तारे साई है। 17 कने परमेश्वरे दी आत्मा कने छेलुये दी लाडी योशुये ला बोलदे न, “तिजो पक्का ओणा चाईदा।” हर इक जडा ऐ सुणदा है, उसयो भी ऐ बोलणा चाईदा, “आ!” कने जडा कोई भी प्यासा है, सै ओऐ कने उस पाणिऐ जो पिया जडा जिन्दगी दिन्दा है, जडा की उना सारयां जो मुफ्त मिलदा है जडे उसयो पिणा चांदे न। 18 मै यूहन्ना है कने मै तुसां सारयां जो ऐ चेताबनी दे दा है, जडे इसा कताबा दिया भविष्यवाणियां जो सुणदे न, जडियां हण होआ दियां न कने अग्रे होणे बालियां न, जडियां मै इसा कताबा च लिखियां न; अगर कोई माणु इना गल्लां च कुछ भी बदांदा है, तां परमेश्वरे उदिया सजा जो भी बधाई देणा। उनी तुहांजो उना मुसीबतां ला मारणा, जडियां मै इसा कताबा च लिखियां न। 19 अगर कोई ऐसा माणु है जडा इसा कताबा च भविष्यवाणिया दियां गल्लां च कुछ हटाई दिन्दा है, तां परमेश्वरे तुहांजो ला उना आशीषां जो लेई लेणा जडियां मै इसा कताबा च लिखियां न कने परमेश्वरे उस जिन्दगी दे सख ला फल खाणे कने पबित्र शेहरे च रेणे दा हक भी बापस लेई लेंगा। 20 ऐ यीशु मसीह दे शब्द न जडा उना सारियां गल्लां दी गबाई दिन्दा है जडियां इसा कताबा च लिखियां न, सै बोलदा है “हां, मै तोल्ली ओणे बाला है।” मै यूहन्ना जबाब दिता, “आमीन, हे प्रभु यीशु मसीह आ।” 21 मै प्राथना करदा है की साडे प्रभु यीशु मसीह दा अनुग्रह हमेशा तुसां सारयां पर होंदा रे। आमीन।



फिरी में पबित्र नोए शेहर यस्शलेमे जो भी दिखया, जडा स्वर्गे ला परमेव्वरे दिया तरफा ला थले ओआ दा है। उस शेहरे जो नोईया लाडिया सांई तैयार कितया था, जिसा जो कपडे पहनाई करी कने श्रृंगार कितया है जडी लाडे सोगी बियाह करणे तांई तैयार है। फिरी में इक अबाज सुणी जडी परमेव्वरे दे सिंहासने ला जोरे ला बोली, “दिख, हुण परमेव्वरे लोकां बिच अपना घर बणाणा।” उनी उना सोगी रैणा, कने सै उदे लोक होणे, उनी अपु उना जो अपने लोकां दे स्पे च अपनाणा कने उनी उना सोगी रैणा कने उना भी उसयो परमेव्वरे दे स्पे च अपनाई लेणा।

प्रकाशितवाक्य 21:2-3

Reader's Guide

भटियाली at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

भटियाली at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Bhattiyali---Bhattiyali-Bible/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

लूका 8:31
रोमियो 10:7
प्रकाशितवाक्य 9:1
प्रकाशितवाक्य 9:2
प्रकाशितवाक्य 9:11
प्रकाशितवाक्य 11:7
प्रकाशितवाक्य 17:8
प्रकाशितवाक्य 20:1
प्रकाशितवाक्य 20:3

aidios

रोमियो 1:20
यहूदा 1:6

aiōn

मती 12:32
मती 13:22
मती 13:39
मती 13:40
मती 13:49
मती 21:19
मती 24:3
मती 28:20
मरकुस 3:29
मरकुस 4:19
मरकुस 10:30
मरकुस 11:14
लूका 1:33
लूका 1:55
लूका 1:70
लूका 16:8
लूका 18:30
लूका 20:34
लूका 20:35
यहून्ना 4:14
यहून्ना 6:51
यहून्ना 6:58
यहून्ना 8:35
यहून्ना 8:51
यहून्ना 8:52
यहून्ना 9:32
यहून्ना 10:28
यहून्ना 11:26
यहून्ना 12:34
यहून्ना 13:8
यहून्ना 14:16

प्रेरितां दे कम्म 3:21
प्रेरितां दे कम्म 15:18
रोमियो 1:25
रोमियो 9:5
रोमियो 11:36
रोमियो 12:2
रोमियो 16:27
1 कुरिन्थियों 1:20
1 कुरिन्थियों 2:6
1 कुरिन्थियों 2:7
1 कुरिन्थियों 2:8
1 कुरिन्थियों 3:18
1 कुरिन्थियों 8:13
1 कुरिन्थियों 10:11
2 कुरिन्थियों 4:4
2 कुरिन्थियों 9:9
2 कुरिन्थियों 11:31
गलातियों 1:4
गलातियों 1:5
इफिसियों 1:21
इफिसियों 2:2
इफिसियों 2:7
इफिसियों 3:9
इफिसियों 3:11
इफिसियों 3:21
इफिसियों 6:12
फिलिप्पियों 4:20
कुलुसियों 1:26
1 तीमुथियुस 1:17
1 तीमुथियुस 6:17
2 तीमुथियुस 4:10
2 तीमुथियुस 4:18
तीतुस 2:12
इब्रानिया 1:2
इब्रानिया 1:8
इब्रानिया 5:6
इब्रानिया 6:5
इब्रानिया 6:20
इब्रानिया 7:17
इब्रानिया 7:21
इब्रानिया 7:24
इब्रानिया 7:28
इब्रानिया 9:26
इब्रानिया 11:3
इब्रानिया 13:8
इब्रानिया 13:21
1 पतरस 1:23

1 पतरस 1:25
1 पतरस 4:11
1 पतरस 5:11
2 पतरस 3:18
1 यहून्ना 2:17
2 यहून्ना 1:2
यहूदा 1:13
यहूदा 1:25
प्रकाशितवाक्य 1:6
प्रकाशितवाक्य 1:18
प्रकाशितवाक्य 4:9
प्रकाशितवाक्य 4:10
प्रकाशितवाक्य 5:13
प्रकाशितवाक्य 7:12
प्रकाशितवाक्य 10:6
प्रकाशितवाक्य 11:15
प्रकाशितवाक्य 14:11
प्रकाशितवाक्य 15:7
प्रकाशितवाक्य 19:3
प्रकाशितवाक्य 20:10
प्रकाशितवाक्य 22:5

aiōnios

मती 18:8
मती 19:16
मती 19:29
मती 25:41
मती 25:46
मरकुस 3:29
मरकुस 10:17
मरकुस 10:30
लूका 10:25
लूका 16:9
लूका 18:18
लूका 18:30
यहून्ना 3:15
यहून्ना 3:16
यहून्ना 3:36
यहून्ना 4:14
यहून्ना 4:36
यहून्ना 5:24
यहून्ना 5:39
यहून्ना 6:27
यहून्ना 6:40
यहून्ना 6:47
यहून्ना 6:54
यहून्ना 6:68

यहन्ना 10:28
यहन्ना 12:25
यहन्ना 12:50
यहन्ना 17:2
यहन्ना 17:3
प्रेरितां दे कम्म 13:46
प्रेरितां दे कम्म 13:48
रोमियो 2:7
रोमियो 5:21
रोमियो 6:22
रोमियो 6:23
रोमियो 16:25
रोमियो 16:26
2 कुरिन्थियों 4:17
2 कुरिन्थियों 4:18
2 कुरिन्थियों 5:1
गलातियों 6:8
2 थिस्सलुनीकियों 1:9
2 थिस्सलुनीकियों 2:16
1 तीमुथियुस 1:16
1 तीमुथियुस 6:12
1 तीमुथियुस 6:16
2 तीमुथियुस 1:9
2 तीमुथियुस 2:10
तीतुस 1:2
तीतुस 3:7
फिलेमोन 1:15
इब्रानिया 5:9
इब्रानिया 6:2
इब्रानिया 9:12
इब्रानिया 9:14
इब्रानिया 9:15
इब्रानिया 13:20
1 पतरस 5:10
2 पतरस 1:11
1 यहन्ना 1:2
1 यहन्ना 2:25
1 यहन्ना 3:15
1 यहन्ना 5:11
1 यहन्ना 5:13
1 यहन्ना 5:20
यहूदा 1:7
यहूदा 1:21
प्रकाशितवाक्य 14:6

eleēsē

रोमियो 11:32

Geenna

मत्ती 5:22
मत्ती 5:29
मत्ती 5:30
मत्ती 10:28
मत्ती 18:9
मत्ती 23:15
मत्ती 23:33
मरकुस 9:43

मरकुस 9:45
मरकुस 9:47
लुका 12:5
याकूब 3:6

Hadēs

मत्ती 11:23
मत्ती 16:18
लुका 10:15
लुका 16:23
प्रेरितां दे कम्म 2:27
प्रेरितां दे कम्म 2:31
1 कुरिन्थियों 15:55
प्रकाशितवाक्य 1:18
प्रकाशितवाक्य 6:8
प्रकाशितवाक्य 20:13
प्रकाशितवाक्य 20:14

Limnē Pyr

प्रकाशितवाक्य 19:20
प्रकाशितवाक्य 20:10
प्रकाशितवाक्य 20:14
प्रकाशितवाक्य 20:15
प्रकाशितवाक्य 21:8

Sheol

Genesis 37:35
Genesis 42:38
Genesis 44:29
Genesis 44:31
Numbers 16:30
Numbers 16:33
Deuteronomy 32:22
1 Samuel 2:6
2 Samuel 22:6
1 Kings 2:6
1 Kings 2:9
Job 7:9
Job 11:8
Job 14:13
Job 17:13
Job 17:16
Job 21:13
Job 24:19
Job 26:6
Psalms 6:5
Psalms 9:17
Psalms 16:10
Psalms 18:5
Psalms 30:3
Psalms 31:17
Psalms 49:14
Psalms 49:15
Psalms 55:15
Psalms 86:13
Psalms 88:3
Psalms 89:48


Psalms 116:3
Psalms 139:8
Psalms 141:7
Proverbs 1:12
Proverbs 5:5
Proverbs 7:27
Proverbs 9:18
Proverbs 15:11
Proverbs 15:24
Proverbs 23:14
Proverbs 27:20
Proverbs 30:16
Ecclesiastes 9:10
Song of Solomon 8:6
Isaiah 5:14
Isaiah 7:11
Isaiah 14:9
Isaiah 14:11
Isaiah 14:15
Isaiah 28:15
Isaiah 28:18
Isaiah 38:10
Isaiah 38:18
Isaiah 57:9
Ezekiel 31:15
Ezekiel 31:16
Ezekiel 31:17
Ezekiel 32:21
Ezekiel 32:27
Hosea 13:14
Amos 9:2
Jonah 2:2
Habakkuk 2:5

Tartaroō

2 पतरस 2:4


Questioned

None yet noted




भरसे दिया बजा ला ही अब्राहम नाए दे माणुए जो परमेवरे इक ऐसी जगा च जाणे ताई सदया जिसा जगा जो परमेव्वर बादे च उसयो विरास्त च देणेबाला था। कने सै ऐ नी जाणदा था की कुथयो चलया है,
पर फिर भी परमेव्वरे दा हुकम मन्नी करी सै उस देशे जो चली गया। - इब्रानिया 11:8


Israel's Exodus



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



मैं ऐ इस ताई बोलदा है क्योंकि मैं, माणुऐ दा पुत्र, इस संसारे च सारायां दी सेवा करणे ताई आया है, मै इस ताई नी आया कि लोकां ला अपणी सेवा करां।
मैं तां लोकां जो पापां ला छुटकारा करणे ताई अपने प्राण कीमत च देणा आया है। - मरकुस 10:45



ऐ चिह्नी पौलस दिया तर्फा ला है, जडा प्रभु यीशु मसीह दा सेवक है, कने परमेवरे उसयो प्रेरित होणे ताई चुणया है, कने परमेवरे दा श्भसमाचार दा प्रचार करणे ताई नियुक्त कितया है। - रोमियो 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

Jesus Christ born 4 B.C.

New Heavens and Earth



- 1956 Christ returns for his people
- 1956 Jim Elliot martyrd in Ecuador
- 1830 John Williams reaches Polynesia
- 1731 Zinzendorf leads Moravian mission
- 1614 Japanese kill 40,000 Christians
- 1572 Jesuits reach Mexico
- 1517 Martin Luther leads Reformation
- 1455 Gutenberg prints first Bible
- 1323 Franciscans reach Sumatra
- 1276 Ramon Llull trains missionaries
- 1100 Crusades tarnish the church
- 1054 The Great Schism
- 997 Adalbert martyrd in Prussia
- 864 Bulgarian Prince Boris converts
- 716 Boniface reaches Germany
- 635 Alopen reaches China
- 569 Longinus reaches Alodia / Sudan
- 432 Saint Patrick reaches Ireland
- 397 Carthage ratifies Bible Canon
- 341 Ulfilas reaches Goth / Romania
- 325 Niceae proclaims God is Trinity
- 250 Denis reaches Paris, France
- 197 Tertullian writes Christian literature
- 70 Titus destroys the Jewish Temple
- 61 Paul imprisoned in Rome, Italy
- 52 Thomas reaches Malabar, India
- 39 Peter reaches Gentile Cornelius
- 33 Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we? ▶			Genesis 1:26 - 2:3	
How are we sinful? ▶			Romans 5:12-19	
Where are we? ◀			Innocence	
			Eternity Past	Creation 4004 B.C.
Who are we? ▶	God	Father	John 10:30	Genesis 1:31 God's perfect fellowship with Adam in The Garden of Eden
		Son	God's perfect fellowship	
		Holy Spirit		
	Mankind	Living	Genesis 1:1 No Creation No people	Genesis 1:31 No Fall No unholy Angels
		Deceased believing		
		Deceased unbelieving		
	Angels	Holy	Genesis 1:1 No Creation No people	Genesis 1:31 No Fall No unholy Angels
		Imprisoned		
		Fugitive		
		First Beast		
		False Prophet		
		Satan		
Why are we? ▶			Romans 11:25-36, Ephesian 2:7	

Mankind is created in God's image, male and female He created us

Sin entered the world through Adam and then death through sin

When are we?



Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
John 8:58 Pre-incarnate	John 1:14 Incarnate	Luke 23:43 Paradise		
Psalm 139:7 Everywhere	John 14:17 Living in believers			
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				
			Revelation 20:13 Thalaasa	Matthew 25:41 Revelation 20:10
1 Peter 5:8, Revelation 12:10 Rebelling against Christ Accusing mankind			Revelation 19:20 Lake of Fire	Lake of Fire prepared for the Devil and his Angels
			Revelation 20:2 Abyss	

For God has bound all over to disobedience in order to show mercy to all

Destiny

भटियाली at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, *"You did not choose me, but I chose you,"* John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



World Nations

इस ताई तसां जाई करी साशिया जातियां दे लोकां जो चले बणा; कने उना जो पिता, पुत्र, कने पबित्र आत्सा दे नाए ने बपतिस्मा दीया। - मती 28:19

